


wĩn nìvìnì
tirlɛ



toussian du sud: wĩn nìvìnì tirlɛ New Testament

wĩn nìvùnì tirlɛ
toussian du sud: wĩn nìvùnì tirlɛ New Testament
Nouveau Testament en toussian

copyright © 2013 Wycliffe Bible Translators, Inc.

Language: Toussian, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files dated 29 Jan 2022
aaf2875e-90b5-5c14-b910-61579d3da2c7

Contents

Matye	1
Markı	60
Likiyi	97
Nsyõ	158
Tyipínì	206
Wrome tãn	268
Korẽnti tãn	294
Korẽnti tãn	320
Kalatu tãn	335
Yefesı tãn	345
Filipi	354
Kolosı	360
1 Tesaloniki tãn	366
2 Tesaloniki tãn	371
1 Timote	374
2 Timote	381
Titi	386
Filemo	389
Nsyaku	391
1 Nsyõ	398
2 Nsyõ	405
3 Nsyõ	406

Matye-á nìvìnì tir nê wãrkı Yesu tyí sòkò

Yesu Krista duku wìl-̀nsahlè

¹ Yesu Krista sùtó nàhkì yó ye lésò Davidilè, Davidi sùtó nàhkì yó me Abrahmıne. Yesu Krista mènè nàh tãn nónó-á ku sòkò, pé yni we yò:

² Abrahmı mènè, Yisakı sú ye. Yisakılè, Nsyakòbı sú ye. Nsyakòbilè, Nsyuda sú ye, òmò nê-á n ò òn pì sòkò yólè.*

³ Nsyudalè, Peresı ànê Nsera sú ye, té Tamar me pé yúnè. Peresılè, Yesrónı sú ye. Yesrónıne, Wramı sú ye.

⁴ Wramıne, Yaminadabı sú ye. Yaminadabilè, Nasò sú ye. Nasòne, Salma sú ye.

⁵ Salmalè, Bowası sú ye, té Bowası yú me Wrahbilè. Bowasılè, Wòbedı sú ye, té Wòbedı yú me Wrutilè. Wòbedılè, Nsyese sú ye.

⁶ Nsyesele, yòtè dí Davidi sú ye. Yòtè dí Davidilè, Salomo sú ye, té Salomo yúnè, Yuri lékókè kyı ye lésò.

⁷ Salomolè, Wroboyam sú ye. Wroboyamne, Abya sú ye. Abyalè, Asafı sú ye.

⁸ Asafılè, Nsyosafatı sú ye. Nsyosafatılè, Nsyoram sú ye. Nsyoramne, Wosyası sú ye.

⁹ Wosyasılè, Yotam sú ye. Yotamne, Asyası sú ye. Asyasılè, Yesekyası sú ye.

¹⁰ Yesekyasılè, Manası sú ye. Manasılè, Amo sú ye. Amolè, Nsyosyası sú ye.

¹¹ Nsyosyasılè, Yekonya sú ye, òmò nê-á n ò òn pì sòkò yólè. Té légbı ye sò pé me Yisrayel no kyı mò à pé tẽ sòkò Babilónı yamana sòkò.†

¹² Képah nàh, Salatyelı dubi, òmò nê-á Yekonya píđıne. Salatyelılè, Nsorobabelı sú ye.

¹³ Nsorobabelılè, Abiyudi sú ye. Abiyudilè, Yelyakimi sú ye. Yelyakimine, Asorı sú ye.

¹⁴ Asorılè, Sadokı sú ye. Sadokılè, Asyimi sú ye. Asyimine, Yeliyudi sú ye.

¹⁵ Yeliyudilè, Yeleyasar sú ye. Yeleyasarılè, Matã sú ye. Matãne, Nsyakòbı sú ye.

¹⁶ Nsyakòbilè, Nsyosefu sú ye, nê-á Mari pelè. Mari mènè ye sò dubi Yesule, nê-á pé n ye Kristalè, Liyel ney yáhntòkònlè.

¹⁷ Kòkò kòkò nónó pól-á we sòkò, sè we yò: À tòkò Abrahmı gbı tyí, pópó à pò syı Davidi gbı tyí, kòkò kòkò gbònyáh ye we sòkò. À tòkò Davidi gbı tyí, à pò syı Yisrayel no tẽnsòkòny tyí Babilónı yamana sòkò, kòkò kòkò gbònyáh ye tò we sòkò. Té à tò tòkò Yisrayel no tẽnsòkòny tyí Babilónı yamana sòkò à pò syı Krista gbı tyí, kòkò kòkò gbònyáh ye we sòkò.

Yesu Krista dubi dùkùlè

¹⁸ Yesu Krista dubi dùkù we yò: N yú Mari sò me gbínólè Nsyosefu tyí. Nte pèkì nàh sò we yah pé wró, té kè pò we Mari me kùrkılè Liyel Mirki gbò yò.

* **1:2** 1.2 - Nsyakòbı òn pì ye Yisrayel no yìkìni gbòninó súbılè. Yah n te Yenesı 46.8-21. † **1:11** 1.11 - Yah n te 2 Yòtãm 24.12-16.

19 Té ò pɛ Nsyosefulɛ, nɛgbí yɛ sò ònɛ. A náh sò mɛ ké tyí nɛ pé Mari yĩn yɪkɪ névye yí yah. Képah yɛ à kè yah tɔkɔ nɛ, páh kɪ à yahle sètĩn sò sɔkɔ.

20 Wáh mɛ képah sɔnɔ sɔkɔ, Tě òngbě Liyel yĩnyõ tɔnpi yó pɔ wil ò yah dɛkí sɔkɔ, té yo ò tyí nɛ: «Davidi pídí Nsyosefu, káh tíkí pi á kyɪ Mari fúrnóle. Á náh wɛ di, Liyel Mirki gbò yõ yɛ à tɔkɔ kúrki mènɛ.

21 A kɪ pídí dubi nê-á kɪ ò no pwah n mɔ n pi pé tyípɛl sɔkɔ. Képah yɛ, á kɪ ò yĩn sah Yesulɛ.»‡

22 Tě òngbě Liyel-á lésõ ò tɛntò syĩnyo-ò kɔ à tyi nónó yo sah, sépi wil yĩn yɛ tyi nópi pól kɔ sè pi. A lésõ nɛ nkě:

23 «Yah, dí pí-ńkě sê kɪ kúrki tɔkɔ. A kɪ dínpir yó dubi, té ò yĩn kɪ sah Yemanuwɛlɛ, nê kór-á: Liyel mɛ ápile.»§

24 Nsyosefu-á pɔ dɔ yuku, Tě òngbě Liyel yĩnyõ tɔnpi-á tyi nónó yo ò tyí, à sè pi. A ò kyɪ Mari fur.

25 Ntɛ pèkì náh wɛ yah pé wró, fóó Mari syi pɔ pídí mɛ dubi, té Nsyosefu mɛ ò yĩn sah Yesulɛ.

2

Nwɔ̀ kèpye sɔkɔ tyi pnèpu kyínyahnɔlɛ Yesu tyí

1 Yesu dubi Betlemɪ kwil sɔkɔ, Nsyude sétáh yõ, gbí nê-á lésõ yòtõrí mɛ yòtě dí Yerɔdɪ gbò. Yesu-á dubi sɛ, ńwɔ̀ kèpye sɔkɔ tyi pnèpu mɛ wil gbɛngbokele, à pɔ Yerusalemɪ kwil sɔkɔ,

2 té mɛ píkinyahnɔ pi nɛ nkě: «Nsyifunɔ yòtě dí nê-á dubi, à mɛ nyáh sɔkɔ? Api mɛ gbɛngbokele té ò ńwɔ̀ kèpil wɛ kè wil. Képah yɛ á nɛ á pɔ gbilkínó sah ò yõ.»

3 Yòtě dí Yerɔdɪ-á képah tɛ noh sɛ, kè ò fɔkɔ fɛkɪ ànê Yerusalemɪ tãn pólle.

4 Káh pi sɛ, à mɛ sárká syínwilkɪpu yòtãm ànê Liyel tyi kònsàhnó kwópú pól yɛ tuke, té pè piki yah nɛ nkě, nyáh sɔkɔ se Liyel nɛy yáhntɔkɔnɔ yĩnɛ à pɔ dubi nɪ?

5 Pè mɛ yo ò tyí nɛ: «Betlemɪ sɔkɔ yɛ, Nsyude sétáh yõ. Á náh wɛ di, Liyel lésõ ò tɛntò syĩnyo-ò kɔ à kè wãrkɪ sah nɛ nkě:

6 «Áwɔ̀ Betlemɪ kwil nê-á Nsyude sétáh yõ, á náh mɛ fórwɔ̀ Nsyude sétáh yõ kwlo òngbɔnɔ sɔkɔ dé. Yah, névye yah tɛ-ò yó kɪ pɔ n dubi n pi á sɔkɔ, nê-á kɪ ńmɔ no Yisrayel tɛnó ple n pi.»*

7 Képah tɛnɛ, Yerɔdɪ mɛ ńwɔ̀ kèpye sɔkɔ tyi pnèpu wòbɪ yɛ à pɔ pè piki yah pí, gbí nê tótó-á pè wɛ ńwɔ̀ kèpil mènɛ.

8 Képah náh, à pè tekɪ mɔ Betlemɪ sɔkɔ, té yo pé tyí nɛ, páh kɪ kyɪ, pè píkinyahnɔ pi pallɛ piri mɛ tyí sɔkɔ, páh kɪ à wɛ, pè pɔ kè yo pé tyí, péwɔ̀ tɔ kɔ pé kyɪ gbilkínó sah ò yõ.

9 Yòtě dí Yerɔdɪ-á welɔ nópi yo tɛ pé tyí, pè mɛ wɛkì tɛ. Páh wɛkì tɛ, ńwɔ̀ kèpil nê-á sò pè wɛ té mɛ gbɛngbokele, pè tɔ kè wɛ pé yah tĩnnɛ kè n yuku péle, pópó à kyɪ yĩn piri mé-ńsah yòtah sírr sɔkɔ.

10 Nwɔ̀ kèpil mɛ tɔnwɛnɔlɛ, kè pé nɪ kah vɪ.

‡ 1:21 1.21 - Wáh noh páh nɛ Yesu-á, ké kór yɛ pwáhnɔ-òlɛ. § 1:23 1.23 - Yah n tɛ Yesayi 7.14.

* 2:6 2.6 - Yah n tɛ Mise 5.1.

11 Pè me de gbô, té piri we ànê n yú Marile. Képah tēne, pè pé gbètukuno di piri mè yah à gbílkinó sah n yô, té pé vyó yey yiki mo à sán, ànê wòkò yô yô kwáh pân pènèkì yó, ànê làsèkwèl pân pènèkì yó wilki sé sòkò, à pèpòrì pì piri tyí.

12 Képah náh, Liyel gbáhdýáh yó di pé tyí dèkí sòkò ne, pè káh pé syi yuku Yeròdì tìnne. Káh pì sě, pè me wěkì káhkí yó tē, à pé syi sòkò pé kwil sòkò.

Nsyosefu ànê n no tónsòkònlé Yesyipti yamana sòkò

13 Nwǒ kèpye sòkò tyi pnèpu-á pé syi sòkò, Tě nǵbě Liyel yínyô tònpi yó me wil Nsyosefu yah dèkí sòkò, té yo n tyí ne: «Yõtě dí Yeròdì kì piri mè soh n kǒ n pì núkúnúkú n ko n mo n yinne. Képah ye, yuku piri mè tē ànê n yúne, n to n sòkò péle Yesyipti yamana sòkò, n kyì n tē nénpó, pópó kì pò n nò n yónmònlé tyí á tyí.»

14 Képah tēne, Nsyosefu me yuku kéne lékâhne, à piri ànê n yú tē pè sòkò Yesyipti yamana sòkò.

15 Pè kyì tē nénpó, pópó Yeròdì syi pò ku. Káh pì sě, Tě nǵbě Liyel-á lésô n tēntò syínyo-ò kǒ à nê yo sah ne: «Mé n Pídí ye yal Yesyipti yamana sòkò.»† kè kì wil.

Betlemì wěnpì yrǒ kònmmònlé

16 Yeròdì-á pò pì ne nǵwǒ kèpye sòkò tyi pnèpu-á pé vi tē, n fòkò kah vyāh. Té wāh lésô nǵwǒ kèpil mè wil gbí we noh sòkò te nǵwǒ kèpye sòkò tyi pnèpu tyí sě, à núkú ne pè kyì Betlemì kwil ànê ké gbòplò kwlò wěnpì pól ko mo, nónó-á pè náh kah ye nínó nínóle.

17 Képah sòkò, Liyel tēntò syínyo-ò Nsyeremi-á lésô nê yo sah, kè wil. A lésô ne nǵkě:

18 «Yǐnpǒ yó me n dòkò Wrama kwil sòkò, nê-á pò gbónó ànê yām yām tyi kàhnpinóle.

Arasyılı ye n gbo n wěnpì yinne.

Pè ye yah kwlò, képah ye à náh me fàlnó tyí.»‡

Nsyosefu ànê n no kyíntěnlé Nasaretì kwil

19 Yeròdì kúntenò náh, Tě nǵbě Liyel yínyô tònpi yó wil Nsyosefu yah dèkí sòkò Yesyipti yamana,

20 té yo n tyí ne: «Nónó-á sò n yah n kǒ piri mè kònmo-ńsahle, pè ku te. Képah ye, yuku piri ànê n yú tē n sòkò Yisrayel sétáh yô.»

21 Képah sòkò, Nsyosefu me yuku piri ànê n yú tē pè sòkò Yisrayel sétáh yô.

22 Té wāh pò noh ne Arsyulawusi-á tókò Nsyude mara yòtǒrìle n sú Yeròdì swò, tiki à tē kyínóle nénpó. Nte Tě nǵbě me yo mo n tyí dèkí sòkò. Képah sòkò, à me sòkò Kalile mara sòkò,§

23 à kyì tē ké kwil yó sòkò, nê-á pè n ye Nasaretile. Tě nǵbě Liyel-á lésô n tēntò syínyopu kǒ pè tir nê yo sah, képah wil yin ye tir mè kǒ kè pì. Pè lésô ne nǵkě: «À kì n ye Nasaretì neyne.»

† 2:15 2.15 - Yah n te Wose 11.1. ‡ 2:18 2.18 - Yah n te Nsyeremi 31.15. § 2:22 2.22 - Nsyude mara ànê Kalile mara sò me Yisrayel sétáh yô.

3

Wèlnwìlkì-ò Nsyõ me Liyel weyne n yo

¹ Légbíne, Wèlnwìlkì-ò Nsyõ pɔ Nsyude mara gběnni sɔkɔ, à pɔ tyah Liyel weyne n yo.

² A sò me yo tũ ne: «Yé yé tyípèl pínó yal mɔ. Yé náh we di, Liyel tǔrí me yĩni tẽ te.»

³ Liyel tǔntò syínyo-ò Yesayi-á lésò nê yo sah ne nkê: «Nnî yó yínpǔ me n dɔkɔ gběnni sɔkɔ ne nkê: <Yé Tẽ ngbẽ wěkì tǔ sah. Yé n sókó-ńtân pɔ tómtóm.» Nsyõ yínpǔ tyí ye lésò à n yo.

⁴ Yàhmíkì yè fwòmɔnɔ ye sò Nsyõ wil, té à me n syĩ tẽ sêl kǔle. Sègblo ànê syĩrɔ ye sò n yǔkele.

⁵ Képah tǔne, Yerusalemɔ kwil tǎn, ànê Nsyude mara pól névye, ànê Nsyurdě yo gběnyah pól névye sò me n wil n pɔ n tyí.

⁶ Pè sò me pé tyípèl pínóle n yo n pɔ no pól yí yah, té Nsyõ me péle n wel n wilki Nsyurdě yo sɔkɔ.

⁷ Képah sɔkɔ, Nsyõ-á kè we Farisi wěkì kópú ànê Sadusi wěkì kópú náhnáh me n pɔ n pɔ à kǔ à péle n wel n wilki sě, à me yo pé tyí ne, wáhnmiró dukù nǔpi! Nê se kwɔ péle ne pǎh kɔ fě to pwah Liyel fòkònyǎhnì yah, nê-á n pi nɔ?

⁸ Pè tyípeplɔle n pɔ, nónó-á n wěkì n pi ne pǎh pé tyípèl pínó yal mɔ.

⁹ Té pé káh we ne pǎh kɔ n sǔ pé fòkɔnɔ sɔkɔ ne Abrahami-á pé súle, képah-á kɔ yĩne dé. Páh kéle n yo pé tyí, dyèh nónó-á yò, Liyel-á kɔ fě sè vi mɔ pɔ Abrahami pyele.

¹⁰ Té man ńtẽ-á me yáhnshntenɔle sésân fě yĩnne sé sémín sɔkɔ. Séswô nê-à n syí-ńkêne pye pèplɔle, kǎh kɔ ko min dah mɔ nyàh sɔkɔ.

¹¹ Péwɔ tẽ wɔ-á péle n wel n wilki ni sɔkɔ, nê-á kɔ kè wěkì ne pǎh pé tyípèl pínó yal mɔ. Nte névi nê-á kɔ n pɔ n pi péwɔ náhle, tẽ wɔ tǔnwɛnɔ-á kal péwɔ tyíle. Páh fórwɔ kah n lékyèh ńtẽ dénóle. Tẽ wɔ-á kɔ pɔ pé wel wilki Liyel Mirki ànê nyàh sɔkɔ.*

¹² N sèmukɔ fwo fwo kwâh-á me n gbò. Wǎh kɔ n tǎh tǔ sah, kɔ n sèmuko fwo, té kɔ ké pórí kwel mɔ dúkúrí sɔkɔ. Nte sé yésyî wɔle, wǎh kɔ sépi suke ní-ńkê nyàh sɔkɔ.

Yesu wèlnwìlkìnóle ni sɔkɔ

¹³ Képah tǔne, Yesu wil Kalile mara sɔkɔ à pɔ Nsyõ tyí Nsyurdě yóngbalɔ sɔkɔ, ne pé pɔ à kǔ à pé wel wilki ni sɔkɔ.

¹⁴ Nte Nsyõ me yahle té ne, péwɔ-á yĩne pé pɔ n mɔ kǔ à pé wel wilki ni sɔkɔ, té n mɔ pyè pɔ péwɔ tyí nɔ?

¹⁵ Nte Yesu me yo n tyí ne: «Ye kè pɔ sě ǎtre. Á náh we di, ké yah ye Liyel-á nê yah kǔ, ápi kè pɔ.» Wǎh képah yo sě, Nsyõ me fě syi.

¹⁶ Yesu wèlnwìlkintɛnɔ n̄sǔ, à wil ni sɔkɔ. Nénpó swɔ yínyò yɔkɔ mɔ, té à me Liyel Mirki we kè me n tiki n pi kèpíkííkí tyí kǔle, à pɔ tẽ n yǔ.

¹⁷ Képah sɔkɔ, yínpǔ yó núkú n wil yínyò ne nkê: «N mɔ n̄dè Pídí ye yò. N mɔ ye n̄ n̄v̄n̄n̄ yǔle.»

4

Sétàn yòtẽ-á Yesu tǔ mɔ yah dukù nêne

* 3:11 3.11 - Yah n te Tyípinì 2.1-13.

¹ Képah náh, Liyel Mirki Yesu tẽ yuku gběnni sɔkɔ ne sétàn yòtẽ à we tɔ mɔ yah nénpó.

² Wǎh sèpìn tikinini ànê lékâhlónó tikinini pi yòke yó-ńkěne, kweki à tẽ.

³ Képah sɔkɔ, sétàn yòtẽ nê-á tǔnmɔ-òle, òmɔ me nɔ de Yesule té yo ò tyí ne, òmɔ-à kɪ nê Liyel Pídine, à yo dyêh nópi tyí sè vi mɔ pi yòkele.

⁴ Yesu me yo ò tyí ne: «Kè me wárkínsàhnóle Liyel wey sébéy sɔkɔ ne ńkě: <Yòke ó náh n pu névile dé. Nte welo nónó-á n wil Liyel vyǎh, sépi ye pyě n pu névile.>»*

⁵ Képah náh, sétàn yòtẽ yuku ònne Yerusalemi kwil, à kyɪ à sah Liyel ní-ńsah gbô yòtah†

⁶ té me yo ò tyí ne, òmɔ-à kɪ nê Liyel Pídine, à yɔkɔ n tiki sétáh. A kó we ni, kǎh me wárkínsàhnóle Liyel wey sébéy sɔkɔ ne ńkě, òmɔ yinne, Liyel-á kɪ ò yinyó tǔnpɪbi kɔ sè kɪ à swah syi sé gbǎn sɔkɔ, ò gbáhkì kɔ kè náh n mɪ n pi dáhkì tyí.‡

⁷ Képah sɔkɔ, Yesu me yo ò tyí ne: «Kè me wárkínsàhnó tɔle ne: <Káh á Tẽ ògbě Liyelle n mɔ n yah.>»§

⁸ Képah náh, sétàn yòtẽ tɔ sɔkɔ ònne yòli kèyy yó yó, à kyɪ kèkòyó tǔrí pólle à wěki ànê ké tahrile,

⁹ té yo ò tyí ne, wǎh kɪ ò gbètukunɔ di péwɔ yah à pé gbilki, páh kɪ sé pólle à kɔ.

¹⁰ Képah tẽne, Yesu yo ò tyí ne: «Yal ní tnô, sétàn yòtẽ! Kè me wárkínsàhnóle Liyel wey sébéy sɔkɔ ne: <Á Tẽ ògbě Liyelle n gbilki, ò té ne n sah òmɔ ó tyí yó.>»*

¹¹ Képah sɔkɔ, sétàn yòtẽ me yal ò tnô. Yinyó tǔnpɪbi me pɔ ò tnô, à pɔ n yah n dah n mɔ ò tyí sɔkɔ.

Yesu tǔ tyàhnóle Kalile mara sɔkɔ

¹² Pè lésó Wèlnwìkì-ò Nsyó dah mɔ wòkònpèkè sɔkɔ.† Yesu-á kè noh gbí nêne, à ò syi sɔkɔ Kalile mara sɔkɔ.

¹³ Té à náh tẽ Nasaretu kwil sɔkɔ. A sò me kyɪ tẽ Kalile yó-ògbě gbòpɔ kwil yó sɔkɔ pè n ye Kapernayumine, Nsabuló yìkì ànê Nefutali yìkì névyè sétáh yó.

¹⁴ Kè ye pi sě, nê-á kɪ Liyel tǔntò syinyo-ò Yesayi tir yónsàhnó mè kɔ kè kɪ wil. Á lésó ne ńkě:

¹⁵ «Nsabuló yìkì ànê Nefutali yìkì névyè nónó-á me wěkì gbòpɔ nê-á sɔkɔ yó-ògbě tnô, ànê pé nónó-á me Nsyurdě yónkahnine, à tahlì pé Kalile mara tǎn tyí nónó-á pé tókù náh pi Nsyifunole,

¹⁶ pépi nónó-á sò me fěntú sɔkɔ, pé kyò ògbě yó we. Pépi nónó-á sò me fěntú sɔkɔ kú tíkile pé sɔkɔ, kyò yó me we pé tyí.»‡

¹⁷ Té à tɔkɔ gbí nê-á sò Yesu me Kapernayumi sɔkɔ, à tyah Liyel weyne n yo, me yo tũ ne: «Yé yé tyípèl pínó yal mɔ. Yé náh we di, Liyel tǔrí me yini tẽ te.»

* **4:4** 4.4 - Yah n te Tǔnyonɔ 8.3. † **4:5** 4.5 - Liyel ní-ńsah gbô yòtah nê tyí-á n yo ásó sɔkɔ yò, ké kolo kah métérnó gbǎmne. ‡ **4:6** 4.6 - Yah n te Gbálnó 91.11-12. § **4:7** 4.7 - Yah n te Tǔnyonɔ 6.16. * **4:10** 4.10 - Yah n te Tǔnyonɔ 6.13. † **4:12** 4.12 - Yah n te Matye 14.1-12; Marki 6.17-18; Likyi 9.7-9. ‡ **4:16** 4.16 Yah n te Yesayi 8.23 - 9.1

Yesu tò sáhpú négbrole

¹⁸ Yesu sò me n ko Kalile yó-̀ngbẽ gbòpɔ sɔkɔ, té díbí népí ní mí wɛ. Simo nê-á pè yĩn dyi à kɔ Pyerule, ñmɔ ye sò ànê ñ gbẽndí Andrele. Pè sò me yẽnkɔ tẽ tẽ mnɔle n min yɔ sɔkɔ. Yẽnkɔ tẽpú ye sò péle.

¹⁹ Yesu me yɔ pé tyí ne: «Yé ní sò tẽ. Mé kɪ yé pɪ névye tẽnpɔpule Liyel tyí.»

²⁰ Nénpó swɔ, pè núkú pé yẽnkɔ tẽ tẽ mnɔ sah té ñ sò tẽ.

²¹ Wáh tɔ yuku yahle kwéy, à díbí népí ní mí yísyó wɛ. Nsyakɪ ànê Nsyɔ ye sò, pépi nónó-á Nsebede dínpìle. Pè sò me ànê pé sú Nsebedele krótókè sɔkɔ, me pé yẽnkɔ tẽ tẽ mnɔle n tɔ n sah. Yesu me pé ye yah.

²² Nénpó swɔ, pè núkú yal krótókè ànê pé sú tnô, té ñ sò tẽ.

Yesu névye kwónó ànê yámpú dénmonɔle

²³ Yesu sò me Kalile mara pólle n ko n kɔ, me nolɛ n kwɔ Nsyifunɔ Liyel ní-ńtán vɪ sɔkɔ, me Nìvìnì tirlɛ n yɔ Liyel tɔ́rí tyí yô, té me yámpú pól ànê néfukuló pólle n de n mɔ.

²⁴ Káh pɪ sɛ, Yesu yĩn wil Siri yamana pól sɔkɔ. No me tyah n pɔ n pɔ yámpú pólle ñ tyí, nónó-á sò me kwónó sɔkɔ yam ànê yèvyáhri duke duke pól sɔkɔ, ànê sétán-á sò me nónó sɔkɔ, ànê ñdyìkìnpiɔle, ànê wil kúnó névyele, Yesu pé pól de mɔ.

²⁵ Képah tẽne, tówú ñgbẽ Yesu sò tẽ. Pé tókù sò wil Kalile mara sɔkɔ, tókù wil Dekapoli mara sɔkɔ, tókù wil Yerusalemɪ kwil, tókù wil Nsyude mara sɔkɔ, tókù me wil Nsyurdẽ yónkahnɛ.

5

Yesu-á kwónó nónó pɪ yõli yô.

¹ Yesu-á tówú wɛ sɛ, à dɔkɔ yuku yõli yô. Wáh kɔ tẽ, ñ tò sáhpú me no de ñ tnô.

² Képah sɔkɔ, à me tyah péle n kwɔ ne ñkɛ:

Névye nónó-á me nɔli sɔkɔ

³ «Nónó-á pɪ ne Liyel yétô-á me pé tẽ, pépi tyí nɔ. Pè kɪ Liyel tɔ́rí nɔli yô n pi.

⁴ Nónó-á me gbní sɔkɔ, pépi tyí nɔ. Liyel kɪ pé yéfi kele n pi.

⁵ Gblɔy tíkínmonɔ-á me nónó sɔkɔ, pépi tyí nɔ. Sétáh kɪ pɔ n pɪ n pi pépi tyíle.*

⁶ Gbɪ wɛkì kóló dékè-á me nónó sɔkɔ, á kɪ ne kwɛkɪ ànê níki sɔ tẽ péle, pépi tyí nɔ. Páh nêne n yah n kɔ, pè kɪ kè wɛ n dal n mɔ n pi.

⁷ Nónó-á névye yámne n yah, pépi tyí nɔ. Liyel kɪ pé tɔ yám yah n pi.

⁸ Nónó nno-á me yályál Liyel yah, pépi tyí nɔ. Pè kɪ Liyel wɛ n pi yĩne.

⁹ Nónó gbò yô-á yèvinɪ n wɛ, pépi tyí nɔ. Pè kɪ n ye n pi Liyel wẽnpìle.

¹⁰ Nónó-á me fõhnóle n wɛ pé négblo pínó yĩnne Liyel yah, pépi tyí nɔ. Pè kɪ Liyel tɔ́rí nɔli yô n pi.

¹¹ Névye-à yéle n gbyɔ gbí nêne, té yéle n fõh, té yé tyíle n yo n ko à mìnì duke duke pólle n sah yé yô ñmɔ yĩnne, yépi tyí nɔ.

* 5:5 5.5 - Yah n te Gbálnó 37.11.

12 Sě ye lésõ pè fõh Liyel tẽntõ syínyopule nónó-á yé dyàh tẽ pɔ sɔkɔ. Yé kɪ ké yõre ñgbě wɛ n pi yĩnyõ sɔkɔ. Képah ye, yé nɛ n mɛ nìvìnì ñgbě sɔkɔ yèsyìkì tẽnɛ.

Yesu-á kwónó nêne ñ tò sáhpú kǒ pne ànê kyòo tyí yõ

13 Yépi ye n nɔ kèkõyóíe, sǎ-á pne pãnne n nɔ. Nte pne dëndên-à wal ké sɔkɔ, sǎ mɛ kè kɪ tǒ fẽ pɪ dëndên? Kè náh tǒ fẽ tir yó pekɪ n pi, à wil mĩlkinó tyí sɔkɔ kégbó, té névye kɪ n kɔ n sɔkɔ ké yõ.

14 Yépi ye kèkõyó kyòole. Kwil nê-à mɛ mónóle yõli yõ, kè náh fẽ n wõbɪ n pi dò.

15 Pè náh fòtnòle n soh té dúle n kwĩnki n mɔ ké yah. Pě kè sah fòtnò sahki sɔkɔ, kè kǒ kè n pi kyòole wòkò sɔkɔ névye pól tyí.

16 Sě ye yé yĩne yè pɪ kyòole névye tyí, pè kǒ pè yé tyípeplo pínó wɛ, pè mó yé Súle n gbilki, nê-á mɛ yĩnyõ sɔkɔ.

Yesu-á kwónó nêne ñ tò sáhpú kǒ tyi kǒnsàhnó tyí yõ

17 Yé káh wɛ nɛ ñmɔ-á pɔ tyi kǒnsàhnó duku kò-ñsah, képah náh pɪ Liyel tẽntõ syínyopu-á kwónó nónó kǒ, sépi duku kò-ñsah dé. Mé náh pɔ sé duku kò-ñsah, ñte mé pɔ sé tyi píndalnmɔ-ñsah.

18 Kègbɪ yõ mé kéle n yo yé tyí, yĩnyõ ànê sétáh tẽ-à fyò mɛ, kwáh tyĩ yó, képah náh pɪ kwáhkýĩrí yó ñtẽ náh n wilki n pi tyi kǒnsàhnó sɔkɔ, fóó kɪ pɔ syɪ ké sɔkɔ tyi pól pínteno tyí.

19 Képah ye, névi nê-à n sàh-ñkẽne tyi kǒnsàhnó sɔkɔ tir kyĩrí fyé yõ, té no téló tɔ yõ yɪkɪ mɔ sɛntẽ pínó sɔkɔ, tẽ kɪ fórɔɔ kal Liyel tǒrí nɔli yórpú pólle. Nte névi nê wɔ-à n sah sé sɔkɔ tyíyónó yõ, té séle nole n kwɔ, tẽ wɔ kɪ yĩn-ñsah ñgbě wɛ Liyel tǒrí nɔli yó-ñsah sɔkɔ.

20 Mé kéle n yo yé tyí, yáh kɪ pí-ñkẽne gbɪ wèkì kópúle Liyel yah à kal Liyel tyi kǒnsàhnó kwópú ànê Farisi wèkì kópúle, yé náh Liyel tǒrí nɔli yõ n pi.

Yesu-á kwónó nêne ñ tò sáhpú kǒ fǎkònyàhni tyí yõ

21 Yé kè noh sɔkɔ nɛ káh yo á náh tǎn tyí nɛ, nɛy káh nékókè mɔ. Névi nê-à nékókè mɔ, tẽ-á yĩne tükènoíle.

22 Nte ñmɔ wɔ kéle n yo yé tyí nɛ, névi nê-à n fɔkɔ vyáh ñ ní-òle, tẽ-á yĩne tükènoíle. Nê-à ñ ní-ò ye Néwôíle, tẽ-á yĩne tükènoíle tukey tükèpu tĩnkì tyí. Té nê-à à ye Vínpile, tẽ wɔ-á yĩne dáhnmonole ní-ñkẽ nyàhnpèkè sɔkɔ.

23 Wáh pɔ á yĩ n kǒ kǒ kwáhle Liyel kǒ-ñsah, té á dyɔ to kǒ nénpó sɔkɔ nɛ wáh pɪ de á ní-ò yó tyí,

24 á yĩ n kǒ kǒ kwáh sah nénpó, ñ té n kyɪ á wró tǒ n sah á ní-ò mènɛ, ñ té n pyè n pɔ kéle Liyel kǒ.

25 Tir yó kénkǒ-à mɛ yé wró ànê ñnî yóíle, té à kyɪ ñ ye tukey tükè-ò tyí, gbah n tẽ ké yah wah yé yĩnintẽ-ñkẽ sɔkɔ nénpó. Képah-à pí-ñkẽne, à kɪ kyɪ ále tukey tükè-ò tyí nɛ à ké yah wah, tukey tükè-ò mè kɪ kyɪ ále sràsyíbì kǒ, té pépi kɪ mó ñ dah mɔ wòkònpèkè sɔkɔ.

26 Kègbɪ yõ mé kéle n yo á tyí, á náh n wil n pi nénpó, né á náh kǒli mè pól dyah tɛ pnépné.

Yesu-á kwónó nêne ñ tò sáhpú kǒ fǎfíkì tyí yõ

27 Yé kè noh sɔkɔ ne kǎh me yónóle ne: «Káh fɔ́fíkùle n pi.»†

28 Nte nímɔ kéle n yo yé tyí ne, névi nê-à sê yó yah, té yí wil n tyí, tǔ-á fɔ́fíkù pi te òne n ni sɔkɔ.

29 A gbòyò sò yí-à kɪ nê n dah n mɔ n pi tyí pékè pínó sɔkɔ, kè gbahlɪ n wilki n milki ále fíí. A tékínóle á wil gběnsê fí núkú sɔkɔ, képah kɪ fónfó kal á wil pól mínndahnmonɔ yò ní-ńkě nyàhnpèkè sɔkɔ.

30 A gbòyò sò gbò-à kɪ nê n dah n mɔ n pi tyí pékè pínó sɔkɔ, kè kām n milki ále fíí. A tékínóle á wil gběnsê fí núkú sɔkɔ, képah kɪ fónfó kal á wil pól kyíndenɔ yò ní-ńkě nyàhnpèkè sɔkɔ.

Yesu-á kwónó nêne n tò sǎhpú kǔ fúr yíkínó tyí yò

31 Kè me yónó tole ne, névi nê-à n kyile n fin n mɔ, tǔ-á yĩne à n finnmɔnɔ tǎrfyò sébéy pi à kǔ.‡

32 Nte nímɔ tǔ wɔ kéle n yo yé tyí ne, névi nê-à n kyɪ fin mɔ né fɔ́fíkù tǔ tyí yò nǎh, tǔ-á me òne n mɔ fɔ́fíkù pínó wěkù yò. Névi nê to-à mó sê finnmɔnɔ toko, fɔ́fíkù-á tǔ n pi.

Yesu-á kwónó nêne n tò sǎhpú kǔ gblǔy wónó tyí yò

33 Yé kè noh sɔkɔ tole ne kǎh yo á nǎh tǎn tyí ne: «Káh ále n wo mìnɪ tyi sɔkɔ. Wáh á wo tir nê sɔkɔ Tǔ nǔgbě yah, á yĩne n kè pi.»

34 Nte nímɔ tǔ wɔ kéle n yo yé tyí ne, yé káh yéle n wo pólle. Yé káh yéle n wo yínyòle. Liyel tǔrí kǔ ye kéle, képah ye yé káh yéle n wo kéle.

35 Yé káh yéle n wo sétáhle. Liyel gbyěh súnsàh-nsah kǔ ye kéle, képah ye yé káh yéle n wo kéle. Yé káh yéle n wo Yerusalemɪne. Yòtǔ nǔgbě Liyel kwil ye kéle, képah ye yé káh yéle n wo kéle.

36 Káh ále n wo á yòle. A nǎh fě á yòyén pó núkú nǔtǔ fyé piki, képah nǎh pi à kè silki n pi, képah ye káh ále n wo kéle.

37 Káh àwele, yo ne àwe-á. Káh ǔòle, yo ne ǔò-á. Té wáh nê yo dohnɪ sépi yò, pèkè pí-ò tò vyǎh ye.

Yesu-á kwónó nêne n tò sǎhpú kǔ pèkè dyáhnó tyí yò

38 Yé kè noh sɔkɔ ne kǎh me yónóle ne: «Wáh yí sɔ, á yí kɪ sɔ. Wáh yín dal, á yín kɪ dal.»§

39 Nte nímɔ kéle n yo yé tyí ne, névi-à tyítúkù pi yé tyí, yé káh ne yáh ké wóle n de. Té névi-à á gbòyò sò létáh mɪ, ké ní-ò to vi n mɔ à kǔ.

40 Névi-à me ké tyí ne pé n ye tukey tükèpu tyí á fwòmònpír syi yinne, á fwòmò-nǔgbě tole tǔ kǔ.

41 Névi-à n kyí mɔ ne á kiló núkú kɔ péle, kilónó nínó kɔ tǔne.

42 Névi nê-à ni á tyí, yí tǔ kǔ. Nê-à ne pé deki syi á tyí, káh n yahle.

Yesu-á kwónó nêne n tò sǎhpú kǔ à yuku sépébi tyí-á yĩne kè nɔ pé tyí sǔ

43 Yé kè noh sɔkɔ ne kǎh me yónóle ne, á ní-ò tyí-á yĩne kè nɔ á tyí,* á mó á sépe dyole n yo.

44 Nte nímɔ kéle n yo yé tyí ne, yé ye yé sépébi tyí nɔ yé tyí, yé mó Liyelle n ni yé fǔhpú tyí.

† 5:27 5.27 - Yah n te Yálnó 20.14; Tǔnyonɔ 5.18. ‡ 5:31 5.31 - Yah n te Tǔnyonɔ 24.1. § 5:38 5.38 - Yah n te Yálnó 21.22-25. * 5:43 5.43 - Yah n te Levitiki 19.18.

⁴⁵ Yâh képahle n pi, yé Sú Liyel nê-á yînyõ soko, yé me kéle n wêki ne ñmɔ wɛnpi-á yéle. Ñmɔ ye n se n gbîne népêl ànê népêplo tyí, té pũne n pi n mɔ négblo ànê nétúkúni tyí.

⁴⁶ Té yépi tyí-á nɔ nónó tyí, pépi ó tyí-à nɔ yé tyí, yõre nê me yé ki n we n pi képah soko Liyel tyí? Mórí syípú ntê to nâh me sɛntɛne n pi di?

⁴⁷ Yâh n wêki n mɔ yé nɔ ó tyí, gbɛndùni tir nê me képahle? Liyel wêki kó-ńkêpú ntê to nâh me sɛntɛne n pi di?

⁴⁸ Yépi tɛ wɔle, yé tyípêplo ó kókóle n pi, sɔ-á yé Sú tyípêplo ó kókóle n pi, ñmɔ nê-á me yînyõ soko.

6

Yesu-á kwónó nêne n tò sáhpú kɔ yĩ n kɔ òkù tyí yõ

¹ Yé yé gblɔyne n tɛ gbɪ wêki kólóle yînyáhkì soko dé. Yâh képahle n pi, yé nâh ké yõre we n pi Sú Liyel tyí, ñmɔ nê-á yînyõ.

² Képah ye, wâh kwâhle n yĩ yãm neyne n kɔ, kâh ké kwníne n kɔ sɔ-á névyé tókù n ne n pi kéle Liyel ní-ńtân vì soko ànê wâl yey soko, névyé kɔ pɛ péle n gbilki. Kègbɪ yõ mé kéle n yo yé tyí, pè ye ké yõre we tɛ.

³ Nte áwɔ-à kwâhle n yĩ yãm neyne n kɔ, kâh n ye ñni yó ntê pĩ ké soko.

⁴ Képah soko, yĩnkɔnɔ nê-á á pi, kè ki tɛ sètɪn sò soko. Té Sú Liyel nê-á sètɪn sò tyile n pne, ñmɔ ki n dyah ké yõrele.

Yesu-á kwónó nêne n tò sáhpú kɔ Liyel ni òkù tyí yõ

⁵ Yâh Liyelle n ni, yé kâh névyé tókùle n yah n pi. Liyel ní-ńtân vì ànê wɛtlo yey soko yúkúnyĩntɛnó tyí ye nɔ pépi tyí pâh Liyelle n ni. Pé gblɔy wêki yĩn ye pè n ne n pi képahle. Kègbɪ yõ mé kéle n yo yé tyí, pè ye ké yõre we tɛ.

⁶ Nte áwɔ-à me ké tyí ne á Liyel ni, wâh pi n de á wòkò soko, n té á yah vike, n té á Sú Liyelle n ni. Té Sú Liyel nê-á sètɪn sò tyile n pne, ñmɔ ki n dyah ké yõrele.

⁷ Yâh níri le n pi, yé kâh tyile n tò n yo tyé-ńkɛne Liyel pí-ńkêpú tyí kòle. Pépi tɛ sɔnɔ soko, tyi tɔnyonɔ kwlɛyy níri ye Liyel n tɛ.

⁸ Nte yĩ nónó yétò-á me yépi tɛ, yé Sú Liyel sè pĩ tɛ sé ní-ńkɛ gbí ntɛne n tyí. Képah ye, yé kâh Liyel pí-ńkêpúle n yah n pi.

⁹ Yâh yĩne yè Liyelle n ni òkù nêne, kè we yò:

Ápi Sú Liyel nê-á yînyõ,

á yĩn ne n gbilki.

¹⁰ Á yòtòrí wêki.

Wâh me nê tyí,

képah ne n pi sétâh yõ, sɔ-á kéle yînyõ.

¹¹ Á kwey gbìyìkì yòkele á kɔ.

¹² Ápi-á pi de áwɔ tyí tyi nónó soko, sè yõ n mɔ á kɔ, sɔ-á ápi to yõ mɔ névyé kɔ, nónó-á pi de á tyí.

¹³ Kâh n ye à sétân yòtɛ tɔnmɔnɔle n fɛ n syi.

Nte á pwah n mɔ n gbò, ñmɔ nê tyí-á pèkè pínó sò n wil.

[Yòtòrí, ànê tɛnwɛnɔ, ànê gbílkinóle, áwɔ tyí ye gbímegbí. Amiina!]

¹⁴ Névyé nónó-á n pi n de yé tyí, yâh n yõ n mɔ péle n kɔ, yé Sú Liyel nê-á yînyõ, à ki n yõ n mɔ yé tɔle n kɔ.

15 Nte yépi-à névyé tyípêlle n yõ n mo péle n kõ-ńkẽne, yé Sú Liyel náh yépi to tyí yõ n mo yé kõ n pi.

Yesu-á kwónó nêne ñ tò sáhpú kõ níkì tẽ òkù tyí yõ

16 Yâh níkì tẽ, yé káh yé yey kwõ n sah névyé túkù tyí kõle. Pépi ńkẽne pé yey yõre n sah ne névyé pĩ ne páh me níkì tẽ. Kègbi yõ mé kéle n yo yé tyí, pé ye ké yõre we te.

17 Nte áwõ-à níkì tẽ, á yah wu, té káh á yõ pi n sah yákára,

18 névyé kõ pé pĩ ne wáh me níkì tẽ. Té á Sú Liyel nê-á sètìn sò tyile n pne, ñmo kí ñ dyah ké yõrele.

Yesu-á kwónó nêne ñ tò sáhpú kõ tahrì koh n sah òkù tyí yõ yĩnyõ

19 Yé káh tahrile n yah n koh n sah kèkõyó mè sòkò, képah nê sòkò-á sóhrì ànê syímí kí fẽ séle n yõ, képah náh pi yípú kí fẽ kye de vì sòkò kí sè yĩ tòkò.

20 Nte yé tahrile n yah n koh n sah yĩnyõ, képah nê sòkò-á sóhrì ànê syímí náh me sé yõ yõ tẽne, yípú to náh me kí fẽ kye de vì sòkò, képah náh pi kí yĩbe yĩ.

21 Á náh we di, á tahrì-à me nýãh, á sònò to kí me nénpó.

22 Wil kyòole, yí ye. Á yí-à me vyele, á wil pól kí me kyòò sòkò.

23 Nte á yí-à yíkì, á wil pól kí me fěntũ sòkò. Kyòò nê-á á sòkò, kàh kí me fěntũne, á me yíí fěntũ pbèy sòkò dé.

24 Névi yó ntẽ náh fẽ tò kwõ n pi n pi yõtãm népĩ ní mí tyí. Á kí núkú dyòle n yò, té kí nò ñ ní-òle. Képah náh pi, à kí núkúle n tĩnki, té kí ñ ní-ò we mo. Sẽ ó ye, yé náh fẽ tò kwõ n pi n pi Liyel ànê pó tyí.

25 Képah ye ní kõ mé kéle n yo yé tyí ne, yé káh yé fòkòle n sò yáh ne we n yõ [té we n wò] n pi sò, té kí me min sòkò, ànê yáh ne yé wil flo we n mo n pi sò. Névi min tyí náh tah kal yòkele di? Wil to tyí náh tah kal flole di?

26 Yé yah kèpyele yĩnyõ sòkò kè; sè náh sèmukòle n duku, sè náh sèmukòle n tòkò; sè náh se mó tã sèmukòle n koh n sah díké sòkò; té yé Sú Liyel séle n pu. Nte yépi náh fónfó kal kèpye yõ nahnáh di?

27 Yépi sòkò nê tẽ kí fẽ kwéy ntẽ fyé dohnu ñ gblóy min yõ, ñ fókósòno gbò yõ?

28 Nte kwâh nê fòkò sònò me yé tyí yé mo mo flo tyí sòkò wé? Yé yah filkì fi pi òkùle swèy sòkò kè: Sè náh tòle n pi, sè náh se mó tã flole n tĩ.

29 Nte mé kéle n yo yé tyí ne, yõtẽ dí Salomo tàh fyé yah yõ, à náh flo we mo yah nónó-á ple nò filfi nópi sòkò yó ntẽne.

30 Liyel yõ sěnyĩ-ńkèpú nópi. Fílkì nê-á swãh sòkò kweyne, té kí pò n suke n pi ńsòne, Liyel-á képah fi pi palle sè à, yépi wò se pyè à kí ye kóhnmònele kal pléntnò?

31 Yé káh yé fòkòle n sò yè pò ne n yo ne, kwâh nê se yé kí we yõ ni? Kwâh nê se yé kí we wò ni? Kwâh nê se yé kí we mo yé wil sòkò ni?

32 Yé náh we di, Liyel pí-ńkèpú ye ńkẽne ne n yah n kõ sépi pólle tyétyéní kẽne. Nte yé Sú nê-á yĩnyõ, à pĩ ne yí nópi pól yétô-á me yé tẽ dò.

33 Yé Liyel tórí ñgbò yah n kõ, ànê wáh me nê tyí. Képah sòkò, à kí yí téló to pól dohnu yé kõ.

34 Yé káh yé fòkòle n sò ńsò tyí sòkò. Yé ńsò tyi sah ńsò yah. Swõ swõ pól ànê sé yótyí ye.

7

Yesu-á kwónó nêne ò tò sáhpú kō ne pè káh no télóle n tuke

¹ Yé káh nole n tuke. Képah sòkò, Liyel náh yé tò tuke n pi.

² Yé náh we di, yáh no télóle n tuke sǒ, sǐ ye Liyel kɪ n tuke n pi yé tǒle. Yáh no téló tyíle n sáh dú nêne, yé tǒ tyí kɪ n sáh n pi kéne dú óle.

³ Á pi sǒ té òndan we á yúnpi yí sòkò, té dàhnpele áwò yí sòkò, á náh me képah wò pĩ?

⁴ Á kɪ pi sǒ, té kɪ yo á yúnpi tyí ne, à ye á òndan wilki à kō ò yí sòkò, té dàhnpe mó tǒ me áwò yí sòkò?

⁵ Fòkòpìl névi. Á yí sòkò dàhnpe ògbò wilki. Képah-à pi, á kɪ fě n yah palle kɪ á yúnpi yí sòkò òndan wilki.

⁶ Yí nónó-á me Liyel tyí yǒ, yé káh séle névyele n kō nónó-á me pāhlo tyí kǒle, pè kō pè káh n pò pé yey vi yé tyí kèpékèyô. Yé káh mó tǒ yí kètárnole névyele n kò nónó-á me slo tyí kǒle, pè kō pè káh n pò n suki n sòkò sé yǒ.

Yesu-á kwónó nêne ò tò sáhpú kō ne pè ne n ni Liyel tyí

⁷ Yé ne n ni, yé kɪ n we n syi. Yé ne n yah n kō, yé kɪ n we. Yé wùkahle n mi, kè kɪ n yikɪ n mǒ yéle n kō.

⁸ Yé náh we di, nê-à ni Liyel tyí, tǐ n we n syi. Nê-à yah kō, tǐ n we. Nê-à wùkah mi, kè n yikɪ n mǒ tǐ kō.

⁹ Nê tǐ me yépi sòkò, ò pídí-à búrn ni ò tyí à kɪ dáhkìle à kō?

¹⁰ Képah náh pi, wáh yěnkô ni ò tyí, à kɪ wahyne à kō?

¹¹ Yépi nónó-á népèlle, yé yé wěnpì kónó yah we yípéplòle. Tòtò náh me ké sòkò, yé Sú Liyel nê-á me yínyǒ sòkò, òmò kɪ yíle sé nípú kō nónó-á ple kal yépi tyíle dò.

¹² Yáh me ké tyí ne no tyi nónó pólle n pi yé tyí, yépi tǒ sěnknole n pi pé tyí. Sǐ ye tyi kònsàhnó ànê Liyel tǐntǒ syínyopu sébéynó yo kéle.

Yesu-á kwónó nêne ò tò sáhpú kō dé-nsah wǒkè ànê dé-nsah fíi tyí yǒ

¹³ Yé ne n de dé-nsah fíile. Yé náh we di, wěkì nê-á n yuku tyí yíkínó tǐ-nsah, ké kóló me fáhfháh, ké dé-nsah me wòò. Képah sòkò dépú me dò.

¹⁴ Nte wěkì nê-á n yuku tyé-ńkě min tǐ-nsah, ké kóló me táhnóle, ké dé-nsah me fíi. Ké wéndepu náh me fwóò.

Yesu-á kwónó nêne ò tò sáhpú kō Liyel yín yǒ mìnnyobe tyí yǒ

¹⁵ Yé yé gblǒyne n kyomɪ Liyel yín yǒ mìnnyobe. Páh n pi yé tyí, pǐ pé gblǒy pi mámm képyénì tyí kǒle, té ké kègbɪ tǐ yǒ sòkò, pè me pékénóle gběnpāhlo sǒ.

¹⁶ Yé kɪ pè pĩ n pi pé tyípínó sòkò. Yèresě náh fě n we n gbɛ kahri sòkò. Sěnsóké pye tǒ náh mó fě n we n gbɛ gbíyěkì sòkò.

¹⁷ Sésán pèplo pól n syi pye pèplòle. Té séswóntùkù wò mó n syi pye túkúnine.

¹⁸ Séswô pèpey náh fě n syi pye túkúnine. Séswóntùkù tǒ náh mó fě n syi pye pèplòle.

¹⁹ Séswô nê-à n syí-ńkěne pye pèplòle, kè n kām ò min n dah n mǒ nyàh sòkò.

²⁰ Sǐ ó ye yé kɪ n pĩ n pi Liyel yín yǒ mìnnyobe pé tyípínó sòkò.

Yesu-á kwónó nêne ò tò sáhpú kō tir yónó ànê ké pínó tyí yǒ

21 Kè náh pɪ ne nónó pól-á n̄mɔle n ye Tě ñgbě, TĚ NGBĚNE pé pól sɔ kɪ Liyel tɔ́rí nɔli yɔ n pi dé. N̄ Sú Liyel nê-á me ȳinyɔ, ñmɔ-á me nê tyí, képah pípu ó ye kɪ yɔ ké nɔlɪle.

22 Liyel tukey tuke sɔle, névye náhnáh kɪ n yo n pi ní tyí ne, Tě ñgbě, TĚ ñgbě, n̄mɔ ȳin yɔ kó lésɔ pé n syi n yo Liyel tɛntɔ̀nène nɪ? N̄mɔ ȳin yɔ kó lésɔ pé n ne n ȳini n wilki sét̄anne névye sɔkɔ nɪ? N̄mɔ ȳin yɔ kó lésɔ pé n ne n pɪ gb̄ilnó náhnáhle nɪ?

23 N̄te mé kɪ yo pé tyí ne, mé náh péle n pne pólle. Pé gbe mɔ r̄ne, Liyel tyi kònsàhnó d̄el pípu nópi.

Yesu-á kwónó n̄ene ñ tò s̄áhpú k̄ò v̄i duke n̄inó mónó tyí yɔ

24 Képah ye, névi nê-á ní welo nópi noh, té me sé tyíyónóle n pɪ, t̄ě me á kɪ ne lékám névi yó sɔ, nê-á ñ wòkò mɔ légbí yɔ.

25 P̄ù me pɔ pɪ, yrey yuku à kwɔkɪ kyɪ syɪ kéne wòkò tyí, p̄únyáhkí to me k̄ò kyɪ mɪ ké sɔkɔ, ñte k̄áh s̄ò s̄ò légbí yɔ s̄é, képah ye kè náh syikɪ.

26 N̄te névi nê-á ní welo nópi noh té à náh me sé tyíyónóle n pɪ, t̄ě me á kɪ ne lékám k̄ě névi yó sɔ, nê-á ñ wòkò mɔ s̄em̄iyáhrí yɔ.

27 P̄ù me pɔ pɪ, yrey yuku à kwɔkɪ kyɪ syɪ kéne wòkò tyí, p̄únyáhkí to me k̄ò kyɪ mɪ ké sɔkɔ, kè me syikɪ à p̄irki kwe pnépné.

28 Képah sɔkɔ, Yesu-á kwónó nópi k̄ò te gbí n̄ene, tówû gb̄an du ñ névye kwónó dùkùle.

29 Yé náh we di, ñ névye kwónó dùkù náh s̄ò me Liyel tyi kònsàhnó kwópú tyí k̄òle dé, kè s̄ò me yòt̄órí kwónóle képah ye.

8

Tótě dí yó dénmonɔle

1 Yesu-á wil ȳòl̄ yɔ à tiki pɔ gbí n̄ene, tówû ñgbě ñ s̄ò t̄ě.

2 Tótě yó me nɔ de à gb̄etukunɔ di ñ yah sɔkɔ, té yo ñ tyí ne, pé Tě ñgbě, wáh me ké tyí wáh kɪ f̄ě pé de mɔ pé k̄ò pé pɪ yályál Liyel yah.

3 Wáh yo s̄é, Yesu me ñ gb̄ò nɔ à t̄ũ ñ tyí, té yo ñ tyí ne: «Mé me ké tyí, á kɪ de.» Nénpó swɔ, dí dú n̄yân núkú tye.

4 Képah sɔkɔ, Yesu me yo ñ tyí ne: «Káh ȳi m̄è ȳáh ney tyí dé. Té kyɪ á gb̄l̄oyne sárká sȳinw̄ilk̄i-ò w̄èkɪ. Moyisi-á s̄ò sárká nê tyí yo sah tótām dénmonɔ tyí sɔkɔ, kyɪ képah wilki, nê-á kɪ kéle pé w̄èkɪ ne wáh de.»

Wrome sràsyíbi yòt̄ě dí yó t̄onpi dénmonɔle

5 Té Yesu-á pɔ de Kapernayumi sɔkɔ gbí n̄ene, Wrome sràsyíbi yòt̄ě dí yó pɔ ñ tn̄ó té à ni

6 ne, pé yòt̄ě, pé t̄onpi dí-á me s̄énóle gb̄ò sɔkɔ wil kúnó n̄ȳanne ñ sɔkɔ. Wáh me n kw̄lo képékèyô.

7 Képah sɔkɔ, Yesu me yo ñ tyí ne páh kɪ ñ s̄ò t̄ě kyɪ à de mɔ.

8 N̄te kéne dí me yo Yesu tyí ne, pé yòt̄ě, péwɔ-á f̄órɔɔ kah ñ dénóle pé gb̄ò sɔkɔ. Nk̄ě à wey núkú ó yo, té pé t̄onpi-á kɪ de.

9 A kó we nɪ, yòt̄ām-á me péwɔ tyí, té péwɔ to mó me sràsyíbi ȳisyó yòt̄ène. Páh yo nê tyí ne, à sɔkɔ! Tě n sɔkɔ. Páh yo nê tyí ne, à pɔ! Tě n pɔ. Páh yo pé ȳò tyí ne, à tir m̄è pɪ! Á kè pɪ.

10 Képah sɔkɔ, Yesu-á kéne welɔ noh sɛ, sè n gbɛn kah du. A me yo n sò tǝpú tyí ne: «Kègbɛ yò mé kéle n yo yé tyí, mé náh Liyel yò sɛnó ngbɛ mè òkú névi we yah Yisrayel no n tǝ fyé sɔkɔ.

11 Té mé kéle n yo yé tyí ne, nénye náhnáh-á kɛ wil ywɔ ywɔ pólle, kɛ pɔ yòke yò wɛ tyí Abrahmine, ànê Yisakile, ànê Nsyakɔbile Liyel tǝrí tyah sɔkɔ.

12 Nte Yisrayel no nónó-á sò yĩne dénóle Liyel tǝrí tyah sɔkɔ, pépi kɛ wũ kégbó fɛntú sɔkɔ, nýáh sɔkɔ-á gbní ànê yní táhnó kɛ me.»

13 Képah tǝne, Yesu n syɛ yo sràsýíbí yòtǝ dí mè tyí ne: «Á syɛ ne n yuku á tǝnne. Wáh sɛ nmo yò sɛ, wáh nê yah kɔ, kè kɛ pɛ á tyí.» Nénpó swɔ, n tǝnpɛ dí núkú de.

Yámpú náhnáh dénmonɔle

14 Képah náh, Yesu kɛ Pyerɛ gbô, té kɛ Pyerɛ dénsé we sɛnóle wílvyáhnne.

15 Yesu me tũ pi gbò tyí, wílvyáhnè núkú à fin mɔ. Képah tǝne, pi me yuku tyah n yah n dah n mɔ Yesu tyí sɔkɔ.

16 Gbǝyí-á de, no pɔ nénye náhnáhle Yesu tyí sétàn-á sò me dénóle nónó sɔkɔ. A me n vyáh weyne sétàn nópi yĩni wilki pé sɔkɔ, té yámpú téló pól de mɔ.

17 A képah pɛ Liyel tǝntò syinyo-ò Yesayi tir yónsàhnó mè kɔ kè wil. A lésò ne nkɛ: «À ye á yèvyáhrɛnɔ pól tɔkɔ to á yò, té á yamɔ pól tyɛ.»

Nónó-á sò me ké tyí ne pé Yesu sò tǝ

18 Yesu-á tówú ngbɛ we pé pɔ à mɔ gbɛ sɛ, à ne pé tò sáhpú àwɔ pé yuku yó-ngbɛ kahnne.

19 Képah sɔkɔ, Liyel tyi kǝnsàhnó kwó-ò yó nɔ de n tnô té yo n tyí ne, kwó-ò dí, páh kɛ n sò tǝ n kɔ n kɔ nne n yúkú-ntàn pól sɔkɔ.

20 Wáh yo sɛ, Yesu me yo n tyí ne: «Gbǝnpáhlɔ tyí pǝ me. Kèpye tyí syɛ me. Nte Névi Pídí tǝ tyí, wénsɛnmì-n̄sah n tǝ náh me.»

21 Képah tǝne, n tò sáhpú sɔkɔ yó tǝ à syah ne, kwó-ò dí, à ye páh pɔ pé sú lékó ngbò yĩ tɛ.

22 Yesu me yo n tyí ne: «Nmo sò tǝ, n té n ye nékyí kɔ pé pé lékyíle n yĩ.»

Yesu yáhpékè yó yĩn mɔ yó-ngbɛ sɔkɔ

23 Képah sɔkɔ, Yesu de krótókè sɔkɔ ànê n tò sáhpúle pé sɔkɔ.

24 Dò yáhpékè yó núkú kɔ yó-ngbɛ yò sɔkɔ, fókó krótókè yò n tyah yínóle ni sɔkɔ. Nte Yesu wɔ sò me n dɔ.

25 Képah sɔkɔ, n tò sáhpú nɔ de n tnô me kɛ nne n yilki n mɔ ne nkɛ, Tǝ ngbɛ, à pé pwah mɔ oo! Yɔ-á me n tyah pé yónóle dé!

26 Yesu me yo pé tyí ne: «Kwáh nê pɛ té tíkí yé tǝ? Liyel yò sɛnyĩ-nkǝpú nópi.» Képah tǝne, à yuku à díri kɔ yáhkí ànê ni yò, tyah núkú pɛ súmm.

27 Képah tǝne, kè kah pɛ gbǝndùnne pé tyí. Pé me tyah yo tũ wɛ tyí ne, nédúkú nê se dí mène té yáhkí ànê yo tɔ n sah n tyí yò nɛ?

Dìbì népí nímí dénmonɔle sétàn-á sò me nónó sɔkɔ

28 Képah sɔkɔ, Yesu-á kyɪ yĩni tẽ yó-̀ngbẽ kahnɩne Kadarɪ tãn sɛtáh yõ gbí nêne, díbí nɛpĩ ní mí me wil léyâl wró sɔkɔ à pɔ à yohnɩ sɛtãne pé sɔkɔ. Pé pékénkàhnó tẽ tyí, ney náh sò me fẽ n sɔkɔ nɛnpó wẽkìle.

29 Pãh pɔ à yohnɩ, pè tyah n de n syi ne, Liyel Pídí, kwâh nê se à n yah n kã pé tyí nɩ? A se pɔ ásô pépi fõh yĩnne ké gbí nó-̀nkẽ sɔkɔ nɩ?

30 Té kè sò pɔ yĩne sel kwĩnki yísyó me n yah n yõ n kã fíí kwéy péle.

31 Sɛtãn nópi me Yesu ni ne, wàh kɪ sé yĩni wilki díbí nópi sɔkɔ, à ye sé kã sé kyɪ n de sel nópi sɔkɔ.

32 Yesu me ne, sè ne n yuku. Sè núkú wil díbí nópi sɔkɔ à kyɪ de sel nópi sɔkɔ. Sel nópi pól núkú wil yõlɩ yõtãh, à to tiki tükütükü à kyɪ de yɔ sɔkɔ à ku.

33 Képah tẽne, sel nópi fẽpu me to de kwil sɔkɔ, à kyɪ tyi nópi pól yãh no tyí, à tãhlɩ tir nê-á pɪ díbí nɛpĩ ní mí nópi tyí sɛtãn-á sò nóno sɔkɔ.

34 Képah sɔkɔ, kwil tãn pól wil kyɪ Yesu yohnɩ. Pãh fyò à we, pè à ni ne à yal pépi sɛtáh yõ.

9

Sèkùkù dí yó dénmɔnɔle

1 Képah sɔkɔ, Yesu de krótókè sɔkɔ à n syi yó-̀ngbẽ kah à sɔkɔ n kwil sɔkɔ.*

2 Nósyó me sèkùkù dí yó twah sɛ sɛ kwâh yó yõ à pɔ n tyí. Wãh kè we pè sɛ n yõ sɛ, à yo sèkùkù dí mè tyí ne: «Káh n ye á yáh-̀nsah tye ní pídí. Á tyípêl pínó ye yõ mɔ n kã.»

3 Képah tẽne, Liyel tyi kònsàhnó kwópú yísyó tyah n sò ne, dí mè-á me n yo n de Liyel tyí dé.

4 Nte Yesu-á pé sɔno pĩ sɛ, à yo pé tyí ne: «Kwâh nê pɪ té sɔno tükúnine yé sɔkɔ sɛ?»

5 Mâh yo sèkùkù dí mè tyí ne: «Á tyípêl ye yõ mɔ.» Képah náh pɪ, mâh yo n tyí ne: «Yuku ne n kɔ.» Dlo me nê tẽ yónó sɔkɔ kal?

6 Nte mé kɪ tir yó pɪ yé kã yé kɪ pĩ ne, tɛnwɛnɔ-á me Névi Pídí tyí sɛtáh yõ kɪ fẽ tyípêl yõ mɔ.» Té n syi yo sèkùkù mè tyí ne: «Yuku, á sɛ sɛ kwâh tɔkɔ n ne n yuku á gbô.»

7 Dí me yuku à sɔkɔ n gbô.

8 Tówû-á képah tẽ we sɛ, tíkí pè tẽ. Pè tyah Liyel yĩnne n gbilki wãh sɔnpíle tɛnwɛnɔ mè dùkùle névye kã.

Yesu Matye ye pɪ n tò sáh-òle

9 Yesu-á yal nɛnpó té n sɔkɔ, à dí yó we à me kã tẽ móríle n syi mórí syí-̀nsah sɔkɔ, pè n ye Matyele. Yesu me yo n tyí ne: «N sò tẽ.» A me yuku n sò tẽ.

10 Képah náh, Yesu-á sò me yõke yónó sɔkɔ Matye gbô, mórí syípú náhnáh ànê Liyel wẽkì kó-̀nkêpú tɔ pɔ n yõ ñne wẽ tyí ànê n tò sáhpúle.

11 Farisi wẽkì kópú-á képah we sɛ, pè yo Yesu tò sáhpú tyí ne, kwâh nê se pɪ té pé kwó-ò dí n yõ mórí syípú ànê Liyel wẽkì kó-̀nkêpúle wẽ tyí nɩ?

* 9:1 9.1 - Yesu kwil nê tyí-á n yo ásô sɔkɔ yò, Kapernayumi ye.

12 Nte Yesu-á pé wey noh, à yo pé tyí ne: «Névyé nónó-á me lènɔɔɛ, sènpɪ yétò se me pé tyí? Yámpú tyí náh n̄ yétòɛ di?

13 Liyel-á nê yo ne níkě: «Yáh wě yámne n yah, képah tyí nɔ n̄mɔ tyí kal yáh sárká nêne n suke n̄ne n k̄.» Yé kyɪ yé fɔkɔnɪ mɔ yah képah tyí sɔkɔ, yé ké kór p̄. Yé náh we di, névyé nónó-á me n s̄o ne négló-á péle Liyel yah, mé náh pɔ pépi yé-nsah dé. Nte nónó-á p̄ ne tyíp̄el pípú-á péle, pépi yé-nsah ye mé pɔ.»

N̄vìnì tir náh me núkúle Nsyifunɔ tyíd̄ile

14 Képah sɔkɔ, Wèlnwĩk̄i-ò Nsyò tò sáhpú nɔ de Yesu tnô té à syah ne, kè se pɪ s̄ò té pépi ànê Farisi wěk̄i kópú ník̄ile n t̄é té n̄mɔ tò sáhpú náh me ník̄ile n t̄é nɪ?

15 Yesu me yo pé tyí ne: «Páh nónó ye fúr yòke yò ȳinne, pépi se kɪ f̄é pé yey kwɔ sah pe me gb̄ine pé nyó? Nte sèp̄in yísyó me n pi, pe mè kɪ pɔ n t̄é n wilki n pi pé nyó. Légb̄ine, pè kɪ ník̄ile n t̄é.

16 Nn̄i yó n̄t̄é náh ȳine à fwòs̄an k̄am à fwòdyàh min. Yé náh we di, fwòs̄an mè kɪ fwòdyàh mè yɔrɪ tɔ, w̄an ó k̄ò kè kɪ t̄ò mɔ ké tónó yò.

17 D̄iv̄é s̄án tɔ náh ȳine mónóɔɛ pley d̄i sɔkɔ. Wáh képah pɪ, d̄iv̄é mè-à f̄ũ, kè kɪ pley nópi sɔkɪ, d̄iv̄é kɪ kwɛ, pley tɔ tyí kɪ yɪkɪ. Nte kàh d̄iv̄é s̄anne, pley snó sɔkɔ ye kè n mɔ. Képah sɔkɔ, kèyáh n̄t̄é náh n yɪkɪ.»

Pi yó dénmɔnɔ ànê s̄enpir yó lékó yilk̄inmɔnɔɔɛ

18 Yesu-á me kéne welɔɔɛ n yo pé tyí gb̄i n̄ene, Nsyifunɔ yòt̄é d̄i yó nɔ de n̄ tnô, té gbètukunɔ di n̄ yah, té yo n̄ tyí ne pé písê-á yah kwɔ núkúnúkú s̄é yò. Nte à pɔ kyɪ n̄ gb̄ò sah n̄ yò, w̄ah kɪ min we.

19 Képah sɔkɔ, Yesu ànê n̄ tò sáhpú me yuku d̄i s̄ò t̄é.

20 Té kè pɔ ȳine sê yó s̄ò me nàhle n yo tyé-n̄k̄ene ye gb̄oninó. Pi mè me nɔ de Yesule n̄ náh t̄inne, à pɔ t̄ũ n̄ fwòm̄onɪ vyāh tyí.

21 Yé náh we di, à s̄ò me n s̄ò n̄ fɔkɔ sɔkɔ ne páh kɪ t̄é we t̄ũ n̄ fwòm̄onɪ n̄t̄é ó tyí, páh kɪ de.

22 Yesu-á n̄ yah vi té à we, à yo n̄ tyí ne: «Káh n ye á yáh-nsah tyɛ, ní písê. A Liyel yò s̄énó ye n̄ de mɔ.» Nénpó swɔ, pi núkú de.

23 Té Yesu-á pɔ ȳini t̄é Nsyifunɔ yòt̄é d̄i gb̄ò, à yikɔ f̄íbípú we té tówú we pè me n pɪ wr̄owr̄ò. Képah sɔkɔ, à me yo pé tyí ne:

24 «Yé wil ásò. Pípir náh ku, d̄oy† sɔkɔ ye n̄ne.» Nte pè s̄ò me kóɔɛ Yesule n ko.

25 Páh tówú wilki mɔ te kégbó sɔkɔ, Yesu me de yuku wòkò sɔkɔ, té pípír gb̄ò sɔkɔ t̄é, pípír yuku.

26 Ȳi mè pínó tyí tyah n yāh kéne mara yw̄ò yw̄ò pól sɔkɔ.

Yítūbi nép̄i n̄imí yísyó ȳi yilk̄inmɔnɔɔɛ

27 Yesu-á yal nénpó à n sɔkɔ gb̄i n̄ene, yítūbi nép̄i n̄imí yuku n̄ s̄ò t̄é té me yo t̄ũ léyy ne, Davidi Píd̄í, à pé yām yah.

28 Yesu-á pɔ ȳini t̄é gb̄ò sɔkɔ, yítūbi nópi me nɔ de n̄ tnô. A me pè piki yah ne, pè se s̄é ké yò ne péwɔ-á kɪ f̄é pé ȳi yɪkɪ mɔ nɪ? Pè me ne, àwe-á, T̄é n̄gb̄é.

† 9:24 9.24 - D̄oy nê tyí-á Yesu n yo ásò yò, d̄oy gb̄oy náh s̄ò dé. Pípir s̄ò ku kègbɪ yò. Nte Yesu-á s̄ò p̄i ne páh kɪ f̄é n̄ lékó yilki mɔ s̄é, képah ye à ne d̄oy sɔkɔ-á n̄ne.

²⁹ Képah sɔkɔ, Yesu tũ pé yí tyí té ne: «Yáh sê ñmɔ yõ sõ, té nê yah kõ ní tyí, Liyel kè pi yé tyí sê.»

³⁰ Képah tẽnɛ, pé yí yíkɪ mɔ. Yesu mɛ pé gbah sni nɛ, pé pé gblɔy tẽn, pé káh n ye ney pĩ ké sɔkɔ dé!

³¹ Nte pé wílntɛnɔ ñsõ, pé kyɪ tyah Yesu yíngbíle n yo n kõ kéné mara pól sɔkɔ.

Dí yó dénmɔnɔle nê vyāh-á sò mɛ gbínóle

³² No nópi-á wil n sɔkɔ gbí nêne, nósyó pɔ dí yóle Yesu tyí, nê-á sétõ yó mɛ ñ sɔkɔ à kõ à pi kèdòkìle.

³³ Yesu-á núkú sétõ mè yĩni wilki dí mè sɔkɔ, dí tyah n wɛkɪ. Kè pi gběndùnìne tówú pól tyí, pé mɛ yo tũ ne ñkě, pépi náh ñsõntě dükù we yah Yisrayel sɔkɔ pólle.

³⁴ Nte Farisi wěkì kópú wɔ sò mɛ yo tũ ne, sétàn yòtě gbò yõ-á à n yĩni sétànne.

Tówú yām mɛ Yesu tẽn

³⁵ Yesu lésõ mɛ kwló-ñgbnɔ ànê kwlópì pólle n kɔ n kõ, mɛ nolɛ n kwɔ Liyel ní-ńtàn vɪ sɔkɔ, mɛ Nìvìnì tirlɛ n yo Liyel tǒrí tyí yõ, té mɛ yámpú pól ànê néfukuló pólle n de n mɔ.

³⁶ Yesu-á tówú nónó we kwlónó sɔkɔ, té pé yáh-ńsah mɛ tyɛ á kɪ ne yípêy sõ fě-ò kěne sé tyí, pé yām à tẽn.

³⁷ Képah sɔkɔ, à yo ñ tò sáhpu tyí ne: «Sèmukɔ tɔkɔ tɔkɔ tẽn mɛ dò, té ké tònpiɓile kwéy.

³⁸ Káh pi sě, Tẽn ñgbě Liyel nê-á sèmukɔ nétẽnɛ, yé à ni à tònpiɓi tekɪ n mɔ sèmukɔ tɔkɔ yĩnne.»

10

Yesu těntò névyɛ népî gbõnimíne

¹ Sõ yóle, Yesu ñ tò sáhpu népî gbõnimí ye pɔ, té tẽnwenɔle pé kõ ne pé sétànne n yĩni, pé mó yámpú pólle n de mɔ, ànê néfukuló pólle.

² Kéne népî gbõnimí nópi ye à pi ñ těntò névyɛle. Pé yni we yò: Kè tyah Simo tyí, nê-á pé yĩn dyɪ à kõ Pyɛrɪle, ànê ñ gběndí Andrele, à tahlɪ Nsyakɪ ànê ñ gběndí Nsyõ tyí, pépi nónó-á Nsebede dínpiɓile,

³ à tahlɪ Filipi ànê Bartelemi tyí. Toma sò mɛ pé sɔkɔ ànê Matyele, nê-á sò mórí syí-òle, à tahlɪ Alfe pídí Nsyakɪ tyí ànê Tadɪle,

⁴ ànê Simole, nê-á sò sú fó vyāh syípú sɔkɔ yóle, à tahlɪ Nsyudasɪ Yisikariyotɪ tyí nê-á pɔ pi pé kõ pé Yesu tẽn.

Yesu těntò névyɛ népî gbõnimí tékínmɔnɔle Nìvìnì tir yó-ńsah

⁵ Népi gbõnimí nópi ye Yesu tõ té kè gbah yo pé tyí ne: «Yé káh kyɪ névyɛ tĩnne nónó náh pi Nsyifunɔle, ànê yé káh de Samari tǎn kwil yó ńtẽ sɔkɔ.

⁶ Yé ne n yuku Yisrayel no wɔ tĩnne, pépi nónó-á mɛ képyénì mónpuno tyí kòle.

⁷ Yáh kɪ n yuku wěkì yõ, yé ne n yo n yuku ne, Liyel tǒrí-á mɛ yĩni tẽn tɛ.

⁸ Yé yámpúle n de n mɔ. Yé lékyíle n yilki n mɔ. Yé tótámne n de n mɔ pé dú nyân sɔkɔ, yé mó sétãñne n yĩni n wilki névye sɔkɔ. Yáh we syi nònóle sɔ, yé tɔ ne n kɔ nònóle sɛ.

⁹ Yé káh pɔ tɔkɔ dah mɔ yé yɔ.

¹⁰ Yé káh pley, ànê fwòmɔlɔ ní-òno, ànê lékyêh, ànê lépló tɔkɔ kóló yĩnne. Yé náh we di, tɔnpɪ yĩne n tɔ pínó yòke yónóle.*

¹¹ Yáh kyɪ de kwíl-n̄gbě kápah náh pɪ kwílpír nê sɔkɔ, yé négbí yah kɔ yé twah tɛ tyí. Yé mó tɛ tɛ tyí, fók kè pɔ nɔ yé yálnó tyí kéné kwil sɔkɔ.

¹² Té yáh kyɪ n de kéte nê sɔkɔ, yé yo pé tyí ne yèvinɪ ne me pé yɔ.

¹³ Kéné kéte tân-à fɛ syi yé twah pé tyí, yèvinɪ mè kɪ me pé yɔ. Nte pàh yahle, yèvinɪ mè kɪ ké syi pɪ yé tyíle.

¹⁴ Yáh de gbô nê sɔkɔ kápah náh pɪ kwil nê sɔkɔ, té pè yahle ne yé káh twah pé tyí, té yahle yé wey nóhnóle, yáh n yal, yé yé gbyêh n̄ngbɔ kwer n kwe nénpó.

¹⁵ Kègbɪ yɔ mé kéle n yo yé tyí, Liyel tukey tuke sòle, Sodòmɪ kwil ànê Gbomɔɪ kwil fòhnó ntɛ náh n peke n nɔ n pi kéné kwil tyíle.»

Yèvyãhrɪ nê-á kɪ n pɔ n pi

¹⁶ «Yé yah, yé me á kɪ ne képyénì sɔ n̄mɔ n tekɪ n mɔ gbɛnpãhlɔ nɪyó. Yé ne me lékám névyele áswɔ pléy tyí kòle, yé fɔkɔ mó ne me pépér títí sɔ.

¹⁷ Yé yé gblòyne n kyɔmɪ névyele dé. Pè kɪ yéle n tɛ n tuke n pɔ tukey tükè-ntân sɔkɔ, té kɪ yéle n ko yèfòhle Liyel ní-ntân vɪ sɔkɔ.

¹⁸ Pè kɪ yéle n tɛ n kyɪ n pɔ kwíltãm yòtãm ànê yòtãm tyí n̄mɔ yĩnne. Kápah sɔkɔ, yé kɪ n̄mɔ tyíle n we n yo pé tyí, à tahlɪ névyé tyí nóno náh pɪ Nsyifunɔle.

¹⁹ Nte pàh yé tɛ n yuku tükè-nsah, yé káh ye yé yáh-nsah tye yáh ne n yo n wil n pi sɔ, ànê yáh ne nê yo n pi. Yáh ne nê yo n pi, ké sòno kɪ de yé sɔkɔ nénpó swɔ.

²⁰ Yé náh we di, yé yah yíí welɔ náh yé kɪ n wekɪ dé, Sú Liyel Mirki ye kɪ tɛ yé yahle yé kɪ n wekɪ.

²¹ Névyé kɪ pè kɔ pè kɪ pé yúnpyéle n tɛ n ko n mɔ. Súbí tɔ kɪ sɛntɛne n pɪ pé wɛnpɪ tyí. Wɛnpɪ tɔ kɪ pé dúbípú tyí yahle, té kɪ pè kɔ pè kɪ péle n ko n mɔ.

²² Névyé pól kɪ yé we mɔ n̄mɔ yĩnne. Nte nê-à n tah sah à pɔ nɔ ké tyénó tyí, tɛ kɪ pwáhnmonɔ we.

²³ Pàh yéle n fòh kwil yó sɔkɔ, yé sɔkɔ kèyáh sɔkɔ. Kègbɪ yɔ mé kéle n yo yé tyí, n̄mɔ nê-á Névi Pídíne, yé náh tɔnì Yisrayel kwlo pól kɔ n kɔ n te n pi té mé kɪ pɔ.

²⁴ Tir sáh-ò náh n kal n pne n kwó-òle. Tɔnpɪ tɔ náh n kal n pne n yòtɛne.

²⁵ Tir sáh-ò-à pɪ n kwó-ò tyí kòle, kè kɪ yĩne. Tɔnpɪ tɔ-à pɪ n yòtɛ tyí kòle, kè kɪ yĩne. Névyé-á fyò me kéte tɛ dí ntɛne n gbyɔ Belsebulile, (nê kór-á sétàn yòtɛne), n kéte tân wɔ se pyè pè kɪ ye gbyònpekenɔle?

²⁶ Káh pɪ sɛ, yé káh névyé yah tíkíle n pɪ. Yé náh we di, tyípíl yó ntɛ náh n wũ n pi wílkinmɔ-n̄kɛne. Sètɪn sò tir yó ntɛ náh n wũ n pi pí-n̄kɛne.

* **10:10** 10.10 - Yah n te 1 Korɛnti tân 9.14 ; 1 Timote 5.18.

²⁷ Máh tyi nónóne n yo yé tyí fěntũ sɔkɔ, yé séle n yo n wilki n mɔ tyah kyòo yah. Tyi nónó-á n plɔ n yo yé tyí yé níkíló yey, yé sé kwníne n kǒ gběntĩn yõ.

²⁸ Yé káh névye yah tíkíle n pɪ, nónó-á névyele n ko mɔ n pne, té pè náh fě ñ min ko mɔ n pi. Nte Liyel nê-á kɪ fě névi wil gběnsê ànê ñ min to min dah mɔ ní-ńkě nyàhnpekè sɔkɔ, yé ñmɔ wɔ tíkíle ne n pɪ.

²⁹ Ntěnpĩnó nínó n yām pópíkí pó núkú óle. Nte sé sɔkɔ yó ntě náh n syɪkɪ sétáh, né yé Sú Liyel náh ké wěkì kǒ.

³⁰ Nte yépi tẽ wɔle, yé yòyén ntě pól dan me pínóle Liyel tyí.

³¹ Káh pɪ sě, yé káh tíkíle n pɪ, yépi tyí náh tah kal ntěnpĩ kwĩnki tyíle di?

³² Névi nê-à kè yo dal mɔ névye yí yah ne páh me ñmɔ tyí yõ, ñmɔ to kɪ kè yo dal mɔ n Sú yí yah nê-á me yĩnyõ, ne tẽ-á me ñmɔ tyí yõ.

³³ Nte nê-à yahle névye yí yah ne pé náh me ñmɔ tyí yõ, ñmɔ to kɪ yahle n Sú yí yah nê-á me yĩnyõ, ne tẽ náh me ñmɔ tyí yõ.»

Yesu tyí-á gbékínó nê dahbɪ kèkõyó

³⁴ «Yé káh we ne yèvinɪ-á mé pɔ mó-ńsah sétáh yõ dé. Yèvinɪ náh mé pɔ mó-ńsah sétáh yõ, gbékínó wɔ ye pyè.

³⁵ Mé pɔ dí ànê ñ sú wró gbékí-ńsah; sēnpir ànê ñ yú wró gbékí-ńsah; sê ànê ñ pe yú wró gbékí-ńsah.

³⁶ Névi gbô tãn ye kɪ pɪ ñ sèpébíle.

A á gblɔy dyɔ yĩ tyi we ye, té Yesu sò tẽ

³⁷ Névi nê sú, képah náh pɪ ñ yú tyí-à nɔ ñ tyí à kal ñmɔle, tẽ náh yĩne à ne n me ñmɔ tyí yõ. Névi nê pídí, képah náh pɪ ñ písê tyí-à nɔ ñ tyí à kal ñmɔle, tẽ náh yĩne à ne n me ñmɔ tyí yõ.

³⁸ Névi nê-à ñ syɪ syɪ dahni twah n sò tẽ-ńkěne, tẽ náh yĩne à ne n me ñmɔ tyí yõ.

³⁹ Névi nê-á ne páh pé minne n koh n sah, tẽ kɪ tekɪ tyé-ńkě min sɔkɔ. Té nê-á tekɪ ñ min sɔkɔ ñmɔ yĩnne, tẽ wɔ kɪ tyé-ńkě min we.»

Yõre nê-á n we Liyel nĩpú tǔnsàhtěno sɔkɔ

⁴⁰ «Névi nê-à yé tẽ ple, ñmɔ ye tẽ tẽ ple. Nê to-à ñmɔ tẽ ple, Sú Liyel nê-á tekɪ mɔ ñne, ñmɔ ye tẽ tẽ ple.

⁴¹ Névi nê-à Liyel těntò syínyo-ò tẽ ple ñ pínó yĩnne Liyel těntò syínyo-òle, Liyel těntò syínyo-ò dyah dyah kwâh kénkǒ ye kɪ dyah tẽne. Névi nê to-à négbí tẽ ple ñ pínó yĩnne négbíle, négbí dyah dyah kwâh kénkǒ ye kɪ dyah tẽne.

⁴² Kègbɪ yõ mé kéle n yo yé tyí ne, névi nê-à nívínó nǐgbíyĩne ñmɔ tò sáhpú sɔkɔ yó ntě fyé kǒ à wɔ ñ pínó yĩnne ñmɔ tò sáh-òle, tẽ náh n tekɪ n pi ké lédyáhní sɔkɔ pólle.»

11

¹ Képah sɔkɔ, Yesu-á tyi kwâh sah ñ tò sáhpú népĩ gbõnimí kǒ te gbí nêne, à yal nénpó à yuku gbòplo kwlo sɔkɔ, à kyɪ kwónóle n pɪ té Nìvìnì tirlɛ n yõ.

Wèlnwìlkì-ò Nsyõ-á píkinyahno nê pɪ Yesu Krista tyí sɔkɔ

² Wèlnwìlkì-ò Nsyõ sò me wòkònpèkè sòkò té Krista tyípinó tyí yónó noh. A me n tò sáhpú yísyó tó pé kyí à piki yah ne,

³ òmò se Liyel ney yáhnòkòkòlè nê-á kú sò n pò n pi, tí pé se yíne pé ònìne n syíkí nì?

⁴ Yesu me yo pé tyí ne: «Tyi nóno-á yé n nohnú té séle n yah yò, yé kyí sè yáhn Nsyõ tyí ne,

⁵ yítūbi yí-á me n yíkí n mò, sèkukubi me n kò tómtóm, tótām me n de n mò, níkitūbi me n nohnú, lékyí me n yílki n mò, ànê Nìvìnì tir me n yo n kò yām tām tyí.

⁶ Nte òmò tyí-à kú névi nê kò à n yò sèno yáhle-írkēne, tē wò tyí nò.»

⁷ Nsyõ tò sáhpú-á pé syí sòkò te gbí nēne, Yesu tyah Nsyõ tyíle n yáhn tówú tyí ne nkē: «Kwáh nê me yé kyí yah gbēnnú sòkò? Fílkì yó se yáhkí me n fí n kò?

⁸ Nte kwáh nê me yé kyí yah wé? Dí yó se nê-á me fwòtáhnì mò? Té nóno-á mó tó fwòtáhnìne n mò, pépi me yótām fné sòkò dò.

⁹ Nte kwáh nê me yé kyí yah wé? Liyel tēntò syínyo-ò yó se? Mé kéle n yo yé tyí ne sē-á. Té òmò nte-á kal Liyel tēntò syínyo-òlè.

¹⁰ Yé náh we di, Nsyõ tyí ye wárkínsàhnóle Liyel wey sébéy sòkò ne Liyel-á ne: «Yah, òmò Liyel kú n tēntò névi tekí mò á yahle, à kú pò á wēkì tó sah.»*

¹¹ Kègbí yò mé kéle n yo yé tyí ne, sè fòkò táh pi yó nte náh me nê-á kal Wèlnwìlkì-ò Nsyõne. Nte nê-á tyí kal Liyel tórí nòlì yópú sòkò, òmò nte kal òne.

¹² Té à tókò Wèlnwìlkì-ò Nsyõ gbí tyí, pópó à pò syí núkúnúkú tyí, Liyel tórí nòlì me n we n yò táhnsàhnó ó sòkò. Táhnsàhpu ye n we kéle.

¹³ Liyel tēntò syínyopu pól ànê Moyisi tyi kònsàhnó sò me Liyel tórí tyíle n yo, pópó à pò syí Nsyõ gbí tyí.

¹⁴ Yáh kú fē n sē n pi ké yò, Nsyõ ye Yeli mēne, nê pónó tyí-á sò yónsàhnóle.†

¹⁵ Nê-à kú me kè noh, tē kè tē yín.

¹⁶ Mé kú kwey gbí névye tókò sáh nēne wé? Pè me á kú ne wēnpì sò kò tē tówú tükè-ntàn sòkò, té me n yo n mò pé no tyí ne,

¹⁷ pépi-á yíkí fíbí pé tyí, té pé náh yi. Pé tó kú yìkì gbí mò, pé náh se tó gbo.

¹⁸ Sē ye kwey gbí névye tó me n pi. Yé náh we di, Nsyõ-á lésò pò, à náh me yòke yèsyìkìle n yò, à náh me òvène n wò. Képah tēne, pé ne sétò-á me n sòkò.

¹⁹ Nte Névi Pídí wò-á pò, òmò n yò palle té n wò palle. Pè me tó ne, pé yah yèwònpì ànê sètē-á òne, mórí syípú ànê tyípèl pípú kódí-á òne. Nte Liyel lékām-á n tókò à tyi nóno-á n pi, sé pal n pne sé tó n sah n pi dùkú sòkò.

Yesu kàhnwèkínòlè Kalile mara kwlo yísyó yò

²⁰ Képah náh, Yesu-á sò n gbílnó kan pi kwlo nóno sòkò, à tyah n kah n wèkí sé névye yò, páh sònpíle yahle pé tyípèl pínó yálnmòkòlè. A ne:

²¹ «Pèkè me yé yò, Korasini tām. Pèkè me yé yò, Betisayida tām. Ngbò gbíl tyi nóno-á pi yé tìnne, sēnkò-à sò me pi Tiri ànê Sidò tām tìnne, pé

* **11:10** 11.10 - Yah n te Malaki 3.1. † **11:14** 11.14 - Yah n te Malaki 3.23.

náhkı me yèkworı flo mo, té náhkı me pé piki syıle à pé tyípêl pínó yal mo di mónóle.

²² Képah ye mé kéle n yo yé tyí, Liyel tukey tuke sòle, Tiri ànê Sidō tãñ† fóhnó rítě náh n peke n no n pi yépi tyíle.

²³ Té yépi-á dò Kapernayumi tãñ, yé se me n sò ne yáh kı dokó mo yînyô? Pólle, yé kı tiki mo yuku fós lékókwıl nyàh tě-nsah. Yé yah, gbıl nónó-á pi yé ùnne, sènkno-à sò me pi Sodomu tãñ tyí, Sodomu kwil náhkı me sè kwey mè soko.

²⁴ Képah ye mé kéle n yo yé tyí, Liyel tukey tuke sòle, Sodomu kwil tãñ fóhnó rítě náh n peke n no n pi yépi tyíle.

Wékínóle Sú Liyel tyí

²⁵ Légbíne, Yesu ne nké: «Bô, áwo nê-á yînyô ànê sétáh nétêne, mé n wèkı á tyí wáh sônpiıle tyi nópi wõbı yı pípú ànê lékám névye yah, té séle névye wo wèkı nónó-á me wènpı sò.

²⁶ Bô, kè ye áwo dyo á kè pi sè.»

²⁷ Yesu tã ne: «N Sú ye tyi pólle ní gbò dahbı. Nmó nê-á Pídine, nnî yó rítě náh rıne n pne né Sú ó náh. Nnî yó rítě to náh mó Súle n pne né Pídı ó náh, à tahlı Pídı-à me ké tyí ne pé ñne nê wèkı.

Yesu-á yèvinı nêne névyele n kô

²⁸ Yépi nónó pól-á me kwlonó soko tókópelle yé yô, yé po nmó tyí, mé kı yé kô yé kı n mı.

²⁹ Népir névi ànê gblöy tıkinmo-ò ye nmole. Képah ye, máh yéle n mo tò nê soko, yé kè fè syi yé mó pi ní tò sáhpúle. Képah soko, yé kı n we n mı.

³⁰ Yé yah, nmó tò náh tah, ní tókóbı me fáhah fáhah.»

12

Yesu-á nê yo mı mı yòh tyí soko

¹ Légbı mè ó soko, mı mı yòh sò yóle Yesu ànê n tò sáhpú sò me n kah sèmuco swëy yısyó soko. Té kwèkı sò me n tò sáhpú tẽ. Káh pi sè, pè mı de sèmuco ywõ kòlntahno soko.

² Farisi wèkı kópú-á képah we sè, pè me yo Yesu tyí ne, tir nê pínó wèkı náh me kónóle mı mı yòh sòle, à ne n yah n tò sáhpú kéle n pi lé.

³ Nte Yesu me yo pé tyí ne: «Kwèkı-á lésò yòtè dí Davidi ànê n náh névye tẽ, wáh nê pi, yé náh kè kar yah di?

⁴ Búrn nónó-á lésò me sàhnóle Liyel tyí yô Liyel wòkò soko, à náh lésò de ké soko à sè tóko tah ànê n náh névyele di? Té à wil sárká syínwilkıpu tyí soko, ney náh lésò yıne sé táhnóle.*

⁵ Yé se kı ne yé náh kè kar yah tole ne, sárká syínwilkıpu-á nkéne mı mı yòh dèlle n pi Liyel ní-nsah gbô soko mı mı yòh sònóle, té lékàh náh me pé tyí?†

⁶ Nte mé kéle n yo yé tyí, névi me ásô nê-á kal Liyel ní-nsah gbôle.

† 11:22 11.22 - Tiri ànê Sidō tãñ-á sò pi Nsyifuno náh péle sè, Nsyifuno sò me péle n mo n kô tyípêl káhnpiıle. Yah n te Yesayi 23. * 12:4 12.4 - Yah n te 1 Samuyelı 21. † 12:5 12.5 - Yah n te Yáhnó 28.9-10.

⁷ Liyel kè yo ne nkè: «Sárká súkénkōno náh mé n yah n kō dé, wě yām yáhnó ye mé n yah n kō.» Yáh sò me képah kórle n pne, yé náh náhki lékàhle lékàh kě névye kō n pi.

⁸ Yé náh we di, Névi Pídí ye mi mi yòh yòtēne dò.»

⁹ Yesu-á yal nénpó, à soko pé Liyel ní-nsah wòkò yó soko.

¹⁰ Gbònkù dí yó sò me nénpó. Té pè sò me ké tyí ne pé lékàh we Yesu kō. Káh pi sě, pè Yesu piki yah ne nkè, yónwó dénmonò wěkì se me kónóle mi mi yòh sòle ni?

¹¹ Nte à me yo pé tyí ne: «Yé soko yó tyí kópó núkú ó-à me, té à soko de pwàhsükù yó soko mi mi yòh sòle, tē se ki ye n kyínwilkìnóle lésòle?»

¹² Nte névi náh fónfó kal náhnáh kópó yó di? Káh pi sě, pèpòri pínó wěkì me kónóle mi mi yòh sòle.»

¹³ Képah tēne, té yo gbònkù dí mè tyí ne: «Á gbò tō.» A me kè tō, kè núkú pi vile ké ní-ò mè sō.

¹⁴ Nte Farisi wěkì kópú-á fyò wil Liyel ní-nsah wòkò soko, pè kyí wě we à vī-nsah yah Yesu we n ko n mọ yīnne.

Liyel-á nê yah wilki ne à pé tòle n pi

¹⁵ Yesu-á pọ pi ne Farisi wěkì kópú-á me pé kònmo-nsahle n yah n kō, à yal nénpó. Névyé náhnáh me n sò tē. A me pé soko yámpú pól de mọ,

¹⁶ té pè gbah sni ne pè káh pé tyí yáh ney tyí.

¹⁷ Yesu-á képah pi, Liyel-á lésò nê yo sah n tēntò syínyo-ò Yesayi tyí, kè wil. A lésò ne nkè:

¹⁸ «Máh nê yah wilki ne à ní tòle n pi, à we yò.

N nìdè ney ye ñne. Nmo ye ní nìvìni yòle.

Mé ki ní Mirki tiki mọ n yò,

à kō à ki gbì wěkì tyí yo yìkìni pól névye tyí.

¹⁹ A náh yékâb pi n pi neyne, à náh n gbo n mọ n tū n pi,

ney náh n yínpò noh n pi tówú tükè-ntàn soko.

²⁰ Fìlkì nê-á me kwónmòntēnóle, à náh ké téy kwọ n pi.

Fòtnò nê-á me n tyah nínóle, à náh ké téy ni n mọ n pi.

Sě ye à ki n pi, pópó ki pọ nọ gbí nê-á gbì wěkì ki yah syi.

²¹ Té yìkìni pól névye gbò sàhnó ki me ñmọ yò.»‡

Yesu tē we sétàn yòtē tyí

²² Képah náh, nósýó dí yó tē pọ Yesu tyí. Sétò sò me n soko à kō à pi yítú ànê kèdòkìle. Yesu me à de mọ, à kō tē we n weki, té fě n yah.

²³ Képah tēne, kè pi gbèndùnìne tówú pól tyí, pè me tyah n yo wě tyí ne: «Té Davidi Pídí náh yò lé?»

²⁴ Nte Farisi wěkì kópú-á képah tē noh sě, pè ne sétàn yòtē Belsebuli ó gbò yò-á à n yīni sétànne.

²⁵ Té Yesu-á pé foko sònọ we sě, à yo pé tyí ne: «Yòtòrí nê tē névye-à fyò yuku wēne n fwo, kéne yòtòrí ki yiki. Kwil nê névye-à yuku wēne n fwo, kè náh n wū n pi. Sě ó ye, kéte nê névye-à yuku wēne n fwo, ké tọ náh n wū n pi.

²⁶ Té sétàn yòtē-à tyah n nolè n yīni, n gblòy náh à n fwo di? N yòtòrí se ki wū?

‡ 12:21 12.18-21 - Yah n te Yesayi 42.1-4.

27 Té ñmɔ-à me sétãñne n yĩni Belsebuli gbò yõ yé yo à; yépi tĩnkĩ névye wɔ-á dò, nê gbò yõ me pépi n yĩni séle wé? Pépi ntě ye kɪ lékàhle yé kɔ.

28 Liyel Mirki gbò yõ-à mé n yĩni séle, képah n wěki ne ñkě, Liyel tórí-á yĩni tě yé tyí.

29 Tãhkì-á me díš nê sɔkɔ, nê kɪ fě ñ púkúbí-ńkě sɔkɔ, kɪ de ñ wòkò sɔkɔ kɪ ñ gbàn yĩ kwel? Máhah wãh kɪ à pukubi té kɪ pyě de ñ wòkò yĩ kwel.

30 Névi nê-à mó-ńkěne ñmɔle, tě me ñne n fwo. Névi nê náh me ñne n yohni n mɔ tükènmɔnɔ sɔkɔ, tě me kárkínóle n pi.

31 Képah ye, mé kéle n yo yé tyí ne: «Névye tyípél pól ànê pé Liyel gbyòno pól kɪ fě yõ mɔ pè kɔ. Nte Liyel Mirki gbyòno tě wɔ náh n yõ mɔ n pi pé tyí pólle.

32 Névi nê-à yo de Névi Pídí tyí, kè kɪ fě yõ mɔ tě kɔ. Nte névi nê-à yo de Liyel Mirki tě wɔ tyí, kè náh yõ mɔ tě kɔ n pi kweyne, kè náh yõ mɔ tě kɔ n pi ñsò tɔle.»

33 Yé yah, séswo n pne ké pye dùkù sɔkɔ. Yãh ne séswo nê-á me ple, yé ne ké pye tɔ-á me ple. Yãh ne séswo nê náh me ple, yé ne ké pye tɔ-á me kétúkuyô.

34 Wáhnmiró nópi, tyípeplo se kɪ fě n wil yé vyěy sɔkɔ té yé nno mó tɔ me yúkúnóle pèkèle? Névi ni-á me yúkúnóle tyi nónoné, sépi ye n wil tě vyãh sɔkɔ dò.

35 Népépěy tyípeplo n wil ñ ni sɔkɔ. Nétúkù tyítúkúnì tɔ mó n wil ñ ni sɔkɔ.

36 Nte mé kéle n yo yé tyí, yah kě welo nóno pól-á névye n wěki, sé ywõ kɪ piki n yah n pi pé tyí Liyel tukey tuke sòle.

37 Tukey kɪ tuke á yõ à yĩne á vyãh weyne kɪ gbule ñ kɔ, képah náh pi kɪ lékàhle ñ kɔ.

Névye me kéle n yah n kɔ Yesu tyí ne à gbìl yó pi, nê-á n wěki ne wãh n wil Liyel tyí

38 Képah sɔkɔ, Liyel tyi kònsàhnó kwópú ànê Farisi wěkì kópú yísyó me Yesu syah ne, pé kwó-ò dí, páh me ké tyí ne à gbìl yó pi pé yah, nê-á n wěki ne wãh n wil Liyel tyí.

39 A me yo pé tyí ne: «Kwey gbì névye náh ple. Pè náh me tě Liyel ó tyí yõ. Pè me ké tyí ne mé gbìl yó pi pé yah. Nte kèyãh ntě náh pi pè wěki n pi, à wil Liyel těntò syinyo-ò Nsyonasɪ tyí sɔkɔ.

40 Yé yah, sɔ-á lésò Nsyonasɪ sèpìn tɔnì pi yěnkô-ñgběkì yó fɔkɔ sɔkɔ,* sě ye Névi Pídí tɔ kɪ sèpìn tɔnì pi sétáh sówãh.

41 Nsyonasɪ-á lésò Liyel těntò yo Ninivi kwil tãn tyí, pè fě syi pé tyípél pínó yal mɔ. Nte ney me ásò nê-á kal Nsyonasɪle. Kãh pi sě, Liyel tukey tuke sòle, Ninivi kwil tãn kɪ yuku kwey gbì névye yõ, kɪ lékàhle pè kɔ.

42 Pi nê-á lésò yõtěne Saba sétáh yõ, à lésò wil fíí sétáh yĩn tyí, à pɔ yõtě dí Salomo lékãm welo noh.† Nte ney me ásò, nê-á kal Salomole. Kãh pi sě, Liyel tukey tuke sòle, kéné pi kɪ yuku kwey gbì névye yõ, kɪ lékàhle pè kɔ.

Sétò syĩnpɔndenɔle névi sɔkɔ

43 Sétò-à wil névi sɔkɔ, à n kyɪ gběnnɪ kɔ n kɔ, ñ mì-ñsah yah n kɔ. Nte wãh wé-ńkěne,

§ 12:29 12.29 - Dí nê tyí-á yo ásò sɔkɔ yò, sétàn yõtě ye pè n ye. * 12:40 12.40 - Yah n te Nsyonasɪ 1.17. † 12:42 12.42 - Yah n te 1 Yõtãm 10.1-13.

44 à n yo ò gblɔy tyí ne, páh sò wil nýāh sɔkɔ, páh kɪ pé syɪ yuku nɛnpɔ. Wāh ò syɪ, té kyɪ ò tɛ̀-nsah dyāh we ké kókóle yàlntɔ̀nsàhnóle,

45 à n kyɪ sé no sɛ̀tānno kwārnino syah, nónó-á peke kal òmɔle. Sé tɔ̀o n kyɪ n de n tɛ̀ tɛ̀ sɔkɔ. Kāh pɪ sɛ̀, tɛ̀ mɛ̀ dükù ké syɪ n peke n kal ò gben tɛ̀ne. Sɛ̀ ye kwey gbɪ nɛ̀pɛ̀l tɔ̀ tyí kɪ n pɪ n pi.

Nónó me Yesu yú ànê ò yúnpyéle?

46 Yesu-á me képah yónó sɔkɔ tówú tyí, ò yú ànê ò yúnpyé pɔ̀ yɪn kégbó té me ké tyí ne pé yo mɔ̀ ò tyí.

47 Nnɪ me yo ò tyí ne à noh yò, ò yú ànê ò yúnpyé-á me yɪntɛ̀nóle kégbó. Pāh me ké tyí ne pé yo mɔ̀ ò tyí.

48 Yesu me yo tɛ̀ tyí ne: «Nê me nɔ̀mɔ̀ nòle, ànê nónó me ní yúnpyéle?»

49 Té ò gbò nɔ̀ mɔ̀ ò tò sáhpú tyí té ne nkɛ̀: «Nɔ̀mɔ̀ nò ànê ní yúnpyé we yò.

50 Yé yah, nɔ̀mɔ̀ Sú nê-á yɪnyò, wāh me nê tyí, névi nê-à képahle n pɪ, tɛ̀ wɔ̀ ye nɔ̀mɔ̀ yúnpile, képah nāh pɪ ní nòle.»

13

Sèmirkɪ nê-á yāh sɛ̀mukɔ̀ mɪr-ò tyí yò

1 Lésò mɛ̀ óle, Yesu wil gbò sɔkɔ à kyɪ kɔ̀ tɛ̀ yó-̀ngbɛ̀ gbòpɔ.

2 Tówú òngbɛ̀ yó me pɔ̀ à mɔ̀ gbɪ. Pé tnónkàhnó tɛ̀ tyí, à de kɔ̀ tɛ̀ krótókè yó sɔkɔ. Tówú pól sò me yɪntɛ̀nóle yóngbalɪ sɔkɔ.

3 A sò me tyi náhnāhle n yāh pé tyí sèmɪrn sɔkɔ, me n yo pé tyí ne: «Sò yóle, dí yó lésò kyɪ sɛ̀mukɔ̀ mɪr-̀nsah ò swāh sɔkɔ.

4 Wāh me mɪrnó sɔkɔ, yísyó syɪkɪlɪ wɛ̀gbalɪ sɔkɔ, kèpye me pɔ̀ sépi yo.

5 Yísyó me syɪkɪlɪ yen kwéy tɛ̀-nsah légbí yò. Té kāh pɪ yen gbɪ nāh sò me nɛnpɔ̀ sɛ̀, sè núkú fi súú.

6 Té sè nāh tɛ̀ we yāhnì gbɪ mɔ̀. Kāh pɪ sɛ̀, gbɪ-á pɔ̀ vyāh sè tɛ̀, sè kɔkɔ.

7 Yísyó me syɪkɪlɪ de pān nɪyó, pān me yuku fyāh sé yò.

8 Nte yísyó me syɪkɪlɪ sɛ̀tāh pèpɛy sɔkɔ à pɔ̀ ywò pɪ. Túkù pyeno lèkwɛ̀kwe pɪ, túkù tikitɔ̀nítɔ̀nɪ pɪ, túkù yògbāmgbām pɪ.

9 Nê-à kɪ me kè noh, tɛ̀ kè tɛ̀ yɪn.»

Tir nê yɪn me Yesu n yāh névyɛ tyí sèmɪrn sɔkɔ?

10 Képah sɔkɔ, ò tò sáhpú me nɔ̀ de ò tnò té à piki yah ne, kwāh nê se pɪ té à n yāh no nópi tyí sèmɪrn sɔkɔ nɪ?

11 A me yo pé tyí ne: «Liyel tɔ̀rí tyi nónó-á sò me wɔ̀bɪnsàhnóle, sé pnèno ye yépi kɔ̀. Nte kè nāh pépi wɔ̀ kɔ̀.

12 Névi nê tyí kwāh-á me, dòhnìno kɪ n pɪ òmɔ̀ tyí yò yrɔ̀yrò. Té névi nê tyí kwāh nāh me, kwéy nê nítɛ̀-á me ò tyí, kè kɪ tɛ̀ syɪ ò tyí.

13 No nópi me n yah, té pè nāh me kwāh yóle n we, képah n wɛ̀kɪ ne pè nāh me ké tyí yahle n we. Pè me pé níne n kwɔ̀, té pè nāh me kwāh yóle n nohnɪ, képah n wɛ̀kɪ ne pè nāh me ké tyí yahle n we. Képah ye ní kɔ̀ mé n yāh pé tyí sèmɪrn sɔkɔ.

14 Liyel tɛ̀ntò syɪnyo-ò Yesayi-á lésò nê yo sah, képah ye n nɔ̀ péle yò. A lésò ne nkɛ̀:

<Yé kɪ yé níne n kwɔ̀ n nohnɪ, té yé nāh ké tyí yah we n pi.

Yé kɪ n yah, té yé náh kwâh yó wɛ n pi, képah n wěkɪ nɛ yé náh mɛ ké tyí yahle n wɛ.

15 Nikisekókó névye ye no nópilɛ.

Pè mɛ pé ní tah tũ,

té pé yí vike sah

nɛ sè káh kwâh yó ítɛ wɛ,

pé ní káh tir yó ítɛ noh

pé kɔ́ pé káh fɛ́ ké tyí yah wɛ,

pé mó vi mɔ́ Liyel wěkì yó

ní kɔ́ mé pè wɛ n dɛ n mɔ́.»

16 Welɔ́ nópi yóntɛnɔ́ náh, Yesu tɔ́ yo pé tyí nɛ: «Nte yépi tɛ́ wɔ́ tyí nɔ́, yé yí mɛ n yah, yé ní mɛ n nohnɪ.

17 Kégbɪ yó mé kéle n yo yé tyí, yáh tyi nónó wɛ, Liyel tɛ́ntò syínyopu ànê névye nónó-á néglólɛ Liyel yah, pé náhnáh sò mɛ ké tyí nɛ pé sè wɛ, té pè náh sè wɛ. Yáh tyi nónó noh, pè sò mɛ ké tyí nɛ pé sé tɔ́ noh, té pè náh sè wɛ noh.»

Sèmìrkì kórlɛ, nê-á yāh sè mukɔ́ mîr-ò tyí yó

18 «Sè mukɔ́ mîr-ò sèmìrkì yó-á nêne, yé yé ní sah kè noh:

19 Névyɛ nónó-à Liyel tɔ́rí tyí yónó noh té pè náh ké òkò pĩ, sétàn yòtɛ́ n pɔ́ wɛy mɛ́ wilki pé fɔ́kɔ́nɪ sɔ́kɔ́. Pè mɛ wěgbalɪ tyí kólɛ nýāh sɔ́kɔ́-á sè mukɔ́ syíkɪlɪ.

20 Túkù mɛ légbí yó tyí kólɛ, nýāh sɔ́kɔ́-á sè mukɔ́ mir mɔ́. Pépi-à wɛy mɛ́ noh, nénpó swɔ́ pè kè fɛ́ n syi nìvìnì sɔ́kɔ́.

21 Té pè náh n yɛ kè yāhnìnɛ n mɔ́ pé sɔ́kɔ́. Pè kè fɛ́ n syi nénpó swɔ́ ó sɔ́kɔ́. Té yèvyāhrɪ, képah náh pɪ fóhnó-à núkú pè yīni tɛ́ kéne wɛy yīnne, pè pé náh vi kè kɔ́ súú.

22 Túkù mɛ pān tɛ́-n̄sah tyí kólɛ, pāh wɛy mɛ́ noh, kèkōyó tyi fɔ́kɔ́ sōnɔ́ ànê tahrɪ dékè n pɔ́ ké yah kɔ́, kè náh n tɛ́ n wɛ tirlɛ n pɛkɪ pé tyí.

23 Túkù wɔ́ mó mɛ sétáh pèpɛy tyí kólɛ, pépi-à wɛy mɛ́ noh, pè ké òkò pĩ, yōre n wɛ ké tyí sè mukɔ́ tyí kólɛ, nónó-á pyɛnɔ́ lèkwěkwɛ pɪ, ànê nónó-á tikitōnítōnɪ pɪ, ànê nónó-á yōgbāmgbām pɪ.»

Sèmìrkì nê-á yāh filkì tyí yó

24 Yesu tɔ́ sèmìrkì yó yāh pé tyí nɛ nkɛ́: «Yé yah, Liyel tɔ́rí-á kɪ fɛ́ tɔ́kɔ́ sāh sèmìrkì nêne, kè wɛ yò: Dí yó lésò sè mukɔ́ duku pèpɛy mir mɔ́ n swāh sɔ́kɔ́.

25 Té névyɛ-á pɔ́ ò gbí nêne, n̄ sépɛ kyɪ filpyé mir dah mɔ́ kɔ́ ké sɔ́kɔ́ nê-á mɛ ké kètòlɛ, té n̄ náh vi sɔ́kɔ́.

26 Kāh pɔ́ kyāh té n dubi gbí nêne, filkì tɔ́ ké yó wilki mɔ́ kwèy.

27 Sètɛ́ dí tōnpɪbɪ-á kè kyɔmɪ wɛ sɛ́, pè mɛ kyɪ kè yo pé yòtɛ́ dí tyí nɛ ríkɛ́, pé yòtɛ́, sè mukɔ́ duku pèpɛy-á se sò à mir mɔ́ n swāh sɔ́kɔ́; té kè se pɪ sò té filkì tɔ́ pɔ́ n wɛ ké sɔ́kɔ́ nɪ?

28 A mɛ yo pé tyí nɛ, sépɛ yó tò vyāh-á képahle. Pè mɛ nɛ, à se mɛ ké tyí nɛ pé kyɪ sè viki nɪ?

29 A mɛ nɛ ò-á. Nkɛ́ pāh kɪ nɛ pāh séle n viki, sè mukɔ́ tɔ́-á kɪ syah n kwɔ́ n mɔ́ n viki séle.

30 Pè yɛ sé yó sè nɛ n kyāh wɛ́ tyí kè syi pɔ́ n nɔ́ sè mukɔ́ tɔ́kɔ́ gbí tyí. Té sè mukɔ́ tɔ́kɔ́ gbí-à kɪ pɔ́ nɔ́, pāh kɪ yo sè mukɔ́ tókópú tyí nɛ pè filkì n̄gbò

kõ, pè mó sè pukubi pbo pbole pè kyɪ n suke. Té sè mukɔ wole, pè képah tɔko n mo pé dúkúrí sɔko.»

Sèmìrn nónó-á yāh mútárdì pi ànê kókónó tyí yō

³¹ Yesu tǔ sèmìrkì yó yāh pé tyí ne: «Yé yah, Liyel tǔrí-á kɪ fě tɔko sāh sèmìrkì nēne, kè we yò: Dí yó lésò mútárdì pi tɔko duku mo ñ swāh sɔko.

³² Képah yilo kal yípyé pólle. Té kàh fi, kè n pi gblò kal sè mukɔ duke pólle. Kè n pi séswô sǔ, kèpye n pɔ syè pi ké yìngbàn tyí.»

³³ Képah nāh Yesu tǔ sèmìrkì yó yāh pé tyí ne: «Yé yah, Liyel tǔrí-á kɪ fě tɔko sāh sèmìrkì nēne, kè we yò: Sê yó lésò kókónó tɔko mo tɔko yí tǔnó mífáhkì sɔko, ké pól kǔ kè dɔko.»

Yesu sèmìrn yáhnó yōle

³⁴ Yesu sò me tyi nópi pólle n yāh tówú tyí sèmìrn ó sɔko. A nāh sò me tir yó ñtēne n yo pé tyí né sèmìrn sɔko nāh.

³⁵ A képah pi Liyel tǔntò syíno-ò tir yónsāhnó kǔ kè wil. A lésò ne níkě: «Mé kɪ tyile n yo sèmìrn sɔko. Tyi nónó-á sò me wǔbìnsāhnóle kèkǔyó mo gbí dükùle, mé kɪ névye níkí ykɪ séle.»*

Sèmìrkì kórlé, nê-á yāh filkì tyí yō

³⁶ Képah tēne, Yesu yal tówú tnô à sɔko gbô. N tǔ sáhpú me no de ñ tnô té yo ñ tyí ne, swāh sɔko filkì sèmìrkì nê-á sò à yāh, à ké yō yo pé syah.

³⁷ A me yo pé tyí ne: «Sè mukɔ duku pèpey mírnmɔ-òle, Névi Pídí ye.

³⁸ Swāhle, kèkǔyó ye. Sè mukɔ duku pèpeyne, Liyel yǔtǔrí sɔko wǔnpì ye. Fílkìle, sétàn yǔtǔ nāh névye ye.

³⁹ Sépe nê-á mir dah mo filpyéle, sétàn yǔtǔ ye. Sè mukɔ tókónóle, kèkǔyó tyénó ye. Sè mukɔ tókópúle, yínyó tǔnpɪbɪ ye.

⁴⁰ Sǔ-á pè filkì viki n suke nyàh sɔko, sǔnkǔ ye kɪ n pi n pi kèkǔyó tyénó tɔ sɔko.

⁴¹ Névye nónó pól-á névye yōle n ykɪ n mo pèkè pínó sɔko, ànê nónó pól-á tyítúkúnì pípúle, Névi Pídí kɪ ñ yínyó tǔnpɪbɪ tekɪ n mo n pi, pè kɪ pɔ pè wilkɪ ñ tǔrí tyah sɔko.

⁴² Té kɪ pè min dah mo sǔnki nyàh sɔko, nýāh sɔko-á gbní ànê yní táhnó kɪ me.

⁴³ Nte névye nónó-á me néglólé Liyel yah, pépi wɔ kɪ n tǔ pé Sú Liyel tǔrí sɔko, gbí tyí kǔle. Nê-à kɪ me kè noh, tǔ kè tǔ yín.»

Sèmìrn nónó-á yāh tahrɪ wǔbìnsāhnó ànê pérì tyí yō

⁴⁴ Képah nāh, Yesu tǔ yo pé tyí ne: «Yé yah, Liyel tǔrí-á kɪ fě tɔko sāh sèmìrkì nēne, kè we yò: Dí yó lésò kyɪ wil mo tahrɪ wǔbìnsāhnó yó yǔ swāh yó sɔko, té kè tɔko tǔ wǔbɪ. Ké wénó nìvìnì tǔ tyí, à sɔko à kyɪ ñ gbàn yí pól yām à pɔ swāh mè dwe.

⁴⁵ Yé yah, Liyel tǔrí-á kɪ tǔ fě tɔko sāh sèmìrkì nēne, kè we yò: Gbò yí-ò yó lésò me, nê-á yí kètárnó yísyóle n yah n kǔ, pè n ye pérìlínóle.

⁴⁶ Wāh pɔ ké dénkókò yó we, à kyɪ ñ gbàn yí pól yām à pɔ kè dwe.»

Sèmìrkì nê-á yāh yǔnkɔ tǔ tǔ mno tyí yō

* 13:35 13.35 - Yah n te Gbálnó 78.2.

47 «Yé yah, Liyel tǒrí-á kɪ fě tɔkɔ sãh sèmĩrkĩ nêne, kè we yò: Nósyó lésó yěnkɔ tẽ tẽ mɔ min dah mɔ yɔ sɔkɔ, à yěnkɔ duke pól tẽ.

48 Kãh yuku, pè kè yɔrɪ wilki pɔ kènkwãh yõ, té kã tẽ à yěnkɔ gblɔ wah mɔ dú sɔkɔ, té sé téló milki.

49 Sě ye kɪ n pɪ n pi kèkõyó tyénó tɔ sɔkɔ. Yĩnyõ tǒnpɪbɪ kɪ pɔ nétúkúni wah wilki négló sɔkɔ,

50 kɪ kyɪ pè min dah mɔ sĩnki nyãh sɔkɔ, nýãh sɔkɔ-á gbní ànê yní táhnó kɪ me.»

Kwónó kedyãh ànê kwónó késãnnɛ

51 Képah náh Yesu tǒ yo ñ tǒ sáhpú tyí nɛ: «Yé se tyi nópi pól noh wah?» Pè me nɛ àwe-á.

52 Képah sɔkɔ, à me yo pé tyí nɛ: «Liyel tyi kònsàhnó kwópú nónó-á sò kwónó we sɔkɔ Liyel tyi kònsàhnó tyí yõ ñgbòle, té tǒ pɔ kwónó we Liyel tǒrí tyí yõ núkúnúkú, té névyele n kwɔ séle, pépi me kéte tẽ yó sǒ, nê-á yídĩ sò me ñ tyí ñ dúkúrí sɔkɔ, té à tǒ pɔ snó we dohnɪ sé yõ, té me séle névyele n kã.»

Nasaretɪ tãh yahle sěńóle Yesu yõ

53 Té Yesu-á sèmĩrn nópi yãh tɛ pé tyí gbí nêne, à yal nénpó

54 té sɔkɔ ñ kwil sɔkɔ. Wãh kyɪ nénpó, à kyɪ kwónóle n pɪ pé Liyel nínsah wòkò sɔkɔ, fók no pól gbãh du ñ tyíle. Pè sò me yo tũ nɛ, à se we nýãh lékãm ànê tẽnwenɔ mènɛ, à fě gbĩl nópile n pɪ nɪ?

55 Nmɔ kó sésár sé-ò pídĩne nɪ? N yú yĩn kó Marile, té ñ gběndípi me Nsyakɪ, ànê Nsyosefu, ànê Simo, ànê Nsyudele nɪ?

56 Té ñ dósýó pól kó me pépile ásò yò nɪ? Nte nýãh tẽ ó se ñmɔ we lékãm ànê tẽnwenɔ mènɛ nɪ?

57 Képah sǒnɔ sò me pé yõ yɪkɪ pè kã pè tẽ sě kwɔ Yesu yõ. Képah sɔkɔ, Yesu me yo pé tyí nɛ: «Liyel těntǒ syĩnyo-ò kwil ànê ñ kéte sɔkɔ ó ye pè náh ñne n mɔ n kã Liyel těntǒ syĩnyo-òle.»

58 Pãh yahle sěńóle Yesu yõ sě, à náh mó gbĩlnó náhnáh pɪ nénpó.

14

Wèlnwĩlkĩ-ò Nsyõ kúnóle

1 Légbĩne, Kalile mara yòtě dí Yerɔdɪ Yesu tyí yónó noh,

2 té yo ñ tǒnpɪbɪ tyí nɛ, Wèlnwĩlkĩ-ò Nsyõ-á yò tótó. N lékó-á yilki mɔ. Képah-á tẽnwenɔle ñ tyí à fě gbĩlnóle n pɪ.

3-4 Yé náh we di, ñgbòle, Yerɔdɪ lésó ñ gběndí Filipi kyɪ Yerɔdyadɪ tẽ syi. Nsyõ me kè yo ñ tyí nɛ, ké yah náh à à tɔkɔ. Pi mè yĩnne, Yerɔdɪ me pè kã pè Nsyõ tẽ à kãrn mɔ ñ tyí, té à dah mɔ sah wòkònpèkè sɔkɔ.

5 A lésó me ké tyí nɛ pé Nsyõ ko mɔ. Nte tówú-á lésó me Nsyõne n mɔ n kã Liyel těntǒ syĩnyo-òle sě, pépi yah tíkí me à tẽ.

6 Nte Yerɔdɪ dúbínó yòh vɪnpɔnɔ syáh syah sòle, Yerɔdyadɪ písé yõ yi néyénó yah sɔkɔ. Kè me nɔ Yerɔdɪ tyí,

7 fók à ñ vyãhle à kã, té ñ wo ñ tyí nɛ wãh kɪ sǒ kwáhdúkú nê yah kã pé tyí, pãh kɪ kéle à kã.

8 Képah sɔkɔ, pípír yú me à kurki mɔ à kã à yo Yerɔdɪ tyí nɛ, à Wèlnwĩlkĩ-ò Nsyõ yòle pé kã ásò dú pyãhrɔ yó sɔkɔ.

⁹ Képah tēne, kè yòtē dí yah kwɔ. Nte n wónó mè yinne n néyénó yí yah, à ne pè pɔ kéle à kɔ̃.

¹⁰ Té pè kɔ̃ pè kyɪ Wèlnwìlkì-ò Nsyɔ̃ yɔ̃ kām wòkònpèkè sɔkɔ.

¹¹ Páh kè kām, pè kè dah mɔ dú pyahrɔ yó sɔkɔ à pɔ pípír kɔ̃, à me kè syi kyɪ n yú kɔ̃.

¹² Nsyɔ̃ tò sáhpú me pɔ n lékó tɔkɔ kyɪ yí, té kyɪ ké yah yo Yesu syah.

Népĩ kèyò nínó kyegbām (5 000) kénkɔ̃ púnóle Yesu tyí

¹³ Yesu-á yí mè noh sɛ̃, à de krótókè yó sɔkɔ ànê n tò sáhpúle pè yal nénpó, à yuku gběnnɪ tyah yó sɔkɔ à kyɪ tɛ̃ pé yahle. Tówú-á pé sókónó tyí noh nyāh sɔkɔ, pè wil kwlo kwlo sɔkɔ à pé nyāh sɔ̃ gbáhkì yɔ̃.

¹⁴ Yesu-á wil krótókè sɔkɔ té tówú ñgbě we sɛ̃, pé yām à tɛ̃. A me pé yámpú de mɔ.

¹⁵ Nvî-á pɔ nɔ, n tò sáhpú nɔ de n tnô té yo n tyí ne, gběnnɪ tyah sɔkɔ-á péle yò. Té lékâh-á me n tyah mónóle, à kó tówúle n fin n mɔ pè kyɪ yɔ̃ yɔ̃ yíle n yah n dwe kwlo sɔkɔ nɪ?

¹⁶ Yesu me yo pé tyí ne, yɔ̃ nāh me ké tyí pè sɔkɔ. Pépi yòke yah pé gblɔ̃y pè kɔ̃ pè yɔ̃.

¹⁷ Képah sɔkɔ, pè me yo n tyí ne, búrn pló kwló ànê yěnkɔ̃ pló nínó ó-á me pépi tyí ásô dò.

¹⁸ Yesu me yo pé tyí ne, pè sè tɔkɔ n pɔ pé kɔ̃ ásô.

¹⁹ Té me tówú kɔ̃ pè kɔ̃ tɛ̃ filkì yɔ̃, té búrn pló kwló ànê yěnkɔ̃ pló nínó nópi tɔkɔ, té n yah yɔ̃ yínyò à wɛkɪ Liyel tyí, té sè kwɔkɪ mɔ n tò sáhpú kɔ̃ pè syi tówú kɔ̃.

²⁰ Pé pól me yɔ̃ tɔ̃, té pè me pé yónkwlonɔ téló tuke mɔ vyó gbɔ̃nínó yíine.

²¹ Té nónó-á sò yɔ̃ yòke mène, pè sò me díbí népĩ kèyò nínó kyegbām (5 000) kénkɔ̃le syó ànê wěnpì vyāh kēne.

Yesu kónóle Kalile yó-ñgbě yɔ̃

²² Képah nāh, Yesu núkú n tò sáhpú gbah tɛ̃ ne pè de krótókè sɔkɔ, pè mɔ pé yahle yó-ñgbě kahnine, péwɔ mó tówú fin mɔ.

²³ Wāh pé fin mɔ te, à dɔkɔ yuku yóh yɔ̃ à kyɪ tɛ̃ n tyíle à Liyelle n ni. Lékhāh mɔ pɔ à we n gblɔ̃y nénpó.

²⁴ Té légbíne, krótókè sò me gbe mɔ te yo vyāhle nāhnāh. Té yáhkí sò me péle n yohnɪ. Kāh pɪ sɛ̃, ni sò me krótókèle n kah n fwo.

²⁵ Tyah dal gbíne, Yesu tyah n kɔ n yuku pé tnô yo yɔ̃.

²⁶ Páh à we à n kɔ n pi yo yɔ̃ sɛ̃, pé sām yɔkɔ. Pè tyah n yo ne lékó mírkí yó-á. Té tyah n de n syi tíkí tɛ̃ tyí.

²⁷ Nte nénpó swɔ, Yesu me yo mɔ pé tyí ne, pè pé nɪ syāh. Péwɔ-á, pè káh tíkí pɪ.

²⁸ Képah sɔkɔ, Pyerɪ me yo n tyí ne, Tɛ̃ ñgbě, ñmɔ-à kɪ nê ntyíno, à péwɔ kɔ̃ pé wil kɔ pɔ n tnô yo yɔ̃.

²⁹ Yesu me yo n tyí: «Pɔ!» Pyerɪ me wil krótókè sɔkɔ à tyah n kɔ n yuku Yesu tnô yo yɔ̃.

³⁰ Nte wāh pɔ kè kyomɪ we ne yáhkí-á me n kah n pɪ, tíkí à tɛ̃. Képah sɔkɔ, à tyah n tiki n de ni sɔkɔ té de syi ne, Tɛ̃ ñgbě, à pé pwah mɔ oo!

³¹ Nénpó swɔ Yesu núkú n gbò nɔ à à tɛ̃ té yo n tyí ne, à nāh sɛ̃ péwɔ yɔ̃ fwóo ló. Sɔ̃ se pɪ té à n sɔ̃ tòtò nɪ?

³² Té pè me de krótókè sɔkɔ, yáhkí núkú yīn.

³³ Nónó-á sò me krótókè mè sɔkɔ, pè gbètukunɔ di Yesu yah té yo n tyí ne, kègbɔ yõ, òmɔ-á Liyel Pídíne.

Yámpú dénmɔnɔle Yenesareti sétáh yõ

³⁴ Yesupi-á yó-ngbě kah te, pè de Yenesareti sétáh yõ.

³⁵ Nénpó tǎn me à yah pī, té núkú n pónó yo soh mɔ nénpó tǎn pól tyí. Pè me pɔ pé yámpú pólle n tyí.

³⁶ Té òne n ni ne, à ye pé kō pé tū n fwòmɔni vyāh n̄tē ó tyí. Té nónó pól-á fyò tū ké tyí, pè de.

15

Tyi nónó-á kɪ fě névi silki Liyel yah

¹ Képah sɔkɔ, Farisi wěkì kópú ànê Liyel tyi kònsàhnó kwópú wil Yerusalemɪ kwil sɔkɔ à pɔ Yesu tnô, té à syah ne nkě,

² sò se pɪ té n tò sáhpú náh me n kɔ lékɔlɔ wǎldi yõ nɪ? A ne n yah pè yǎrle n yõ, té pè náh se mó tǔ pé gbǎn wu à yīne pé wǎldile lé.

³ A me yo pé tyí ne: «Té yépi wɔ-á dò, sò pɪ té ye wǎldi yīnne, ye náh me n kɔ Liyel tyi kònsàhnó wǎl yõ?

⁴ Yé yah, Liyel kè yo ne nkě: <Yòyénne n sah á sú ànê á yú yõ.>* Té tǔ kè yo ne nkě: <Névi nê-à wèntùkù wèkɪ n sú tyí, képah náh pɪ n yú tyí, tē yīne kònmɔnɔle.>†

⁵ Nte yépi wɔ n mó ne, névi nê-à yo n sú képah náh pɪ n yú tyí ne, kwāh nê-á sò me pé tyí n yohnɪ n mɔ mɔ tēne, páh képahle Liyel kō te,

⁶ n dúbí-ò mè yòhnɪnmɔnɔ kǔl náh tǔ me n yõ. Kàh pɪ sě à, Liyel tyi kònsàhnó náh ye yɪkɪ ye wǎldi yīnne di?

⁷ Vyāhsesyírí névyè nópɪ, Liyel-á lésɔ Yesayi kō à nê yo sah, képah ye yépi n pɪ yò. A lésɔ ne nkě:

⁸ «No nópɪle, vyāh ó sɔkɔ ye pè n gbilki ímɔle.

Nte pé nno me fíí íne.

⁹ Pǎh kwónóle n pɪ tyi nónó yõ,

névyè yah yíí tyi kònsàhnó ye séle.

Képah ye, gbílkinó nê-á pè n gbilki n pɔ íne pè yo,

nónó ye kéle.»‡

¹⁰ Képah sɔkɔ, Yesu tówû mè ye tuke té yo pé tyí ne: «Yé ye ní kwɔ n noh palle, ye welo nópɪ syíkí-ínsah pī.

¹¹ Yí nónó-á n de névi vyāh sɔkɔ, sépi náh n silki òne Liyel yah dé. Welo nónó-á n wil n vyāh sɔkɔ, sépi ye n silki òne.»

¹² Képah tēne, n tò sáhpú me nɔ de n tnô té yo n tyí ne, à kó pī ne n welo nónó-á sò sé yey mɔ Farisi wěkì kópú tīnne, sǎh pè kah yo nɪ?

¹³ A me yo pé tyí ne: «Yèh nónó pól tē-á fyò me, té ní Sú nê-á yīnyõ òmɔ sónó náh séle, sè kɪ viki to.

¹⁴ Yé ye pé yõ. Yítūbi ye péle, nónó-á me pé no yítūbi yahle n tē. Té yítū-à mó tǔ n ní-ò yítū yah tē, pé ními kɪ syɪkɪ de pwǎh yó sɔkɔ.»

* 15:4 15.4 - Yah n te Yálnó 20.12. † 15:4 15.4 - Yah n te Yálnó 21.17. ‡ 15:9 15.9 - Yah n te Yesayi 29.13.

15 Képah sɔkɔ, Pyeri me yo n tyí ne, wǎh sǒ ne pé pé ní kwɔ wɛlɔ nónó noh pallɛ, à sé kór yo pé syah.

16 A me pé syah ne: «Lékám kě névye se yépi tɔle?

17 Yé nǎh pĩ ne yĩ nónó pól-á n de vyǎh sɔkɔ, sǎh nǎkěne n syǒ kèkùrkí sɔkɔ, n té n pyè n pɔ n wilki n kwɛ kèdúkúdahkɪ sɔkɔ di?

18 Nte wɛlɔ nónó-á n wil vyǎh sɔkɔ, sé sǒ n wil sǒnɔ sɔkɔ. Sépi ye n silki névile Liyel yah.

19 Névi lékám sɔkɔ ye sǒnɔ tókúni n wil, ànê nékókè mónóle, ànê fòfíkí pínóle, ànê pròprò pínóle, ànê yĩbele, ànê mìnì yónóle, ànê gbyɔle.

20 Kéne tyi wɔ ye n silki névile Liyel yah. Nte névi-à n gbǎn wú-nkěne à yĩne wǎldi-á kè yo sǒ té yòke yǒ, képah nǎh n silki tǎne.»

Sè yó pìsè dénmɔnɔle nê nǎh pi Nsyifulɛ

21 Képah nǎh, Yesu yal nénpó té sɔkɔ Tiri ànê Sidǒ sétáh yǒ.

22 Té pi yó sǒ me nénpó nê-á Kanah neyne. Nmɔ me pɔ Yesule yúkey té me n de n syi, me yo tũ n tyí ne pé Tě nǎgbě, n̄mɔ nê-á Davidi Pídine, à pé yām yah. Nkě sétó yó-á me pé pìsè sɔkɔ me n̄ne n kwɔlɔ kèpékèyǒ.

23 Nte Yesu nǎh dahbɪ wilki n tyí. N tǒ sǎhpú me nɔ de n̄ne té kè yah kǒ n tyí ne, à pi mè kǒ à n syi pé nǎh, à káh pé sǒ tǎ ne n de n syi n yuku sǎ.

24 Yesu me ne, Liyel-á pé tekɪ mɔ Yisrayel no ó yĩnne, pépi nónó-á me képyèni mónpuno sǒ.

25 Nte pi me nɔ pɔ n gbètukuno di n yah, té yo n tyí ne pé Tě nǎgbě, à pé yohnɪ n mɔ.

26 Yesu me à syah ne, ké yah nǎh pé wǎnpĩ yòke tɔkɔ n mɔ pǎhnpye kǒ.

27 Pi me yo n tyí ne, gbɪ-á à yo pé yǒtǎ. Nte pǎhnpye wɔ-á n yǒ sé nátām yǎnmírɪn yǒnkwenɔle.

28 Képah sɔkɔ, Yesu me yo n tyí ne: «Pi, á sǎ yǐi n̄mɔ yǒ dé. Wáh nê yah kǒ, Liyel kɪ kè pi á tyí.» Légbí mè ó sɔkɔ, pi pìsè núkú de.

Yámpú nǎhnáh dénmɔnɔle

29 Képah nǎh, Yesu yal nénpó à yuku Kalile yó-nǎgbě gbòpɔ. Té dɔkɔ yuku yǒh yǒ à kyɪ kǒ tǎ.

30 Képah tǎne, nékwínkí pé yámpú tǎ pɔ n tyí à pɔ pé sah n yah sɔkɔ. Túkú sǒ me gbáhkí núkú névyele, túkú me yítúbile, túkú me nédónène, túkú me kèdyòni, à tahlɪ yámpú túkú tyí. Té Yesu me pé de mɔ.

31 Kè pi gběndùnìne tówú tyí, pǎh kèdyòni wɛ pé me fǎ n wɛkɪ, nédónè dónónɔ me tyɛ, gbáhkí núkú névye me fǎ n kɔ tómtóm, té yítúbì me fǎ n yah. Képah tǎne, pé gbílkínó sah Yisrayel Liyel yǒ.

Yesu tǒ tówú nǎgbě pu

32 Yesu n tǒ sǎhpú ye, té yo pé tyí ne, tówú mè yām-á me péwɔ tǎ. Pé sèpìn tǒnì-á péwɔ nǎh sɔkɔ kweyne yò, té yǒ yǒ kwáh nǎh se pé tyí. Pé nǎh me ké tyí ne pé pé fin n mɔ pé sɔkɔ kwekɪle. Pé túkú-á kɪ kyɪ n syah n tǎ n kwɔlɔ wǎkí yah.

33 Képah tǎne, n tǒ sǎhpú à syah ne, pé se kɪ wɛ nýǎh yòkele gběnnɪ mè sɔkɔ, kɪ fǎ tówú mè dùkú kǒ pé kɪ yǒ tǒ nɪ?

34 Yesu me pé piki yah ne, búrn pló sǒ se me pé tyí nɪ? Pé me ne kwárninɔ-á, à tahlɪ yǎnképĩ yísyó tyí.

35 Képah sɔkɔ, à tówú kǒ pé kǒ tǎ sétáh.

36 Té búrn pló kwǎrninɔ ànê yǝnkyɔ nópi tɔkɔ, té wɛkɪ Liyel tyí, té sɛ kwɔkɪ à n tò sǎhpú kɔ pè syi tówú kɔ.

37 Pé pól me yǝ tǔ, té pè me pé yǝnkwlɔnɔ tuke mɔ tɔkɔ yí kwǎrninɔle.

38 Té nónó-á sǝ yǝ yǝke mènɛ, pè sǝ me díbí nǝpǐ kǝyǝ nínóle (4 000), syó ànê wǝnpǐ vyǎh kǝnɛ.

39 Képah náh, Yesu tówú fin mɔ pè sɔkɔ, té me de krótókè sɔkɔ à sɔkɔ Makadá sétáh yǝ.

16

Névyɛ mɛ kéle n yah n kɔ Yesu tyí nɛ à gbǐl yó pi, nê-á n wǝkɪ nɛ wǎh n wil Liyel tyí

1 Farisi wǝkɪ kópú yísyó ànê Sadusi wǝkɪ kópú yísyó nɔ de Yesu tnô nɛ pé à mɔ yah. Té à syah nɛ à gbǐl yó pi pé yah, nê-á n wǝkɪ nɛ wǎh n wil Liyel tyí.

2 Képah sɔkɔ, Yesu me yo pé tyí nɛ: «Gbǐyí de gbǐnɛ, yǝnyǝ-à me gbǝlǐ, yè n nɛ tyah yah-á kɪ yɪkɪ mɔ.

3 Té séngbǝle, yǝnyǝ-à me fɪnmòò, yè n nɛ kweyne tyah yah náh n yɪkɪ n mɔ n pi. Yé me fǝ tyah òkù wɔle n pne, té tyi nónó wɔ-á me n pi kwey gbǐ sɔkɔ, sǎh me tyi nónónɛ n wǝkɪ, yé tǝ sépi wɔ òkù pǐ kwɔlɔ kǝ?

4 Kwey gbǐ névyɛ náh plɛ. Pè náh me tǝ Liyel ó tyí yǝ. Pè me ké tyí nɛ mé gbǐl yó pi pé yah. Ntɛ kǝyǎh ntǝ náh pi pè wǝkɪ n pi, à wil Liyel tǝntò syínyo-ò Nsyonasɪ tyí sɔkɔ.» Képah yóntenɔ náh, à pè sah nǝnpó té sɔkɔ.

5 Képah náh, Yesu ànê n tò sǎhpú-á n sɔkɔ yǝnkahnɛ, n tò sǎhpú dyɔ sǝ fɔwɔ búrn tókónsɔkɔnɔle.

6 Yesu me yo pé tyí nɛ: «Yé kyòmínó pi. Yé yé gblǝyne n tǝ Farisi wǝkɪ kópú ànê Sadusi wǝkɪ kópú kókónóle.»

7 Képah sɔkɔ, n tò sǎhpú tyah n sǝ nɛ pépi-á pɔ búrn kǝnɛ, képah-á à kɔ à n yo sǝ yǝ.

8 Ntɛ Yesu me pé sǝnɔ pǐ té yo pé tyí nɛ: «Liyel yǝ sǝnyǐ-ńkǝpú nópi. Sǝ pi té yé n sǝ sǝ nɛ, yé náh pɔ búrnɛ képah-á?

9 Yé náh tǝnǐ me sé òkù pǐ sǝ nɪ? Yé dyɔ náh me n kwne tɔle máh búrn pló kwɔlɔle díbí nǝpǐ kǝyǝ nínó kyegbám (5 000) pu, ànê yáh yǝnkwlɔnɔ tǝlɔ tuke mɔ vyó yí dan nêne di?

10 A tahlɪ máh búrn pló kwǎrninɔle díbí nǝpǐ kǝyǝ nínó (4 000) pu, té yáh yǝnkwlɔnɔ tǝlɔ tuke mɔ tɔkɔ yí dan nêne, yé dyɔ náh me n kwne kéle di?

11 Té sǝ pi té yé náh tǝ wɛ pǐ nɛ búrn tyí náh mé n yo yé tyí, máh sǝ n yo yé tyí nɛ: «Yé yé gblǝyne n tǝ Farisi wǝkɪ kópú ànê Sadusi wǝkɪ kópú kókónóle?»

12 Képah sɔkɔ, pè pyǝ pǐ nɛ mífáhkɪ sɔkɔ mɔ mɔ kókónó tyí náh sǝ Yesu n yo pé tyí nɛ pé pé gblǝyne n tǝ kéle. Ntɛ Farisi wǝkɪ kópú ànê Sadusi wǝkɪ kópú-á kwónó nêne n kɔ, képah tyí-á sǝ à n yo pé tyí nɛ pé pé gblǝyne n tǝ kéle.

Pyɛrɪ-á nê yo Yesu tyí sɔkɔ

13 Yesu-á kyɪ yǐni tǝ Filipi-Sesarɪ gbǝnyah fɪnnɛ, à n tò sǎhpú piki yah nɛ: «Névyɛ tǝ tyí nê me nímɔle, nímɔ nê-á Névi Pídínɛ?»

14 Pè me ne, túkù-á ne Wèlnwìlkì-ò Nsyõ-á ònne. Túkù ne Liyel tẽntõ syínyo-ò Yeli-á ònne. Túkù mó ne Liyel tẽntõ syínyo-ò Nsyeremi-á, képah náh pi Liyel tẽntõ syínyo-ò yó-á ònne.

15 Képah sɔkɔ, à tɔ ne: «Nte yépi-á dò, yépi tẽ tyí nê me ímɔle?»

16 Simo Pyeri me yo n tyí ne: «Áwɔ ye Liyel ney yáhntɔkɔnɔle. Liyel nê-á min nétẽne, òmɔ Pídí ye ále.»

17 Képah sɔkɔ, Yesu yo n tyí ne: «Áwɔ tyí nɔ, Nsyonasí pídí Simo. A náh we di, névi náh wěki ále tyi nópilɛ dé, í Sú Liyel nê-á me yínyõ sɔkɔ, òmɔ ye wěki ále séle.

18 Nte ímɔ kɔ yo á tyí ne: «Pyeri ye ále, (nê kór-á légbíle). Té kéne légbí yõ sɔkɔ ye mé kɔ í yõ sěpú tĩkĩ sah. Té kũ tãhkì ntẽ fyé náh tẽ we tir yó pi n pi pé sɔkɔ.

19 Mé kɔ Liyel tǒrí tyah yah gbíní kénikópýle n kɔ. Wáh tir nê yahle sétáh mè yõ sɔkɔ, Liyel nê-á yínyõ sɔkɔ, n tɔ kɔ sah ké yõ sɔkɔ. Té wáh nê wěkì kɔ sétáh mè yõ sɔkɔ, Liyel nê-á yínyõ sɔkɔ, n tɔ kɔ sah ké yõ sɔkɔ.» Mé kɔ áwɔ kɔ á kɔ fě Liyel tǒrí nɔlɔ yónó wěkìle n kɔ. Wáh tir nê yahle sétáh mè yõ sɔkɔ, Liyel nê-á yínyõ sɔkɔ, n tɔ kɔ sah ké yõ sɔkɔ. Té wáh nê wěkì kɔ sétáh mè yõ sɔkɔ, Liyel nê-á yínyõ sɔkɔ, n tɔ kɔ sah ké yõ sɔkɔ.»

20 Képah náh, Yesu n tɔ sáhpu gbah sni ne, pè káh kè yãh névi syah ne péwɔ-á Liyel ney yáhntɔkɔnɔle dé.

Yesu me n kúnó ànê n lékó yìlkinmɔnɔ tyíle n yo

21 A tɔkɔ légbí tyí, Yesu tyah ké yahle n yo n tɔ sáhpu tyí ne, páh yĩne pé yuku Yerusalemɔ kwil sɔkɔ. Yèwàhnì, ànê sárká syínwìlkìpu yòtã, ànê Liyel tyi kònsàhnó kwópú-á kɔ yèvyãhrɔ náhnáh sah n pi péwɔ yõ. Pãh kɔ pé ko mɔ, té ké sèpìn tǔ-ò sòle, pé lékó-á kɔ yilki mɔ.

22 Képah tẽne, Pyeri me à ye kěkɔ té tyah n wɛkɔ n yõ ne íkě, pólle pé Tě ògbě, képah náh à yĩni n tẽ n pi. Liyel-á kɔ n tũ n mɔ n yõ.

23 Nte Yesu me n yah vi té yo n tyí ne: «To í yah sétã yòtẽ mè. Nmɔ fěkì-nsah ye á n yah n kɔ. Yah, á sòno náh me núkúle Liyel tyíle. A sòno me núkúle névi tyíle.»

Yesu sò tẽ dùkùle

24 Képah náh, Yesu yo n tɔ sáhpu tyí ne: «Névi nê-à me ké tyí ne pé ímɔ sò tẽ, tẽ yĩne à n gblɔy tyi we n ye, à mó n syɔ syɔ dahni twah ímɔ sò tẽ.

25 Névi nê-à ne páh n to n pwah kũ yah, tẽ náh tyé-íkě min we n pi. Té nê-á tekɔ n min sɔkɔ ímɔ yĩnne, tẽ wɔ kɔ tyé-íkě min we.

26 Névi-à ne kèkòyó yí pól we n pi, té ne n tekɔ n pi n min sɔkɔ, yõ se me ké tyí? Képah náh pi, kwáh se kɔ fě we névi tyí à kɔ tɔkɔ kɔ, n min sòne?

27 Yé yah, Névi Pídí kɔ n syɔ n pɔ n pi ànê n yínyõ tònpiɔle n Sú Liyel tǒríle n sɔkɔ. A kɔ pɔ nénúkú núkú pól dyah à yĩne pé tyípinìne.

28 Kègbɔ yõ mé kéle n yo yé tyí, névyè nónó-á ásò, pé túkù náh tònì me n ku n pi, té kɔ Névi Pídí we à kɔ me n pi n yòtǒrí sɔkɔ.»

17

Yesu dùkù vìnɔnɔle

1 Sèpìn kénúkò sókónteno náh, Yesu me Pyeri, ànê Nsyaki, ànê Nsyaki gběndí Nsyõ tẽ pè yuku yõh kèyy yó yõ, à kyí tẽ pé tyíle.

2 Dõ, Yesu dukù vi mọ pé yí yah. N yèpọ tyah n tẽ gbí sõ, té n flo me piki préyy.

3 Moyisi ànê Yeli núkú wil mọ pé yah, té me n yāh ànê Yesule.

4 Képah sọkọ, Pyeri me yo Yesu tyí ne, Tẽ ñgbě, pé pól tẽnó-á me ple ásô dé! Wàh kɪ me ké tyí, páh kɪ yèpyeno tónó pɪ: Núkú-á kɪ pɪ ñmọ tyíle, núkú kɪ pɪ Moyisi tyíle, núkú mó pɪ Yeli tyíle.

5 Wāh me képah yónó sọkọ, nýírki yó núkú wil nvyõõ à fob mọ pé yõ. Té yínpõ yó me wil nýírki mè sọkọ ne: «Nê-á yò, ñmọ nìdè Pídí ye. Ñmọ ye n nìvìnì yõle. Yé ne n nohnì n tyí.»

6 Yesu tò sáhpú nópi-á képah tẽ noh nýāh sọkọ, pè syikɪ pé yah di sétáh tiki tẽ tyí.

7 Képah sọkọ, Yesu me no de pé tnô à tũ pé tyí, té yo pé tyí ne: «Yé yuku, yé káh n ye tiki yé tẽ.»

8 Páh pé yey yõ, pè Yesu ó we ñ gblõy núkúnine.

9 Páh pé syi yõlile n tiki, Yesu me pè sni ne: «Yáh nê we, yé káh kè yāh ney tyí, fók kè syi n pọ n no Névi Pídí lékó yilkinmọno tyí.»

10 Képah sọkọ, ñ tò sáhpú me à piki yah ne, ñte sõ se pɪ té Liyel tyi kònsàhnó kwópú wọ ne nkě Yeli ñgbò-á yĩne à pọ Liyel ney yáhntokono yah ni?

11 A me yo pé tyí ne: «Gbɪ ye Yeli ye yĩne à pọ tyi pól tõ sah.

12 Ñte mé kéle n yo yé tyí, Yeli pọ te té pè náh à yah pĩ. Pè pé dyo pɪ ñ sọkọ. Sẽ ye Névi Pídí tọ kɪ fóhnó we n pi pé gbò.»

13 Képah sọkọ, ñ tò sáhpú núkú pĩ ne Wèlnwilkì-ò Nsyõ-á à n ye.

Ndyìkìnpɪ yó dènmọnole

14 Yesu ànê ñ tò sáhpú nópi-á pọ yĩni tẽ tówù sọkọ gbí nêne, dí yó no de Yesule à gbètukunọ di ñ yah, té yo ñ tyí ne,

15 pé Tẽ ñgbě, à pé pídí yām yah. Ndyìkìnpɪ-á ñne, wāh me n kwlo kégbile. Kèyāhle à n syikɪ n de nyāh sọkọ, képah náh pɪ ni sọkọ.

16 Páh pọ ñne ñ tò sáhpú tyí, té pè náh tẽ we à de mọ.

17 Képah tẽne, Yesu wẹkɪ pé yõ ne: «Népèl yísyóle n yah dé, Liyel yõ sē-ńkēpú nópi. Mé kɪ tẽ yéle, pópó kɪ pọ syi gbí nê tẽ tyí? Mé kɪ yé sómnóle n pɪ, pópó kɪ pọ syi gbí nê tẽ tyí? Yé pọ ñne n kō ásô.»

18 Páh pọ ñne, Yesu díri kō sétõ yõ nê-á mọ ñ sọkọ ndyìkìnìne, à me wil dípir sọkọ. Nénpó swọ, dípir núkú de.

19 Képah tẽne, Yesu tò sáhpú no de Yesu tnô pé yahle té à piki yah ne, sõ se pɪ té pépi wọ sõ tẽ sétõ mè yĩni wilki kwlo dípir mè sọkọ ni?

20 A me yo pé tyí ne: «Yé Liyel yõ sēnó yilo kah mọ képah ye. Kègbɪ yõ mé kéle n yo yé tyí, yé Liyel yõ sēnó-à me no mútárdì pi* fyéle, yé náhki fẽ yo yõh mè tyí ne kè yal ásô kè kyí n tẽ yāhàh, té kè náhki mó tõ kè pɪ. Yé náh náhki tir yó n̄tē pɪ n kwlo n pi dò. [

21 Nte sétõ mè dukùle, né níri pínó ànê níki tẽnó ó sọkọ náh, à náh fẽ n yĩni.]»

* 17:20 17.20 - Mútárdì pi yilo kal yípyé pólle. Yah n te Matye 13.31b-32a.

Yesu me ñ kúnó ànê ñ lékó yìlkinm̀̀nɔ tyíle n t̄ɔ n yo

²² Sõ yóle, Yesu ànê ñ t̄ɔ sáhpú s̄ɔ me t̀̀k̀̀n̄m̀̀nɔle Kalile mara s̄ɔkɔ. A me yo pé tyí ne: «Pè kɪ Névi Pídí t̄ɛ dahbɪ névye gb̄̀,»

²³ pé kɪ à ko m̄. Nte ké sèp̀̀n t̄ɔ-ò s̄ɔle, ñ lékó kɪ yilki m̄.» Welɔ n̄́pɪ nóhnó ñ t̄ɔ sáhpú yah kw̄ k̀̀gb̄̀le.

Yesu ànê Pyeri m̀́rɪ m̀́nóle Liyel ní-ńsah gb̄̀

²⁴ Yesupi-á kyɪ ȳini t̄ɛ Kapernayumi kwil s̄ɔkɔ, Liyel ní-ńsah gb̄̀ m̀́rɪ syípú nɔ de Pyerile t̄ɛ à piki yah ne, pé kw̄-ò dí kó me Liyel ní-ńsah gb̄̀ m̀́rɪle n m̄ nɪ?

²⁵ A me ne àwe-á, wáh me kéle n m̄ k̀̀. Pyeri-á kyɪ ȳini t̄ɛ gb̄̀, Yesu ñgb̄̀ à piki yah ne: «Simo-Pyeri, áwɔ s̄ɔnɔ t̄ɛ n̄ne à yuku m̀́rɪ m̀́nó tyí s̄ɔkɔ? Kàh me m̀́rɪle nê-á kɪ k̀̀k̄̀ȳó ȳòt̄amne n k̄̀, kwil w̄̀np̄i se kɪ n m̄ kéle, t̄i, népân se?»

²⁶ Pyeri me ne népân-á. Yesu me ne: «Kàh pɪ s̄ɛ, kwil w̄̀np̄i wɔ vyāh nāh m̀́ me ké m̀́nó s̄ɔkɔ k̀̀.

²⁷ Nte mé nāh me ké tyí ne no n̄́pɪ kéle ne n s̄ɔ k̄̀t̄úk̄̀ȳô. Képah ye, kyɪ dlóy m̄ Kalile ȳ-ñgb̄̀ s̄ɔkɔ, ȳ̀nk̄̀ nê-á kɪ pɔ t̄ɛ gbenne, ñ vyāh yɪkɪ n m̄ n yah, á kɪ p̄ we ké s̄ɔkɔ. Kè wilki n kyɪ m̀́rɪ m̄ pé tyí, n̄m̄ ànê áwɔ tyíle.»

18

Névi nê-á kɪ pɪ né-ñgb̄̀ne kal Liyel t̄́rɪ nɔli ȳ́nó s̄ɔkɔ

¹ Légb̄̀ne, Yesu t̄ɔ sáhpú nɔ de ñne, t̄ɛ à piki yah ne, nê se né-ñgb̄̀ne kal Liyel t̄́rɪ nɔli ȳ́nó s̄ɔkɔ nɪ?

² Képah t̄́ne, Yesu me w̄̀np̄ir tyí̄̄ yó ye pɔ sah pé nyó, t̄ɛ yo pé tyí ne:

³ «K̀̀gb̄̀ ȳ́ mé kéle n yo yé tyí, né yé nāh yé n̄nɔ vi m̄ à pɪ w̄̀np̄i tyí k̄̀le, yé nāh Liyel t̄́rɪ nɔli ȳ́ n pi.

⁴ Névi nê-à kɪ ñ gbl̄́y tiki m̄ pɪ tyí̄̄ w̄̀np̄ir mè s̄ɔ, t̄ɛ wɔ ye kɪ pɪ né-ñgb̄̀ne kal Liyel t̄́rɪ nɔli ȳ́nó s̄ɔkɔ.

⁵ Névi nê-à w̄̀np̄ir mè kénk̄̀ t̄́nó ple n̄m̄ ȳ́nne, n̄m̄ ye t̄ɛ t̄ɛ ple.»

Gbáhdyāh gbáhndinsàhnóle

⁶ «Nte w̄̀np̄i* nónó-á s̄ɛ n̄m̄ ȳ́ yò, névi nê-à pé s̄ɔkɔ yó ȳ́ yɪkɪ m̄ tyípékè pínó s̄ɔkɔ, pàh yínónan ñgb̄̀k̄̀i yó toh t̄ɛ yègbɪ t̄ɛ à tu dah m̄ pne yo t̄i t̄ɛ-ńsah s̄ɔkɔ k̀̀ k̄̀ à ȳ́, képah kɪ f̄́nf̄́ kal t̄́ne.

⁷ Pèkè me k̀̀k̄̀ȳó névye ȳ́ névye ȳ́ yíkínm̀̀nɔ ȳ́nne tyípékè pínó s̄ɔkɔ. Névye ȳ́ t̄ɛ wɔ nāh f̄́ n ye yíkínóle ó, ñte névi nê gb̄̀ ȳ́ s̄́nk̄̀-à we, pèkè kɪ t̄ɛ nɔ.

⁸ A gb̄̀, képah nāh pɪ á gbáhk̄̀-à kɪ nê n dah n m̄ ále tyípékè s̄ɔkɔ, k̀̀ k̄̀m̄ milki f̄́í ále. Wáh tekɪ á gb̄̀, képah nāh pɪ á gbáhk̄̀ s̄ɔkɔ t̄ɛ tyé-ńk̄̀ min we, képah kɪ f̄́nf̄́ kal ále á mínndahn̄m̀̀nɔ ȳ́ ní-ńk̄̀ nyàhnpèkè s̄ɔkɔ gb̄̀n nín̄ ànê gbyèh nín̄ne á tyí.

⁹ Á ȳ́-à kɪ nê n dah n m̄ ále tyípékè s̄ɔkɔ, k̀̀ gbahlɪ n wilki n milki f̄́í ále. Wáh tekɪ á ȳ́ s̄ɔkɔ t̄ɛ tyé-ńk̄̀ min we, képah kɪ f̄́nf̄́ kal ále á mínndahn̄m̀̀nɔ ȳ́ ní-ńk̄̀ nyàhnpèkè s̄ɔkɔ ȳ́ nínóle á tyí.»

* **18:6** 18.6 - W̄̀np̄i nónó tyí-á n yo ás̄̀ s̄ɔkɔ yò, k̀̀ kɪ f̄́ pɪ Yesu ȳ́ s̄́p̄ú ye pè n ye.

Képo mónpunɔ wéntɛnɔle

¹⁰ «Yé yé gblɔy tɛ wɛnpɪ† nɔpi sɔkɔ yó yílónóle. Ngbɔ yɛnyɔ tɔnpɪbɪ nónó-á n yah pé yɔ, pè me gbímegbí ní Sú Liyel yah sɔkɔ yɛnyɔ dé. [

¹¹ Yé náh we di, névye nónó-á me mónpunɔle, pépi pwah n mo yɛn ye Névi Pídí pɔ.]

¹² Yépi tɛ tyí à; sɔ kénkɔ-á képyɛnɛ lèkwɛ-à me dí yó tyí à me n fɛ yɔlɪ yɔ, té núkú mo pu sé sɔkɔ, à náh tikiyéh pɔ gbām pɔ kwaryāh nɔpi téló sah n pi nɛnpɔ, té kyɪ mónpunɔ mè yah n kɔ n pi di?

¹³ Té gbɪ yɔ mé kéle n yo yé tyí, wàh à we tɛ, n nɪ n vɪ ñmɔle à kal tikiyéh pɔ gbām pɔ kwaryāh nɔpi télólé, nónó náh mo pu.

¹⁴ Sɛ ye yé Sú Liyel nê-á me yɛnyɔ, n tɔ náh me ké tyí ne wɛnpɪ nɔpi sɔkɔ yó ñtɛ mo n pu.»

Tyípekè pí-ò tɛ n pɔ dùkùle gbɪ wɛkɪ yɔ

¹⁵ Yesu tɔ ne: «Á yúnpɪ yó-à tyípekè pɪ [á tyí], kyɪ n wil n tyí, n n yah yo yé ními wró ó sɔkɔ. Wàh sah á tyí yɔ, yé yúnpíkɪ kɪ yuku yahle.

¹⁶ Wàh yahle, kyɪ nénúkù képah náh pɪ ními yah n dohnɪ á gblɔy yɔ ñtɔ, yé kyɪ ké yah wah. Sɛ ye Liyel wey yo kéle ne, ké yah-á yɛne kè wah tàrfyò nɛpɪ ními, képah náh pɪ tɔmɪ yí yah.

¹⁷ Té wàh yahle sàhnóle pépi tɔ tyí yɔ, kyɪ ké yah yo nímo yɔ sɛpú ñnkɪ tyí. Wàh se tɔ yahle sàhnóle pépi tɔ tyí yɔ, ñne ne n mo n kɔ Liyel wɛkɪ kó-ńkɛpú sɔkɔ, képah náh pɪ mórɪ syípú sɔkɔ.

¹⁸ Kègbɪ yɔ mé kéle n yo yé tyí, yāh tir nê yahle sétáh mè yɔ sɔkɔ, Liyel nê-á yɛnyɔ sɔkɔ, n tɔ kɪ sah ké yɔ sɔkɔ. Té yāh nê wɛkɪ kɔ sétáh mè yɔ sɔkɔ, Liyel nê-á yɛnyɔ sɔkɔ, n tɔ kɪ sah ké yɔ sɔkɔ.

¹⁹ Mé kéle n yo yé tyí tɔle, yé sɔkɔ nɛpɪ ními tɛ-à fyò pé yégbékè pɪ núkúle sétáh mè yɔ, té kwáhdúkú nê ni ní Sú Liyel tyí, à kɪ kéle pé kɔ.

²⁰ Yé náh we di, nɛpɪ ními képah náh pɪ tɔmɪ-à wɛ tuke mo nyāh sɔkɔ nímo yɛn yɔ, mè n ne me pé nyó.»

Névye-á yɛne pè ne n yɔ n mo wɛne n kɔ dùkù nêne

²¹ Képah sɔkɔ, Pyɛrɪ me no de Yesu tɔn tɛ yo n tyí ne, pé Tɛ ñgbɛ, pé yúnpɪ yó-à n pɪ n de pé tyí, gbáhyí sɔ se pé yɛne pé yɔ mo à kɔ nɪ? Fóó gbáhyí kwārnɪno se nɪ?

²² Yesu me yo n tyí ne: «Óó, mé náh n yo n pi á tyí ne gbáhyí kwārnɪno-á dé, ñte fóó gbáhyí kwārnɪno sàh-ñtānnó tikitɔní pɔ gbām ye.

²³ Yé yah, Liyel tɔrí-á kɪ fɛ tɔkɔ sāh sɛmɪrkɪ nêne, kè we yò: Yòtɛ dí yó lésɔ me ké tyí ne pé pé pɔ tyí yah wah ànê pé tɔnpɪbɪle.

²⁴ Pāh tyah pɔ yāhnóle, pè n tɔnpɪ yó tɛ pɔ n tyí, n kɔlɪ ñgbɛ-á sɔ me nê yɔ, fóó talā‡ pɔ pló kèyɔ kwlólé (10 000).

²⁵ Té kwāh náh sɔ me dí mè tyí ké dyah dyah tɛne. Kāh pɪ sɛ, yòtɛ dí ne, pé à tɛ yām, ànê n kyɪle, ànê n wɛnpɪle, à tahlɪ n gbān yɪ pól tyí, pé kɔlɪ mè dyah.

† **18:10** 18.10 - Yah n te Matye 18.6 yah yónó sɔkɔ. ‡ **18:24** 18.24 - Légbíne, talā pɔ pɔ núkú kɪ sɔ fɛ no nénúkù ye gbɔnkwló tɔ pínó danne.

26 Képah tɛ̃ne, tɔ̃npi mè me n gbètukunɔ di té n yah kwĩnki sétáh yòtɛ dí yah, té yo n tyí ne, à n gblɔy ye à mó pé syɩki n yah kwéy, páh kɩ pɔ ké pól dyah n tyí.

27 Wǎh képah yo sɛ̃, n yǎm yòtɛ dí kah tɛ̃. A me à fin mɔ té kɔ̃li mè yɔ mɔ à kɔ̃.

28 Kéne dí-á fyò wil, à n ní-ò tɔ̃npi yó yohnɩ ñmɔ kɔ̃li kwéy-á sò me nê yò deniyeſ pó pló lèkwɛ̃le. A me à fyǎh tɛ̃ n yègbɩ tyí à ñne n fĩ kírr, té à syah ne níké, pé kɔ̃li nê-á me n yò, à pé dyah kéle.

29 N ní-ò mè me n gbètukunɔ di n yah té yo n tyí ne, à n gblɔy ye à mó pé syɩki n yah kwéy, páh kɩ pɔ kè dyah n tyí.

30 Nte à yahle, té se tɔ̃ à tɛ̃ kyɩ dah mɔ wòkònpèkè sɔkɔ, fɔ́ó kɩ pɔ nɔ gbí nê-á à kɩ kɔ̃li mè dyah.

31 Pé no tɔ̃npi-á képah tɛ̃ we sɛ̃, kè pé yah kwɔ kègbɩle. Pè me kyɩ sé pól yo pé yòtɛ dí syah.

32 Képah sɔkɔ, yòtɛ dí me pè kɔ̃ pè à ye pɔ, té yo n tyí ne: «Tɔ̃npi népo. Wáh lésò ní ni, képah ye mé á kɔ̃li yò mɔ n kɔ̃.

33 Nte áwɔ tɔ̃ náh sò yĩne n á ní-ò yǎm yah, ní-mɔ-á á yǎm yah sɔ̃ di?»

34 Té fòkònyǎhnì kèpékè tɛ̃ tyí, yòtɛ dí à dahɩ wòkònpèkè névyè fòhpúpèl gbò, fɔ́ó kɩ syi pɔ nɔ gbí nê-á à kɩ yòtɛ dí pó pólle à dyah.

35 Sɛ̃ ye ní Sú Liyel kɩ n pi n pi yé tɔle, yáh n yònmɔ-níkɛ̃ne wɛ̃ne n kɔ̃ yé nno pólle.»

19

Yesu-á kwónó nê kɔ̃ fúr yíkinó tyí yò

1 Yesu-á tye n weyne gbí nêne, à yal Kalile mara sɔkɔ à yuku Nsyude mara tyah yó sɔkɔ, nê-á me Nsyurdɛ̃ yónkahnɩne.

2 Tówû ñgbɛ̃ yó me n sò tɛ̃ yuku, té à me pé yámpú de mɔ nénpó.

3 Képah sɔkɔ, Farisi wɛ̃kì kópú yísyó nɔ de n tnô ne pé à mɔ yah, té à piki yah ne, ké wɛ̃kì se me dí tyí à kɩ n kyɩ fin mɔ, káh sɔ̃ me tyídúkú nê yò nɩ?

4 Yesu me yo pé tyí ne: «Yé náh kè kar yah Liyel wey sébéy sɔkɔ ne, kèkòyó mɔ gbíne, Kèkòyó mó-ò-á pè mɔ dí ànê sèle di?»

5 Wǎh ne, képah-á dí-á kɩ yal n sú ànê n yú tnô, té kɩ kwɔ mɔ n kyɩle, pé ními kɩ pi wil gbɛ̃nsê núkúle.

6 Kǎh pi sɛ̃, ními náh tɔ̃ péle dé, núkú-á péle. Liyel-á nónó kwɔ mɔ, ney káh pè gbekɩ.»

7 Képah tɛ̃ne, Farisi wɛ̃kì kópú à syah ne, nte sɔ̃ se pi té Moyisi kè kɔ̃ sah ne, névi nê-à n kyɩle n fin mɔ, tɛ̃ n fin mɔ mɔ tǎrfyò sébéy pi à kɔ̃ à mó pyɛ̃ à fin mɔ nɩ?*

8 A me yo pé tyí ne: «Yépi nòhnì-ñkɛ̃ yĩn ye Moyisi kɔ̃ à képah wɛ̃kìle yé kɔ̃ kè. Nkɛ̃ sɛ̃ náh se lésò kéle ké tyáh-ñsah sɔkɔ té.

9 Té ñmɔ kéle n yo yé tyí ne, névi nê-à n kyɩ fin mɔ né fòfíkì tɛ̃ tyí yò náh, té sékáhkí tɔkɔ, fòfíkì-á tɛ̃ n pi.»

10 Képah sɔkɔ, Yesu tò sáhpú yo n tyí ne, dí yín-ñsah-à mó me pɔ sah képah yò à yuku n kyɩ tyí ñinne, sê tókó-ñkɛ̃-á fónfó dò.

§ 18:28 18.28 - Légbíne, deniye pó pó núkú kɩ sò fɛ̃ nɔ nénúkú gbìyìkì núkú tò pínó danne. * 19:7 19.7 - Yah n te Tɔ̃nyono 24.1.

11 Yesu me yo pé tyí ne: «Wey nê-á mé kɪ n yo n pi yé tyí yò, no pól náh fě ké syíkí-ńsah we n pi. Nte Liyel-á ké fěnpĩno lékámne nónó kɔ, pépi wo kɪ fě ké syíkí-ńsah we.»

12 Yé náh we di, tyi yísyó me nónó-á díbí kɔ pè náh syóle n toko: Túkù me pé dúbí-ńsah dúkù soko, pè náh me díbí soko. Túkù me névye ye mi péle pè kɔ pè náh me díbí soko. Túkù mó sétókókì yahle Liyel yòtòrí yah yúkúnó yinne. Nê-á kɪ fě wey mè syíkí-ńsah we n pi, tẽ kɪ ké syíkí-ńsah we.»

Yesu sãm mónóle wěnpì soko

13 Képah tẽne, névye po wěnpì yrɔle Yesu tyí ne à ò gbàn sah pé yò à Liyel ni pé tyí. Nte ò tò sáhpú me tyah díríle n kɔ pé yò.

14 Képah soko, Yesu me yo pé tyí ne: «Yé ye wěnpì kɔ pè ne n po n po nmo tyí. Yé káh pé yahle n kɔ. Yé náh we di, névye nónó dúkù-á me wěnpì nópi tyí kɔle, pè kɪ Liyel tɔrí noli yò n pi.»

15 Képah tẽne, wáh ò gbàn sah te pé yò, à yal nénpó.

Tahrɪ tyí yónóle

16 Képah tẽne, kètěnpìkì yó no de Yesule té à piki yah ne, kwó-ò dí, tir nê sé pé yĩne pé pi tyípépeyne pé mó tyé-ńkẽ min we ni?

17 Yesu me yo ò tyí ne: «Sɔ pi té á ñne n piki n yah pèpey tyí yò? Pèpey núkú ó me. Wáh kɪ me ké tyí ne á min we, Liyel tyi kònsàhnó wàlle n kɔ.»

18 A me ne Liyel tyi kònsàhnó nónó tãn se ni? Yesu me yo ò tyí ne: «Káh nékókè mo, káh fòfikì pi, káh yĩbe yĩ, káh mìnì sah ney yò.»

19 Yòyénne n sah á sú ànê á yú yò. Ye á ní-ò tyí no á tyí á gblɔy tyí kɔle.»

20 Képah tẽne, kéne kètěnpìkì me yo ò tyí ne, páh me sépi tẽ pólle n pi dò, kèyáh se tɔ me wũ pé tyí pi pi tẽne ni?

21 Yesu me yo ò tyí ne: «Wáh kɪ me ké tyí ne á tyi pól tũ, gbàn yĩ nónó-á me á tyí, kyi sè yãm ò té sé pó dibi yãm tãn kɔ. Képah soko, á kɪ tahrɪ we Liyel fɔ soko. Képah-à pi, ò po nmo sò tẽ.»

22 Wáh képah tẽ noh sɛ, à soko yahle yíkínsàhnóle. Kwáh nétẽ ñgbẽ ye sò ñne képah ye.

23 Képah soko, Yesu me yo ò tò sáhpú tyí ne: «Kègbɪ yò mé kéle n yo yé tyí, tãh Liyel tɔrí noli wényõnole, kè kɪ tah dé.»

24 Mé kéle n tɔ n yo yé tyí, yãhmìkì dénwiłnóle sèndi pwáh soko, képah rítẽ kɪ dòdò kal tãh Liyel tɔrí noli wényõnole.»

25 Yesu tò sáhpú-á képah noh sɛ, pé gbàn kah du. Pè me ne, ñte nê wo se kɪ mó fě pwah ni?

26 Yesu me yò pè yah, té yo pé tyí ne: «Névye tẽ wole, pè náh fě kè pi n pi. Nte Liyel kɪ fě tyi pól pi.»

27 Képah soko, Pyerɪ me yo ò tyí ne, à yah, pépi-á pé tyi pól sah té ñmo sò tẽ. Pépi tyí se kɪ n pi n pi sɔ ni?

28 A me yo pé tyí ne: «Kègbɪ yò mé kéle n yo yé tyí, Névi Pídì-à po kɔ tẽ ò tɔrí kɔ yò kèkoyó késán soko gbí nêne, yépi nónó-á nmo sò tẽ, yé to kɪ kɔ tẽ tɔrí klò gbõninó yò kɪ Yisrayel no yìkìñinó gbõninó yah tẽ n pi.»

29 Nmo yĩn yò, névi nê tẽ-à fyò me yal ò gbô soko ò, ò yúnpyé tnô ò, ò dósyó tnô ò, ò sú tnô ò, ò yú tnô ò, ò wěnpì tnô ò, ò swěy tnô ò, tẽ kɪ sɛnknɔno lèkwě we, té kɪ se tɔ tyé-ńkẽ min we.

30 Nte négbro náhnáh kɪ n pɪ n pi nétélólɛ, té nétélólɛ náhnáh kɪ n pɪ n pi négbrolɛ.»

20

Sèmìrkì nê-á yāh sètě yó ànê ò tònpiɓi sar òkù tyí yō

1 «Yé yah, Liyel tǒrí-á kɪ fě tɔkɔ sãh sèmìrkì nêne, kè we yò: Sètě dí yó lésò wil séngbǒ púpúle ne pé tònpiɓi yah n tɔkɔ n tekɪ mɔ pé yèresě swāh sɔkɔ.

2 Wǎh nónó we, à yo sah núkú yō péle ne, nénúkú gbìyìkì núkú tò pínó sǎrle, deniye* pó pó núkú-á. Képah sɔkɔ, té pè tekɪ mɔ ò swāh sɔkɔ.

3 Pǒy tǒ gbíne, à tǒ wil té kyɪ nósýó we tǔnóle tówú tükè-nsah sɔkɔ tò kǔne pé tyí.

4 A me yo pé tyí ne, pépi tɔ sɔkɔ péwɔ swāh sɔkɔ, pǎh kɪ pè sar ké yah yō.

5 Pè me sɔkɔ. Gbì-á me yǒtah sírr sɔkɔ, à tǒ wil à sǔntě pɪ. Gbèkām gbì-á nɔ, à tǒ wil à képah núkú ó pɪ.

6 Nví lésyile, à tǒ wil té kyɪ nósýó we ntǒ kéné tówú tükè-nsah sɔkɔ. A me pè piki yah ne, sǒ se pɪ té péle ásô gbìyìkìle tótó tò pí-ńkǔne nɪ?

7 Pè me yo ò tyí ne, ney náh pé tɔkɔ képah-á. A me ne pépi tɔ sɔkɔ péwɔ swāh sɔkɔ.

8 Tò-á tiki nívine, sètě dí yo ò pó yah wǎh-ò dí tyí ne, à tònpiɓi nópi ye n pɔ pè dyah pé póle. Nkǔ nónó-á kyɪ swāh sɔkɔ nétélólɛ, à kè tyah pépi tyí à pɔ n dal n mɔ négbro tyí.

9 Nónó-á télólɛ, pǎh pɔ, à pè kǔ deniye pó pó núkú núkúle.

10 Kǎh syɪ négbro tyí, pépi tǔ sǒ me n sǒ ne wǎn-á kɪ we pépi tyí yō. Nte deniye pó pó núkú núkú ye pépi tɔ we.

11 Pǎh pó nópile n syɪ gbì nêne, pè tyah sètě dí sèyòkèle n yo

12 ne ńkǔ, nónó-á à tɔkɔ pɔ télólɛ, lérí núkú ó sɔkɔ-á pè we pɪ tòle. Nte kè se pɪ sǒ té à pɔ péle n sar núkúle pépile, pépi nónó-á kwlónó fě syɪ à tò pɪ kwlɔ gbìyìkìle tótó gbì syǒkì yah sɔkɔ nɪ?

13 Sètě dí me yo pé sɔkɔ yó tyí ne: «N kódí, mé náh syɪkɪ á yō sɔkɔ dé. Nmɔ ànê áwɔ náh sǒ wekɪ sah núkú yō ne, á gbìyìkì núkú tò pínó sǎr-á kɪ pɪ deniye pó pó núkúle di?

14 Ne n yuku á póle. Mé kɪ nétéy mè kǔ dan núkúle áwɔle ní dyɔ ó.

15 Ké wǔkì náh me ńmɔ tyí, kɪ fě ní dyɔ dyɔ tyɪ pɪ ní póle di? Tǐ, ní nɪ nónó se n yo ále?»

16 Képah yǎhntɛnɔ náh, Yesu tǒ yo pé tyí ne: «Sě ó ye, nétéló kɪ pɪ négbrolɛ, té négbro kɪ pɪ nétélólɛ.»

Yesu me ò kúnó ànê ò lékó yílkinmɔnɔ tyíle n yo ke tǔ-òle

17 Yesupi-á n sɔkɔ Yerusalemɪ kwil, pǎh me wǔkì yō sɔkɔ, à ò tò sǎhpú ye pé yahle, té yo pé tyí ne:

18 «Á we wǔkì yō à n dɔkɔ n yuku Yerusalemɪ sɔkɔ yò. Névi Pídí kɪ tǔ n dahɓɪ n pi sárká syínwìlkìpu yǒtām ànê Liyel tyɪ kǔnsǎhnó kwópú gbǒ nénpó. Pè kɪ kè yah tɔkɔ ne wǎh yǐne kònmɔnɔle,

* 20:2 12.5 - Légbíne sǒ, wǎh gbìyìkì núkú tò pɪ névi tyí, deniye pó pó núkú ye tǔ n sar ále.

19 té kɪ à dahbɪ névye gbõ nónó náh pɪ Nsyifunɔle, pè kɪ kó̃le à ko, té kɪ à ko yèfõhle, té kɪ à syɪ dahnɪ yõ. Nte ké sèp̃in t̃õ-ò sòle, n̄ lékó kɪ yilki mɔ.»

Nsyaki ànê Nsyõ yú-á nê yah kõ Yesu tyí

20 Képah sɔkɔ, Nsebede kyɪ me n̄ d̃inp̃i t̃ẽ nɔ de Yesule, té kɔ kwĩnki n̄ yah ne pé yáhnkõnɔ yó pɪ n̄ tyí.

21 Yesu me à piki yah ne, à se me kwáh nê tyí nɪ? Pi me yo n̄ tyí ne, pé d̃inp̃i nónó-á yò, à n̄ vyähle péwɔ kõ ne wáh pɔ dɔkɔ n̄ yòt̃õrí yõ, pé sɔkɔ núkú kõ t̃ẽ n̄ gbõyò sòle, ní-ò mó kõ t̃ẽ n̄ gbëỹnè sòle.

22 Yesu me yo n̄ tyí ne: «N̄p̃i-n̄k̃ẽ sɔkɔ ye yé n̄ ni kéle. Máh kɪ n̄ de n̄ pi yèvyähri nê sɔkɔ, yé tɔ se kɪ f̃ẽ de ké sɔkɔ?» Pè me à syah ne páh kɪ f̃ẽ de ké sɔkɔ.

23 Yesu me yo pé tyí ne: «Máh kɪ n̄ de n̄ pi yèvyähri nê sɔkɔ, yé tɔ kɪ de képah wɔ sɔkɔ ó, nte ní gbõyò sò ànê ní gbëỹnè sò t̃ẽnó t̃ẽ wɔle, ímɔ tyí náh képah w̃k̃i k̃ónóle. N̄ Sú Liyel-á kè yah sah nónó ỹinne, pépi ye à kɪ kõ kéle.»

24 Yesu tò sáhpú nép̃i gbãm nóp̃i téló-á képah noh s̃ẽ, pé fɔkɔ vyäh ními nóp̃ile.

25 Képah sɔkɔ, Yesu me pé pól ye yah té yo pé tyí ne: «Tir nê-á me n̄ pɪ kwlo kwlo sɔkɔ, yé kè p̃i ó. Yòt̃ãm náh ník̃ẽne pé kwlo névyele ne n̄ fne, té né-n̄gbnɔ tɔ n̄ mó ne n̄ fyäh pé yõ pé t̃ẽnwɛnɔ ỹinne di?

26 Nte kè náh ỹine kè ne n̄ pɪ s̃ẽ yépi wró. Gb̃ent̃enáhle, yépi sɔkɔ nê-à me ké tyí ne pé ỹin-ínsah n̄gb̃e we, t̃ẽ ỹine à pɪ t̃õnp̃ile téló tyí.

27 Té nê-à me ké tyí ne pé pɪ yah névile yé sɔkɔ, t̃ẽ ỹine à pɪ yé yõle.

28 S̃ẽ ó ye, Névi Pídí náh pɔ ne névye t̃õle n̄ pɪ péwɔ tyí dé. Nmɔ ye pɔ tò pɪ ỹinne névye tyí, té kɪ n̄ min kõ névye náhnáh yõ dwe ỹinne.

Nsyeriko kwil yítūbi nép̃i ními yí yíkínmɔnɔle

29 Yesu ànê n̄ tò sáhpú-á n̄ wil Nsyeriko kwil sɔkɔ gbí nêne, tówú n̄gb̃e yó me n̄ sò t̃ẽ.

30 Té yítūbi nép̃i ními yísyó sò me t̃ẽnóle w̃egbalɪ sɔkɔ. Páh noh ne Yesu-á pɔ n̄ sɔkɔ, pé tyah n̄ yo n̄ mɔ ỹinp̃õ n̄gb̃ene ne, pé T̃ẽ n̄gb̃e, n̄mɔ nê-á Davidi Pídíne, ník̃ẽ à pé yãm yah.

31 Képah t̃ẽne, tówú díri kõ pé yõ ne pè pé vyëy vike. Nte pè t̃õ wãn mɔ pé yónmɔnɔ yõ ne ník̃ẽ, pé T̃ẽ n̄gb̃e, n̄mɔ nê-á Davidi Pídíne, ník̃ẽ à pé yãm yah.

32 Yesu me ỹin té pè ye yah, té yo pé tyí ne: «Kwáh nê me yé me ké tyí ne mé pɪ yé tyí?»

33 Pè me yo n̄ tyí ne, pé T̃ẽ n̄gb̃e, à pé yí yɪkɪ mɔ.

34 Képah t̃ẽne, pé yãm Yesu t̃ẽ. A me t̃ũ pé yí tyí. Nénpó swɔ, pé yí núkú yɪkɪ mɔ. Pè me n̄ sò t̃ẽ.

21

Yesu dénóle Yerusalemɪ kwil sɔkɔ

1 Yesu ànê n̄ tò sáhpú sò me fíi kwéy Yerusalemɪ kwille. Pè sò me yúkey Betifasyɪ kwille, képah nê-á me Wólívyé yèh yõlɪ yõ. Képah sɔkɔ, à me n̄ tò sáhpú nép̃i ními t̃õ

² ne níkě: «Kwil nê-á yé yah t̃inne yò, yé kyɪ ké sɔkɔ. Yé kɪ núkú níkwěndyíyũkì yó we tóhnmɔnsàhnóle níkwěndyípíkì yóle ò t̃nô. Yé à de, yè pɔ séle ní kɔ.

³ Nê-à kɪ ne pé yo, yè yo t̃é tyí ne, sé yétô-á me T̃é ñgbě tyí. Képah sɔkɔ, t̃é kɪ ye yé kɔ yé kɪ sɔkɔ séle nénpó swɔ.»

⁴ Yesu képah yo s̃é, Liyel t̃éntò syínyo-ò wey yónsàhnó mè wil ỹinne. Liyel t̃éntò syínyo-ò lésò ne níkě:

⁵ «Yé yo Yerusalemɪ * kwil t̃án tyí ne, pé yah, pé yòt̃é-á me n pi pé t̃inne. Gbl̃y t̃íkinmɔnɔ-á me ñ sɔkɔ. Wáh me d̃ókónk̃ónt̃énóle níkwěndyíkì yò, nê-á níkwěndyípíkile.»†

⁶ Képah sɔkɔ, Yesu tò sáhpu me kyɪ tyi nópi pi ñ yóré yò.

⁷ Pè níkwěndyíyũkì ànê níkwěndyípíkì mè t̃é pɔ, té pé flo mɔ sé yò Yesu k̃ó à d̃okɔ k̃ó t̃é.

⁸ Nékwínkì s̃ò me pé flole n mɔ n yuku w̃ékì yò, t̃úkù mó me p̃ém̃ile n kwɔkɪ n mɔ n yuku.

⁹ Tówû nê-á s̃ò me mɔ ñ yah t̃inne pé n yuku, ànê nóno-á s̃ò me ñ s̃ò t̃é, pé pól s̃ò me yo t̃ú ỹinp̃ó ñgběne ne: «Gbílkinó ne n sah Davidi Pídí yò. Névi nê-á n pi T̃é ñgbě ỹin yò, Liyel s̃ám mɔ ñ sɔkɔ. Gbílkinó ne n sah Liyel yò, ñmɔ nê-á me ỹinyò.»

¹⁰ Yesu-á pɔ n de Yerusalemɪ kwil sɔkɔ, nénpó t̃án pól yuku kwille n yike wùù. Pè s̃ò me piki yah t̃ú ne, nê se dí m̃ene ni?

¹¹ Tówû me yo pé tyí ne, Liyel t̃éntò syínyo-ò Yesu-á, nê-á n wil Nasaretɪ kwil sɔkɔ, Kalile sétáh yò.

Gbòyibi ỹínwilk̃ínóle Liyel ní-nsah gbô sɔkɔ

¹² Yesu-á de Liyel ní-nsah gbô sɔkɔ, à yiyám ỹámpu ànê yídwenè dwépu pól ỹini wilki ké sɔkɔ. A pó s̃áht̃ùpu tàbálnó tu wilki mɔ, ànê kèpíkípikino ỹámpu kl̃òle.

¹³ Té yo pé tyí ne: «Kè me wárkínsàhnóle Liyel wey sébéy sɔkɔ ne: <Ñ gbô kɪ n ye níri pí-nsah gbôle.>‡ Nte yépi kè tokɔ pi ỹípú w̃òb̃int̃é-nsahle kè?»§

¹⁴ Képah náh, ỹít̃ubi ànê gbáhkì núkú névyé me nɔ de Yesule Liyel ní-nsah gbô sɔkɔ. A me pé de mɔ.

¹⁵ Sárká syínwilk̃ipu yòt̃ám ànê Liyel tyi k̃onsàhnó kwópú-á gbil nópi pínó we s̃é, té w̃énp̃i t̃ò me gbo mɔ t̃ú ne níkě, gbílkinó ne n sah Davidi Pídí yò, pé f̃okɔ vyáh.

¹⁶ Képah t̃éne, pé me yo Yesu tyí ne, w̃énp̃i nópi-á me ñene n yo, à kó me kéle n nohñi ni? A me yo pé tyí ne: «Àwe mé me kéle n nohñi. Té wey nê-á wárkínsàhnóle Liyel wey sébéy sɔkɔ ne: <Á kè pi á gbilki gbilki welo n nohñi w̃énp̃i ànê w̃énp̃i yr̃ó vỹey sɔkɔ.>* Yé se kɪ ne yé náh kè kar yah?

¹⁷ Képah yónt̃enɔ náh, à yal pé t̃nô, té wil kwil sɔkɔ à kyɪ s̃ò Betani kwil sɔkɔ.

Yesu vyáh yénmɔnɔle s̃énsóké s̃eswô yò

¹⁸ D̃indal séngb̃òle, Yesu-á n syɪ n pi Yerusalemɪ kwil sɔkɔ, kwɛkɪ à t̃é.

* 21:5 21.5 - Yerusalemɪ ỹin yó ye s̃ò Siyõne. † 21:5 21.5 - Yah n te Nsakari 9.9. ‡ 21:13 21.13 - Yah n te Yesayi 56.7. § 21:13 21.13 - Yah n te Nsyeremi 7.11. * 21:16 21.16 - Yah n te Gbálnó 8.3.

19 Wǎh sènsóké séswô yó we yúkey wěkìle, à me nɔ de ké tnô. Nte à nǎh kwáh yó we ké sɔkɔ. Kè sò me mɪrɪ ó kókóle. Kǎh pɪ sě, à me yo ké tyí ne, tǔ-á sě yò, képah tě nǎh tǔ n syi n yah n pi pólle. Nénpó swɔ, séswô mè núkú kɔkɔ.

20 N tǔ sǎhpú-á képah we sě, pé gbǎn du. Pè me Yesu piki yah ne níké, kè se pɪ sǔ té sènsóké mè núkú kɔkɔ nénpó swɔ nɪ?

21 A me yo pé tyí ne: «Kègbɪ yò mé kéle n yo yé tyí, Liyel yò sěno-à me yé sɔkɔ, té yé nǎh me n sò tǔtǔ, máh nê pɪ sènsóké séswô mè sɔkɔ, yé tɔ kɪ fě sěnkǔ pɪ. Té kè nǎh n yin n pi képah ó tyí dé, yé kɪ tǔ fě yo yǔlɪ mè tyí ne, kè yuku n yal ásô kè kyɪ n syɪkɪ n de pne yo sɔkɔ, té kè kɪ mó tǔ pɪ.

22 Liyel yò sěno-à me yé sɔkɔ, té yé kwáhdúkú nê yah kǔ Liyel tyí níri sɔkɔ, yé kɪ kè we.

Pè me Yesule n piki n yah n tǔnwɛnɔ wɪl-nsah tyíle

23 Yesu kyɪ Liyel ní-nsah gbô sɔkɔ. Wǎh me névyele n kwɔ gbí nêne, sárká syinwɪlkɪpu yǔtǎm ànê kwil yèwǎhnɪ nɔ de n tnô té à syah ne, nê gbò yò se à n pɪ tyi nópile, ànê nê se kǔ nne kéne tǔnwɛnɔle nɪ?

24 A me yo pé tyí ne, péwɔ tɔ-á kɪ pé piki yah tir núkú ó kókóle. Pǎh kɪ ké yah yo pé syah, pé tɔ-á kɪ mó yo pé syah nê gbò yò-á pé n pɪ tyi nópile.

25 Pépi tě tyí à; nê se tǔ Nsyɔne à pɔ wèlnwɪlkɪnóle n pɪ nɪ? Liyel se, tǔ névyele se nɪ?» Képah sɔkɔ, pé tyah n yo wě tyí ne, pǎh kɪ ne Liyel-á tǔ nne, wǎh kɪ pé syah ne, té kwáh nê se pɪ té pé nǎh sě n yò nɪ?

26 Nte pǎh kɪ se mó tǔ ne névyele-á tǔ nne, tówú tíkí-á me pé tě pé pól-á sǔnpíle me Nsyɔne n tɔkɔ n pɪ Liyel tǔntǔ syinyo-òle.

27 Kǎh pɪ sě, pé Yesu syah ne pé nǎh pǐ. N tɔ mó yo pé tyí ne, pé tɔ nǎh kè yo pé syah n pi, nê gbò yò-á pé n pɪ tyi nópile.

Sèmirkɪ nê-á yǎh dǐnpɪ népɪ nímí yísyó tyí yò

28 Képah sɔkɔ, Yesu tǔ yo pé tyí ne: «Mé kɪ sèmirkɪ yó yǎh yé tyí, yé mó yé sǔnɔ yo n tyí ké tyí sɔkɔ. Dǐnpɪ népɪ nímí lésò me dǐ yó tyí. A me nɔ de gben tǔne, té yo n tyí ne, pé pídí, níké à kyɪ tǔ pɪ pé tyí yèresé swǎh sɔkɔ kweyne.

29 A me n sù syah ne kyɪ dékè nǎh me pé tě. Té dǔ kwéy, à kè we ké yah nǎh. A me yuku sɔkɔ swǎh sɔkɔ.

30 Sú mè me tǔ nɔ de n pídí ní-òle, à wey núkú mè ó yo n tɔ tyí. Nmɔ me yo n tyí ne, pǎh kɪ kyɪ, pé bǔ. Té à nǎh pɔ kyɪ.

31 Népɪ nímí nópi sɔkɔ, nê tě pé sú nìvìnɪ pɪ?» Sárká syinwɪlkɪpu yǔtǎm ànê kwil yèwǎhnɪ nópi me ne gben tǔ-á. Képah sɔkɔ, Yesu me yo pé tyí ne: «Kègbɪ yò mé kéle n yo yé tyí, mórí syípú ànê syó fǔfɪnpɪbɪ kɪ yé dyàh tě Liyel tǔrí nɔlɪ yò.

32 Yé nǎh we di, Nsyɔ pɔ yé tyí à pɔ gbɪ wěkìle yé wěkɪ, té yé nǎh sě n yò. Nte mórí syípú ànê syó fǔfɪnpɪbɪ wɔ pyě sě n yò. Yé mó tǔ kè we yíne, té képah fyé yò, yé nǎh yé nɔ vi mɔ à sě n yò.»

Sèmirkɪ nê-á yǎh yèresé swǎh tǔpú népɪl tyí yò

33 Yesu tǔ yo pé tyí ne: «Yé yé ní sah noh n tyí sèmirkɪ yóle n tǔ yò: Sètě dǐ yó lésò yèresé swǎh kǔ, té kékɪ mɔ kè kore vi, té swɔ yó tǔ tédáhkɪ yò ké sɔkɔ, à pɪ yèresé pye yíkí-nsahle. Té ké syíkípú dókóntě-nsah mɔ kèyy

ké sɔkɔ. Képah náh, à yèrɛsɛ swāh tópu yísyó tɔkɔ pɔ sah ké yõ, píndibino yõ, té sɔkɔ kóló sɔkɔ.

³⁴ Sé pye gbɛ gbí-á pɔ n nɔ, sètɛ dí n tònpi tō yèrɛsɛ swāh tópu nópi tyí nɛ, pè pé wɛ wɛ tɛnɛ pè kō pè pɔ pé kō.

³⁵ Nte yèrɛsɛ swāh tópu nópi yuku pè tɛ, té núkú ko kèpékèyô, té kèyāh ko mɔ, té kèyāh minki ko dyèhle.

³⁶ Sètɛ dí tō n tònpi yísyó tɛki mɔ, nónó-á dò kal gbɔro tãnnɛ. Pè tō pépi tɔ pi sɛntɛ ólɛ.

³⁷ Kāh pi sɛ, à tō n pídí tō pé tyí tɛynɛ, té mɛ n sō nɛ, pāh ki ñmɔ wɔ yah sen ku.

³⁸ Nte yèrɛsɛ swāh tópu nópi-á fyò n pídí wɛ, pè núkú yo wɛ tyí nɛ, n gbɛyô-á yò. Pè pɔ pé à ko mɔ, gbɛki mó pi pépi tyíɛ.

³⁹ Képah tɛnɛ, pè núkú à fyāh tɛ, té à wilki mɔ swāh kahnɛnɛ, té à ko mɔ.

⁴⁰ Yé tɔkɔ nɛ n yah kè; sètɛ dí-à pɔ pɔ, sō mɛ à ki pi péle?»

⁴¹ Pè mɛ nɛ, wāh ki kɛnɛ nɛpɛl ko mɔ pélpɛl, té ki yèrɛsɛ swāh tópu yísyó tɔkɔ pɔ sah n swāh mɛ yõ, píndibino yõ. Pépi wɔ-á ki n wɛ wɛ tɛnɛ ñnɛ n kō ké gbí sɔkɔ.

⁴² Képah sɔkɔ, Yesu mɛ yo pé tyí nɛ: «Yé se ki nɛ yé náh wɛy mɛ kar yah póllɛ, nê-á yo Liyel wɛy sɛbéy sɔkɔ nɛ ñkɛ:

«Wòkò mópú-á dáhki nê yahle,

képah yétô pɔ kal.

Tɛ ñgbɛ tō vyāh ye képahɛ.

Gbɛndùnì tir ye kéle ápi yah sɔkɔ yò dé!»†

⁴³ Képah yóntɛnɔ náh, Yesu tō yo pé tyí nɛ: «Mé kéle n yo yé tyí tɔlɛ nɛ, Liyel tǒrí sɔkɔ tɛnó ki syi yépi Nsyifunɔ tyí ki yìkì yó névyɛ kō, nónó-á ki tyípɛplɔlɛ n pi ké sɔkɔ Liyel-á mɛ nónó tyí. [

⁴⁴ Wòkò mópú-á dáhki nê yahle, névi nê-à wil syiki képah yõ, tɛ ki kwɔki. Té kàh se mó tō syiki nê yõ, kè ki tɛ pyāhrɪ.]»

⁴⁵ Sárká syínwìlkìpu yòtām ànê Farisi wɛkì kópú-á fyò sèmìrn nópi noh, pè pì nɛ pépi yõ-á Yesu mɛ sɛlɛ.

⁴⁶ Képah tɛnɛ, pè sō mɛ ké tyí nɛ pé à tɛ, té tówù tíki pè tɛ. Tówù sō mɛ Yesule n tɔkɔ n pi Liyel tɛntō syínyo-òlɛ képah ye.

22

Sèmìrkì nê-á yāh fúr yōke yónó tyí yõ

¹ Yesu tō tyah sèmìrkì yóle n yāh pé tyí nɛ:

² «Liyel tǒrí-á ki fɛ tɔkɔ sāh sèmìrkì nênnɛ, kè wɛ yò: Yòtɛ dí yó lésõ n pídí fúr fèn pi.

³ Té mɛ n tònpi wilki tō nɛ, pè kyi néyénó ye n pɔ fúr yōke yó-nsah. Nte néyénó nópi náh sō mɛ ké tyí nɛ pé pɔ.

⁴ Képah tɛnɛ, à tō tònpi yísyó wilki tō pé tyí nɛ, pín-á pi tɛ. Páh nyéhpýèni ànê yípèy ko tɛ nɪrɪ-á mɛ nónó sɔkɔ. Tyi pól-á pi tɛ, pè pɔ fúr sɔkɔ.

⁵ Nte néyénó nópi náh kè mɔ kō póllɛ. Nyɔ-à yuku à n sɔkɔ n swāh, nyɔ-à yuku à n sɔkɔ n gbò yí-nsah.

† 21:42 21.42 - Yah n tɛ Gbálnó 118.22-23; Tyipínì 4.11.

6 Pé tókù me yuku mi yòtē dí tònpi bi soko, à pé fõh pélpèl, té pé ko mɔ.

7 Képah soko, yòtē dí foko kah vyāh. A me n srasyíbi tekú mɔ pé kyí kéne nékókè mópú ko mɔ, té pé kwil suke.

8 Képah náh, té yo n tònpi bi tyí ne, fúr yòke-á pi te. Nte néyénó nópi náh sò yīne yòke mè yónóle.

9 Nkě pé kyí wětlo yey soko, pàh kú fyò névyé nónó we, pé pé pól ye n pɔ fúr yòke yó-nsah.

10 Tònpi bi nópi me soko wāl yey soko. Pàh kyí té névyé nónó we, nétúkúni tɔko dohni népéplɔ yò, pé pé pól ye pɔ tuke mɔ, fókú fúr pí-nsah wòkò pól yuku yòke yópúle.

11 Yòtē dí-á de yuku yáh-nsah pé tyí, à kyí dí yó we pé soko nê náh sò me fúr flo mɔ.

12 A me yo kéne dí tyí ne, pé kódí, ñmɔ se de sò ásò soko fúr flo kěne n wil soko ni? Nte yó-nsah náh we dí tyí.

13 Képah soko, yòtē dí yo tònpi bi tyí ne pé n gbyêh ànê n gbàn pukubi, pé mó à min mɔ kégbó fěntú soko, nyāh soko-á gbní ànê yni táhnó kú me.

14 Yé náh we di, névyé nahnáh me yénóle. Nte nónó-á yah wilki pé soko, pé náh me fwó.»

Pó mórí mónóle Wrome kwiltām yòtē ngbē Sesar tyí

15 Képah soko, Farisi wěkì kópú kyí wē we à yo sah núkú yò, sò-á pé kú pi té kú Yesu we n tē n pi n vyāh wey soko.

16 Té me pé tò sáhpú yísyó ànê yòtē dí Yerɔɔi náh névyé tókù wilki tó Yesu tyí ne pé kyí yo n tyí ne, pé kwó-ò dí, páh pī ne gbí yó-ò-á ñne, ànê wāh Liyel wěkile névyele n kwɔ gbí wěkì yò. A náh névyé yah tíkile n pi. A náh névyele n wah.

17 Nte à n sɔno yo pé syah. Nkě ké wěkì se me kónóle ne pé mórúle n mɔ Wrome kwiltām yòtē ngbē Sesar tyí, tí ké wěkì náh me kónóle?

18 Nte Yesu-á pé foko sɔno tókúni pī sē, à me yo pé tyí ne, fòkòpìl ànê vyāhsesyíri névyé nópi, sò se pi té pé pé pílkintē-nsahle n yah n kò ni?

19 Pé pɔ mórí mɔ mɔ pɔ pɔ núkúle pé yah ätre. Pé me pɔ ké núkúle à kò.

20 Yesu me pé piki yah ne, nê yah mírkí ànê n yīn se wárkínmɔnɔle ké yò yò ni?

21 Pé me yo n tyí ne, Sesar tyí-á. Képah soko, Yesu me yo pé tyí ne, pé Sesar tyíle Sesarle n kò, pé mó Liyel tyíle Liyelle n kò.

22 Pàh képah tē noh sē, pé gbàn du. Pé me yal n tnô à soko.

Lékyi yílkínmɔnɔ tyí yónóle

23 Lésò mè óle, Sadusi wěkì kópú nónó-á nkěne ne n yo ne lékyi yílkínmɔnɔ náh me, pé tókù nɔ de Yesu tnô té à piki yah ne,

24 kwó-ò dí, Moyisi-á kè yo n tyi kònsàhnó soko ne, dí nê-à ku pi kěne n tyí, n gběndí-á yīne à n kyí pékúsè mè tɔko, à pi dubi à kò, nê-á kú pɔ n pi n pi n nénkyí dí lékókè náhne.*

25 Nte sú núkú dínpì népì kwárnimi yísyó-á lésò me pépi wró soko. Gben tē me pɔ sè tɔko, té pɔ ku pi wé-ńkěne té n kyí sah n sò syi kò.

* 22:24 22.24 - Nsyifunɔ tyí sò, pékúsè yīne à de n pe tyí névi yó tyí. Yah n te Tōnyonɔ 25.5-6; Yenesi 38; Wruti 1-4.

26 Nte ñmɔ tɔ tyí tɔ pɔ pɪ sɛ, tɔ-ò tɔ tyí pɔ pɪ képah núkú óle, fók à pɔ syɪ kwǎrní-ò tyí.

27 Pépi pól tyí náh, pi mè tɔ-á pɔ ku.

28 Nte pi mè-á de yah pé pól tyí sɛ à, lékyî yilki n mɔ sòle, à se kɪ n pɪ n pi pé népî kwǎrnimi nópi sɔkɔ nê tɛ tyíle nɪ?

29 Képah sɔkɔ, Yesu yo pé tyí ne: «Liyel wey sébéy pí-ńkê ànê Liyel tɛnweno pí-ńkê ye mɔ sah yéle pílkínó sɔkɔ.

30 Yé yah, lékyî-à pɔ yilki mɔ, pédekè náh kɪ n me n pi, sétókókí tɔ náh kɪ n me n pi. Nte névyé kɪ me yínyò tɔnpɪbɪ tyí kòle yínyò.

31 Té à yuku lékyî yílkínmɔnɔ wɔ tyí sɔkɔ, Liyel-á nê yo yé tyí, yé náh kè kar yah di? A lésò ne:

32 <Ñmɔ ye Abrahmɪ Liyelle, ànê Yisakɪ Liyelle, ànê Nsyakɔbɪ Liyelle.>† Liyelle, lékyî Liyel náh ñne dò, vye Liyel ye. Képah n wɛkɪ ne á náh tǎn Abrahmɪpi lékyî-á yilki mɔ.»

33 Képah tɛne, tówù nê-á sò me ñ weyne n nohnɪ, pé gbǎn du ñ névyé kwɔ dukù tyíle.

Liyel tir kònsàhnó nê tyí-á tah kal

34 Farisi wɛkí kópú-á noh ne Yesu-á weyne Sadusi wɛkí kópú tɛ, pé wɛ ye tuke mɔ.

35 Té pé Liyel tyi kònsàhnó pípú sɔkɔ yó me píkinyahno yó pɪ Yesu tyí ñ pilki n tɛ yinne ne,

36 kwó-ò dí, Liyel tir kònsàhnó nê tɛ tyí se tah kal sé télóle nɪ?

37 Yesu me yo ñ tyí ne: «Á Tɛ ñgbɛ Liyel tyí yíne kɪ nɔ á tyí á nɪ pólle, ànê á min pólle, ànê á sɔnɔ pólle.»‡

38 Képah ye tir kònsàhnó gbenne, ànê nê tyí-á tah kal.

39 Ké ní-ò nê-á tɔ me ké tyí kòle, képah ye yò ne: <Ye á ní-ò tyí nɔ á tyí á gblɔy tyí kòle.>§

40 Moyisi tyi kònsàhnó ànê Liyel tɛntò syínyopu sébéynó sɔkɔ tyi pól me tyi kònsàhnónɔ nínó nópi sɔkɔ.»

Krista ye Davidi Tɛ ñgbɛne té tɔ pɪ ñ Pídíne

41 Farisi wɛkí kópú-á sò me tükènmɔnɔle, Yesu me píkinyahno yó pɪ pé tyí ne:

42 «Yépi tɛ sɔnɔ nêne Krista tyí sɔkɔ, nê-á Liyel ney yáhntɔkɔnɔle? Nê pídí me ñne?» Pé me yo ñ tyí ne, Davidi Pídí-á.

43 Képah sɔkɔ, à me yo pé tyí ne: «Nte kwáh nê pɪ té Liyel Mirki-á Davidi yah tɛ, Davidi me Krista ye Tɛ ñgbɛne? Yé náh we di, à lésò ne nkɛ,

44 nê-á péwɔ Tɛ NGBɛNE

Tɛ ñgbɛ Liyel-á kè yo ñ tyí ne nkɛ,

à pɔ n kɔ n tɛ pé gbòyò sòle,

fók kè pɔ nɔ gbí nê-á

pé kɪ ñ sépébí pɪ ñ gbáhkí súnsàh-ñsahle.*

45 Nte Davidi-á Krista ye Tɛ NGBɛNE à kɪ tɔ pɪ sɔ té kɪ pɔ n pɪ ñ Pídíne?»

46 Yesu-á sépi yo, tyíyóné náh tɔ fɛ we pé sɔkɔ yó ntɛ tyí. Té à tɔkɔ lésò tyí, ñnî yó ntɛ náh tɔ ñ nɪ syáh à piki yah yah tir yó ntɛne.

† 22:32 22.32 - Yah n te Yálnó 3.6. ‡ 22:37 22.37 - Yah n te Tɔnyonɔ 6.5. § 22:39 22.39 - Yah n te Levitiki 19.18. * 22:44 22.44 - Yah n te Gbálnó 110.1.

23

Yesu-á nê yo à yuku Liyel tyi kònsàhnó kwópú ànê Farisi wěkì kópú tyí ònnè

¹ Yesu yo n tò sáhpú ànê tówú tyí ne:

² «Liyel tyi kònsàhnó kwópú ànê Farisi wěkì kópú ye n kwò névyele Moyisi tyi kònsàhnóle.

³ Yé ne n nohnú pé tyí, yè mó ne n kò pé yóré yó. Nte pãh kwónó nónóne n pí, pè nãh me n kò sé wãl yó. Képah ye, yé káh pé pí òkù tē wòle n yah n pí.

⁴ Pãh nkēne névyele n kwò tyi nónóne, sè me á kú ne tókópél sò pé pukubi pé twah mò, té pé nãh n fē n syi n so n mò pé tyí kèngbò núkú fyéle.

⁵ Pé pé gblöyne n wěkú pé tyípinì pól sòkò. Képah ye, kyésúpí nónó-á Liyel weyne sé sòkò yèwetyèh yey toh n mò mò tēne, képah nãh pí gbãn tyí toh n mò mò tēne, pépí pé tyínò pí gbò gbò, n té pé flo vyēy dro pí flèyflèy.

⁶ Tē-ntàn gbroy tyí nò pé tyí yéno yó-ntàn sòkò ànê Liyel ní-ntàn vì sòkò.

⁷ Pè n ne n me ké tyí ne, névyele ne n tò n sah n wèkú n pò pé tyí tówú tükè-ntàn sòkò, pé mó péle n ye Kwópúle.

⁸ Nte yépi tyí kwó-ò núkú ó ye me, té yé tóló pólle núkú ye. Képah ye, yépi tē wò káh ne pé yéle n ye Kwópúle.

⁹ Sú núkú ó ye me yé tyí, nê-á me yīnyó. Képah ye, yé káh nñi yó ntēne n ye Súle sétáh mè yó sòkò n Liyel wěkì kóló yīnne.

¹⁰ Yah tē-ò núkú ó ye me yé tyí. Krista ye, nê-á Liyel ney yáhntokónole. Képah ye, yé káh ne pé yéle n ye Yah tēpúle.

¹¹ Yín-nsah ngbē-á me névi nê tyí yé sòkò, tē wò yīne à pí yé tōnpule.

¹² Névi nê-à n gblöy òkò sah, tē kú tiki mò. Té nê-à n gblöy tiki mò, tē kú òkò mò.

¹³ Yépi Liyel tyi kònsàhnó kwópú ànê Farisi wěkì kópúle, pèkè me yé yó. Vyēnnínì wékípú ye yéle. Yé Liyel tórí noli yónó yah kò névyele tyí. Yé nãh me ké tyí ne yé ké noli yó, té nónó-à se mó tò ne pé ké noli yó, yé pé yah kò. [

¹⁴ Yépi Liyel tyi kònsàhnó kwópú ànê Farisi wěkì kópúle, pèkè me yé yó. Vyēnnínì wékípú ye yéle. Yé pékúsyole n vi n tē pé gbãn yīle n syi pé tyí, n té nírilé n pí yōšékile ne névyele pé wè. Káh pí sē, yé tukey kú n pí n pí kékékéyò kal no tóló tyíle.]

¹⁵ Yépi Liyel tyi kònsàhnó kwópú ànê Farisi wěkì kópúle, pèkè me yé yó. Vyēnnínì wékípú ye yéle. Yé yrey ànê sétáh yó pól kò n kò nénúkú fyé yáhnkòno sòkò Nsyifunò wěkì tē yīnne. Té nê-à se wè fē syi, yè n tò nmo pí à kò à n yīne dénóle ní-nkē nyàhnpekè sòkò à kal yépile ke nínó.

¹⁶ Pèkè me yé yó, yépi nónó-á yah tēpú yítúbile. Yè n ne n yo ne nkē, névi-à n wo Liyel ní-nsah wòkò kètärle, képah nãh n mò n kò n pí. Té nê-à n wo Liyel ní-nsah wòkò kètär sòkò sánne, képah-á kú mò kò.

¹⁷ Lékám kē névyele, yítúbì nòpi, sán wò se fónfó Liyel ní-nsah wòkò kètär yó sòkò, képah nê gbò yó-á sán n mò n kò Liyel tyí yó?

¹⁸ Yè n ne n yo tóle ne nkē, névi-à n wo sárká súkénkò-nsahle, képah nãh n mò n kò n pí. Té nê-à n wo sárká kwáhle, nê-á me sárká súkénkò-nsah yó sòkò, képah-á kú mò kò.

19 Yítūbi nópi, sárká wilki wilki kwâh wo se fónfó sárká súkénkō-ńsah yō, kápah nê gbò yō-á sárká n mo n kō Liyel tyí yō?

20 Névi nê-à fyò n wo sárká súkénkō-ńsahle, tẽ ye ñ wo te ké yō sárká yi tole.

21 Névi nê-à fyò n wo Liyel ní-ńsah wòkò kètãrle, tẽ ye ñ wo te Liyel tole, ñmo nê-á me ké soko.

22 Névi nê-à fyò n wo yínyõle, tẽ ye ñ wo te Liyel tǒrí kǒ tole ànê ké yō kǒntẽ-òle.

23 Yépi Liyel tyi kǒnsàhnó kwópú ànê Farisi wěkì kópúle, pèkè me yé yō. Vyěnnínì wékípú ye yéle. Yě nànyè ànê pěnfěné pól gbãm-òńóle Liyelle n kō. Nte gbì wěkì kóló, ànê névyè yãm yáhnó, ànê tyi pínóle sé wǎl yō, sépi nónó tyí-á tah kal Liyel tyi kǒnsàhnó soko, yè n pyě sépi wo yahle; sépi nónó-á yé yĩne yè ne n pi gbònwòkò kěne, à tahlì yáh me nónóne n pi.

24 Névyè yah tǔpú yítūbi nópi. Yáh nêne n pi yò, kè me á kɪ ne yé wo wo ni sǒ yé n syi à sèswõle n wilki ké soko, té pyě yãhmínì wole n wo n mo n yo sǒ.

25 Yépi Liyel tyi kǒnsàhnó kwópú ànê Farisi wěkì kópúle, pèkè me yé yō. Vyěnnínì wékípú ye yéle. Yě wóhló ànê yěyóvyo náhló wu n tǒ n sah, té sé soko táhló n ne me yúkúnóle yé yĩbe yile ànê yi nónó dékè kèpèkè-á me yé soko.

26 Farisi wěkì kópú yítūbi nópi. Yé vyó soko táhló ñgbò tǒ n sah. Kápah soko, sé náhló to kɪ pi yályál.

27 Yépi Liyel tyi kǒnsàhnó kwópú ànê Farisi wěkì kópúle, pèkè me yé yō. Vyěnnínì wékípú ye yéle. Yé me á kɪ ne léyál píkínsàhnó sǒ. Sé kégbó n ne n me palle, té sé soko táhló n ne n me lékyî kègbèl ó ànê yípyáhnì duke duke pólle.

28 Sě ye yépi tole. Kégbó soko, yè n pi n tẽ néglóle, té yé foko táhló mó tǒ me yúkúnóle fòkòpìl tyi ànê tyítúkúnìne.

29 Yépi Liyel tyi kǒnsàhnó kwópú ànê Farisi wěkì kópúle, pèkè me yé yō. Vyěnnínì wékípú ye yéle. Yě Liyel tǔntǔ syínyopu léyálle n tǒ n sah n mo. Névyè nónó-á pi soko néglóle Liyel yah, yě pépi tyínóle n koh n mo yípeplole,

30 ñ té ne n yo ne, yé to-à sǒ me yé súbí me gbíne, yé náh náhkɪ n so n mo n pi pé tyí Liyel tǔntǔ syínyopu kònmɔno soko.

31 Nte yah, yé me kéle n wěkɪ yé gblǒy ne, Liyel tǔntǔ syínyopu kònmɔpu pye-á yéle.

32 Ōǒ, yé súbí-á nê tyah mo sah, yé gbah n tẽ kè syi kè.

33 Vyeh nópi, wáhnmíró yísyóle n yah dé. Yé n to n pwah sǒ ní-ńkě nyàhnpekè yah soko?

34 Kápah ye, ñmo kɪ Liyel tǔntǔ syínyopu, ànê yĩ pípú, ànê kwópú kègblo tekɪ mo yé kō. Nte yé kɪ pé túkù ko mo, té kɪ túkù syi dahlo yō, té kɪ túkù ko yèfòhle yé Liyel ní-ńtân vî soko, té kɪ kō pé náh péle n yini n kō kwlo kwlo soko.

35 Kápah soko ye lékàh kǔpú pól kònmɔno plo kɪ we syɪkɪ yé yō, pépi nónó-á ko mo à toko Abeli kònmɔno tyí, ñmo nê-á négbíle Liyel yah, pópó à po syi Baraki pídí Nsakari tyí tyí, nê-á yé ko mo sárká súkénkō-ńsah ànê Liyel ní-ńsah wòkò kètãr wró.

³⁶ Kègbı yõ mé kéle n yo yé tyí, nékókè mónó nópi pól plo kɪ n sykɪ n pi kwey gbĩ névye yõ.»

Yesu yah kwónóle Yerusalemı tyí sɔkɔ

³⁷ Yesu tõ yo ne nkẽ: «Yerusalemı tãn, Yerusalemı tãn, yépi nónó-á Liyel tẽntò syínyopule n ko n mɔ, té Liyel-á nónó tekɪ mɔ yé kɔ, yé pépile n minki n ko dyêhle, gbáhyí sɔ pól me mé kè yah kɔ ne, mé yé tuke n mɔ sɔ-á šın n tuke n mɔ ñ pyele ñ kám sò sɔkɔ, té yé náh fẽ syi?

³⁸ Káh pı sě, Liyel kɪ ñ náh vi yé kwil kɔ pnépné, kè kɔ kè kɪ pı kéntikínine.

³⁹ Té mé kéle n yo yé tyí, yé náh tõ nímɔ we n yah n pi, fók kɪ pɔ nɔ gbí nê-á yé kɪ n yo ne nkẽ, névi nê-á n pi Tě ñgbě yĩn yõ, Liyel sãm mɔ ñ sɔkɔ.»

24

Yesu me Liyel ní-nsah gbô sɔkɔ ànê kèkõyó tyénó tyíle n yo n sah

¹ Yesu-á wil Liyel ní-nsah gbô sɔkɔ té n sɔkɔ gbí nêne, ñ tò sáhpú me nɔ de ñ tnò à Liyel ní-nsah gbô mɔ dùkùle n sò ñ tyí.

² Nte à me pè syah ne, káh pè n yah yò kè; kègbı yõ páh kéle n yo pé tyí, kè pól-á kɪ pɔ sɔ. Dáhkì núkú yó ntě náh tõ n wũ n pi ké ní-ò yõ.

³ Wáh kyı kɔ tẽ gbí nêne Wólívyê yèh yõlı yõ, ñ tò sáhpú me nɔ de ñne pé yahle, té à piki yah ne, à yo pé syah, gbí nê se képah kɪ n pı n pi nı? Tir nê pínó se kɪ ñ syınpɔnɔ ànê kèkõyó tyénó wěkɪ n pi nı?

⁴⁻⁵ A me yo pé tyí ne: «Yé yah, névye náhnáh kɪ pɔ nímɔ yĩn tɔkɔ n pi pé yah yĩne, té kɪ ne pépi-á nímɔle, nê-á Liyel ney yáhntɔkɔnɔle. Pè kɪ névye náhnáh mɔ n pi pílkinó sɔkɔ. Nte yépi tẽ wɔ yé gblõyne n kyɔmı, ney káh n fẽ yé pilki.

⁶ Yé kɪ mál pínó tyí yónó noh n pi, ànê mál tyí dírí wónsàhnóle. Nte yé káh n ye tíkí yé tẽ. Kè yĩne kè pı sě. Nte képah náh tõnı n pı n pi kèkõyó tyénóle.

⁷ Yé náh we di, kwil yó kɪ pɔ yuku kwil yóle n fwo, tǔrí yó kɪ pɔ yuku tǔrí yóle n fwo. Té kwekɪ ànê sétáh syahrı kɪ n we n pi tãntãn náhnáh sɔkɔ.

⁸ Nte sépi pól kɪ me á kɪ ne kúrki tẽ gbí yónó sò tyàhnó sɔ.

⁹ Pè kɪ yéle n tẽ pè kɔ pè kɪ n fõh, té kɪ yéle n ko mɔ. Kèkõyó névye pól kɪ yé we mɔ nímɔ yĩne.

¹⁰ Képah tẽ sɔkɔ, névye náhnáh kɪ Liyel wěkì fin mɔ. Pè kɪ n wil wě náh, té kɪ wě dyole n yɔ.

¹¹ Té Liyel yĩn yõ m̀nyobe kɪ wil mɔ pí, kɪ névye náhnáh mɔ pílkinó sɔkɔ.

¹² Pèkè pínó kɪ yah syi, fók tyínɔnɔ náh tõ n we n pi fwóɔ névye náhnáh sɔkɔ.

¹³ Nte nê-à ñ tah sah à pɔ nɔ ké tyénó tyí, tẽ kɪ pwáhnmɔnɔ we.

¹⁴ Képah sɔkɔ, Niv̀nı tir kɪ yo Liyel tǔrí tyí yõ kèkõyó pól sɔkɔ, névye pól kɔ pè kɪ noh. Képah náh, kèkõyó kɪ pyě tyɛ.»

Yèvyãhrı nê-á kɪ pɔ n we n pi kèkõyó

15 Képah sɔkɔ, Yesu tɔ ne: «Liyel tɛntò syínyo-ò Danyel-á lésò yíkínó pi pi kwáh kèpèkè nê tyí yo sah,* yé ki kè we n pi Liyel ní-nsah gbô tyah kètár sɔkɔ.» — Nónó-à ki wey mène n kar, pè gbah n tɛ ké dùkù pĩ. —

16 Yesu tɔ yò sɔkɔ n weyne ne nkê: «Yâh kèpah we gbí nêne, nónó-à ki me Nsyude mara sɔkɔ, pè to sɔkɔ ymo yò.

17 Névi nê-à ki me gbɛntɛn yò, tɛ káh ne páh n tiki pé vyóle n tɔkɔ pé wòkò sɔkɔ.

18 Nê-à ki se mó me n swáh sɔkɔ, tɛ káh ne páh péle n syi n yuku pé fwòmò-ngbɛ tókó-nsah.

19 Kéne sèpɛn-à pɔ syó nónó we kûrn nátânne, ànê nónó-à me yòki syóle, kè ki pi yèwàhtàhpole pé tyí.

20 Képah ye, yé yĩne yè Liyelle n ni ne tóló mè káh n pi vɛri gbíne, kèpah náh pi mi mi yòh sòle.

21 Kè ki pi yèvyáhri ngbɛne, nê kénkò náh we yah kèkòyó mómóni à pɔ syi kwey tyí, ànê nê kénkò náh tɔ n we n yah n pi pólle.

22 Liyel-à náhki sò wìlkínó pí-nkêne kéne sèpɛn sɔkɔ, nnî yó ntɛ yò náh náhki pɔ n wil n pi ké sɔkɔ. Nte wáh nónó yah wilki pi n tyile, pépi yinne, à wìlkínó pi sé sɔkɔ.

23 Névi nê-à yé syah ne, Liyel ney yáhntɔkɔnɔ-á me ásò, kèpah náh pi wáh me yàhàh, yé káh sɛ tɛ yò.

24 Yé yah, mɛnyobe ki pɔ wil mɔ pí. Pé tókù ki ne Liyel ney yáhntɔkɔnɔ-á pépile, tókù ki mó ne Liyel tɛntò syínyopu-á pépile. Pè ki gbìlgbìl tyi ngbnole n pi, fókù ki n yah n kò Liyel névye yáhnwìlkínó ntɛ tɔ yò yíkí-nsahle káh sò fɛ n pi n pi.

25 Tyi nópi ye mé kwáh tɛ yo sah yé tyí yò.

26 Képah sɔkɔ, névi nê-à yé syah ne Névi Pídí-á me gbɛnni sɔkɔ, yé káh ne yáh n nyáhle n sò. Nê-à se ne wáh me wòbìntɛnóle, yé káh sɛ tɛ yò.

27 Sò-á pũ n yíkiri yál yè n we, à tɔkɔ gbìngboke tyí, fókù n kyi n dal n mɔ gbìnyiki tyí, sɛ ye Névi Pídí syínɔnɔ tɔ ki n we n pi.

28 Kwáhkókè se ki fɛ wòbi ñkyònkýòni yah?»

Névi Pídí pónóle

29 «Kéne sèpɛn nópi yèvyáhri-à fyò sɔkɔ n te nsò, gbí ki pi syi, n wò náh tɔ n piki n pi, n wò kèpye ki wil yínyò ki kwe, té yínyò yiyin pól ki yike.

30 Légbíne, Névi Pídí syínɔnɔ kwní ki yò mɔ yínyò. Kèpah tɛne, sétáh yò yìkni pól névye ki n gbo ki yám yám tyile n pi. Té pè ki Névi Pídí we à ki me n pi nyirn sɔkɔ, tákù ó n tóó ànê tóríle.

31 Kèpò ngbɛ yó ki fíbi, té à ki n yínyò tònɔpɔ tɛki mɔ ywò ywò pól sɔkɔ, à tɔkɔ kèkòyó yah mè tyí, à kyi sah ké yah mè tyí. Pè ki kyi névye tuke mɔ, Liyel-á nónó yah wilki.

32 Yé yah sènsóké kèdúkù-á nêne ále n wɛki. Yâh fyò ké yìngbàn we sè n gboke n wil à mɛsnole n pi gbí nêne, yè n pĩ ne ki de gbí-á me yúkey.

33 Sɛ ó ye, yépi tɔ-à pópó kéne tyi we sè tyah n pi gbí nêne, yé pĩ ne Névi Pídí syínɔnɔ-á me yúkey. Wáh ki pɔ sɛ yò sɛ yò.

* 24:15 24.15 Yah n te Danyel 9.27 ; 11.31 ; 12.11.

34 Kègbɔ yõ mé kéle n yo yé tyí, kwey gbí névyé pól náh n ku n te n pi, té kéne tyi nópi kɩ me n pɩ.

35 Yĩnyõ ànê sétáh kɩ pɔ tye, ñte ñmɔ wɛlɔ tẽ wɔ náh n tye n yah n pi pólle.

36 Nte ké lésõ ànê ké gbí tẽ wɔle, ñnî yó ñtẽ náh sépile n pne. Yĩnyõ tònpi náh séle n pne, Liyel Pídí tɔ náh séle n pne. Nnî yó ñtẽ náh séle n pne à wil Sú Liyel tyí sɔkɔ. Nmɔ ó ye n pne séle.

37 Nê-á pɩ sɔkɔ Nowe gbí sɔkɔ, sɛnkõ ye kɩ n pɩ n pi Névi Pídí syínponɔ sɔkɔ.

38 Yé náh wɛ di, gbí nê-á lésõ púnphákì náh tɔnì me pɩ à nine kèkõyó pól yõ, névyé lésõ me n yõ, té me n wɔ, té me syóle n tɔkɔ, képah náh pɩ me pé pyele pɛbule n kɔ, pópó à pɔ syɩ Nowe de sɔ tyí krótó-ñgbẽ sɔkɔ.

39 Pè náh sò me n sɔ tir yó ñtẽ tyí sɔkɔ, fók à pɔ nɔ púnphákì pɩ sɔ tyí, ni kɔ kè pɔ pé pól yõ. Sɛnkõ ye kɩ n pɩ n pi Névi Pídí syínponɔ sɔkɔ.

40 Díbì népî nímí kɩ me swãh sɔkɔ, núkú kɩ tẽ sɔkɔ, té ñ ní-ò kɩ wũ.

41 Syó népî nímí kɩ me nanne n nɔ, núkú kɩ tẽ sɔkɔ, té ñ ní-ò kɩ wũ.

42 Yé Tẽ ñgbẽ-á ñ syɩ n pɔ n pi sɔ nêne, yé náh me kè pĩ. Képah ye, yé káh yé dyɔ mɔ n fwɔ n tẽ.

43 Yépi ñtẽ pĩ ne, gbóntẽ dí-à me pĩ gbí nê-á yɛnwó kɩ n pɔ n pi lékãhne, à kɩ yah sò, à náh ye à kɔ à wɛ kwɔ n de n pi ñ gbó sɔkɔ.

44 Képah ye, yépi tɔ ne me yé vi sah. Ngbõ yé náh me gbí nê tyíle n sɔ, légbí ye Névi Pídí kɩ ñ syɩ n pɔ n pi dé.»

Tònpi-á yĩne à ne me sɔ

45 «Tònpi négbì ànê lékám névi nê me yõtẽ dí kɩ tɔkɔ sah ñ tònpi téló yõ, à kɔ à kɩ yòkele péle n kɔ ké gbí pèpey sɔkɔ, té kɩ sɔkɔ kóló sɔkɔ?

46 Yõtẽ dí-à ñ syɩ pɔ à wɛ à me kéne tɔle n pɩ ké yah yõ, tònpi mè tyí nɔ.

47 Kègbɔ yõ mé kéle n yo yé tyí, yõtẽ dí kɩ à pɩ ñ gbàn yí pól kyòmì-òle.

48 Nte káh pɩ tònpi túkùle, té à tyah n sɔ ne pé yõtẽ dí-á me mo ñ syínpon-nsah,

49 té tyah pé no tònpi télóle n ko, té n yõ té n wɔ sètɛnì pípúle wẽ tyí,

50 ñ yõtẽ dí kɩ ñ syɩ pɔ ñ yõ dɔkɔ sɔ yóle, ànê wô yó sɔkɔ, à náh me nê tyíle n sɔ.

51 A kɩ tònpi mè yĩni, té kɩ à tekɩ mɔ yínvɩnpi mé-nsah sɔkɔ, nýãh sɔkɔ-á gbní ànê yní táhnó kɩ me.»

25

Sèmirkì nê-á yãh syónpì népî gbãm tyí yõ

1 Yesu tɔ yo ñ tò sáhpu tyí ne: «Névi Pídí syɩ n pɔ gbíne, Liyel tɔrí kɩ fẽ tɔkɔ sãh syónpì népî gbãm yísyó sèmirkìle, nónó-á pé fòtnònó tɔkɔ sɔkɔ pɛ yòhnì-nsah.

2 Syónpì nópi sɔkɔ, népî kwâl sò me lékám kɛpúle, té kwló mó me lékãmpule.

3 Nónó-á lékám kɛpúle, pépi-á sò pé fòtnònó tɔkɔ n sɔkɔ, pé náh nuri wãh tɔkɔ.

4 Nte lékãmpu nópi wɔ mó pé fòtnònó tɔkɔ, té nuri mɔ sɔkɔ sonó sɔkɔ.

- 5 Pe-á mo pó-nsah, dɔy mi pé sɔkɔ, pè dɔ sɔkɔ.
 6 Lénɪ wérrɪe, yǐnpɔ́ yó n dɔkɔ ne nkě, pe-á oo, pè wil à yohnɪ.
 7 Képah tǝne, syónpɪ nópi pól dɔ yuku, té yah dah mɔ pé fòtnònó tyí sɔkɔ.
 8 Nónó-á lékám kǝpúle, pépi me lékámputu nópi syah ne, pè yǐ pé kǔ nɪrɪle, nkě pé fòtnònó-á me tǝ syi n ni pé tyí.
 9 Pè me yo pé tyí ne, sè náh fǝ n yǐne n pi pépi tyínɔle té pé tǔ n yǐ n kǔ n pi. Nkě pé kyɪ n yah dwe yǎmpu tyí pè mɔ pé tyínɔ sɔkɔ.
 10 Pǎh sɔkɔ yáhndwe-nsah, pe pɔ de. Syónpɪ nóno-á sò me pé vi sah, pépi me de ñne fúr yòke yó-nsah wòkò sɔkɔ, té pè me wùkah vike.
 11 Syónpɪ nópi téló-á pópó pé syɪ pɔ, pè pɔ wùkahle n mi té me yo mɔ tǔ ne nkě, pé yòtǝ, pé yòtǝ, à yɪkɪ mɔ pé kǔ.
 12 Nte à me yo pé tyí ne, kǝgbɪ yǔ páh kéle n yo pé tyí, pé náh péle n pne.
 13 Képah ye, yépi káh yé dɔɔ mɔ n fwɔ n tǝ dé. Yé náh se yó lésò ànê kǝ gbíne n pne té.»

Sèmirkɪ nê-á yǎh tǔnpɪbɪ népǎ tǔmí yísyó tyí yǔ

- 14 «Liyel tǔrí-á me sèmirkɪ nê kètòle, kè we yò: Dí yó lésò n sɔkɔ kóló sɔkɔ, té ñ tǔnpɪbɪ ye pɔ ñ tahrɪle pè kǔ sah,
 15 à yǐne pé nénúkù núkú pól-á fǝ nê pɪ n pi. A talǎ* pó pló kwlóle ñnɪ kǔ, té nínóle ñnɪ kǔ, té me núkúle ñnɪ kǔ. Képah náh, té sɔkɔ ñ kóló sɔkɔ.
 16 Nê-á we talǎ pó pló kwlóle, ñmɔ núkú kyɪ ñ gbò vi ñ tyíle à kwló yísyó we dohnɪ sé yǔ.
 17 Sǝ-ó ye nê-á we talǎ pó pló nínóle, ñ tɔ me nínó we dohnɪ sé yǔ.
 18 Nte nê-á we talǎ pó pó núkúle, ñmɔ me sɔkɔ kyɪ swɔ tǔ à ñ yòtǝ dí pó wǔbɪ.
 19 Ké di-á mo náhnáh, pé yòtǝ dí ñ syɪ pɔ. Wǎh pɔ, à pè ye ne pè pɔ pé tahrɪ tyí dükù yo pé noh.
 20 Képah tǝne, nê-á sò we talǎ pó pló kwlóle, ñmɔ me ñ tyí tɔkɔ nɔ de ñ yòtǝ díne té kwló yísyó tóle à wǝkɪ, té yo ñ tyí ne, pé yòtǝ, talǎ pó pló kwló-á sò à pé kǔ sah, ñte à yah, páh kwló yísyó we dohnɪ sé yǔ ñ tyí.
 21 Ñ yòtǝ dí me yo ñ tyí ne, kǎh ple, tǔnpɪ pèpey ànê négbí-á ñne. Wǎh fyò pɪ négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wǝ tyí. / Ñ yòtǝ dí me yo ñ tyí ne, kǎh ple, tǔnpɪ pèpey-á ñne nê-á tyile n pɪ sé wǎl yǔ. Wǎh fyò tir tyí pɪ ké wǝkɪ yǔ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wǝ tyí.
 22 Nê-á sò we talǎ pó pló nínóle, ñmɔ tɔ me ñ tyí tɔkɔ nɔ de ñ yòtǝ díne té yo ñ tyí ne, pé yòtǝ, talǎ pó pló nínó-á sò à pé kǔ sah, ñte à yah, páh nínó yísyó we dohnɪ sé yǔ ñ tyí.
 23 Ñ yòtǝ dí me yo ñ tyí ne, kǎh ple, tǔnpɪ pèpey ànê négbí-á ñne. Wǎh fyò pɪ négbíle tir tyí sɔkɔ, páh kɪ tyí-ñgbnɔ dahbɪ ñ gbò. A pɔ pé nìvìnìne n pɪ wǝ tyí.
 24 Képah náh, nê-á sò we talǎ pó pó núkúle, ñmɔ-á nɔ de, à ñ yòtǝ dí syah ne nkě, pé yòtǝ, páh pǐ ne nkě ñ tǔ-á tah. A náh sèmukɔ nê duku mɔ, ǎ kè tɔkɔ. A náh nê mir mɔ, ǎ kè kǔ.

* 25:15 25.15 - Yah n te Matye 18.24 yah yónó sɔkɔ.

25 Képah-á tíkí pé tẽ, pé me kyɪ ǹ pó wõbɪ sètáh sɔkɔ. Kǎh yò, à tɔkɔ ǹ póle.

26 Ǹ yòtẽ dí me yo ǹ tyí ne, tònpi nétúkù, gbãndal névi-á ñne. Wǎh sò pĩ ne níkẽ, pé náh sèmuکو nê duku mo, pé kè tɔkɔ, pé náh nê mir mo, pé kè kò.

27 Kǎh pi sě, wǎh náhki mó sò me kyɪ pé pó dah mo sah pó sàh-ñsah wòkò sɔkɔ kè. Páh pé syɪ pɔ sò yò, páh náhki mó sè we wilki dòhnìnóle sé yò kè.

28 Nkẽ pé ǹ tyí mè tẽ syi ǹ tyí, pé kéle talã pó pló gbãm nétẽ kò.

29 Pè kó we ni, névi nê tyí kwáh-á me, dòhnìnó-á ki ǹ pi ñmo tyí yò yróyró. Té névi nê tyí kwáh náh me, kwéy nê ntẽ-á me ǹ tyí, kǎh ki tẽ syi ǹ tyí.

30 Yõre kẽ tònpi mè tẽ wole, níkẽ pé à wilki mo kégbó fěntú sɔkɔ, nýǎh sɔkɔ-á gbní ànê yní táhnó ki me.»

Tukey nê-á ki ǹ pi ǹ pi Névi Pídí syínpono sɔkɔ

31 «Névi Pídí-à ǹ syɪ pɔ ǹ tǔrí sɔkɔ ànê yínyò tònpi pólle gbí ñne, à ki kò tẽ ǹ tǔrí kò yò.

32 Kwlo kwlo pól névyé ki pɔ tuke mo ǹ yah sɔkɔ. Té à ki névyé wah wilki wě sɔkɔ, sã-á yípénfě ǹ wah ǹ wilki képyénì ànê perle wě sɔkɔ.

33 A ki négló sah ǹ gbòyò sòle, té ki népèl sah ǹ gběyìnè sòle.

34 Képah sɔkɔ, nónó-à ki me ǹ gbòyò sòle, à ki yo pé tyí ne: «Ǹ Sú Liyel-á sãm mo yépi nónó sɔkɔ, té tǔrí nê yah sah yé kò kèkòyó mo gbí dùkùle, yé pɔ ké nolule ǹ yò.

35 Yé náh we di, kweki-á sò ní tẽ, yé yòkele ní kò mé yò. Níkì-à sò ní tẽ, yé nine ní kò mé wɔ. Máh sò me népòle, yé ní kò mé twah yé tyí.

36 Máh sò me flo kěne, yé flòle ní kò mé mo. Máh sò me ǹ yo, yé yah dah mo ní tyí sɔkɔ. Máh sò me wòkònpèkè sɔkɔ, yé pɔ yah ní tyí.»

37 Képah sɔkɔ, négló nòpi ki à piki yah ne, Tẽ ñgbě, gbí nê se pé we ñne kweki sɔkɔ, té à kò à yò ni? Anê gbí nê se pé we ñne níkì sɔkɔ, té à kò à wɔ ni?

38 Gbí nê se pé we ñne népòle, té à kò à twah pé tyí ni? Anê gbí nê se pé we ñne flo kěne, té flòle à kò à mo ni?

39 Gbí nê se pé we ñne à me ǹ yo, képah náh pi à me wòkònpèkè sɔkɔ, té pɔ yah ǹ tyí ni?

40 Képah sɔkɔ, yòtẽ dí ki yo pé tyí ne: «Kègbɪ yò mé kéle ǹ yo yé tyí, ní yúnpyé nónó-á yò kè, yáh níkěne sěnknole ǹ pi pé sɔkɔ tyítýì nónó fyé tyí, ñmo tyí ye níkěne ye ǹ ne ǹ pi séle.»

41 Képah náh, nónó-à ki me ǹ gběyìnè sòle à ki yo pépi tyí ne: «Yé to ní tnô, yépi nónó tyí-á yiki. Yé ne ǹ yuku ní-níkẽ nyàhnpèkè sɔkɔ, képah nê-á me mónsàhnóle sètàn ànê sé yòtẽ yinne.»

42 Yé náh we di, kweki-á sò ní tẽ, yé náh ní kò mé yò. Níkì-á sò ní tẽ, yé náh ní kò mé wɔ.

43 Mé sò me népòle, té yé náh fě syi ní kò mé twah yé tyí. Mé sò me flo kěne, té yé náh flòle ní kò mé mo. Mé sò me ǹ yo, té me wòkònpèkè sɔkɔ, té yé náh pɔ yah ní tyí.»

⁴⁴ Pépi tɔ kɪ à piki yah ne, Tě ñgbě, gbí nê se pé we ñne kwɛkɪ sɔkɔ, képah náh pɪ níkɪ sɔkɔ, képah náh pɪ népôle, képah náh pɪ flo kěne, képah náh pɪ me n yɔ, képah náh pɪ me wòkònpèkè sɔkɔ, té pé náh à yohnɪ mɔ nɪ?

⁴⁵ Képah sɔkɔ, à kɪ yo pé tyí ne: «Kègbɪ yô mé kéle n yo yé tyí, ní yúnpyé nónó-á yò kè, yáh ñkěne n yahle sɛnkno pínóle pé sɔkɔ tyítŷí nónó fyé tyí, ñmɔ tyí ye ñkěne yè n yahle pínóle séle.»

⁴⁶ Tyé-ñkě yèvyährɪ sɔkɔ ye nétúkúñì nópi kɪ kyɪ n de n pi, té négló nópi wɔ kɪ kyɪ tyé-ñkě min we.

26

Pè me Yesu tě-ñsahle n yah n kɔ lékámkām sɔkɔ

¹ Yesu-á tyi nópi pól yah yo te gbí nêne, à yo ñ tò sáhpú tyí ne:

² «Yé pɪ ne ñkě sèpɪn nínì-á wũ, té Pakɪ syáh kɪ syah. Névi Pídí kɪ tě pè kɔ pè kɪ à syɪ dahnɪ yô.»

³ Légbíne, sárká syínwilkɪpu yòtām ànê kwil yèwàhnì wě tuke mɔ sárká syínwilkɪpu yòtě ñgbě ùnne, nê-á pè n ye Kayifile.

⁴ Té yo sah núkú yô ne pé ye Yesu tě lékámkām sɔkɔ, pé mó à ko mɔ.

⁵ Pè sò me yo tũ wě tyí tole ne, tir mè náh yĩne kè pɪ syáh syáhnó sèpɪn sɔkɔ dé. Páh kɪ képah pɪ, névye-á kɪ tyah fěkɪ.

Sê yó pèpɔɪ pɪ Yesu tyí

⁶ Sô yóle, Yesu lésô me tótě dí Simo gbô, Betani kwil sɔkɔ.

⁷ Wáh me yôke yónó sɔkɔ gbí nêne, sê yó me no de ñ tnô nɪɪ so pèpɔy yóle ñ tyí làsèkwèl dénkókòle ké sɔkɔ. Képah těne, té làsèkwèl mè mɔ Yesu yô yô.

⁸ Yesu tò sáhpú-á képah tě we sě, pé fɔkɔ vyäh. Pè ne kwäh nê se pɪ té à làsèkwèl mè yɪkɪ sě yò nɪ?

⁹ Káh náhkɪ sô fě yām dántähle, à ké pó dibi yām tãn kɔ.

¹⁰ Yesu-á képah we sě, à me yo pé tyí ne: «Sô pɪ té yé pi mè yahle n vyäh sě? Tyípépěy ye à pɪ ñmɔ tyí.

¹¹ Yé yah, yām tãn kɪ me yé wró sɔkɔ gbímegbí. Nte ñmɔ wɔ náh kɪ me n pi yé wró sɔkɔ gbímegbí.

¹² Nê-á pi mè pɪ yò, ñmɔ lékó yĩ sô yĩn ye à pɪ sah kéle.

¹³ Kègbɪ yô mé kéle n yo yé tyí, kèkòyó pól sɔkɔ, Nìvìnì tir mè-à n yo fí nê sɔkɔ, pi mè tyípíkì mè tɔ kɪ yo, névye dyɔ kɔ kè kɪ n kwne ñ tyíle.»

Nsyudasɪ me ké tyí ne pé Yesule ñ tēpú wēkɪ

¹⁴ Yesu tò sáhpú népɪ gbõnimí sɔkɔ, nê-á pè n ye Nsyudasɪ Yisikariyotile, ñmɔ me kyɪ wil sárká syínwilkɪpu yòtām tyí,

¹⁵ té pè syah ne, pè se kɪ pé kɔ kwäh nêne pé mó kè pɪ pè kɔ pè Yesu we tě nɪ? Pè me pó pló yōgbāmne à kɔ.

¹⁶ A tɔkɔ légbí tyí, à tyah n yah n kɔ wáh ne pɪ sô té pè Yesu we n tě n pi.

Pakɪ syáh yôke pínóle

¹⁷ Kókónó kân búrn syáh tyah sòle, Yesu tò sáhpú pɔ à piki yah ne, ñyäh sɔkɔ se à me ké tyí ne pé kyɪ Pakɪ syáh yôke pɪ ñ tyí nɪ?

18 A me yo pé tyí ne: «Yé kyí n yo yǎhnikō tyí kwil soko ne, kwó-ò dí-á yo ne níkě pé gbí-á me se n te, níkě ñmò òfin-á péwò ànê pé tò sáhpú kí pò n yò n pi Paki syáh yòkele.»

19 Wǎh kè yo sǒ ò tò sáhpú tyí, pè me soko ò yóré yò, à kyí yòke mè pi.

20 Lékâh-á pò mò, ñmò ànê ò tò sáhpú népî gbõnimí me kǒ tǔ yòke sò.

21 Té pǎh me yónó soko, à yo pé tyí ne: «Kègbi yò mé kéle n yo yé tyí, yé soko yó kí pi pè kǒ pè kí ñ tǔ n pi.»

22 Ñ tò sáhpú-á képah noh, pé yey kwò kègbile. Képah tǔne, nê mè nê mè, tǔ à piki n yah ne, Tǔ ñgbě, péwò se à n ye ni?

23 A me yo pé tyí ne: «Nê-á me n di ñmòle dú nukú soko yò, tǔ wò ye kí pi pè kǒ pè kí ñ tǔ n pi.

24 Névi Pídí kí n ku n pi à yǐne kǎh wǎrkí sah Liyel wey sébéy soko sǒ ò tyí soko. Nte névi nê-á kí pi pè kǒ pè kí à tǔ n pi, pèkè kí pi tǔ tyíle. Tǔ-à sò me dúbí-ńkǔne, képah náhkí fónfó ñne.»

25 Nsyudasí nê-á sò me ké tyí ne pé pi pè kǒ pè à tǔ, ò to me à syah ne, kwó-ò dí, péwò se à n ye ni? A me yo ò tyí ne: «Áwò ye yo kéle.»

26 Té pǎh me yónó soko, Yesu búrn tǔkò té wekí Liyel tyí, té kè kwòkí à ò tò sáhpúle n kǒ, té yo pé tyí ne: «Yé syi n tah kéle. Nyòle, ñmò wil ye.»

27 Képah náh, à tǔ wóh tǔkò ñwǎne ké soko té wekí Liyel tyí, té kéle pè kǒ té yo pé tyí ne: «Yé pólle, yé kè wò.

28 Yé náh we di, nyòle, ñmò tǔ ye, nê-á kí névye yégbékè kwò mò ànê Liyelle. Kè kí n kwe n pi nékwínkí yǐnne, kí pé tyípél yò mò.

29 Mé kéle n yo yé tyí, à tǔkò nukúnúkú tyí, mé náh tǔ ñwǎ wò n yah n pi, pópó kí pò nò sò nê-á mé kí tǔ ñwǎ sǎn yó wò yéle ñ Sú Liyel tǔrí soko.»

30 Képah náh, pè syáh yì gbí, té wil à n yuku Wólívyê yèh yòh yò.

Yesu ne Pyeri-á kí ò vyǎh kǒli ne pé náh pé pǐ

31 Képah soko, Yesu yo ò tò sáhpú tyí ne: «Kwey lékâh mè ñtǔ óle, ñmò tyí kí yé pól kǒ yé kí yal mò ñ sò tǔnóle. Yé náh we di, kè me wǎrkínsàhnóle Liyel wey sébéy soko ne: «Mé kí yípénfǔ ko mò, té képyénì tǔ pól kí karkí.»*

32 Yesu tǔ ne: «Nte ñ lékó yílkínmòntenò náh, mé kí mò yé yahle Kalile mara soko.»

33 Képah tǔne, Pyeri me yo ò tyí ne, no téló pól-à kí sǒ yal mò ò sò tǔnóle, péwò tǔ wò náh n yal n mò n pi pólle.

34 Yesu me yo ò tyí ne: «Kègbi yò mé kéle n yo á tyí, kwey lékâh mè ñtǔ soko, sénpe-à kí pópó n gbo, á kí me á vyǎh kǒli te ke tǔnó ne á náh ñmò pǐ.»

35 Pyeri me yo ò tyí ne, kǎh kí sǒ nò pé kúnó tyí ñne wǔ tyí, pé náh pé vyǎh kǒli yah n pi pólle ne pé náh à pǐ. Yesu tò sáhpú téló to me képah ó yo.

Yesu Liyel ñínóle Ketisemaní soko

36 Képah soko, Yesu ànê ò tò sáhpú kyí yǐni tǔ fí yó soko, pè n ye Ketisemaníne. A me yo ò tò sáhpú tyí ne, pè kǒ tǔ ásò pé kyí Liyel ni n pò yàhàh.

* 26:31 26.31 - Yah n te Nsakari 13.7.

³⁷ Wǎh n sɔkɔ, à Pyerɪ ànê Nsebede dīnpɪ nɛpɪ ními tɛ sɔkɔ. Yèkwɔrɪ ànê tíkí kɛpɛkɛ sò me tyah n mi n sɔkɔ.

³⁸ Kǎh pɪ sɛ, à me yo pé tyí ne: «Yèkwɔrɪ me ní sɔkɔ, me n pɪ ní ko ko tɛne. Yé tɛ ásò, yépi tɔ káh yé dyɔ mɔ n fwɔ n tɛ, sɔ-á n̄mɔ náh me ní dyɔ mɔ fwɔ tɛ.»

³⁹ Té me yuku yahle kwéy à kyɪ kɔ kwĩnki n yah di sétáh, à Liyelle n ni ne níkɛ: «N̄mɔ Sú, káh kɪ fɛ n pɪ n pi, yèvyǎhrɪ mè gbɛ mɔ n̄mɔle. Nte mé náh ne á kè pɪ n̄mɔ-á me ké tyí sɔ dé, kè pɪ áwɔ-á me ké tyí sɔ.»

⁴⁰ Wǎh n syɪ pɔ n tò sǎhpú nɛpɪ tòmí nɔpi tnô, à pɔ pè we pè me n dɔ. A me yo Pyerɪ tyí ne: «Yé kègbɪ yò, yé náh tɛ we lérí núkú n̄tɛ fyé pɪ yáhnó sɔkɔ n̄mɔle kè?»

⁴¹ Yé káh yé dyɔ mɔ n fwɔ n tɛ. Yé nírilɛ n pɪ yé káh n pɔ t̄n̄m̄ɔnɔ fɛ n syɪ. Tyípéplɔ s̄nɔ n ne n me névi sɔkɔ, té sé t̄n̄wɛnpɪnɔ tǎhkɪ náh n we n sɔkɔ.»

⁴² Wǎh kɛpah yo, à tɔ gbɛ mɔ péle ke ní-òle à kyɪ Liyelle n ni ne níkɛ: «N̄mɔ Sú, ní yò-à kɪ fɛ n wil n pi níkɛne yèvyǎhrɪ mè sɔkɔ, áwɔ-á me nê tyí, kɛpah pɪ.»

⁴³ Wǎh tɔ n syɪ pɔ, à pɔ pè we pè tɔ me n dɔ. Dɔy sò me tɛ we pé tyí.

⁴⁴ A tɔ yal pé tnô à gbɛ mɔ kyɪ Liyel ni ke t̄-òle gbɔro tǎn tyí k̄òle.

⁴⁵ Kɛpah náh, à n syɪ pɔ pé tnô, té yo pé tyí ne: «Yé me dɔy sɔkɔ sɛ me yéle n mi kè? Névi Pídí tɛ n dahbɪ gbí we nɔ tyípél pípú gbò yò.

⁴⁶ Yé yuku à sɔkɔ. Névi nê-á kɪ ní dahbɪ n pi pé gbò, à we n de yò.»

Yesu t̄n̄óle

⁴⁷ Yesu me kɛpah yónó sɔkɔ, té Nsyudasɪ nê-á n tò sǎhpú nɛpɪ gbõnimí sɔkɔ yóle, n̄mɔ yīn nékwĩnkí yísyó yah pè pɔ de kèkírɪn ànê n̄snine pé tyí. Sárká syínwĩlkɪpu yòtām ànê kwil yèwǎhn̄i ye sò tekɪ mɔ péle.

⁴⁸ Té Nsyudasɪ nê-á sò n dahbɪ n pi Yesule pé gbò, à sò me pɪ dùkú yóle pè wɛkɪ sah. A ne páh kɪ wɛkɪ névi nê tyí té à pɔrɪ tɛ, n̄mɔ-á. Nkɛ pè à tɛ.

⁴⁹ Té núkú nɔ de Yesule té ne, kwó-ò dí, páh n wɛkɪ n tyí! Té à pɔrɪ tɛ.

⁵⁰ Yesu me yo n tyí ne: «N̄ kódí, wáh pɔ nê pí-nsah, kè pɪ.» Kɛpah sɔkɔ, nɔ nɔpi núkú nɔ de Yesule à à tɛ.

⁵¹ Kɛpah t̄ne, nónó-á sò me Yesule, pé sɔkɔ yó núkú n̄ kèkírki yɔrɪ de à sárká syínwĩlkɪpu yòtɛ n̄gbɛ t̄n̄pɪ níki k̄ò kām.

⁵² Nte Yesu me yo n tyí ne: «Á kèkírki dyɪ ké gbô sɔkɔ. Yah, nónó pól-á mǎlle n pɪ kèkírɪne, kèkírɪn ye kɪ ko mɔ péle.

⁵³ Á náh pɪ ne n̄mɔ-á kɪ sò fɛ yo mɔ ní Sú tyí, à kɪ yīnyò t̄n̄pɪbɪ kèyò náhnahtekɪ mɔ ní k̄ò n̄n̄pó swɔ, sè kɪ pɔ ní yohnɪ mɔ di?

⁵⁴ Nte káh pɪ sɛ, Liyel wey sébéy sɔkɔ tyi wárkínsàhnó kɪ wil dùkú n̄ne? Kè mó tɔ me kè yo sah ne sɛ-á kè yīne kè pɪ.»

⁵⁵ Kɛpah náh, té yo nékwĩnkí nɔpi tyí ne: «Yé pɔ n̄mɔ t̄-nsah kèkírɪn ànê n̄snine yé tyí, á kɪ ne kèlékɛ névi sɔ n̄ne. Nte swɔ swɔ pólle, mé sò níkɛne ne n me k̄ont̄n̄óle Liyel ní-nsah gbô sɔkɔ n̄ kwónóle n pɪ, té yé náh ní tɛ.

⁵⁶ Nte Liyel t̄ntò syínyopu tyi wárkínsàhnó wil yīn ye tyi nɔpi pól k̄ò sè pɪ.» Wǎh kɛpah yo, n tò sǎhpú pól to karkɪ té à sah.

Yesu t̄n̄kyɪnɔle Nsyifunɔ tukey t̄kèpu t̄nkɪ tyí

⁵⁷ Nónó-á tẽ Yesule, pè yuku ònne sárká syínwìlkìpu yòtẽ òngbẽ Kayifi ònnne, òyãh sòkò-á Liyel tyi kònsàhnó kwópú ànê yèwàhnì sò me wẽ tuke m̀.

⁵⁸ Pyeri sò me Yesu sò tẽ n ko fíi ònne, pópó à kyi yíni tẽ sárká syínwìlkìpu yòtẽ òngbẽ gbô tyí. Tè de yuku à kyi kò tẽ tònpi tñô, té n yah yí m̀-á kú pò n syi n pi dùkù nêne.

⁵⁹ Sárká syínwìlkìpu yòtãm ànê pé no tukey tükèpu ònkì pól sò me n yah n kò ne, tàrfyòhnó yísyó we, nónó-á kú m̀nì we n yo n sah Yesu yò, pé mó à we n ko n m̀.

⁶⁰ Tàrfyò m̀nyobe náhnáh sénsõ pò m̀nì yo sah ò yò, òtè pè náh tir yó we wãh yíne à ko m̀ nê yínnne. Ké tyé-nsah sòkò, díbí nêpí ními wil yín

⁶¹ té ne òkè, dí m̀-á yo ne páh kú fẽ Liyel ní-nsah wòkò kètár sò té kú kè tó m̀ sèpìn tónì wró.

⁶² Képah sòkò, sárká syínwìlkìpu yòtẽ òngbẽ yuku yín té yo Yesu tyí ne, no nópi-á tyi nónonne n yo ò tyí sòkò, tyíyóné kó me òm̀ tyí sépi tyí sòkò n?

⁶³ Nte Yesu náh dahbi wilki. Képah tẽne, sárká syínwìlkìpu yòtẽ òngbẽ me yo ò tyí ne, min nètẽ Liyel yín yò, à yo pé syah òm̀-á kú nê Liyel ney yáhtòkònlè, nê-á ò Pídíne.

⁶⁴ Yesu me yo ò tyí ne: «Áwò ye yo kéle. Tè mé kéle n yo yé tyí, à tòkò núkúnúkú tyí, yé kú Névi Pídí we kòntěhnóle tyi pól tyí tẽnwe-ò Liyel gbòyò sòle. Yé kú à we tole à kú me n pi nýirn sòkò.»

⁶⁵ Képah tẽne, sárká syínwìlkìpu yòtẽ òngbẽ ò gblòy fìo yòri tókú té ne, wãh yo de Liyel tyí. Tàrfyò nê tẽ se tó pé kú n yah n kò n? Pè kó ò Liyel tyí yóndenò noh n?

⁶⁶ Pépi se me n sò sò n? Pè me yo ò tyí ne, wãh yíne kònmònlè.

⁶⁷ Képah tẽne, té tyah n sìn n m̀ ò yah sòkò, té ònne n sykú gbònkukele, té tókú mó me ò létáhlólè n kòlì

⁶⁸ té me n yo ò tyí ne, òm̀-á kú nê Liyel ney yáhtòkònlè, à sãh pì yo pé syah nê-á n ko ònne.

Pyeri-á ò vyãh kòlì sò ne pé náh Yesu pì

⁶⁹ Pyeri sò me kòntěhnóle gbô táh. Tònpi pi yó me no de ò tñô té yo ò tyí ne, òm̀ tò-á sò me Yesule, nê-á Kalile neyne.

⁷⁰ Nte à me kè kòlì no pól yí yah ne, pé náh me ò wey m̀ tyí yah we yò dé.

⁷¹ Képah náh, Pyeri sòkò gbô yah ònnne. Tònpi pi yó-á tó à we, nónó-á sò me nénpó, à yo pé tyí ne, dí m̀ tò-á sò me Yesule, nê-á Nasareti neyne.

⁷² Pyeri tó kè kòlì à ò wo ne, pé náh dí m̀ne n pne dé.

⁷³ Dò kwéy, nónó-á sò me nénpó pépi no de Pyerile té yo ò tyí ne, kègbi yò, no nópi sòkò yó-á ò tole. N wey dùkù-á me kéle n wèkú dò.

⁷⁴ Képah sòkò Pyeri tyah ò gblòyne n wo pélpèl ne, pé náh dí m̀ pì. Nénpó swò sènye yó núkú gbo.

⁷⁵ Légbìne, Pyeri dyò to kò Yesu wey m̀ne, wãh sò nê yo ne òkè: «Sènye-à kú pópó n gbo, á kú me á vyãh kòlì tẽ ke tónó ne á náh òm̀ pì.» Képah sòkò, Pyeri wil kégbó à kyi kah gbo.

27

Yesu tēnyukunɔle Pilati tinnε

¹ Séngbɔ́ púpúle, sárká syínwilkǐpu yòtām pól ànê kwil yèwàhnì pól yo sah núkú yò ne Yesu-á yǐne à ko mɔ.

² Té me à tē pukubi, té kyɪ nne kwiltām yòtē Pilati gbò dahbɪ.

Nsyudasɪ kúnóle

³ Képah sɔkɔ, Nsyudasɪ nê-á sò pɪ pè kɔ́ pè Yesu wε tē, wǎh pɔ̀ n kònmonɔ tyí wε kè yǐ tē, kè à kah fyǎh. Á me pó pló yōgbām nɔ́pi tɔkɔ kyɪ ne pé sárká syínwilkǐpu yòtām ànê kwil yèwàhnì kɔ́.

⁴ Té yo pé tyí ne, pǎh tyípékè pɪ lékǎh kē névi mónóle kǔ sɔkɔ. Nte pé me à syah ne, pépi tir nê se me képah sɔkɔ nɪ? Képah-á me ñmɔle n yah kē.

⁵ Képah sɔkɔ, Nsyudasɪ pó mē milki Liyel ní-nsah wòkò kètǎr sɔkɔ, té wil sɔkɔ à kyɪ n gblɔy gbel.

⁶ Sárká syínwilkǐpu yòtām me pó mē tɔkɔ té ne ñkē, kè nǎh yǐne dǎhnmɔnɔle Liyel ní-nsah gbô pó sɔkɔ. Névi tó-á kɪ n kwε n pi ké tyí sɔkɔ.

⁷ Képah tēne, pé yo sah núkú yò, té pó mēne pní mó-ò dí yó swǎh dwe à pɪ népân lékyî yí-nsahle.

⁸ Képah ye, fóó à pɔ syɪ kwey mē tyí, swǎh mē me n ye tó swǎhle.

⁹ Képah sɔkɔ, Liyel tēntò syínyo-ò Nsyeremi-á lésò nê yo sah, kè wil. Á lésò ne ñkē: «Pè ye pó pló yōgbām tɔkɔ, Yisrayel no-á ne dan nê-á yǐne kónóle n tyí sɔkɔ.

¹⁰ Té kyɪ séle pní mó-ò dí swǎh dwe, à yǐne Tē ñgbē Liyel-á kè yo sǔ ní tyí.»*

Pilati me Yesule n piki n yah

¹¹ Pǎh Yesu tē kyɪ kwiltām yòtē dí Pilati tyí, à me Yesu piki yah ne ñmo se Nsyifunɔ yòtēne díne nɪ? Yesu me yo n tyí ne: «Áwɔ ye yo kéle.»

¹² Nte sárká syínwilkǐpu yòtām ànê kwil yèwàhnì sò me tyile n yo n sah n yò. Nte à nǎh dahbɪ wilki pé tyí sépi tyí sɔkɔ.

¹³ Képah sɔkɔ, Pilati me yo n tyí ne, pǎh tyi nónó pólle n yo n sah n yò, à kó me séle n nohnɪ nɪ?

¹⁴ Nte Yesu nǎh dahbɪ wilki n tyí pólle. Kǎh pɪ sē, kè n gbǎn kah du.

Pilati Yesu kònmonɔ wēkì kɔ́

¹⁵ Yimeyí Pakɪ syáh sɔkɔ, kwiltām yòtē ñkēne wòkònpékè sɔkɔ nénúkù yó fin n mɔ, tówû-à nê yah wilki.

¹⁶ Té légbíne dí yó sò me wòkònpékè sɔkɔ, nê yǐnpékè-á wil yǐi nǎhnáh. N yǐn ye sò Barabasɪle.

¹⁷ Képah tēne, tówû nê-á sò me tükènmɔnɔle, kwiltām yòtē dí Pilati me pépi piki yah ne, pé se me ké tyí ne pé nê fin mɔ pè kɔ́ nɪ? Barabasɪ se, tǐ Yesu nê-á pè n ye Liyel ney yáhntokɔnɔle, ñmɔ se?

¹⁸ Yé nǎh wε di, Pilati sò pǐ ne Yesu yǐngbí wǐlnó-á n yo péle pé kɔ́ pè à dahbɪ péwɔ gbò sɔkɔ.

* **27:10** 27.9 Yah n tε Nsakarɪ 11.12-13 ànê Nsyeremi 18.2-3 ; 19.1-2 ; 32.6-15.

19 Té wǎh me tǎnóle tukey tükè-nsah soko, n kyi tǎntò mo n tyí ne, lékàh ké dí mè tyí dlénpêl-á pé kwlo kwey lékàhne. A káh n vyǎh dahbi n tyí soko dé.

20 Nte sárká syínwilkipu yòtām ànê kwil yèwàhnì me tówù kurki mo ne, pè yo Pilati tyí à Barabasí fin mo, à mó Yesu ko mo.

21 Kwiltām yòtē dí Pilati me tō pè piki yah ne, pè se me ké tyí ne pé nê tē fin mo pè kō nǎpí nímí nópi soko ni? Pè me ne Barabasí-á.

22 Pilati me ne, nte Yesu nê-á pè n ye Liyel ney yáhntòkòne, pé se ki pi sò òmòle ni? Pé pól me ne wǎh yǐne à syi dahnì yō.

23 A me pè piki yah ne, nte tyítúkù nê ó se à pi ni? Nte pè tō kah yo mo wòhòh ne, wǎh yǐne à syi dahnì yō.

24 Pilati-á pò kè pǐ ne pé náh me fē tir yóle n pekí ké soko, té névye-á mó tō me n tyah tyah fēkínóle, à ni tókò à n gbǎn wu tówù yí yah té ne, péwo vyǎh náh me dí mè kònmòno tyí soko. Káh pé tyí kè.

25 No pól me ne, n kònmòno plo pi pépi ànê pé wǎnpì tyíle wé!

26 Képah soko, Pilati me Barabasí fin mo pè kō. Té sràsyíbi kō pè Yesu ko yéfòhle, té n gbàh de mo pè kō ne pè à syi dahnì yō.

Sràsyíbi-á kóle Yesu ko òkù nêne

27 Képah tǎne, kwiltām yòtē dí Pilati sràsyíbi me Yesu tē de tǎrí gbò soko, té pé no sràsyíbi pól ye pò à mo gbí.

28 Pè me n flo de n wil soko, té fwòmònsáh ngbē yó mo à kō.

29 Té pǎn yòkò pi dyi à kō tǎrí yókúrí swò, té lépéy yóle à kō à tē yǐn n gbòyò soko. Té gbètukunò di n yah soko à kóle òne n ko me yo tū ne, Nsyifunò yòtē dí, páh n weki n tyí.

30 Té n sǐn n mo n yō, té lépéy mè syi à òne n miki n yō soko.

31 Páh kóle à ko te, pè fwòmò-ngbē mè de n tyí té n flo tō mo à kō, té à tē n yuku syi-nsah dahnì yō.

Yesu syínóle dahnì yō

32 Páh kyi n wil kwil soko, pè Sireni kwil dí yó yohni pè n ye Simole. Sràsyíbi me òmò kyí mo à kō à Yesu syi syi dahnì twah.

33 Páh kyi yǐni tē tyah yó soko, pè n ye Kòlkotale, nê kór-á Yògbèkè tyahle,

34 pè wil yónó kèkò kwáh yó fēki mo òwé soko Yesu kō ne à wò. Wǎh kè wò yah, à kè yahle.

35 Képah náh, pè à syi dahnì yō. Páh à syi te, pè òdan mo à n flo dibi pé wē wró.

36 Té me kō tē nǎnpò à òne n syiki ne ney káh pò à pwah mo.

37 Yō nê yō-á pè syi òne, pè sò me kè wǎrki syi sah n yòtah soko ne òkē: «Yesu ye yò, nê-á Nsyifunò yòtēne.»

38 Kèlèké pípu nǎpí nímí yísyó tó sò me syínóle dahlo yō n tñò. Núkú sò me n gbòyò sòle, ní-ò me n gbèyǐnè sòle.

39 Wēkòbi nóno-à kò pò n soko, pè pé ywòle n mo n té òne n gbyò

40 ne òkē, òmò nê-á sò ne páh ki Liyel ní-nsah wòkò kètár sò, té ki fē kè tō mo sèpìn tǎnì wró, òkē Liyel Pídí-à ki nê òne, à n gblóy pwah mo. A tiki n to dahnì yō kè.

41 Sē ye, sárká syínwilkipu yòtām ànê Moyisi tyi kònsàhnó kwópú, ànê kwil yèwàhnì tó sò me kóle òne n ko me yo tū ne,

42 wăh tókù pwah mə, té kɪ tē ñ gblɔy wɔ pwah mə kwɔ nɪ? Yisrayel yòtē tē-à kɪ nê ñne, à tiki n to dahɪ yò núkúnúkú, pé mó sē ñ yò kè.

43 A kó ñ sɔnɔ sah Liyel yò, té kè yo ñtēne ne ñ Pídí-á péle nɪ? N tyí-à kɪ me nɔ Liyel tyí, à à pwah mə núkúnúkú wé.

44 Kèlékē pípu nónó tɔ-á sò syínóle ñ tnô, pépi tɔ sò me ñne n gbyɔ sēntē óle.

Yesu kúnóle

45 Gbì-á me yòtah sírr sɔkɔ, fēntú mə kèkɔyó pól sɔkɔ, pópó à pɔ nɔ lérínó tónó tyí.

46 Lérínó tónó nópi-á sɔkɔ, Yesu kah yo yínpɔ ñgbēne ne: «Yeli, Yeli, lama sabakɪtani?» Nê kór-á: Nmɔ Liyel, ñmɔ Liyel, kwâh nê pɪ té á ní fin mə?

47 Nónó-á sò me nénpó, pé tókù-á ñ yónmɔnɔ mè noh, pé ne ñkē, wăh me Yelile n ye n yah oo!

48 Nénpó swɔ, pé sɔkɔ yó to kyɪ sènsúkúrí tɔkɔ fō yòyòkè ni sɔkɔ, à dyɪ mə gbey yó vyâh tyí, té kè nɔ ñ tyí ne à wɔ.

49 Pé téló mó me yo tũ ne ñkē, pé ye yín sô, Yeli mó pɔ à pwah mə pé yah ätre.

50 Nte Yesu me tō kah de syi té yah kwɔ.

51 Képah tēne, fwɔ nê-á dyínmɔnkàhsàhnóle Liyel ní-ńsah wòkò kètär sɔkɔ, kè tɔ tóló nínó à tɔkɔ ké yòtah tyí, à kyɪ dal mə ké sètàhkì sò tyí. Té sétáh me syah, légbýɔ gboke,

52 léyâl yɪkɪ mə, Liyel yò sēpu nónó-á sò ku sɔkɔ te, pé náhnáh lékyí me yilki mə.

53 Képah náh, té me wil léyâl sɔkɔ Yesu lékó yílkínmɔntenɔ náh, té de Yerusalemɪ kwil sɔkɔ Liyel-á képah nê yah tɔkɔ. Névyé náhnáh yí tē pé yò.

54 Sràsyíbì yòtē dí ànê nónó tɔ-á sò me Yesule n syɪkɪ ñne, pépi-á sétáh syahrɪ mè we à tahlɪ tyi nónó tɔ-á pɪ, tíkì pé kah tē. Pé me ne ñkē: «Kègbì yò, dí mēne, Liyel Pídí ye sò ñne.»

55 Té syó náhnáh tɔ sò me yín tē fí té me n yah. Kalile duku sɔkɔ ye kéne syó Yesu sò tē, à n yah n dah n mə ñ tyí sɔkɔ.

56 Makadala kwil Mari sò me pé sɔkɔ, à tahlɪ Nsyakɪ ànê Nsyosefu yú Mari tyí, ànê Nsebede dínpi yúne.

Yesu lékó yínóle

57 Nví-á pɔ nɔ, tàh dí yó pɔ de, nê-á sò n wil Arimatɪ kwil sɔkɔ. Kéne dí yín ye Nsyosefule. Yesu tō sáh-ò ye sò ñ tɔle.

58 Nmɔ me kyɪ wil Pilati tyí, à Yesu lékó ni ñ tyí. A me ne pé ñne à kō.

59 Păh ké wēkìle à kō, à me ñ lékó tɔkɔ té à plo fwɔ gbró snóle.

60 Nsyosefu-á sò pé kō pé diki sán nê tũ sah ñ yēngbē tyíle tekɪ sɔkɔ, à kyɪ à dah mə képah sɔkɔ. Képah sɔkɔ, té dáh-ñgbē yó pil pɔ ké yah vike té sɔkɔ.

61 Té légbíne, Makadala kwil Mari ànê ñ ní-ò Mari sò me kōntēnóle nénpó sɔkɔ diki yah yēsreynɛ.

62 Té kéne yòh sònó ye ñkēne pé péle n vi n sah pé mɪ mɪ yòh sò yinne. Ké dīndalle, sárká syínwilkɪpu yòtām ànê Farisi wēkì kópú me wē sò tē kyɪ wil Pilati tyí,

⁶³ té yo òn tyí ne, pé yòtē, pé dyo-á to kō ne, kéne névyé pílki-ò-á lésō me kè yo sah òn kú-ńkē soko ne, pāh po ku, ké sèpìn tō-ò sōle, pé lékó-á kɪ yilki mɔ.

⁶⁴ Képah yinne, ńkē à sràsyíbí kō pé diki syɪkɪ po no sèpìn tōnì tyí. Képah-à pí-ńkēne, ò tō sáhpú-á kɪ n syah n po ò lékóle n yí n wilki, té kɪ névyé syah ne ò lékó-á yilki mɔ. Képah tē-á kɪ tō névyé pilki kal gben tēne.

⁶⁵ Pilati me yo pé tyí ne, tyah syíkípu-á yò. Nkē pé kyɪ diki mēne n syɪkɪ pāh me ké tyí sō.

⁶⁶ Pé me soko à kyɪ diki yah dáhkì mè poko mɔ, té tyah syíkípu kō pé kéle n syɪkɪ.

28

Yesu lékó yilkinmɔnɔle

¹ Mɪ mɪ yòh-á soko, dimansyi sō séngbō púsóle, Makadala kwil Mari ànê ò ní-ò Mari kyɪ diki yò.

² Nénpó swɔ, sétáh syahrɪ òngbē pɪ. Tē òngbē Liyel yinyō tōnpɪ yó me tiki po dáh-òngbē mè pil to diki yah, té kō tē ké yò.

³ A sō me n kō kyòo pù sō yíkiri, té ò flo me píkinóle préyy.

⁴ Tíkí ànê wilsyahrɪ tē tyí, tyah syíkípu markɪ.

⁵ Képah soko, yinyō tōnpɪ me yo syó tyí ne: «Yé káh tíkí pɪ. Mé pĩ ne Yesu-á yé n yah n kō, pāh nê syɪ dahni yò.

⁶ A náh me ásô, ò lékó yilki mɔ à yíne wāh lésō kè yo sah sō. Yé po n yah ò snékínmɔ-ńsahle,

⁷ yé mó n kyɪ kè yo súú ò tō sáhpú tyí ne, ò lékó-á yilki mɔ. Té wāh mɔ pé yahle Kalile mara soko. Pāh kɪ kyɪ à we nénpó. Nê-á sō me ní tyí yo yo tēne yé tyí, képah ye yò.»

⁸ Pé me yal súú nénpó soko, tíkile pé soko ònìvì ò òngbē tɔle fēkínmɔnɔle ké soko, à n to n yuku yí mè yáh-ńsah Yesu tō sáhpú tyí.

⁹ Nénpó swɔ, Yesu núkú pé yohnɪ té ne: «Mé n wekɪ yé tyí.» Syó nópi me no de òne, té ò gbyēh tē à gbilkínó sah ò yò.

¹⁰ Képah soko, Yesu me yo pé tyí ne: «Yé káh tíkile n pɪ. Yé kyɪ n yo ní yúnpyé tyí ne, pé yuku Kalile mara soko. Nénpó soko ye pé kɪ we íne.»

Tyah syíkípu tyípinne

¹¹ Syó nópi-á me wēkì yò gbí òne, tyi nóno pól-á pɪ, sràsyíbí nóno-á sō n syɪkɪ diki mēne, pé tókù po kwil soko, à po sè yo sárká syínwilkipu yòtām syah.

¹² Képah soko, sárká syínwilkipu yòtām nópi ànê kwil yèwāhnì wē tuke mɔ à yo sah núkú yò, té pò-òngbē yóle sràsyíbí kō,

¹³ té pé syah ne pāh kɪ pɪ pé yo ne, ò tō sáhpú-á po ò lékó yí wilki lékâhne té pé sah doy soko.

¹⁴ Kwiltām yòtē dí-à kɪ sō kè noh, pépi-á kɪ kè niri pé kō pé náh yótír we n pi ké soko pólle.

¹⁵ Tyah syíkípu mó pò mè syi té kè pɪ pé yóré yò. Képah tēne, yí mè tō mɔ Nsyifunɔ nyó, fóó à po syɪ kwey mè tyí.

Yesu wénóle ò tō sáhpú tyí ò lékó yilkinmɔntenɔ náh

¹⁶ Yesu tò sáhpú népí gbõnúkú me sòkò Kalile mara yõlì yõ, wăh lésõ rýãh tyí yo sah pé tyí.

¹⁷ Păh kyí à wε, pè à gbilki, ñte pé túkù sò me tètòle n pì ñ tyí sòkò.

¹⁸ Yesu me nò de pé tnô té yo pé tyí ne: «Yõtõrí pól ye ñmò gbõ dahbì yînyõ ànê sétáh yõ sòkò.

¹⁹ Yé kyí kwlo kwlo pól névye pì ñmò tò sáhpúle, yè mó pè wel n wilki ni sòkò Sú Liyel, ànê Pídí, ànê Liyel Mirki yìn yõ.

²⁰ Máh tyi nónó kò sah yé kò, yè mó pè kwò séle pè kò pè séle n pì. Té ñmò kì me yéle sòmésó, fós kì kyí syì kèkõyó tyénó tyí.»

Marki-á nìvìnì tir nê wārki Yesu tyí soko

N yúpyé, yépi nónó-á sébē mēne n kar,

«Nê me Yesule?» Píkinyahno yó ye, no pól yĩne pè pé gblǒy piki yah kéle. Wáh sǒ me Yesu pĩ di mónóle, képah náh pĩ, á náh ñ tyí noh yah pólle: No pól kɪ fě gbah tē à pĩ palle.- Sébē nê-á á tē yĩn á gbò, képah kɪ píkinyahno mē yah yo ñ syah, kɪ Yesu òkùle ñ wēkɪ. Dí yó ye wārki kéle di mónóle. Kéne dí yĩn ye sò Markule. Kè Yesu min pĩ òkù tyíle n yo, ànê ñ tyípínne, ànê ñ welole. Sépi n tyah ñ tyípínì tyí, à pò nò ñ kúnó ànê ní yúkúnó tyí. Képah n wēkɪ ne, Yesu-á pò Liyel tǒríle, té wáh fě syi ñ gblǒy tíkínmòno yǒ, névye pwáhnmo yinne.

Kéne sébēne, Bibili tyah yó ye nê-á Liyel wey sébē ñgbēne. Képah fĩ yó ye.

Yé kɪ fě kyɪ welo yísyó we, sé pínó kɪ me tah. Té pókónmòno me òkù-à me, ké tyàh-ñsah, kè ále n wēkɪ ne, wáh kɪ fě wey mē yah yónó we sébē mē tyé-ñsah soko.

Nte, wáh tē yĩn nê kar kwlo, á kɪ yah te sébē tyé-ñsah soko. Ké kèpikì wey wārki òkù to me nénpó, ànê ké wĩn weyne.

Yé pól pĩ ne ñkē, nê-á tókù n ye «Lékám Pèpeyne», tókù ñne n ye «Liyel Mírki». Té, Liyel wey vinnmòno soko, yĩn núkú ó ye kɪ fě yah tókò képah yinne. Nte, áyáh «Liyel Mírki» yah tókò, kè náh pĩ ne, képah sǒ á tókò kúmm yǒ dé! Á me ké tyí ne, yépi to lékámne á kǒ ké tyí yǒ. Ké ye òkù yó lékám se me yé tyí, yé kɪ fě á kǒ?

A wil yĩn mē tyí soko, wáh tir yó we sébē mē soko, té ké yo òkù náh ple wĩn wey soko áwò yah, gbah n tē kè yo á syah.

Liyel pèpòrɪ pĩ á tyí ké kárnó soko.

Wèlnwìlkì-ò Nsyǒ wey yónsàhnóle

¹ Liyel pi Yesu *Krista nìvìnì wey sán tyàh-ñsah ye yò.

² Sǒ-á kéle wárkínsàhnóle *Liyel tǐntǒ syinyo-ò *Yesayi sébē soko ne:

«Yah, ñmò Liyel kɪ ní tǐntǒ névi tɛkɪ mò á yahle,
à kɪ pò á wēkì tǒ sah á tyí.»

³ Nnì yó yǐnpǒ ye n òkò gbēnnɪ soko ne ñkē:

«Yé Tē-ñgbē wēkì tǒ sah,
yé kè pĩ tómm!»*

⁴ Kǎh wārki sah sǒ, sē ye *Wèlnwìlkì-ò Nsyǒ pò wil mò gbēnnɪ soko. Á tyah n yo n kǒ névye tyí ne, pè pé nno vi mò, pè mó *wèlnwìlkínó we. Képah soko, Liyel-á kɪ pé tyípél yǒ mò pé kǒ.

⁵ Képah tēne, Yude kwlo névye pól, ànê tǒ Yerusalemɪ névye pól sǒ me n pò n pò ñ tyí, n pò pé tyípél yo névye pól yí yah, té ǎ pè wel n wilki Yurdē yo soko.

⁶ Té, Nsyǒ sǒ me yǎhmíkì yè fwòmòno mò, té ñ syĩ tē sêl kǒle. N yǒkele sǒ sègblo ànê syĩrɪ ye.

* 1:3 1.3 - Yah n te Yesayi 40.3 soko.

7 A sò με n yo tówû tyí: «Névi nê-á kɪ n pɔ n pi n̄mɔ náh, n̄mɔ ye gblò kal n̄mɔle. N̄mɔ tẽ náh yĩne mé kɔ yĩn, n̄ gbáhkì lékyêh sro de.

8 N̄mɔ ye yéle n wel n wilki ni sɔkɔ, n̄te n̄mɔ kɪ pɔ yé wel n wilki n pi *Liyel Mírki sɔkɔ.»

Yesu wèlnwìlkinó ànê n̄ t̄nmɔnɔle

9 Légbíne, Yesu wil Nasareti kwil, Kalile sétáh yõ, à pɔ Nsyõ k̄õ à à *wel wilki Yurdẽ yo sɔkɔ.

10 Té, wǎh n wil ni sɔkɔ gbí n̄ene, à yĩnyõ we kè n yɪkɪ n mɔ, té *Liyel Mírki tiki n̄ yõ, dàhyòkèpil s̄õ.

11 Légbíne, yĩnp̄õ yó n wil Liyel sɔkɔ ne n̄k̄e: «Áwɔ ye n̄mɔ n̄idè Pi núkúnine. Á tyí nɔ ȳĩ n̄ tyí kègbule.»

12 Ké n̄npó swɔ, Liyel Mírki à tẽ yuku gb̄ennɪ sɔkɔ.

13 A sèp̄in̄ t̄ikíniní pɪ n̄npó sɔkɔ. Té *sétàn yòt̄ẽ pɔ n̄ne n t̄õ n mɔ. A sò me gb̄enkyɔ n̄yó sɔkɔ, té *ȳĩnyõ t̄ent̄obe me n̄ t̄ẽ-n̄sahle n yah.

Yesu ȳenkyɔ t̄épú n̄ép̄i n̄yêh ye

14 Képah náh, pè pɔ *Wèlnwìlki-ò Nsyõ dah mɔ wòkònpèkè sɔkɔ.† N déntenɔ náh wòkònpèkè, Yesu yuku Kalile sɔkɔ, à kyɪ tyah n̄v̄in̄ wey s̄anne n yo n k̄õ, nê-á wil Liyel tyí.

15 A ne: «Gbí nê tyí-á sò yo sah, kè me de te. *Liyel t̄õrí me ȳini t̄ẽ te. Yé yé n̄nɔ vi mɔ, yé mó s̄ẽ n̄v̄in̄ wey s̄án yõ!»

16 Wǎh sò me n kɔ Kalile yó-n̄gb̄ẽ gbòpɔ gbí n̄ene, à ȳenkyɔ t̄épú n̄ép̄i n̄imí we, Simo, ànê n̄ gb̄endí Andrele. Pè sò me ȳenkyɔ t̄ẽ t̄ẽ mn̄ole n min ȳenkyɔle n t̄ẽ yo sɔkɔ.

17 Á yo pé tyí ne: «Yé pɔ n̄mɔ náh. Mé kɪ yé pɪ névyè t̄épúle Liyel tyí.»

18 N̄npó swɔ, pè núkú pé ȳenkyɔ t̄ẽ t̄ẽ mn̄o sah, té n̄ sò t̄ẽ.

19 Wǎh t̄õ kɔ yuku yahle kwéy, à kyɪ Sebede w̄enp̄i we, Nsyakɪ ànê Nsyõne. Pè sò me pé krótókè sɔkɔ, me ȳenkyɔ t̄ẽ t̄ẽ mn̄ole n t̄õ n sah.

20 Ké n̄npó swɔ, à pépi tɔ ye yah. Pè núkú yal pé sú ànê n̄ t̄õnp̄ibɪ t̄nò krótókè sɔkɔ, té n̄ sò t̄ẽ.

Yesu t̄enwenɔle sétàn yõ

21 Képah náh, wǎh nónó ye, à yuku péle Kapernayim kwil sɔkɔ. *Mɪ mɪ yòh sóle, à kyɪ de *Liyel ní-nsah wòkò, à tyah névyèle n kwɔ.

22 Nónó-á sò me n̄ weyne n nohnɪ, pé gb̄an̄ du n̄ névyè kwónó dùkùle. Tir yó náh, kè náh sò me núkúle ànê *Liyel n̄gbò w̄k̄i kwópú tyíle. N̄mɔ kwɔ dùkù sò me yòt̄õrí kwónóle, képah ye.

23 Ké légbíne, kè pɔ yĩne, dí yó sò me Liyel ní-nsah wòkò, *sétòle n̄ sɔkɔ. A me yuku gbo mɔ ne,

24 kwâh nê se à n yah n k̄õ pépi tyí nɪ, Nasareti Yesu? A se pɔ pépi yíkí-nsah nɪ? Páh p̄i ne, pi k̄ẽ-á n̄ne, n̄mɔ nê-á wil Liyel tyí.

25 Képah t̄ene, Yesu díri k̄õ sétõ mè yõ, té yo n̄ tyí: «Á vyǎh vike, n̄ té n wil dí mè sɔkɔ!»

26 Képah sɔkɔ, sétõ dí mè yike kègbule, té de syi náhnáh, té wil n̄ sɔkɔ.

† 1:14 1.14 - Képah yah kɪ n yo n pi Marki 6.17 ànê 18 sɔkɔ.

27 Képah névye gbǎn du. Pè tyah wěne n piki n yah ne, kwâh nê se sě ni? Kwónó késán yóle à n pi yõtõrí sòkò. A fě n weki sétǎn to yõ, té sè n sah ò tyí yõ.

28 Kéne ní yõ, Yesu yĩn gbílkínó tǔ mɔ Kalile kwlo pól sòkò.

Yesu yámpú náhnáh de mɔ

29 Pǎh yal *Liyel ní-ńsah wòkò, pè núkú yõ sòkò de Simo ànê Andrepi gbô. Nsyaki ànê Nsyõ to sò me péle.

30 Té Simo déysê sò me sěńóle wílvýáhnìne. Nénpó swɔ, pè me kè yo Yesu syah.

31 Wǎh kè noh sě, à nɔ de pi mè tnô, té ò gbò tě à yilki sah. N wílvýáhnì núkú tyɛ, à me yuku tyah pínne n pi pé tyí.

32 Gbǐyí-á de, névye pé yámpúnɔ pól twah pɔ Yesu tyí, ànê *sétǎn-á me dénóle nónó sòkò.

33 Kwil névye pól pɔ tuke mɔ kéne gbô yah sòkò.

34 A me yámpú duke duke náhnáh de mɔ, té sétǎn náhnáh yĩni wilki, sǎh me de nónó sòkò. Sè sò òne n pne, ne dùkù nê-á òne. Képah ye, à yahle ne, sè káh ne n weki.

Yesu Kalile kwlo pól kɔ kǔ

35 Séngbǔ púsó, tyah syĩ syĩ sòkò, Yesu yuku wil wòkò. A yuku gběnni sòkò, à kyĩ tyah Liyelle n ni.

36 Képah sòkò, Simopi yuku tyah òne n yah n kǔ.

37 Pǎh kyĩ à we, pè à syah ne, névye pól-á me òne n yah n kǔ.

38 A me yo pé tyí: «Á ye yuku gbòplɔ kwlo sòkò. Mé yĩne mé òvòvò wey sǎn yo nénpó to sòkò. N pónó yõ ye képahle.»

39 Képah sòkò, à kyĩ Kalile tǎntǎn pól sòkò, me Liyel weyne n yo n kǔ pé *Liyel ní-ńtǎn vɔ sòkò, té me *sétǎnne n yĩni n wilki névye sòkò.

Yesu tótě yó de mɔ

40 Sǔ yóle, *tótě yó nɔ de Yesu tnô, à gbètukunɔ di ò yah, té à ni ne, wǎh me ké tyí, wǎh kɔ fě pé de mɔ.

41 Wǎh yo sě, ò yǎm Yesu tě. A me ò gbò tǔ ò yõ, à tũ ò tyí, té ne: «Mé me ké tyí, á kɔ de!»

42 Nénpó swɔ, *dú núkú à fin mɔ, à me de.

43 Képah sòkò, Yesu núkú à tekɔ mɔ, té kè gbah yo ò tyí ne,

44 à noh yò, à káh kè yǎh ne tyí dé! A kyĩ ò gblǔyne *sárká wílkɔpu yòtě wěkɔ. Nkě, *Moyisi-á sò *sárká nê tyí yo, tótǎm dénmonɔ tyí sòkò, à mó képah wilki, nê-á kɔ no pól wěkɔ n pi ne, wǎh de.

45 Nte, dí-á yal ò tnô, tir nê-á pi ò tyí, à kyĩ tyah kéle n yǎh n kǔ no pól tyí. Kǎh pi sě, Yesu náh tǔ sò fě ò gblǔy wěkɔ n pi kwil yó ńtě sòkò. A sò me gbɛ mɔ tě kwlole, kégbó sòkò, té névye n wil tǎntǎn pól sòkò, à n pɔ n pɔ ò tyí.

2

Yesu sèkùkù dí yó de mɔ

1 Sèpĩn yísyó sókónteno náh, Yesu ò syĩ pɔ Kapernayim sòkò. Névyé-á kè noh ne, wǎh me gbô,

² tówû yó tuke pɔ tyah fyãh. Tě-nsah ntě náh sò me kélé yah tɔ sɔkɔ. Képah sɔkɔ, à tyah n weyne péle n kwɔ.

³ Légbíne, nósýɔ pɔ n tyí sèkùkù yóle. Népi ònyêh sò me à twah.

⁴ Té névyè tɔnókàhnó tẽ tyí, pè náh sò fẽ nɔ n de n pi n tnô. Pè dɔkɔ gběntɪn yô, kye n mé-nsah tírrle, té sèkùkù mè tiki mɔ kéne pwàhle n sè sè kwáh yô n yah sɔkɔ.

⁵ Wáh kè we, pè sè n yô sè, à yo sèkùkù mè tyí ne: «N pídí, á tyípèl ye yô mɔ n kô.»

⁶ Képah tẽne, *Liyel ògbò wèkì kwópú nónó-á sò me tẽnóle nénpó sɔkɔ, pè tyah n sò ne,

⁷ sò se pi, té dí mè n wèkì sè nɪ? Liyel yĩn-á à n yɪkɪ. Ké névi se me kɪ fẽ tyípèl yô mɔ névi kô, né Liyel náh nɪ?

⁸ Képah sɔkɔ, wáh núkú pé fɔkɔ sɔnɔ we sè, à yo pé tyí ne: «Sò pi, té yé fɔkɔ sɔnɔle sè?»

⁹ Nê tẽ dòdò kal, à yo sèkùkù mè tyí ne, n tyípèl-á yô mɔ à kô, képah náh pi, à yuku, n sè sè kwáh tɔkɔ ne n kɔ?

¹⁰ Nte, yé pĩ ne, tẽnwɛnɔ-á me *Névi Pi tyí, kɪ fẽ tyípèl yô mɔ névyè kô, té à sah sétáh yô.»

¹¹ Képah ye, à yo sèkùkù mè tyí: «Mé kéle n yo á tyí, yuku, á sè sè kwáh tɔkɔ, n ne n yuku á gbô.»

¹² Nénpó swɔ, dí núkú yuku n sè sè kwáh tɔkɔ sɔkɔ no pól yí yah. Kè pé pól gbàn du. Pè tyah Liyel yinne n gbilki, té me n yo ne, pé náh sènkô we yah.

Yesu Levi ye

¹³ Képah náh, Yesu tɔ n syɪ yuku Kalile yó-ògbè gbòpɔ. Tówû pól sò me n pɔ n pɔ n tyí, à péle n kwɔ.

¹⁴ Wáh pɔ n sɔkɔ, à Alfe pídí Levi we tẽnóle mórí syí-nsah wòkò. A me yo n tyí ne, à yuku pé sò tẽ. Levi mó yuku n sò tẽ.

¹⁵ Páh kyɪ tyah yòkele n yô Levi tɪnne gbí nêne, mórí syípú, ànê Liyel wèkì kó-ńkèpú náhnáh sò me n yô òne, ànê n *tò sáhpúle. Kéne névyè òkù náhnáh ye sò me n sò tẽ, képah ye.

¹⁶ Képah sɔkɔ, *Liyel ògbò wèkì kwópú nónó-á sò *Farisiyènele, pépi-á à we à me n yô ànê kéne névyè òkùle, pè yo n tò sáhpú tyí ne, kù se pi, té à n yô mórí syípú, ànê Liyel wèkì kó-ńkèpúle fí núkú nɪ?

¹⁷ Yesu-á kéne wey noh sè, à yo pé tyí: «Névyè nónó-á me lènɔle, sènpɪ yétò se me pé tyí? Yámpú tyí náh sènpɪ yétòle di? Névyè nónó-á n sò ne, névyè tír tír-á péle, mé náh pɔ pépi ye yinne. Nte, nónó-á pĩ ne, tyípèl pípi-á péle, pépi yé-nsah ye mé pɔ.»

Yesu-á nê yo níkì tẽnó tyí sɔkɔ

¹⁸ Sò yóle, *Wèlnwìkì-ò Nsyò tò sáhpú ànê *Farisiyènele sò me níkì tẽ. Névyè me kyɪ Yesu piki yah ne, kù se pi, té Nsyò tò sáhpú ànê Farisiyènele tò sáhpú me níkì tẽ, té òmɔ *tò sáhpú náh me sèntène n pi nɪ?

¹⁹ Wáh képah noh sè, à yo pé tyí: «Yépi tẽ sɔnɔ sɔkɔ, fúr pí-ò-á nónó ye, pè se kɪ fẽ fúr yòke yahle, té kɪ fúr pí-ò sah pé niyó? Pè tẽ-à fyò me pé niyó, pé náh fẽ yòke yahle n pi.

20 Nte, gbí me n pi, pè kɪ pɔ pɛ mè wilki pé nɪyó. Ké lésòlɛ, pè kɪ pyě níkì tẽ.

21 Névi yó ntẽ náh fẽ fwo sán toko, à kɪ fwo dyàh min n pi. Wáh képah pɪ, fwo sán kɪ fwo dyàh kú-ńsah téy yorɪ yɪkɪ ntõ, ké pwàh kɪ gbɛ mo.

22 Anê tõ, névi náh fẽ ðivě sán mo n pi pley di soko. ðivě sán-à fũ, kè kɪ pley nópi sekɪ. ðivě kɪ kwɛ, pley to kɪ yɪkɪ. Képah ye, ðivě sán ye yĩne mónóle pley snó soko.»*

Yesu-á nê yo mi mi yòh tyí soko

23 *Mɪ mi yòh só yóle, Yesu ànê n *tò sáhpú sò me n ko n kah sèmuco swěy yísyó soko. Képah soko, n tò sáhpú tyah sèmuco ywõle n kòlɪ n yuku wěkɪ yah.

24 *Farisiyẽno-á képah wɛ sɛ, pè tyah Yesule n piki n yah nɛ, à yah, kú se pɪ, té tir nê náh yĩne pínóle mi mi yòh sóle, n tò sáhpú kéle n pɪ nɪ?

25 A me yo pé tyí: «Kwɛkɪ-á lésò *Davidi ànê n náh névye kah tẽ só nêne, té yòke wé-ńsah náh me pé tyí, pàh nê pɪ, yé náh kè kar yah di?

26 A náh sò de Liyel wòkò soko di? Búrn nóno-á sò sàhnóle Liyel tyí yõ, à náh sè toko tah, té n náhtàn to kò pè tah di? Ké légbíne, Abyatar ye sò *sárká wìlkìpu yõtẽ ñgběne. Té névi yó ntẽ náh sò yĩne búrn nópi táhnóle, né sárká wìlkìpu yõtãm náh.»†

27 Képah náh, Yesu tõ yo pé tyí: «Mɪ mi yòh ye sah névi yĩnne, nte névi náh mo mi mi yòh yĩnne.

28 Képah ye, *Névi Pi pɪ mi mi yòh ntẽ yõtẽne.»

3

Yesu dí yó de mo mi mi yòh sóle

1 Képah náh, Yesu n syɪ de *Liyel ní-ńsah wòkò yó soko. Ké nénpó soko, dí yó sò me gbòle kúnóle.

2 *Farisiyẽno mó tyah Yesule n yah, wàh kɪ ntyínɔ à de mo n pi *mi mi yòh sóle, pè mó lékàh wɛ à kò.

3 Képah soko, Yesu me yo gbònkù dí mè tyí nɛ, à yuku n pɔ yĩn névye nɪyó.

4 Té no piki yah: «Tir nê wěkɪ me kónóle mi mi yòh sóle: Pèpɔrɪ se yĩne pínóle, tɪ pèkè se? A névi wilki kũ soko, tɪ à tẽ ko mo?» Nte, pè náh tir yó yo.

5 Képah soko, wàh pè yah yah yésyêhle fòkònyàhnì soko, n yah kwɔ pé kùkùtáhkì tẽ tyí. A me yo dí mè tyí: «Á gbò tõ!» A me n gbò tõ, kè núkú pɪ ké vile.

6 Farisiyẽno-á képah wɛ sɛ, pè yuku wil kéne Liyel ní-ńsah wòkò soko, à núkú kyɪ wě tuke mo ànê yõtẽ dí *Yerodi náh névyele Yesu tyí soko, pàh kɪ pɪ sò, té à wɛ n ko n mo n pi.

Tówù ñgbě yó pɔ Yesu tyí

7 Képah náh, Yesu ànê n *tò sáhpú yuku Kalile yó-ñgbě gbòpɔ, té tówù ñgbě yó sò me n sò tẽ. Pé túkù n wil Kalile, túkù mó n wil Yude,

* 2:22 2.22 - Pè sò ni ànê wo wo yíle n mo pilki soko ñgbòle. † 2:26 2.26 - Yah n tɛ 1 Samuwel 21.2-7 soko.

8 ànê Yerusalemı. Túkù n wil Yidume, túkù n wil Yurdë yónkahıne. Túkù mó n wil Tiri ànê Sidõ gbòplo kwlo soko. Kéne tówú ñgbě ye kyı wil ñ tyı. Pè sò ñ tyípínó noh, képah yĩn ye.

9 Káh pi sě, Yesu yo ñ tò sáhpú tyı ne, pè krótókè yó tō sah pé kō, tówú káh pō pé fyáh.

10 Wáh sò me névye náhnáhle n de n mo, yámpú pól sò me n to n tuke ñ yō ne, pé we tū ñ tyı.

11 Té *sétàn-á sò me nónó soko, päh à we, pè pé gbètukunole n di n pō ñ yah, té n yo ñ tyı dénsyino soko ne, Liyel pi-á ñne.

12 Képah soko, à dírí kō pé yō, té ne, pè káh pé dukùle n yo.

Yesu népî gbõnimí yah wilki pi ñ tò sáhpúle

13 Só yóle, Yesu dokó yõlı yó yō, té wáh sò me nónó tyı, à pé ye. Pè pō ñ tyı.

14 Sě ye sò, à yah wilki kène népî gbõnimíne, à pi ñ tònpiule. Ne, pé ne n me pé tnô, pé ne n we n tō pé wey pèpey yo n kō yĩnne.

15 Té tẽnwenole pé kō nê-á kı fě *sétàn yĩni n wilki n pi.

16 Népî gbõnimí nópi yĩni we yò: Simole, Yesu ñmo yĩn sah Pyerıle.

17 Nsyakı ànê ñ gbëndí Nsyõne, pépile, Sebede wẽnpi ye sò. A pépi yĩn sah Gbanersyesele, ké yō ye «nónó-á gběnséntáhkı sō».

18 Andre tō sò me, ànê Filipe, ànê Bartelemi, ànê Matye, ànê Toma, ànê Nsyakı, nê-á Alfe pídíne. A tahlı Tade, ànê Simole, nê-á sò ñ sú fók yō yõpu soko yóle,

19 ànê tō Yisikaryoti Yudasıle, nê-á pō vi Yesu náh.

Yesu gbõtân pō ne, páh ñne n tẽ n soko

20 Képah náh, Yesu de gbô. Tówú tō tuke ñ yō. Wró nıtẽ náh sò me ñmo ànê ñ *tò sáhpú tyı yõke yō yō tẽnne.

21 Ñ gbõtân-á képah noh sě, pè yuku wěkì tẽ ne, páh kı kyı à tẽ, té n yo wě tyı ne, ñ lékám-á fěkı, wáh kah mo.

Yesu ñ tyı kahnó yáhnkõpu yahle n yo

22 Légbíne, *Liyel ñgbò wěkì kwópú nónó-á wil Yerusalemı soko, pépi ne nkě, *sétàn yõtẽ Belsebul-á me Yesu soko. Ñmo táhkı-á à kō, à tẽ we *sétanne n yĩni n wilki névye soko.

23 Képah tẽnne, à pé ye, té tyah n wekı pé tyı sèmırn soko: «Só me sétàn yõtẽ kı fě ñ gblõy yĩni wilki névi soko?»

24 Yõtõrí núkú névye-à tyah wẽnne n fwo, kéne yõtõrí náh n mo n pi.

25 Kéte nê névye-à tyah wẽnne n fwo, kéne kéte tō náh n mo n pi.

26 Sěntẽ ó ye, sétàn yõtẽ-à yuku, à ñ táhkı tokı, à tyah wẽnne n fwo, ñ yõtõrí kı yıkı, kè náh n mo n pi.

27 Névi yó nıtẽ náh fě de n pi kètẽnpe táhkı wòkò, kı ñ gbàn yı tokó, né à náh à tẽ pukubi. Wáh à tẽ pukubi te gbı nêne, à kı pyě ñ wòkò yı kwel.

28 Mé kéle n yo yé tyı kègbı yō: Névye-á tyípél nónó pólle n pi, ànê Liyel gbyónó pólle, sè kı fě yō mo pé kō.

29 Nte, névi nê-à *Liyel Mırkı gbyo, kè náh n yō n mo n pi ñ tyı pólle. A kı wũ ké soko.»

30 A képah yo sě pé tyı, päh sõnpı yo ne, sétõ-á me ñ soko.

Nónó me Yesu pi ò yú ànê ò yúpyéle

31 Képah náh, Yesu-á sò me nýāh, ò yúpyé ànê ò yú pò yīni tē kéne gbô yah, té ne tekɪ mɔ à kyɪ à ye.

32 Tówú sò me kɔ tē Yesu mɔ gbī, té pè yo ò tyí ne, à noh yò, ò yú, ànê ò yúpyé-á me kégbó. Pāh me ké tyí ne, pé à we.

33 A me yo pé tyí: «Nê me nímɔ yúne, ànê nónó me ní yúpyéle?»

34 Képah náh, névyé nónó-á sò me tē à mɔ gbī, à yò pé yah kore vi, té yo: «Yé yah, nímɔ yú, ànê ní yúpyé me ásô.

35 Névi nê-á Liyel nìvìle n pi, òmɔ ye nímɔ yúpi, ànê ní yúne.»

4*Sèmuco mîr-ò sèmîrkîle*

1 Sô yóle, Yesu tō me tyah névyéle n kwɔ Kalile yó-ñgbē gbòpɔ sɔkɔ. Tówú ògbē yó pò à mɔ gbī. Pè tnónkahnó tē tyí, à de kɔ tē krótókè yó sɔkɔ. Krótókè mè sò me yo sɔkɔ, té tówú pól me tēnóle yóngbalɪ.

2 A sò me péle n kwɔ tyi náhnáhle sèmîrn sɔkɔ, me n yo pé tyí ò kwónó sɔkɔ ne:

3 «Yé noh! Sô yóle, dí yó sò kyɪ ò swāh, sèmuco mîr-nsah.

4 Wāh me mîrnó sɔkɔ, yísyó syíkɪlɪ wēgbalɪ sɔkɔ, kèpye pò sè yo.

5 Yísyó me syíkɪlɪ yen kwéy tē-nsah légbí yò, té fi súú. Yen gbɪ náh sò me nénpó, képah ye.

6 Gbī-á pò vyāh sè tē, sè kɔkɔ. Yāhnì gbɪ náh sò me sé tyí, képah ye.

7 Yísyó me kyɪ syíkɪlɪ pān nɪyó. Pān nópi me yuku fyāh sé yò, sè náh tē we pye pi.

8 Nte, yísyó kyɪ syíkɪlɪ sétáh pèpey sɔkɔ. Sépi me fi, à kyāh palle. Túkù pyeno yōgbām pi, túkù tikitōní pi, sé túkù mó lèkwě pi.»

9 Képah náh, à tō yo pé tyí: «Níkí-á kɪ me nê tyí noh noh tēne, tē ò níkí sah noh.»

Yesu sèmîrn yáhnó yōle

10 Yesu-á yal tówú tnô gbí nêne, nónó-á níkēne ne me òne, pépi ànê ò *tò sáhpú népî gbōnimí me òne n piki n yah sèmîrkî mè yōle.

11 A mó yo pé tyí: «*Liyel tōrí tyi nónó-á wōbìnóle, sé pnèno ye yépi tē wɔ kɔ, òte kégbó névyé tyí, tyi pól n yo sèmîrn ó sɔkɔ.

12 Képah sɔkɔ, pè kɪ n yah díkídíkí, té pè náh kwāh yó we n pi.

Pè kɪ n nohni, té pè náh tir yó pī n pi.

Né képah náh pi, pè náhkɪ pé pi òkù vi mɔ, à pé gblōyne Liyel kɔ, té náhkɪ pé tyípêl yōnmɔno we.»*

Yesu sèmuco mîr-ò sèmîrkî yō yo

13 Yesu tō yò sɔkɔ yo pé tyí: «Yé náh sèmîrkî mè yò pī di? Nte, yé kɪ sèmîrn téló yò pī sɔ?»

14 Sèmuco mîr-òle, Liyel wey ye à n mir.

15 Té névyé túkù me, á kɪ ne wēgbalɪ sɔ, wey-á mir mɔ nýāh sɔkɔ: Pépi-à wey mè noh, nénpó swɔ, *sétān yōtē n pò wey mè wilki pé fɔkɔ.

16 Túkù tō me légbí tē-nsah sɔ. Pāh wey mè noh, pé kè fē n syi nìvìnìne.

* 4:12 4.12 - Yah n te Yesayi 6.9 ànê 10 sɔkɔ.

17 Té pè náh n ye wey mè yàhnìne n mɔ pé sɔkɔ. Nénpó swɔ névye ye péle. Képah ye, kwlónó-à pè yīni tē, képah náh pɪ, névi-à pè fōh Liyel wey yīnne, pè pé náh vi súú Liyel wey kō.

18 Túkù mó tō me, á kɪ ne pàn tē-nsah sō. Pàh wey mè noh,

19 kèkōyó tyi fɔkɔ sōnɔ, ànê tahrɪ ànê tyi náhnáh dékè n de pé sɔkɔ. Sépi n pɔ wey mè fyāh, kè náh n tē n we pyele n pɪ.

20 Névye túkù mó me, á kɪ ne sétáh pèpey sō: Pépi-à wey mè noh, pè kè fē n syi, n tē pye pɪ. Túkù pyenɔ yōgbām pɪ, túkù tikitōnɪ pɪ, túkù n mó lèkwě pɪ.»

Fòtnò ànê sāh sāh dú sèmìrkìle

21 Képah náh, à tō yo pé tyí: «Névi se kɪ fē fòtnò soh, tē kɪ dú kwĩnki mɔ ké yah, képah náh pɪ, kɪ kè dah mɔ sē sē kwāh sètàhkì sō? A náh kè dɔkɔ n mɔ n pi ké sàh-nsah di?

22 Tir yó ntē náh me wōbìnóle, nê náh n wilki n mɔ n pi kégbó. Sètìn sò tir yó ntē náh n wũ n pi wěkí-ńkēne.

23 Níkí-à me nê tyí noh noh tēne, tē n níkí sah noh!»

24 Té tō n syi yo pé tyí: «Yáh tyi nónónne n nohnɪ, yé séle n kyomɪ palle. Yáh no téló tyíle n sāh dú nēne, Liyel kɪ yépi tɔ tyí sāh n pi kēne dú núkúle, tē dòhnìnó ntē kɪ we yépi tyí yō.

25 Kwāh-á me névi nê tyí, dòhnìnó kɪ pɪ n tyí yō ntō. Té, névi nê tyí kwāh náh me, kwéy nê-á me tē tyí, képah tɔ kɪ tē syi n tyí.»

Sèmìrkì nê-á yāh sèmuکو finó tyí yō

26 Képah náh, à tō yo pé tyí: «Yé yah, kwāh nê-á *Liyel tōrí kètòle: Kè me, á kɪ ne dí yó sō nê-á sèmuکو mir n swāh sɔkɔ.

27 A me n dɔ ò, à me n yah ò, lékāh ànê ké gbìntō, sèmuکو n ne me fi, n ne n kyāh, à náh ké dùkùle n pne.

28 Sétáh ye sèmuکو mè kō kè fi ké gblōy. Sè kètuke wil à pɔ dubi pɪ ywōle, à yí pɪ.

29 Sāh fyò ko te, sèmuکو tɔkɔ gbí-á nɔ, à yēnkwěkì tɔkɔ kyɪ tyah séle n kō.»

Mútárdi pi sèmìrkìle

30 A tō yo pé tyí: «Á kɪ fē kwāh nê tɔkɔ kɪ *Liyel tōrí dùkù wěkɪ? Képah náh pɪ, sèmìrkì nê me mé kɪ yāh kɪ yīne kéle?

31 Kè me, á kɪ ne mútárdi pi sō tyíí. Kè yilɔ kal sèmuکو duke pólle.

32 Té, pàh kè duku, kè n yuku n pɔ n pɪ yòhkì ñgbēne n kal sèmuکو duke pólle swāh sɔkɔ. Nte, yǐngbàn gbekɪ dò, kèpye kɪ fē pɔ syè pɪ ké sɔkɔ.»

33 Sē ye Yesu n kwɔ névyele sèmìrkì mè duke náhnáh sɔkɔ. A sō me séle n yāh n yīne sé nòhnìpu pĩ pĩ tēne.

34 A náh sō n yāh pé tyí sèmìrn mí-ńkēne. Té, pàh me pé yahle, ñmɔ ànê n *tò sáhpúle, á sé pól yah yo n dal n mɔ pé tyí.

Yesu yáhpékè yó yīn mɔ yó-ñgbē sɔkɔ

35 Ké lésò ńvīne, Yesu yo n *tò sáhpú tyí ne, pè ye, pé yuku yó-ñgbē kahnine.

36 Képah sɔkɔ, pè me yal tówú tnô. Wāh sō me krótókè nê, n tò sáhpú sɔkɔ ñne képah sɔkɔ. Té krótónenó yísyó tɔ sō me ñne.

³⁷ Dǒ, yáhpékè yó kǒ, à nine n tǎkǎ n mǎ krótókè sǎkǎ pópó, kè pǎ n tyah yúkúnóle nine.

³⁸ Té légbíne, Yesu sǒ me sě tě n dǎ krótókè sǎkǎ náh fínne, té me ñ yǒ sah yǒsah yǒ. Képah sǎkǎ, ñ tò sáhpú kyí à yilki mǎ, té yo ñ tyí ne, kwó-ò dí, yǎ-á n tyah pé yónóle, kè kó me tirlé ñmǎ tyí nǐ?

³⁹ Wǎh dǎ yuku, à dírí kǒ yáhkí yǒ, té yo yǎ tyí: «Yín! Tě syísyí!» Yáhkí núkú yín, tyah pí súmm.

⁴⁰ A me yo pé tyí: «Kû pí, té tíkí yé tě sě? Yé náh tǎnì sě ní yǒ di?»

⁴¹ Képah tǎne, tíkí me pé kah tě. Pé tyah wǎne n piki n yah ne, ne dùkù nê se dí mène, té yáhkí ànê yǎ tǎ n sah ñ tyí yǒ nǐ?

5

Yesu sétǎn yíni wilki dí yó sǎkǎ

¹ Képah náh, pé kyí yíni tě Kalile yó-ñgbě kahnne, Yerasa tǎn sétáh yǒ.

² Yesu-á fyò n tiki krótókè sǎkǎ, nénpó swǎ, dí yó wil léyál wró, à pǎ à yohni. *Sétǎ sǒ me kéné dí sǎkǎ.

³ A sǒ me tǎnóle léyál wró. Névi náh sǒ fě à pukubi n sah n pí kǎy fyéle pólle.

⁴ Kèyáhle, pé níkǎne kárn mǎ ñ gbyêh tyí, ñ té kǎló mǎ ñ gbǎn tyí, té à kárn kwǎki, ñ té kǎló kǎh. Kǎh pí sě, ké tǎhkí náh sǒ me ñnî yó ntě sǎkǎ, kí fě à tě sah.

⁵ Ké lékǎh, ké gbǐntǎ, à sǒ níkǎne n ne n kǎ n kǒ léyál wró ànê ymǎ sǎkǎ, n ne n de n syi, ñ gblǎyne n pí n yǎ n kǒ dyêhle.

⁶ Té, wǎh Yesu we fíí sǎkǎ, à to pǎ gbètukunǎ di ñ yah.

⁷ Té de syi yínpǎ ñgbǎne ne, Yesu, pé yǒtah Liyel pí, kwâh nê se à n yah n kǒ pé tyí nǐ? Páh ñne n ni Liyel yín yǒ, à káh pé fǒh.

⁸ Yesu sǒ me n yo sétǎ mǎ tyí ne, à wil dí mǎ sǎkǎ, képah ye.

⁹ Té me à piki yah ne, ñ yín se sǎ? A me ne, pé yín-á Méfwóbé Kwĩnkile. Páh me dò, képah-á.

¹⁰ Té me à gbah ni ne, à káh pé yíni wilki kwil mǎ sǎkǎ.

¹¹ Ké nénpó sǎkǎ, sel kwĩnki yísyó sǒ me n yah n yǒ n kǒ yǎli yǒ.

¹² Sétǎn nópi Yesu ni ne, páh kí wil dí mǎ sǎkǎ, à ye pé kǒ, pé de sel nópi sǎkǎ.

¹³ A me ké wǎkǎle sè kǒ. Légbíne, sè me wil dí mǎ sǎkǎ, té kyí de sel nópi sǎkǎ. Sel kwĩnki ye sǎ séle, sè kí fě nǎ sel kèyǎ kénkǎle, té me tǎyǎ. Sè núkú to tiki tükütükù, à kyí de yó-ñgbě sǎkǎ, kè kǒ kè sè yǎ.

¹⁴ Kǎh pí sě, sel nópi fǎpu to sǎkǎ kwil nıyó, ànê gbǎn sǎkǎ, à kyí ké dùkù yo kǒ no tyí. Képah tǎne, névyé pǎ ké nénpó, à pǎ ké dùkù yah, sǎ-á kè pí.

¹⁵ Pé kyí Yesu tǎn, té kyí dí mǎ we, nê-á sǒ sétǎn kwĩnkile déntǎnóle ñ sǎkǎ. A sǒ me flo mǎ kǒ tě, té me tírr névyé tyí kǎle. Kǎh pí sě, tíkí pé tě.

¹⁶ Tir nê-á pí sétǎn nédéné sǎkǎ ànê sel tyí, sé wépú tyah séle n yǎh pé tyí.

¹⁷ Képah sǎkǎ, kwil tǎn tyah Yesule n ni ne, à yal pé kwil sǎkǎ.

¹⁸ Kǎh pí sě, Yesu-á n dǎkǎ krótókè sǎkǎ gbí nǎne, sétǎn-á wil dí nê sǎkǎ, à tyah ñne n ni ne, à ye pé kǒ pé ñ sǒ tě.

19 Nte, à náh ké wěkìle à kǒ, té me yo n tyí: «Á syi n kyi gbô! Tě-̀ngbě-̀á n nìgbèkì sòko pèpori nìgbě nê pi á tyí, n kyi ké yah yo pé tyí!»

20 Dí mó ntyíno n syi kyi kéle n yo n kǒ Kwlogbām kwil sétáh yǒ, tir nê-̀á Yesu pi n tyí. Nónó pól-̀á kéle n nohn n tyí, pé gbǎn du.

Yayirusi písê yilkínmɔɔ, ànê pi nê-̀á tũ Yesu fwòmɔn tyí

21 Képah sòko, Yesu-̀á yīni tẽ yó-̀ngbě kahnune krótókè sòko, à sǒ me yóngbalì sòko, té tówù nìgbě yó pɔ à mɔ gbĩ.

22 Légbíne, *Liyel ní-̀nsah wòkò yǒtẽ yó yīni tẽ nénpó, nê yīn-̀á Yayirusile. Wǎh Yesu we, à gbètukunɔ di n yah,

23 té à gbah ni ne, pé písê lépír-̀á me n tyah kúnóle. Páh òne n ni, à pɔ kyi n gbǎn sah n yǒ. Képah-̀à pi, wǎh kɪ de, té kɪ min we.

24 Képah sòko, Yesu me yuku òne. Té tówù nìgbě sǒ me n sǒ tẽ, me à fyǎh sah ywǒ ywǒ pólle.

25 Nénpó sòko, sê yó sǒ me náhle n yo tyé-̀nkène ye gbǒninó.

26 A sǒ kah kwlo kègbule n gblǒy mónó sòko sènpɔbɔ náhnáh tyí. N gbǎn yí pól sǒ tye, té kè náh kwáh wilki n yam sòko. Kè pyè me gbe óle n gbe mɔ.

27 Pi mè-̀á Yesu tyí noh nýǎh sòko, à de tówù ntyó n náh tǐnne, à kyi tũ n fwòmɔn tyí.

28 A sǒ me n sǒ n fòko sòko ne, páh náhkɪ we tũ n fwòmɔn ó tyí, pé nýân-̀á náhkɪ tye.

29 Wǎh mó núkú tũ n fwòmɔn tyí, nénpó swɔ, n náh yónó tye. A kè kyomɪ we n wil sòko ne, páh de.

30 Nénpó swɔ, Yesu pĩ ne, tǎhkì yó-̀á wil pé sòko. A me n yah vi tówù ntyó, té piki yah ne, nê se tũ pé fwòmɔn tyí ni?

31 N *tǒ sáhpú me yo n tyí ne, à kó me n yah tówù à mɔ gbĩ, me à fyǎh sah ywǒ ywǒ pólle, té à tǒ me n piki n yah ne, nê se tũ pé tyí ni?

32 Nte, Yesu me vi n gbòplo névye yah. A sǒ me ké tyí ne, pé ké pí-̀ò we.

33 Képah tǎne, pi mè wil n syah tíkí tyí. Nmɔ sǒ pĩ tir nê-̀á pi n sòko. A yuku kyi gbètukunɔ di Yesu yah, té ké gbɪ yo dal mɔ à syah.

34 A mó yo pi mè tyí: «N písê, nímɔ yǒ sǎnó ye n de mɔ. Ne n yuku yèvɪnɪ sòko, á nýân tye.»

35 Wǎh me képah yónó sòko sǎ, tǎntò yó wil Liyel ní-̀nsah wòkò yǒtẽ dí gbô, me pɔ n yo kéne dí tyí ne, n písê-̀á ku. Nkě, yǒ se tǒ me ké tyí, à tǒ kwó-̀ò díne n kwlo ni?

36 Té Yesu náh n níkí sah képah tẽ noh pé tyí, té me yo Yayirusi tyí: «Káh tíkí pi, sǎ ó sǎ ní yǒ!»

37 Képah tǎne, pǎh n sòko, à náh fě syi ne n sǒ tẽ, à wil Pyeri ànê Nsyaki ànê n gběndí Nsyó tyí sòko.

38 Pǎh kyi de Liyel ní-̀nsah wòkò yǒtẽ dí gbô, Yesu kyi névye we, pé me n gbo n mir n kǒ, me n de n syi.

39 A me de wòkò, té yo pé tyí: «Kû pi, té yé n gbo n mir n kǒ sǎ? Piri náh ku. Dónó ó ye à n dɔ.»

40 Névye-̀á képah noh, pé tyah kóle òne n ko. Képah sòko, à pé pól wilki wòkò sòko. Té piri sú, ànê n yú, ànê n tǒ sáhpú népî tǒmí ó de òne piri mé-̀nsah wòkò.

41 A me piri gbò tẽ, té yo n tyí pé kwil wey sɔkɔ: «Talita kumi!», nê-á pè n ye: «Pípír, mé kéle n yo á tyí, yuku!»

42 Ké nénpó swɔ, piri yuku tyah n kɔ. Kǎh pɪ sɛ, kè névye pól gbǎn kah du. Légbíne, n ye gbɔ́ninó ye sò.

43 Té Yesu me ké gbah yo pé tyí ne, pé káh ye névye pĩ ké sɔkɔ, nkẽ, pè mó yòkele à kɔ à yò.

6

Nasareti kwil névye nǎh sɛ Yesu yò

1 Yesu-á yal ké nénpó, à kyɪ ànê n *tò sǎhpúle, wǎh sò kyǎh kwil nê sɔkɔ.

2 *Mɪ mɪ yòh só-á nɔ, à kyɪ de *Liyel ní-ńsah wòkò, à tyah névyele n kwɔ. Nónó-á sò me n nohnɪ n tyí, pé nǎhnǎh gbǎn du. Pè tyah n yo wɛ tyí ne, nýǎh se à we kéle, nê se à kɔ kéné lékám ànê tɛ́nwɛnɔle, à fɛ́ gbɪl mè dùkùle n pɪ nɪ?

3 Nkẽ, n̄mɔ kó sésân sé-ò mènɛ, Mari pídíne nɪ? N yúpyé kó Nsyakɪ, ànê Yose, ànê Yude, ànê Simole nɪ? N̄mɔ dósýó kó pé pól wró sɔkɔ ásò nɪ? Képah sɔnɔ ye pè kɔ, pè nǎh sɛ n yò.

4 Képah sɔkɔ, à me yo pé tyí: «*Liyel tɛ́ntò syínyo-ò me gbɪlkinóle névye pól tyí, à wil n súfó, ànê n no, ànê n kétéǎn tyí sɔkɔ. Pépi ye n̄ne n yilo.»

5 Képah ye Yesu kɔ, à nǎh fɛ́ gbɪl yó ntɛ́ pɪ pé tyí, né yámpú yísyó ó yò nǎh. A n gbò sah pé yò pè kɔ pè de.

6 Té, n kwil névye-á yahle sɛ́nóle n yò sɛ, kè n gbǎn du.

Yesu n tò sǎhpú népĩ gbɔ́nimí tɔ

Képah nǎh, à yuku gbòplo kwlo sɔkɔ, à kyɪ névyele n kwɔ n kɔ.

7 Képah sɔkɔ, à n *tò sǎhpú népĩ gbɔ́nimí ye, té tyah péle n tɔ ními nímine. Té tɛ́nwɛnɔle pè kɔ *sétàn yò.

8 Té me kè gbah yo pé tyí ne, pàh n sɔkɔ pé kóló sɔkɔ, pè káh kwáh yó ntɛ́ tɔkɔ, à wil pé kɔ kɔ lépló tyí sɔkɔ. Pè káh yòke tɔkɔ, pè káh pilki tɔkɔ, pè káh pó tɔkɔ dah mɔ pé yò.

9 Pè lékyèh wɔ dyɪ, té pè káh fwòmɔlɔnɔ nínó nínó mɔ.

10 Té tɔ yo pé tyí: «Yǎh kyɪ kwil yó sɔkɔ, té twah nê tyí, yé tɛ́ nénpó, kè pɔ nɔ yé yálnó tyí.

11 Kwil nê névye-à kyɪ yahle ne, yé káh twah pé tyí, té yahle yé wey nóhnóle, yǎh n wil kéné kwil sɔkɔ, yé yé gbyèh nèngbɔ́ kwer n kwe nénpó. Képah kɪ pɪ gbáhdýǎh dínsàhnóle pé tyí.»

12 Képah sɔkɔ, n tò sǎhpú me sɔkɔ, à kyɪ tyah n yo n kɔ no tyí ne, pè pé n̄nɔ vi mɔ.

13 Pè sò me sétàn nǎhnǎhle n yini n wilki névye sɔkɔ, té me yámpú nǎhnǎhle n de n mɔ, pàh nɪɪ tuke te tɛ́ tyí.

Wèlnwìlkì-ò Nsyɔ́ ku dùkùle

14 Légbíne, yòtɛ́ dí *Yerɔ́di sò me Yesu tyípínóle n nohnɪ, tir yó nǎh, n yin sò me n gbilki ywɔ́ ywɔ́ pól sɔkɔ. Túkù ne nkẽ, *Wèlnwìlkì-ò Nsyɔ́-á n̄ne, wǎh n syɪ wil lékyî wró, à pɔ. Képah-á à kɔ, à tɛ́ we gbɪlnóle n pɪ.

15 Té, túkù mó ne, *Yeli-á. Túkù tɔ ne, *Liyel tɛ́ntò syínyo-ò yó-á, n̄gbò Liyel tɛ́ntò syínyo-ò sɔ.

16 Yerōdi-á sépi pól yónó noh sě, à ne, Nsyō-á, páh sò pè kō pè n̄ yō kām, té wáh n̄ syi yuku gbáh!

17 Kègbi yō, Yerōdi sò pè kō ne, pè Nsyō tē pukubi dah mo wòkònpèkè sòkò. Yerōdyadi yīn ye à kō, à képah pi. Yerōdi sò pi mē tòkò kyile. Té n̄ gběndí Filipe kyi ye lésō n̄ne.

18 Nte, Nsyō ye sò ké gbile n̄ yo Yerōdi tyí ne, à náh yīne à n̄ gběndí kyi tòkò.

19 Káh pi sě, Yerōdyadi sò me Nsyō dyole n̄ yo, me n̄ kònmò-ńsahle n̄ yah n̄ kō. Nte, à náh me ké syō-ńsah we.

20 Yerōdi sò me Nsyō yōle n̄ syiki, képah ye. A sò me n̄ tíkile n̄ pi. A pī ne, wáh me tírr pi kēne Liyel yah. Wáh sò n̄ welole n̄ nohni, kē n̄ fòkò fěki. Té, n̄ welo tyí sò kah n̄ tyí.

21 Képah sòkò, Yerōdyadi pò syō-ńsah yó we, Yerōdi dúbínó yòh vīnpòno syáh syah sóle. A sò n̄ tōrí sòkò né-ńgbno ye, ànê n̄ méfwóbé yòtāmne, à tahlí Kalile yòtām pól tyí, té yòke ńgbē pi pé tyí.

22 Képah sòkò, Yerōdyadi písé de kyi yō yi pé mé-ńsah wòkò. Káh pi sě, n̄ tyí n̄ Yerōdi ànê n̄ náh névyé tyí. A me yo pípír tyí ne, wáh k̄i me kwáhdúkú nê tyí, à kè yo, páh k̄i kéle à kō.

23 Té n̄ wo n̄ tyí ne, wáh k̄i kwáhdúkú nê tyí yo, páh k̄i kéle à kō, káh k̄i sò pi pé yòtōrí tónine.

24 Wáh yo sě, pípír me wil kyi n̄ yú piki yah ne, pé se yīne pé kwáh nê tyí yo ni? N̄ yú mó núkú à syah ne, à kyi yo n̄ tyí ne, à Wèlnwílki-ò Nsyō yōle pé kō.

25 Képah tēne, pípír núkú n̄ syi súú, à pò yo yòtē dí tyí ne, à pò pé kō Wèlnwílki-ò Nsyō yōle yěvíkí sòkò núkúnúkú yò.

26 Wáh yo sě, kè pi yèkwòrile yòtē dí Yerōdi tyí kègbile. Té, à náh sò me ké tyí ne, pé pé vyáh vi pé wónó yīnne pé náh névyé yí yah.

27 Nénpó swò, yòtē dí núkú n̄ tyah syíkípú sòkò ne yó tek̄i mo ne, à kyi Nsyō yō kām pò. Kéne dí mó kyi Nsyō yō kām wòkònpèkè sòkò,

28 té pò kéle pípír kō yěvíkí sòkò. A mó kyi kéle n̄ yú kō.

29 Nsyō *tò sáhpú-á képah noh sě, pè pò n̄ lékó tòkò, à kyi yī léyěkì sòkò.

Yesu népí kèyō nínó kyegbām kō yòkele

30 Képah náh, Yesu tònpi bi pé syi pò n̄ tnò, à pò pé tyípinì ànê pé névyé kwò dukù pól yo à wěki.

31 Té légbine, pópú ànê sókópú sò me dò. Yòke yō yō wró ntē náh sò me Yesu ànê n̄ *tò sáhpú tyí. Káh pi sě, à yo pé tyí ne: «Yé pò, á yuku gbòpòle, yé kyi mi yah kwéy.»

32 Pè me de pé yahle krótókè yó sòkò, à gbe mo névyele.

33 Té névyé náhnáh-á pè we sókó-ńsah, pè n̄ gbe n̄ mo sě, pè me pī, fī nê-á pè n̄ yuku. Pè núkú wil ywō ywō pól sòkò tólóle gbáhkì yō, à Yesupi dyáh tē kyi de nénpó.

34 Yesu-á wil krótókè sòkò, té tówú ńgbē mē we sě, pé yām à tē. Tir yó náh, pè sò me, á k̄i ne yípē sō, fě-ò kēne sé tyí. Képah sòkò, à tyah péle n̄ kwò tyi náhnáhle.

³⁵ Nví-á pɔ nɔ, n tɔ sáhpú nɔ de n tnô, té yo n tyí ne, nví-á syi pɔ nɔ, té tyah mɛ-á gbɛnmɔnɔle.

³⁶ Wáh náh ké wɛkùle névye kɔ, pɛ kyɪ yôke yah dwe gbɔplo gbno ànê kwlo sɔkɔ.

³⁷ A mɛ yo pé tyí ne, pépi yôkele pɛ kɔ, pɛ yô. Pɛ mɛ à piki yah ne, à se ne, pépi yôke dwe pɛ kɔ pɔ pló lègbãmne ni?

³⁸ A mɛ pɛ piki yah ne, búrn pló sɔ se mɛ pé tyí ni? Nkɛ, pɛ kyɪ yah tɛ. Páh kyɪ piki yah, pɛ pɔ yo n tyí ne, búrn pló kwló-á mɛ pé tyí, ànê yɛnkyɔ pló nínóle.

³⁹ Képah tɛne, Yesu ne, pɛ névye pól kɔ pɛ kɔ tɛ tɪn tɪnne filki yô.

⁴⁰ Névye mó kɔ tɛ tɪn tɪnne, lèkwɛkwe ànê tɪkíníní pɔ gbãm gbãmne.

⁴¹ Páh kɔ tɛ tɛ, Yesu búrn pló kwló ànê yɛnkyɔ pló nínó nópi tɔkɔ, à n yah yô yɪnyô, té wɛkɪ Liyel tyí, té búrn kwɔkɪ pɛ kɔ ne, pɛ dibi névye kɔ. Té yɛnkyɔ nópi tɔ dibi névye pól kɔ.

⁴² Képah tɛne, pé pól yô tɔ,

⁴³ té pɛ tɔ pé búrn ànê yɛnkyɔ yónkwɔnɔ téló tuke mɔ gbétóló yí gbɔninóle.

⁴⁴ Té nónó-á sɔ yôke mɛ yô, pɛ sɔ mɛ díbí népí kèyô nínó kyɛgbãmne.

Yesu kɔ yó-ngbɛ yô

⁴⁵ Nénpó swɔ, Yesu n *tɔ sáhpú kyí mɔ, pɛ de krótókè sɔkɔ ne, pɛ yuku pé yahle yó-ngbɛ kahnne, Besayida kwil sɔkɔ. Péwɔ mó tówú fin mɔ.

⁴⁶ Wáh pɛ fin mɔ tɛ, à yuku yólɪ yó yô, à kyɪ Liyelle n ni.

⁴⁷ Lékâh-á mɔ, krótókè sɔ mɛ yo nyó, té ñmɔ ó mɛ kènkwhàh yô.

⁴⁸ Dô, à n tɔ sáhpú wɛ, yáhkí mɛ péle n yohnɪ, pɛ mɛ n kwlo krótókè vyónmɔnto-ńsah. Tyah dal gbíne, à tyah n kɔ n yuku pé tírrle yo yòtah, à n yuku pé kâl-ńsah.

⁴⁹ Páh à wɛ, à n kɔ sɛ yo yòtah, pɛ wɛ ne, lékó mírkí yó-á, té tyah n de n syi.

⁵⁰ Pé pól-á à wɛ sɛ, pé sãm yɔkɔ. Ntɛ, nénpó swɔ, à yo mɔ pé tyí ne: «Yé yé ni syáh, ñmɔ ye. Yé káh tɪkí pi.»

⁵¹ Té de krótókè sɔkɔ pé tnô, yáhkí mó yɪn. Kè pi gbɛndùnne náhnáh pé tyí.

⁵² Wáh búrn pi dò gbɪl nê sɔkɔ, pɛ náh sɔ ké òkù pĩ, képah ye. Pé lékám sɔ kah tekɪ ké pínóle.

Yesu yámpú dénmɔnɔle Yenesareti sétáh yô

⁵³ Páh yó-ngbɛ kah, pɛ yɪni tɛ Yenesareti sétáh yô, té pé krótókè yɪn mɔ yo vyáh tyí.

⁵⁴ Páh fyò n tiki krótókè sɔkɔ, névye núkú Yesu yah pĩ.

⁵⁵ Páh noh ne, wáh mɛ nyáh sɔkɔ, pɛ n tyah pé yámpúle n twah pé sɛ sɛ yí sɔkɔ ywɔ ywɔ pólle, ne n pɔ n pɔ n tyí.

⁵⁶ Yesu-à de nyáh òkù nê sɔkɔ, kwil ngbno ànê kwilpyé ànê gbno, névye pé yámpúnɔle n twah n pɔ n tyí pé tówú tükè-ntàn sɔkɔ. Pɛ n pɔ n tyah ñne n fal ne, à ye pé kɔ, pé wɛ tũ n fwòmɔn vyáh ó tyí. Nónó pól-à fyò wɛ tũ n fwòmɔn vyáh tyí, pɛ n mó n de.

7

Farisiyɛnɔ ngbò wàl kólóle

1 Sǒ yóle, *Farisiyěno ànê *Liyel ñgbò wěkì kwópú túkù wil Yerusalem, à tuke mo po Yesu tnô.

2 Pè po kè kyomɪ we ne, ñ *tò sáhpú túkù-á me n yō gběnsille. Pè náh me pé gbàñne n kām n wu pé ñgbòtān tyí kōle.

3 Té, Farisiyěno ànê *Nsyifunɔ tɛlɔ pól sò ñgbòtān wěkì mè sàhnóle n ko. Pè náh sò yōkele n yō, né pé náh pé gbān kām wu palle.

4 Pàh wil po yòh sokɔ, pé náh yōkele n yō pé kāmñwèl-ñkēne. Pè sò pé ñgbòtān pi òkùnó nahnáh yísyó tɔ tē yǐ kègbile, sǒ-á wóhno, ànê pni, ànê késên [ànê sē sē yīnó] wúnó òkù pèpeyne.

5 Képah ye, Farisiyěno ànê Liyel ñgbò wěkì kwópú me Yesu piki yah ne, kú se pi, té ñ tò sáhpú náh me ñgbòtān tyi sàhnóle n pi, té n yō pé gbān kāmñwu-ñkēne ni?

6 Képah sokɔ, à me yo pé tyí: «Gbɪ lésǒ me *Yesayi tyí, wǎh Liyel wey nê yo yépi vyēy nini wékípú tyí sokɔ. Sē ye sò à wārki sah kéle: <Kéne névyele, pé ñne n gbilki vyāh ó sokɔ, té pé ni me fíí ñne.

7 Nírí nê-á pé n ne n pi ñmɔ tyí, ònó ye kéle. Tir yó náh, kwónó nê-á pé n ne n kō, névyele sàhnó ye kéle, ñmɔ tyí náh.»*

8 Yesu tǒ yǒ sokɔ yo pé tyí: «Yépi Liyel tyi kònsàhnóle n milki, ñ té névyele tyí sàhnóle n pi.

9 Yě n gbah n tē Liyel tyi kònsàhnó yahle, ñ té yé ñgbò wǎlle n ko!

10 Sǒ-á sò *Moyisi yo ne, névi-á yīne à ñ sú ànê ñ yūne n gbilki. Képah náh pi, névi nê-à ñ sú ànê ñ yú yilo, tē-á yīne kònmɔnɔle.

11 Nte, yépi névyele n kwɔ ne, névi-à yo ñ sú tyí, képah náh pi, ñ yú tyí ne, páh sò ne, pé kwāh nēne à kō, páh kéle Liyel kō te.

12 Yě ké gbɪ syi tē kō ne, à náh tǒ yīne à tir yó pi ñ sú tyí, képah náh pi ñ yú tyí.

13 Kéne pi òkù sokɔ ye, yě Liyel wey pi ònó tirlɛ yé ñgbò wǎl kwónó sokɔ. Anê yé n tǒ sēnkno nahnáhle n pi.»

Tyi nónó-á névile n silki Liyel yah

14 Képah náh, Yesu ñ syi tówú ye tuke, té yo pé tyí: «Yé pólle, yé noh ní tyí, yé mó pi ne,

15 kwāh yó ñtē náh n wil kégbó, à n de névi sokɔ, té kɪ fē tē silki. Té, tyi nónó-á n wil névi sokɔ, sépi-á n silki ñne. [

16 Níkí-à me nê tyí noh noh tēne, tē ñ níki sah noh!]

17 Yesu-á yal tówú tnô, té kyɪ de gbô gbí nēne, ñ *tò sáhpú ñne n piki n yah sēmirkì mè yóle.

18 A me pé syah ne, lékām ké névyele se pépi tɔle ni? Pè kó pi ne, névi-á kwāh nēne n dah n mo ñ vyāh, képah náh fē tē silki n pi ni?

19 Kè náh n de ñ ni sokɔ. Kǎh ñkēne n de ñ kèkùrkì sokɔ, à kō à n kyɪ n wilki n kwe, wǎh de filki. Kéne wey sokɔ ye à yo pé tyí ne, yōkenɔ pól-á kɪ fē yó.

20 Té tǒ yo pé tyí: «Tyi nónó-á n wil névi fɔkɔ, sépi ye ñne n silki Liyel yah.

* 7:7 7.6 ànê 7 - Yah n te Yesayi 29.13 sokɔ.

²¹ Fɔkɔ sɔnɔ tɔkúnì nónó-á n wil névi sɔkɔ, sépi ye à kɔ̃, ǎ ò minne n pi fɔfíkì sɔkɔ, ànê yĩbe, ànê kònmonɔ,

²² ànê syó yó yíkínó, ànê yí yúkú-ńkĕ sɔkɔ, ànê népékè, ànê yíví, ànê sen kú-ńkĕ sɔkɔ, ànê dyó yónó, ànê névyè yĩn yíkínó, ànê gblɔy gbílkinó, ànê tɔ lékám kĕ sɔkɔ.

²³ Kéne tyítúkúnì pól n wil névi sɔkɔ, à òne n silki Liyel yah.»

Yesu sétò yĩni wilki népô sê yó písê sɔkɔ

²⁴ Képah náh, Yesu yal nénpó, à yuku Tiri sétáh yó. A kyi wɔbɔ twah gbô yó sɔkɔ. A náh sò me ké tyí ne, ne pĩ ne, páh me nénpó. Té, à náh tĕ we wɔbɔ.

²⁵ Nénpó swɔ, pi yó sò me, *sétòle ò písê sɔkɔ. Wǎh Yesu tyí noh sĕ, à núkú pɔ gbètukunɔ di ò yah.

²⁶ Pi mène, *Nsyifu ne náh sò òne. A sò dubi Siri sétáh yó, Fenisi sɔkɔ. Wǎh pɔ, à sò me Yesule n ni ne, à sétò yĩni wilki pé písê sɔkɔ.

²⁷ Képah tĕne, Yesu me yo ò tyí ne, à ye wĕnpì ògbò kɔ̃, pé yó tɔ. Wĕnpì yòke náh yĩne kè tɔkɔ mɔ pǎhnpye kɔ̃.

²⁸ Pi mè mó yo ò tyí ne, gbɔ-á, pé Tĕ-ògbĕ. Nte, wĕnpì-á yòkele n yó, yĕnmír nónó-à n syíkɔlì sétáh, pǎhnpye kó ńkĕne sépile n tɔ n yó nɔ?

²⁹ Képah sɔkɔ, à yo pi mè tyí: «Á wey mè yĩnne, á syi n to n yuku. Sétò ye wil á písê sɔkɔ.»

³⁰ Kǎh pi sĕ, à me ò syi to yuku gbô, à kyi ò písê we sĕnóle sĕ sĕ kwáh yó. Sétò sò wil te ò sɔkɔ.

Yesu níkítú màhmàhkì wékí-ò yó de mɔ

³¹ Képah náh, Yesu yal Tiri sétáh yó, à kyi sɔkɔ Sidò kwille, té pyĕ Kwlogbǎm kwil sétáh kah, à yuku Kalile yo fĩne.

³² Nósyó me níkítú yó tĕ pɔ ò tyí, màhmàhkì wékí-òle, té me à ni ne, à ò gbò sah ò yó.

³³ Képah sɔkɔ, à dí mè tĕ wil, à gbe mɔ tówùle, à kyi ò kèngblo dah mɔ dí ní sɔkɔ, té sìn mɔ, à tuke ò nénpórí tyí.

³⁴ Té ò yah yó yĩnyó, à mɔ dɔkɔ, té yo dí tyí pé kwil wey sɔkɔ: «Efata», nê-á pé n ye: «Yíkɔ n mɔ.»

³⁵ Nénpó swɔ, dí ní yíkɔ mɔ, ò nénpórí de mɔ, à tyah n wekɔ tírr.

³⁶ Té, Yesu me pé sni ne, pé káh kéle n yo n kɔ̃ névyè tyí. Té, wǎh péle n sni sɔ̃, pé pyĕ wǎnne n mɔ ké yónkɔnɔ yó.

³⁷ Pé gbǎn kàhndunɔ tĕ tyí, pé tyah n yo wĕ tyí ne, gbɔ yó, ò tyípínó pól-á me kah ple! Wǎh níkítúbi níne n yíkɔ, té kèdyòni nénpóríle n de n mɔ.

8

Yesu népî kèyò nínó kɔ̃ yòkele

¹ Kéne sèpìn sɔkɔ, tówù ògbĕ yó tɔ sò me tükènmɔnɔle Yesu tnô. Té yó yó kwáh náh sò me pé tyí sĕ, à ò *tò sáhpú ye, té me yo pé tyí ne,

² tówù mè yám-á me pé tĕ. Pé sèpìn tɔnì-á ànê péwɔle yò, té yó yó kwáh náh me pé tyí.

³ Páh kɔ̃ pé fín mɔ, pé sɔkɔ kwekɔle, pǎh kɔ̃ kah kwɔ wĕkì yah. Pé tókù-á n wil fíí sɔkɔ.

⁴ Képah tẽ sɔkɔ, n tɔ sáhpú yo n tyí ne, pé se kɪ fẽ we nyāh yōkele gbɛnni mɛ sɔkɔ, kɪ pɛ kɔ̃, pɛ kɪ yɔ̃ tɔ̃ nɪ?

⁵ A me pɛ piki yah ne, búrn pló sɔ̃ se me pé tyí nɪ? Pɛ me ne, kwǎrnínó-á.

⁶ Képah sɔkɔ, à tówú kɔ̃ pɛ kɔ̃ tẽ sétáh, té búrn pló kwǎrninɔ nɔpi tɔkɔ, à weyne Liyel kɔ̃, té sɛ kwɔkɪ n tɔ sáhpú kɔ̃ ne, pɛ syi dibi névyɛ kɔ̃. Pɛ mó sɛ syi dibi pɛ kɔ̃.

⁷ Yɛnkyópì yísyó tɔ sɔ̃ me pé tyí. A wekɪ Liyel tyí sé tyí yɔ̃, té ne, pɛ sé tɔ tɔkɔ dibi pɛ kɔ̃.

⁸ Képah tɛne, pé pól yɔ̃ tɔ̃, té n tɔ sáhpú yónkwɔnɔ téló tuke mɔ tɔkɔ yí kwǎrninɔ.

⁹ Té nónó-á sɔ̃ me nɛnpó, pɛ nɔ nɛpî kɛyɔ̃ nínó kénkɔ̃le. Képah náh, à pɛ fin mɔ,

¹⁰ té mó núkú de krótókè sɔkɔ ànɛ n tɔ sáhpúle, à yuku Dalmanuta kwil sétáh yɔ̃.

Farisiyɛnɔ gbɪl yah kɔ̃ Yesu tyí

¹¹ Képah tẽ sɔkɔ, *Farisiyɛnɔ pɔ tyah yékâble n pi Yesule, té n sòle n mɔ n yah ne, à gbɪl yó pi pé yah, nɛ-á kè wɛkɪ n pi ne, wǎh n wil Liyel tyí.

¹² Képah sɔkɔ, Yesu mɪ dɔkɔ náhnáh, té yo pé tyí: «Kú pi, té kwey gbɪ névyɛ gbɪlne n yah n kɔ̃? Kègbɪ yɔ̃, mé kéle n yo yé tyí, gbɪl yó nɛ náh pɛ wɛkɪ n pi!»

¹³ Té yal pé tnô, à de krótókè, à yuku yó-ngbɛ kahnɛ.

Yesu tɔ̃ sáhpú lékâm tékínóle

¹⁴ Légbɪne, Yesu *tɔ̃ sáhpú sɔ̃ pé dyɔ̃ fwɔ̃ yōke tókónóle. Búrn pɔ núkú ó sɔ̃ me pé tyí krótókè sɔkɔ.

¹⁵ Képah sɔkɔ, Yesu me kè gbah yo pé tyí: «Yé yé gblɔ̃yne n kyɔmɪ *Farisiyɛnɔ ànɛ *Yerɔdi búrn dɔkɔ dɔkɔ kwáhle.»

¹⁶ Wǎh yo sɛ̃, n tɔ sáhpú yékâb mɔ ne, búrn kɛ̃ yɪn-á à kɔ̃, à képah yo.

¹⁷ Wǎh pɛ kyɔmɪ we, à pɛ piki yah ne, kú se pi, té pɛ yékâble n pi búrn kɛ̃ yɪnne nɪ? Pɛ kó tɔ̃nɪ me ké tyí yah we sɛ̃ nɪ? Pɛ kó kè pɪ nɪ? Pé lékâm se me víkɛntúnɔle nɪ?

¹⁸ Yí-á me pé tyí, pɛ kó me n yah nɪ? Ní me pé tyí, pɛ kó me n nohnɪ nɪ? Pé dyɔ̃ kó me n kwne nɪ?

¹⁹ Páh lésɔ̃ búrn pló kwɔkɪ dibi nɛpî kɛyɔ̃ nínó kyegbām kɔ̃, gbétóló yí sɔ̃ se pɛ kwel yónkwɔnɔle nɪ? Pɛ me ne, gbɔ̃ninó-á.

²⁰ A tɔ̃ pɛ piki yah ne, té páh lésɔ̃ búrn pló kwǎrninɔ kwɔkɪ dibi nɛpî kɛyɔ̃ nínó kɔ̃, tɔkɔ yí sɔ̃ se pɛ kwel yónkwɔnɔle nɪ? Pɛ me ne, kwǎrninó-á.

²¹ Képah sɔkɔ, à yo pé tyí ne, té, pɛ náh tɔ̃nɪ me ké tyí yah we sɛ̃ nɪ?

Yesu yítû yó yí yikɪ mɔ Besayida kwil sɔkɔ

²² Yesu ànɛ n *tɔ̃ sáhpú-á kyɪ yɪni tẽ Besayida kwil, nɔsyó pɔ yítû yóle n tyí, té à ni ne, à tũ n tyí.

²³ Yesu me yítû mɛ gbò sɔkɔ tẽ, à wil nne kwil gbòpɔ, té sɪn mɔ n yí sɔkɔ, té n gbàn sah n yɔ̃, té à piki yah ne, à se me n yah nɪ?

²⁴ Yítû dí n yah yɔ̃, té ne, páh me névyɛle n yah yirkòò, sésân sɔ̃. Té, páh me n kɔ.

²⁵ Yesu tɔ̃ n syɪ n gbàn sah dí yí yah. Kǎh pi sɛ̃, à fẽ n yah pnepne, à de. A yiyin pólle n wah n pne wɛ sɔkɔ.

26 Képah sɔkɔ, Yesu yo dí mè tyí ne, à sɔkɔ n gbô, té à káh syõ kwil sɔkɔ.

Pyeri kè yo ne, Yesu-á Liyel ne tékinmonole

27 Képah náh, Yesu ànê n *tò sáhpú yuku Filipe Sesarí gbòplo kwlo ònnè. Páh me wěkì yõ gbí nêne, à pè piki yah: «Névyè tẽ tyí, ímole, nê me?»

28 N tò sáhpú ne, tókù-á ne, *Wèlnwìkì-ò Nsyõ-á nne. Tókù mó ne, *Yeli-á. Tókù tõ ne, *Liyel tẽntò syíno-ò yó-á nne.

29 A me tõ pè piki yah: «Té yépi tẽ tyí, ímole, nê me?» Képah tẽne, Pyeri yo n tyí ne: «*Krista ye ále, Liyel-á ne, páh kɪ nê tekɪ mɔ.»

30 Képah sɔkɔ, Yesu pè sni ne, pè káh kè yo ne syah.

Yesu n kúnó ànê n yúkúnó tyí yo

31 Képah sɔkɔ, Yesu tyah n *tò sáhpúle n kwɔ ne, *Névi Pi-á yíne à de yèvyáhrɪ sɔkɔ náhnáh. Yèwàhnì, ànê *sárká wìlkìpu yòtãm n̄gbnɔ, ànê *Liyel n̄gbò wěkì kwópú-á kɪ à yahle, té kɪ à ko n mɔ n pi. Té, sèpìn tõ-ò sóle, wáh kɪ yuku.

32 Wáh kéne wey yo dal mɔ pè syah sɛ, Pyeri me à ye kěkɪ, à kyɪ tyah lékàhle nne n kō.

33 Képah sɔkɔ, Yesu n yah vi n tò sáhpú yah, té lékàhle Pyeri kō, té yo n tyí: «To n̄ tn̄, *sètàn yòtẽ! A fɔkɔ s̄nɔ náh me núkúle Liyel tyíle. Névyè tyí kō ye áwɔ n s̄.»

Yesu s̄ tẽ dùkùle

34 Képah náh, à me tówú ye pɔ ànê n *tò sáhpúle, té yo pé tyí: «Névi nê-á me ké tyí ne, pé n̄mɔ s̄ tẽ, tẽ n̄ gbl̄y dyóyí tyi ye, à mó n̄ *dahnɪ twah, à mó n̄mɔ s̄ tẽ.*

35 Sɛ ó ye: Névi nê-á ne, páh pé minne n pwah n mɔ, à kɪ tekɪ ké sɔkɔ. Té névi nê-á tekɪ n̄ min sɔkɔ n̄mɔ ànê n̄v̄n̄n̄ wey s̄n̄ ȳinne, n̄mɔ min kɪ pwah.

36 Kè kɪ tir nê pekɪ névi tyí, wáh kèk̄yó yí pól we, té kɪ n tekɪ n pi tyé-ńk̄ẽ min sɔkɔ?

37 Kwáh nê tẽ me névi kɪ fẽ kō, kɪ n̄ min dwe syi sah?

38 Kwey gbí névyèle, Liyel dèl ànê tyípèl pípú ye péle. Nte, névi nê-á sen ku n̄mɔ tyí, ànê n̄ wey tyí yónóle pépi wr̄, *Névi Pi tɔ kɪ sen ku tẽ yah, wáh s̄ n̄ne pɔ n̄ sú gbl̄ò sɔkɔ, ànê *ȳinyõ tẽntòbelè.»

9

1 Té tõ n̄ syɪ yo pé tyí: «Mé kéle n yo n dal n mɔ yé tyí kègbɪ yõ: Yépi nónó-á ásò, yé tókù náh n ku n pi, té kɪ *Liyel t̄r̄í we ȳine, póntenole. Kè kɪ n pi t̄nwenɔ n̄gb̄ne.»

Yesu v̄inm̄nɔ dùkùle

2 Sèpìn kénúkò-ò sókóntenɔ náh, Yesu me Pyeri ànê Nsyakɪ ànê Nsyõ tẽ, à yuku péle ȳh̄ n̄gb̄e yó yõ. Pépi ó ye s̄ pé yahle n̄n̄pó sɔkɔ. Té, n̄ dùkù me vi mɔ pé yah sɔkɔ.

3 N flo piki, à n tẽ pépér. Ké névi náh me kèk̄yó kɪ fẽ kwáh yó n̄tẽ piki n pi s̄nt̄ne.

4 Képah sɔkɔ, *Yeli ànê *Moyisi wil pé yah, me n yáh ànê Yesule.

* 8:34 8.34 - Dahnɪ twáhnó n wěkɪ ne, á á vi sah á min kō kō tẽne Yesu tyí kōle.

⁵ Képah tɛne, Pyeri me yo Yesu tyí ne, kwó-ò dí, kǎh yĩne pé tɛ ásô. Páh kɪ yèpyenɔ tɔ́nó pɪ ásô, núkúle ñmɔ tyíle, núkúle Moyisi tyíle, núkú mó pɪ Yeli tyíle.

⁶ Pyeri náh sò pĩ, wǎh nê yo n pi, képah ye. Tíkí sò ñmɔ ànê ñ kópú népĩ ní mí kah tɛ.

⁷ Pǎh me képah sɔkɔ, nýírki yó pɔ fob mɔ pé yô. Kéne nýírki sɔkɔ, yĩnpɔ́ yó n wil pé n nohnɪ ne: «Ñmɔ nê-á yò, ñmɔ nìdè Pídí ye ñne. Yé ne n nohnɪ ñ tyí!»

⁸ Kéne ní yô, *tò sǎhpú-á yah kɔ́ pé gbòplo sɔkɔ, pé náh tɔ́ névi we. Yesu núkúní ó sò wũ ànê péle.

⁹ Pǎh me yôlɪle n tiki gbí nêne, Yesu pé sni ne, pǎh tir nê we, pé káh kè yǎh névyé syah, kè pɔ nɔ *Névi Pi yúkúnwílnó tyí lékyî wró.

¹⁰ Pé me snínó mè tɛ yĩn, té mó tɔ́ me wɛne n piki n yah ne, kú se à n ye lékyî wró yúkúnwílnóle nɪ?

¹¹ Képah tɛne, pé tyah ñne n piki n yah ne, kú se pɪ, té *Liyel ñgbò wěkì kwópú ne, Yeli ñgbò-á yĩne à pɔ?

¹² A yo pé tyí: «Yeli ñgbò ye yĩne à pɔ tyi pól tɔ́ sah. Nte, kú pɪ kè wǎrki sah *Liyel wey sébɛ́nó sɔkɔ ne, Névi Pi-á kɪ yèvyǎhrɪ pɪ náhnáh, té pé kɪ ñne n yilo nɪ?

¹³ Nte, mé kéle n yo n dal n mɔ yé tyí ne, Yeli-á pɔ te. Té, névyé-á à pɪ pé dyɔ dyɔ tɛne. Sɛ́ ye sò kéle wǎrkínsàhnóle Liyel wey sébɛ́nó sɔkɔ ñ tyí yô.»

Yesu sétô yĩni wilki wɛnpir yó sɔkɔ

¹⁴ Képah sɔkɔ, pǎh yĩni tɛ *tò sǎhpú téló tnô, pé tówú ñgbɛ́ yó we, pé me pé kore vi, té *Liyel ñgbò wěkì kwópú me yékâble n pɪ tò sǎhpú nópìle.

¹⁵ Névyé-á núkú Yesu we gbí nêne, kè pɪ pé tyí gbɛ́ndùnɛne. Pé to kyɪ wɛkɪ ñ tyí.

¹⁶ Yesu me ñ tò sǎhpú piki yah ne, kwâh nê yékâb se pé n pɪ péle nɪ?

¹⁷ Nte, dí yó sò me tówú sɔkɔ, ñmɔ yo ñ tyí ne, kwó-ò dí, páh pɔ pé pídíne ñ tyí. *Sétô yó-á me ñ sɔkɔ, me à pɪ kèdòkìle.

¹⁸ Kè ñne n kwel n min n kɔ́ tǎntǎn pól sɔkɔ sétáh. Gbèfòkòpíkínì n ne n wil ñ vyǎh, té ǎ ñ yínìle n tah, ànê ñ wil n kɔkɔ. Képah-á, pé pɔ ñne ñ tò sǎhpú tyí ne, pé sétô mè yĩni wilki ñ sɔkɔ, té pé náh tɛ we.

¹⁹ Képah tɛne, Yesu me yo pé tyí ne, Liyel yô sɛ́-ńkɛ́ névyé, pé se kɪ tɛ péle pópó, kɪ pɔ syɪ gbí nê tyí nɪ? Pé se kɪ pé so sah, kɪ pɔ syɪ gbí nê tyí nɪ? Nkɛ́, pé pɔ ñne pé kɔ́.

²⁰ Pé mó pɔ ñne à kɔ́. Sétô-á fyò Yesu we, à piri yike kègbɪle, à syɪkɪ sétáh, à n píl n kɔ́ gbèfòkòpíkínìne ñ vyǎh.

²¹ Képah sɔkɔ, Yesu me piri sú piki yah ne, gbí ne se kè tyah ñ tyí nɪ? A me yo ñ tyí ne, ñ wɛnpir gbí dùkù-á.

²² Kèyahle, sétô-á ńkɛ́ne à tɔkɔ n min n dah n mɔ nyàh, képah náh pɪ, ni sɔkɔ, ñ kò-nsahle n yah n kɔ́. Nte, wǎh kɪ fɛ́ n tɛ n pi, à pé yǎm yah, à mó pé yohnɪ mɔ.

²³ Képah sɔkɔ, à me yo dí mè tyí: «Máh kɪ fɛ́ n tɛ n pi wò...! Tyi pól kɪ fɛ́ pɪ Liyel yô sɛ́-ò tyí.»

24 Nénpó swɔ, piri sú gbo mɔ ne: «Mé sɛ ké yõ, té kè me tah ní tyí. N yohni mɔ ké sɔkɔ.»

25 Képah sɔkɔ, Yesu-á névye we, pè n to n tuke pé yõ sɛ, à díri kɔ *sétõ mè yõ, té yo n tyí ne, òmɔ nê-á névile n pi kèdòkì ànê níkitũne, à wil piri mè sɔkɔ! Té à káh tɔ de yah n sɔkɔ!

26 Wǎh yo sɛ, sétõ me gbo mɔ, té piri yike kègbɛ, té mó wil n sɔkɔ. Piri núkú pi tɛ kúnó sɔ, fɔ́ó névye náhnáh n yo ne, wǎh ku.

27 Nte, Yesu me à tɛ n gbɔ tyí, à yilki sah. Piri yuku yĩn.

28 Yesu-á de wòkò gbí nêne, òmɔ ànê n tò sáhpú ye sò wũ pé yahle, té pè me à piki yah ne, kú se pi, té pépi náh tɛ we sétõ mè yĩni wilki piri sɔkɔ ni?

29 A me yo pé tyí: «Níri ó sɔkɔ ye kène sétàn òkú kɔ fɛ yĩni.»

Yesu tɔ n kúnó ànê n yúkúnó tyí yo

30 Pǎh yal nénpó, pè me Kalile kwolɛ n kah, té Yesu náh sò me ké tyí ne, pè pé mé-nsah pĩ.

31 Tir yó náh, à sò me n *tò sáhpúle n kwɔ, té me n yo pé tyí: «*Névi Pi kɔ n dahɔ n pi névye gbɔ. Pè kɔ à ko mɔ, té sèpìn tɔ-ò sóle, à kɔ yuku.»

32 Nte, n tò sáhpú náh sò me wey mè tyí yah we, té tíkí sò me pè tɛ n píkinyahnɛ.

Nê tɛ kal?

33 Képah náh, pè yĩni tɛ Kapernayim kwil sɔkɔ. Pǎh me wòkò sɔkɔ gbí nêne, Yesu n *tò sáhpú piki yah ne tir nê yékâb se sò pè n pi wèkì yah ni?

34 Nte, pè náh tir we yo. Tir yó náh, pè sò me yékâble n pi wèkì yah ne, pé pĩ pépi wró nê tɛ-á kal.

35 Képah sɔkɔ, Yesu kɔ tɛ, té n tò sáhpú népĩ gbõnimí ye, té yo pé tyí: «Nê-à me ké tyí ne, pé pi yah yétɛne, òmɔ yĩne à pi pé no náhtũne, à mó pi tònpule pé tyí.»

36 Képah tɛne, à wɛnpir yó tɛ pɔ pé niyó. Té à tɛ kòhlɔ n ni yõ, té yo n tò sáhpú tyí:

37 «Névi nê-à wɛnpir mè kénkɔ tɛnó plé nímo yĩn yõ, nímo ye tɛ tɛ plé. Névi nê tɔ-à nímo tɛnó plé, nímo ó náh tɛ tɛ plé: Nte nê-á tekɔ mɔ nímo, òmɔ ye à tɛ plé.»

A sépe náh nêne, á pèpey ne ye òne

38 Képah sɔkɔ, Nsyɔ me yo Yesu tyí ne, pé kwó-ò dí, pépi-á dí yó we, à me *sétanne n yĩni n wilki n yĩn yõ. Té, à náh sò me pépile. Képah-á pé kɔ, pé ne pé à yĩni mɔ ké pínóle.

39 Yesu me yo pé tyí: «Yé káh à yĩni mɔ. Névi náh fɛ gbɔl pi n pi nímo yĩn yõ, té kɔ tɔ nímo yĩnne n yɔkɔ nénpó swɔ.

40 Tir yó náh, á sépe náh nêne, á pèpey ne ye òne.

41 Kègbɔ yõ, mé kéle n yo yé tyí: Yáh pi *Krista tyíle, névi nê-à ni nígbíyĩne yé kɔ yé wɔ képah yĩnne, ké pèpɔrɔ kɔ dyah óle à dyah.

Tyí nónó-á yo gblɔy tɛnó tyí sɔkɔ

42 Wɛnpĩ nónó-á sɛ nímo yõ, névi nê-à pé sɔkɔ ne yó yõ yɔkɔ dah mɔ tyípèl sɔkɔ, kè kɔ sò fónfó pè dáh-ngbɛ toh tɛ yègbɔ sɔkɔ, pè kyɔ min dah mɔ yónti ngbɛ sɔkɔ.

43 Á gbò-à n dah n mɔ ále tyípekè sɔkɔ, kè kãm n milki, ò té n kyɪ n de gbò núkúle tyé-ńkē min sɔkɔ. Képah kɪ fónfó kal á gbǎn níni kyíndenɔle ní-ńkē nyàhnpèkè sɔkɔ. [

44 Nénpó sɔkɔ, kèfyɔ nónó-á wille n yɔ, sè náh n ku, ànê ké nyàhnpèkè náh n ni.]

45 Á gbáhki-à n dah n mɔ ále tyípekè sɔkɔ, kè kãm n milki, ò té n kyɪ n de gbáhki núkúle tyé-ńkē min sɔkɔ. Képah kɪ fónfó kal á gbyêh níni mínndahnmɔnɔle nyàhnpèkè sɔkɔ. [

46 Nénpó sɔkɔ, kèfyɔ nónó-á wille n yɔ, sè náh n ku, ànê ké nyàhnpèkè náh n ni.]

47 Á yí-à n dah n mɔ ále tyípekè sɔkɔ, kè wilki n milki, ò té n kyɪ n de yí núkúle *Liyel yòtòrí sɔkɔ. Képah kɪ fónfó kal á mínndahnmɔnɔ yò yí nínóle nyàhnpèkè sɔkɔ.

48 Nénpó sɔkɔ, kèfyɔ nónó-á wille n yɔ, sè náh n ku, ànê ké nyàhnpèkè náh n ni.

49 Képah ye, no pól kɪ tɔ sah nyàhle, sɔ-á pne n pɪ kéle.

50 Pnɛɛ, kwâh pèpey ye kéle. Té ké syínsyí-à wil ké sɔkɔ, sɔ me yé kɪ tɔ fě pɪ kéle, té kè kɪ tɔ nɔ? Yé pne mɔ yé gblɔy sɔkɔ, yé tẽ wẽ tyí yèvinɪ sɔkɔ.»

10

Yesu-á kwónó nê kɔ fúr yíkínó tyí sɔkɔ

1 Yesu-á yal nénpó, à kyɪ Yude sétáh yɔ, té yuku Yurdě yónkahnɛ. Képah sɔkɔ, tówú ñgbě yó tɔ tuke mɔ ñ tnô. A me tyah péle n kwɔ ñgbò tyí kɔle.

2 Képah tẽne, *Farisiyěno yísyó nɔ de ñ tnô ne, pé kyɪ ñ sò mɔ yah. Té ñne n piki n yah ne, ké wěkì se me dí tyí kɪ ñ kyɪ fin mɔ nɪ?

3 A me yo pé tyí ne, tir nê se sò *Moyisi yo sah pé tyí nɪ?

4 Pè me ne ńkē, Moyisi-á ké wěkì kɔ ne, wâh á kyɪle n fin mɔ, á ñ finnɔnɔ tãrfyò sébě pɪ à kɔ. A mó à fin mɔ.

5 Képah tẽ sɔkɔ, Yesu yo pé tyí: «Yépi kùkùtãhkì yĩn ye, Moyisi me ké wěkìle yé kɔ sě.

6 Nte, kèkòyó mɔ gbíne, dí ànê sê ye Liyel mɔ.

7 Képah ye, dí kɪ ñ sú ànê ñ yú sah, té kɪ kyɪ yégbékè kwɔ mɔ ànê ñ kyɪle,

8 té pé nímí kɪ pɪ núkúle. Képah sɔkɔ, pè náh tɔ n pɪ n pi nímíne, pè kɪ pɪ núkúle.

9 Kãh pɪ sě, Liyel-á nê kwɔ mɔ, névi káh kè gbekɪ.»

10 Pãh de wòkò, ñ *tò sãhpú tɔ à piki yah wey mè yòle.

11 A me yo pé tyí: «Dí-à ñ kyɪ fin mɔ, té tɔ sê yó tɔkɔ, à tyípekè pɪ ñ kyɪ gben tẽ tyí fòfíkì sɔkɔ.

12 Sě ó ye tɔ, sê-à ñ pe yahle, té kyɪ de dí yó tyí, à tyípekè pɪ fòfíkì sɔkɔ ñ pe gben tẽ tyí.»

Yesu sãm mɔ wěnpì sɔkɔ

13 Képah tẽne, névyɛ pɔ wěnpìle Yesu tyí ne, à ñ gbǎn sah pé yɔ. Té ñ *tò sãhpú me tyah díríle n kɔ pé yɔ.

14 Wǎh képah we sɛ, à yo n tò sáhpú tyí fòkònyàhnì sòkò ne: «Yé ye wɛnpì kɔ̃, pè ne n pɔ n pɔ nɔ tyí. Yé káh pé yahle n kɔ̃. Nónó dùkù-á me kéne wɛnpì sɔ̃, *Liyel yòtòríle pépi tyí ye.

15 Mé kéle n yo yé tyí kègbɛ yò: Névi nê-à *Liyel tɔ́rí fɛ syi níkɛne wɛnpir sɔ̃, à náh kè we n de n pi pólle.»

16 Képah sòkò, à wɛnpì tɛ, té n gbǎn sah pé yò, à sǎm mɔ pé sòkò.

Tàhǎí yó pɔ Yesu tyí

17 Képah náh, Yesu-á n yuku wɛkì yah, dí yó to pɔ gbètukunɔ di n yah, té à piki yah ne, kwó-ò pèpɛy, pé se kɪ pɪ sɔ̃, té kɪ tyé-nkɛ min we nɪ?

18 Yesu me yo n tyí: «Sɔ̃ me, té á n ye pèpɛyne? Ne pèpɛy yó nɛ náh me. Liyel ó ye pèpɛyne.

19 A Liyel tyi kònsàhnó pǐ kè, nê-á n yo ne, káh nékókè mɔ, káh fòfíkì pɪ, káh yǐbe yǐ, káh mìnì sah á ní-ò yò, káh ne n sykɪ ne yò, á sú ànê á yúne n tɛ ple.»*

20 Wǎh yo sɛ, dí me à syah ne, kwó-ò dí, páh me sépinó pólle n pi pé wɛnpir gbí dùkùle.

21 Képah sòkò, Yesu me à yah tyínɔnɔ sòkò, té yo n tyí ne, tyínúkú-á yah kwɔ n tyí: A kyɪ n gbǎn yǐ pól yǎm, à mó sé pó dibi yǎmtǎm kɔ̃. Képah sòkò, wǎh kɪ yǐnyò tahrɪ we, à mó pɔ pé sò tɛ.

22 Té, dí mè-á képah noh sɛ, n yah ykɪ. A sòkò yèkwɔrɪ sòkò. Tahrɪ nǎgbɛ sò me n tyí, képah ye.

23 Kǎh pɪ sɛ, Yesu n gbòplo yah kore vi, té yo n *tò sáhpú tyí: «Tahbɪ dénóle *Liyel tɔ́rí sòkò, kè me tah dé!»

24 Kéne wey n tò sáhpú gbǎn du kègbɛle. Nte, Yesu tɔ̃ n syɪ yo pé tyí: «Nǐ wɛnpì, Liyel tɔ́rí sòkò dénó me tah náhnáh.

25 Yǎhmíkì dénwǐlnóle sèndi pwǎh sòkò, képah kɪ fǎhfǎh kal, tàh dénóle Liyel tɔ́rí sòkò.»

26 Képah tɛ sòkò, pé gbǎn kah du. Pè wɛne n piki n yah pé tyí tyíle ne, nte, nê wɔ se kɪ mó pwah nɪ?

27 Yesu me pé yah, té yo pé tyí: «Névi tɛ tyí, kè náh fɛ n pɪ n pi, té Liyel wɔ tyí, kè kɪ fɛ pɪ. Nɔmɔ tɛ we tyi pól tyí.»

28 Képah sòkò, Pyerɪ yo n tyí ne, nte, pépi-á tyi pól sah nɔmɔ sò tɛ yǐnne.

29 Yesu me ne: «Kègbɛ yò, mé kéle n yo n dal mɔ yé tyí ne, névi nê-à fɛ syi, n kéte, ànê n yúpyé, ànê n yú, ànê n sú, ànê n wɛnpì, ànê n swɛy sah nɔmɔ yǐnne, ànê nìvìnì wey sǎn yǐnne,

30 tɛ kɪ sɛnkɔnɔ lèkwɛkwe we kèkòyó mè sòkò. A kɪ kètlo, ànê yúpyé, ànê yúbí, ànê wɛnpì, ànê swɛy we. A kɪ fóhnó to we, té kɪ tyé-nkɛ min we nísò kèkòyó sǎn sòkò.

31 Nónó-á me núkúnúkú ne gbrole, pé náhnáh kɪ pɔ n pɪ n pi ne télóle. Té nónó-á me núkúnúkú ne télóle, pé náhnáh kɪ pɔ n pɪ n pi ne gbrole.»

Yesu tɔ̃ n kúnó ànê n yúkúnó tyí yo ke tɔ̃-òle

32 Yesu ànê n *tò sáhpú sò me wɛkì tɛ n dɔkɔ n yuku Yerusalemɪ sòkò. A sò me n kɔ n tò sáhpú yahle. Légbíne, pé fòkò me fɛkìnóle. Té nónó tɔ-á

* 10:19 10.19 - Yah n te Ekisode 20.12-16 sòkò.

με ñ sò tẽ, tíkí sò me pè tẽ. Képah soko, à ñ tò sáhpú népí gbõnimí ye kèkí pé yahle, à kyí tir nê-á kí à yíni n tẽ n pi, ké yah yo pè syah.

³³ A ne: «Yé yah, á we dokò n yuku Yerusalemí soko yò. *Névi Pi kí dahbí *sárká wílkípu yõtám ñgbno, ànê *Liyel ñgbò wèkí kwópú gbò. Pè kí à mó kú kò, té kí à dahbí Liyel yò sè-ńkèpú gbò.

³⁴ Pépi kí kóle ñne n ko, té kí n sìn n mó ñ yò. Pè kí à ko yèfòhle, té kí à ko mó. Té, ké sèpìn tǒ-ò sóle, à kí yuku.»

Nsyakí ànê Nsyõ-á nê ni

³⁵ Nsyakí ànê Nsyõne, Sebede wènpíle, pè no de Yesu tnô, té yo ñ tyí ne, kwó-ò dí, tir nê-á pé pò ní-ńsah ñ tyí, páh me ké tyí ne, à kè pí pé tyí.

³⁶ A me pè piki yah ne, tir nê se pè ne, pé pí pé tyí ní?

³⁷ Pè mó yo ñ tyí ne, wáh kyí yíni tẽ ñ yõtòrí tyah soko, à ye pépi soko ne núkú tẽ ñ gbòyò sò, ní-ò mó tẽ ñ gbèyìnè sò.

³⁸ Képah soko, à yo pé tyí: «Kwáh nê-á yé n ni, yé náh kè pí. Yé se kí fè wò ní wò wò wóh soko, kí de wil yèvyáhrí soko ní tyí kóle?»

³⁹ Pè me à syah ne, páh kí tẽ we. A me yo pé tyí: «Gbí ye, yé kí n wò n pí ní wò wò wóh tẽ wò soko, té kí n de n wil n pí yèvyáhrí soko ní tyí kóle.

⁴⁰ Nte, névi nê-á n tẽ n pí ní gbòyò ànê ní gbèyìnè sò, képah náh n wil n pí ñmò tyí. Kéne tẽ-ńtàn kí pò névye kò n pí, Liyel-á sè tǒ sah nónó yíinne.»

⁴¹ *Tò sáhpú népí gbám téló-á képah noh sè, pé foko vyáh Nsyakí ànê Nsyõne.

⁴² Képah soko, Yesu me pé pól ye, té yo pé tyí: «Yé pí ne, sétáh mè yò kwlo yõtám-á pé kwil tãne n tẽ n sah pé dyo dyo tẽne, té kwil né-ñgbno n mó pé tãhkíle n sah névye yò.

⁴³ Nte, yépi tyí náh n pí n pí sè. Gbèntè náhle, yépi soko nê-à me ké tyí ne, pé pí yòtẽne, tẽ ñ gblóy pí yé tǒnpíle.

⁴⁴ Té, yépi soko nê-à me kí tyí ne, pé yõtòrí yah n kò, tẽ ñ gblóy pí yé pól yòle.

⁴⁵ Tir yó náh, *Névi Pi náh pò ne, névye tòle n pí péwò tyí. Ñmò ye pò tò pí yíinne névye tyí, té kí ñ min kò névye náhnáh yò dwe yíinne.»

Yesu yítú dí Bartime yí yíkí mó

⁴⁶ Képah náh, pè yíni tẽ Yeriko kwil. Yesu, ànê ñ *tò sáhpú, ànê tówú ñgbè-á n wil kwil soko gbí nêne, yítú dí yó sò me ténóle wègbalı soko, me n ni n syi. Time pídí ye sò ñne, pè n ye Bartimele.

⁴⁷ Wáh noh ne, Nasareti Yesu-á n soko, à tyah n de n syi ne, Yesu, *Davidi pídí, à pé yám yah.

⁴⁸ Képah soko, náhnáh sò me ñ vyáhle n tũ. Nte, à tǒ n kah n de n syi ne, Davidi pídí, à pé yám yah.

⁴⁹ Képah tẽne, Yesu yín, té ne, pè à ye yah. Pè me yítú dí ye yah, té yo ñ tyí ne, à ñ ní vı, à mó yuku, wáh me ñne n ye.

⁵⁰ Dí-á képah tẽ noh, à ñ fwòmò-ñgbè milki, té yoko syíkí ñ gbyèh yò, à yuku Yesule n yíkí.

⁵¹ Yesu me à piki yah: «Kú me á ne, mé pí á tyí?» Yítú dí me yo ñ tyí ne, kwó-ò dí, à kè pí, pé tǒ ne n yah.

⁵² A me yo ò tyí: «Ne n yuku, òmò yò sɛnó ye ò de mɔ.» Nénpó swɔ, ò yí yíkí mɔ, à me Yesu sò tɛ.

11

Yesu de òkùlɛ Yerusalem

¹ Páh de n te Yerusalemne, pè sò me yúkey Betefase ànê Betani kwille, Wólívyê sésán yòli tnô. Képah sɔkɔ, Yesu ò *tò sáhpú sɔkɔ népí ními wilki tò,

² té me yo pé tyí ne, pè kyí kwil nê-á pé yahle. Páh kí kyí yíni tɛ nénpó, páh kí òkwɛndyípirí yó we tóhnmònsàhnóle, névi náh òkɔ yah nê yò. Pè à de pɔ.

³ Té, névi-à kí pè piki yah ne, sò se, té pè òne n de ni, pè yo ò tyí ne, ò yétô-á me Tɛ-ògbɛ dí tyí. Té wáh kí ò syi à tekí mɔ núkúnúké ásò.

⁴ Képah sɔkɔ, pè mó sɔkɔ, à kyí òkwɛndyípirí mè we tóhnmònsàhnóle kégbó, gbô yó yah, wɛkí gbòpɔ. Pè me à de.

⁵ Nónó-á sò me nénpó, pé tókù pè piki yah ne, kú se pi, té pè òkwɛndyípirí mène n de ni?

⁶ Képah sɔkɔ, Yesu-á sò pè tò sò, pè képah yo no tyí. No ye pè kò, pè à de sɔkɔ.

⁷ Pè me pɔ òkwɛndyípirí mène Yesu tyí. Té pé flo mɔ ò yò, Yesu kò à òkɔ.

⁸ Névyè nánáh mó pé flo mɔ wɛkí yò. Tókù mó fòkòni kòli kyèh sɔkɔ, à n mɔ n yuku wɛkí yò sɔkɔ.

⁹ Páh n yuku, nónó-á sò me n kɔ Yesu yahle, ànê nónó-á me ò sò tɛ, pè sò me n gbo n mɔ, me yo tú ne: «Wosanna, Tɛ-ògbɛ Liyel yín pi gblò! Nê-á n pi ò yín yò, Liyel sàm mɔ ò sɔkɔ!

¹⁰ Á sùtó *Davidi tórí nê-á n pi, Liyel sàm mɔ ké sɔkɔ! Wosanna, Liyel yín pi gblò yínyò sɔkɔ.»

¹¹ Yesu-á de Yerusalem sɔkɔ sɛ, à kyí de *Liyel wòkò ògbɛ kéntáhkí sɔkɔ. A kè yah kore vi, té ò syi wil. Képah náh, tyah-á pɔ n piri, à sɔkɔ ànê ò tò sáhpú népí gbònimíne Betani kwil sɔkɔ.

Yesu léplɔ ye mɔ sènsóké yó yò

¹² Ké dendalle, páh n wil Betani sɔkɔ gbí nène, kwékí Yesu tɛ.

¹³ Képah sɔkɔ, à me sènsóké yó we fíi mule gbòp ké tyí. A me nɔ de yah, pye-à kí n we n pi ké tyí. Nte, wáh yíni tɛ ké tnô, à kyí kè we mɔri óle. Ké pye pi gbí náh sò nɔ, képah ye.

¹⁴ Képah tɛne, Yesu yo sènsóké mè tyí ne, ne náh tò ké pye yò n yah n pi pólle. Nte, ò *tò sáhpú mó kè noh.

Yesule Liyel wòkò ògbɛ kéntáhkí sɔkɔ

¹⁵ Képah náh, pè yíni tɛ Yerusalem. Yesu me de *Liyel wòkò ògbɛ kéntáhkí sɔkɔ, à tyah yí yàmpu ànê dwépúle n yíni n wilki. Té pò tǔpu tàbálnó tu wilki mɔ, ànê *sárká kèpye yàmpu klòle.

¹⁶ Té, à náh fɛ syi vyó nétɛ yó òtɛ kò, à de kah Liyel wòkò ògbɛ kéntáhkí sɔkɔ.

17 Té tyah péle n kwɔ, me n yo pé tyí: «Kè náh me wárkínsàhnóle ne, <nímɔ Liyel wòkò kɪ n ye kèkòyó kwlo kwlo pól névye nírí pí-ńsahle> di? Té, yépi me pɔ kè pɪ névye yõ vĩnsyɪkɪpu tẽ-ńsahle.»*

18 Képah tẽne, *sárká wĩlkɪpu yõtãm ñgbnɔ ànê *Liyel ñgbò wěkì kwópú-á kè noh sě, pè tyah Yesu kònmo-ńsahle n yah n kɔ. Té, ñ tíkí sò me pè tẽ, tir yó náh, ñ kwónó tyí sò me nɔ tówú tyí.

19 Képah sɔkɔ, gbíyí-á de, Yesu ànê ñ *tò sáhpú wil kwil sɔkɔ.

Sènsóké séswô kókónóle

20 Ké dendal séngbòle, pãh pɔ n sɔkɔ, pè sènsóké mè we kókónóle, à pɔ syɪ ké yãhnì tyí.

21 Pyeri dyó-á to kɔ kéle, à yo Yesu tyí ne, kwó-ò dí, wãh sò léplɔ ye mɔ sènsóké nê yõ, à yah, ké pól-á kɔkɔ.

22 Képah sɔkɔ, Yesu yo pé tyí ne: «Yé sě Liyel yõ.

23 Kègbɪ yõ, mé kéle n yo yé tyí: Névi kɪ fẽ yo yõlɪ ñgbẽ mè tyí ne, kè yuku yal ásò, kè kyɪ n sykɪ n de pne yɔ sɔkɔ. Tẽ-à me n sò ñkẽne tòtò ñ nɪ sɔkɔ, té me sě yíí ké yõ ne, páh nêne n yo, kãh kɪ pɪ, kè kɪ mó ñtyínɔ pɪ sě ñ tyí.

24 Képah ye, mé kéle n yo yé tyí: Yáh kwáhdúkú nêne n yah n kɔ Liyel tyí nírí sɔkɔ, yé sě ké yõ ne, yáh ké we te. Kè kɪ ñtyínɔ yé kɔ.

25 Anê tɔ, wãh yuku yĩn n tyah nírí pínóle, té á ní-ò-à me pɪ de á tyí, kè yõ mɔ à kɔ. Képah-à pɪ, yé sú Liyel nê-á yĩnyõ, à kɪ yépi tɔ tyípèl yõ mɔ yé kɔ. [

26 Nte, yépi-à névye tyípèlle n yõ n mɔ péle n kɔ ñkẽne, yé sú Liyel náh yépi tɔ tyí yõ n mɔ yé kɔ n pi.]»

Nê wěkìle Yesu kɔ, à tyi nópìle n pɪ

27 Yesu ànê ñ *tò sáhpú-á pé syɪ kyɪ Yerusalemɪ sɔkɔ, wãh me n kɔ *Liyel wòkò ñgbẽ kéntáhkì sɔkɔ gbí nêne, *sárká wĩlkɪpu yõtãm ñgbnɔ, ànê *Liyel ñgbò wěkì kwópú, ànê yèwàhnì pɔ ñ tyí.

28 Té me à piki yah ne, nê yĩn yõ se à n pɪ tyi nópìle nɪ? Nê se à kɔ ké wěkìle nɪ?

29 Á me yo pé tyí: «Mé kɪ tir núkú óle yé piki yah. Yáh kɪ ké yah yo ní tyí, nê yĩn yõ-á mé n pɪ tyi nópìle, mé kɪ kè yo yé syah.

30 Yépi tẽ tyí, nê tekɪ mɔ Nsyõne, à pɔ névyele n *wel n wilki? Liyel se, tĩ névye se? Yé yo ní syah.»

31 Képah sɔkɔ, pè tyah n yo wě tyí ne, páh kɪ ne, Liyel-á tekɪ mɔ ñne, wãh kɪ ne, té kú se pɪ, té pé náh sě ñ yõ nɪ?

32 Pé náh se mó tɔ fẽ n yo n pi ne, névye-á tɔ ñne... Pè sò me tówú tíkile n pɪ, képah ye. No pól sò me n sò ne, Nsyõne, *Liyel tẽntò syínyo-ò kègbɪ-á sò ñne.

33 Képah sɔkɔ, pè Yesu syah ne, pé náh pĩ. Ñ tɔ mó yo pé tyí ne, nê yĩn yõ-á pé tyi nópìle n pɪ, péwɔ tɔ náh mó kè yo pè syah n pi.

12

Divě sésân swãh tɔpú népèl sèmìrkìle

* 11:17 11.17 - Yah n te Yesayi 56.7 sɔkɔ.

¹ Képah náh, Yesu tyah n yāh pé tyí sèmìrn sɔkɔ ne nkɛ: «Dí yó ye lésò ðivě sésân sò, té kɛkɪ mɔ kè kore vi. Té kyɪ tédáhkì yó yò swɔ yó tũ, ðivě sésân pye yíki-ńsahle. Té me duke syíkípú tẽ-ńsah mɔ. Képah náh, à swāh tǒpú tɔkɔ, à pɔ swāh mè dahbɪ pé gbò, té pyě sɔkɔ kóló.

² Sé pye gbe gbí-á pɔ nɔ, à n tǒnpɪ yó tekɪ mɔ ðivě sésân swāh tǒpú nópi tyí ne, pè pé tyí ðivě sésân pyele à kɔ, à pɔ pé kɔ.

³ Képah tɛne, ðivě sésân swāh tǒpú nópi tɛntò dí tẽ ko, té à fin mɔ, à sɔkɔ n gbò kókóle.

⁴ Swāh nétɛ tǒ tǒnpɪ yó tǒ. Pé tǒ kyɪ n̄mɔ tɔ ko, té à mɪkɪ n̄ yò sɔkɔ, té n̄ne n gbyɔ.

⁵ Swāh nétɛ tǒ n̄ syɪ n̄n̄i yó tekɪ mɔ n tǒ. N̄mɔle, pè n̄mɔ ko mɔ, té sɛnkɔ pɪ pé náhnáh tyí: Pè pé tókù ko, té pé tókù ko mɔ.

⁶ Ne núkú nê-á sò wũ setɛ dí tnô, n̄mɔle, n̄ n̄idè Pídí ye. A n̄mɔ tekɪ mɔ pé tyí téyne, té me n sò ne, pāh kɪ pé pi wɔ yah sen ku.

⁷ Nte, swāh tǒpú nópi-á à wɛ, pè tyah n yo wɛ tyí ne, pè yah, n̄ gběyòpi-á n pi yò. Pè pɔ, pé à ko mɔ. Gbɛkɪ mó pɪ pépi tyíle.

⁸ Té dí pídí tẽ ko mɔ, té à tɔkɔ kyɪ milki ðivě sésân swāh kahnune.»

⁹ Képah sɔkɔ, Yesu pè piki yah: «Sò me ðivě sésân swāh nétɛ kɪ pɔ n pɪ n pi? A náh pɔ ðivě sésân swāh tǒpú nópi pól ko mɔ, té kè dahbɪ n pi n̄syó gbò di?

¹⁰ Yé náh kè kar yah *Liyel wey sébɛ sɔkɔ di? Kè me wárkínsàhnóle ne: <Wòkò mópú-á dáhkì nê yahle, képah pɔ pɪ dáhgbíle, wòkò dáhgbenne.

¹¹ Képah n wil Tẽ-ńgbɛ tyí.

Té ápi tyí, gbɛndùnì tir ye kéle!»*

¹² Képah sɔkɔ, *Nsyifunɔ yõtām tyah Yesu tẽ-ńsahle n yah n kɔ. Tir yó náh, pè sò p̄ ne, pépi yò-á à mɪ sèmìrkì mènɛ. Té, tówû tíkí sò me pè tẽ. Pè me ye n̄ yò, té sɔkɔ.

Wromenɔ yõtɛ ńgbɛ mórí tyíle

¹³ Képah náh, pè *Farisiyɛnɔ ànê *Yerɔdi náh névye tókù wilki tekɪ mɔ Yesu tyí ne, pè kyɪ à mɔ yah píkinyahno sɔkɔ.

¹⁴ Pè pɔ yo n̄ tyí ne, pé kwó-ò dí, pāh p̄ ne, gbɪ ó kókó-á n̄mɔ n ne n yo. A náh tíkíle n pɪ névi yah. A náh névile n wah névi sɔkɔ. Wāh gbule névyele n kwɔ Liyel wɛkì yò. Képah-á pé kɔ, pé ne, pé à piki yah: Kè se ȳne pé móríle *Wromenɔ yõtɛ ńgbɛne n kɔ, t̄ kè náh ȳne? Pé se séle n mɔ, t̄ pé káh sè mɔ?

¹⁵ Nte, Yesu sò p̄ ne, nê-á pè n sò, képah náh pè n yo. Kāh pɪ sɛ, à yo pé tyí ne, sɔ se pɪ, té pè péle n mɔ n yah nɪ? Pè pɔ pó mè núkúle, pé yah.

¹⁶ Pè me pó núkúle à kɔ. A me pè piki yah ne, nê yah se, ànê n̄ ȳinne wárkínm̄onole ké yò nɪ? Pè à syah ne, Wromenɔ yõtɛ ńgbɛ-á.

¹⁷ Képah tɛne, à yo pé tyí ne, pè Wromenɔ yõtɛ ńgbɛne n kɔ n̄ tyíle, pè mó Liyelle n kɔ n̄ tyíle. Képah sɔkɔ, pé gb̄an du n̄ wey mè ðúkùle.

Sadusɛnɔ Yesu piki yah lékyî yúkúnw̄ilnó tyí yò

* 12:11 12.10 ànê 11 - Yah n te Yìgbìnì 118.22 ànê 23 sɔkɔ.

18 Sadusēnɔle, nɔsyó ye nónó-á ne, lékyî náh n yuku n wil n pi. Pé túkù pɔ Yesu tnô, té à piki yah ne ríkě,

19 kwó-ò dí, *Moyisi-á Liyel tir kònsàhnó mè wārku sah pé kɔ ne, dí nê tyí gbëndí-à me, té tẽ ku, té ñ kyí sah pi kěne, ñ gbëndí mè-á yĩne à pékúsê mè tɔkɔ. A wěnpì dubi à kɔ, nónó-á kɔ pɔ n pɔ n pi ñ nénkyídí náhne.†

20 Té, dínpì yísyó-á sò me népì kwárnimi pé yú tyí. Nénkyí tẽ-á sê tɔkɔ, té ku, té ñ kyí sah pi kěne.

21 Ñ sò syi me pékúsê mè tɔkɔ. Ñ tɔ pɔ ku, té à sah pi kěne. Tɔ-ò tɔ tyí pɔ pi sě.

22 Sěntě ó-á pi pé no téló pól tyí. Té népì kwárnimi nópi pól-á ku pi kěne. Pé kúntenɔ náh, pi mè tɔ pɔ ku.

23 Kàh pi sě, lékyî yúkúnwìl sóle, pàh yuku, pi mè se kɔ pi nê tyíle nɔ? Tir yó náh, pé népì kwárnimi pól-á à pì sèle.

24 Képah sɔkɔ, Yesu yo pé tyí: «Liyel wey pí-ńkě, ànê Liyel tẽnwenɔ pí-ńkě yĩn náh yéle pílkinó sɔkɔ di?

25 Lékyî yúkúnwìl sóle, sê tókókì náh me, pe dékè náh me. Névyé kɔ me, á kɔ ne *yĩnyõ těntõbe sɔ pal tẽ-ńsah.

26 A yuku lékyî yúkúnwìlnó tyí sɔkɔ: Yé náh kè kar yah Moyisi sébě sɔkɔ, fí nê-á dukuni tyíle n yo, nê-á sò nyàh lépõle ké sɔkɔ di? Kè me wárkínsàhnóle nénpó ne, Liyel-á yo Moyisi tyí: «Ñmɔ ye Abrahami Liyelle, ànê Yisaki Liyelle, ànê Yakɔbi Liyelle.»‡

27 Vye Liyel ye ñne, lékyî Liyel náh. Sě ye yéle kàhnpilkintěnóle yò.»§

Liyel tyi kònsàhnó sɔkɔ nê-á gblò kal

28 Képah sɔkɔ, *Liyel ñgbò wěkì kwó-ò dí yó kéné yékâb noh. A kè we, Yesu tẽ we kè yo ple Sadusě nópi tyí. A me no de ñ tnô, té à piki yah ne, Liyel tir kònsàhnó nê tẽ se kal sé pólle nɔ?

29 A me yo ñ tyí: «Liyel tir kònsàhnó nê-á kal sé pólle, képah we yò: «Á níkí kwɔ, Yisrayel: Ápi Tě-ñgbě Liyelle, ñmɔ núkúní ó ye Tě-ñgbě Liyelle.

30 Ñ tyí yĩne kè no á tyí á nɔ pólle, ànê á min pólle, ànê á fɔkɔ sɔnɔ pólle, ànê á tãhkì pólle.»*

31 Ké ní-ò we yò: «Á ní-ò tyí yĩne kè no á tyí á gblõy tyí kõle.»† Liyel tir kònsàhnó yó rítě náh tɔ kal sépi nínóle.»

32 Wãh yo sě, Liyel ñgbò wěkì kwó-ò dí me yo ñ tyí ne, kãh ple, pé kwó-ò dí! Tyi nónó-á à yo, gbi-á séle. Tě-ñgběne, ñmɔ núkúní ó-á Liyelle. Liyel yó náh tɔ me ñmɔ tyí náh.

33 Ñmɔ tyí-á yĩne kè no á tyí á nɔ pólle, á fɔkɔ sɔnɔ pólle, á tãhkì pólle. Anê á ní-ò tyí mó no á tyí á gblõy tyí kõle. Képah-á kɔ ple kal á yípě ko suke Liyel kɔ *sárkále, ànê sárká duke téló pólle.

34 Képah sɔkɔ, Yesu kè we ne, ñ lékám-á nɔ, à ké yah we tɔ sah yo. A yo ñ tyí ne, à náh me fíi *Liyel tǔrúle. Képah náh, névi náh tɔ fě syi à piki yah tir yóle.

† 12:19 12.19 - Yah n te Deteronɔmɔ 25.5-10 sɔkɔ. ‡ 12:26 12.26 - Yah n te Yekisodi 3.6 sɔkɔ.

§ 12:27 12.27 - Nónó-á ku sɔkɔ di mónóle, kãh yo ne, Liyel-á pi pépi Liyelle, képah n wěkì ne, pãh me min sɔkɔ. Tir yó náh, Liyelle, kyí Liyel náh ñne. * 12:30 12.29 ànê 30 - Yah n te Deteronɔmɔ 6.4 ànê 5 sɔkɔ. † 12:31 12.31 - Yah n te Levitiki 19.18 sɔkɔ.

Liyel ne tékínmṵṵ n pi Davidi náh nene dükù nêne?

³⁵ Yesu sò me névyele n kwṵ *Liyel wòkò ñgbě kéntáhkì sṵkṵ, té me n yo ne, sò se pi, té *Liyel ñgbò wěkì kwópú n ne n yo ne, *Kristale, nê-á Liyel ne, páh ki tekṵ mṵ, ñmṵ-á ki pi *Davidi náh nene ni?

³⁶ Tir yó náh, Davidi ntě sò kè yo *Liyel Mírki gbò yō ne, Tě-ñgbě Liyel-á kè yo péwṵ Tě-ñgbě tyí ne:

«Kō tě ñmṵ gbòyò sòle,

mé ki á sépébi pi

á gbáhsúkile.»‡

³⁷ Davidi ntě-à ñne n ye ñ Tě-ñgběne, kè ki pi sò, té à ki pṵ n pi Davidi náh nene? Légbíne, tówú ñgbě sò me wey mène n nohnṵ Yesu tyí ñivìni sṵkṵ.

Yesu ne, pè pé gblṵyne n kyṵmṵ Liyel ñgbò wěkì kwópúle

³⁸ Wáh me névyele kwónó sṵkṵ gbí nêne, à yo pé tyí: «Yé yé gblṵyne n kyṵmṵ *Liyel ñgbò wěkì kwópúle. Fwòmṵn ñgbṵ mónkṵnkṵnṵ tyí nṵ pé tyí. Pé n ne me ké tyí ne, névyele n tṵ n sah n weki pé tyí tówú tükè-ntân sṵkṵ.

³⁹ Pě tě-ntân ñgbṵle n yah n kō *Liyel ní-ntân vè sṵkṵ, ñ té né-ñgbṵ tě-ntânne n yah n kō yōke ñgbṵ yó-ntân sṵkṵ.

⁴⁰ Nte ne n syki pékúsyṵ yō, pé gbân yíle n syi yínví sṵkṵ. Nte nírilé n pi yòšékìle ne, névyele pé we. Sě ye pé tukey ki tuke kékéke yó.»

Pékúsê yām ne yó ñivì pólé Liyel kō

⁴¹ Légbíne, Yesu sò me kōntěnlé Liyel wòkò yah, pó dáhnṵ-ńsah kwáh gbòpṵ, té névyele pó dáhnṵ dükùle n yah. Tahbi náhnáh sò me pó náhnáhle n dah n mṵ n pṵ.

⁴² Dō, pékúsê yām ne yó pṵ, pó pló nínó dah mṵ. Sè sò me núkú núkúno nínó óle.

⁴³ Képah sṵkṵ, Yesu ñ *tò sáhpú ye, té yo pé tyí: «Kègbi yō, mé kéle n yo yé tyi, pékúsê yām ne mè-á pó nê dah mṵ kwáh sṵkṵ, kè kal névyele pól tyíle.

⁴⁴ Tir yó náh, no pól pó yō dòhnṵnó ye, pè dah mṵ. Nte, ñmṵ ànê ñ yām tóle, ñ sahki pól ye à dah mṵ, wáh ne pṵ nê tṵ yō n pi.»

13

Yesu Liyel wòkò ñgbě sónó tyí yo sah

¹ Yesu-á n wil *Liyel wòkò ñgbě kéntáhkì sṵkṵ gbí nêne, ñ *tò sáhpú sṵkṵ ne yó me à syah ne, kwó-ò dí, à vè ñgbṵ nṵpi mṵ dükù těne n yah, dyêh pèplṵle dé!

² Yesu me yo ñ tyí: «Á vè ñgbṵ nṵpi mónó we kè! Sé pól ki pṵ seki. Dáhkì núkú ntě náh n wū n pi ké ní-ò yō.»

³ Képah náh, Yesu kyi kō tě Wólívyê sésân yōli yō, Liyel wòkò ñgbě yèsreyné. Wáh me nénpó, Pyeri, ànê Nsyahki, ànê Nsyō, ànê Andrepi pṵ pé yahle, té à piki yah ne,

⁴ gbí nê se tyi nṵpi pól ki n pi n pi ni? Nkě, à yo pé syah. Tyi nónó se ki sé pi gbíne pé wěki ni?

‡ 12:36 12.36 - Yah n te Yìgbìni 110.1 sṵkṵ.

Yèvyǎhrɪ tyah gbíne

⁵ Képah sɔkɔ, Yesu tyah n yo pé tyí: «Yé yé gblɔyne n kyɔmɪ, ne káh yé pilki.

⁶ Névyé náhnáh kɪ pɔ́ n̄mɔ́ yĩn tɔkɔ n pi, té kɪ ne, pépi-á *Kristalɛ. Pè kɪ névyé náhnáh pilki.

⁷ Yáh mál tyíle n nohnɪ gbí n̄ne, yé gbòplo ànê fíí sɔkɔ, yé káh ye tíkí yé tẽ. Sépi ye yĩne sè pi. Nte, képah náh tɔ̀nì kèkɔyó tyénóle.

⁸ Kwil yó kɪ yuku kwil yóle n fwo, yòtẽ yó kɪ yuku yòtẽ yóle n fwo. Té, sétáh syahrɪ kɪ me n pi tyahnó túkù sɔkɔ, ànê kwekɪle. Kè kɪ me, á kɪ ne sè kúrkì tẽ gbí yónó sɔ́.

⁹ Képah ye, yépi tẽ wɔle, yé yé gblɔyne n kyɔmɪ. Tir yó náh, névyé kɪ yéle n tẽ n kyɪ n pɔ́ tukey tükè-ntàn sɔkɔ. Pè kɪ yéle n ko *Liyel ní-ntàn vè sɔkɔ, té kɪ yéle n tẽ n kyɪ n pɔ́ yòtām ànê yòtām n̄gbnɔ tyí n̄mɔ́ yĩnne ne, yé pi n̄mɔ́ tārɸyɔ́nóle pé yah sɔkɔ.

¹⁰ Té sépi-à pópó ne n pi, nìvìnì wey sán n̄gbò yĩne ké ne me yo kɔ́ kèkɔyó kwlo kwlo pól névyé tyí.

¹¹ Nte, pàh yé tẽ n yuku pé gbò dáhbí-nsah, yé káh tɔ̀nì yé fɔkɔle n sɔ́, yáh ne tyi nónó yo n pi. Tyi nónó-à de yé fɔkɔ légbíne, yé kɪ sépi yo. Tir yó náh, tyi nónó-á yé kɪ n yo n pi, sè náh n wil n pi yépi tyí, sè n wil *Liyel Mírkí tyí.

¹² Névyé kɪ pé yúpyé gbàhle n de n mɔ́ ne, pé pé ko mɔ́, súbí tɔ́ kɪ n pi s̄nt̄ne pé w̄n̄p̄i tyí. W̄n̄p̄i tɔ́ kɪ pé dúbípúle n fwo, kɪ péle n dah n mɔ́ kũ sɔkɔ, pé ku ku t̄ne.

¹³ Névyé pól kɪ yé we mɔ́ n̄mɔ́ yĩnne. Nte, névi nê-à n̄ tah sah, à pɔ́ nɔ́ kɪ tyé gbí tyí, tẽ kɪ pwáhn̄mɔ́nɔ́ we.»

Yèvyǎhrɪ n̄gb̄ne

¹⁴ Képah sɔkɔ, Yesu tɔ́ yó sɔkɔ n̄ weyne - nte, wey mè kàrpɪ yĩne pé ké dùkù p̄í. A ne: «Yé kɪ yíkínó pí-ò kèpékè we fí yó, à náh sò yĩne t̄nóle n̄yáh sɔkɔ. Légbíne, nónó-à me Yude, pé yĩne pé to de ymɔ́ sɔkɔ.

¹⁵ Névi nê-à me gb̄nt̄in yó, tẽ-à tiki, à káh ne, páh n de kwáhle n tɔkɔ pé wòkò.

¹⁶ Nê-à se me swáh sɔkɔ, à káh ne, páh pé syɪ n yuku fwòmò-n̄gb̄ tókó-nsah pé t̄inne.

¹⁷ Té kéné sèp̄in kɪ pi tyípékèle syó kúrn n̄t̄an, ànê yókɪ n̄t̄an tyí.

¹⁸ Képah ye, yé Liyelle n ni, kè káh pi kɪ sɔkɔ.

¹⁹ Tir yó náh, kéné sèp̄in kɪ pi yèvyǎhrɪ n̄gb̄ne, nê kénkɔ́ náh we yah, Liyel-á kèkɔyó mɔ́ sɔ́, à pɔ́ syɪ núkúnúkú tyí. Anê s̄nkɔ́ náh tɔ́ we n yah n pi.

²⁰ Nte, Liyel n̄t̄e-à me ké yáhntɔkɔ-n̄k̄ne ne, páh kɪ w̄lk̄inó pi kéné sèp̄in sɔkɔ, n̄n̄t̄ yó n̄t̄e min náh náh n wil n pi ké sɔkɔ. Nte, wáh nónó yah tɔkɔ pi n̄ tyíle, pépi yĩn ye à w̄lk̄inó pi kéné sèp̄in sɔkɔ.

²¹ Képah ye, névi-à yo yé tyí ne, yé yah, *Krista-á me ásô, képah náh pi, wáh me wró mè, yé káh s̄e tẽ yó.

²² Tir yó náh, m̄nyobe túkù kɪ n wil n pi, té kɪ ne, pépi-á Kristalɛ. Túkù kɪ mó tɔ́ wil ne, pépi-á *Liyel t̄nt̄ò syínyopule. Pè kɪ gb̄il duke dukele n

pi, ki n yah n kō Liyel névyé yáhntokono n̄tē pilkí-ńsahle, pàh nàh fē n tē n pi.

²³ Képah ye, yépi tē wole, yé yé gblōyne n kyomi. Mé ye sé pól kwāh yo sah yé tyí.

Névi Pi pónóle

²⁴ Kéne sèp̄in soko, yèvyāhr̄i mē sókónteno nàh, gb̄i ki pi fēntūne, n̄wō nàh tō n piki n pi,

²⁵ n̄wō képye ki wil ȳinyō ki syikuli, ȳinyō tǎhkìnó ki yike.

²⁶ Ké légb̄ine, yé ki *Névi Pi we, à ki n pi n̄yirn wró n̄ tǎhkì n̄gbē ànē n̄ gblò soko.

²⁷ A ki *ȳinyō tēntōbe tek̄i m̄o kèkōyó yey yey pól soko, pé ki n̄ névyé yáhntokono tuke m̄o, à toko yō mē tyí, á p̄o syi yō mē tyí.

Kwónó nê-á kō sènsóké tyí yō

²⁸ Yé kè p̄i kwónó nê-á sènsóké n kō: Ni-à me n ko ké ȳingbàn soko, kē mi pi, yé n p̄i ne, ki de gb̄i-á no.

²⁹ S̄enkō-ó ye: Yáh tyi nópi we, sè n pi, yé p̄i ne, *Névi Pi pónó-á de te, wāh me yúkey.

³⁰ Kègb̄i yō, mé kéle n yo yé tyí, kwey gb̄i névyé pól nàh n ku n te n pi, né tyi nópi pól nàh pi.

³¹ Ȳinyō ànē sétáh ki p̄o soko, n̄te n̄m̄o welo nàh n soko n pi pólle.

Liyel ó ye kèkōyó tyé sóle n pne

³² Té ké lésōle ànē ké gb̄ine, n̄n̄i yó n̄tē nàh kè p̄i: *Ȳinyō tēntōbe nàh kè p̄i, Liyel Pi n̄tē to nàh kè p̄i. Sú n̄kúní ó ye kè p̄i.

³³ Yé yé gblōyne n kyomi, yé mó ne n yah. Tir yó nàh, yé nàh ké p̄o gb̄i p̄i.

³⁴ Kè me, á ki ne dí yó sō n soko kóló, té n̄ f̄ó dahbi n̄ tēntōbe gb̄o. A pé pól ne n̄kú n̄kú wēki pé t̄anne, té yo gb̄o syíkí-ò tyí ne, à káh ne n do, à ne n yah.

³⁵ Képah ye pi yépi to ne n yah, tir yó nàh, yé nàh gbóntē p̄o só p̄i: Kè ki pi n̄v̄ine ni? Kè ki pi lénile ni? Kè ki pi sn̄i gbo gb̄ine ni? Kè ki pi séngb̄ole ni?

³⁶ Wāh n pi, à káh p̄o yé we tē doy soko.

³⁷ Nte, nê-á mé n yo yé tyí, mé kéle n yo no pól tyí: Yé ne me n yah.»

14

Nsyifun̄o yōtām me Yesu kònm̄o-ńsahle n yah n kō

¹ *Paki syáh-á n tyah ȳínintēnole, ké téy sō wū sèp̄in n̄in̄i, té Paki ànē sē-n̄kē búrn syáh ki n syah n pi. Légb̄ine, *sárká w̄ilk̄ipu yōtām n̄gbno ànē *Liyel n̄gbò wēkì kwópú sō me Yesu tē-ńsahle n yah n kō ȳínv̄i soko, n̄ kònm̄o m̄o tēne.

² Pé sō me n yo wē tyí ne, pé nàh fē tir mē pi n pi syáh syáhnó sèp̄in soko, káh ki fē kwil névyé f̄òkòvyāhn̄i yilki m̄o kègb̄ile.

Sè yó p̄o làsèkwēl m̄o Yesu yō

³ Ké lésòlɛ, Yesu sò mɛ Betani kwil sɔkɔ, *tótɛ dí Simo gbô sɔkɔ. Wǎh sò mɛ yónó sɔkɔ gbí nêne, sê yó de yuku pé tnô niri so pèpɛy yóle, làsèkwɛl dan tahlɛ ké yíine. A ké yah yiki mɔ, té ké kwe mɔ Yesu yô.

⁴ Nónó-á sò mɛ nénpó, kè náh sò nɔ tókù tyí. Pè yuku n yo wɛ tyí nɛ, kú se pi, té à làsèkwɛl mɛ yiki sɛ nɔ?

⁵ Kǎh kɔ sò fɛ yām, kɔ kah pó pló kyetóní yô, té kɔ séle yāmtām kô. Té mɛ pé fɔkɔ vyāh pi mɛne kègbɛle.

⁶ Nte, Yesu mɛ yo pé tyí: «Yé ye n yô! Kú pi, té yé n yahle n vyāh? Tyi pèpɛy ye à pi nímɔ tyí sɛ yò.

⁷ Nte, yāmtām kɔ mɛ ànê yéle sòmésó. Yé kɔ fɛ pèpɔrɛle n pi pé tyí, kǎh nɔ yé tyí gbí nêne. Nte, nímɔ tɛ wɔ náh n mɛ n pi yéle sòmésó.

⁸ Pi mɛ pi pi tɛ ye à pi. A kwāh tɛ làsèkwɛl mɔ nímɔ wil yô. A kè tɔ sah tɛ diki sɔkɔ dáhnmɔ yíinne.

⁹ Mé kɔ kè yo yé syah kègbɛ yô nɛ, kèkôyó pól sɔkɔ, nìvìnì wey sán-à n yo nýāh, pi mɛ-á nê pi, kèpah tɔ kɔ n yo. No dyɔ kɔ n kwne n tyíle.»

Yudasi vìnóle Yesu náh

¹⁰ Yudasi Yisikaryotile, Yesu *tò sáhpú népí gbõnimí sɔkɔ yó ye sò nne. Nmɔ sɔkɔ à kyɔ yo *sárká wìlkɔpu yòtām n̄gbnɔ tyí nɛ, páh kɔ fɛ Yesu dahbi pé gbò.

¹¹ Kǎh pi sɛ, n wey mɛ nóhnó kah nɔ pé tyí. Pè mɛ yo sah núkú yô nɛ, páh kɔ pó dan yóle à kô. Kèpah sɔkɔ, Yudasi-á pi sɔ, té à dahbi n pi pé gbò, à tyah kèpah sókó-nsahle n yah n kô.

Yesu pè kô pè Paki yôke pi

¹² Sɛ-nkɛ búrn syáh tyah sòle, Yesu *tò sáhpú à piki yah nɛ, nýāh sɔkɔ se à mɛ ké tyí nɛ, pé kyɔ *Paki yôke pi n tyí nɔ? *Nsyifunɔ nkɛne Paki kèpyɛnne n ko lésòle, kèpah ye.

¹³ Kèpah sɔkɔ, à n tò sáhpú népí nímí wilki tɔ, té yo pé tyí nɛ, pè kyɔ kwil sɔkɔ. Pǎh kɔ de n tɛ, pǎh kɔ dí yó yohni, à kɔ mɛ ni pín twah. Pè n sò tɛ.

¹⁴ Wǎh kɔ kyɔ de gbô nê, pè yo kɛne gbô nétɛ tyí nɛ, kwó-ò dí-á nɛ, wòkò nê sɔkɔ se pé kɔ pɔ n yô n pi Paki yôkele ànê pé tò sáhpúle nɔ?

¹⁵ Wǎh kɔ pè wɛkɔ yínyô wòkò sɔkɔ táh n̄gbɛ yóle. Yíyìn pól-á kɔ mɛ tǔnsàhnóle ké sɔkɔ. Ké nénpó sɔkɔ-á pè kɔ Paki yôke pi pé tyí.

¹⁶ Wǎh yo sɛ, n tò sáhpú kyɔ kwil sɔkɔ, té pè ntyínɔ kyɔ tyi pól wɛ, wǎh sò kè yo sɔ pé tyí. Pè mɛ Paki yôke pi nénpó sɔkɔ.

¹⁷ Kèpah sɔkɔ, níví-á pɔ nɔ, à pɔ de ànê n tò sáhpú népí gbõnimine.

¹⁸ Pǎh sò mɛ yónó sɔkɔ gbí nêne, à yo pé tyí nɛ, kègbɛ yô, pépi sɔkɔ nɛ yó-á kɔ pɔ n vi n pi péwɔ náh, nê-á mɛ n yô péle fí núkú.

¹⁹ N tò sáhpú-á kèpah noh, pé yah kwɔ kègbɛle. Pè tyah nne n piki yah núkú núkúle. Nyɔ n nɛ, péwɔ se nɔ, nýɔ n nɛ, péwɔ se nɔ?

²⁰ A yo pé tyí: «Yépi népí gbõnimí sɔkɔ, nê-á mɛ n di nímɔle tɛngbil núkú sɔkɔ, tɛ wɔ ye.

²¹ Kègbɛ yô, *Névi Pi kɔ n ku n pi, sɔ-á sò *Liyel wey sébɛnó kè yo sah n tyí sɔkɔ. Nte, tyípékè n̄gbɛ ye kéle n gbàh dénɔ-ò tyí! N dúbí-ńkɛ ye náhkɔ fónfó n dúbínó yô.»

Yesu yôke tɛyne

22 Képah sɔkɔ, yõke yõ gbĩne, à búrn tɔkɔ, té wɛkɪ Liyel tyí, té kɪ kwɔkɪ dibi pè kɔ́, té yo pé tyí: «Yé syi kéle, nɔmɔ wil ye.»

23 Képah náh, à me ðivě wɔ wɔ kwáh tɔkɔ ðivěne ké sɔkɔ, té weyne Liyel kɔ́, té kéle n̄ *tò sáhpú kɔ́ pé pól wɔ ké sɔkɔ,

24 té yo pé tyí: «Képahle, nɔmɔ tó ye, nê-á kɪ névyé yégbékè kwɔɔ mɔ ànê Liyelle. Kè kɪ kwe tówû yinne.

25 Mé kéle n yo yé tyí kègbɪ yõ: Mé náh tɔ ðivě wɔ n yah n pi. Mâh pópó ðivěne n wɔ tɔ́ n̄tɔ́, ðivě sán yó ye *Liyel yõtɔ́rí tyah sɔkɔ.»

Yesu ne, Pyeri-á kɪ n̄ vyãh kɔ́li pé tyí sɔkɔ

26 Képah náh, pè Liyel gbílkínó yì gbɪ. Pãh gbɪ te, pè yuku Wólívyê sésân yõh yõ.

27 Pãh kyɪ nénpó, à yo pé tyí: «Yé pól kɪ nɔmɔ yahle n pi. Sõ-á *Liyel wey sébēnó kè yo sah ne, yípénfě-á kɪ ko mɔ, té yípêy pól-á kɪ to karkɪ gbòplɔle.»*

28 Képah náh, à tɔ́ yõ sɔkɔ yo pé tyí: «Mâh pɔ yuku ní kúntenɔ náh gbí nêne, mé kɪ kyɪ yéle n syɪkɪ Kalile sɔkɔ.»

29 Képah tēne, Pyeri me yo n̄ tyí ne, téló pól-à kɪ sɔ́ à yahle, péwɔ tē wɔ náh à yahle n pi.

30 Nte, Yesu me yo n̄ tyí ne, páh kéle n yo n̄ tyí kègbɪ yõ, kwey lékâh mē sɔkɔ, sénpe-à kɪ pópó n gbo ke nínó, wãh kɪ me n̄ vyãh kɔ́li te ke tónó ne, pé náh péwɔ pĩ.

31 Nte, Pyeri tɔ́ kè tɔ́ yo yí n̄ tyí ne, kũ fyé-à sɔ́, páh kɪ ku ñne. Pé náh n yo n yah n pi pólle ne, pé náh ñne n pne. Pé no téló pól tɔ́ yo sē.

Yesu n̄rí pínóle Yesemani sɔkɔ

32 Képah náh, pè sɔkɔ tyah yó, n̄yãh-á pè n ye Yesemanine. Pãh yini tē nénpó sɔkɔ, à yo n̄ *tò sáhpú tyí ne, pè tē ásô, pé mó kyɪ Liyel ni pɔ.

33 Wãh n sɔkɔ, à Pyeri ànê Nsyaki, ànê Nsyõ tē sɔkɔ. Té légbĩne, n̄ fɔko sò me fěkɪ, té tiki me à kah tē.

34 Képah sɔkɔ, à yo pé tyí: «Yèkwɔrɪ me ní sɔkɔ, kè sɔ́ ñne n ko. Yépi tē ásô, té yé káh ne n dɔ!»

35 Té yuku yah t̄inne kwéy, à kyɪ gbètukunɔ di, té yo Liyel tyí ne, káh kɪ fě pɪ n pi, à pé wilki kwlónó mē sɔkɔ.

36 A tɔ́ yo pé kwil wey sɔkɔ: «Aba, bõ, tyi pól me áwɔ gbò. Nɔmɔ wilki yèvyãhrɪ mē sɔkɔ. Nte, nê-á me ké sɔkɔ, nɔmɔ dyɔ yí tē káh pɪ, té áwɔ tyí mó pɪ.»

37 Wãh níri pɪ te, à n̄ syɪ pɔ tò sáhpú népĩ t̄mí nópi tnô, à pɔ pè we pè me n dɔ. A yo Simo Pyeri tyí: «Á me n dɔ kè? Á náh tē we yah kwéy kè no lér núkú n̄tēne kè.

38 Yé gbah tē yé ne n yah, yé mó Liyelle n ni, yé káh pɔ *sétõ t̄nmonɔ fě syi. Fɔko s̄onɔ pèpey me névi sɔkɔ, té ké pínó tãhkì náh me n̄ sɔkɔ.»

39 Wãh yo te pé tyí sē, à yal pé tnô, té tɔ́ kyɪ níri pɪ gben tē tyí kòle.

40 Képah náh, à n̄ syɪ pɔ n̄ tò sáhpú tnô n̄tɔ́. A pɔ pè we, dɔy me tē we pé tyí. Yo yo tir náh tɔ́ we pé tyí.

41 Wãh tɔ́ kyɪ pɔ ke t̄-òle, à yo pé tyí: «Yé me sē tē yéle n mɪ kè? Kè tyé! Ké gbí nɔ. Núkúnúkú, *Névi Pi kɪ dahbɪ népél gbò.

* 14:27 14.27 - Yah n te Sakari 13.7 sɔkɔ.

42 Yé yuku á sɔkɔ! Yé yah, névi nê-á nímɔɛ n dahbɪ pé gbõ, tẽ pɔ tɛ.»

Yesu tẽnóɛ

43 Wǎh me képah yónó sɔkɔ sɛ, à náh tǔnì yo tɛ, té Yudasi, nê-á n *tò sáhpú népí gbõnimí sɔkɔ yóɛ, n̄mɔ yĩn méfwóbé nékwínkí yísyó yah, à pɔ kèkírɔn ànê léplóɛ pé gbǎn. *Sárká wílkɪpu yõtǎm n̄gbnɔ ànê *Liyel n̄gbò wěkì kwópú ànê yèwǎhnì ye sò tɛkɪ mɔ péɛ.

44 Té nê-á sò Yesu dahbɪ n pi pé gbõ, à sò me pi òkù yóɛ pè wěkɪ sah. A nɛ, páh kɪ pɔ wɛkɪ nê tyí tɛ à pɔrɪ tẽ, n̄mɔ-á. Pè à tẽ, pè mó n̄nɛ n kyɔmɪ n yuku palle.

45 Képah sɔkɔ, wǎh núkú pɔ yĩni tẽ Yesu tyí, à wɛkɪ n tyí nɛ, pé kwó-ò dí, té núkú à pɔrɪ tẽ.

46 Kǎh pi sɛ, no nópi núkú pɔ tuke Yesu yõ, à à tẽ.

47 Yesu tò sáhpú sɔkɔ yó núkú n kèkírɔkɪ yɔrɪ dɛ, à sárká wílkɪpu yõtẽ n̄gbẽ tǔnpɪ yó níkí kǔ kǎm.

48 Képah sɔkɔ, Yesu me yo pé tyí: «Yé pɔ n̄mɔ tẽ-n̄sah kèkírɔn ànê léplóɛ yé gbǎn, á kɪ nɛ kèlékẽ névi sǔ n̄nɛ.

49 Swõ swõ pólɛ, mé sò n̄kɛnɛ n nɛ n me yé wró *Liyel wòkò n̄gbẽ kéntáhkì sɔkɔ, névyɛɛ n kwɔ. Té yé náh n tẽ. Nte, tyi nóno-à yo *Liyel wey sébɛnó sɔkɔ, sépi píntũnɔ yĩn ye.»

50 Képah sɔkɔ, n tò sáhpú pól to karkɪ, té à sah.

51 Té kètɛnpíkì yó sò me Yesu sò tẽ, fwòp̄n núkú ó ye sò à pil. Pè à tẽ n fwòp̄n tyí,

52 à mó kè fe dɛ mɔ, té to sɔkɔ n sɛnpũnɛ.

Yesule Nsyifunɔ tukey tükèpu yah

53 Képah náh, pè Yesu tẽ yuku *sárká wílkɪpu yõtẽ n̄gbẽ gbô. Ké n̄n̄pó sɔkɔ, sárká wílkɪpu yõtǎm n̄gbnɔ, ànê yèwǎhnì, ànê *Liyel n̄gbò wěkì kwópú wẽ tuke mɔ.

54 Té Pyerɪ sò me Yesu sò tẽ wil fíí sɔkɔ, à pɔ wɛ de sárká wílkɪpu yõtẽ n̄gbẽ gbô, à kyɪ nyàhle n wne gbô táh sɔkɔ ànê yõtẽ dí tǔnpɪbɪɛ.

55 Sárká wílkɪpu yõtǎm n̄gbnɔ ànê *Nsyifunɔ tukey tükèpu pól sò me n yah n kǔ nɛ, pé tir yó wɛ sah Yesu yõ, pé à wɛ ko mɔ. Nte, pè náh me v̄i-n̄sah wɛ ké tyí.

56 Tir yó náh, m̄nyobe tàrfyònó náhnáh sò me. Pé náhnáh sò me n wil m̄n̄n̄nɛ n yo n sah n yõ. Té pépi n̄tẽ náh sò me sah wẽ tyí yõ.

57 Túkù me n yuku lékàhle n̄nɛ n kǔ nɛ,

58 páh noh à me n yo nɛ, péwɔ-á kɪ *Liyel wòkò n̄gbẽ mè sɔ, nê-á névi mɔ, té kɪ kè tǔ mɔ sèp̄n tǔnì wró, nê náh n pi n pi névi gbõ m̄n̄n̄nɛ.

59 Nte képah fyé yõ, m̄nyobe tàrfyò nópi náh me sah tírr wẽ tyí yõ.

60 Képah sɔkɔ, sárká wílkɪpu yõtẽ n̄gbẽ yuku yĩn no pól yah, té Yesu piki yah nɛ, tir kó me n tyí yo yo tɛnɛ nɪ, páh me tyi nóno pólɛ n yo n sah n yõ?

61 Nte, Yesu náh vi mɔ n tyí, à náh tir yó yo n tyí. Sárká wílkɪpu yõtẽ n̄gbẽ tǔ n syɪ à piki yah nɛ, n̄mɔ se *Kristalɛ, Liyel-á nɛ, páh kɪ nɛ tɛkɪ mɔ nɪ? Liyel, nê-á pé pól me n gbilki, n dórí pi se n̄nɛ nɪ?

⁶² Yesu me yo n tyí: «Áwe, nmo ye. Té yé ki *Névi Pi we kǒntěnlé tyi pól Tě Liyel gbòyò sòle, ki me n tiki n pi nýirn soko.»†

⁶³ Képah soko, sárká wĩkĩpu yõtě ñgbě foko kah vyāh. Fòkònyāhnì tě tyí, à ñ fwòmɔn yɔri tɔ, té me n yo ne, pé se noh ni? Tàrfyò yah yah tě náh tǔ me ké soko.

⁶⁴ Pè kó Liyel tyí wékíndenɔ noh n tyí ni? Pè se ne, pé pi sǔ ñne ni? Névyé pól yuku yo ne, wāh yĩne kònmɔnɔle.

⁶⁵ Pé tókù yuku n sɪn n mɔ n pɔ n yǔ. Pè ñ yah vike tũ, té ñne n mikɪ n pɔ gběnkukurinóle. Té yo n tyí ne, à yo pé syah, nê-á mi ñne. A kè sāh n pĩ. Képah soko, tukey tükèpu tǔnpɪbi Yesu tě ñ létáhlóle n kǒli.

Pyeri ne, pé náh Yesu pĩ

⁶⁶ Képah soko, Pyeri sǔ me gbyêh sǔ, gbô táh soko. Té *sárká wĩkĩpu yõtě ñgbě tǔnpɪ pi yó pɔ.

⁶⁷ Wāh Pyeri we à me nyāhle n wne, à à gbah yah, té yo n tyí ne, ñmo tɔ-á sǔ me Nasareti kwil Yesule!

⁶⁸ Nte, Pyeri me ñ vyāh kǒli té ne, pé náh à pĩ, péwɔ ntě náh me ñ wey mè syíkí-ńsah we dé. Wāh yo sě, à wil kyɪ yĩn kélé yah.

⁶⁹ Képah těne, pi mè-á tǔ kyɪ à we, nónó-á sǔ me nénpó, à tǔ képah núkú ó yo pé tyí ne, dí mène, pépi soko ne yó-á!

⁷⁰ Pyeri me tǔ ñ vyāh kǒli. Dǔ, névyé nónó-á sǔ me nénpó, pépi tǔ tyah n yo Pyeri tyí ne, yékâb náh n me ké soko. Wāh n wil Kalile soko, no nǔpi soko ne yó-á ñ tǔle.

⁷¹ Képah soko, Pyeri tyah ñ gblǔyne n wo pélpèl ne, dí nê tyí-á pé n yo pé tyí, pé náh ñne n pne gbógbó.

⁷² Nénpó swɔ, sɛnpe gbo ke ní-òle. Képah soko, Pyeri dyɔ to kǔ Yesu wey tyíle, wāh sǔ nê yo n tyí ne, sɛnpe-à ki pópó n gbo ke nínó, wāh ki me ñ vyāh kǒli tɛ ke tǔnó ne, pé náh péwɔ pĩ. Képah tě soko, wāh képah sǔ, à tyah n gbo.

15

Pè Yesu tě yuku Pilati tyí

¹ Képah soko, séngbǔ púpúle, *sárká wĩkĩpu yõtām ñgbnɔ, ànê *Liyel ñgbò wěkì kwópú, ànê yèwāhnìne, pépi pól ye sǔ pi *Nsyifunɔ tukey tükèpu yõtāmne. Pépi wě tuke mɔ Yesu tyí soko. Képah těne, pé à tě pukubi, té kyɪ ñne *Pilati gbǔ dahbi.

² Pilati me à piki yah ne, ñmo se Nsyifunɔ yõtěne ni? A me yo n tyí: «Áwɔ ye yo kéle.»

³ Képah soko, sárká wĩkĩpu yõtām ñgbnɔ me lékähle à kǔ tyi nāhnáh soko.

⁴ Képah náh, Pilati me tǔ à piki yah ne, à kó tir yó yo n pi ni? Tyi nónó pól-á n yo n sah ñ yǔ, à kó sè noh ni?

⁵ Nte, à náh tǔ vi mɔ. Képah Pilati yáh-ńsah tye.

Pè Yesu gbàh de mɔ kũ kǔ

⁶ Ye ye pólle, *Pakɪ syáh-à n syah, *Pilati níkěne wòkònpèkè soko ne núkú yó fin mɔ, nê tyí-á nɔ tówú tyí.

† 14:62 14.62 - Nê-á Liyel tǔntǔ syíno-ó yo sah Daniyel 7.13 soko, Yesu ne, pé gblǔy tyí-á pé n yo.

7 Páh Yesu tẽ kyɪ Pilati t̃inne gbí ñne, dí yó sò me wòkònpèkè sòkò, pè n ye Barabasile, ànê pé nolè. Pè sò ñkókè mɔ gbí nê-á sò pè me yahle sàhnóle *Wromenɔ tyí yõ.

8 Képah t̃ene, tówú yuku kyɪ de Pilati t̃inne, à kyɪ tyah òne n ni ne, wáh dar, té tir ñne n pɪ pé tyí Pakɪ syáhnó sòkò, wáh náh kè pɪ pé tyí.

9 Pilati mó yo pé tyí ne, pè se ne, pé *Nsyifunɔ yõt̃è ògb̃e fin mɔ nɪ?

10 A sò kè p̃i ne ñk̃e, dyɔ yónó-á *sárká wìlk̃ipu yõt̃ám ògb̃nɔ k̃ò pè Yesu dahbɪ péwɔ gbò.

11 Té sárká wìlk̃ipu yõt̃ám ògb̃nɔ sò me gbah t̃e tówúle n kurki n mɔ ne, pè yo ne, à Barabasi wilki fin mɔ pé k̃ò.

12 Pilati pè piki yah t̃ò ñt̃ò ne, s̃ò se pé kɪ pɪ dí m̃ene, nê-á pè n ye Nsyifunɔ yõt̃ene nɪ?

13 Pè t̃ò gbo mɔ, té me yo: «Yé à syɪ *dahni yõ!»

14 Pilati yo pé tyí ne, tyípékè nê se à pɪ nɪ? Pè t̃ò t̃ò gbo mɔ nàhnáh ñk̃e, à syɪ dahni yõ.

15 Képah sòkò, Pilati Barabasi fin mɔ. A sò me tówú ñṽile n yah n k̃ò, képah ye. A pè k̃ò pè Yesu ko yèf̃òhle, té òne sràhsyíbí k̃ò ne, pè kyɪ à syɪ dahni yõ.

Sràhsyíbí k̃òle Yesu ko

16 Képah t̃ene, sràhsyíbí Yesu t̃e yuku gbò nyó yõt̃è dí t̃e-nsah, té pé no pól ye tuke mɔ.

17 Páh kɪ pɪ s̃ò, té kɪ k̃òle à we n ko n pi, pè fwòmɔn syáh pèpey yó mɔ à k̃ò té, yòk̃ò pɪ p̃àn ỹile, à dyɪ à k̃ò t̃òrí yókúrí swɔ.

18 Té tyah n yo ò tyí ne, páh n wekɪ ò tyí, *Nsyifunɔ yõt̃è ògb̃e,

19 té òne n mikɪ ò yõ sòkò gbè-ñs̃inne, té n s̃in n mɔ n pɔ ò yõ. Pè gbètukunɔ di, à kò kw̃inki sétáh ò yah sòkò.

20 Páh k̃òle à ko te, pè fwòmɔn syáh mè de ò wil. Té t̃ò ò flo tokò mɔ à k̃ò. Képah náh, pè wil òne kégbó sòkò ò syɪ ỹinne *dahni yõ.

Pè Yesu syɪ dahni yõ

21 Sireni ne yó sò me, pè n ye Simole, Alekisãdre ànê Wurfu súle. Légb̃ine, òmɔ sò me wil swáh, me pɔ n sòkò. Sràhsyíbí à kyí mɔ, à Yesu syɪ syɪ *dahni mè twah.

22 Pè yuku Yesule tyah yó sòkò, ñyáh-á pè n ye «Kolkotale», yògbèkè tyahle.

23 Té pè me syɪbɪ yó f̃ekɪ mɔ òṽe sòkò à k̃ò ne, à wɔ, té à yahle.

24 Képah náh, sràhsyíbí à syɪ dahni yõ, té me òdan mɔ à ò flo dibi w̃e tyí.

25 Páh à syɪ gbí ñne, gbí me p̃ont̃okɪ sòkò.

26 Páh à syɪ yõ nê yõ, pè kè w̃arkɪ syɪ ò yõt̃ah sésár s̃enó yõ ne: «*Nsyifunɔ yõt̃è ògb̃e».

27 Té me t̃ò k̃elék̃e névye nép̃i nímí syɪ dahlo yõ ò gbòplo, ò gbòyò ànê ò gb̃ỹiñe s̃ò. [

28 Képah sòkò, nê-á yo sah *Liyel wey séb̃enó sòkò ne: «Pè à mɔ k̃ò tyíp̃el pípú sòkò»*, kè ñtỹiño pɪ s̃e.]

* 15:28 15.28 - Képah sò yo Yesayi 53.12 sòkò.

29 Képah tēne, wěkɔbi sò me òne n gbyɔ n sɔkɔ, té me pé yòle n kal, me yo tũ n tyí ne, ðð, òmɔ nê-á sò ne, páh kɪ *Liyel wòkò ògbě sɔ, té kɪ kè tɔ mɔ sèpìn tɔ̀nì wró,

30 à ò gblɔy pwah n mɔ, à mó tiki dahni yò!

31 Képah núkú-ó ye, *sárká wìlkìpu yòtām ògbnɔ ànê *Liyel ògbò wěkì kwópu sò me kóle òne n ko, té me n yo wě tyí ne, wǎh névye tókù pwah mɔ, té à nǎh fě ò gblɔy pwah n mɔ!

32 Òmɔ-à kɪ ne Liyel-á ne, páh kɪ ne tekɪ mɔ Yisrayel yòtēne, à tiki dahni mè yò! Páh kɪ képah we, páh kɪ sě ò yò. Té nónó-á sò me syínóle dahlo yò ò gbòplɔle, pépi tɔ me òne n gbyɔ.

Yesu kúnóle

33 Gbìntɔ pòle, lékǎh mɔ sétáh pól yò sɔkɔ, fók à pɔ nɔ gbèkām gbí tyí.

34 Gbèkām gbí-á nɔ, Yesu kah de syi, té yo pé kwil wey sɔkɔ: «Eloyi, Eloyi, lama sabaktani?» Képah n yo ne: «Ñmɔ Liyel, òmɔ Liyel, kú pɪ, té á n fín mɔ?»

35 Nónó-á sò me nénpó té kè noh, pé tókù sò me n yo ne, pè tɔkɔ noh, wǎh me *Yelile n ye.

36 Képah sɔkɔ, pé sɔkɔ ne yó me to kyɪ sènsúkúrí tɔkɔ dahbi wilki yòyòkì ni sɔkɔ, à dyɪ gbey yó vyǎh tyí, à pɔ nɔ ò tyí ne, à wɔ, té me yo tũ ne, pé ye yah òkǎh Yeli-á kɪ ntyínɔ pɔ à tiki mɔ n pɪ *dahni mè yò ni?

37 Képah nǎh, Yesu me de syi, té pyě ku.

38 Nénpó swɔ, fwɔ nê-á *Liyel wòkò ògbě fɔkɔ táh dibi nínó, kè tɔ, à tɔkɔ ké yòtah, à pɔ syɪ sétáh tyí.

39 Sràsýíbí lèkwě yòtē dí nê-á sò me yínntēnóle, té ò ku dùkù we sě, à ne: «Gbɪ yò, dí mène, Liyel pi ye ntyínɔ sò òne.»

40 Syó yísyó tɔ sò me yín tē fíí, me n yah. Pépi wró sɔkɔ Makadala kwil Mari, ànê Mari nê-á Nsyakɪ pir ànê Yose yúne, ànê Salome sò me.

41 Pépi ye sò Yesu sò tē, ò tòle n pɪ Kalile sɔkɔ. Syó kwĩnki yísyó tɔ sò yuku òne Yerusalemɪ sɔkɔ.

Yesu yínóle diki sɔkɔ

42 Páh Yesu ko mɔ só nê nviné, ké dèndal ye sò pɪ *Nsyifunɔ *mɪ mɪ yòhle.

43 Arimatɪ kwil ne yó sò me, pè n ye Yosefulé. Nmɔle, Nsyifunɔ tukey tókèpu sɔkɔ ne pèpey yó ye sò òne. Nmɔ tɔ sò me *Liyel tɔ̀rí pónóle n syɪkɪ. Nmɔ ò nɪ syǎh, à kyɪ Yesu lékó ni *Pilati tyí ne, à òne pé kɔ, pé kyɪ à yí.

44 Pilati-á noh ne, Yesu-á núkú ku te, kè ò yáh-ńsah tye. A sràsýíbí yòtē dí ye pɔ piki yah ne, ò kúnó di se mo ni?

45 Wǎh ké gbɪ noh te sràsýíbí yòtē dí tyí, à mó wěkìle Yosefu kɔ ne, à kyɪ Yesu lékó tɔkɔ.

46 Képah sɔkɔ, Yosefu kyɪ fwòpìn dwe. A kyɪ Yesu lékó de *dahni yò, té à plo fwòpìn mè sɔkɔ, à dah mɔ diki sɔkɔ, nê-á tũ tekɪ sɔkɔ, té dáh-ògbě yó pil pɔ vike ké yah.

47 Légbíne, Makadala Mari ànê Yose yú Mari mó Yesu dahnmɔ-ńsah yah pɔkɔ mɔ sah.

16

Yesu yuku wil diki sɔkɔ

¹ *Mɪ mɪ yòh-á sɔkɔ, Makadala Mari, ànê Nsyakɪ yú Mari, ànê Salome kyɪ làsèkwɛl dwe Yesu yõ mɔ mɔ tɛnɛ.

² Dimasyi só séngbɔ́ púsó, gbí gbo gbíne, pè yuku diki yõ.

³ Syó nópi me n yo wɛ tyí ne, nê se kɪ dáh-̀ngbɛ̀ mè yɪkɪ mɔ pé kɔ nɪ?

⁴ Té pãh ne, pé yah, pè dáhkì mè we pílntonɔle diki yah sɔkɔ.

⁵ Pè de yuku diki sɔkɔ, té kyɪ kètɛnpíkì yó we, à me fwòm̀ǹpíkì mɔ kɔ tɛ gbòyò̀ sòle. Tíkì pè kah tɛ.

⁶ Té kètɛnpíkì mè me yo pé tyí: «Yé káh tíkì pɪ! Nasareti Yesu ye yé n yah n kɔ, nê-á pè syɪ *dahni yõ. A yuku wil diki sɔkɔ. A náh me ásó. Yé pɔ yah n sɛ-̀nsahle.

⁷ Yé kyɪ yo Pyerɪ ànê pé no téló tyí nkɛ̀, wãh me péle n syɪkɪ Kalile sɔkɔ, sɔ-á lésó à kè yo sah pé tyí.»

⁸ Syó nópi-á képah noh sɛ̀, pè wil diki, à to sɔkɔ wil syahrɪ sɔkɔ tíkì tɛ tyí. Pè náh me n yo n mɔ ne tyí, tíkì kàhntɛ̀nɔ̀ tɛ tyí.

Yesu ǹ gblɔ̀yne Makadala Mari wɛkɪ

[
⁹ Dimasyi só séngbɔ́ púsó, Yesu yuku wil diki sɔkɔ. A ǹ gblɔ̀yne Makadala Mari ǹgbò wɛkɪ, wãh lésó *sétàn kwãrninɔ̀ yĩni wilki pi nê sɔkɔ.

¹⁰ Makadala Mari kyɪ kè yo Yesu *tò sáhpú tyí. A kyɪ pé we kũ yèkwɔrɪ gbní sɔkɔ.

¹¹ Pãh noh, Mari n yo pé tyí ne: «Yesu me ǹ vile! Nmɔ ye à we!», pè náh sɛ̀ ǹ yõ.

Yesu ǹ gblɔ̀yne ǹ tò sáhpú népî nímí wɛkɪ

¹² Képah náh, Yesu *tò sáhpú népî nímí sò me kwílpír yó wɛkì tɛ. Pãh me kéne wɛkì yõ, Yesu ǹ gblɔ̀yne pè wɛkɪ dùkù yóle.*

¹³ Pè pé syɪ kyɪ ké yah yo pé no téló tyí, té pépi to náh tɔ sɛ̀ pé yõ.

Yesu ǹ gblɔ̀yne ǹ tò sáhpú népî gbõnúkú wɛkɪ

¹⁴ Sépi pól sókóntɛnɔ̀ náh, Yesu ǹ gblɔ̀yne ǹ *tò sáhpú népî gbõnúkú wɛkɪ pé yòke yò gbíne. A pé yahle n yo pé níkì sékélkè, ànê pé tir yõ sɛ̀-̀nkɛ̀ yinne. Pãh sɔnrɪ yahle pé vi wépu yõ sɛ̀nóle pé kúntɛnɔ̀ náh.

¹⁵ Képah sɔkɔ, à yo pé tyí: «Yé kyɪ ǹv̀ǹ wey sánnɛ n yah n yo n kɔ kèkòyó névye pól tyí.

¹⁶ Névi nê-à sɛ̀ ké yõ té *wèlnwìlkìnó we, ǹmɔ kɪ pwah. Té nê-à sɛ̀ nkɛ̀ne ké yõ, ǹmɔ kɪ wũ ké sɔkɔ.

¹⁷ Té nónó-á sɛ̀ ké yõ, yé kɪ pè pĩ pé tyípínó sɔkɔ: Pè kɪ *sétanne n yĩni n wilki névye sɔkɔ ǹmɔ yĩn yõ, té kɪ welo snóle n wekɪ,

¹⁸ té kɪ fɛ wahy tɛ pé gbòle, té kɪ fɛ kwáh pèkè wɔ, té kè náh tir yó pɪ n pi pé sɔkɔ. Anê pãh pé gbàn sah yámpú yõ, pè kɪ de.»

¹⁹ Tɛ̀-̀ngbɛ̀ Yesu-á yo te sɛ̀, à yõ dɔkɔ sɔkɔ yĩnyõ, à kyɪ kɔ tɛ Liyel gbòyò̀ sò.

* **16:12** 16.12 - Képah ye yo dal mɔ Luki 24.13-35 sɔkɔ.

²⁰ Képah náh, tò sáhpú me ky tyah nìvìnì wey sáñne n yo n kǒ ywǒ ywǒ pól sòkò. Tě-̀ngbě sǒ me péle n yohni mǒ kéné tò sòkò, me gbìl tyile n pi, tyi nóno-á n wěki ne gblò-á pé welole.]

Likyi-á nìv̀nì tir nê wãrkı Yesu tyí sɔkɔ

Likyi-á nê yo ñ sébéy tyí yõ

- ¹ N dí Tewofil, tyi nónó-á pı á wró, névye náhnáh tyah me séle n wãrkı.
² Pè sè wãrkı, sã-á tãrfyòno yo séle á tyí, pépi nónó-á sò we séle sé tyah gbí òkùle, té sò me Liyel wey yópúle.
³ Képah ye, nımo to me tyi nópi níy tẽ palle, nónó-á pı, à toko ké tyah gbí tyí. Té me ké tyí ne, nımo to sè wãrkı ñ kò sé wèkì yõ, sãh pı syı wè tyí sã, n dí Tewofil.
⁴ Képah sɔkɔ, á kı pı ne, wáh kwónó nê we, gbı-á kéle.

Yınyõ tẽntò yó pɔ Wèlnwìlkì-ò Nsyõ dúbínó tyí yo sah

- ⁵ Yerɔdı-á sò me yõtẽne Yude kwil yõ sɔkɔ gbí nêne, sárká wìlkıpu yõtẽ yó sò me, pè n ye Nsakarıle. Sárká wìlkıpu yõtãm nónó-á sò Abya tĩnkile, pépi sɔkɔ ney yó ye sò ñne. N kyı Yelisabetı tole sò, sárká wìlkıpu yõtẽ ñgbẽ Arõ náh ney ye ñne.
⁶ Pé nımı sò me néglóle Liyel yah. Pè sò me Liyel tyi kònsáhnó pólle n pı, té me ñ tyíyonè pól tẽ yí.
⁷ Nte, pé nımı sò dye te, Yelisabetı náh sò fẽ pi we n pi, képah ye pi náh sò me pé tyí.
⁸ Só yóle, Nsakarıpi tĩnkı tò pı gbı-á pɔ no, à sò me tole n pı Liyel yah péle.
⁹ Pãh dar té sãhntokɔnole n pı sã, kè sò pɔ yĩne ñmole. A sò yĩne à de Liyel wòkò ñgbẽ sɔkɔ, à sèkukuri pãn pèpey suke Tẽ ñgbẽ Liyel yah sɔkɔ.
¹⁰ Légbıne, tówú pól sò me Liyelle n ni kégbó sɔkɔ, wáh wòkòle n yõ gbí nêne.
¹¹ Wáh me képah sɔkɔ, yınyõ tẽntò yó wil ñ yah, té me yĩn tẽ wòkò yõ yõ kwáh gbòyò sòle.
¹² Nsakarı-á à we gbı nêne, tiki à tẽ, ñ lékám fẽkı.
¹³ Nte, yınyõ tẽntò mè yo ñ tyí: «Nsakarı, káh tiki pı, á Liyel nínó ye tẽ. A kyı Yelisabetı kı dınpir dubi á tyí, té á kı ñ yĩn sah Nsyõne.
¹⁴ N dúbínó kı pı nìv̀nì ñgbẽne áwo ànê névye náhnáh tyí,
¹⁵ ñ né-ñgbẽ pónpıno yĩnne Tẽ ñgbẽ Liyel yah. A náh ñvẽ wo n pi, à náh tã kónó yó ñtẽ wo n pi, té kı me yúkúnóle Liyel Mirkı táhkile ñ dúbı-ńkẽ gbí òkùle.
¹⁶ A kı pɔ Yisrayel névye náhnáh kò, pè kı pé syı pɔ pé Tẽ ñgbẽ Liyel tyí.
¹⁷ A kı n kɔ Liyel yah Yeli pı òkù ànê ñ táhkile ñ sɔkɔ. A kı pɔ súbí ànê pé wẽnpı wró tã sah, té kı nõhnì-ńkẽpú vi mo pı nõhnìpule. A kı névye tã sah vi mo Tẽ ñgbẽ kò.»
¹⁸ Wáh yo sã, Nsakarı yo ñ tyí ne, péwo ànê pé kyıle, pé nımı-á dye te. Káh pı sã, sã se pé kı fẽ pı ne, gbı-á à yo nı?
¹⁹ Képah sɔkɔ, yınyõ tẽntò yo ñ tyí: «Kabrelı ye nımole, nê-á n yĩn Liyel yah, à ñ tole n pı. A n tekı mo ne, mé pɔ nìv̀nì wey mè yo á tyí.

20 Nte yah, á náh sě ní welo yõ. Té, sè kɪ mó tǒ pɔ n pɪ n tũ n pi sé gbí sɔkɔ. Képah ye, á vyãh kɪ gbɪ tẽ, á náh tǒ fẽ n wekɪ n pi fóó, kɪ pɔ no tyi nópi píntũ só tyí.»

21 Légbíne, tówú sò me Nsakarɩle n syɩkɩ. Té n kàhnmonɔle Liyel wòkò ñgbě sɔkɔ, képah sò me pé gbàn du.

22 Nte, Nsakarɩ-á pópó n wil, à náh me fẽ n yo n mɔ pé tyí. Kãh pɪ sě, no pĩ ne, gbil tir yó-á wil n yah Liyel wòkò ñgbě sɔkɔ. A sò me n gbàn óle n pɪ n mɔ pé tyí, té me wekɪ kwɔ.

23 Képah náh, n tǒ pínó sèp̃n-á pɔ tũ Liyel tyí, à n syɩ yuku n gbô.

24 Kéne sèp̃n sókóntenɔ náh, n kyɩ Yelisabetɩ kúrkɩ tɔkɔ, té kè wǒbɩ ñwǒló kwɔ. A sò me n sǒ ne:

25 «Yah, pèpɔrɩ nê-á Tě ñgbě Liyel pɪ ní tyí yò. A ye ntyínɔ yah dah mɔ ní tyí sɔkɔ núkúnúkú, à ní sen tɔkɔ to ní yò névye yah.»

Yesu dúbínó tyí yónsàhnóle Mari tyí

26 Képah náh, ñwǒló kénúkò sókóntenɔ náh, Liyel tǒ n yínyõ tǔntǔ Kabrelɩ tǒ kwil yó sɔkɔ, nê-á pè n ye Nasaretɩle, Kalile sétáh yõ.

27 A à tǒ yěndyíkɩ yó tyí, nê-á sò me gbínóle Davidi náh ney Yosefu tyí. Yěndyíkɩ mè yĩn ye sò Marile.

28 Wãh kyɩ, à de yuku Mari tnô, té yo n tyí: «Mé wekɩ á tyí Mari. Tě ñgbě Liyel me pèpɔrɩ yó tǒ sah pɪ á tyí, à me ále.»

29 Mari-á kéne welo noh sě, n gbàn du. A sò me n sǒ n fɔkɔ ne, yõ nê yõ se à pɔ wekɩ mɔ pé tyí sě nɪ?

30 Képah sɔkɔ, yínyõ tǔntǔ yo n tyí: «Mari, pèpɔrɩ ye Liyel n pɪ á tyí n ñgbèkɩ sɔkɔ. Káh n ye kè pɪ tiki tirlé á tyí.

31 Yah, á kɩ kúrkɩ tɔkɔ, kɩ dínpir yó dubi, té kɩ n yĩn sah Yesule.

32 A kɩ pɪ né-ñgběne Liyel yah. A kɩ n ye yǒtah Liyel pile. Té Tě ñgbě Liyel kɩ à kǒ, à kɩ tẽ kwil yõ n náh ney Davidi sǒ.

33 A kɩ n wũ n pi Yisrayel kwil pól yõ gbíme gbí. N yǒtǒrí náh tye yah n pi pólle.»

34 Wãh yo sě, Mari à piki yah ne, nte, pé náh se dí tyí pĩ. Sǒ se kè kɩ pɪ, té pé kɩ kúrkɩ tɔkɔ nɪ?

35 Yínyõ tǔntǔ me tǒ yo n tyí: «Liyel Mírkɩ kɩ tiki á yõ, té yǒtah Liyel tãhkɩ kɩ fɔkɔ tũ á yõ fob sǒ mɔ. Képah ye, pi nê-á á kɩ n dubi n pi, à kɩ me pèkè kéne n sɔkɔ, té kɩ n ye Liyel pile.

36 Yah, á wòkò ney Yelisabetɩ, nê tyí-á no yo tũ ne, píkán sê-á ñne, à me kúrkɩ tɔkɔ n dyèntenɔ náh, ké ñwǒló kénúkò-ò ye yò. A kɩ n dubi n pi dínpirle.

37 Á náh we di, Liyel tẽ we tyi pól tyí.»

38 Wãh yo te, Mari tǒ n syɩ yo n tyí: «Ñmɔ me Tě ñgbě Liyel tyí yõ. Wáh yo sǒ, Liyel kè pɪ sě ní tyí.» Képah náh, yínyõ tǔntǔ n syɩ sɔkɔ.

Mari kyínyahnɔle Yelisabetɩ tyí

39 Kéne sèp̃n sɔkɔ, Mari yuku sɔkɔ súú ymɔ yõ, Yude kwil yó sɔkɔ.

40 A kyɩ de Nsakarɩ gbô, té wekɩ mɔ Yelisabetɩ tyí.

41 Yelisabetɩ-á Mari wékínmonɔ noh, piri núkú kah werke n fɔkɔ sɔkɔ. Képah sɔkɔ, Yelisabetɩ me yuku Liyel Mírkɩ tãhkɩle,

42 té yo n̄ tyí yǐnpǒ ñgbēne ne: «Sām me mónóle á soko, à kal syó pólle. Anê sām me mónóle á foko táh piri to soko.

43 Nédúkú nê me n̄mɔ tē tɔle, té n̄ Tē ñgbē yú kɪ pɔ n yah n̄ tyí?

44 Á náh we di, máh fyò á wékínmɔno noh n̄yāh, n̄vìn̄ tē tyí, piri núkú kah werke n̄ foko soko.

45 N̄vìn̄ me á tyí, áwɔ nê-á sē ké yō ne, Tē ñgbē Liyel-á nê yo, kǎh kɪ pɪ tũ.»

Liyel yǐn gbilkínóle Mari tyí yìgbìn̄ soko

46 Képah soko, Mari ne:

«N̄mɔ me n̄ nɪ dal mɔ Tē ñgbē Liyelle n gbilki,

47-48 N̄ Pwáhn̄mɔ-ò Liyel fē syi yah dah mɔ n̄ tyí soko.

Képah ye, n̄ nɪ me vínóle n̄ yǐnne.

N̄mɔ nê-á me n̄ tyí yō, me n̄ gblöyne n tiki n mɔ n̄ yah soko.

Gbɪ yō, à tɔko núkúnúkú tyí, kno kno pól kɪ pɔ n yo n pi ne, máh yèvin̄ we.

49 Tyi pól tyí tēnwē-ò Liyel ye tyí-ñgbno pɪ n̄mɔ tyí, n̄ yǐn ye Kètòkē Liyelle.

50 N̄ ñgbèkì kɪ me tōnmɔnyukunóle kno kno pól yō tyé-ñkēne, nónó-á n̄ yah tíkile n pɪ.

51 A n̄ gbò táhkìle tò pɪ:

Gblöy gbilkínó sōno-á me nónó soko,

à pè karkɪ.

52 A yòtām tiki mɔ pé tǒrí klö yō,

té gblöy tíkínmɔpu doko mɔ.

53 A yō yō yīle kwéndébé kō yī,

té tahbɪ fin mɔ pé soko pé gbàn kúkóle.

54 A Yisrayel névye yohn̄ mɔ,

pépi nónó-á me n̄ tyí yō.

N̄ dyo náh fwɔ n̄ ñgbèkì pínóle,

55 à yuku Abrahm̄ ànê n̄ náh tǎn tǐnne tyé-ñkēne, wǎh sò n̄ vyāh kō sǒ á súbì ñgbò tǎn tyí.»

56 Képah soko, Mari tē Yelisabet̄le, à n̄wǒlò tǒnó kénkō pɪ. Képah náh, à n̄ syɪ soko n̄ tǐnne.

Wēlnwilkì-ò Nsyō dúbínóle

57 Képah soko, Yelisabet̄ dubi gbí-á pɔ nɔ, à dubi dǐnpirle.

58 N̄ tnô tēpu, ànê n̄ wòkò tǎn-á noh ne, Tē ñgbē Liyel-á pèpɔri ñgbē pɪ n̄ tyí, pè à tahl̄ pè ké n̄vìn̄ pɪ.

59 N̄ dúbínó sèp̄in kwártō-ò sǒle, pè pɔ piri kò-ñsah, té me n yah n kō n̄ sú yǐn dyí-ñsahle n̄ tyí, nê-á Nsakar̄le.

60 N̄te, n̄ yú me yo pé tyí ne: «Ōō, à kɪ n ye Nsyōne.»

61 Pè me yo n̄ tyí ne, ñgbò n̄ wòkò ney yó n̄tē yǐn náh me sē dé.

62 Té me kwásí pɪ piri sú tyí ne, yǐn nê se à kɪ sah à kō nɪ?

63 Képah soko, à pè kō, pè sésár sénó yó tɔko pɔ à kō, à wǎrkɪ mɔ ké yō ne: «Nsyō ye n̄ yǐnne.» Képah pé pól gbàn du.

64 Nénpó swɔ, Nsakar̄ nénpórí de mɔ, n̄ vyāh gbínó tye, à tyah n wekɪ, à Liyel yǐnne n gbilki.

⁶⁵ Kǎh pɪ sɛ̃, tíkí de pé tnô tɛ̃pu pól sɔkɔ, té no sò me tyi nópi pólle n yǎh n kǒ Yude ymɔ yǒ kwlo pól sɔkɔ.

⁶⁶ Té Tɛ̃ ñgbɛ̃ Liyel sò me ñne. Képah ye, nónó pól-à sò tyi nópi noh, pɛ̃ sè tɛ̃ n sah pé nno sɔkɔ, ñ té ne me wɛ̃ne n piki n yah ne ñkɛ̃, piri mè se kɪ pɔ n pɪ n pi nédúkú ñne nɪ?

Liyel yǐn gbílkinóle Nsakarɪ tyí yìgbìnì sɔkɔ

⁶⁷ Képah sɔkɔ, piri sú Nsakarɪ Liyel Mírki tǎhkì wɛ, té me Liyel tɛ̃ntò wɛlɔle n syi n yo ne:

⁶⁸ «Tɛ̃ ñgbɛ̃ ñé-á Yisrayel Liyelle, ñ yǐn ne n gbilki, ñmɔ ñé-á pɔ ñ no yohnɪ mɔ, à pè wilki yǒrɪ sɔkɔ,

⁶⁹ té me Pwáhnɔ-ò tǎh wilki mɔ á kǒ, à wil ñ tǔnpɪ dí Davidi nǎh tǎn sɔkɔ.

⁷⁰ Képah ye lésò à ñ tɛ̃ntò syínyopu kǒ, pè yo sah di mónóle ne,

⁷¹ pǎh kɪ á syi pwah mɔ á pɛ̃ltǎn tyí, té kɪ á wilki á dyɔ yópú gbò.

⁷² A á súbí ñgbò tǎn nɪ gbɛ̃ yíí.

Ñ dyɔ nǎh fwɔ ñ yégbékè kwrónmɔnsàhnó tyíle péle.

⁷³ A sò ñ wo á ñgbò sú Abrahamɪ tyí ne,

⁷⁴ pǎh kɪ á tɛ̃ syi á pɛ̃ltǎn gbò,

á kǒ á fɛ̃ tǔle n pɪ pé tyí tíkí kɛ̃ne,

⁷⁵ á mó pɪ négbólóle yályál pé yah,

á min pól sɔkɔ.

⁷⁶ Té áwɔ tɛ̃ wɔle, ñmɔ pi, á kɪ pɔ n kɔ Tɛ̃ ñgbɛ̃ yah sɔkɔ, kɪ ñ wǎl tǔ n sah n pi.

Képah ye, pè kɪ ále n ye «Yòtah Liyel tɛ̃ntò syínyo-òle».

⁷⁷ Té kɪ ñ no kǒ pè kɪ pwáhnɔnɔ òdúkù pǐ, pé tyípɛ̃l yǎnmɔnɔ gbò yǒ.

⁷⁸ Apɪ Liyel ñìgbèkì, ànê ñ tǔnsàhnɔnɔ gbò yǒ,

à kɪ kyòò mɔ á yǒ kɪ wil yǐnyǒ gbí sǒ gbo,

⁷⁹ kɪ pɔ kyòòle névye kǒ, nónó-á me kǔ fɛ̃ntú tíkí sɔkɔ,

té kɪ á yey vi mɔ yèvɪnɪ wɛ̃kì yǒ.»

⁸⁰ Té Nsyǒ tɛ̃ wɔ sò me n kyǎh, ànê ñ lékám me n yɪkɪ n mɔ n yuku. A sò me tɛ̃ gbɛ̃nnɪ sɔkɔ pópó, à pɔ syɪ ñ gblǔy wɛ̃kínó gbǐyìkì tyí Yisrayel névye yah.

2

Yesu tɛ̃nwɛnɔ n wil ñyǎh?

¹ Kéne tyi pɪ gbíne, Wromɔnɔ yòtɛ̃ Wokusti kwní kǒ ne, pè pé tǔrí mé-ntǎn névye pól yǎh pé dan pǐ.

² Kéne névye yǎhnó gben pɔ Krinisi wɛ Siri kwlo pól yah yétɛ̃ne.

³ Képah tɛ̃ne, no pól sò me pé ynine n wǎrkɪ n pɔ pé súbí kwlo sɔkɔ.

⁴ Té Yosefulɛ, yòtɛ̃ dí Davidi nǎh ney ye sò ñne. Kǎh pɪ sɛ̃, ñ tɔ mó wil Nasaretɪ kwil, Kalile sétáh yǒ, à yuku Yude kwil yó sɔkɔ, pè n ye Betlemɪne, yòtɛ̃ dí Davidi dúbí-nsah.

⁵ Té Yosefu kyɪ Mari sò me kúrkìle, pǎh n yuku pé yni wǎrkí-nsah gbí ñne.

6 Pãh kyɪ yĩni tẽ, pè sò me sɛ nénpó, té Mari dubi só nɔ.

7 Képah sɔkɔ, pè tẽ-nsah yah kwɔlɔ népân twáh-nsah, té kyɪ tẽ yípêy sɛ-nsah. A ñ pígben dubi dínpirle, té à plo fwɔ gbróle, à sneki mɔ yípêy yõ yõ dú yó sɔkɔ.

Yĩnyõ tẽntõnè wìlnmɔnɔle képyénfɛ̀bi yõ

8 Légbíne, Betlemɪ kwil gbòpɔ yóle, képyénfɛ̀bi yísyó sò me n sò gbãn sɔkɔ, à pé képyénne n syiki.

9 Pè me tẽnóle, té yĩnyõ tẽntò yó pɔ wil mɔ pé yõ. Nénpó swɔ, Liyel tǒrí núkú tyah pól piki pèrr pé yõ. Tíki me pè kah tẽ.

10 Yĩnyõ tẽntò me yo pé tyí: «Yé káh tíki pɪ! Kwil pól nìvì tir pèpɛy yó ye mé pɔ yó-nsah yé tyí.

11 Piri yó me dubi yé tyí kwey lékâhne Davidi kwil sɔkɔ. Nmɔ ye TÈ NGBÈNE pè n ye Kristale, Liyel-á ne, páh kɪ nê tekɪ mɔ. Nmɔ ye tǒ yé pwáhnmɔ-òle.

12 Té yáh ne pɪ sɔ, té à yah n pĩ n pi, kè we yò: Yáh kɪ kyɪ píyírí nê we plónóle flòle, té me snékínmɔnɔle yípêy yõ yõ dú sɔkɔ, ñmɔ ye.»

13 Nénpó swɔ, yĩnyõ tẽntõnè yísyó wil kwĩnkile yĩnyõ, à pɔ gben tẽ nɔ, pè tyah Liyel yĩnne n gbilki yìgbìnì sɔkɔ, me yo tũ ne ñkɛ:

14 «Liyel yĩn pɪ gblò yĩnyõ.

Nmɔ ye ñ yèvinune ñ nìvì névye kɔ sètáh yõ.»

Képyénfɛ̀bi kýinyahnɔle Yesu píyírí tyí

15 Képah náh, yĩnyõ tẽntõnè-á pé syɪ sɔkɔ yĩnyõ, képyénfɛ̀bi nópi mó n yo wɛ tyí ne, pé no, pè yâwɔ pé kyɪ yah Betlemɪ. Tir nê-á pɪ nénpó, té Liyel ñ tẽntò tǒ pé tyí, páh yĩne pé kè we.

16 Pãh weki wɛ kɔ sɛ, pè pé kyãh yuku Betlemɪ. Pè píyírí mè soh kyɪ we snékínmɔnɔle yípêy yõ yõ dú sɔkɔ, Mari ànê Yosefule ñ gbòpɔ.

17 Pãh à we sɛ, yĩnyõ tẽntò-á tyi nónó pól yo pé tyí ñ tyí sɔkɔ, pè sè yãh pè syah.

18 Nónó pól-á képyénfɛ̀bi welɔ nópi noh, kè pé gbãn du.

19 Mari tẽ mó tyi nópi pól syi sah ñ fɔkɔle n sɔ.

20 Képah náh, képyénfɛ̀bi pé syɪ. Yĩnyõ tẽntò-á sò yo sɔ pé tyí, kè mó ntyínɔ pɪ sɛ. Képah ye, pãh tyi nónó pól noh té tyi nónó pól we, sépi pé kɔ pè Liyel yĩnne n gbilki, ñ pal tyíle n yãh n yuku wɛkɪ yah.

21 Képah náh, piri dúbínó sèpìn kwártǔ-ò sóle, ñ kɔ gbí nɔ. Pè me ñ yĩn sah Yesule, sɔ-á sò yĩnyõ tẽntò yo sah kéle ñ kúrkɪ tókó-ñkɛ gbíne.

Yesu dáhbínóle Liyel gbò

22 Képah sɔkɔ, sádám pèkɪ kúnó nê-á yĩne kè pɪ Moyisi tyi kònsàhnó-á kè yo sɔ, ké sèpìn-á tũ, Yosefu ànê Mari Yesu tẽ yuku Yerusalemɪ, à kyɪ ñne Liyel gbò dahbi.

23 Kè ye me wárkínsàhnóle Tẽ ñgbɛ Liyel tyi kònsàhnó sɔkɔ ne ñkɛ, pye gbɔ dínpi pól-á yĩne pè Tẽ ñgbɛ Liyel gbò dahbi.

24 Anê tǒ ñkànpìnnó nínóle, pèkɪ ànê yũkile Liyel kɔ sárkále, képah náh pɪ, kèpíkípíkínɔ nínóle, sɔ-á kéle wárkínsàhnóle Tẽ ñgbɛ Liyel tyi kònsàhnó sɔkɔ.

²⁵ Té légbíne, dí yó sò me Yerusalemı soko, pè n ye Simeyõle. A sò me négbíle Liyel yah, té me n sah n yóré yõ. A sò me Yisrayel pwáhnmo-ò pónóle n syıktı, té Liyel Mírki sò me n soko,

²⁶ té kéle à wëkı ne, à náh n ku n pi, né à náh Krista we yíne, nê-á Të ñgbě Liyel kı tekı mo n pi.

²⁷ Képah soko, Liyel Mírki n yah tẽ yuku Liyel wòkò ñgbě kéntáhkı soko. Té Yesu dúbípú sò me à tẽ pɔ tyi kònsàhnó pıntũ yinne n tyı, káh yo sah sõ.

²⁸ Képah tẽne, Simeyõ me piri mè tẽ n gbò, té Liyel yinne n gbilki, me yo tũ ne:

²⁹⁻³¹ «Ñ Të ñgbě Liyel, mé pwáhnmo-ò we n yíne, wáh nê kò kèkòyó névyé pól yı yah.

Képah ye, á kı fẽ á tònpi min syi núkúnúkú à kò à ne n yuku yèvinı soko, sã-á á wey kè yo.

³² Pwáhnmo-ò kı pi kyòole kwlo kwlo névyé tyı, kı á dùkùle pè wëkı, té kı pi yõ yõnóle áwo no Yisrayel tãn tyı.»

³³ Káh pi sã, tyi nónó-á à yo Yesu tyı soko, sè pi gbëndùnne n sú ànê n yú tyı.

³⁴ Képah soko, Simeyõ me sãm mo pé soko, té yo n yú Mari tyı ne: «Yah, piri mè me Yisrayel névyé náhnáh syíkínmono ànê pé náhnáh yilkínsàhnó yinne, ànê yékâb dénó yõle.

³⁵ Káh pi sã, névyé náhnáh fókósõno kı wilki mo kwèyy. Té áwo tẽ wole, á kı yèvyãhrı pi, á kı ne pè sõ me á nıle n suke nyàhle.»

Liyel tẽntò syınyo-ò pi An-á nê yo Yesu tyı soko

³⁶ Té Liyel tẽntò syınyo-ò pi yó sò me, pè n ye Anne. Fanuwel písê ye sò, nê-á Aserı yíkı neyne. N yah sò wah náhnáh. N sèpıl gbíne, wáh de pe tyı, n pe yah kwlo ké ye kwãrni-ò soko.

³⁷ A me tẽ pékúsèle, à pɔ no ye tíkíyéh pó nýáh tyı. A náh sò me n gbe n mo Liyel wòkò ñgběne, té me Liyel yinne n gbilki gbímegbí, ké lékâh ké gbıntõ, níkı tẽnó ànê níri soko.

³⁸ Nmo to me de kyı yíne Yesu ànê n dúbípúle Liyel wòkò ñgbě kéntáhkı soko. A tyah Liyel yinne n gbilki. Té nónó-á sò me Yerusalemı pwáhnmono syıktı tẽ, à me piri tyıle n yáh pé pól tyı.

³⁹ Yesu dúbípú-á Liyel tyi sàhnó pi tũ te, képah náh, pè pé syı soko Kalile sétáh yõ, pé kwil Nasaretı soko.

⁴⁰ Té piri wo mó me n kyãh, me tãhkıle n we. Lékám ñgbě sò me n soko, té Liyel me n nıle n gbe.

Yesu wúnóle Liyel wòkò ñgbě, n ye gbãmnı-ò soko

⁴¹ Ye ye pólle, Yesu dúbípú níkẽne ne n kyı n pɔ Yerusalemı, Pakı syáh soko.

⁴² Té Yesu-á pɔ no ye gbõninóle gbı nêne, n dúbípú dokó yuku ñne Yerusalemı, Nsyifunó-á sò kéle n pi sõ.

⁴³ Syáh-á pɔ tyé só nêne, pè pé syı soko, té pé pídí Yesu me wũ Yerusalemı, n dúbípú pí-ńkẽ soko.

44 Pè sò me n sò ne, wăh me ànê pé no wěkɔbi yísyóle. Kăh pi sě, pè gbìyìkì nùkú kóló kɔ, té pyě tyah òne n yah n kɔ pé wòkò tăn ànê pé nɛpínó wró.

45 Nte, pè năh à we. Păh à yah kwɔ sě, pè pé syi à yah kɔ yuku Yerusalem sɔkɔ.

46 Ké sèpìn tǒ-ò sǒle, pè pyě kyi à we Liyel wòkò ògbě kéntáhkì sɔkɔ. A me kǒntěńóle Liyel ògbò wěkì kwópú wró, me n nohni pé tyí, té me péle n piki n yah tyile.

47 Nónó pól-á sò me n nohni ò tyí, ò lékám ànê ò tyi yah yónó òkù pé gbàn du.

48 N dúbípú-á à we sě, kè pépi tɔ gbàn kah du. N yú me yo ò tyí ne, pé pídí, sò se pi, té à pi sě pé tyí ni? A yah, péwɔ ànê ò sú yáh-ńsah-á tye kègbile ò yáhnkǒnɔ sɔkɔ.

49 Nte, à me yo pé tyí: «Sǒ pi, té yé òne n yah n kɔ? Yé năh pĩ ne, máh yíne mé ne n me ní sú tyah sɔkɔ dí?»

50 Nte, pè năh me ò wey mè tyí yah we.

51 Képah năh, à me yuku péle Nasaretì kwil sɔkɔ, té me ò gblǒyne n tiki n mɔ pé tyí. N yú wɔ mó tyi nópi pól syi sah ò fɔkɔ.

52 Té Yesu sò me n kyăh ò gběnsê ànê ò lékám me n yiki n mɔ n yuku. Té wăn tɔ me mɔ ò ògbèkì yǒ Liyel ànê névye tyí.

3

Welnwilkì-ò Nsyǒ Liyel wey yónsàhnóle

1 Tiberi-á sò me Wromenɔ yǒtěne gbí nêne, ò yǒtǒrí ye gbǒnkwló-ò pɔ Pǒse Pilatì we Yude kwil yah yétěne. Té Yerɔdì wɔ mó me Kalile kwil yǒtěne. N gbě dí Filipi me Yitiri ànê Trakoniti yǒ. Té Lisanyasì wɔ me Abilenì yǒ.

2 Té An ànê Kayifi ye sò sárká wìkìpu yǒtām ògbnɔle. Légbíne, Nsakarì pídí Nsyǒ Liyel yónmɔnɔ noh gběnni sɔkɔ.

3 Kăh pi sě, à kyi Yurdě yɔ gbòplo tǎntǎn pól kɔ kɔ, me n yo pé tyí ne, pè Liyel wěkì tě, pè mó welnwilkínó we. Képah sɔkɔ, pé tyípél-á kɔ yǒ mɔ pé kɔ.

4 Kăh pi sǒ, sě ye ònyíno sò Liyel tǎntǒ syínyo-ò Yesayi wārki sah kéle ne òkě:

«Nnì yó yínpǒ ye n òkɔ gběnni sɔkɔ ne òkě:

Yé Tě ògbě wěkì tǒ sah.

Yé ò sókó-ńtân pi tómtóm.

5 Ymɔ wrónɔ pól kɔ yĩ.

Kènpni ànê ymɔ pól kɔ tirki pi támm.

Syǒ-ńtân kněni kɔ pi tómtóm,

té wětúkúnì kɔ tɔrì.

6 Képah sɔkɔ, no pól kɔ Liyel ney pwáhnmɔnɔ we yíne.»

7 Nékwínkì nónó-á sò n pɔ n pɔ Nsyǒ tyí à kɔ à péle n wel n wilki, à sò me n yo pé tyí ne, wáhnmiró òkù nópi! Nê se kwɔ péle ne, păh kɔ fě tɔ pwah Liyel fòkòvyăhnì yah, nê-á n pi ni?

⁸ Nkě, pè tyí péplòlè n pɪ nónó-á n wěki n pi ne, päh Liyel wěkì tě. Té, pè káh pé gbò sah Abrahmɪ yò nê-á pé súle. Páh kéle n yo pé tyí, Liyel-á kɪ fě dyèh nòpi vi mɔ pɪ Abrahmɪ pyele.

⁹ Té man ntě-á me yáhnsàhtenòle sésân fě yinne sé sémîn sòkò. Séswô nê-á n syí-ńkěne pye pèplòlè, káh kɪ ko dah mɔ nyàh sòkò.

¹⁰ Képah tě sòkò, tówú Nsyõne n piki n yah ne ńkě, sɔ se pé yĩne pé pɪ nɪ?

¹¹ A mó yo pé tyí ne, fwòmòlò nínó-à me nê tyí, tě núkúle fwòmò-ńkân ney kɔ. Té yòke-à me nê tyí, tě yĩ kwéndé kɔ.

¹² Mórí syípú yísyó tɔ pɔ Nsyõ tyí ne, à pé wel wilki, té à piki yah ne, pé kwó-ò dí, ńkě sɔ se pépi yĩne pé pɪ nɪ?

¹³ A mó yo pé tyí ne, päh yĩn nê yo pé tyí, pè káh ne n dohnɪ n syi ké yò.

¹⁴ Képah sòkò, sràsyíbí tɔ pɔ à piki yah ne ńkě, té pépi-á dò, sɔ se pé kɪ pɪ nɪ? A me yo pé tyí ne, pè káh ney wore ò gbò kwâh tě syi tãhkì sòkò. Pè káh mó tɔ ney gbò kwâh syi yĩnvì sòkò. Nkě, pè ye pé tɔ pínó wénó pé yĩne n yuku.

¹⁵ Képah sòkò, no pól-á sò me pwáhnmò-ò syíkínó sòkò sě, pè sò me pé gblòyne n piki n yah ne, té Nsyõ káh kɪ nê Kristale dé?

¹⁶ Képah tñe, à pé pól syah ne: «Nmo tě wɔ ye yéle n wel n wilki ni sòkò. Té nê-á n pi, ñmò tñweno kal ñmò tyíle. Mé nãh yĩne ò lékyèh mno ntě wáhnmòne. Tě wɔ kɪ pɔ yé wel wilki Liyel Mírki ànê nyàh sòkò.

¹⁷ Ñ sèmuco fwo fwo kwâh me ò gbò. A kɪ ò tãh tɔ sah, ò sèmuco fwo kɪ kwel mɔ ò dúkúrí sòkò, té sé yésyì wòle, à kɪ sépi suke ní-ńkě nyàh sòkò.»

¹⁸ Nsyõ sò me n syõ sɛnkno vɛnmò mɔ kwónó duke náhnãh sòkò, à nìvì nì wey sãnne n yo n kɔ no tyí.

¹⁹ A wil képah sòkò, à tɔ lékãhle yòtě dí Yerɔdɪ kɔ, ò yũpi kyɪ Yerɔdyadɪ tɛnsyino, ànê ò tyítúkúni náhnãh pínó tyí sòkò.

²⁰ Té Yerɔdɪ nãh yĩn sépi tyí, à tɔ Nsyõ tě dah mɔ wòkònpèkè sòkò náhle.

Yesu wèlnwìlkinóle

²¹ Té Nsyõ-á sò me névyele n wel n wilki gbí nêne, wãh névyé pól wel wilki tɛ, Yesu tɔ pɔ à kɔ, à à wel wilki. Yesu-á wil ni sòkò té me níríle n pɪ, à me yĩnyò we kè yɪkɪ mɔ.

²² Té Liyel Mírki pɔ tiki ò yò wil gběnsê sòkò kèpíkí píkí kètòle. Képah tě sòkò, yĩnpɔ yó n wil líyel sòkò ne ńkě: «Áwɔ ye ní nìdè Pi núkúnine. Á tyí no yĩ ní tyí kègbile.»

Yesu nãh tãnne

²³ Yesu-á ò tò tyah gbí nêne, à sò me ye yògbãm kénkɔ sòkò. Té névyé tě wɔ sò me n sò ne, Yosefu pídí-á òne, Yosefu nê-á sò Yeli pídíne.

²⁴ Té Yelile, Matata pídí ye. Matatale, Levi pídí ye. Levile, Melkɪ pídí ye. Melkúle, Yanayi pídí ye. Yanayile, Yosefu pídí ye.

²⁵ Yosefule, Matatyasɪ pídí ye. Matatyasúle, Amosɪ pídí ye. Amosúle, Nawumi pídí ye. Nawumine, Yesli pídí ye. Yeslile, Nakayi pídí ye.

²⁶ Nakayile, Matɪ pídí ye. Matúle, Matatyasɪ pídí ye. Matatyasúle, Semeyin pídí ye. Semeyinne, Yosesyɪ pídí ye. Yosesyúle, Yoda pídí ye.

27 Yodale, Nswana pídí ye. Nswanale, Yresa pídí ye. Yresale, Yorobabeli pídí ye. Yorobabelile, Salatyeli pídí ye. Salatyelile, Neri pídí ye.

28 Nerile, Melki pídí ye. Melkile, Adi pídí ye. Adile, Kosamí pídí ye. Kosamíne, Yelemadamí pídí ye. Yelemadamíne, Yeri pídí ye.

29 Yerile, Yesu pídí ye. Yesule, Yelieserí pídí ye. Yelieserile, Yorimi pídí ye. Yorimíne, Matata pídí ye. Matatale, Levi pídí ye.

30 Levile, Simeyō pídí ye. Simeyōle, Yuda pídí ye. Yudale, Yosefu pídí ye. Yosefule, Yonamí pídí ye. Yonamíne, Yelyakimí pídí ye.

31 Yelyakimíne, Meleya pídí ye. Meleyale, Mena pídí ye. Menale, Matata pídí ye. Matatale, Natān pídí ye. Natānne, Davidi pídí ye.

32 Davidile, Yese pídí ye. Yesele, Wobedí pídí ye. Wobedile, Bowasí pídí ye. Bowasile, Sala pídí ye. Salale, Nasoní pídí ye.

33 Nasoníne, Aminadab pídí ye. Aminadable, Adimini pídí ye. Adiminíne, Arní pídí ye. Arníne, Yesromí pídí ye. Yesromíne, Faresí pídí ye. Faresile, Yuda pídí ye.

34 Yudale Yakobí pídí ye. Yakobule, Yisakí pídí ye. Yisakile, Abrahmí pídí ye. Abrahmíne, Tara pídí ye. Tarale, Nakorí pídí ye.

35 Nakorile, Serukí pídí ye. Serukile, Wrako pídí ye. Wrakole, Falekí pídí ye. Falekile, Yeberí pídí ye. Yeberile, Sala pídí ye.

36 Salale, Kayinamí pídí ye. Kayinamíne, Arfasadí pídí ye. Arfasadile, Semí pídí ye. Semíne, Nowe pídí ye. Nowele, Lamekí pídí ye.

37 Lamekile, Matisala pídí ye. Matisalale, Yenokí pídí ye. Yenokile, Yaredí pídí ye. Yaredile, Maleleyel pídí ye. Maleleyelle, Kayinamí pídí ye.

38 Kayinamíne, Yenosí pídí ye. Yenosile, Setí pídí ye. Setile, Adama pídí ye. Adama wole, Liyel pídí ye.

4

Yesu mónyahnole

1 Yesu-á yuku Liyel Mírki táhkile, à ò syi yal Yurdě yo tnô. Té Liyel Mírki à tẽ yuku gběnni soko.

2 A sèpìn tikiñí pi nénpó níkì tẽnó soko. Nénpó soko ye sétàn yõtě à mo yah. Té sèpìn nópi-á pò tũ, kweku me à tẽ.

3 Kǎh pi sě, sétàn yõtě me yo ò tyí ne, òmò-à kú ne Liyel Pile, à yo dáhkì mè tyí, kè vi n mo n pi yòkele.

4 Yesu mó yo ò tyí ne: «Kè me wárkínsàhnóle Liyel wey soko ne nkě: <Névi náh ò min pi n pi yòke óle.>»*

5 Képah náh, sétàn yõtě à tẽ doko léyy, à kyi à wěki kèkōyó tǒrí pólle séyy òsò,

6 té yo ò tyí ne, páh kú fě à kō n pi sépi pól yõtǒrí, ànê sé tahrile. Sépi pól-á péwo gbò dahbi. Képah-á, nê-à pé dyo, páh kú séle òmò kō.

7 Nkě, wáh kú fě syi ò gbètukunò di pé yah à pé gbilki, páh kú sé pólle à kō.

* 4:4 4.4 - Yah n te Yálnó sébéy 8.3 soko.

⁸ Képah sɔkɔ, à mó yo sétàn yòtɛ tyí ne: «Kè me wárkínsàhnóle Liyel wey sɔkɔ ne nkɛ: <Á kɪ á Tɛ̀ ñgbɛ̀ Liyel ó nukúníne n gbilki, té kɪ n sah ñmɔ́ ó tyí yò.»†

⁹ Képah náh, sétàn yòtɛ tɔ́ yuku ñne Yerusalem, à kyɪ à sah Liyel wòkò ñgbɛ̀ yòtah, té me yo ñ tyí ne, ñmɔ́-à kɪ ne Liyel pile, à yɔkɔ tiki sétáh.

¹⁰ Káh me wárkínsàhnóle Liyel wey sɔkɔ ne nkɛ, Liyel-á kɪ ñ yínyò tɛ̀ntònè kɔ́, sè kɪ ñne n kyɔmɪ,

¹¹ ànê tɔ́, sáh kɪ à swah syi sé gbàn sɔkɔ. Dáhkì náh ñ gbáhkì pɪ yo n pi.‡

¹² Képah tɛ̀ sɔkɔ, à me yo sétàn yòtɛ tyí ne: «Kè me yónóle Liyel wey sɔkɔ ne nkɛ: <Káh á Tɛ̀ ñgbɛ̀ Liyelle n mɔ́ n yah!»§

¹³ Kéne mónyahno nópi pól sókónteno náh, sétàn yòtɛ yal à gbe mɔ́ ñne, té me à syɪkɪ tɛ̀ náh ñne.

¹⁴ Képah náh, Yesu ñ syɪ yuku Kalile sétáh yò Liyel Mírki táhkùle ñ sɔkɔ. Té ñ yin sò me wil nénpó kwlo pól sɔkɔ.

¹⁵ A sò me kwónóle n pɪ pé Liyel ní-ńtân vì sɔkɔ, té no pól me ñne n gbilki.

Nasareti tãn Yesu yáhlenɔle

¹⁶ Só yóle, Yesu pɔ́ Nasareti sɔkɔ. Kéne kwil sɔkɔ ye sò à kyáh. Mɪ mɪ yòh sóle, à me de Liyel ní-ńsah wòkò sɔkɔ, wáh dar té kéle n pɪ sɔ́, té me yuku ne, pé Liyel wey kar.

¹⁷ Képah sɔkɔ, pè Liyel tɛ̀ntò syínyo-ò Yesayi sébéy tɔkɔ à kɔ́, à syi yɪkɪ mɔ́ fí yó sɔkɔ, nýáh-á kè me wárkínmɔ́nɔle ne nkɛ:

¹⁸ «Tɛ̀ ñgbɛ̀ Liyel ní yah wilki,

à ñ Mírki mɔ́ ní sɔkɔ ne,

mé ñivìni wey sán yo yãm tãn tyí.

A ní tekɪ mɔ́ yɔ́bɪ yɔ́rɪ sɔkɔ wílnó tyí yo yinne pé tyí,

ànê yítùbi yí yíkínmɔ́nɔ tyí yo yinne,

ànê yèvyáhrɪ tɛ̀ yò yinne névyè yò, nónó-á me fóhnó sɔkɔ,

¹⁹ ànê ñmɔ́ pèpɔ́rɪ pɔ́ yì tyí yo yinne.»*

²⁰ Képah náh, Yesu sébéy yah vike, té kéle Liyel wòkò kyòmì-ò kɔ́, té kɔ́ tɛ̀. Té nónó-á sò me Liyel ní-ńsah wòkò, pé pól sò me ñne n yah díkí díkí.

²¹ Képah tɛ̀ sɔkɔ, à tyah n yo pé tyí ne: «Liyel wey fí nê tyi-á yé noh, sè pɪ tũ kweyne yé tyí.»

²² Káh pɪ sɛ̀, no pól sò me Yesu yíngbíle n yo. Té ñ welo pèplo wékínó sò me pé gbàn du, pè me yo tũ ne, ñmɔ́ kó Yosefu pídíne nɪ?

²³ Képah sɔkɔ, à me yo pé tyí ne, páh pĩ ne, páh kɪ sèmírki mɪ n pi, nê-á n yo ne nkɛ, sènpitɛ̀, à ñ gblɔ́y de mɔ́ kè! Páh kɪ tɔ́ n yo n pi pé tyí ne, páh tyi nónó pól pɪ Kapernayumi sɔkɔ, páh sè noh. Té pé tɔ́ sé dùkù pɪ pé sú kwil sɔkɔ kè.

²⁴ A tɔ́ yo pé tyí ne: «Mé kéle n yo n dal n mɔ́ yé tyí ne: pè náh Liyel tɛ̀ntò syínyo-ò yó rítɛ̀ne n tɛ̀ ple ñ sú kwil sɔkɔ.

† 4:8 4.8 - Yah n te Tɔ́nyonɔ sébéy 6.13. ‡ 4:11 4.10-11 - Yah n te Gbálnó sébéy 91.11-12 sɔkɔ.

§ 4:12 4.12 - Yah n te Tɔ́nyonɔ sébéy 6.16 sɔkɔ. * 4:19 4.18-19 - Yah n te Yesayi sébéy 61.1-2 sɔkɔ.

²⁵ Kègbu tẽ yõ, mé kéle n yo yé tyí ne: Liyel tẽntõ syínyo-ò Yeli me gbíne, pù-á lésõ to pópó, à pò syi ye tónó ànê nẁóló kénúkò tyí, té kwénpékè yó me de kwil pól sòkò gbí nêne, pékúsyò náhnáh sò me Yisrayel sòkò.

²⁶ Nte, Liyel náh Yeli tekí mọ pépi sòkò ney yó ntẽ tyí, té pékúsè yó tyí ye à tekí mọ ñne, Sarepita kwil, Sidõ sétáh yõ.†

²⁷ Anê Liyel tẽntõ syínyo-ò Yelise me gbíne, tótã náhnáh to sò me Yisrayel sòkò, té pé sòkò ney yó ntẽ náh dénmonò we, à wil Siri sétáh tótẽ dí Nama tyí sòkò.»‡

²⁸ Képah sòkò, nónó pól-á sò me Liyel ní-ńsah wòkò sòkò, pé fòkò vyãh welo nópi nóhnó tẽ tyí.

²⁹ Pè me yuku Yesu tẽ yori wil kwil sòkò, à dokò yuku ñne yõli yõtah, pé kwil-á sò me mónóle nê yõ, té ne, pé à tu wilki mọ.

³⁰ Té à núkú wil pé wró, à sòkò.

Yesu tẽnweno le sétàn yõ

³¹ Képah náh, Yesu kyí Kapernayumi kwil sòkò, Kalile sétáh yõ, té me névyele n kwò Nsyifunò mi mi yòh sóle.

³² N̄ wey sò me yõtõrí weyne. Képah ye ñ névyé kwò dukù kò, kè no pól gbàn du.

³³ Té lésõle, kè pò yĩne, dí yó sò me Liyel ní-ńsah wòkò sòkò, sétõle ñ sòkò. Dõ, à de syi firr yínpõ ñgbẽne ne,

³⁴ wèèè, Nasaretí Yesu, kwáh nê se à n yah n kò pé tyí ni? A se pò pépi tyí yíkí-ńsah ni? Páh ñne n pne, nédúkú nê-á ñne: Nmọ-á Liyel tekí mọ yályál.

³⁵ Képah tẽ sòkò, Yesu díri kò sétõ mè yõ ne: «Á vyãh vike, ñ té n wil dí mè sòkò.» Nénpó swò, sétõ núkú dí mè tókò min névyé niyó, té wil ñ sòkò, à náh dlo yó ntẽne à n.

³⁶ Kãh pi sã, kè pi gbẽndùnì ñgbẽne no pól tyí, pé me tyah n yo wẽ tyí ne, wey dukù nê se à n wẽki sã ni? A tẽ we sétãne n kyí n mọ tẽnweno ànê yõtõrí sòkò, sè n wil névyé sòkò.

³⁷ Sépinó-á pi sã, Yesu yíngbí tyah n yo nénpó sétáh pól yõ.

Névyé náhnáh dénmonò le

³⁸ Wãh yal Liyel ní-ńsah wòkò, à sòkò Simò gbô. Té Simò déy sê sò me n kwò wilvyãhnìne kèpékèyô. Pè me kè yah kò Yesu tyí ne, à à de mọ.

³⁹ Képah sòkò, Yesu me kò yĩn ñ yõ, té díri kò wilvyãhnì yõ, ké núkú pi fin mọ. Nénpó swò, à núkú yuku tyah yõke tẽ-ńsahle n yah pé tyí.

⁴⁰ Gbíyí déno sòkò, nónó pól-á sò me n yo yam duke dukele, pé nétã pò péle Yesu tyí. A mó ñ gbãne n sah n yuku pé nénúkú núkú yõ, à péle n de n mọ.

⁴¹ Té sétàn to sò me n wil névyé náhnáh sòkò. Sè sò me n gbo n mọ sé wil gbíne ne nkẽ, Liyel pi-á ñne. Nte, sãh pĩ ne, Liyel ney tékínmonò-á ñne, à me díri kò sé yõ, té sé vyẽy tũ wékínóle.

† 4:26 4.26 - Pékúsè mène, Yisrayel ney náh sò ñne. A sò n wil Sarepita kwil, Sidõ sétáh yõ. Yah n te Yõtã sèbéy gben 17.9 sòkò. ‡ 4:27 4.27 - Tótẽ dí Namale, Yisrayel ney náh sò ñne. A sò n wil Siri sétáh yõ. Yah n te Yõtã sèbéy ní-ò 5.14 sòkò.

⁴² Tyah-á núkú dal, Yesu yuku sɔkɔ gbɛnnɪ tyah yó sɔkɔ. Kǎh pɪ sɛ̃, tówú yuku tyah ñne n soh n kɔ̃. Pǎh kyɪ à we gbí nêne, pè sò me ké tyí ne, pé à syi n sah, à káh tɔ̃ yal pé tnô.

⁴³ Nte, à me yo pé tyí ne: «Mé yĩne mè ñv̀̀nì wey sǎn yo n kɔ̃ kwlo téló tɔ tyí Liyel tǔrí tyí sɔkɔ. N tékínmɔnɔ yò ye képahle.»

⁴⁴ Képah náh, à kyɪ tyah Liyel weyne n yo n kɔ̃ Liyel ní-ńtǎn vì sɔkɔ Yude kwlo sɔkɔ.

5

Yesu yɛnkɔ̃ tɛ̃pú ye pɔ pɪ ñ tò sáhpúle

¹ Só yóle, Yesu-á sò me Yenesaretɪ yó-̀ngbɛ gbòpɔ, tówú pɔ à mɔ gbí sah pílpíl, Liyel wey noh yĩne.

² Yesu me krótónè níni we yo tnô sɔkɔ, té yɛnkɔ̃ tɛ̃pú me wil sé sɔkɔ, me pé yɛnkɔ̃ tɛ̃ tɛ̃ mnɔle n wu.

³ A me de krótónè nópi núkú sɔkɔ, nê-á sò Simɔ tyíle. Té kè yah kɔ̃ ñ tyí ne, à yal kéle yo vyǎh tyí, à de yuku yo sɔkɔ kwéyy. Képah-á pɪ, à kɔ̃ tɛ̃ krótókè sɔkɔ, à yò sɔkɔ tówúle n kwɔ.

⁴ Wǎh wɛkɪ te gbí nêne, à yo Simɔ tyí ne, à de yuku yahle yo t̃i tɛ̃-̀nsah. Pè mó pé mɔ min dah mɔ yo sɔkɔ, pè yɛnkɔ̃ tɛ̃.

⁵ Simɔ me à syah ne, pé yòtɛ̃, pépi-á tò pɪ sò, té pé náh kwǎh yó ńtɛ̃ we tɛ̃. Nte, ñmɔ yóré yò, pǎh kɪ mɔ min dah mɔ.

⁶ Képah sɔkɔ, pè me pé mɔ min dah mɔ yo sɔkɔ, té yɛnkɔ̃ we tɛ̃ tnónóle f́óó, pé mɔ tyah n kɔ̃li.

⁷ Pè me pɪ mɔ pé no tyí, nónó-á sò me krótókè ní-ò sɔkɔ ne, pè pɔ pé yohnɪ mɔ. Pè me pɔ pé yohnɪ mɔ, pè yɛnkɔ̃ wilki mɔ krótónè níni nópi yĩne f́óó, sè n tyah tíkindenɔle ni sɔkɔ.

⁸ Simɔ Pyerɪ-á képah we sɛ̃, à ñ gbètukunɔ di Yesu yah, té ne, pé Yòtɛ̃, tyípékè pí-ò-á péle. Képah yĩne, à gbɛ mɔ péwɔle.

⁹ Pǎh yɛnkɔ̃ nópi we tɛ̃ pípi sɛ̃, tíki me Simɔ ànê pé no pól kah tɛ̃,

¹⁰ à tahlɪ Sebede d́inp̃i tyí, Nsyakɪ ànê Nsyɔ̃ne, pépi nónó-á sò Simɔ tò pɪ múnɛ. Képah tɛ̃ne, Yesu me yo Simɔ tyí: «Káh tíki pɪ! A tɔkɔ núkúnúkú tyí, á kɪ pɪ névyɛ yénpɔ-̀le Liyel tyí.»

¹¹ Képah náh, pè wil pɔ krótónè sah kènkwǎh yò ànê pé vyó pólle, té me Yesu sò tɛ̃.

Yesu tótɛ̃ yó de mɔ

¹² Só yóle, Yesu sò me kwil yó sɔkɔ, té d́í yó tɔ sò me nénpó, dú nýanne ñ wil pól sɔkɔ. Wǎh Yesu we sɛ̃, à kɔ kwĩnki, ñ yah di sétáh Yesu yah, té à ni ne, pé Yòtɛ̃, wǎh me ké tyí, wǎh kɪ fɛ̃ pé de mɔ.

¹³ Wǎh yo sɛ̃, Yesu núkú ñ gbò nɔ, à t̃ú ñ tyí, té ne: «Mé me ké tyí, á kɪ de!» Nénpó swɔ, d́í núkú de.

¹⁴ Képah sɔkɔ, Yesu kè gbah yo ñ tyí ne, à káh yĩ mè yǎh ney tyí pólle. Té à kyɪ ñ gblɔ̃yne sárká wílkipu yòtɛ̃ wɛkɪ. Moyisi-á sò sárká nê tyí yo sah tótám dénmɔnɔ tyí sɔkɔ, à mó kè pɪ n t̃ú. Képah-á kɪ ñ dénmɔnɔle pè wɛkɪ.

¹⁵ Képah fyé yò, wǎn sò me n dohnɪ Yesu yĩn wílno yò, té nékwĩnki sò me n tuke n mɔ ñ wey noh yĩn, ànê pé yamɔ mónɛnmɔ yĩne.

16 Té Yesu wɔ sò nkɛne n gbe n mɔ n tɛ̀ n̄ gblɔy gbɛnni sɔkɔ, n̄ Liyelle n ni.

Yesu sèkùkù dí yó de mɔ

17 Só yóle ntɔ̄, Yesu sò me kwónóle n pi, té Farisiyɛno ànê Liyel ñgbò wɛ̀kì kwópú tɔ sò me kɔntɛ̀nóle nɛ̀npó. Pè wil Kalile ànê Yude kwlo pól sɔkɔ, ànê Yerusalem tɔ sɔkɔ. Té Tɛ̀ ñgbɛ̀ Liyel tãhkì sò me Yesu sɔkɔ. Képah ye à kɔ̄, à yámpúle n de n mɔ.

18 Légbíne, nósý sèkùkù dí yó twah pɔ̀ n̄ sɛ̀ sɛ̀ kwâh yô, me n yah n kô ne, pé de ñne wòkò, pé kyi à tiki sah Yesu yah.

19 Té névye tnónkahnó tɛ̀ tyí, pé dé-ńsah yah kwlo. Kãh pi sɛ̀, pé dɔkɔ gbɛ̀ntɛ̀n̄ yô kye, à sèkùkù mè tiki mɔ ànê n̄ sɛ̀ sɛ̀ kwâh tɔle, névye niyó Yesu yah.

20 Yesu-á we pé sɛ̀ n̄ yô sɛ̀, à me yo sèkùkù mè tyí: «Dí, á tyípèl ye yô mɔ n̄ kɔ̄.»

21 Képah tɛ̀ sɔkɔ, Liyel ñgbò wɛ̀kì kwópú ànê Farisiyɛno tyah n sô ne, nê tɛ̀ ó se dí mène, té à Liyel yinne n yuki sɛ̀ ni? Nê se ki fɛ̀ tyípèl yô mɔ névi kɔ̄, né Liyel ó nãh ni?

22 Nte, Yesu-á pé fókósɔno pĩ sɛ̀, à pé syah ne: «Kwâh nê pi, té ye n sô sɛ̀?»

23 Nê tɛ̀ dòdò kal, à yo sèkùkù mè tyí ne, n̄ tyípèl-á yô mɔ à kɔ̄, képah nãh pi, à yo n̄ tyí ne, à yuku ne n kɔ?

24 Nte, mé me ké tyí ne, ye pĩ ne, tɛ̀nwɛno-á me Névi Pi tyí sétáh yô, ki fɛ̀ névi tyípèl yô mɔ à kɔ̄», té n̄ syi yo sèkùkù mè tyí: «Mé kéle n yo á tyí: yuku, á sɛ̀ sɛ̀ kwâh tɔkɔ, n̄ ne n yuku á gbô!»

25 Nɛ̀npó swɔ, dí núkú yuku no pól yí yah, à sɛ̀ sɛ̀ kwâh tɔkɔ, à sɔkɔ n̄ gbô, me Liyel yinne n gbilki n yuku.

26 Képah tɛ̀ sɔkɔ, no pól gbãn du. Pè Liyel yinne n gbilki tíkí tɛ̀ tyí, me yo tũ ne, kweyne, páh tyi snó we dé!

Yesu Levi ye yah

27 Képah nãh, Yesu wil nɛ̀npó, té mórí syí-ò Levi we kɔntɛ̀nóle mórí syí-ńsah wòkò sɔkɔ. A yo n̄ tyí ne: «N̄ sò tɛ̀!»

28 Levi núkú n̄ tò sah, té yuku n̄ sò tɛ̀.

29 Képah tɛ̀ne, Levi yôke ñgbɛ̀ pi n̄ gbô Yesu yinne, té mórí syípú nãhnãh ànê nékãhbí kwínkí sò me péle kéne yôke yó-ńsah.

30 Képah sɔkɔ, Farisiyɛno ànê pé Liyel ñgbò wɛ̀kì kwópú sò me lékãhle Yesule n kô me n yo n̄ tò sãhpú tyí ne, kwâh nê se, té pé n̄ yô té n wɔ mórí syípú ànê Liyel wɛ̀kì kó-ńkèpúle wɛ̀ tyí ni?

31 Képah tɛ̀ne, Yesu yo pé tyí ne: «Névye nónó-á me lènole, sènpí yétô se me pé tyí? Yámpú tyí nãh sènpí yétôle di?

32 Névye nónó-á n sô ne, négblo-á péle Liyel yah, mé nãh pɔ̀ pépi ye yinne. Nte, nónó-á pĩ ne, tyípèl pípu-á péle, pépi ye-ńsah ye mé pɔ̀ ne, pé Liyel wɛ̀kì tɛ̀.»

33 Képah nãh, Farisiyɛno yo n̄ tyí ne, Nsyô tò sãhpú ànê pépi tò sãhpú-á nkɛne níkilè n tɛ̀, n̄ té nírilè n pi. Nte, ñmɔ tyíno tɛ̀ wɔ nine n wɔ, té yôkele n yô kè.

34 Wãh képah noh sɛ̀, à me yo pé tyí: «Fúr pí-ò-á nónó ye n̄ fúr yôke yô yinne, yépi se ki fɛ̀ pé kɔ̀ pé ki níkí tɛ̀ pé yé-ò yí yah?

³⁵ Nte, só yó me n pi, pe mè kɪ pɔ n wilki n pi pé wró. Légbíne, pé kɪ pyě níkìle n tẽ.»

³⁶ Képah náh, Yesu me tǒ sèmìrkǐ yó mɪ pé tyí ne ríkě: «Névi yó rítě náh fwòsǎn kǎm, à fwòdyàh min n pi. Wáh képah pɪ, fwòsǎn kɪ yɪkɪ, ké gbó mè tɔ náh se tǒ fwòdyàh syi n pi.

³⁷ Anê tǒ, névi yó rítě náh ðivě sǎn mɔ n pi pley ði sɔkɔ. Wáh képah pɪ, ðivě sǎn mè-à fũ, kè kɪ pley nópi tɔkɪ, ðivě kɪ kwɛ, pley kɪ yɪkɪ.

³⁸ Kàh pɪ ðivě sǎnne, kè yĩne kè mɔ pley snó.

³⁹ Névi nê-á dar ðivě kònó wónóle, à náh tǒ n fě n syi ké kò-nkěne n wɔ. Tě n ne n yo ne, ðivě kònó-á nɔ kal.»

6

Yesu ànê mɪ mɪ yòh só tyile

¹ Képah náh, Nsyifunɔ mɪ mɪ yòh só yóle, Yesu sò me wěkì tẽ n kɔ n kah sèmukɔ swěy yísyó sɔkɔ. Té n tǒ sáhpú me sèmukɔ ywòle n kòlɪ n wɔkɔlɪ pé gbǎn sɔkɔ, à n tah.*

² Farisiyěno-á képah we sě, pé túkù me ne, tǒ pínó wěkì náh me kǔnóle mɪ mɪ yòh sóle. Té kwáh nê se, té pé kéle n pɪ nɪ?

³ Képah sɔkɔ, Yesu yo pé tyí: «Kwɛkɪ-á lésò yǒtě Davidi ànê n náh névyɛ tẽ só nêne, wǎh nê pɪ, yé náh kè kar yah kè?

⁴ A náh sò de Liyel wòkò sɔkɔ, à búrn tɔkɔ, nónó-á sò me sàhnóle Liyel tyí yò, à tah, té n náh névyɛ tɔ kǔ di? Té ney náh sò yĩne búrn nópi táhnóle, né sárká wìlkɪpu yǒtǎm ó náh.»†

⁵ Té tǒ yo pé tyí: «Névi Pile, mɪ mɪ yòh yǒtě ye òne.»

Gbònkù dí yó dénmɔnɔle Nsyifunɔ mɪ mɪ yòh sóle

⁶ Képah náh, mɪ mɪ yòh só yóle nítǒ, Yesu de Liyel ní-risah wòkò sɔkɔ, me tyah névyɛle n kwɔ. Té dí yó sò me nénpó sɔkɔ, gbòyòle kúnóle.

⁷ Képah tẽne, Liyel ògbò wěkì kwópú, ànê Farisiyěno mó me Yesule n kyomɪ n yah, wáh kɪ ntyínɔ ney de n mɔ n pi mɪ mɪ yòh sóle, pé mó lékàh we à kǔ.

⁸ Nte, òmɔ tẽ wɔ sò me pé fókósònɔle n pne. Kǎh pɪ sě, à me yo gbònkù dí mè tyí: «Yuku n pɔ n yĩn névyɛ ntyó ásò.» Dí me yuku yĩn.

⁹ Képah tẽne, Yesu yo pé tyí: «Ñmɔ yéle n piki n yah, tir nê pínó wěkì me kǔnóle mɪ mɪ yòh sóle? Pèpɔri se, tǐ pèkè se? A ney min pwah mɔ, tǐ à tẽ ko mɔ?»

¹⁰ Képah sɔkɔ, wǎh pé yah kore vi, à yo dí tyí: «Á gbò tǒ!» A me n gbò tǒ, kè núkú pɪ ké vile.

¹¹ Képah tẽne, pé fɔkɔ kah vyǎh Yesule, pé tyah wěne n vi n mɔ, sǔ-á pé kɪ n pɪ n pi òne.

Yesu tẽntòbe népǐ gbònimí yáhnwìlkìnóle

¹² Só yóle, Yesu dɔkɔ yuku yòlɪ yó yò, à kyɪ nírilɛ n pɪ. A lékàh pól pɪ Liyel nínó sɔkɔ.

* **6:1 6.1** - Yah n te Tǒnyonɔ sébéy 23.26 sɔkɔ. † **6:4 6.3-4** - Yah n te Samyɛlɪ sébéy gben 21 sɔkɔ.

¹³ Tyah-á pɔ dal, à ò tò sáhpú ye, té népí gbõnimí yah wilki pé sɔkɔ, té pépi yĩn sah ò tẽntõbele.

¹⁴ Wáh nónó yah wilki, pé yni we yò: Simɔ wɔle, Yesu òmɔ yĩn sah Pyerile, té ò gbẽndí Andre sò me, ànê Nsyakɪ, ànê Nsyõ, ànê Filipi, ànê Bartelemi,

¹⁵ ànê Matye, ànê Toma. A tahlɪ Alfe pídí Nsyakɪ tyí, ànê Simɔ nê-á sò pè n ye «Sú fǒ vyãh syí-òle»,

¹⁶ ànê Nsyakɪ pídí Yudele, ànê Yisikariyotɪ Yudasɪle, nê-á pɔ vi Yesu nãh.

Yesu tówú kwónó, ànê yámpú dénmɔnɔle

¹⁷ Képah nãh, Yesu tiki yǒh yǒ ànê péle, à pɔ yĩn kéntáhkì támm yó sɔkɔ. Té ò tò sáhpú náhnãh sò me, à tahlɪ tówú ògbě yó tɔ tyí, nónó-á wil Yude tãntãn pól sɔkɔ, ànê Yerusalemɪ, à tahlɪ pne yɔ gbòpɔ kwlo tyí, Tiri ànê Sidõne.

¹⁸ Pè sò pɔ Yesu welo nóh-ńsah, ànê dénmɔnɔ we yĩnne pé yamɔ sɔkɔ. Sétãn-á sò me nónó sɔkɔ me péle n kwlo, pé tɔ dénmɔnɔ we.

¹⁹ Té táhkì yó sò me n wil ò sɔkɔ, à pé pólle n de n mɔ. Képah ye tówú pól kǒ, pè n yah n kǒ wéntũ-ńsahle ò tyí.

Yèvinɪ ànê yèvyãhrɪ tyíle

²⁰ Képah sɔkɔ, Yesu me ò yah yǒ ò tò sáhpú yah, té ne:

«Yèvinɪ me yé tyí, yépi nónó-á me yãm sɔkɔ.

Liyel tǒrí me yépi tyí yǒ.

²¹ Yèvinɪ me yé tyí, yépi nónó-á me núkúnúkú kwekɪ sɔkɔ.

Yé kɪ pɔ n tǒ n pi.

Yèvinɪ me yé tyí, yépi nónó-á me núkúnúkú gbní sɔkɔ.

Yé kɪ pɔ yì syɔ n pi.

²² Yèvinɪ me yé tyí, no-à yé dyɔle n yɔ, té yé milki, té yéle n gbyɔ, té yé yĩnne n yɪkɪ Névi Pi yǒ sěno yĩnne.

²³ Nte, ké yǒre ògbě kɪ pɔ yé dyah Liyel fǒ. Képah ye, yé ne n me òvì sɔkɔ lésòle, yé ne n yɔkɔ n kwãh òvì tẽ tyí. Sě ye lésò pé nãh tãn tɔ n fǒh Liyel tẽntõ syínyopule.

²⁴ Nte, yépi nónó-á tahbule, yèvyãhrɪ me yé yǒ.

Yé yé pèpɔrɪ we sɔkɔ te.

²⁵ Yépi nónó-á me núkúnúkú tẽkɪ sɔkɔ, yèvyãhrɪ me yé yǒ.

Kwɛkɪ kɪ pɔ yé tẽ n pi.

Yépi nónó-á me núkúnúkú yìsyòni sɔkɔ, yèvyãhrɪ me yé yǒ.

Yé kɪ pɔ yèkwɔrɪ gbní gbo n pi.

²⁶ Pàh yépi nónóne n gbilki, yèvyãhrɪ me yé yǒ. Sě ye lésò pé nãh tãn tɔ n gbilki Liyel yĩn yǒ m̀nyobele.»

Sépébi tẽno pèpeyne

²⁷ «Nte, yépi nónó-á me n nohnɪ ní tyí, mé kéle n yo yé tyí ne: yé yé sépébile n tẽ ple. Yé pèpɔrɪle n pi yé dyɔ yópú tyí.

²⁸ Nónó-á plɔle n ye n mɔ yé yǒ, yé sãmne n mɔ pé sɔkɔ. Yé mó Liyelle n ni yé fǒhpú tyí.

²⁹ Névi-à á létáh núkú mɪ, ké ní-ò tɔ vi n mɔ à kǒ. Névi-à á fwòmò-ògbě tɔkɔ, ye tẽ kǒ à á fwòmònpir tɔ tɔkɔ.

³⁰ Névi nê-à kwâh ni á tyí, kè yĩ tẽ kõ. Anê, névi-à á gbò kwâh toko, káh ne, tẽ n syi n po kéle.

³¹ Anê tã, yáh me ké tyí ne, no nêne n pi yé tyí, yépi to sɛnkõle n pi pé tyí.

³² Yépi tyí-á no nónó tyí, pépi ó tyí-à no yé tyí, yíngbí nê me yé ki n we n pi képah soko? Liyel wɛkì kó-ńkɛpú n̄tɛ to nénónó tyí náh no pé tyí di?

³³ Nónó-á n tã n sah n pi yé tyí, yé to-à n tã n sah n pi pépi ó tyí, yíngbí nê me yé ki n we n pi képah soko? Liyel wɛkì kó-ńkɛpú n̄tɛ to náh sɛnkõle n pi di?

³⁴ Anê, yáh n deki névyele n kõ, yáh sɛ ké yõ ne, nónó ó-á ki po sé lédyáhníne yé kõ n pi, yíngbí nê me yé ki n we n pi képah soko? Liyel wɛkì kó-ńkɛpú to náh n deki wɛne n kõ, sé lédyáhní pónwe yinne di?

³⁵ Pèpɔri pí-ńkɛpú, ànê nɛpɛl nìgbèkì me Liyel soko. Képah ye, yépi to yé sépébile n tẽ ple. Yé pèpɔrile n pi pé tyí. Yé ne n deki n kõ, ké lédyáhní tyí sò-ńkɛne. Képah soko, yé ki kyi ké lédyáhní n̄gbɛ we Liyel fò, té ki pi yõtah Liyel wɛnpile.

³⁶ Yé pi nìgbèkì névyele, sɔ-á yé sú Liyelle nìgbèkì pí-òle.»

Káh no pílki-ńtân óle n yo

³⁷ Képah soko, Yesu tã yo pé tyí: «Yé káh nole n tuke. Képah soko, Liyel náh yé to tuke n pi. Yé káh lékàhle nole n kõ. Képah soko, Liyel náh lékàhle yé to kõ n pi. Nte, yé ne n yõ n mo nole n kõ. Képah soko, Liyel ki n yõ n mo yé tole n kõ.

³⁸ Yáh no téló tyíle n sãh dú nêne, kéne dú núkú ó ki yé to tyí sãh n pi. Képah ye, yé ne n yĩ n kõ. Képah soko, Liyel ki yĩ yé to kõ. A ki dú toko, ki sãhnó pèpey sãh, ki sni, ki yike yike, kè ki yuku kwe, ki vi mo yé kõ yé fwòmolo vyɛy tɛnkũnmɔno soko.»

³⁹ Té tã sèmirkì yó mɛ pé tyí ne n̄kɛ: «Yítũ se ki fɛ pi n̄ ní-ò yítũ yah tẽ-òle? Pé nímí náh n syki n de n pi pwàh yó soko di?

⁴⁰ Tir sáh-ò náh n kal n pne n kwó-òle. Té sáh-ò nê-à kwónó we yíi, n̄mo n pi n̄ kwó-ò tyí kòle.

⁴¹ Á pi sɔ, té ndan kyomɛ we á yúnpi yí soko, té dàhnpele áwɔ yí soko, á náh me képah wɔ we?

⁴² Á ki pi sɔ, té ki yo á yúnpi tyí ne, à ye á ndan wilki à kõ n̄ yí soko, áwɔ nê-á dàhnpele á yí soko, té á náh me képah wɔ we? Vínínì wékí-ò! Á yí soko dàhnpe n̄gbò wilki! Képah-à pi, á ki fɛ n yah palle, ki á ní-ò yí soko ndan wilki.»

Séswô ànê ké pyele

⁴³ «Séswô pèpey yó n̄tɛ náh n syi pye tókúnìne. Séswô tókù to náh mó n syi pye pèplòle.

⁴⁴ Sésân pól n pne sé pye soko. Sènsóké pye náh fɛ n we kahri soko. Yrensɛ náh mó tã fɛ n we n gbe gbíyɛkì soko.

⁴⁵ Népépɛy yípéplò n wil n̄ ni soko, wãh nónó koh sah. Sɛ ó ye, nétúkù to tyítúkúnì n wil n̄ ni soko, wãh nónó koh sah. Névi ni-à yuku tir nêne, képah ye n wil n̄ vyãh.»

Vì duke nínó tyí yónóle

⁴⁶ Képah sɔkɔ, Yesu tɔ̄ yo pé tyí: «Sɔ̄ pɪ, té yě n̄ne n ye <Tě ñgbě, Tě ñgběne>, té m̄ah se nê yo, yé n̄ah képahle n pɪ?

⁴⁷ Névi nê-à pɔ̄ n̄mɔ tyí, té n̄ welo noh, té me séle n pɪ, tẽ-á me nê kètòle, mé kɪ ñ tyí yo yé syah:

⁴⁸ A me, á kɪ ne wòkò mɔ-ò yó sɔ̄, nê-á swɔ̄ tũ tiki n̄ahn̄ah, té wòkò sɔ̄ légbí yò. Té ké sɔ̄ tyahn̄ó-á sò ple sɛ, képah ye, yɔ-á pɔ̄ yuku, té kwɔ, kè fwo kyɪ syɪ kéne wòkò tyí, té kè n̄ah tẽ we kè fẽ.

⁴⁹ Té, névi nê-à n̄ welo noh, té à n̄ah séle n pɪ, tẽ wɔ me, á kɪ ne wòkò mɔ-ò yó sɔ̄, nê-á wòkò yò sɔkɔ mɔ sètáh kókó yò swɔ̄ tũ-ñk̄ene. Yɔ-á pɔ̄ yuku, à fwo kyɪ syɪ kéne wòkò tyí, nénpó swɔ, ké pól pirki kwe, à núkú mukuli pnépné.»

7

Sràsyíbi lèkwě yòtẽ dí Liyel yò sɛ òkùlè

¹ Képah sɔkɔ, Yesu-á welo nópi pól yo pɔ̄ tyɛ no tyí, à de Kapernayumi.

² Té nénpó sɔkɔ, tònpi yó sò me sràsyíbi yòtẽ dí yó tyí. Á sò me n yo kèpékèyò, me n tyah kúnóle. Té ñ tyí sò tah yí ñ yòtẽ dí tyí.

³ Wǎh Yesu tyí noh, à me Nsyifunɔ yèwàhn̄i yísyó tekɪ mɔ ne, pè kyɪ à ni, à pɔ̄ pé tònpi de mɔ.

⁴⁻⁵ Pǎh kyɪ yíni tẽ Yesu tn̄ò, pè tyah ñne n gbah n ni, me n yo ñ tyí ne, pépi Nsyifunɔ tyí-á kah nɔ yòtẽ dí mè tyí. Anê, ñmɔ-á tɔ̄ yín pé Liyel ní-nsah wòkò mónóle. Képah-á, wǎh yíne yòhn̄inmɔnɔ mè pínóle ñ tyí.

⁶ Képah sɔkɔ, Yesu me sɔkɔ péle. Wǎh de n te sràsyíbi yòtẽ dí mè kétele, kéne dí tɔ̄ ñ kódíbi yísyó tɔ̄ ne ñk̄ẽ, pè pɔ̄ yo Yesu tyí ne, pé Yòtẽ, péwɔ n̄ah yíne ñ dénóle pé kéte sɔkɔ. Képah-á, à káh ñ gblɔy kwlo pɔ.

⁷ Nk̄ẽ, képah tɔ-á pé kɔ̄ pé kè yah ne, pé n̄ah yíne pónwílnóle ñ tyí pé gblɔy. Nte, à wey núkú ó yo, pé tònpi-á kɪ de.

⁸ Nk̄ẽ, péwɔ ñtẽ tɔ̄ tyí yòtã-á me, péwɔ tɔ̄ mó me sràsyíbi yísyó yò. Páh yo nê tyí: «Sɔkɔ!», tẽ n sɔkɔ. Páh yo nê tyí: «Pɔ!», tẽ n pɔ. Anê, páh yo pé tònpi tyí: «Tir mè pɪ!», à kè pɪ.

⁹ Képah sɔkɔ, Yesu-á kéne welo noh sɛ, à dí mè sò kègbile. Té ñ yah vi yo ñ sò tẽpú tówú tyí ne: «Mé kéle n yo yé tyí ne: Yisrayel ñtẽ sɔkɔ, mé n̄ah sɛnk̄ò Liyel yò sɛnó névi we yah.»

¹⁰ Képah sɔkɔ, tẽntò névye-á pé syɪ kyɪ sràsyíbi yòtẽ kéte, pè kyɪ ne n yah, ñ tònpi mè de.

Yesu pékúsè yó pídí lékó yilki mɔ

¹¹ Só yóle, Yesu me n yuku kwil yó sɔkɔ, nê-á pè n ye Nayinne. Té ñ tò sáhpú, anê tówú ñgbě sò me ñ sò tẽ.

¹² Wǎh yíni tẽ kwil dé-nsahle yúkey, à nósyó yohn̄i, pè me lékó yó twah n yuku yí-nsah. Pékúsè yó pídí ye sò, ñ gblɔy núkúnine ñ yú tyí. Té, kéne kwil névye sò me wil n̄ahn̄ah, me pi mè sò tẽ.

¹³ Tẽ ñgbě Yesu-á pi mè we sɛ, ñ yám à kah tẽ, à me yo ñ tyí: «Káh n tɔ̄ ne n gbo!»

¹⁴ Té me nɔ de, à tũ lékó twáhk̄i tyí, ké twáhpú núkú yín. Yesu me yo ne: «Dĩnpir, mé kéle n yo á tyí: yuku!»

15 Wǎh yo sě, à núkú yuku kǒ tě, té tyah n yǎh. Yesu me ònne ò yú gbò dahbì.

16 Képah tǎne, tíkí no pól tě. Pè tyah Liyelle n gbilki, me yo tũ ne, Liyel tǎntò syínyo-ò ògbě yó-á wil mǒ pé wró. Anê, Liyel-á yah dah mǒ ò no tyí sǒkǒ.

17 Képah sǒkǒ, Yesu tyípínó tyí yónó tǒ mǒ Yude tǎntǎn pól sǒkǒ, à kyí sǒkǒ ké gbòplo kwlo tǒ sǒkǒ.

Wèlnwìlkì-ò Nsyǒ-á nê piki yah Yesu tyí sǒkǒ

18 Képah sǒkǒ, Nsyǒ tǒ sǎhpú tyi nópi pól yǎh Nsyǒ tyí. A me pé sǒkǒ népì ními ye,

19 à tǒ Tě ògbě Yesu tyí. Nkě, pé kyí à piki yah ne, òmǒ se Liyel ney tékínmǒnǒle, nê-á kú sǒ n pǒ n pi, tǐ pé se yǐne pé ònǎne n syíkú ní?

20 Pǎh pǒ yǐni tě Yesu tǎô, pé yo ò tyí ne, Wèlnwìlkì-ò Nsyǒ-á pépi tekú mǒ ò tyí ne, pé pǒ à piki yah ne òkě, òmǒ se Liyel ney tékínmǒnǒle, nê-á kú sǒ n pǒ n pi, tǐ pé se yǐne pé ònǎne n syíkú ní?

21 Légbǐne, Yesu me yámpú náhnáhle n de n mǒ pé yamǒ, ànê pé yèvyǎhrǐnǒ sǒkǒ. A sétǎn yǐni wilki pé sǒkǒ, té yítǔbi náhnáh yí yíkú mǒ.

22 Té me yo Nsyǒ tǎntò névyé tyí: «Yáh nê we, té nê noh, yé kyí kè yǎh Nsyǒ tyí: Yítǔbi yí me n yíkú n mǒ, sèkukubi me n kǒ tómtóm, tótǎm me n de, níkitǔbi me n nohnú, lékyí me n yilki n mǒ, ànê òvìni wey sǎn me n yo n kǒ yǎm tǎn tyí.*

23 Nte, nê-á Liyel yǒ sǎnó yáhle-òkěne òmǒ yǐnne, yèvinú me tě tyí.»

24 Képah sǒkǒ, Nsyǒ tǎntò névyé-á sǒkǒ te, Yesu tyah ò tyíle n yǎh tówú tyí me n yo: «Kwáh nê me yé kyí yah gběnnú sǒkǒ? Fílkí yó se yáhkí me n fí n kǒ?

25 Tǐ kwáh nê me yé kyí yah we? Dí yó se, nê-á me fwòpèplo mǒ? Té nóno-á mó tǒ fwòtǎhnène n mǒ, té tǒrí yéle n yǒ, pépi náh me yòtǎm fné sǒkǒ dí?

26 Nte, kwáh nê me yé kyí yah we? Liyel tǎntò syínyo-ò yóle ní? Mé kéle n yo yé tyí ne: sě-á. Té òmǒ òtě-á kal Liyel tǎntò syínyo-òle.

27 Nkě, òmǒ tyí sǒkǒ-á kè wǎrkú sah ne òkě:

<Yáh, òmǒ Liyel kú ní tǎntò yó-ò tekú mǒ á yahle,

à kú pǒ á wěkì tǒ sah.>†

28 Mé kéle n yo yé tyí ne: sê fǒkǒ tǎh pi yó òtě náh me nê-á kal Nsyǒne. Nte, nê-á tyí kal Liyel yòtǒrí sǒkǒ, òmǒ òtě gblò kal òne.

29 Képah sǒkǒ, nóno pól-á sǒ me n nohnú ò tyí, à tǎhlú mórí syípú tǒle, pé pól ne, Liyel-á me tómm, té Nsyǒ kǒ, à pé wel wilki.

30 Nte, Liyel-á nê yah kǒ Farisiyěno ànê Liyel ògbò wěkì kwópú tyí, pé pé náh vi kè kǒ, té yahle pé wèlnwìlkínóle Nsyǒ tyí.»

31 Té Yesu tǒ ne: «Nê tě me mé kú tǒkǒ sǎh kwey gbí névyéle? Nê tě me pé tǒ?

32 Pé me, á kú ne wěnpì sǒ kǒ tě n syah tówú tǔkè-ònsah sǒkǒ, té me n yo wě tyí ne, pépi-á yíkú fǐbú pé tyí, té pé náh se yi. Pé tǒ kǔ yíkú gbú mǒ, pé náh se tǒ gbo.

* 7:22 7.22 - Yah n te Yesayi sébéy 35.5 ànê 61.1 sǒkǒ. † 7:27 7.27 - Yah n te Malakú sébéy 3.1 sǒkǒ.

³³ Nte, Wèlnwìlkì-ò Nsyõ pɔ, à náh me n yõ, à náh me ðivěne n wɔ, té ye ne, n yõgbèkè náh me.

³⁴ Névi Pi-á se pɔ, à n yõ té n wɔ, yé tõ ne, pè yah yèwònrɪ, ànê sètě-á òne, mórí syípú ànê tyípèl pípú kódí-á.

³⁵ Nte, Liyel lékám tyile, gbɪ ye séle sé fěnsyipu tyí.»

Yesu pi yó tyípèl yõ mɔ à kō

³⁶ Farisiyě dí yó sò me, pè n ye Simɔle. Só yóle, à Yesu ye ne, à pɔ yõke yõ pé tyí. A me kyɪ de kéné dí gbô, à tẽ yõke yah.‡

³⁷ Té kéné kwil sɔkɔ, tyípèl pí-ò pi yó sò me. Wáh noh ne, Yesu-á me yõkele n yõ Farisiyě dí gbô, à pɔ nrɪ pãn pènèkì yóle, so pèpɛy yó sɔkɔ.

³⁸ Té me vi Yesu náh ònne, à n gbo n yétine n kwe Yesu gbyêh yõ, té séle n kele n yõyenne, té sè pɔrɪ tẽ, té nrɪ mène n mɔ sé yõ.

³⁹ Farisiyě dí nê-á ye Yesule, òmɔ-á képah we sě, à tyah n sò n fɔkɔ sɔkɔ ne, dí mè-à sò me Liyel tẽntò syínyo-òle, pi nê-á n tũ n tyí yò, wáh náhkɪ n òkù pí ne nkě, tyípèl pí-ò ògbě-á òne.

⁴⁰ Yesu me wey tɔkɔ, té yo Simɔ tyí ne, tir yó-á me pé tyí yo yo tẽne n tyí. Simɔ me ne, à kè yo, kwó-ò dí.

⁴¹ Képah sɔkɔ, à me yo n tyí: «Kmɔ mó-ò yó kmɔ sò me nɛpì ními yísyó yõ. Núkú sò yĩne à à dyah pó pló kyekwéle, ní-ò me yĩne à à dyah pló tikiníní pó gbámne.

⁴² Nte, pé sɔkɔ ney yó ntě náh sò me fě n tyí dyah n pi sě, dí pé ními tyí yõ mɔ pé kō. Káh pi sě, n tyí kɪ nɔ kal nê tẽ tyí pépi ními sɔkɔ?»

⁴³ Simɔ me à syah ne, péwɔ tẽ sòno sɔkɔ, nê kōli-á kal, òmɔ-á. Yesu me ne, gbɪ-á à yo.

⁴⁴ Képah sɔkɔ, té n yah vi pi ònne, té yo Simɔ tyí: «Á pi mè we kè? Òmɔ-á de á gbô, á náh gbyêh wu wu nine ní kō. Nte òmɔ wɔ n yétí kwe ní gbyêh yõ, té sè kele n yõyenne.

⁴⁵ Áwɔ náh ní pɔrɪ tẽ. Nte, òmɔ tẽne, wáh de pɔ sɔ, à náh me yal mɔ n gbyêh póríntěnole.

⁴⁶ Á náh mó tõ nrɪ mɔ ní yõ, nte òmɔ tẽ wɔ nrɪ pãn pènèkì mɔ ní gbyêh yõ.

⁴⁷ Mé kéle n yo á tyí ne: pi mè tyípèl náhnáh nópi pól-á yõ mɔ à kō. Képah ye, à tyínɔnɔ ògbě tir mè pi. Nte, yõnmɔnɔ-à pi nê tyí kwéyy, òmɔ tyínɔnɔ n mó ne kwéyy.»

⁴⁸ Té tõ n syɪ yo pi mè tyí: «Á tyípèl ye yõ mɔ n kō.»

⁴⁹ Képah sɔkɔ, wáh sò me n yõ ànê nónóne, pè tyah n sò pé fɔkɔnɪ sɔkɔ ne, nédúkú nê se dí mène, té à kɪ pɔ tyípèl tole n yõ mɔ nrɪ?

⁵⁰ Káh pi sě, Yesu me yo pi tyí: «Ómɔ yõ sěno ye n pwah mɔ. Ne n yuku yèvinɪ sɔkɔ.»

8

Tò sáhpú ànê syó yísyó Yesu sò tẽ

‡ 7:36 7.36 - Yesu me gbíne, nɛnpó tán sò nkěne pé gbalɪ kěkɪ n tẽ yõke ògbnole n yõ.

¹ Kéne tyi sókóntenó náh, Yesu sò me n kò n kò kwíl-̀ngbno ànê kwílpi, me nìvìnì wey sánne n yo Liyel yòtòrí tyí sòkò. Té n tò sáhpú népi gbõnimí sò me òne,

² ànê syó yísyó tɔle, wǎh sétàn yĩni wilki nóno sòkò, té pé yamno tyɛ. Makadala kwil Mari sò me, nê sòkò-á sétàn kwǎrnino wil,

³ ànê Nsyanne, nê-á Yerodı tahrı kyòmı-ò dí Kusa kyɛ, ànê Susanıne, ànê syó náhnáh yísyóle, nóno-á sò pé gbàn yıle Yesu ànê n tò sáhpúle n yohnı n mo.

Sèmuco mır-ò sèmırkile

⁴ Képah sòkò, névye sò me wil kwlo kwlo pól sòkò, à n pò n pò Yesu tyí. Tówú ñgbẽ-á pò tuke mo sɛ, à me sèmırkí yó yǎh pé tyí ne:

⁵ «Só yóle, sètò yó lésò wil n sèmucole n mir. Wǎh me mırnó sòkò, yísyó syıkılı wěgbalı sòkò. Wěkòbı kò sòkò sé yò, kèpye me pò sè yo.

⁶ Yísyó me syıkılı légbı yò, à fi, té núkú tǔ kòkò vınó kě tǔ tyí.

⁷ Yísyó me syıkılı de pǎn nıyó. Sǎh fi wě tyí pǎnne, pǎn me fyǎh sé yò.

⁸ Nte, yísyó me syıkılı sétáh pèpey sòkò, à fi. Sépi wò kyǎh, à pò pyeno lèkwèkwe pi.» Sèmırkí me yáhnteno náh, Yesu tǔ yo pé tyí yınpò ñgbẽne ne nké: «Níkı-à me nê tyí noh noh tǔne, tǔ n níkı sah noh.»

⁹ Képah sòkò, Yesu tò sáhpú à piki yah sèmırkí mè yòle.

Yesu sèmuco mırnó sèmırkí yò yo

¹⁰ A me yo pé tyí: «Liyel tǔrí tyi nóno-á me wǔbınóle, sé pnèno ye yépi tǔ wò kò. Nte, téló tǔ tyí, sèmırn ó sòkò ye sè kı n yǎh.

Képah sòkò, pé kı n yah díkídíkı,

té pé náh kwǎh yó we n pi.

Té kı n nohnı,

té pé náh ké yò pı n pi.»

¹¹ Té tǔ yo pé tyí: «Sèmırkí mè yò-á nēne, kè we yò: Mir mir sèmuco mēne, Liyel wey ye.

¹² Té névye túkú me wěgbalı tyí kǔlı: Pépi-à Liyel wey noh, sétò n pò kè wilki pé nno sòkò ne, pé káh pò sɛ ké yò, pé mó pwáhnmono we.

¹³ Túkú me légbı yò tyí kǔlı: Pépi-à Liyel wey noh, pé kè fɛ n syi nìvıle. Té pé náh n ye kè yǎhnıne n mo pé sòkò. Pě kè fɛ n syi nénpó swò ó sòkò, té mónyahno-à núkú pé yĩni tǔ, pé pé náh vi kè kò.

¹⁴ Túkú me pǎn mé-nsah tyí kǔlı: Pépi-à Liyel wey noh, fókósõno, ànê tahrı yáhnó, ànê kèkõyó nıvı tyi n pò kè fyǎh. Kàh pi sɛ, pé n wũ nıyó, kè náh tırlı n pekı pé tyí.

¹⁵ Nte, túkú me sétáh pèpey tyí kǔlı: Pépi-à Liyel wey noh, pě kè syi n sah palle nı pèpey sòkò, nê-á me tǔnsáhnóle. N té ké tǔno ple, yõre n we ké tyí, sèmuco pékínó tyí kǔle.»

Yesu-á sèmırkí nê mı fòtnò tyí sòkò

¹⁶ Yesu tǔ yo pé tyí: «Névi se kı fòtnò soh, té kı dú kwınkı mo ké yah, képah náh pi, kı kè dah mo sɛ sɛ kwǎh sètáhkı sò? Tǔ náh kè sah n pi fòtnò sahkı sòkò, kè n pi n pi kyòole wòkò sòkò dépú tyí di?

¹⁷ Tir yó ntǔ náh me wǔbınóle, té kı n wũ n pi wılkınmo-ńkēne kégbó. Sètın sò tir yó ntǔ náh n wũ n pi pí-ńkēne, ànê wılkınmo-ńkēne kwèyy.

18 Névi nê tyí kwâh-á me, dòhnìnó kɪ n pɪ ñmɔ tyí yõ. Té névi nê tyí kwâh nâh me, kwéy nê ñtê-á à me n sõ ne, páh me we, ké tɔ kɪ tẽ syi ñ tyí. Kãh pɪ sɛ, yé kyòmìnóle n pɪ yé nohnɪ òkù sɔkɔ!»

Yesu yúnpyé ànê ñ yúne

19 Képah sɔkɔ, Yesu-á sõ me fí nê sɔkɔ, ñ yúnpyé, ànê ñ yú pɔ yĩni tẽ nénpó. Nte tówú tẽ tyí, pè nâh tẽ we nɔ de ñne.

20 Pè me yo mɔ ñ tyí ne, ñ yú, ànê ñ yúnpyé-á me yínnóle kégbó. Pãh me ké tyí ne, pé à we.

21 Képah tẽne, à me yo pé tyí: «Nónó-á Liyel weyne n nohnɪ té ké tyile n pɪ, pépi ye ñmɔ yú ànê ñ yúnpyéle.»

Yesu yáhpékè yó yĩn mɔ yó-ñgbẽ sɔkɔ

22 Sõ yóle, Yesu de krótókè yó sɔkɔ ànê ñ tò sáhpúle, té yo pé tyí ne, pè ye pé yuku yó-ñgbẽ kahnune.

23 Té pãh me krótókèle n to n yuku gbí nêne, Yesu dɔ. Dõ, yáhpékè yó kò pé yõ yó sɔkɔ, à nine n tɔkɔ n mɔ krótókè sɔkɔ, kè syi pɔ n yuku nine, dlo n tyah pé nónóle.

24 Pè me nɔ de Yesu tnô, me ñne n yilki n mɔ ne, pé yõtẽ, pé yõtẽ! Yɔ-á me n tyah pé yónóle dé! Képah tẽne, Yesu me yuku, té díri kò yáhkí, ànê ni yõ. Yáhkí me yĩn, yó tiki tẽ, tyah pɪ súmm.

25 Kãh pɪ sɛ, à yo pé tyí: «Yé Liyel yõ sɛnó nyãh?» Tíkí tẽ tyí, pé gbãndu, pè tyah n yo wẽ tyí ne, nédúkú nê se dí mène, té à fẽ n yo yáhkí ànê ni ñtê tɔ tyí, sè n sah ñ tyí yõ nɪ?

Yesu sétàn kwĩnki yĩni wilki dí yó sɔkɔ

26 Yesu ànê ñ tò sáhpú kyɪ yĩni tẽ yó-ñgbẽ kahnune, Yerasenu sétáh yõ, Kalile yèsreynɛ.

27 Wãh me n tiki krótókè sɔkɔ gbí nêne, dí yó wil kwil sɔkɔ, à pɔ à yohnɪ, sétànne ñ sɔkɔ. Kwil mè ney ye sõ ñne. Té kè pɪ di mónóle, à nâh tã sõ me flɔle n mɔ, ànê à nâh me n tẽ gbô. N tẽ-nsah ye sõ léyâl wró.

28-29 Té, sétò mè sò n yuku dí mè yõ gbáhyí náhnáhle. Pè sò ñkẽne à pukubi kɛlò, ànê kárnne ne, pé à tẽ sah. Nte, à púkúbí-ñtân nópi kɔli, té sétò mè à tɔkɔ n de gbẽnnɪ tantàn sɔkɔ. Képah sɔkɔ, wãh Yesu we, Yesu me yo ñ tyí ne, à wil dí mè sɔkɔ. Wãh yo sɛ, dí pɔ kɔ kwĩnki ñ yah, té de syi yínpɔ ñgbẽne ne, kwâh nê se à n yah n kò pé tyí nɪ, yõtãh Liyel pi Yesu? Páh ñne n ni, à káh pé fõh.

30 Yesu me à piki yah ne, ñ yĩn se sõ nɪ? Té kãh pɪ, sétàn náhnáh sò me dénóle ñ sɔkɔ, à me ne, pé yĩn-á Méfwóbé Kwĩnkile.

31 Képah sɔkɔ, sétàn nópi me Yesu ni ne, à káh sé yĩni wilki tɛkɪ mɔ yèvyãhrɪ tẽ-nsah.

32 Té nénpó sɔkɔ, sel kwĩnki yísyó sò me n yah n yõ n kò yõli yõ. Sétàn nópi tã Yesu ni ne, à ye sé kò sé kyɪ de sel nópi sɔkɔ. A me ké wɛkile sè kò.

33 Képah tẽ sɔkɔ, sétàn nópi wil dí mè sɔkɔ té kyɪ de sel nópi sɔkɔ. Sel kwĩnki nópi núkú kènpĩn to tiki tükütükù, à kyɪ de yónpɛkì sɔkɔ, kè kò kè sè yõ.

34 Sel nópi fẽpu-á képah we sɛ, pè to kyɪ kè yãh kwil, ànê yèpiyey sɔkɔ.

³⁵ Képah tēne, tyi nónó-á pi, névye wil ne, pé kyɪ sé ségblo yah. Pè po yini tē Yesu tnô, té dí nê-á sò sétàn wil n soko, pè à we kòntēnóle Yesu tnô. A sò me flo mo, té me tírr. Kǎh pi sē, tíkí pè tē.

³⁶ Képah soko, nónó-á sò n dénmɔ dukù we, pè kè yāh téló syah.

³⁷ Kǎh pi sē, tíkí tē tyí, Yerasenɪ sétáh yō névye pól kè yah kō Yesu tyí ne, à yal gbɛ mo pépile. Képah soko, Yesu me de krótókè soko, à n tyah sókónóle.

³⁸ Té dí nê soko-á sò sétàn wil, kéne dí Yesule n ni ne, à ye pé tē ñne. Nte, Yesu nǎh kè fē syi, té yo n tyí:

³⁹ «Liyel-á tyi nónó pól pi á tyí, á syɪ n yuku á gbô, n kyɪ sè yāh.» Wǎh yo sē, dí me n syɪ yuku n òinne. Té tyi nónó pól-á Yesu pi n tyí, à séle n yāh n kō kwil pól soko.

Yayirusi písê yilkɪnmɔɔ, ànê pi nê-á tū Yesu fwòmɔɔ tyí

⁴⁰ Tówû sò me Yesu syɪkɪ tē sē, képah ye, wǎh wil yó-ñgbē kahnɪne, à po yini n tē pé tnô gbí nēne, pé pól à yohnɪ nìvì soko.

⁴¹ Légbí mè ó soko ye dí yó po yini tē, pè n ye Yayirusile. Nmɔ ye sò nénpó Liyel ní-nsah wòkò yah yétēne. Wǎh yini tē Yesu tnô, à gbètukuno di n yah, té à ni ne nkē, kékwɛ, à po pé yuku péwɔ gbô,

⁴² nkē, písê nê-á pé tyí n gblɔy núkúnine, té me ye gbōninó kénkō soko, wǎh me n tyah kúnóle. Képah tē soko, Yesu-á n soko nénpó, tówû à fyāh kámm yey yey pólle.

⁴³ Té, sê yó tɔ sò me nénpó. A sò me n yo tó kwénó nyanne pópó, ye gbōninó. N gbò pól syi po tyɛ syey pínóle sènpɪ tyí, té pé soko yó ntē nǎh tē we à de mo.

⁴⁴ A me no de Yesule n nǎh òinne, té tū n fwòmɔɔ vyāh tyí. Nénpó swɔ, n nyan núkú tyɛ.

⁴⁵ Képah soko, Yesu me piki yah ne, nê se tū péwɔ tyí ni? No pól-á pé vyēyne n kōlɪ ne, pépi nǎh sē, Pyerɪ me ne, pé yòtē, névyé-á fyāh sah ñne kámm.

⁴⁶ Nte, Yesu me ne, ñnî yó-á tū pé tyí. Páh kè pī ne, tǎhkì yó-á wil pé soko.

⁴⁷ Képah soko, pi mè-á po pī ne, tir mè nǎh tō fē n wōbɪ, à po n gbètukuno di Yesu yah wilsyahɪ soko. Tir nê yin-á à tū n tyí, té kè yāh no pól yí yah, ànê sō-á à dénmɔɔ we nénpó swɔ.

⁴⁸ Képah tē soko, Yesu me yo n tyí: «Pi, á Liyel yō sēnó ye n de mo. Ne n yuku yèvinɪ soko.»

⁴⁹ Ghí nê-á Yesu me kéne wey yónó soko, dí yó wil yòtē dí Yayirusi gbô, à po yo Yayirusi tyí ne, n písê-á yah kwlo, nkē, à káh fwòtē kwó-ò dí kwlo.

⁵⁰ Nte, Yesu-á képah noh, à me yo Yayirusi tyí ne nkē: «Káh tíkí pi! Sē ó sē ké yō, té á písê kɪ n min we.»

⁵¹ Té pè me soko Yayirusi gbô. Páh kyɪ yini tē, à nǎh fē syi ney de ñne, à wil Pyerɪ, ànê Nsyɔ, ànê Nsyakɪ, ànê pípír sú, ànê n yú tyí soko.

⁵² Légbíne, no pól sò me pípír kú pòle n gbo me yām yām tyile n pi. Képah soko, Yesu ne: «Yé káh ne n gbo! A nǎh ku, doy soko ye ñne.»

⁵³ Nte, névyé-á sò me n kúntenɔ pī te sē, pè tyah kòle Yesule n ko.

⁵⁴ Képah tē soko, Yesu me à tē n gbò tyí, té à kah ye: «N pi, yuku!»

⁵⁵ Nénpó swɔ, n̄ min núkú ké syɪ de n̄ sɔkɔ à kɔ̄ à yuku. Wǎh yuku, Yesu me kè yah kɔ̄ pé tyí ne, pè yǎrle à kɔ̄ à yǒ.

⁵⁶ Kǎh pɪ sɛ̄, n̄ dúbípú gbǎn du, té Yesu kè yah kɔ̄ pé tyí ne, pè káh tir mè yǎh ney tyí.

9

Yesu n̄ tò sǎhpú népî gbõnimí tò

¹ Só yóle, Yesu n̄ tò sǎhpú népî gbõnimí ye tuke mɔ, té tǎhkì ànê tɛ̄nwɛnɔle pè kɔ̄ ne, pè sétàn pólle n̄ yīni, pè mó yámpúle n̄ de n̄ mɔ.

² Képah sɔkɔ, té pè tekɪ mɔ ne, pè kyɪ Liyel tǔrí tyíle n̄ yo n̄ kɔ̄, pè mó yámpúle n̄ de n̄ mɔ.

³ Té tò yo pé tyí ne, pè káh kwáh yó n̄tɛ̄ tɔkɔ wɛ̄kì kɔ̄ yīnne. Pè káh n̄s̄in tɔkɔ, pè káh pilki tɔkɔ, pè káh yōke tɔkɔ, pè káh pó tɔkɔ. Anê ney káh fwòmɔlɔ nínó tɔkɔ. Té tò ne:

⁴ «Yáh kyɪ we twah kéte nê sɔkɔ, yé tɛ̄ képah sɔkɔ fóó, kè pɔ nɔ yé yal gbí tyí nénpó.

⁵ Té, nónó-à kyɪ yahle ne, yé káh twah pé tyí, yáh n̄ wil kéne kwil sɔkɔ, yé yé gbyêh n̄ngbõ kwer n̄ kwe nénpó. Képah kɪ pɪ gbáhdýáh dínsàhnóle pé tyí.»

⁶ Képah tɛ̄ne, pè me sɔkɔ, à kyɪ n̄ kɔ n̄ kɔ̄ kwlo kwlo sɔkɔ, à n̄v̄in̄i wey sánne n̄ yo n̄ kɔ̄, té me yámpúle n̄ de n̄ mɔ ywõ ywõ pól sɔkɔ.

Yerɔdi fɔkɔ fɛ̄kínóle

⁷⁻⁸ Légbíne, Kalile kwil tām yòtɛ̄ n̄gbēne, Yerɔdi ye sò. N̄mɔ-á Yesu tyípínó nópi pól noh gbí n̄ne, túkù n̄tɛ̄ me n̄ yo ne, Nsyõ-á n̄ syɪ min we, à wil lékyî sɔkɔ. Túkù mó ne, n̄gbò Liyel tɛ̄ntò syínyo-ò Yeli-á pɔ wil mɔ. Túkù mó tò ne, n̄gbò Liyel tɛ̄ntò syínyo-ò yó-á yuku wil lékyî sɔkɔ. Páh yo sɛ̄ Yerɔdi tyí, n̄ fɔkɔ fɛ̄kɪ.

⁹ Képah sɔkɔ, à ne, té páh se Nsyõ yó kām.* Nte, nê tɛ̄ ó tyípínó se tò pé n̄ nohn̄i yò nɪ? Kǎh pɪ sɛ̄, à tyah Yesule n̄ yah n̄ kɔ̄ ne, pé à we.

Tówû n̄gbê púnóle Yesu tyí

¹⁰ Yesu tɛ̄ntòbe-á pé syɪ pɔ n̄ tn̄ô, pè pé tyípínó pól yǎh à syah. A me pè tɛ̄ yal pé yahle, à yuku péle kwil yó gbòpɔ, pè n̄ ye Besayidale.

¹¹ Nte, tówû-á pɔ pé sókónó p̄i sɛ̄, pè pé nyáh sò kyɪ nékwínkile. Képah sɔkɔ, Yesu pè tɛ̄ palle, me Liyel tǔrí tyíle n̄ yǎh pé tyí, té me yámpúle n̄ de n̄ mɔ, nónó-á sò me lènɔle n̄ yah n̄ kɔ̄.

¹² Nte, gbí-á pɔ n̄ yi, n̄ tò sǎhpú nɔ de n̄ tn̄ô, té me yo n̄ tyí ne, n̄gbõ gb̄enn̄i tyah sɔkɔ-á péle ásô dé! Nkɛ̄, wǎh náhkɪ tówû fin mɔ, pè kyɪ sɛ̄-n̄tán ànê yōke yah kɔ̄ gbòplɔ kwlo ànê yèp̄iyey sɔkɔ.

¹³ Képah sɔkɔ, Yesu yo pé tyí: «Yépi yōke yah pè kɔ̄ pè yō yé gbl̄oy kè!» Pè me à syah ne, búrn pló kwlo, ànê ȳenk̄yɔ pló nínó ó-á me pé tyí dé! Tí, à se me ké tyí ne, pépi kyɪ yōke dwe pɔ nékwínkí nópi pu nɪ?

¹⁴ Té díbí sò nɔ népî kèyō nínó kyegbām kénkòle nénpó.

Képah sɔkɔ, Yesu me yo n̄ tò sǎhpú tyí ne, pè no kɔ̄ pè kɔ̄ tɛ̄ t̄inkínóle népî tikiníní pó gbām gbāmne.

* 9:9 9.9 - Yah n̄ te Marki sébéy 6.14-29 sɔkɔ.

15 Pè kè pi, wăh yo sǒ, à no pól kǒ pè kǒ tǔ.

16 Képah tǔne, Yesu me búrn pló kwlo, ànê yǔnkyo pló nínó nópi toko, té n̄ yah yǒ yǐnyō, à Liyel ni sé yō, té sè kwokɪ, à n̄ tò sáhpú kǒ ne, pè syi tówú kǒ.

17 Képah-á pi, no pól yǒ tǒ. Té pè pé yónkwlonɔ tuke mɔ, vyó gbōninó yǐine.

Pyeri kè yo ne, Krista-á Yesule

18 Sǒ yóle, Yesu sǒ me n̄ gbe kyɪ tǔ níriɛ n pi, n̄ tò sáhpúɛ n̄ tnô. Képah sokɔ, à me pè piki yah ne: «Névyé tǔ tyí, nê me n̄mɔɛ?»

19 Pè me à syah ne, tókù-á ne, Wèlnwilkì-ò Nsyō-á n̄ne. Tókù me ne, Yeli-á n̄ne. Tókù mó ne, n̄gbò gbí Liyel tǔntǒ syinyo-ò lékó yílkínmɔnɔ-á.

20 Păh yo sǔ, à pè syah ne: «Té, yépi tǔ tyí, nê me n̄mɔɛ?» Képah tǔne, Pyeri me ne níkǔ: «Krista yé áɛ, Liyel-á ne, páh kɪ nê tekɪ mɔ.»

21 Wăh yo sǔ, Yesu pè kah sni ne, pé káh kè yo ney syah,

22 té tǒ yǒ sokɔ yo pé tyí: «Névi Pi yǐne à yèvyăhrɪ pi náhnáh. Yèwàhnì, ànê sárká wílkɪpu yǒtām n̄gbnɔ, ànê Liyel n̄gbò wǔkì kwópú kɪ à yahle n pi. A kɪ ko mɔ, té ké sèp̄n̄ tǒ-ò sǒɛ, à kɪ n̄ syɪ min wɛ.»

Yesu sǒ tǔ dükùɛ

23 Képah náh, à yo no pól tyí: «Névi nê-à me ké tyí ne, pé n̄mɔ sǒ tǔ, tǔ n̄ gblǒy dɔy yǐ tyi ye, sǒmesó à mó ne me n̄ syɪ syɪ dahnu twah, ní sǒ tǔ.†

24 Yah, névi nê-à ne níkǔ, páh n to n pwah kǔ yah, tǔ náh min wɛ n pi. Nte, nê-à kǔ fǔ syi n̄mɔ yǐnne, tǔ wɔ min kɪ pwah.

25-26 Névi nê-á n̄mɔ, ànê ní wey fǔnsyino yah sen ku, n̄mɔ Névi Pi tɔ kɪ sen ku ne, mé náh tǔ pǐ, mäh sǒ n̄ne pɔ ní yǒtǒrí sokɔ, ànê ní sú tyí, ànê yǐnyō tǔntǒnè tyí sokɔ. Kăh pi sǔ, yǒ se me ké tyí, névi-à kèkǒyó tahrɪ pól wɛ, té n tekɪ n pi n̄ min sokɔ, kɪ n̄ gblǒy tyí yɪkɪ?

27 Gbɪ yǒ, mé kéɛ n yo yé tyí ne: névyé nónó-á me ásô, pé tókù kɪ Liyel tǒrí wɛ yǐne, té kɪ me min sokɔ.»

Yesu dükù v̄n̄mɔnɔɛ

28 Kéne welo yóntenɔ náh, sèp̄n̄ kwärtǒnɔ kénkǒ-á sokɔ, Yesu Pyeri, ànê Nsyō, ànê Nsyakɪ tǔ sokɔ yǒlɪ yó yō ne, pé kyɪ níri pi.

29 Wăh me níri sokɔ gbí n̄ne, n̄ yèpɔ dükù vi mɔ, té n̄ flo piki préyy.

30 Nénpó swɔ, díbí nép̄í ními núkú wil, me yáhkɪɛ n yăh ànê Yesule.

31 Moyisi ànê Yeli ye sǒ pɔ wil mɔ yǐnyō tǒrí sokɔ, té me n yăh Yesule, wăh kɪ n̄ tò pi n tǔ n pi sǒ, n̄ kúnó sokɔ Yerusalemɪ.

32 Té légbíne, dɔy sǒ me Pyeri ànê pé no tyí fǔ. Păh dɔ yuku, pè Yesu tǒrí dükù wɛ ànê díbí nép̄í ními nópile yǐnnóɛ n̄ne.

33 Képah náh, nép̄í ními nópi-á n yal Yesu tnô gbí n̄ne, Pyeri me yo n̄ tyí ne, pé yǒtǔ, pé tǔnó-á kɪ ple ásô dé! Páh kɪ yèpyenɔ tǒnó pi. Nkǔ n̄mɔ tyí-á núkúɛ, Moyisi tyí me núkúɛ, Yeli tyí me núkúɛ. Té, à náh sǒ pǐ, tir nê-á à me n yo.

34 Wăh me wékínó sokɔ sǔ, níyǐrkì yó núkú wil fob mɔ pé yō. Légbíne, tíkí de Yesu tò sáhpú sokɔ.

† 9:23 9.23 - Dahnu twáhnó n wǔkɪ ne, á á vi sah á min kǒ kǒ tǔne Yesu tyí kǒɛ.

³⁵ Képah sɔkɔ, yǐnpɔ́ yó wil Liyel tyí nýírki mè sɔkɔ, me n yo ne níkě: «N̄mɔ nê-á yò, òmɔ ye ní pídíne, máh nê yah wilki. Yé ne n nohnɩ n tyí!»

³⁶ Páh wey mè noh nýāh sɔkɔ, ney náh tō we nénpó, né Yesu ó náh. Káh pɩ sě, n̄ tò sáhpú pé vyěy vike tē syísyí. Té légbíne, páh tyi nónó we, pé náh me sé sɔkɔ yó n̄tēne n yāh ney tyí.

Yesu sétō yīni wilki wēnpir yó sɔkɔ

³⁷ Dendalle, páh tiki yǒh yǒ, tówū ñgbě yó pɔ Yesu yohnɩ.

³⁸ Té kéne tówū sɔkɔ, dí yó sò me, à tyah n de n syi ne, kwó-ò dí, páh ñne n ni, à yah dah mɔ pé pídí tyí sɔkɔ, ñmɔ núkúni-á pé tyí,

³⁹ té sétō yó-á me n yuku n pɔ n̄ yǒ. Káh yuku n̄ yǒ, à n de n syi nénpó swɔ, ànê ké à kah n yike pélpèl, té gbèfòkòpikini n ne n wil n̄ vyāh. Anê kè náh ñne n fin n mɔ súú. Káh pópó ñne n fin mɔ, ké à fōh n kah n mɔ.

⁴⁰ Képah-á, pé pɔ n̄ tò sáhpú ni ne, pé sétō mè yīni, té pé náh tē we.

⁴¹ Wāh yo sě, Yesu me yo pé tyí ne, n̄pèl, ànê Liyel yǒ sě-ńkě névyé nópí! Pé se yīne, pé pé n̄ tē, pé tē péle, pé pɔ syi gbí nê tyí n̄? Nkě, à pɔ n̄ pídíne ásó.

⁴² Piri-á núkú n nɔ n de Yesu tn̄, sétō à kwel min sétáh, té à yike kègbɩle. Nte, Yesu me díri kō sétō yǒ, té piri de mɔ, té ñne n̄ sú gbò dahbɩ.

⁴³ Képah tēne, no pól gbàn du Liyel tēnpn̄nó tyíle.

Yesu me n̄ kúnó tyíle n tō n yo

Nte, no pól-à sò me gbëndùnì sɔkɔ sě n̄ tyírínó nópí pól yīnne, à me yo n̄ tò sáhpú tyí:

⁴⁴ «Nê-á mé n tyah yónóle yé tyí, yé kè noh palle: Névi Pi kɩ n dahbɩ n pi névyé gbò.»

⁴⁵ Nte, pé náh sò me wey mè tyí yah we. Kè sò wekɩ wēnpille pé tyí ne, pé káh ké yǒ pī. Té ké òkú píkinyahno tíkí sò me pé tē Yesu tyí.

Nê tē kal?

⁴⁶ Képah sɔkɔ, tò sáhpú tyah yékāble n pɩ ne, pé pī nê tē-á kal pépi sɔkɔ.

⁴⁷ Té Yesu-á pé fókósōno pī sě, à piri yó tē sah n̄ tn̄,

⁴⁸ té yo pé tyí: «Nê-á tyí kal yépi pól sɔkɔ, ñmɔ kal télóle. Képah ye, névi nê-à piri mè kénkō tēnó ple n̄mɔ yīnne, n̄mɔ ye tē tē ple. Anê névi nê tɔ-à n̄mɔ tēnó ple, ní tékínmɔ-ò ye tē tē ple.»

Névi nê-à me ále n fwó-ńkēne, tē me ále

⁴⁹ Képah sɔkɔ, Nsyō me Yesu syah ne, pé yǒtē, pépi-á ñn̄i we, à me sétāne n yīni n̄ yīn yǒ, té à náh se sò me n̄ sò tē pépile wē tyí. Képah-á, pé ne, pé ñne n̄ yīni n mɔ ké pínóle.

⁵⁰ Wāh yo sě, Yesu me yo n̄ tyí: «Névi nê-à me yéle n fwó-ńkēne, tē me yéle. Képah ye, yé káh à yīni n mɔ ké pínóle.»

Yesu yáhlenɔle Samari kwil yó tǎn tyí

⁵¹ Képah náh, Yesu yǒndakonsɔkɔ gbí-á pɔ nɔ yīnyǒ, à kè yah tɔkɔ yīn núkú yǒ ne níkě, páh kɩ kyɩ Yerusalemɩ.

⁵² Káh pɩ sě, à tēntō névyé tekɩ mɔ n̄ yahle. Pépi me wěkì tē, à kyɩ de Samari kwil yó sɔkɔ ne, pé kyɩ twáh-ńsah yah sah à kō.

⁵³ Nte, wāh sǒnpíle n̄ yah mɔ n yuku Yerusalemɩ tīnne, káh pɩ sě, nénpó tǎn me yahle ne, à káh twah pé tyí.

⁵⁴ Yesu tò sáhpú sɔkɔ Nsyakɪ, ànê Nsyõ-á kɛpah noh sɛ, pɛ nɛ, Tɛ̀ ñgbɛ̀, à se mɛ kɛ tyí nɛ, pé yínyõ nyàh ye mɔ no nópi yõ, kè tiki n pɔ pɛ suke n mukuli ni?

⁵⁵ Páh yo sɛ, Yesu ñ yah vi pé ònne, à díri kɔ pé yõ.

⁵⁶ Kɛpah nàh, pɛ mɛ wɛ̀kì tɛ̀, à sɔkɔ kwil yó sɔkɔ.

A tyi pól we ye, té Yesu sò tɛ̀

⁵⁷ Kɛpah sɔkɔ, páh mɛ wɛ̀kì yõ gbí nêne, dí yó Yesu syah nɛ ñkɛ̀, páh kɪ ñ sò tɛ̀ n kɔ n kɔ ñne, ñ kó-ntàn pól sɔkɔ.

⁵⁸ Wáh yo sɛ, Yesu mɛ yo ñ tyí: «Gbɛ̀npáhlɔ tyí, pì mɛ. Kèpye tyí, syè mɛ. Nte Névi Pi tɛ̀ tyí, wénsɛ̀nmì-nsah ñtɛ̀ nàh mɛ.»

⁵⁹ Té mɛ pyè yo ñnî tyí: «Ñ sò tɛ̀.» Kéne dí mɛ à syah nɛ, à ye, páh pɔ pé sú lékó ñgbò yí tɛ̀.

⁶⁰ Wáh yo sɛ, Yesu mɛ à syah nɛ: «Ye lékyî kɔ, pɛ pé lékyîle n yí, té áwo mó kyɪ Liyel tɔ́rí tyíle n yo n kɔ.»

⁶¹ Kɛpah sɔkɔ, ñnî yó mó yo Yesu tyí nɛ, pé Tɛ̀ ñgbɛ̀, páh kɪ ñ sò tɛ̀. Té à ye pé kɔ, pé kyɪ kɛ wɛ̀kì ni pé gbô tãn tyí.

⁶² Wáh yo sɛ, Yesu mɛ yo ñ tyí nɛ: «Névi nê-à nyeh wɛkɪ tɛ̀ swáhle n wɔ, té n yah nàhle, tɛ̀ nàh fɛ̀ Liyel tɔ́rí tò pɪ n pi.»

10

Tò sáhpú népî tikitõní pó gbã́m pó nínó tɛ̀ntò pínóle

Yesu dúbinóle

¹ Kɛpah nàh, Tɛ̀ ñgbɛ̀ Yesu mɛ tò sáhpú népî tikitõní pó gbã́m pó nínó yísyó yah wah, té pɛ tɛkɪ mɔ ními nímine ñ yah ònne, kwlo ànê wley wley pól sɔkɔ, ñmɔ-á sò mɛ kɛ tyí nɛ, pé kyɪ pé gblɔ́y nónó sɔkɔ,

² té yo pé tyí nɛ: «Sɛ̀mukɔ tɔkɔ tɔkɔ tɛ̀ mɛ dò, té kɛ tɔ̀npɪbɪle kwéyy. Yé sètɛ̀ ni, à tɔ̀npɪbɪ nàhnàh tɛkɪ mɔ, ñ sɛ̀mukɔ tɔkɔ yínnɛ.

³ Yé nɛ n yuku! Té, yé mɛ á kɪ nɛ, kɛpópì sɔ, mé n tɛkɪ n mɔ gbɛ̀npáhlɔ niyó.

⁴ Nte, yé káh pó, ànê pilki, ànê lékyèh tɔkɔ. Yé káh yín wɛkɪ ney tyí wɛ̀kì yah.

⁵ Anê, yáh kyɪ n de kéte nê sɔkɔ, yé wɛy gbenne, yé yo nɛ ñkɛ̀: «Yèvinɪ nɛ n mɛ kéte mɛ̀ sɔkɔ.»

⁶ Káh pɔ yíne ney mɛ yèvinune n yah n kɔ kéne kéte sɔkɔ, yé yèvinɪ yénmɔnɔ mɛ̀ kɪ pɪ tɛ̀ wɔ tyíle, yé mó tɛ̀ nɛnpó. Kɛpah-à mó pí-ñkɛ̀ne, yé yèvinɪ yénmɔnɔ kɪ kɛ syɪ pɔ yé tyí.

⁷ Tɔ̀npɪ ye yíne ñ tò pínó yõre wénóle. Kɛpah ye, yáh twah kéte nê sɔkɔ, pàh yé kɔ yòke nêne, yé kè yõ, ànê pàh yé kɔ wɔ wɔ kwáh nêne, yé kè wɔ. Té, yé káh nɛ n vi n mɔ n twah n kɔ gbéngbèn sɔkɔ.

⁸ Yáh kyɪ de kwil nê sɔkɔ, té pɛ yé tɛ̀nó ple, pàh kwáh nêne yé kɔ, yé kè yõ.

⁹ Yé mó yámpúle n de n mɔ, nónó-á mɛ nɛnpó. Yé mó nɛ n yo kéne kwil tãn tyí nɛ ñkɛ̀, Liyel tɔ́rí-á yíni tɛ̀ tɛ̀ pé tyí.

¹⁰ Nte, yáh kyɪ de kwil nê sɔkɔ, té pɛ nɛ, yé káh twah pé tyí, yé wil kyɪ pé tówú tükè-ntàn sɔkɔ, yé mó yo nɛ,

11 pé kwil nèngbõ nê ñtê-á tahlı yé gbyêh tyí, yáh kı sè kwer kwe pè kō. Nte, pè pĩ ne, Liyel tǝrı-á yĩni tẽ te.

12 Mé kéle n yo yé tyí ne: Liyel tukey tuke sóle, Sodomi* kwil fóhnó ñtê kı fàhfàh kal kènne kwil tyíle.»

Kwlo nónó-á yahle sǝnóle Liyel yō

13 Yesu tǝ yǝ soko yo kwlo nópi tyí soko ne: «Yèvyährı me yé yō, Korasini ànê Betisayida tǎn! Gbıl tyi nónó-á pı yé tyí, sǝnkō-à sǝ me pı Tiri ànê Sidō tǎn tyí, pé Liyel wǝkì tǝnó di náhki me mo. Pè náhki me yèkworı flo mo, té náhki me pé piki syıle pé tyípêl nàhnpı gbónó soko.

14 Nte, tukey tuke sóle, Tiri ànê Sidō fóhnó kı pı fàhfàh kal yépi tyíle.

15 Té, áwō-á, Kapernayumi, á se we ne, wáh kı yǝ doko yınyō? Pólle! Á kı tiki yuku fókókwıl nyàh tǝ-nsah.»

16 Té tǝ yo ñ tǝ sáhpú tyí ne: «Névi nê-à n nohnı yé tyí, ímo tyí ye tǝ n nohnı, té nê-à yé yahle, ímo ye tǝ yahle ànê n tǝki mó-ò tǝle.»

17 Képah náh, tǝ sáhpú népı tikitǝnı pó gbǎm pó nınó nópi pé syı pǝ de nıvıni soko, me n yo Yesu tyí ne, pé Yǝtǝ, ñmo yın yō, sétǎn ñtê-á me n sah pépi yóré yō!

18 Képah tǝne, à me yo pé tyí: «Mé sǝ sétǎn yǝtǝ we, à wil yınyō, à tiki ke nukú, à pǝ syıki pǝ sǝ yikiri yǎl.

19 Nte, yé yah, mé tǝnwenole yé kō: Yé kı n ko vyeh, ànê mıntyı yō. Anê yé kı fǝ sépe tǎhkıle n yıki, té tir yó ñtê náh yé no n pi.

20 Té yé káh ye yé nı vı sétǎn sǎhnó ó tyíle yé yóré yō. Nte, yé yé nı vı ne, yé yni-á me wǎrkınsǎhnóle yınyō.»

Yesu nı vınóle

21 Légbı-ó soko, Yesu nı kah vı Liyel Mırkı gbō yō. Képah soko, à me ne: «Bǝ, áwō nê-á yınyō, ànê sétáh nǝtǝne, mé ále n gbilki, áwō nê-á tyi nópi wǝbı yı pıpú, ànê lékámpu yah, té séle wǝnpı wǝ wǝkı. Awe, bǝ, áwō dyo yıı tǝ ye ne kè pı sǝ.

22 N sù ye sé pólle n gbō dahbı. Nte, ñnı yó ñtê náh Liyel pile n pne, né sù ó náh. Sǝ ó ye, ney to náh sùle n pne, né pıdı ó náh, ànê wǎh me ké tyí ne, pé pé sùle nê wǝkı.»

23 Képah náh, Yesu ñ yah vı ñ tǝ sáhpú tıne, té yo pépi ó tyí: «Yèvıni me yé tyí, yépi nónó-á tyi nópi we.

24 Mé kéle n yo yé tyí ne: Liyel tǝntǝnè náhnáh, ànê yǝtǎm náhnáh sǝ me ké tyí ne, pé sè we, té pè náh sè we. Té me ké tyí ne, yáh nónó noh, pé sè noh, té pè náh sé to we noh.»

Samarı kwil négbı yó sǝmırkıle

25 Légbıne, Liyel ñgbō wǝkì kwó-ò yó sǝ ne, pé Yesu mo yah, té yuku yın, à yo ñ tyí ne nkǝ, kwó-ò dí, pé se kı pı sǝ, té kı tyé-ńkǝ min we nı?

26 Yesu me yo ñ tyí ne, tir nê se wǎrkınsǎhnóle Liyel tyi sǎhnó sǝbéy soko nı? Tir nê se à me n kar ké soko nı?

* **10:12** 10.12 - Sodomi nê tyí-á yo, ké soko névyé tyípêl pınó sǝ kah tno, fókó Liyel pǝ pé pól suke nyàhle. Kè yah n te Tyàhnó sǝbéy 19 soko.

27 Dí me yo n tyí ne, kǎh me wǎrkínsàhnóle ne nkě, á Tě ñgbě Liyel tyí-á yĩne kè nɔ á tyí á nɔ pólle, ànê á min pólle, ànê á tǎhkì pólle, ànê á sǒno pólle. Á ní-ò tɔ tyí mó nɔ á tyí á gblɔy tyí kǒle.†

28 Wǎh yo sě, Yesu me yo n tyí: «Á yo ple. Képahle n pi, á kɪ tyé-ńkě min we.»

29 Nte, dí mè sò me ké tyí ne, pé gbɪ we. Kǎh pi sě, à Yesu syah ne, nê se péwɔ ní-òle nɪ?

30 Yesu me à syah ne: «Dí yó ye lésò wil Yerusalemɪ, à me n tiki n yuku Yeriko sɔkɔ, té kyɪ wil mɔ yípú yò. Pè me à tě n gbǎn yí pól tě syi, té à kɔ markɪ sah, té sɔkɔ.

31 Té, kè pɔ yĩne, sárká wǐlkɪpu yòtě yó mó me n tiki n pi kéne wěkìle. Wǎh pɔ dí mè we, à gbɔ sɔkɔ fíí.

32 Képah nǎh, Levi yìkì ney yó tɔ tǔ pɔ yĩni tě nénpó.‡ Nmɔ tɔ-á à we sě, à gbɔ sɔkɔ fíí.

33 Nte, Samarɪ ney yó sò me n yuku kóló sɔkɔ, té kyɪ dí yò dɔkɔ. Nmɔ wɔ-á à we sě, n yǎm à tě.

34 A me nɔ de n tnô, té ñvê ànê nɪrɪ mɔ n níy yah, té sè pukubi. Té me à dɔkɔ mɔ n yěngbě ńkwěndyíkì yò, à yuku ñne népân twáh-ńsah yó sɔkɔ, à kyɪ yah dah mɔ n tyí sɔkɔ.

35 Ké dendalle, à me pó pló nínó§ wilki népân twáh-ńsah yòtě dí kǔ, té ne, à ne n yah n dah n mɔ dí mè tyí sɔkɔ. Nkě, wǎh kɪ sǔ gbǔ wilki à kah mɔ képah yò, pǎh pé syɪ pɔ gbí nêne, pǎh kɪ à dyah kéle.»

36 Képah yóntenɔ nǎh, Yesu dí piki yah ne, ñmɔ tě sǒno sɔkɔ, yípú-á dí nê pi yo, ñmɔ ní-ò se nê tēne nēpí tǔmí nǔpi sɔkɔ nɪ?

37 Liyel ñgbò wěkì kwó-ò me à syah ne, nê-á n yǎm yah, ñmɔ-á. Képah tēne, Yesu me yo n tyí: «Á tɔ kyɪ sěnkǒle n pi.»

Yesu tēnó pèpeyne Martɪ ànê Mari tyí

38 Té Yesu ànê n tò sǎhpú-á sò me wěkì yò sě, à kyɪ de kwilpir yó sɔkɔ. Té kéne kwil sê yó sò me, pé n ye Martɪle. Nmɔ me Yesu tě ple n gbô.

39 Té gbě sê yó sò me n tyí, pé n ye Marile. Nmɔ sò me pɔ tě Tě ñgbě Yesu tnô, à n welole n nohnɪ.

40 Légbíne, Martɪ yah me n vyǎh Yesu fèn pínó sɔkɔ. A me pɔ yo Yesu tyí ne, pé Yòtě, pé gbě sê-á tò pól sah péwɔ ó kǔ, té pɔ tě n tnô, kè kó me tirlé n yah nɪ? Á kó n yo n tyí, à péle n yohnɪ n mɔ nɪ?

41 Nte, à me yo n tyí ne: «Martɪ, áwɔ me á gblɔyne n kwɔ, me á fɔkɔle n sò tyi náhnǎh tyíle.

42 Nte, tir núkú ó tyí ye yǒrele. Mari ye ké pèpey yah tokɔ, nê-á kè nǎh n tě n syi n yah n pi n tyí.»

11

Yesu-á kwónó nê kǔ nírí pi ñúkù yò

1 Sǒ yóle, Yesu sò me Liyelle n ni fí yó sɔkɔ. Wǎh ni te, n tò sǎhpú sɔkɔ yó à syah ne, pé Yòtě, à pépi kwɔ Liyel ni ñúkùle, sǔ-á Welnwǐlkì-ò Nsyǔ sò kéle n tò sǎhpú kwɔ.

† 10:27 10.27 - Yah n te Tǔnyono sébéy 6.5 ànê Levibi sébéy 18.5 sɔkɔ. ‡ 10:32 10.32 - Levi nolé, pépi Liyel wòkò sɔkɔ tǔnpɪble ye sò pi. § 10:35 10.35 - Ké légbí pó pló nínó sò nɔ gbìyìkì núkù tò pínó danné.

² Képah sɔkɔ, à yo pé tyí: «Yâh Liyelle n ni, yé ne n yo ne níkě:
 <Sú Liyel,
 no pól kɔ̀ pè n ò pĩ Liyelle.
 Á tǒrí kɔ̀ kè pɔ̀.

³ Á sòmésó gbìyìkì yòkele ále n kɔ̀, nê-á kɪ n yĩne n pi ále.

⁴ Nónó-á n pɪ n de ápi tyí, á ye me séle n yǒ n mɔ̀ pé tyí. Képah ye, ápi to tyípél yǒ mɔ̀ á kɔ̀.

Anê, káh n ye à sétò tǒnmɔ̀nɔ̀ fě n syi.»»

⁵⁻⁶ Képah náh, Yesu tǒ yǒ sɔkɔ yo pé tyí ne: «Yépi sɔkɔ yó tyí kódí-à me, té à pɔ̀ wil n tyí lénile ne níkě, pé kódí yó-á me wil kóló sɔkɔ, à pɔ̀ pé tyí, té yǒ yǒ kwâh náh me pé tyí kɪ à kɔ̀. Nkě, à deki pé kɔ̀ búrn pló tǒnóle.

⁷ Nte, ní-ò mè-à nítyíno tě wòkò sɔkɔ táh, té yo mɔ̀ n tyí ne, à káh péle n kwlɔ̀, wòkò yah-á vike te núkúnúkú, péwɔ̀ ànê pé wěnpì-á sě, pé náh fě yuku búrnne à kɔ̀ n pi.

⁸ Mé kéle n yo yé tyí ne: dí mè-à sǒ yuku séle à kɔ̀-ńkěne pé kódírí yĩne, à kɪ yuku n yétò yí pólle à kɔ̀ n nínó gblóvyáhrí tě wɔ̀ yĩne.

⁹ Nte, ímɔ̀ tě wɔ̀ kéle n yo yé tyí ne: yé ne n ni Liyel tyí, à kɪ yéle n kɔ̀. Yé yáhnkǒnɔ̀le n pɪ, yé kɪ n we. Yé wòkò yah mɪ, kè kɪ yɪkɪ mɔ̀ yé kɔ̀.

¹⁰ Sě ó ye, nê-à ni Liyel tyí, tě n we n syi. Nê-à yah kɔ̀, tě n we. Anê nê-à wòkò yah mɪ, kè n yɪkɪ n mɔ̀ tě kɔ̀.

¹¹ Sú nê tě me yépi sɔkɔ, n pi-à yěnkò ni n tyí, à kɪ wahyne à kɔ̀?

¹² Képah náh pɪ, wàh séngbí ni n tyí, à kɪ mĩnkǒne à kɔ̀?

¹³ Nte, yépi nónó-á népelle, yâh yé wěnpì kǒnó yah we yípeplɔ̀le, sú Liyel nê-á yĩnyǒ, ñmɔ̀ náh n pɪ ple n kal, à n Mirkíle ké yáhnkǒpu kɔ̀ n pi di?»

Túkù ne, Yesu tǔnwɛnɔ̀-á wil sétàn yòtě Belsebuli tyí

¹⁴ Sǒ yóle, Yesu sǒ me sétò yóle n yĩni n wilki dí yó sɔkɔ, nê-á à kɔ̀ à wekɪ kwlɔ̀. Sétò-á fyò wil dí mè sɔkɔ, dí tyah n wekɪ, kè pɪ gběndùnĩne tówú tyí.

¹⁵ Té túkù mó sǒ me n yo ne níkě, sétàn yòtě Belsebuli gbò yǒ-á à n yĩni sétànne.

¹⁶ Túkù mó n mónyah yĩne, me n yo n tyí ne, à gbìl yó pɪ pé yah, nê-á n wil yĩnyǒ.

¹⁷ Nte, Yesu-á pé fókósɔ̀nɔ̀ pĩ sě, à yo pé tyí: «Kwil nê névyè-à gbekɪ tyah wěne n fwo, kéne kwil kɪ pɔ̀ yɪkɪ, ké vɪ kɪ syɪkɪlɪ dohnɪ wě yǒ.

¹⁸ Nte, yáh ne níkě, sétàn yòtě gbò yǒ-á ímɔ̀ sétànne n yĩni-à; sétò-à tyah n gblǒyne n fwo, n yòtǒrí se kɪ n wũ n pi?

¹⁹ Nte, ímɔ̀-à me séle n yĩni Belsebuli gbò yǒ, té yépi pye wɔ̀-á dò, nê gbò yǒ me pépi n yĩni séle wé? Pépi nte ye kɪ lékàhle yé kɔ̀.

²⁰ Nte, Liyel gbò yǒ-à mé n yĩni sétànne, képah n wěkɪ ne níkě, Liyel tǒrí-á yĩni tě yé tyí.

²¹ Tǎhkì-á me dí nê sɔkɔ, ànê méfwóyíle n tyí, wàh n kétele n syɪkɪ, tir yó nte náh fě n gbàn yí nɔ̀ n pi.

²² Nte, nê tǎhkì-á kal n tyíle, ñmɔ̀-à pɔ̀, té tě we n tyí, à kɪ n méfwó yí tě syi, wàh sǒ me n gbò sah nónó yǒ, té kɪ n wòkò yí kwel dibi.

²³ Képah ye, névi nê náh me ní pèpey neyne, ní pèlney ye tǔne. Névi nê náh nne n yohnɪ n mɔ̀ tükènmɔ̀nɔ̀ sɔkɔ, tě me kárkínóle n pɪ.»

Sétò-à wil névi sɔkɔ, à n fě n syi n pɔ̀

24 «Sétõ-à wil névi sɔkɔ, à n kyɪ gběnnɪ kɔ n kɔ, n̄ m̀-̀nsah yah n kɔ. Wàh wé-̀nkěne, à n yo n̄ gblɔy tyí ne, páh sò wil n̄yãh sɔkɔ, páh kɪ pé syɪ yuku nénpó.

25 Wàh n̄ syɪ, à n kyɪ n̄ tẽ-̀nsah dyàh we yàlntõnsàhnóle, pléntnɔɔ.

26 Képah tẽne, sétõ mè n kyɪ sé no sétànnó kwárninɔ syah, nónó-á peke kal ñmɔle. Sè n kyɪ n de n tẽ tẽ sɔkɔ. Kàh pɪ sɛ, tẽ mè òkù ké syɪ n peke n kal n̄ gben tẽne.»

Yèvinɪ kègbɪle

27 Képah tẽne, Yesu-á me képah yónó sɔkɔ, pɪ yó tẽ tówù n̄yó sɔkɔ, té yo mɔ n̄ tyí yínpó ñgběne ne, sê nê fɔkɔ sɔkɔ-á à wil, té n̄ yínó yí, yèvinɪ-á me n̄ tyí.

28 Nte, Yesu me yo pɪ tyí: «Yèvinɪ ye pyě me névyɛ tyí, nónó-á Liyel weyne n nohnɪ, té ké tyile n pɪ ké wěkɪ yó.»

No gbɪl yó yah kɔ Yesu tyí

29 Képah sɔkɔ, névyɛ-á pɔ n tuke n mɔ Yesu tnô, à tyah n yo ne: «Kwey gbɪ névyɛle, népêl ye péle, pè me gbɪl yóle n yah n kɔ. Nte, kèyãh n̄tẽ nãh n pɪ pè wěkɪ n pɪ, à wil Liyel tẽntò syínyo-ò Yonasɪ tyí sɔkɔ.

30 Sɔ-á Yonasɪ lésò pɪ kwní yónmɔnɔle Ninivi tãn tyí, sɛ ó ye, Névi Pɪ to kɪ pɪ kwní yónmɔnɔle kwey gbɪ névyɛ tyí.

31 Pɪ nê-á lésò yòtẽne Saba sétáh yó, à lésò wil fíí sétáh yín tyí, à pɔ yòtẽ dí Salomo lékám welɔ noh. Nte gbɪ yó, ney me ásô, nê-á kal Salomole. Kàh pɪ sɛ, Liyel fó tukey tuke sóle, kéne yòtẽ pɪ kɪ yuku kwey gbɪ névyɛ tyí, kɪ lékãhle pè kɔ.*

32 Anê tɔ, Ninivi kwil tãn lésò fẽ syi Liyel wěkɪ tẽ, Yonasɪ-á Liyel tẽntò yo pé tyí. Nte, ney me ásô, nê-á kal Yonasɪle. Kàh pɪ sɛ, Liyel fó tukey tuke sóle, Ninivi kwil tãn kɪ yuku kwey gbɪ névyɛ tyí, kɪ lékãhle pè kɔ.»†

Liyel yó sɛnó kyòole

33 «Névi se kɪ fòtnò soh wɔbɪ, képah nãh pɪ, kɪ dú kwĩnki mɔ ké yah? A nãh kè sah n pɪ fòtnò sahki sɔkɔ, kyòò we yĩnne wòkò sɔkɔ dépú tyí dí?

34 Sɛ ó ye, á yí ye á wil kyòole. Á yí-à me ple, à wil tɔ pól n ne me kyòò sɔkɔ. Té, á yí-à me plé-̀nkěne, á wil pól n ne me fẽntú sɔkɔ.

35 Á gblɔy kyomɪ yíí, kyòò nê-á á sɔkɔ, kè káh ne me fẽntúne.

36 Té á wil pól-à me kyòole, fẽntú tyah kěne ké sɔkɔ, á kɪ me kyòole, sɔ-á fòtnòle kyòò á tyí.»

Yesu nãh kè yo nekɪ Farisiyẽno ànê Liyel ñgbò wěkɪ kwópú sɔkɔ

37 Yesu-á wɛkɪ te, Farisiyẽ dí yó à ye yòke yó yĩnne n̄ gbò. Képah tẽne, pè de à tẽ yòke yah.

38 Farisiyẽ mè-á Yesu we, à tyah n yó té à nãh n̄ gbàn wu Nsyifunɔ wu òkùle, kè n̄ gbàn du.

39 Képah tẽ sɔkɔ, Yesu me yo n̄ tyí: «Sɛ ó ye, yépi Farisiyẽnɔle, yě wóhló ànê yěyóvyɔ nãhló wu n tɔ n sah, té yé fɔkɔ táhló n ne n me yúkúnóle pèkè, ànê yíbe dékè tyile.

* **11:31** 11.31 - Yah n te Yòtãm sèbéy gben 10 sɔkɔ. † **11:32** 11.29-32 - Yonasɪ tyíle, yah n te Yonasɪ sèbéy 3 sɔkɔ.

40 Lékám kě névye nópi, nê-á mɔ vyó náhlóle, à náh sé sɔkɔ táhló tɔ mɔ dí?

41 Yé sé sɔkɔ táhló yí yí yām tǎn kǒ! Képah-à pɪ, sé pól kɪ pɪ palle yé tyí.

42 Yépi Farisiyēnɔle, pèkè me yé yǒ! Yě yímî ànê swāh sɔkɔ pēnfēnè pól gbām-ónóle Liyelle n kǒ. Nte, yé n yahle tǒnsàhnpɪnɔle névye tyí, ànê Liyel tyí náh nɔ yé tyí. Képah nê tɔ-á sǒ yé yīne yè ne n pɪ gbònwòkò kěne.

43 Yépi Farisiyēnɔle, pèkè me yé yǒ! Yě tē-ntàn gbrole n yah n kǒ Liyel ní-ntàn vɪ sɔkɔ, n té ne me ké tyí ne, névye ne n tǒ n sah n wɛkɪ n pɔ yé tyí tówù tē-ntàn sɔkɔ.

44 Pèkè me yé yǒ, yépi nónó-á me á kɪ ne, léyâl nírinó sǒ, névye n ne n kɔ sé yǒ, pí-ńkēne.»‡

45 Yesu-á yo sě, Liyel ñgbò wěkì kwó-ò yó à syah ne, kwó-ò dí, wǎh me n wɛkɪ sǒ, pépi tɔ-á à n gbyɔ dé!

46 A me yo n tyí: «Yépi Liyel ñgbò wěkì kwópú tɔle, pèkè me yé yǒ! Yépi nónó-á ńkēne no twah n mɔ tókópèlle, té yé náh n fě n syi n so n mɔ pé tyí kèngbɔ núkú fyéle.

47 Pèkè me yé yǒ, yépi nónó-á Liyel tǐntǒ syínyopu léyâlɛ n tǒ n sah n mɔ, té yépi náh tǎn ye mó tǒ ko mɔ péle.

48 Képah n wěkɪ ne, yáh yé súbí tyípínó fě syi. Pépi-á Liyel tǐntǒ syínyopu ko mɔ, té yépi sǒnpí pé léyâlɛ n tǒ n sah n mɔ.

49 Képah ye sǒ Liyel yo lékám sɔkɔ ne ńkě: «Mé kɪ tǐntǒ syínyopu tekɪ mɔ pé kǒ, ànê tǐntǒbele. Pé kɪ pé tókù ko mɔ, té kɪ tókù fǒh.»

50 Kǎh pɪ sě, Liyel kɪ kwey gbí névye fǒh n pi Liyel tǐntǒ syínyopu nópi yīnne, nónó-á ko mɔ kèkǒyó mɔ gbí dukule,

51 à tɔkɔ Abeli kònmonɔ tyí, à pɔ syi Nsakarɪ kúnó tyí, nê-á ko mɔ sárká wǐlkì-ńsah, ànê Liyel ní-ńsah wòkò ñgbě wró. Gbɪ yǒ, mé kéle n yo yé tyí ne: kwey gbí névye kɪ n fǒh n pi képah yīnne.

52 Pèkè me yépi Liyel ñgbò wěkì kwópú yǒ, yépi nónó-á Liyel wěkì wénpǐnɔ yah kǒ névye tyí. Yépi náh me n kɔ kéle, té nónó-á se ne, pé ne n kɔ kéle, yé pépi yīni mɔ.»

53 Képah sɔkɔ, Yesu wǐlntɛnɔ náh nénpó, Liyel ñgbò wěkì kwópú, ànê Farisiyēnɔ pé fɔkɔ vyāh ñne kègbule, té tyah ñne n piki n yah tyi duke duke pól yǒ.

54 Pé sǒ me ñne n mɔ n yah ne, à pilki n vyāh wɛlɔ sɔkɔ pé kǒ pé à we tē.

12

Gblǒy kyòmínóle vyēnnínì wékínóle

1 Képah sɔkɔ, nékwíńkí-á tuke mɔ tnónóle gbí nēne fǒó, me wě gbyēhne n suki, Yesu tyah n yo n tǒ sǎhpú ñgbò tyí: «Yé yé gblǒy tē Farisiyēnɔ vyēnnínì wékínóle, képah nê-á n tǒ n mɔ kókónó tyí kǒle mífáhkì sɔkɔ.

2-3 Tyi nónó pól-á yé n yo fěntú sɔkɔ, sè kɪ pɔ noh gbǐntǒle kyòò yah. Anê nónó pól-á yé n plɔ n yo wě níkíló yey, wòkò sɔkɔ táh, sé pól kwní kɪ pɔ kǒ gběntú yǒ. Képah ye, tyípíl yó ntě náh me, nê-á kɪ n wǔ n pi wǐlkìnmɔ-ńkēne. Sètín sǒ tir yó ntě náh me, nê-á kɪ n wǔ n pi pí-ńkēne.»

‡ 11:44 11.44 - Nsyifunɔ tyí, léyěkì yǒ kónsokɔnɔle, Liyel dɛl ye.

Nê tîkî-á yĩne pínóle

⁴ «Mé kéle n yo yé tyí ne, yépi nónó-á ní kódíbilé: yé káh névyé yah tíkíle n pi, nónó-á wil kò óle n ko n mo n pne, té pé náh tǒ tir yóle n pi n kah n mo n pne képah yǒ.

⁵ Nê yah tíkí-á yĩne pínóle, mé kɪ ñne yé wěkɪ: Liyel nê-á kɪ fě névi wil kò kònmonteno náh, kɪ ñ min dah mo tyé-ńkě nyàh soko, yé ñmo tíkíle n pi. Mé kéle n yo yé tyí ne ńkě: yé tǔ wo tíkíle n pi.

⁶ Ntǎnpínó kwlo náh n yám pópíkí pló nínóle di? Nte, Liyel dyo náh n fwo sépi núkú yó ntě tyíle.

⁷ A wil képah soko, yé yǒyén ntě pól dan me pínóle Liyel tyí. Káh pi sǔ, yé káh tíkí pi. Yépi tyí náh tah kal ntǎnpí kwĩnkile di?»

A Yesu fě syi, képah náh pi, à à yahle

⁸ Képah náh, Yesu tǒ yo pé tyí: «Mé kéle n yo yé tyí ne: nê-à kè yo dal mo névyé yí yah ne ńkě, páh me ñmo tyí yǒ, Névi Pi to kɪ kè yo Liyel yĩnyǒ tǔntǔnè yí yah ne ńkě, wáh me pé tyí yǒ.

⁹ Nte, nê-à ní yahle névyé yí yah, Névi Pi to kɪ à yahle Liyel yĩnyǒ tǔntǔnè yí yah.

¹⁰ Névi nê-à Névi Pi yĩnpo yo, kè kɪ yǒ mo tǔ kǒ. Té nê tǔ wo-à Liyel Mírki gbyo, kè náh n yǒ n mo n pi ñ tyí.

¹¹⁻¹² Pàh yé tǔ kyɪ tǔkè-ńsah Liyel ní-ńtǎn vɪ soko, képah náh pi, yah tǎm tyí, képah náh pi, yǔtǎm tyí, Liyel Mírki kɪ yé kwɔ nénpó swɔ, yáh ne nê yo n pi. Képah ye, yé káh ye yé yáh-ńsah tyɛ, yáh ne n yo n wil n pi sǔ.»

Lékám kě tǎh dí sèmirkile

¹³ Tówũ niyǒ soko, ññi Yesu syah ne, pé kwó-ò dí, à yo pé nénkyí dí tyí ne, à ye pé pé sú gběkɪ dibi.

¹⁴ Képah tǔne, Yesu me yo ñ tyí: «Ñ dí, nê sah ńne ne, mé yéle n tuke, tɪ ne, mé yé gbǎn yíle n dibi?»

¹⁵ Képah soko, té yo pé tyí: «Yé yé kyomɪ tahrɪ dékè kápékèle! Tahrɪ-à sǔ me sǔ névi tyí, képah náh fě minne à kǒ n pi.»

¹⁶ Képah soko, à tǔ sèmirkí yó yǎh pé tyí ne: «Tǎh dí yó lésǒ me, ñ swǎh pekɪ yí ñ tyí.

¹⁷ Képah tǔne, à tyah n sǒ ñ foko soko ne, ñte, sémuko mó-ńsah náh se me fwóo pé tyí, sǔ se pé kɪ pi ni?

¹⁸ Dǒ, à ne, páh kɪ nê pi n pi, képah á yò: Páh kɪ pé díké soki, té kɪ sè tǒ mo gblò gblò, kɪ pé gbǎn yí pól mo sé soko,

¹⁹ té kɪ yo pé gblǒy tyí ne, páh yò, yòke dò-á me pé tyí pé gbǒ sǒ ye náhnáh yinne. Núkúnúkú, páh kɪ n mi, té kɪ n yǒ, té kɪ n wo, té kɪ ñivìle n pi pé dyole.

²⁰ Nte, Liyel me yo ñ tyí: «Lékám kě névi! Kwey lékâh ntě soko á min kɪ n syi n pi á tyí. Té yí nónó-á á tuke mo sah, sè kɪ pi nê tyíle?»

²¹ Képah soko, Yesu ne: «Névi nê-à tahrɪle n yah n koh n sah ñ gblǒy tyíle, té Liyel fǒ tyí yáhnó yahle, sǔntě ye n no tǔne!»

Sǒno sǎhnóle Liyel ó yǒ

²²⁻²³ Képah náh, Yesu yo ñ tǒ sǎhpú tyí: «Névi min tyí náh tah kal yòkèle, wil tyí me tah kal flóle di? Képah ye, mé kéle n yo yé tyí ne: yé káh yé fókòle n sǒ, yáh ne we n yǒ n pi sǔ, ànê yáh ne yé wil flo we n mo n pi sǔ.

24 Yé yah ñgbõlõlè kè: Sè náh sè mukòlè n duku, sè náh sè mukòlè n tokò. Díké ànê sè mukò kóhnsàh-ntàn tò náh me sé tyí, té Liyel séle n pu. Nte, yépi tyí náh tah kal kèpyele di?

25 Yépi sòkò, nê tẽ kɪ fẽ kwéyy íntẽ fyé dohnɪ ñ min wénó yõ ñ fókósõno gbõ yõ?

26 Tẽnwenò-à mé-ńkẽne yé tyí, à fẽ sěntě tir tyí ńtẽ fyé pɪ n pi, sɔ pɪ, té yé yé fòkòlè n sɔ yí téló tyí sòkò?

27 Yé filfi pɪ dukùlè n yah kè: Sè náh tòlè n pɪ, sè náh flòlè n tĩ. Nte, mé kéle n yo yé tyí ne: yõtẽ Salomo ńtẽne ñ tahrɪ pól sòkò, à náh flò pèplo we mɔ yah filfi nópi sòkò yó ńtẽ kètòlè.

28 Fílkĩ nê wɔ-á gběnnɪ sòkò kweyne, té kɪ pɔ n suke n pi ńsòne, Liyel-á kèpah fɪ pɪ palle sě, à náh n yah n dah n mɔ n pi yépi flò tyí sòkò à kal sépile di, Liyel yõ sěnyĩ-ńkěpú nópi?

29 Kǎh pɪ sě, yé káh yé gblǒyne n kwlò yé yòke, ànê yé wɔ wɔ yí yáhnkõno tyí sòkò.

30 Kèkõyó mè sòkò, Liyel pí-ńkě névye ye ńkẽne ne n yah n kò sépi pólle tyé-ńkẽne. Nte, yépi tẽ wòlè, yé sú Liyel pĩ ne, sé yétò-á me yé tẽ.

31 Kǎh pɪ sě, yé Liyel tǒrí ñgbò yah n kò! Kèpah sòkò, à kɪ yí téló dohnɪ yé kò.

32 Kè ye nɔ yé sú tyí, à ñ tǒríle yé kò. Kèpah ye, yé káh tíkí pɪ, tũnpir yípêy!

33 Yé yé gbàn yí yãm, yé mó sé yí yãm tãn kò. Yé tahrɪle n yah n sah Liyel fó, kèpah nê-á kè náh n yíkɪ, kè náh se n tyɛ. Yípú náh fẽ n kyɪ nénpó, sóhrí tò náh fẽ sè yõ.

34 Sě ó ye, á tahrɪ-à me ńyãh, á sòno tò n ne n me nénpó.»

Gblǒy vɪnsàhnó tyí sèmirkìlè

35 «Yé ne me yé vi sah tò pɪ pɪ tẽne, yé mó yé knɔ fɪ mɔ, yé fòtnònó mó ne me kòntěnóle.

36 Yé ne me á kɪ ne tònpiɪ sɔ, nónó-á ńkẽne me pé yõtẽ syíkíntěno sòkò ne, wàh kɪ wil fúr pí-ńsah, à pɔ n de, té kɪ fyò wòkò yah mɪ, pé núkú kè yíkɪ mɔ à kò.

37 Yèvinɪ me pé yõ, tònpiɪ nónó yõtẽ-à ñ syɪ pɔ pè we, pè me yáhnó sòkò. Kègbɪ yõ, mé kéle n yo yé tyí ne: yõtẽ mè kɪ ñ tò pɪ pɪ flò mɔ, té kɪ yòkele pè kò pè kɪ yõ.

38 Té wàh se me n syɪ pɔ lénɪle, kèpah náh pɪ, tyah dal gbíne, té pè me ñ syíkínó sòkò, yèvinɪ me pé yõ!

39 Yépi ńtẽ pĩ ne, gbóntě dí-à pĩ gbí nê-á yěnwó kɪ n pɔ n pi ñ tyí, à náh n ye à kò à n we n de n pi ñ gbò.

40 Névi Pi kɪ n pɔ n pi gbí nê-á yé náh me ñ pónó tyíle n sò. Kèpah ye, yépi tò yé gblǒy vi sah.»

Tònpɪ sórè ney ànê yípíkí neyne

41 Kèpah sòkò, Pyerɪ Yesu syah ne, pé Yõtẽ, pépi ó yín se à n yãh sèmirkì mènè, tũ no pól yín se nɪ?

42 A me yo n tyí: «Gbô tahrí kyòmì-ò négbí lékám névile, nê me? Nmo pí névile, nê-á n yòtē dí kú à pí n kéte kyòmì-òle. Té à kú tònpi bí téló yòkele péle n kō ké kō gbíne.

43 Yèvini me n tònpi mè tyí, yòtē dí-à n syi pò à we à me kéne tôle n pí.

44 Kègbi yō, mé kéle n yo yé tyí ne: wāh kú à pí n gbān yī pól kyòmì-òle.

45 Nte, tònpi mè-à tyah n sō n foko soko ne nkē, pé yòtē dí-á kú mo pò-nsah, té tyah pé no tònpi bule n ko, pé syó, pé díbí, té me n yō, me wò wò yīle n wò, à sètēnìne n pí,

46 yòtē dí kú pò n yō doko só yóle, à nāh me nê sō sah, ànê gbí yó soko, à nāh nēne n pne. A kú pò à fōh kèpékèyō, té kú à dyah Liyel tyí yáhlepu dyah dùkùle.

47 Nmo nê-á n yòtē dyo yīine n pne, té à nāh n gblōy vi à kèpahle n pí, à kú ko nāhnāh we.

48 Nte, névi nê-á sō me kè pí n pī-ńkē soko, té yīne ko syínóle, nmo kú ko kwéyy we. Pāh névi nê kō nāhnāh, nāhnāh kú yah kō tē tyí. Anê nāhnāh-à névi nê gbò dahbi, nāhnāh tyí kú piki yah kal tē tyí.»

Gbékínó nê-á kú pí Yesu yīnne

49 Kèpah nāh, Yesu tō ne: «Nyāh ye mé pò sétáh yō. Té mé sō me ké tyí ne, kè ne me kō te!

50 Nmo yīne mè n de n wil yèvyāhrí yó soko, té kè nāh se me n pí!

51 Yé se me n sō ne, yèvini-á mé pò mó-nsah sétáh yō? Jō dé! Mé kéle n yo yé tyí ne: gbékínó wò-á pyē.

52 Kèpah ye, à tōko núkúnúkú tyí, népī kwāl-à me kéte núkú soko, pé kú gbekú: Tōmí kú tyah nímíne n fwo, nímí kú tyah tōmíne n fwo.

53 Sú yó kú tyah n pídíne n fwo, pídí yó kú tyah n súle n fwo. Yú yó kú tyah n písèle n fwo, písé yó kú tyah n yūne n fwo. Yú yó kú tyah n pídí kyule n fwo, pídí kyí yó kú tyah n pe yūne n fwo.»

Tyi yáhnpiñole, té kú á pí dùkù pī

54 Yesu tō sō me n yo tówú tyí: «Yīnyō yah yó me, yāh nýírkì we ké nénpóle, yé n yo nénpó swò ne, pū-á kú pí. Té, kè n mó n pò n pí sē.

55 Anê yah yó me, yāh fyò yáhkí we kè kō wil nénpóle, yé n ne, tyah vyáhnó kèpékè-á kú tyah. Té, kè n mó n pò n pí sē.

56 Yínvī névyé nópí! Yé fē sétáh ànê yīnyō dùkù wòle n pne. Té sō pí, tyi nónó-á n pí kwey gbíne, yé nāh fē sépi pī?»

A tukey dyāh tē yé wró tō sah á ní-òle

57 «Kwāh nê pí, té yé nāh pí dùkù pèpeyne n sō n tē n pne yé gblōy?

58 Sō-á, tir-à me yé wró ànê á ní-òle, té à n tē n yuku tükè-nsah tukey tükè-ò tyí, gbah n tē tir mè yah wah wēkì yah. Kèpah-à pí-ńkēne, té à kyí ále tukey tükè-ò gbò dahbi, tukey tükè-ò me kyí ále sràsyíbí tyí, té pépi me n dah mō wòkònpèkè soko.

59 Mé kú kè yo dal mō á tyí ne, á nāh n wil n pí nénpó, né á nāh kōlì mè pól dyah te pnépné.»

13

Liyel wēkì tē, kèpah nāh pí, á tyí kú yíkí

¹ Légbí mè-ó sɔkɔ, nɔsyó pɔ yo Yesu tyí ne, yòtɛ Pilati-á lésɔ Kalile tân yísyó ko mɔ, té pè sah sárká wìlkinó sɔkɔ, pé tó kwe fɛkɪ sárká tó sɔkɔ.

² Képah sɔkɔ, à me pè syah ne: «Yé se me n sò ne nkɛ, Kalile tân nɔpi-á tyípèl pɪ kal pé kwil tân pólle, té yí mè pè no?»

³ Jǒ dé! Mé kéle n yo yé tyí ne: yâh Liyel wɛkì tɛ-ńkɛne, yé pól tyí kɪ n yɪkɪ n pi sɛ.

⁴ Anê, Silowe wòkò kèyy-á syɪkɪ tũ népɪ gbɔnkwardtɔmɪ nónó yɔ, à pè ko, yé se me n sò ne nkɛ, pépi pèkè pínó-á kal Yerusalemɪ kwil tân pól tyíle?

⁵ Jǒ dé! Mé kéle n yo yé tyí ne: yâh Liyel wɛkì tɛ-ńkɛne, yé pól tyí kɪ n yɪkɪ n pi sɛ.»

Syí-ńkɛ sɛnsóké séswô sèmirkìle

⁶ Képah nâh, Yesu tǔ sèmirkì yó yâh ne: «Dí yó tyí sɛnsóké séswô sò me n òwɛ sésân swâh sɔkɔ. Wâh pɔ ké pye yâh nkɔ-ńsah, à nâh kwâh yó we ké sɔkɔ.

⁷ A me yo n swâh tǔ-ò dí tyí ne, à yah, ké ye tǔ-ò-á yò, pé me pyele n yah n kɔ n pɔ sɛnsóké mè sɔkɔ, té pé nâh me kwâh yó ńtɛne n we ké sɔkɔ. Nkɛ, à kè kɔ fɛ! Yò se tǔ me ké tyí kè tɛ sɛtâhle n wal nɪ?

⁸ Wâh yo sɛ, dí mè à syah ne, pé yòtɛ dí, à ye ké yò ńtɔ, kè kwetyí pɪ. Pâh kɪ swɔ gbɔ kè kore vi, té kɪ tũ mɔ ké sò.

⁹ Kâh pɪ sɛ, gbòkɛnpɪ gbí yóle, kâh kɪ syi. Képah-à pí-ńkɛne, à kè fɛ.»

Yesu sê nédô yó de mɔ mɪ mɪ yòh sóle

¹⁰ Mɪ mɪ yòh só yóle, Yesu sò me névyele n kwɔ Liyel ní-ńsah wòkò sɔkɔ.

¹¹ Té, pi yó sò me nɛnpó sɛtòle n sɔkɔ, me à pɪ nédòle fɔó, ye gbɔnkwardtɔnɔ. A sò me kòntɛnóle, té à nâh fɛ n tɔrɪ n te n pi.

¹² Yesu-á pi mè we sɛ, à à ye té yo n tyí: «Pi, á ye dénmonɔ we á dónó yam sɔkɔ.»

¹³ Té me n gbân sah n yò. Nɛnpó swɔ, à núkú n tɔrɪ tómm té tyah Liyelle n gbilki.

¹⁴ Képah sɔkɔ, pi mè-á dénmonɔ we sɛ mɪ mɪ yòh sóle, kè Liyel ní-ńsah wòkò yòtɛ fɔkɔ vyâh. A me yo tówú tyí ne, sèpɪn kénúkò-á tǔ pɪ pɪ sèpɪnne. Pâh sò yɪne pè pɔ à kɔ à pè de mɔ kéne sèpɪn ó sɔkɔ. Nkɛ, pé nâh yɪne pè pɔ mɪ mɪ yòh só tɔle.

¹⁵ Wâh yo sɛ, Tɛ ñgbɛ yo n tyí: «Yɪnvɪ névye nɔpi! Mɪ mɪ yòh sóle, yé nénúkú núkú pól nâh nkɛne yé nyeh, képah nâh pɪ, yé ńkwɛndyínì de sé yòke krótónè tɔnɔ, n kyɪ sè kɔ sɛ ni wɔ dí?

¹⁶ Té pi mène, nê-á Abrahamɪ nâh neyne, sɛtɔ pukubi sah pópó, ye gbɔnkwardtɔnɔ, ñmɔ nâh sò yɪne dénmonɔle kéne púkúbínó sɔkɔ mɪ mɪ yòh sóle kè!»

¹⁷ Képah tɛne, Yesu wey mè sennɛ n fwópú pól tɛ, té tówú pól sò me nìvì sɔkɔ Yesu tyísnó nɔpi pól pínó yɪnne.

Liyel tǔrí me kwâh nê tɔ?

¹⁸ Képah nâh, Yesu tǔ ne: «Liyel tǔríle, kè me kwâh nê tɔ? Mé kɪ kè tɔko sâh kwâh nɛne?»

¹⁹ Kè me tyí, á kɪ ne séswô yó pi sɔ, nê-á pè n ye mútárdile: Dí yó tɔkɔ, à duku n swâh. Kè fi pɪ séswòle, té kèpye pɔ sé syè pɪ ké yɪngbân tyí.»

20 Té, tǒ ne: «Mé kɪ Liyel tǒrí tɔkɔ sãh kwâh nêne?

21 Kè me á kɪ ne kókónó sǒ, sê yó tɔkɔ mɔ fãh dú yí tǒnó mi sɔkɔ ké pól kǒ kè dɔkɔ.»

Dé-ńsah fĩle

22 Képah náh, Yesu me yǒ sɔkɔ n yuku Yerusalemɪ, té névyele n kwɔ n yuku, wãh n kah kwlo ñgbnɔ ànê kwlo pí nónó sɔkɔ.

23 Képah sɔkɔ, ñnî yó me à piki yah ne, pé Yòtẽ, névyele kwéy ó se kɪ de Liyel tǒrí sɔkɔ ni? A me pé syah ne:

24 «Mé kéle n yo yé tyí ne: névyele náhnáh kɪ syǒ-ńsah yah kǒ ne, pé we n de Liyel tǒrí tyah sɔkɔ nê dé-ńsah-á me fĩ, té pé náh fẽ n tẽ. Képah ye, yé gbah n tẽ n we n de ké sɔkɔ!

25 Gbóntẽ dí-à pópó pɔ yuku wòkò yah tẽ mɔ, té yé me kégbó, yé kɪ tyah wòkò yahle n mi, té kɪ me yo tũ ne, yé Yòtẽ, à yikɪ mɔ yé kǒ. Nte, à kɪ yo yé tyí ne, pé náh yéle n pne.

26 Képah sɔkɔ, yé kɪ tyah n yo ñ tyí ne ñkẽ, yáh yǒke yǒ, té ni wɔ wẽ tyí ñne, ànê yépi tówû tükè-ñtàn sɔkɔ-á à kwónó pi.

27 Képah sɔkɔ, à kɪ yo yé tyí ne, pé náh yéle n pne. Nkẽ, yé gbe mɔ péle, yépi nónó pól-á tyípèlle n pi.

28 Képah tẽ sɔkɔ, yáh pópó Abrahmɪ, ànê Yisakɪ, ànê tǒ Liyel tẽntò syínyopu pól we, pé me Liyel tǒrí sɔkɔ, té yépi me yĩni mɔ dénóle, légbíne, gbní ànê yni táhnó ye kɪ pi yé tyíle.

29 Té névyele kɪ wil kékǒyó ywǒ ywǒ pól sɔkɔ, kɪ pɔ yǒke ñgbẽ yǒ Liyel tǒrí sɔkɔ.

30 Kãh pi sẽ, nétéló tükù kɪ pi négbrole, té négbro tükù kɪ pi nétélóle.»

Yesu ne, páh kɪ ku Yerusalemɪ

31 Légbíne, Farisiyẽnɔ yísyó nɔ de, té yo Yesu tyí ne, yòtẽ Yerɔdɪ-á me n yah n kǒ ñ kònmɔ-ńsahle. Képah-á, à yal n to ásò.

32 Képah sɔkɔ, à me yo pé tyí: «Yé kyɪ yo kéne áswǒ pléy mè tyí ne, máh kɪ sétàn yĩni, té kɪ dénmɔnɔ pi kweyne, ànê ñsòne, té ñsò náhle, kãh kɪ tyé.

33 Nte, Liyel tẽntò syínyo-ò náh yĩne kúnóle tyah yó, né Yerusalemɪ sɔkɔ náh. Képah ye, mé yĩne mè n yǒ n sɔkɔ ní wèkì kólóle, kwey, ànê ñsò, ànê tǒ ñsò náhle.

34 Yerusalemɪ tãh, Yerusalemɪ tãh, yépi nónó-á Liyel tẽntò syínyopule n ko n mɔ, té Liyel-á nónó tekɪ mɔ yé kǒ, yé pépile n minki n ko dyêhle. Gbáhyí sǒ pól me mé kè yah kǒ ne, mé yé tuke mɔ, sǒ-á sɔh n tuke n mɔ ñ pyele ñ kãm sǒ sɔkɔ, té yé náh fẽ syi.

35 Kãh pi sẽ, Liyel kɪ ñ náh vi yé kwil kǒ. Té mé kéle n yo yé tyí: yé náh tǒ ñmɔ we n yah n pi fóó, kɪ pɔ syɪ gbí nê-á yé kɪ n yo ne ñkẽ: «Nê-á n pi Tẽ ñgbẽ Liyel yĩn yǒ, sãh me ñ sɔkɔ.»

14

Wílsɛ̀nì yónwó yó dénmɔnɔle mi mi yòh sóle

1 Mɪ mi yòh só yóle, Yesu kyɪ yǒke yǒ-ńsah Farisiyẽnɔ yòtẽ dí yó gbô. Té nónó-á sǒ me nénpó, pé me Yesule n kyɔmɪ.

2 Té kè pɔ yĩne, wílsɛ̀nì yónwó yó sǒ me ñ tnô.

³ Képah sɔkɔ, Yesu me píkinyahnɔ pi Liyel ñgbò wěkì kwópurú ànê Farisiyěno tyí: «À yónwó de mɔ mi mi yòh sóle, ké wěkì se me kónóle, tí kè se me yáhlenɔle?»

⁴ Nte, pè náh vi mɔ ñ tyí. Képah sɔkɔ, Yesu me yónwó mè tẽ, à à de mɔ, té à kɔ à sɔkɔ,

⁵ té me yo pé tyí: «Yépi sɔkɔ, nê tẽ pi, képah náh pi, ñ nahy ki sɔkɔ de kwlèy sɔkɔ mi mi yòh sóle, té à náh à wilki n pi súú?»

⁶ Nte, pè náh tẽ we tir yo ké tyí sɔkɔ.

Nê-à ñ gblɔy dɔkɔ sah, tẽ ki tiki mɔ

⁷ Képah yóntenɔ náh, Yesu-á néyénó kyomɔ we, pè me tẽ-ntàn ñgbɔle n yah n kɔ, à vɛnmɔnɔle pè kɔ ne:

⁸ «Pàh ñ ye fúr yòke yó-nsah, káh n kyɩ n tẽ tẽ-nsah ñgbě sɔkɔ. Wáh képah pi, té pè me ñnî ye, nê-á kal áwɔle,

⁹ yé yé-ò káh pɔ ñ syah ne níkě, á yuku, á mó tẽ-nsahle tẽ kɔ. Légbíne, á ki yuku sen sɔkɔ, ki kyɩ tẽ tẽ-nsah tyí sɔkɔ.

¹⁰ Nte, pàh ñ ye, kyɩ n tẽ tẽ-nsah tyí sɔkɔ. Á yé-ò-à pɔ ñ we sě, à ki yo á tyí ne, pé kódí, á nɔ pɔ tẽ-nsah ñgbě sɔkɔ. Képah sɔkɔ, kè ki pi gbílkínóle á tyí yòke yópú pól yí yah.

¹¹ Nkě, névi nê-à ñ gblɔy dɔkɔ sah, tẽ ki tiki mɔ, té nê-à ñ gblɔy tiki mɔ, tẽ ki dɔkɔ mɔ.»

¹² Té ñ syɩ yo ñ yé-ò dí tyí: «Wáh névyele n ye yòkele gbɛntɔle, képah náh pi, lékâhne, káh á kódíbi ye, káh á yúnpyé ye, káh á tyí névyé ye, káh á tnô tẽpu tahbi ye. Pépi tɔ ki fě pɔ ñ ye yòke ñgbě yónóle, kè kɔ kè ki pi á yénó mè lédyáhníne.

¹³ Nte, wáh névyele n ye yòkele, yãm tãn, ànê nédónè, ànê gbáhkì núkú névyé, ànê yítúbi ye.

¹⁴ Pépi náh tẽ we ñ dyah n pi ké sɔne. Káh pi sě, á ki yèvinɩ we Liyel tyí, tyípeplo pípu lékyî-à yilki n mɔ só nêne.»

Névyé yénó sèmìrkìle yòke ñgbě yó-nsah

¹⁵ Képah sɔkɔ, kéne yòke yópú sɔkɔ nénúkú yó-á kéne welɔ noh sě, à me Yesu syah ne, névi nê-á ki yòke yò n pi Liyel tórí sɔkɔ, yèvinɩ-á kéle tẽ tyí dé!

¹⁶ Yesu mó yo ñ tyí: «Dí yó lésó yòke ñgbě pi, té névyé náhnáh ye.

¹⁷ Yòke yò gbí-á pɔ nɔ, à ñ tònpi dí tekɩ mɔ ne, à kyɩ yo néyénó tyí, pè pɔ, páh tye núkúnúkú.

¹⁸ Nte, pé pól tyah gblɔy yele n yah n kɔ dùkú núkúle. Négben à syah ne, páh swáh yó dwe núkúnúkú, níkě páh yíne pé kyɩ kè yah. Páh ñne n ni, à ñ gblɔy ye pé tyí.

¹⁹ Nnî me ne, páh sètɔnyehno gbãm dwe núkúnúkú, té páh n yuku sé pínyah-nsah. Páh ñne n ni, à ñ gblɔy ye pé tyí.

²⁰ Nnî me ne, páh sê tɔkɔ núkúnúkú, képah-á pé kɔ pé náh n we n pɔ n pi.

²¹ Tònpi-á ñ syɩ pɔ, à pɔ tyi nópi pól yãh ñ yòtẽ dí syah. Képah sɔkɔ, kété tẽ dí fɔkɔ vyãh, à me yo ñ tònpi tyí ne, à kyɩ súú kwil tówú tükè-ntàn ànê wâl yey sɔkɔ. Á kyɩ yãm tãn, ànê nédónè, ànê yítúbi, ànê gbáhkì núkú névyé tẽ pɔ ásô.

22 Képah náh, tǒnpi ò syi pɔ yo ò tyí ne, pé yǒtǔ, wǎh nê yo, páh kè pi, té tǔ-ntǎn tǔkù-á tǔ me.

23 Kǎh pi sǔ, yǒtǔ dǐ me yo ò tyí ne, à kyi wě-ńgbɔ yey, ànê névyé fwórínkǔ-ńtǎn sɔkɔ, à kyi névyé kǎhli tǔ pɔ, pé wòkò kǔ kè yuku.

24 Páh kéle n yo pé tyí ne: nónó-á sǔ yénóle, pé sɔkɔ yó ńtǔ náh pé yǒke dɔ n yah n pi.»

A tyi pól we ye, té Yesu sǔ tǔ

25 Képah náh, Yesu-á n sɔkɔ, tówû ńgbě sǔ me ò sǔ tǔ. A me ò yah vi, té yo pé tyí:

26 «Nê-à pɔ ńmɔ tyí, té ń tyí náh nɔ kal ò tyí ò súle, ànê ò yǔne, ànê ò kyile, ànê ò wěnpǐle ànê ò yǔnpyele, à tǎhli ò gblǔy tɔ tyí, tǔ náh fǔ n pi n pi ńmɔ tǔ sǎh-òle.

27 Névi nê náh ò syi syi dahni twah, à ńmɔ sǔ tǔ, tǔ náh fǔ n pi n pi ńmɔ tǔ sǎh-òle. *

28 Nte, yépi sɔkɔ nê tǔ ki n yah n kǔ wòkò ńgbě mó-ńsahle, né à náh tǔ, à ké gbǔ wilki kǔ yah, té kè yah n pi, ò pó-à ki n yǔne n pi ké mónsyinóle?

29 Né tǔ náh képah pi, té wòkò sètyah wilki, té tǔ kwɔ ké mónsyinó tyí, no-à kè we, pé ki tyah kǔle òne n ko,

30 té ki n yo ne, pé yah dǐ yóle, à wòkò mɔ tyah mɔ, té à náh tǔ we kè syi.

31 Sǔ ó ye tǔ, yǒtǔ nê tǔ ki n yuku mékì fwó-ńsah ò ní-ò yǒtǔne, né à náh tǔ ò fɔkɔ mɔ n yah n pi, wǎh ki fǔ kyi méfwóbé népǐ kèyǔ kwɔle ò fwó-ò swah n pi, nê-á me òne n yohni méfwóbé kèyǔ gbǎmne?

32 Wǎh pǐ ne, pé náh fǔ n tǔ n pi, à ki ò ní-ò sah fǔ, té ki níri pí-ò tekɔ mɔ ki mékì yálnmɔnɔ yah kǔ ò tyí.

33 Sǔ ó ye, nê-à ò gbǎn yǐ pól wényè-ńkǔne, tǔ náh fǔ n pi n pi ńmɔ tǔ sǎh-òle.»

Káh n pi yǔre kǔne

34 «Pne, kwǎh pèpèy ye kéle. Nte, ké déndèn-à wal, sǔ me kè ki tǔ fǔ pi déndèn?

35 Káh pi sǔ, kè náh fǔ sétáh tyí pekɔ, ké náh se tǔ fǔ n pi pǐle. Képah ye, kè n milki kégbó. Níkí-à me nê tyí noh noh tǔne, tǔ ò níki sah noh.»

15

Képo mǔnpunwɛnɔ sémirkǐle

1 Móri syípú ànê Liyel wǔkǐ kó-ńkǔpú pól sǔ n pɔ n pɔ Yesu tǔ ò wey noh yǐne.

2 Képah tǔne, Farisiyǔnɔ, ànê Liyel ńgbò wǔkǐ kwópú Yesu tyíle n plo n yǎh ne, dǐ mè-á me tyípél pípúle n tǔ ple, té me n yǔ péle ńtǔne.

3 Képah sɔkɔ, Yesu me sémirkǐ yó yǎh pé tyí:

4 «Képyénì lèkwě-à me yépi sɔkɔ yó tyí, té núkú mɔ pu sé sɔkɔ, tǔ náh sé tǐkǐyéh pó gbǎm pó kwǎryǎh nópi sah n pi gbǎn sɔkɔ, té kyi mǔnpuno mè soh kǔ, à syi kyi à we n pi dǐ?

5 Té, wǎh à we, nǐvǐ tǔ tyí, ǎ à twah ò gbǔnkǎl yǔ ò syi.

* 14:27 14.27 - Dahni twáhnó n wǔkǐ ne, á á vi sah á min kǔ kǔ tǔne Yesu tyí kǔle.

6 Wàh n̄ syi pɔ gbô, ǎ n̄ kódíbí, ànê n̄ tnô t̄ɛpu ye n̄ tuke, n̄ té n̄ yo pé tyí ne nk̄ɛ, pé kɛpó nê-á sò mɔ pu, páh à wɛ t̄ɛ. Kɛpah-á, pè pɔ pé n̄vì pi.»

7 Kɛpah yóntɛnɔ náh, Yesu t̄ɔ pè syah ne: «Mé kéle n̄ yo yé tyí: s̄ɛ ó ye, tyípɛl pí-ò nénúkù fyé-à Liyel w̄ɛkì t̄ɛ, n̄vì kɪ pi Liyel f̄ó kɪ kal n̄pí tíkíyéh pó gbám pó kwáryāh n̄ópi tyíle, pépi nónó-á ne nk̄ɛ, páh me néglólɛ Liyel yah, Liyel w̄ɛkì t̄ɛnó yétò náh t̄ɔ me pé tyí.»

Pó mónpunwɛnɔ sɛmirkìlɛ

8 Yesu t̄ɔ yo pé tyí: «Pó pló gbám-à me sê yó tyí, té sé sɔkɔ núkù mɔ pu, à náh fòtnò soh, té wòkò yal, à kè gbah soh k̄ɔ, à syi kyɪ kè wɛ n̄ pi di?

9 Té wàh kè wɛ, ǎ n̄ kósyó, ànê n̄ tnô t̄ɛpu ye n̄ tuke, n̄ té n̄ yo pé tyí ne nk̄ɛ, pé pó nê-á sò mɔ pu, páh kè wɛ. Kɛpah-á, pè pɔ pé n̄vì pi.»

10 Kɛpah yóntɛnɔ náh, Yesu t̄ɔ pè syah ne: «Mé kéle n̄ yo yé tyí: s̄ɛ ó ye, tyípɛl pí-ò nénúkù fyé-à Liyel w̄ɛkì t̄ɛ, ȳinyō t̄ɛntōnè kɪ n̄vìle n̄ pi.»

Pídí mónpunwɛnɔ sɛmirkìlɛ

11 Kɛpah náh, Yesu t̄ɔ yo pé tyí: «D̄ɪnp̄ì n̄pí ními lésò me dí yó tyí.

12 Só yóle, gb̄ɛ t̄ɛ yo n̄ sú tyí ne, pé b̄ɔ, n̄ gb̄ɛkɪ sɔkɔ, nê-á pé wɛ wɛ t̄ɛne, à kéle pé k̄ɔ. Wáh yo s̄ɛ, n̄ sú me n̄ tahrɪ dibi pè k̄ɔ.

13 Sèp̄in̄ yísyó sókóntɛnɔ náh, gb̄ɛ t̄ɛ n̄ tyí yām, té n̄ pó tokɔ sɔkɔ kwil f̄í yó sɔkɔ. A kyɪ sè pi karkɪ tyíwān yō.

14 Wáh n̄ pó pól pi karkɪ tɛ gbí n̄ɛne, kwénpékè yó de kéné kwil. Kɛpah sɔkɔ, yām à t̄ɛ.

15 Kǎh pi s̄ɛ, à kyɪ t̄ò yah k̄ɔ kéné kwil ney yó tyí. T̄ɛ mè à tɛkɪ mɔ n̄ swāh, n̄ sel syikɪ yinne.

16 Á sel yòkele n̄ yah yèwanne, n̄te ney náh n̄ne n̄ k̄ɔ kéle.

17 Kɛpah sɔkɔ, n̄ yí-á pɔ yikɪ, à tyah n̄ sō ne, pé b̄ɔ tyí yòke-á me dò, n̄ t̄ɔnp̄ɪbí pól me n̄ yō n̄ kwlɔ n̄ sah. Nte, péwɔ-á ásò kwɛkɪ n̄ ko.

18 Nk̄ɛ, páh kɪ sɔkɔ pé b̄ɔ tyí, té kɪ yo n̄ tyí ne, pé b̄ɔ, páh pi de Liyel tyí, té pi de n̄ tɔ tyí.

19 Pé náh t̄ɔ ȳine yénóle n̄ pile. Nk̄ɛ, à péle n̄ t̄ɛ n̄ t̄ɔnp̄ɪ s̄ɔ.

20 Kɛpah t̄ɛne, à sɔkɔ n̄ sú tyí. Wáh me f̄í n̄ sú gbôle, n̄ sú à wɛ. Wáh à wɛ s̄ɛ, n̄ yām à kah t̄ɛ, à me to kyɪ à yohnɪ pɔrɪ t̄ɛ.

21 N̄ pídí me yo n̄ tyí ne nk̄ɛ, pé b̄ɔ, páh pi de Liyel tyí, té pi de n̄ tɔ tyí, pé náh t̄ɔ ȳine yénóle n̄ pile.

22 Nte, n̄ sú me yo n̄ t̄ɔnp̄ɪbí tyí: «Fwòmdò-n̄gb̄ɛ nê-á ple kal, yé kyɪ ké tokɔ súú, yé pɔ mɔ à k̄ɔ. Yé gb̄ɔngbɔ táhní dyɪ à k̄ɔ, yé mó lékyèh dyɪ à k̄ɔ.

23-24 N̄ pídí nê-á yò, kè pi ne, à s̄ɔ sò ku, té t̄ɔ n̄ syi min wɛ. Á lésò mɔ pu, té à ye wɛ. Kɛpah ye, n̄rɪ-á me náhpíkì nê sɔkɔ, yé n̄mɔ t̄ɛ n̄ pɔ n̄ ko á ne n̄ yō, á mó ne n̄ syah n̄vìle.» Kɛpah t̄ɛ sɔkɔ, pè tyah syáh syáhnóle n̄vì sɔkɔ.

25 Légb̄ine, n̄ pídí lékōní sò me swāh sɔkɔ. Wáh n̄ syi n̄ pi, té nɔ de gbôle, à yímónì, ànê yínó ȳinp̄ɔ noh.

26 Á t̄ɔnp̄ɪ yó ye piki yah, tir nê-á n̄ pi.

27 N̄mɔ me yo n̄ tyí ne, n̄ gb̄ɛndí-á pɔ de n̄ lènɔle, kɛpah-á n̄rɪ-á me náhpíkì nê sɔkɔ, n̄ sú me à t̄ɛ ko.

28 Kɛpah t̄ɛne, n̄nkyí mè fɔkɔ vyāh, à yahle dénole gbô. N̄ sú me wil ne, pé à ni à de.

²⁹ Képah sɔkɔ, à yo n̄ sú tyí ne, à yah, ké ye náhnáh-á yò, té pé me n̄ tòlè n pi. Pé náh n̄ yóré yahle yah. Nte, à náh pùkèpir n̄tē fyé tē pé kō yah, pé syi ko syáh syah pé kódíbilè.

³⁰ Té n̄ pídí mè wɔ-á pɔ, n̄mɔ nê-á n̄ tahrɪ pi karkɪ syó fɔfɪnì yò, à náhpíkì ko n̄mɔ kō.

³¹ Képah sɔkɔ, n̄ sú yo n̄ tyí: «N pídí, áwɔ me kúmm ní tnô, ní gbân yí pólle, áwɔ tyí ye.

³² A gbëndí nê-á yò, kè pi ne à sɔ sò ku, té tō n̄ syi min we. A lésò mɔ pu, té à ye we. Képah ye, mé ȳne mè syáh syah, mé n̄vì pi.»

16

Liyelle ànê póle

¹ Képah náh, Yesu yo n̄ tò sáhpú tyí: «Tàh dí yó ye lésò, à n̄n̄ tɔkɔ sah n̄ tahrɪ yò, té pé pɔ yo n̄ tyí ne, tē-á me séle n pi n karkɪ.

² N̄ yòtē dí me à ye, té yo n̄ tyí ne, pé náh me tyípeplòle n nohnɪ n̄ tyí sɔkɔ. Kàh pi sē, à náh tō fē n̄ tē n pi pé tahrɪ yò. Képah-á, à n̄ tò pi dùkù yah yo pé syah.

³ Képah sɔkɔ, tahrɪ yò tē-ò dí mè me yo n̄ gblɔy tyí ne, pé yòtē dí-á kɪ pé yal n pi n̄ tahrɪ yò. Sɔ se pé kɪ pi nɪ? Swāh tō tō tǎhkì náh se me pé sɔkɔ. Té, nínsyinɔ tēne, ké sen-á me pé sɔkɔ.

⁴ Nte, páh p̄, páh ne nê pi n pi, té névyè kɪ pé tēnó ple pé gbên sɔkɔ, pàh pɔ pé fin mɔ pé tò.

⁵ Képah tēne, à n̄ yòtē dí kmɔ nétānne n ye núkú núkúle, té négben piki yah ne, dan nê se pé yòtē dí kōlɪle n̄ yò nɪ?

⁶ A me ne, nɪri pní yí lèkwě-á. Tahrɪ yò tē-ò dí me à syah ne, n̄ kōlɪ sébéy-á yò, à kō n̄ tē súú, à wārki mɔ ké sɔkɔ ne nkē, nɪri pní tikiníní pó gbām-á.

⁷ Képah náh, à yo kèyāh tyí ne, té n̄mɔ-á dò, dan nê se à ȳne à kō nɪ? N̄mɔ me à syah ne, sèmuɔ gbòtónì yí lèkwě-á. A me yo n̄mɔ tyí ne, n̄ sébéy-á yò, à wārki mɔ ké sɔkɔ ne nkē, sèmuɔ gbòtónì yí tikiyéh-á.

⁸ Képah tē sɔkɔ, n̄ yòtē dí à sò ké yah wénpinɔ ȳinne. Kègbɪ yò, kèkōyò névyè tyi yahle n we n pi pé wē wró lékámkāmne, à kal kyò sɔkɔ névyèle.»

⁹ Képah náh, Yesu tō yo pé tyí: «N̄mɔ wɔ kéle n yo yé tyí ne: póle, gbëntēnáh kwāh tē wɔ ye kéle. Nte, yé kéle kódíbi yah kō. Kàh pópó pɔ n knè, yé kɪ tē ple tyé-nkē tyah sɔkɔ.

¹⁰ Nkē, névi nê-à pi négbíle tir tyí sɔkɔ, à kɪ pi négbíle tir gblò tɔ sɔkɔ. Té nê-à ȳinvì pi tir tyí sɔkɔ, à kɪ ȳinvì pi tir gblò tɔ sɔkɔ.

¹¹ Képah ye, pó nê-á gbëntēnáh kwāhle, yāh pí-nkēne néglólè képah tyí sɔkɔ, nê kɪ dahbi yé gbò ȳinyò tahrɪ kègbɪle?

¹² Té, yāh pí-nkēne néglólè nékáhbi gbân yí tyí sɔkɔ, nê kɪ yé yēngbē tyínole yé kō?

¹³ Tōnpi yó n̄tē náh fē tò kwɔ n pi yòtām nép̄ ními tyí. A kɪ núkú dyɔ yɔ, té kɪ nɔ n̄ ní-òle, képah náh pi, à kɪ mɔ núkúle, té kɪ n̄ ní-ò we mɔ. Sē ó ye, yé náh fē tò kwɔ n mɔ n pi n pi, Liyel ànê pó tyí.»

N̄vìni wey sán ànê Moyisi tyi kònsàhnólè

14 Képah sɔkɔ, pɔ tyí-á nɔ Farisiyěno tyí sɛ, pépi-á welo nópi pól noh, pè tyah kólɛ Yesulɛ n ko.

15 Képah tɛnɛ, à mɛ yo pé tyí: «Yépilɛ, yě yé gblɔynɛ n wɛkɪ néglɔlɛ névyɛ yah sɔkɔ. Ntɛ, Liyel yé nnɔlɛ n pnɛ. Ngbɔ névyɛ-á tir nɛnɛ n gbilki, Liyel dɛl ye képahɛ dé.

16 Moyisi tyi kònsàhnó ànê Liyel tɛntò syínyopu sébéynó sò mɛ n mɔ n kò n yíí fɔ́, à pɔ syi Wɛlnwilkí-ò Nsyɔ mɛ gbí tyí. Té à tɔkɔ légbí tyí, nìvìnì wɛy sán mɛ n yo Liyel tɔ́rí tyí sɔkɔ, té táhnsàhnó ó sɔkɔ ye no pól kɪ n de n pi ké sɔkɔ.

17 Ntɛ, yínyò ànê sétáh kɪ yal sé slɔ sɔkɔ sérɔɔ kal tir kyírí wìlkinóɛ Liyel tyi kònsàhnó sɔkɔ.

18 Sɔ́-á kè yo nɛ, dí nê-à ò kyi wilki, té ò syi kèyǎh tɔkɔ, fòfínpi-á ònɛ. Anê, sê nê pɛ-à à wilki, té névi nê à tɔkɔ, fòfínpi-á tɛnɛ.»

Tàh dí ànê Lasari tyípinɛ

19 «Tàh dí yó lésò mɛ, à fwòtǎhnì dɛnkókónɛ n mɔ, té kwánkwan yéle n yò sòmésó, mɛ nìvìlɛ n pi.

20 Té yám nɛy yó tɔ sò mɛ, pè n ye Lasariɛ. A sò mɛ sɛntɛnóɛ tàh dí mè gbò yah. N wil pól sò mɛ níynɛ.

21 A sò níkɛnɛ nɛ mɛ ké tyí nɛ, pé yɛnmírnnɛ n tɔ n yò, tàh dí-á nónónɛ n yò n kwɛ. Ntɛ, pǎhlɔ ye sò n do ò níynɛ.

22 Só yóɛ, yám nɛy mè ku, yínyò tɛntònɛ mɛ yuku ònɛ Abrahami tnò. Tàh dí tɔ mɛ ku, pè kɔ pè yí.

23 Ntɛ, wǎh kyi lékókwíl sɔkɔ, à kyi fòhnóɛ n wɛ. Wǎh ò yah yò yah, à Abrahami wɛ fíí sɔkɔ, Lasariɛ ò gbòpɔ.

24 Képah sɔkɔ, à ye yah fléyy nɛ, pé sú Abrahami, níkɛ páh mɛ n kwlo kèpékèyò nyàh mè sɔkɔ. Képah-á, à pé yám yah, à mó Lasari tekɪ mɔ, à pɔ ò kèngbɔ vyǎh dahbi wilki ni sɔkɔ, à sah pé nɛnpórí yò kè kò kè vɪ.

25 Ntɛ, Abrahami mɛ yo ò tyí: «Nmɔ pi, á dyɔ to n kò nɛ, wáh yèvɪni wɛ sɔkɔ, wáh sò mɛ min sɔkɔ gbí nɛnɛ, té Lasari wɔ mɛ yèvyǎhri wɛ. Ntɛ núkúnúkú, òmɔ mɛ yèvɪni sɔkɔ, té áwɔ mɛ yèvyǎhri sɔkɔ.

26 A wil képah sɔkɔ, pwǎh òngbɛ mɛ yépi ànê ápi wró. Képah yinne, ásò névyɛ nónó-á mɛ ké tyí nɛ, pé kyi yé tyí, pè káh tɛ wɛ, ànê nɛnpó névyɛ nónó-á mɛ ké tyí nɛ, pé pɔ ápi tyí, pé tɔ káh fɛ tɛ.»

27-28 Képah sɔkɔ, tàh dí mɛ à syah nɛ, pé sú Abrahami, káh pi sɛ, yúnpyé nɛpí kwál-á mɛ pé tyí, páh ònɛ n ni, à Lasari tekɪ mɔ pé sú kète sɔkɔ, à kyi kè yo sah pé tyí, pé tɔ káh pɔ de yèvyǎhri tɛ-nsah mè sɔkɔ.

29 Abrahami mó yo ò tyí: «Moyisi tyi sàhnó, ànê Liyel tɛntò syínyopu welo mɛ pé tyí. Pè sépi tyíyónóɛ n pi!»

30 Wǎh yo sɛ, dí mè tɔ à syah nɛ, képah náh n yíne n pi, pé sú Abrahami. Ntɛ, névi-à kɪ wil lékyí sɔkɔ, à kyi yo pé tyí, pǎh kɪ Liyel wɛkí tɛ.

31 Képah tɛnɛ, Abrahami mɛ tɔ yo ò tyí: «Páh kɪ yahle Moyisi ànê Liyel tɛntò syínyopu welo nóhnóɛ, névi-à sɔ wil lékókwíl à pɔ kèkòyó, à kyi yo pé tyí, pè náh n sɛ n pi ké yò tɔ ntɔ.»

17

Tyípékèlè ànê ké yǝnmǝnǝlè

¹ Képah náh, Yesu yo n tò sáhpú tyí: «Tyi nónó-á névile n mǝ tyípékè pínó sǝkǝ, sépi náh fě n ye wénóle. Nte, névi nê tyí-á ké yǝ wil, yèvyǎhrı me tě yǝ.

² Kè kı sǝ fǝnfó kal, pǎh yínónan toh tě yègbı, té à min dah mǝ pne yo sǝkǝ à kǝ à káh pǝ nı mǝ yǝ sě-ò tyí yó ntě dah mǝ tyípékè sǝkǝ.

³ Yé yé gblǝy tě dé!

A yǝnpi-à pı de á tyí, wekı n yǝ! Wǎh ké nǎhnpı gbo, kè yǝ mǝ à kǝ.

⁴ Anê wǎh pı de á tyí gbáhyı kwǎrnınǝ gbıyıkı núkú sǝkǝ, té nne n syı n yo n pǝ á tyí fǝ gbáhyı kwǎrnınǝ ne, páh me ké nǎhnpıne n gbo, séle n yǝ n mǝ n tyí.»

Liyel yǝ sěnlǝ

⁵ Képah sǝkǝ, Yesu tǝntǝbe à syah ne, pé Yǝtě, à wǎn mǝ pépi Liyel yǝ sěnlǝ yǝ.

⁶ Tě ngebě me yo pé tyí: «Gbı tě yǝ, yé Liyel yǝ sěnlǝ-à sǝ me tyí nǝsǝ, mútǎrdı pi fyé sǝ, yé náhkı sǝ fě yo sěnsóké mè tyí ne nıkě, kè ké gblǝy viki kyı sǝ pne yo sǝkǝ, té kè náhkı kè pı yé yóré yǝ.»

Tǝnpi tò-á nēne

⁷ Képah náh, Yesu yo pé tyí: «Tǝnpi yǝ-à me á tyí, me á swǎhle n wǝ, képah náh pı, á yıpēyne n fě... wǎh wil swǎh, à pǝ n de á we, á se kı yo n tyí ne, à sal n pǝ yǝke yǝ?

⁸ A náh pyě tǝ n yo n pi n tyí ne, à áwǝ yǝke ngebò pı, képah náh, à mó flo yısyó mǝ pǝ, á nne n tǝ á yǝke yǝ gbıne, té képah náh, à mó pyě pǝ yǝ, à mó wǝ di?

⁹ Té tǝnpi mē-á n tò pı ké wěkı yǝ, á se kı n yıngbí yo? N pı pı tò ó náh à pı di?

¹⁰ Képah núkú ó ye yépi tǝ tyí: Tyi nónó-á yah kǝ yé tyí, yǎh sè pı te, yé yo ne, tǝnpi ó-á yéle. Yáh sǝ yıne ye nê pı, képah ó-á yé pı.»

Yesu tótǎm népı gbǎm de mǝ

¹¹ Yesu-á sǝ me n yuku Yerusalemı, à syǝ sǝkǝ Samarı ànê Kalile gbàh yǝ.

¹² Wǎh kyı n de kwılpır yó sǝkǝ, díbí tótǎm népı gbǎm yısyó pǝ à yohnı. Pè sǝ me yın fıı,

¹³ té tyah n yo n mǝ n tyí yınpǝ ngeběne ne nıkě, pé yǝtě Yesu, à pé yǎm yah.

¹⁴ Wǎh pè we sě, à yo pé tyí ne, pè kyı pé gblǝyne sárká wılkıpu yǝtǎm wěkı. Pǎh képah noh sě, té wěkı tě n yuku, pè de.

¹⁵ Pé sǝkǝ nénúkú yǝ-á kè we à de sě, à n syı Liyel yın gbilki pǝ Yesu tnǝ yınpǝ ngeběne.

¹⁶ A pǝ kǝ kwınkı n yah di sétáh Yesu yah, à wekı n tyí. Té kéne díne, Samarı ney ye sǝ nne.

¹⁷ Yesu-á à we sě, à ne: «Népı gbǎm nópi pól náh de di? Nte, kwǎryǎh nópi tǝlǝ-á dǝ, pépi nýǎh?

18 Ney nâh we pépi sɔkɔ à n̄ syɪ pɔ wekɪ Liyel tyí, à wil nékâh m̄e tyí sɔkɔ k̄e?»

19 Té me n̄ syɪ yo kéne dí tyí: «Yuku n̄ ne n̄ yuku! Á Liyel yõ s̄enó n̄ pwah mɔ.»

Liyel t̄órí pónó tyíle

20 Képah nâh, Farisiȳenɔ Yesu piki yah ne, gbí nê se Liyel t̄órí kɪ n̄ pɔ n̄ pi nɪ? A me yo pé tyí: «Liyel t̄órí nâh n̄ pɔ n̄ pi kwâh yó s̄ nê-á n̄ we ȳine.

21 Anê t̄ó, ney nâh n̄ yo n̄ pi ne, k̄e we yò, képah nâh pɪ, k̄e we yàhàh. Nte, yé p̄i ne nk̄é, Liyel t̄órí-á me yé wró.»

22 Képah nâh, Yesu t̄ó yo n̄ t̄ó s̄áhpú tyí: «S̄ó yó me n̄ pi, Névi Pi we dékè kɪ me yé t̄é, té yé nâh à we n̄ pi.

23 Pè kɪ yé syah ne, wãh yò, képah nâh pɪ, wãh yàhàh. Nte, yé kâh n̄ kyɪ, yé kâh ne n̄ sal.

24 S̄-á p̄ n̄ ȳikiri yãl, à t̄okɔ ȳinyõ yah yó tyí, à kyɪ syɪ ké yah yó tyí, s̄ent̄é ye Névi Pi pónó kɪ pɪ.

25 Nte, Névi Pi ñgbò ȳine à yèvyãhrɪ pɪ náhnâh, ànê kwey gbí névyé mó à yahle.

26 Kãh pɪ s̄ ñgbòle Nowe gbí sɔkɔ, s̄é tɔ ye kɪ pɪ Névi Pi syínpɔ gbíne.

27 Névyé lésò me n̄ yõ, té me n̄ wɔ, té me syóle n̄ t̄okɔ, té me n̄ de p̄ebɪ tyí f̄ó, à pɔ syɪ s̄ nê-á Nowe de krótó-ñgb̄é sɔkɔ. Képah t̄é sɔkɔ, p̄únpáhki pɪ, ni pé pól yõ.*

28 Anê, k̄e kɪ pɪ, kãh pɪ s̄ ñgbòle Lotɪ gbí tɔ sɔkɔ: Névyé lésò me n̄ yõ, té me n̄ wɔ, té me yídwénene n̄ dwe, té me yíyãmne n̄ yãm, té me swãhle n̄ t̄ó, té me v̄ile n̄ mɔ.

29 Nte, Lotɪ-á wil s̄ n̄ene Sodòmɪ sɔkɔ, Liyel nyàh lép̄ɔ ànê nyàh lépúkú tiki mɔ pé yõ p̄ n̄ s̄ n̄ pɪ, à pé suke ko.

30 S̄ent̄é ó ye k̄e kɪ pɪ n̄ sɔkɔ n̄ pi Névi Pi syínpɔ s̄óle.

31 Ké lésò-à pɔ, névi nê we gb̄ent̄in̄ yõ, té vyó me t̄é tyí wòkò sɔkɔ, à kâh ne, páh n̄ tiki n̄ yuku sé tókó-nsah. Té nê tɔ-à me swãh sɔkɔ, t̄é kâh ne, páh péle n̄ syɪ n̄ yuku gbô.

32 Yé yé dyɔ tɔ k̄ Lotɪ kyɪ tyíle k̄e!†

33 S̄é ye, nê-à ne, páh pé minne n̄ koh n̄ sah, t̄é kɪ tekɪ ké sɔkɔ, ñte nê-à tekɪ ñ min sɔkɔ, t̄é wɔ min kɪ pwah.

34 Mé kéle n̄ yo yé tyí ne: kéne lékâhne, nép̄i nímí kɪ me s̄é s̄é kwâh núkú yõ, núkú kɪ t̄é sɔkɔ, té ñ ní-ò kɪ wũ.

35 Syó nép̄i nímí kɪ me ȳile n̄ nɔ w̄é tyí, núkú kɪ t̄é sɔkɔ, té ñ ní-ò kɪ wũ.

[36 Díbí nép̄i nímí kɪ me swãh núkú sɔkɔ, núkú kɪ t̄é sɔkɔ, té ñ ní-ò kɪ wũ.]»

37 Képah sɔkɔ, Yesu t̄ó s̄áhpú à piki yah ne, pé Yòt̄é, nyãh sɔkɔ se képah kɪ n̄ pɪ n̄ pi nɪ? A me yo pé tyí: «Kókè-à me nyãh, nénpó sɔkɔ nâh ñkyònkyònì w̄é tuke n̄ mɔ di?»

18

Nírí sɔkɔ gbáhnt̄enɔle

* 17:27 17.26-27 Yah n̄ te Tyàhnó sébéy 6.9 - 7.24 sɔkɔ. † 17:32 17.32 - Liyel-á Sodòmɪ ànê Gbomort̄ile n̄ suke gbí n̄ene, à Lotɪpi wilki ké sɔkɔ, té ne, pè ne n̄ to, pè kâh vi yah. Té Lotɪ kyɪ-á vi yah, à pɪ pne kènp̄inne. Yah n̄ te Tyàhnó 19.26 sɔkɔ.

¹ Képah náh, Yesu sèmìrkì yó yāh n tò sáhpú tyí, à pè wěki ne, pāh yīne pè nířile n pɪ kúmm wílkúni kēne ké sɔkɔ.

² A ne: «Tukey tükè-ò dí yó lésò me kwil yó sɔkɔ, à náh Liyel yah tíkile n pɪ, à náh yòyénne n sah névye yō.

³ Té pékúsè yó tɔ sò me kēne kwil sɔkɔ. Nmɔ sò me n yo n pɔ n tyí gbímegbí ne, nê-á me péwɔ ànê pé fwó-ò wró, à kè tō sah pé kō.

⁴ Nte, kè pɪ di mónóle, té dí náh sò me fě syi. Képah náh, à pɔ yo n gblōy tyí ne, gbɪ tē wɔ-á, pé náh Liyel yah tíkile n pɪ, pé náh yòyénne n sah névye yō.

⁵ Nte, pékúsè mè-á me pé gblóle n vyāh n pɔ, pāh kɪ n tir mè yah wah à kō, pé yah mó vɪ.»

⁶ Tē ñgbē Yesu-á képah yāh te, à tō yo pé tyí: «Yé tukey tükè-ò dí mè wey noh kè, ñmɔ nê-á fɪn yó-òle.

⁷ Nte Liyel wɔ-á nónó yah tɔkɔ, té pè me ñne n ye n gbo lékâh ké gbìntō, à náh pé tyi yah wah pè kō n pi di? A se kɪ mo pé yòhnɪnmɔ-ńsah?

⁸ Mé kéle n yo yé tyí ne: wāh kɪ pé tyi yah wah pè kō súú. Nte, Névi Pi-à só nēne pɔ sétáh yō, à se kɪ pɔ Liyel yō sēnó we?»

Sèmìrkì nê-á yāh Farisiyē ànê mórí syí-ò tyí sɔkɔ

⁹ Névyè nónó-á sò me pé gblōyne n yah ne íkē, pāh me négbóle Liyel yah, té me télóle n yilo, Yesu sèmìrkì yó yāh pépi tyí sɔkɔ ne:

¹⁰ «Díbí népí ními yísyó sò kyɪ Liyel wòkò ñgbē kéntáhkì sɔkɔ, à kyɪ Liyel ni. Nénúkùle, Farisiyē ye sò ñne, té ní-òle, mórí syí-òle.

¹¹ Képah sɔkɔ, Farisiyē mè me yuku yīn, à Liyelle n ni n fɔkɔ táh, me n yo ne, èè Liyel, pāh n wɛkɪ n tyí, wāh sɔnpí péwɔ pɪ pé gblōy. Pé náh me no téló tyí kōle, nónó-á yípúle, ànê tyítúkúni pípúle, ànê fòfíkì pípúle. Pāh n wɛkɪ n tyí, pé náh sɔnpíle me mórí syí-ò mè sō.

¹² Péwɔ-á níkile n tē sèpɪn níni yòh núkú wró. Pāh pé gbàn yí wénó gbām-ònéle ñne n kō.

¹³ Nte mórí syí-ò wɔ mó sò me yīn tē fíí, à náh fě syi n yah ítē yō yīnyō. Té me n gbòle n sah n ñivo sɔkɔ me n yo ne: «Liyel, ní yām yah, ñmɔ nê-á tyípékè pí-òle.»

¹⁴ Képah tēne, Yesu me ne: «Mé kéle n yo yé tyí ne: dí mè pɪ négbúle Liyel yah, wāh n syɪ n yuku n fɪnne gbí nēne. Té Farisiyē wɔ náh sēnkō we. Gbɪ yō, névi nê-à n gblōyne n gbilki, à kɪ tiki mɔ. Té nê-à n gblōyne n tiki n mɔ, tē wɔ kɪ mó dɔkɔ mɔ.»

Yesu sām mɔ wēnpì yrō sɔkɔ

¹⁵ Névyè sò me n pɔ n pɔ wēnpì yrō tole Yesu tyí ne, à tū pé tyí. N tò sáhpú-á képah we, pè tyah dířile n kō pé yō.

¹⁶ Nte, Yesu me wēnpì kō pè nɔ de n tnô, té ne: «Nónó dùkù-á me wēnpì nòpi sō, Liyel tōrìle, pépi tyí ye. Képah ye, yé ye wēnpì kō pè ne n pɔ n pɔ ñmɔ tyí. Yé káh pé yahle n kō.

¹⁷ Gbɪ yō, mé kéle n yo n dal n mɔ yé tyí ne: névi nê-à Liyel tōrì fěnsyi-ńkēne wēnpir tyí kōle, à náh n we n de n pi ké sɔkɔ pólle.»

Kèkōyó tahrɪ yahle, n té n we n de yīnyō tōrì sɔkɔ

18 Képah náh, Nsyifunɔ yòtɛ yó Yesu piki yah ne, kwó-ò pèpɛy, pé se yĩne pé pi sɔ́, pé mó tyé-ńkɛ min we ni?

19 Yesu me yo n tyí: «Kwâh nê pi, té á ńne n ye <pèpɛyne>? Pèpɛy yó n tɛ náh me, né Liyel ó náh.

20 Á Liyel tyi kònsàhnó pĩ kè, nê-á n yo ne ńkɛ: «Káh fòfíkì pi, káh nékókè mɔ, káh yĩbe yĩ, káh mìnì sah á ní-ò yò, á sú ànê á yúne n tɛ ple.»

21 Wǎh yo sɛ́, dí me à syah ne, páh me sépinó pólle n pi fóó, pé wɛnpir gbí dükùle.

22 Yesu-á képah noh sɛ́, à yo n tyí: «Tyínúku ó tɔ yah kwɔ á tyí: Gbǎn yĩ nónó pól-á me á tyí, kyi sè yǎm, n tɛ sé pó dibi yǎm tǎn kɔ́, n tɛ n pɔ ńmɔ sò tɛ. Képah sɔkɔ, á kɪ Liyel fɔ́ tahrɪ we.»

23 Té dí tahrɪ-á sò kah tɔ sɛ́, képah ye, wǎh wey mɛ noh, n yah kwɔ yiki.

24 Képah sɔkɔ, Yesu-á n yah we kè kwɔ sɛ́, à ne, tahrɪ dénó-á me tah Liyel tǔrí sɔkɔ dé!

25 Nkɛ́, yǎhmíkì dénwìlnóle sèndi pwǎh sɔkɔ, képah n tɛ-á kɪ fàhfàh kal tàh dénóle Liyel tǔrí sɔkɔ.

26 Képah sɔkɔ, nónó-á sò me n weyne n nohnɪ, pè ne, nte, nê wɔ se kɪ mó fɛ pwah ni?

27 A me yo pé tyí: «Névi náh fɛ tir nê pi n pi, Liyel kɪ fɛ képah pi.»

28 Képah sɔkɔ, Pyeri me ne, pépi tɛ wɔle, páh pé yɛngbɛ́ yĩ sah, té n mɔ sò tɛ.

29 Yesu me yo pé tyí: «Gbɪ yò, mé kéle n yo n dal mɔ yé tyí ne: névi nê-à Liyel tǔrí yinne n kéte sah, képah náh pi, n kyile, képah náh pi, n yúnyéle, képah náh pi, n tyí névyele, képah náh pi, n wɛnpile,

30 tɛ kɪ pé lékan we kèkòyó mɛ sɔkɔ, té kɪ tyé-ńkɛ min we Liyel fɔ́ sɔkɔ ńsòne.»

Yesu tɔ n kúnó ànê n min syínwɛnɔ tyí yo ke tɔ-òle

31 Képah náh, Yesu n tò sáhpú népì gbõnimí ye pé yahle, té yo pé tyí: «Á we n yuku Yerusalemɪ sɔkɔ yò. Té Liyel tɛntò syínyopu-á lésò tyi nónó pól wǎrkɪ sah Névi Pi tyí sɔkɔ, sè kɪ n pi n tũ n pi.

32 Pè kɪ à dahɪ Liyel pí-ńkɛpú gbò. Pè kɪ kóle nne n ko, kɪ nne gbyɔ, té kɪ n sɪn n mɔ n yò.

33 Pè kɪ à ko yèfòhle, té kɪ à ko mɔ. Nte, ké sèpìn tɔ-ò sóle, à kɪ n syi min sǎn we.»

34 Nte, Yesu wey mɛ sò me wénpille pé tyí. Képah ye pè náh ké syíkí-ńsah pĩ.

Yesu yítú yó yí yiki mɔ

35 Képah sɔkɔ, Yesu-á de n te Yeriko kwille yúkey, yítú yó sò me kòntɛnóle wɛgbalɪ sɔkɔ, me n ni n syi.

36 Wǎh tówú sókónó yí noh, à piki yah ne, tir nê se ni?

37 Pè me à syah ne, Nasaretɪ Yesu-á pɔ n sɔkɔ.

38 Képah tɛne, à tyah n yo n mɔ léyy ne, Yesu, Davidi Pídí, à pé yǎm yah.

39 Té nónó-á me n kɔ yah tɛnne, pépi sò me díríle n kò n yò ne, à n vyǎh vike. Nte, n mɔ tɛ sò me n tɔ n gbah n yo n mɔ ne ńkɛ́, Davidi Pídí, à pé yǎm yah.

40 Képah sɔkɔ, Yesu me yĩn, té ne, pé po òne. Wǎh no de, Yesu me à piki yah:

41 «Tir nê me á me ké tyí ne, mé pi á tyí?» Dí me à syah ne, pé Yòtě, à kè pi, pé fě ne n yah n̄tõ.

42 Yesu me yo ò tyí: «Á yí ye yiki mɔ! Á Liyel yõ sɛnó ye ò de mɔ.»

43 Nénpó swɔ, ò yí núkú yiki mɔ, té à me Yesu sò tě, à Liyelle n gbilki. No pól-á képah we sě, pé tɔ tyah Liyelle n gbilki.

19

Yesu ànê Nsasyile

1 Yesu-á de Yeriko kwil, à sò me n kah ké sɔkɔ,

2 té dí yó sò me kéne kwil, pé n ye Nsasyile. Móri syípú yòtām sɔkɔ yó ye sò òne, té à pi tǎhle.

3 A sò me n yah n kō ne, pé Yesu we, nédúkú nê-á òne. Té òmɔ-á pi nétúkúrí neyne, tówú tnónkahnó tě tyí, à náh sò fě à we n pi.

4 Kǎh pi sě, à to yuku yah òne, à kyɪ dɔkɔ séswô yó sɔkɔ Yesu we yĩne. Té à ki sò po n sɔkɔ n pi nénpó.

5 Yesu-á yĩni tě nénpó, à ò yah yõ té yo Nsasyi tyí ne íkě, à tiki súú Nsasyi, páh yĩne pé twah ò kéte sɔkɔ kweyne.

6 Képah těne, Nsasyi núkú tiki súú, à kyɪ Yesu tō sah tě ò òne ònì sɔkɔ.

7 Névyé-á képah we sě, pé pól tyah ò tyíle n plo n yǎh ne, tyípêl pí-ò tyí-á à kyɪ twah yò dé!

8 Nte, Nsasyi me no de Tě ògbě Yesule, té yo ò tyí ne, à noh pé tyí, pé yòtě. Páh ki pé gbǎn yí tóní núkú yí yām tǎn kō. Anê, páh me syiki nê yõ, páh ki sɛnknɔnɔ n̄yǎhle tě dyah.

9 Képah sɔkɔ, Yesu me yo ò tyí: «Áwɔ tɔ-á pi Abrahami náh neyne, képah ye, pwáhnmɔnɔ de kéte mè sɔkɔ kweyne.

10 Yah, nónó-á sò me mónpunɔle, pépi yáhnkō-ísah ye Névi Pi po ki pé pwah mɔ.»

Yòtě nê-á pó dahbi tònpi bi gbò

11 Képah těne, Yesu-á de n te Yerusalemi sɔkɔ, ò welɔ nóhpú sò me n sò ne, Liyel tǔrí-á ki n po n pi nénpó swɔ. Képah sɔkɔ, Yesu me sèmirki yó yǎh pé tyí ne:

12 «Yòtě yó pídí ye lésò. Só yóle, à yuku sɔkɔ kwil fí yó sɔkɔ ne, pé kyɪ yòtǔrí yah n kō, képah náh, pé mó pé syi po.

13 Wǎh n sɔkɔ, à ò tònpi bi népí gbām ye po, pó dan núkúle pé nénúkú núkú pól kō, té yo pé tyí ne, pé gbòle n yí sépile fók, kè po syi pé syinponɔ tyí.

14 Té, ò kwil névyé sò me ò dyɔle n yo. Pé me tɛntò tekɪ mɔ ò náh, à kyɪ yo ne íkě, pépi náh me ké tyí ne, dí mè tě po pi pépi yòtěne.

15 Nte, à mó tō yòtǔrí mè we, té ò syi po. Wǎh po, à ò tònpi bi nópi ye, wǎh sò pó dibi nónó kō. Pǎh gbò yí, té pó dòhnò nê we, à sò me ké tyí ne, pé kè pí.

16 Képah sɔkɔ, négben po yo ò tyí ne íkě, pé yòtě, wǎh pó dan nêne pé kō, páh ké kénknɔnɔ gbām yah dohnɪ.

17 Yòtě dí me yo ò tyí ne, kǎh ple, tǒnpi pèpey-á òne. Wǎh fyò pi négbúle tir tyí sòko, wǎh ki pi kwlonò gbām yah tě-òle.

18 Ní-ò me pò yo ò tyí ne nkě, pé yòtě, wǎh pò dan nêne pé kǒ, páh ké kénknòno kwlo yah dohnì.

19 Yòtě dí me képah núkú ó yo ò to tyí ne, òmò pi kwlonò kwlo yah tě-òle.

20 Kèyǎh me pò yo ò tyí ne nkě, pé yòtě, ò pò-á yò. Páh sò me kè dah mò sah fwò yó sòko ké tyíle.

21 Nkě, ò tò-á kah tah. Képah-á, ò tíkí me pé tě. Nmò nǎh sah kwâh nêne, ǎ kè tǒko. A nǎh sèmuco nê duku mò, ǎ képah tǒko.

22 Képah tǎne, yòtě dí me à syah ne, tǒnpi túkù, ò vyǎh wey mè sòko-á pé ki tuke òne. Nmò-á sò pǐ ne nkě, pé tò-á tah, pé nǎh kwâh nê sah, pé kè tǒko, ànê pé nǎh sèmuco nê duku, pé ki tǒko.

23 Nte, kwâh nê se pi, té à nǎh pé pò dah mò sah pò dahnmò-ńsah wòkò sòko ni? Páh pé syi pò, páh nǎhki sè we wilki dòhnìńóle sé yò.

24 Képah sòko, nónó-á sò me nénpò, à ò syi yo pé tyí ne, pé pò mè syi ò tyí, pé kéle ké kénknòno gbām nètě kǒ.

25 Pè me yo ò tyí ne, pé yòtě, sé gbām-á me te òmò tyí dò!

26 Nte, à me pé syah ne: «Mé kéle n yo yé tyí ne: névi nê tyí kwâh-á me, pé ki tǒ òmò kǒ. Té névi nê tyí kwâh nǎh me, kwéyy nê nètě-á me ò gbò, ké to ki tě syi ò tyí.

27 Nte, ní sèpébi tě wòle, pépi nónó nǎh sò me ké tyí ne, mé pi pé yòtǎne, yé pò péle ásò, yé pò pé yèsò kǒ ní yí yah.»

Yesu dénóle Yerusalemi sòko

28 Képah yónteno nǎh, Yesu yin pé yah, pé n doko n yuku Yerusalemi.

29 Té wǎh yini tě n te gbí nêne Betefasyi ànê Betanile yǒli yó tnò, pé n ye Wólívi yèh yǒlile, à ò tò sǎhpú népi ními tǒ ne:

30 «Kwil nê-á yé yahle, yé kyi ké sòko. Yáh ki n de, yé ki níkwěndyípiki yó we tóhnmonole nê-á ney nǎh doko yah ò yò pólle. Yé à de n pò ásò.

31 Té nê-á yé piki yah ne nkě, sǒ se, té yé òne n de ni, yé yo tě tyí ne, ò yétò-á me Tě ògbě tyí, képah-á.

32 Wǎh yo sě, tǎntò névye nópi sòko. Pé nítyino kyi tyi nópi we, sǒ-á sò à yo kéle pé tyí.

33 Páh me ò dénó sòko gbí nêne, ò nètám pé piki yah ne, sǒ se, té pé níkwěndyípiki mène n de ni?

34 Pè me yo pé tyí ne nkě, ò yétò-á me Tě ògbě tyí, képah-á.

35 Té me yuku òne Yesu tyí. Pé pé flo mò ò yò, à Yesu kǒ à doko.

36 Képah tǎne, wǎh me n yuku sǒ, névye me pé flole n mò n yuku sě wěki yò.

37 Páh n tyah Wólívi yèh yǒli tíkinteno, ònì de ò tò sǎhpú kwĩnki pól sòko. Páh gbil tyi nónó pól we, sépi yinne, pé tyah Liyel yinne n gbilki yĩnpò ògběne,

38 me yo tú ne nkě:

«Yòtě nê-á n pi Liyel yin yò,

Liyel sǎm mò ò sòko!

Yèvinì ne me yĩnyò,

gbilkínó mó ne n sah Liyel yò,

̀nmɔ nê-á yĩnyõ fléyy tẽ-̀nsah.»*

³⁹ Képah sɔkɔ, tówú nıyó sɔkɔ Farisiyẽnɔ yısyó Yesu syah nɛ, pé kwó-ò dí, à ñ tò sáhpú vyëy tũ kè!

⁴⁰ Képah tẽnɛ, Yesu pè syah nɛ: «Mé kéle n yo yé tyí nɛ: pàh kɪ sɔ pé vyëy vike ò, dyèh ye kɪ n gbo n mɔ pé swɔ.»

Yesu yah kwɔ Yerusalemı tyíle

⁴¹ Yesu-á de n tɛ Yerusalemı, té kè wɛ gbí nêne, à n gbo ké yĩnne nɛ:

⁴² «É, Yerusalemı, wáh náhkı sò me fẽ syi yèvinı wɛ òkù pĩ kwey mènɛ! Nte wéèè, kè ye wòbı á yah!

⁴³ Yah, sèp̃n yısyó me n pi, á sèpébı kɪ wòbı-̀ntàn pi á kèkɪ kore vi, té kɪ ñ fyáh sah yey yey pólle.

⁴⁴ Liyel-á pɔ á yòhñnmɔ-̀nsah gbí nêne, á náh fẽ syi kè pĩ. Képah ye, pè kɪ á sɔkɔ névye pól ko mɔ, té kɪ ñ mukuli. Á dáhkı yó ítẽ náh n wú n pi ké ní-ò yõ.»

Yesu gbòyĩbı yĩni wilki Liyel wòkò ñgbẽ kéntáhkı sɔkɔ

⁴⁵ Yesu-á kyı de Liyel wòkò ñgbẽ kéntáhkı, té yíyám yàmpu wɛ ké sɔkɔ, à tyah péle n yĩni n wilki.

⁴⁶ Té me n yo pé tyí: «Kè me wárkínsàhnóle Liyel wey sɔkɔ nɛ níkẽ: <N wòkò kɪ pi nírí pí-̀nsah wòkòle>. Té yépile, yé kè tɔkɔ pi névye yõ syíkípú tẽ-̀nsahle.»

⁴⁷ Té à sò me névyele n kwɔ sòmésó Liyel wòkò ñgbẽ kéntáhkı sɔkɔ. Képah sɔkɔ, sárká wilkĩpu yòtám, ànê Liyel ñgbò wèkı kwópú sò me ñ kònmɔ-̀nsahle n yah n kò, kwil yah tãm tɔle péle.

⁴⁸ Té no pól-á sò me pé ní kwɔ n tɔ n sah n nohnı n yĩ ñ tyí sɛ, képah ye, pè náh pĩ pàh kɪ n pi n pi sɔ.

20

¹ Yesu-á sò me névyele n kwɔ Liyel wòkò ñgbẽ kéntáhkı sɔkɔ, me ñṽññ wey sánnɛ n yo sɛ, só yóle, sárká wilkĩpu yòtám, ànê Liyel ñgbò wèkı kwópú, ànê yèwàhññ pɔ wil ñ tyí,

² té à syah nɛ, à yo pé syah, nê gbò yõ sɔkɔ se, à n pi tyi nópile, nê se à kò ténwɛnɔ mènɛ nı?

³ A me yo pé tyí: «̀Nmɔ tɔ kɪ píkinyahnɔ núkú pi yé tyí: Yé yo ní syah,

⁴ nê-á tɔ Nsyõnɛ, à pɔ nolɛ n wel n wilki? Liyel se, tĩ névye se?»

⁵ Pè me yo wẽ tyí nɛ, pàh kɪ nɛ níkẽ, Liyel-á tɔ ñnɛ, wáh kɪ pé syah nɛ, té kwáh nê se pi, té pé náh sɛ ñ yõ nı?

⁶ Nte, névye sɛnyĩnɔ-á me tɛ ké yõ nɛ, Liyel tẽntò syınyo-ò-á Nsyõnɛ, pàh kɪ mó tɔ nɛ níkẽ, névye-á tɔ ñnɛ, no pól-á kɪ dyèhle pé minki ko.

⁷ Káh pi sɛ, pè à syah nɛ, pé náh pĩ nê-á tɔ ñnɛ.

⁸ Páh yo sɛ, Yesu tɔ mó pè syah nɛ, kàh pi sɛ, ténwɛnɔ nê-á pé kò pé tyi nópile n pi, pé náh mó kè yo pè syah n pi.

Divẽ sésân swáh tópu nêpêl sèmirkıle

⁹ Képah náh, Yesu tyah sèmirkı yóle n yáh névye tyí nɛ: «Dĩ yó ye lésõ ñṽṽ sésân swáh kò, té kéle tẽntòbe gbò dahbı, té sɔkɔ kóló sɔkɔ à kyı mo.

* **19:38** 19.38 - Yah n tɛ Gbálnó sèbéy 118.26 sɔkɔ.

10 Sé pye gbe gbí-á pɔ nɔ, à tɔ̀npɪ yó tekɪ mɔ ðivě sésân swah tɛ̀ntôbe nópi tyí ne, pè pé tyí ðivě sésân pyele à kɔ̃. Nte, tɛ̀ntôbe nópi me tɔ̀npɪ mè ko, té pé syɪ à tekɪ mɔ ñ gbò kókóle.

11 Képah sɔkɔ, sètě dí tɔ̀ ñ syɪ tɔ̀npɪ yó tekɪ mɔ. Pè tɔ̀ ñmɔ tɔ ko, té à gbyɔ, té pé syɪ à tekɪ mɔ ñ gbò kókóle.

12 A tɔ̀ ñ syɪ tɔ̀npɪ tɔ̀-ò tekɪ mɔ. Pè tɔ̀ ñmɔ tɔ pɪ yɔ, té à yĩni.

13 Kàh pɪ sě, sètě dí ne, sɔ̃ se pé kɪ pɪ nɪ? Páh kɪ pé nìdè pídí wɔ tekɪ mɔ. Nmɔ wɔle, gbòkénpɪ, pàh kɪ yòyén sah ñ yõ.

14 Nte, ðivě sésân swàh tɛ̀ntôbe nópi-á fyò ñ pídí we, pè núkú yo wě tyí ne nkě, ñ gběyô-á yò. Pé ye à ko mɔ, gběkɪ mó pɪ pépi tyíle.

15 Képah tɛne, pè à yɔrɪ wilki mɔ ðivě sésân swàh kahnɛ, té à ko mɔ. Núkúnúkú tɛne, sɔ̃ me sètě dí kɪ pɔ pɪ péle wé?

16 A nàh pɔ ðivě sésân swàh tɛ̀ntôbe nópi ko mɔ, té kɪ kè dahbɪ n pi yísyó gbò di?» No-á kéne wɛlɔ noh sě, pè ne, pólle, képah wɔ nàh n pɪ n pi!

17 Nte, Yesu me pè yah, té yo pé tyí: «Liyel wey-á nê yo ne nkě:

«Wòkò mópú-á dáhkì nê milki,
képah ye pɔ pɪ wòkò kyĩ yõ dáhgbíle»,
képah yõ nêne yépi tɛ tyí?

18 Névi nê-à wil syɪkɪ kéne dáhkì yõ, tɛ kɪ kwɔkɪ. Té, kàh se mó tɔ̀ syɪkɪ nê yõ, kè kɪ tɛ pyàhrɪ.»

19 Képah sɔkɔ, Liyel ñgbò wěkì kwópú, ànê sárká wìlkɪpu yòtām ñgbno sò pĩ yĩ tɛ ne, pépi yô-á Yesu mɪ sèmìrkì mènɛ. Képah ye, pè sò me ñ tɛ̀-ńsahle n yah n kɔ̃ nénpó swɔ, té névye tíkí pè tɛ.

Nê-á yĩne Sesarɪ kɔ̀nóle, ànê nê-á yĩne Liyel kɔ̀nóle

20 Képah sɔkɔ, pè tyah Yesu kyò̀mìnóle. Pè yínvínpɪbɪ yísyó tekɪ mɔ ñ tyí. Pè pɔ pé gblɔy pɪ néglólóle. Pè sò me ké tyí ne, à pilki ñ vyàh wey sɔkɔ, pé kɔ̃ pé à we tɛ kyɪ dahbɪ kwil yah tɛ̀-ò gbò, tɔ̀rí ànê tɛ̀nwɛnɔ-á me nê tyí.

21 Képah tɛne, pè píkinyahno yó pɪ Yesu tyí ne, kwó-ò dí, páh pĩ ne, wàh tyi nónónɛ n yo, té kwónó nónónɛ n pɪ, gblɔ kókó-á séle. Á nàh névyele n wah, ànê wàh Liyel wěkìle névyele n kwɔ ké gbɪ yõ.

22 Nte, à yo pé syah, nkě, ké wěkì se me kɔ̀nóle ne, pé mórúle n mɔ Wromɛnɔ yòtɛ ñgbě Sesarɪ tyí, fɪ ké wěkì nàh me kɔ̀nóle?

23 Té Yesu-á pé yínvɪ pĩ sě, à yo pé tyí:

24 «Yé pɔ pɔ pɔ núkúle, mé yah átre. Nê yah mírki, ànê ñ yĩn me wárkínmɔnɔle ké yõ yò?» Pè me yo ñ tyí ne, Sesarɪ tyí-á.

25 Yesu me yo pé tyí: «Kàh pɪ sě, yé Sesarɪ tyíle Sesarɪle n kɔ̃, yé mó Liyel tyíle Liyel kɔ̃.»

26 Kàh pɪ sě, pè nàh pílki-ńsah we ñ wey sɔkɔ, à à tɛ névye yí yah. Té ñ tyi yah yónó pyé me pé gbàn du, pè me tɛ syísyí.

Sadusɛnɔ Yesu piki yah lékyî yìlkínmɔnɔ tyí sɔkɔ

27 Sadusɛnɔle, nósyó ye, nónó-á ne, lékyî nàh min sán we n pi. Pé no de Yesule, té à piki yah ne,

28 pé kwó-ò dí, Moyisi-á kɪ wárkɪ sah pé kɔ̃ ne nkě, sètě nê-à ku pi wé-ńkɛne, té gbě me tɛ tyí, gbě mè-á yĩne à pékúsè mè tokɔ, à mó wɛ̀npɪ dubi à kɔ̃ ñ nénkyí nàhne.

29 Nte, kèkùrkì nùkú òpì nèpì kwǎrninò yísyó-á lésò me. Nénkyí tẽ me sê tokò, té ku, té à sah píkánne.

30 N sò syi me pi mè tokò.

31 Képah náh, tǔ-ò me à tokò. Kè n pi n yuku sě fóó, pé nèpì kwǎrnímí pól à tokò. Té, pé pól pò ku, té à sah píkánne.

32 Képah náh, pi mè tò pò ku.

33 Nte, pi mè-á de yah sě nèpì kwǎrnímí nópi tyí-à, lékyî min sán pónwe sóle, à ki n pi n pi pé sòkò ney nê tyíle?

34 Pǎh yo sě, Yesu yo pé tyí: «Kèkõyó mè tẽ wò sòkò, sétókókì me, ànê, pédekè me.

35 Nte, Liyel-á nónó kyomì we ne, pǎh yĩne dénóle kèkõyó sán sòkò, té ki min sánne pé kò n pi lékyî min sán pónwe sóle, pépi náh syó tokò n pi, pé náh n de n pi pebi tyí pólle.

36 A ki pé wilki kũ sòkò, ki min sánne pé kò. Pé ki pi yĩnyò tẽntõnè tyí kòle: Pé náh tǔ n ku n yah n pi. Pé ye pi Liyel pyele.

37 Moyisi tò ye kè yo wah yíi ne níké, lékyî-á ki pò pé syi min sán we. N sébéy fí nê-á dukuni tyíle n yo nê-á sò nyàh lépòle ké sòkò, képah sòkò ye à Tẽ ògbě Liyel ye <Abrahmì Liyelle, ànê Yisakì Liyelle, ànê tǔ Yakobì Liyelle>.

38 Liyel tyí, no pól me vyele. Képah ye, lékyî Liyel náh òne, vye Liyel ye.»*

39-40 Wǎh yo sě, nìsǎh náh tǔ sò me pé tyí, ki à piki yah. Képah ye, Liyel ògbò wěkì kwópú yísyó yo n tyí ne, kwó-ò dí, wǎh weki ple.

Kristale, Davidi yòtẽ ye

41 Képah sòkò, à me yo pé tyí: «Á ki yo sǔ ne, Davidi náh ney ó-á Kristale nê-á Liyel ne, páh ki tekì mǔ?

42 Té òmò Davidi nítẽ mó tǔ kè yo n yìgbìnì sébéy sòkò ne níké: <Tẽ ògbě Liyel ye kè yo òmò Tẽ ògbě tyí ne níké:

«Pò n kò n tẽ ní gbòyò sóle,

43 fóó kè pò nò gbí nê-á mé ki á sèpébi pi á gbáhsúkíle.»

44 Nte, Davidi nítẽ we à ye n TÈ NGBÈNE à ki tǔ pi sǔ, té ki pò n pi n náh ney óle?»

Yesu ne, pé tǔ sáhpú pé gblǒyne n kyomì Liyel ògbò wěkì kwópúle

45 Képah náh, à yo n tǔ sáhpú tyí n wey nóhpú pól yí yah ne:

46 «Liyel ògbò wěkì kwópúle, fwòmòngbno mónkònkòno tyí nò pé tyí. Pé n ne n me ké tyí ne, no ne n tǔ n sah n weki pé tyí tówù tükè-ntàn sòkò. Tẽ-ntàn gbroy tyí nò pé tyí Liyel ní-ntàn vì sòkò, ànê yé yó-ntàn sòkò. Yé yé gblǒyne n kyomì péle!

47 Té pépi ó ye tǔ n vi n tẽ pékúsyòle, à pé gbàn yíle n syi, n té níríle n pi yòsèkíle, n névyehale n pil ne, páh me tómm. Nte, pé tukey ki n pi n pi kèpékèyò, à kal no téló tyíle.»

* 20:38 20.38 - Nónó-á ku sòkò di mónóle, kàh yo ne, Liyel-á pi pépi Liyelle, képah n wěkì ne, páh me min sòkò.

21

Yínkõno nê-á pékúsè pi

¹ Só yóle, Yesu sò me Liyel wòkò ñgbě kéntáhkì sòko, té wáh n yah yõ, à tahbi we, pè me pé yínkõ kã póle n dah n mo n po pó dáhnmo-ńsah kwâh sòko.

² À pékúsè yãm ney yó to we, à po pópì pló nínó dah mo.

³⁻⁴ Képah sòko, à ne: «No pólle, pó nónó yétô náh me pè tẽ, sépi ye pè toko po dah mo. Nte, pékúsè yãm ney mène, ñmo ye n yãm fõh, té n yõ yõ pó pól toko po dah mo. Képah ye, mé kéle n yo n dal n mo yé tyí kègbi yõ ne: ñmo-á dah mo kal no pólle.»

Yesu me Liyel wòkò ñgbě sónó tyíle n yo n sah

⁵ Képah náh, névyé tókù sò me n yo ne, Liyel wòkò ñgbě-á me ple: Nkẽ, ké mo mo dyêh, ànê ké vyó nónó-á névyé yí Liyel kõ, sah me kè syi yí. Nte, Yesu me yo pé tyí:

⁶ «Nê-á yé n yah yò kè, sèpìn yísyó me n pi, dáhkì yó nítẽ náh n wũ n pi ké ní-ò yõ. Sé pól ki pirki.»

Yèvyãhrì tyi nónó-á ki n pi n pi, kèkõyó-à pópó n tyé

⁷ Képah sòko, pè me Yesu piki yah ne nkẽ, kwó-ò dí, gbí nê se képah ki pi ni? Anê, kwní yónmõno nê se ki wèki kéle ne, kãh ki n pi n pi ni?

⁸ A me yo pé tyí: «Névyé náhnáh ki po ñmo yín toko n pi pé yah yíne, té ki n yo ne nkẽ, pépi-á Nmole. Nkẽ, ké gbí-á no te! Nte, yé káh pé sò tẽ! Yé yé gblõyne n kyõmi, yé káh ye ney po yé pilki.

⁹ Yáh po mál, ànê névyé yúkúnyahleno tyí yónóle n nohni, yé káh ye tíki yé tẽ! Képah ñgbò ye yíne kè pi. Nte, képah náh núkú n pi n pi kèkõyó mè tyénóle.»

¹⁰ Képah náh, à tõ n syi yo pé tyí: «Kwil yó ki yuku kwil yóle n fwo. Tõrí yó ki yuku tõrí yóle n fwo.

¹¹ Sétáh syahrì ñgbno ki me n pi, té tantàn náhnáh sòko, nyân pèl ànê kweki ki me de. Tíkítiki tyi, ànê kwní yónmõno ñgbno ki n we yínyõ.

¹² Nte, kéne tyi-à pópó n pi, pè ki yé tẽ fõh, té ki yé gbàh de mo pè kã pè ki tuke Liyel ní-ńtân vì sòko. Pè ki yé dah mo wòkònpèkè sòko. Pé ki yé tẽ kyi yõtã ànê kwlo yah tẽpú tyí ñmo yinne.

¹³ Képah gbò yõ yé ki ñmo tyí we yo pé tyí.

¹⁴⁻¹⁵ Nte, yé ye, yé dyo ne me n kwne ne, ñmo-á ki wey wèki dùkù ànê lékámne yé kõ, nê-á ki yé fõhpú kõ, pè náh fẽ n wèki yéle, ànê pè náh fẽ yé kõli. Képah ye, yépi tyí náh yé gblõy vínóle, yé vyëy syi yinne.

¹⁶ Nte, nónó nítẽ-á ki yé mo kũ kõ n pi, yé dúbípú ye, ànê yé yúnpyele, ànê yé tyí névyele, à tahli yé kódíbí tyí. Képah sòko, yé náhnáh ki ko mo.

¹⁷ No pól ki yé dyole n yo ñmo yinne.

¹⁸ Nte, yé yòyén sòko yó nítẽ náh n yah n kwlo n pi.

¹⁹ Gbáhntẽno sòko ye yé ki tyé-ńkẽ min we.»

Yesu Yerusalemi yíkínó tyí yo sah

²⁰ «Yáh mégbàn we sè Yerusalemi mo gbi gbí nêne, yé pĩ ne, ké so gbí-á no.

21-22 Kéne sèpìn kɪ pɪ pèkè wɔ déńóle, Liyel sébéy sɔkɔ tyi wárkínsàhnó pól kǒ sè kɪ pɪ tũ. Képah ye, nónó-à me Yude kwil sɔkɔ, pépi to de ymo sɔkɔ. Nónó-à me Yerusalemɪ kwil táh sɔkɔ, pépi wil. Nónó-à me gbɔ sɔkɔ, pépi káh de kwil táh.

23-24 Kè kɪ pɪ kéne sèpìn sɔkɔ yèvyãhrɪ ñgběne kwil sɔkɔ. Té Liyel kɪ yuku kwil mè névyé yǒ fòkònyãhnìne. Pè kɪ ko mo kèkírnné, kɪ tẽ yuku yǒbɪle kèkǒyó kwlo pól sɔkɔ. Té Liyel pí-ńkě névyé kɪ Yerusalemɪ yɪkɪ pól tẽne fǒó, kɪ pɔ syɪ pé gbɪ tyénó tyí. Képah ye, kéne sèpìn sɔkɔ, kè kɪ pɪ yǐ yèvyãhrɪle syó kùrn nétã, ànê yǒkɪ nétã tyí.

Névi Pi syínwɔle

25 Képah sɔkɔ, kwní yónmɔnɔ kɪ we gbɪ sɔkɔ, ànê ńwǒ sɔkɔ, ànê ńwǒ kèpye sɔkɔ. Té kèkǒyó névyé pól yáh-ńsah kɪ me tyé kèpékèyǒ. Pné yo gbɪ kèpékè ànê ké fúndɔkɔnɔ tíkí kɪ me pé kah tẽ.

26 Yǐnyǒ tãhkìnó kɪ yike. Képah ye, tyi nónó-á kɪ pɔ n pɪ n pi kèkǒyó, sépi tyí sǒnɔ tíkí kɪ névyé ko.

27 Képah sɔkɔ, pé kɪ Névi Pi we à kɪ me n pi ńyírki sɔkɔ ñ tãhkɪ pólle, ànê ñ gblò sɔkɔ.

28 Kéne tyi-à pópó tyah n pɪ gbɪ nêne, yé pwáhnmɔnɔ me nɔ n tɛ. Káh pɪ sě, yé yuku yǐn, yé mó sǒré mo yé gblǒy sɔkɔ.»

Kwónó nê-á pɪ sènsóké séswô tyí yǒ

29 Képah náh, Yesu tǒ sèmírki yó yãh pé tyí ne: «Yé yah sènsóké séswô, ànê sésàn téló pólle kè:

30 Yáh sè we sè tyah n tyé m̀snɔle, yé n pǐ ne, kɪ de gbí-á me yúkey.

31 Sě ó ye, yáh pópó kéne tyi we sè tyah n pɪ gbɪ nêne: Yé pǐ ne ńkě, Liyel tǒrí-á me yúkey.

32 Kègbɪ yǒ, mé kéle n yo n dal n mo yé tyí ne: kwey gbɪ névyé pól náh n ku n tɛ n pi, té kéne tyi pól kɪ yǐni tẽ.

33 Yǐnyǒ ànê sétáh kɪ pɔ tyé, ñte, ńmo welo náh n tyé n yah n pi pólle.»

Yé káh yé dyɔ mo n fwo Yesu syínwɔle tyíle

34 Yesu tǒ yo pé tyí: «Yé yé gblǒy kyɔmɪ syáh syáhnóle, ànê sètɛ̀nì pínóle, ànê kèkǒyó mè tyi sǒnɔle. Sé káh n pɔ yé lékám pɪ tǐntí. Képah-à pɪ, kèkǒyó tyé só kɪ yé kwɔkɪ tẽ.

35 Sě tɔ ye, ké lésǒ kɪ kwɔkɪ tẽ sétáh yǒ névyé pólle, sǒ-á yěnkɔ tẽ tẽ m̀nɔ n tẽ yěnkɔle.

36 Nte, yé káh yé dyɔ mo n fwo, yé níríle n pɪ gbímegbí. Képah sɔkɔ, tyi nónó pól-á n pi yò, yé kɪ tɛ̀nwɛnɔ we sé yǒ, té kɪ fɛ pɔ yuku yǐn Névi Pi yah tukey sɔkɔ.»

Yesu sèpìn téló pínóle Liyel wòkò ñgbě kéntáhkɪ sɔkɔ

37 Ké légbíne, tyah kyòo yah sɔkɔ, Yesu ńkěne n kyɪ kwónó pɪ Liyel wòkò ñgbě kéntáhkɪ sɔkɔ, ñ té n kyɪ lékáh pɪ yǒle yó yǒ nê-á pé n ye Wólíví yèh yǒlɪle.

38 Té à tokɔ séngbǒ púsó tyí, no pól n pɔ nóhnó pɪ ñ tyí Liyel wòkò ñgbě kéntáhkɪ sɔkɔ.

22

Nsyifunɔ yõtām Yesu tyí yo syi

¹ Búrn sě-ńkě syáh nê-á pè n ye Pakɩɛ, képah déntenɔ sɔkɔ,
² sárká wĩkĩpu yõtām ñgbnɔ, ànê Liyel ñgbò wěkì kwópú sò me syõ-
 ñsahle n yah n kǒ, pǎh kɩ pɩ sǒ, té Yesu ko mo n pi. Té névye yah tíkí sò
 me pè tě.

Yudası v̄inóle Yesu náh

³ Té légbĩne, sétàn yõtě de Yudası sɔkɔ nê-á pè n ye Yisikariyotɩɛ. Yesu
 tò sáhpú népĩ gbõnimí sɔkɔ ney yó ye sò ñne.

⁴ A me sɔkɔ, à kyɩ yo sárká wĩkĩpu yõtām ñgbnɔ, ànê Liyel wòkò ñgbě
 kyòmĩpu yõtām tyí, wǎh ne Yesu tě pè kǒ n pi òkù nêne.

⁵ Képah sɔkɔ, kè nɔ pé tyí. Pè me yo sah núkú yõ ne ńkě, páh kɩ póle à
 kǒ.

⁶ Yudası me fě syi, té tyah ké wénpi-ńsahle n yah n kǒ, wǎh pɩ sǒ, té Yesu
 dahbɩ n pi pé gbò, névye p̄-ńkě sɔkɔ.

Yesu pè kǒ pè Pakı yõke tě-ńsah yah

⁷ Búrn sě-ńkě syáh só-á pɔ nɔ, nê sɔkɔ-á sò Pakı képyénì kɩ n ko n pi,

⁸ Yesu me Pyerı ànê Nsyõ tekı mo ne, pè kyɩ Pakı syáh yõke tě-ńsah yah
 sah yõ yõ tẽne.

⁹ Pè me à piki yah ne, ńyǎh sɔkɔ se à me ké tyí ne, pé kyɩ kè pɩ nɩ?

¹⁰ A me yo pé tyí: «Yé yah, yáh kɩ n de kwil sɔkɔ gbí nêne, yé kɩ dí yó
 yohnɩ, à kɩ me ni p̄n twah. Yé ñ sò tě. Wǎh kɩ kyɩ de kéte nê sɔkɔ, yé de
 nénpó.

¹¹ Yé mó yo kététe tyí ne, kwó-ò-á yo ne ńkě, wòkò nê sɔkɔ se pé kɩ pɔ
 yõke yõ n pi ànê pé tò sáhpúle nɩ?

¹² Képah sɔkɔ, à kɩ ȳinyõ wòkò sɔkɔ táh ñgbě yóle yé wěkɩ, gbò vi vyó
 pólle kɩ sɔkɔ. Nénpó sɔkɔ ye, yé kɩ pɩ Pakı syáh yõkele.»

¹³ Képah tẽne, pè me sɔkɔ. Yesu-á kè yo sǒ pé tyí, pè mó ńtyínɔ kyɩ ké
 pól we sě. Pè me Pakı syáh yõke pɩ nénpó.

Yesu yõke yónó téyne

¹⁴ Yõke yõ gbí-á pɔ nɔ, Yesu ànê ñ tẽntõbe-á pɔ tẽ yõke yah sɔkɔ gbí nêne,

¹⁵ à me yo pé tyí: «Mé sò me ké tyí náhnáh ne, mé Pakı yõke mè yõ yéle,
 mé mó pyè de yèvyǎhrı sɔkɔ.

¹⁶ ńkě, mé kéle n yo yé tyí ne: mé náh tǒ Pakı yõke mè yõ n yah n pi fóó,
 kɩ kyɩ syi ké tyi p̄ntũnɔ tyí Liyel yõtõrí sɔkɔ.»

¹⁷⁻¹⁸ Képah sɔkɔ, à me ðivě wɔ wɔ kwâh tɔkɔ ðivěne ké sɔkɔ, à wekɩ Liyel
 tyí, té yo pé tyí: «Mé kéle n yo yé tyí ne: à tɔkɔ núkúnúkú tyí, mé náh tǒ
 ðivě wɔ n yah n pi fóó, kɩ pɔ syi Liyel tǒrí pónó tyí. Képah ye, yé syi kéle,
 yé wɔ dibi wě tyí.»

¹⁹ Képah náh, à me búrn tɔkɔ, té wekɩ Liyel tyí, té kè kwɔkɩ dibi pè kǒ,
 té yo pé tyí: «ńyɔle, ńmɔ wil ye, nê-á kɩ kǒ yépi yinne. Yé sěntẽne n pɩ,
 sǒ-á mé n pɩ kéle. Képah sɔkɔ, yé dyɔ kɩ n kwne ńmɔ tyíle.»

²⁰ Yõke yóntenɔ náh, à tǒ ðivě tɔkɔ, à pè kǒ sěntě óle, té yo pé tyí: «ńyɔle,
 ńmɔ tó ye, nê-á kɩ kwe yépi yinne, kɩ pɩ yégbékè kwronmonɔ késánnɛ Liyel
 ànê névye wró.

21 Nte, yé yah, névi nê-á kɪ n vi n pi nímɔ náh, ñmɔ tɔ me n yõ ñne fí núkú.

22 Névi Pi kɪ ku, sɔ́-á Liyel yah tɔkɔ kéle. Nte, névi nê-á kɪ n vi n pi n náh, pèkè kɪ pi ñmɔ tyíle.»

23 Képah tẽ sɔkɔ, pè tyah wẽne n piki n yah ne, pépi tẽ sɔkɔ nê se kɪ n pi n pi képahle ni?

Nê tẽ kal?

24 Képah náh, pè me tyah, à yékâble n pi. Pè sò me ké tyí ne, pé pĩ nê tẽ-á kal pépi sɔkɔ.

25 Képah sɔkɔ, Yesu me yo pé tyí: «Kèkõyó kwlo yõtãm ñkẽne pé tõríle n sah sé yõ, ànê tõrí-á me nónó gbò, pépi n ne me ké tyí ne, no pé yíngbúle n yo.

26 Nte, yépi tẽ tyí náh yĩne kè pi sɛ. Nê-á yah tẽne yépi sɔkɔ, ñmɔ pyẽ yĩne à pi yé pól gbẽ sɔ́. Yõtõrí-á me nê gbò, ñmɔ pi yé pól tònpi sɔ́.

27 Yépi tẽ tyí, névi nê-á tẽ yõke yah, ànê nê-á n tɔkɔ n kɔ kéle, nê tẽ kal pépi sɔkɔ? Nê-á tẽ yõke yah, ñmɔ náh di? Nte, képah fyé yõ, ñmɔ me yépi wró sɔkɔ tònpi sɔ́.

28 Yépi tẽ wɔle, yépi ye sò me nímɔle ní yèvyãhrɪ pí-ńtãn sɔkɔ.

29 Képah ye, ñmɔ sú-á tõríle ní kɔ sɔ́, ñmɔ tɔ kɪ kéle yé kɔ sɛ.

30 Képah sɔkɔ, yé kɪ pɔ n yõ, té kɪ n wɔ nímɔle fí núkú ní yõtõrí sɔkɔ. Anê yé kɪ pɔ kɔ tẽ yõtõrí kló yõ, kɪ tukey tuke Yisrayel névyè tinnɔ gbõninɔ yõ.»

Yesu ne, Pyeri-á kɪ pɔ ñ vyãh kɔli ne, pé náh pé pĩ

31 Képah náh, Yesu yo Simɔ Pyeri tyí: «Simɔ, Simɔ! Sétãn yõtẽ ye ké wèkì yah kɔ ne, pé yé fe, sɔ́-á sèmukɔle pè n fe gbéy sɔkɔ.

32 Té mé me Liyel ni á tyí ne, á Liyel yõ sɛnó káh tẽ syi á tyí. Té, wãh á syi pɔ ñmɔ tyí gbí nêne, sórèle n mɔ yé no sɔkɔ.»

33 Wãh yo sɛ, Pyeri me yo ñ tyí ne, péwɔ tẽ wɔle, káh kɪ sɔ́ n pi wòkònpèkè sɔkɔ dénóle, képah náh pi, kũne, péwɔ-á me pé vi sah kɪ de ñne sépi pól sɔkɔ.

34 Nte, Yesu me yo ñ tyí: «Pyeri, mé kéle n yo á tyí ne: kwey lékâh sɔkɔ, sɛnpe náh tõnì me n gbo n pi, té á kɪ me á vyãh kɔli te gbáhyí tónó ne ñkẽ, á náh ñmɔ pĩ.»

Méfwókwãh tyíle

35 Képah náh, Yesu me yo pé tyí: «Ñmɔ-á sò yé tõ gbí nêne, té yo yé tyí ne, yé sɔkɔ pó, ànê pilki, ànê lékyêh kẽne, kwãh yó se kyɪ tɛkɪ yé tyí?» Pè me yo ñ tyí ne, kwãh yó náh tɛkɪ.

36-37 Képah sɔkɔ, à me yo pé tyí: «Mé kéle n yo yé tyí ne: wey nê-á wãrku ñmɔ tyí sɔkɔ ne ñkẽ, pè à mɔ kɔ tyípél pípu wró, képah kɪ n pi n tũ n pi. Tyi nónó-á yo sah ñmɔ tyí sɔkɔ, sé pi gbí me nɔ n te. Képah ye núkúnúkú tẽ wɔle, pó-á kɪ me nê tyí, tẽ kè tɔkɔ. Anê képah núkú-ó ye: Pilki-á kɪ me nê tyí, tẽ kè tɔkɔ. Té kèkírki-á kɪ n kne nê tyí, tẽ ñ fwòmò-ñgbẽ yãm kèyãh dwe.»

38 Képah sɔkɔ, tò sáhpú ne, à yah, kèkírnnɔ nínó-á yò. A me ne, káh yĩne.

Yesu níri pínóle Wólívi yèh yõli yõ

39 Képah náh, Yesu me wil sɔkɔ Wólívi yèh yõli yõ, wãh dar te n kyɪ n pɔ sɔ́. Té ñ tò sáhpú me ñ sò tẽ.

40 Wǎh yīni tē nēnpó gbí nēne, à yo pé tyí ne, pé Liyelle n ni, mónyahno káh pò tē we pé tyí.

41 Képah náh, à gbe mo tē péle fíí kwéy, dáhkì mínno ke núkú yínintē-nsah kénkòle. Té gbètukuno di, à nírile n pi,

42 me n yo ne: «Bǎ, wáh ki me ké tyí, yèvyāhrì mē wró gbe mo nmo. Nte, kè káh pi nmo dyo dyo tēne. Awó dyo dyo tē ó pi.» [

43 Légbíne, yīnyō tēntò yó wil n yah, à pò tǎhkìle à kǒ.

44 Té Yesu min sò me yèvyāhnpèkè soko. A tǒ wǎn mo Liyel nínó yō. N wil myèh pò pi tókwíl sǒ, à n kwe sétáh.]

45 Wǎh nírì pi te gbí nēne, à yuku kyì n tò sǎhpú tnô. A kyì ne yah, pé me n do yèkworì kwlónó tē tyí.

46 A yo pé tyí: «Kwáh nê pi, té yé n do sǎ? Yé yuku Liyelle n ni, mónyahno káh pò tē we yé tyí.»

Yesu tēnóle

47 Yesu me wékínó soko sǎ, té Yudasì nê-á n tò sǎhpú népì gbōnimí soko yóle, nmo tówú yó yah tē pò wil mo n yō. Té no de nne ne, pé à porì tē, pé weki n tyí.

48 Nte, Yesu me yo n tyí: «Yudasì, póríntēno soko se á ki de mo Névi Pi gbàhle?»

49 Nónó-á sò me Yesule, pǎh pò kè kyomì à pǐ tir nê-á ki pò n pi n pi, pé yo Yesu tyí ne, pépi Tē ngbē, pé se kèkírnnè n de no tyí ni?

50 Té sárká wìkìpu yòtē tònpi bi nónó-á sò me, Yesu tò sǎhpú soko ney yó núkú n kèkírkìle pépi soko yó gbòyò sò níki we kǒ kǎm.

51 Képah soko, Yesu me yo pé tyí: «Yé yīn sǎ.» Té tǔ dí mè níki tyí, kè me tye.

52 Képah soko, sárká wìkìpu yòtām, ànê Liyel wòkò ngbē kyòmìpu yòtām, ànê yèwàhnì nónó-á sò pò Yesu tē-nsah, à yo pé tyí: «Yé pò nmo tyí kèkírnnè ànê léplóle kèlékē névi sǒ nne ni?

53 Nte, swǒ swǒ pólle, mé sò níkēne n ne n me yéle Liyel wòkò ngbē kèntáhkì soko, yé náh n tē. Té yépi gbì ye se núkúnúkú, ànê sétò tǎhkì pi gbíne fēntú soko.»

Pyerì n vyāh kǒlì ne, pé náh Yesu pǐ

54 Képah náh, pé Yesu tē, à soko nne sárká wìkìpu yòtē ngbē kéte. Pyerì sò me pé sò tē n ko péle fíí.

55 Pé sò me nyàh mo kéte nyó, me kǒ tē wē tyí, té Pyerì to sò me péle nyàh yah soko.

56 Képah soko, tònpi pi yó à we kǒntēnóle nyàh yah, té à gbah yah díkidíki, té ne, dí mè to-á sò me Yesule.

57 Wǎh yo sǎ, Pyerì me n vyāh kǒlì pi tyí ne, pé náh à pǐ dé.

58 Dǒ kwéy, dí yó tǒ à we, té ne, nmo tole, kéne no soko ney yó-á nne. Képah tēne, Pyerì me yo n tyí ne níkē, pé soko ney náh péwòle.

59 Képah náh, lérì núkú kénkò sókónteno náh, dí yó tǒ kè gbah yo ne níkē, yékâb náh me ké soko, dí mè to-á sò me nne, Kalile ney-á nne dò.

60 Képah soko, Pyerì me n syì yo n tyí ne níkē, péwò náh me n wey mè syíkì-nsah we dé dí. Nēnpó swò, Pyerì me képah yónó soko sǎ, té sénpe gbo.

⁶¹ Tě ñgbě Yesu me ñ yah vi Pyeri yah díkidíki. Képah soko, Pyeri dyo núkú to kó ñ wey mène, wăh sò nê yo ñ tyí ne, sênpe-à ki pópó n gbo kweyne, wăh ki me ñ vyăh kôli te ke tónó ne ríkě, pé năh péwo pĩ.

⁶² Kăh pi sě, à me wil kégbó, à kyi năhnpi gbní kah gbo.

Yesu gbyónó ànê ñ kónóle

⁶³ Képah soko, Yesu-á sò me díbí nónó gbò, pé sò me kóle ñne n ko, té me ñne n syiki gbònkukela.

⁶⁴ Pé sò me ñ yah pukubi, té me n yo ñ tyí ne, à săh pĩ, névi nê-á mi ñne.

⁶⁵ Té tō me ñne n gbyo wëntüküní năhnăhle.

Yesule Nsyifunɔ tukey tükèpu yah soko

⁶⁶ Képah năh, tyah-á dal, Nsyifunɔ yèwăhnì, ànê sárká wĩkĩpu yòtām ñgbnɔ, ànê ñgbò wěkì kwópú wě tuke mɔ. Pé me po Yesule pé tukey tükè-nsah ñgbě soko,

⁶⁷ té yo ñ tyí ne, ñmɔ-à ki ne Kristale, Liyel ney tékínmɔnɔle, à kè yo pé syah. Á me yo pé tyí: «Máh ki kè yo yé syah, yé năh n sě n pi ké yó.

⁶⁸ Anê máh ki se yéle n piki n yah, yé năh vi mɔ n pi í tyí.

⁶⁹ Nte, à tɔkɔ núkúnúkú tyí, Névi Pi ki kó tē tyi pól Tě ñgbě Liyel gbòyò sòle.»

⁷⁰ Képah soko, pé pól núkú yo ne, ñmɔ tē tyí, ñmɔ-á Liyel pile kè? Yesu me yo pé tyí: «Yépi nte ye kè yo te ne ríkě, ñmɔ-á dò.»

⁷¹ Képah tēne, pé ne, tārɔyò nê tē se tō pé ki n yah n kó ni? Pépi nte-á ki noh, à kè yo ñ vyăhle.

23

Pè kyi Yesule Pilati tyí

¹ Képah năh, pé pól me yuku, à Yesu tē kyi Pilati tyí.

² Nénpó soko, pé tyah lékăhle ñne n kó ne, páh dí mè kyomɔ we, à me pé kwil névyé yòle n yiki, me péle n yini n mɔ mórí mónóle yòtē ñgbě Sesarí tyí. Té ñmɔ nte-á me n yo ne ríkě, péwo-á yòtēne, nê-á sò Liyel ne, páh ki tekɔ mɔ.

³ Képah soko, Pilati me à piki yah ne, ñmɔ se Nsyifunɔ yòtēne ni? Á me yo ñ tyí: «Áwo ye yo kéle.»

⁴ Pilati me yo sárká wĩkĩpu yòtām ànê no pól tyí ne, péwo năh tir yó we dí mè tyí pólle, nê-á yĩne lékăhle ñ kónóle.

⁵ Nte, pé tō me kè gbah yo tū ne ríkě, wăh me névyele n kwɔ nòhnì-ñkēne, Yude tãntã pól soko. Kalile kwil soko-á à tyah kéle fóó, à po de ásô.

Pè kyi Yesule Yerɔdi tyí

⁶ Pilati-á képah noh nyăh soko, à pikinyahnɔ pi ne, Kalile ney se dí mène ni?

⁷ Wăh ɔyò ñ wĩl-nsah tyí noh, té pĩ ne, Yerɔdi-á nénpó yòtēne, à núkú à tekɔ mɔ ñmɔ kó. Té kè mó po yĩne Yerɔdi sò me Yerusalemi kéne sèpĩn soko.

⁸ Kè pi di mónóle, Yerɔdi sò me Yesu tyí yónóle n nohni, té me ké tyí ne, pé à we à ne n me gbil yóle n pi. Képah ye, wăh à we, kè pi nìvì ñgběne ñ tyí.

⁹ Á me à gbah piki yah năhnăh, té Yesu năh dahbi wilki ñ tyí.

10 Képah sɔkɔ, sárká wìlkĩpu yòtām ñgbɔ ànê Liyel ñgbò wěkì kwórú sò me nénpó, té me lékàhle ñne n kɔ fɔ́ kópékèyô.

11 Yerɔɔɔ ànê ñ sràsyíbí-á kóle à ko, té me à yilo te gbí nêne, pè me yòtòrí fwɔ yó mɔ à kɔ, té pé syi à tekɪ mɔ Pilatɪ kɔ.

12 Pilatɪ ànê Yerɔɔɔ sò me wě sépébíle ñgbòle, té lésòle, pè kódírí toh.

Pè Yesu gbàh de mɔ kũ kɔ

13 Képah sɔkɔ, Pilatɪ sárká wìlkĩpu yòtām ñgbɔ, ànê kwil yahtām, ànê névye ye tuke,

14 té yo pé tyí: «Yé dí mè tẽ pɔ, té ne, wǎh me névye yòle n yikɪ. Nte yah, yépi tɔ yí yah ye mé piki yah ñne. Mé náh tir yó nte we ñ tyí, yáh nónóne n yo n sah ñ yó, nê-á yĩne lékàhle ñ kónóle.

15 Yerɔɔɔ nte tɔ náh tir yó we ñ sɔkɔ, wǎh sɔnpí ñ syi à tekɪ mɔ ápi kɔ. Kǎh pi sɛ, dí mè náh tir yó nte pi nê-á yĩne kũne.

16 Képah ye, mé kɪ à ko yèfòhle, té kɪ à fin mɔ.»

[

17 Té Pakɪ syáhnó pól sɔkɔ, Pilatɪ sò yĩne à wòkònpèkè sɔkɔ névi yó fin mɔ pè kɔ.]

18 Képah tẽne, pé pól tyah n kwɔ n gbo n mɔ ne, à dí mè ko mɔ, à mó Barabasɪ fin mɔ.

19 Té Barabasɪ sò me dáhnmɔnɔle wòkònpèkè sɔkɔ kèlékè tir yó yó, nê-á pi kwil sɔkɔ, ànê nékókè mónóle.

20 Té Yesu finnmɔ dékè-á sò me Pilatɪ tẽ, à tɔ ñ syi kè tɔ yo pé tyí.

21 Nte, pè tɔ gbo mɔ ne níkè: «À syi dahnɪ yó! À syi dahnɪ yó!»

22 Pilatɪ me tɔ wey tɔkɔ ke tɔ-òle, à yo pé tyí ne, tyítúkù nê se à pi ni? Péwɔ náh tir yó nte we ñ sɔkɔ, nê-á yĩne kũne. Képah-á, páh kɪ à ko yèfòhle, té kɪ à fin mɔ.

23 Nte, pè me yó sɔkɔ kéle n kah n yo nahnáh ne níkè: «À syi dahnɪ yó.» Képah tẽne, pé kǎhngbonmɔnɔ pɔ tẽ we Pilatɪ tyí.

24 Képah sɔkɔ, à me kè yah tɔkɔ ne, nê-á pè n yah n kɔ, képah-á kɪ pi pé tyí.

25 Dí nê-á sò pè dah mɔ wòkònpèkè sɔkɔ, kèlékè yó ànê nékókè mónó yĩne, ñmɔ nê-á sò pè n yah n kɔ ñ tyí, à ñmɔ fin mɔ, té Yesu pi pépi dyɔ yí tẽne.

Pè Yesu syi dahnɪ yó

26 Képah sɔkɔ, pǎh Yesu tẽ n sɔkɔ syí-ńsah gbí nêne, pè Sirentɪ kwil dí yó yohnɪ, pè n ye Simɔle. À me wil swǎh, me n de Yerusalemɪ. Pè me ñmɔ tẽ Yesu dahnɪne, à twah mɔ ne, à ñ sò tẽ.

27 Té tówú ñgbě sò me n yuku ñ náh, à tahlɪ syó tyí nónó-á sò me n gbo pé gbǎnne n kòhlɪ pé ni yó yèkwɔrɪ tẽ tyí Yesu yĩne.

28-29 Képah sɔkɔ, Yesu me ñ yah vi pé tĩne, té yo pé tyí: «Sèpìn yísyó me n pi, névye kɪ pɔ tyah n yo ne, yòbènrɪ-á me píkán syó tyí, ànê nónó-á pè náh pi dubi yah, ànê pè náh yǎnne piri kɔ yah. Képah ye Yerusalemɪ syó, yé káh ne n gbo ñmɔ yĩne. Yé ne n gbo yé gblɔy, ànê yé wěnpí yĩne.

30 Ké légbíne, névye kɪ pɔ tyah n yo tley tyí ne, sè syikɪ pé yó. Té kɪ yo ymɔ tyí ne, sè vike tũ pé yah.

31 Nte, páh séswónpòle n pi sɛ, séswónkòkò wɔ tyí kɪ pɔ n pi n pi sɔ?»

32 Té pè sò me tyípèl pípú népí ní mí tó tē kyí, nónó-á kɪ kyí n ko n mɔ n pi ànê Yesule wē tyí.

33 Pǎh kyí yīni tē fí yó, nýāh-á pè n ye «Yōgbèkè tyahle», pè à syi dahnɪ yō nénpó ànê tyípèl pípú népí ní mí nópilè pé tyí tyí dahlo yō. Núkú sò me syínóle n gbòyò sò, ní-ò me syínóle n gběyìnè sò.

34 Légbíne, Yesu me ne: «Bǒ, pǎh nēne n pi, pè náh kè pí. Képah ye, á gblǒy ye pé tyí.» Képah náh, sràsyíbí me ndan mɔ, à n flo dibi wē wró.

35 Névyè sò me yínttēnóle nénpó me n yah. Té Nsyifunɔ yòtām wɔ sò me kóle nne n ko, me yo tū ne, wǎh névyè tókù pwah mɔ, nte à n gblǒy pwah mɔ mó kè, n mɔ-à kɪ nê Kristale, Liyel yáhntokɔnɔle.

36 Sràsyíbí tó sò me kóle nne n ko, té nɔ de n tnô, à dīvē yórenóle à kō, té ne,

37 n mɔ-à kɪ nê Nsyifunɔ yòtēne, à n gblǒy pwah mɔ kè!

38 Té kè sò me wárkínsyúnɔle Yesu yòtah ne: «Nýɔle, Nsyifunɔ yòtē ye.»

39 Képah sɔkɔ, tyípèl pípú nónó-á syi dahlo yō, pé sɔkɔ núkú sò me Yesule n gbyɔ ne, n mɔ kó Kristale ni? A n gblǒy pwah mɔ, à mó pépi tó pwah mɔ!

40 Nte, n ní-ò me wɛkɪ n yō, té yo n tyí ne, à kó Liyel yah tíkíle n pi ni, n mɔ nê-á me kéne yèvyāhrɪ núkú mè sɔkɔ?

41 Pépi tē wɔ tyíle, pé yèvyāhrɪ pínó yah-á. Pé tyípinó kōli-á n dyah péle. Nte, n mɔ tē náh tir yó ntē pi pèkèle.

42 Té tō n syi yo Yesu tyí: «Yesu, á dyɔ to n kō n mɔ tyíle, wáh pɔ á yòtōrí sɔkɔ gbí nēne.»

43 Yesu me yo n tyí: «Kègbɪ yō, mé kéle n yo n dal n mɔ á tyí ne: kwey mè ntē sɔkɔ, á kɪ me nímɔle Liyel fɔ́ sɔkɔ pal tē-nsah.»

Yesu kúnóle

44 Gbǐntǒ pǒle, gbí yah kwlo, fěntú mɔ kèkòyó pól sɔkɔ pópó, à pɔ syi gbèkām gbí tyí.

45 Nénpó swɔ, fwògbrokkè nê-á Liyel wòkò n gbě fɔkɔ táh kō kah, kè tó ké ntyó. *

46 Yesu me kah de syi ne nkē: «Bǒ, mé ní minne n dahbɪ á gbǒ.» Képah yóntenɔ náh, à ku.

47 Sràsyíbí lèkwě yòtē dí-á képah we nýāh sɔkɔ, à tyah Liyel yinne n gbilki me n yo ne, kègbɪ yō, négbí-á sò dí mène.

48 Té nónó pól-á sò me pɔ yīn tē kéle n yah, pǎh kéne tyípinó we sē, pé pól sò me pé gbàn kōhli pé ni yō me n sɔkɔ.

49 Anê nónó pól-á sò Yesule n pne, à tahlɪ syó nónó pól-á sò wil Kalile kwil sɔkɔ, à pɔ nne wē tyí, pé pól sò me yīn tē fí, té me n yah.

Yesu yínóle diki sɔkɔ

50-51 Té dí yó sò me, pè n ye Yosefule. A sò n wil Nsyifunɔ kwil yó sɔkɔ, nê yīn-á Arimatile. Nsyifunɔ tukey tókèpu sɔkɔ ney yó ye sò. Té pèpɔri pí-ò négbí ye sò nne. A náh sò n de pé no téló tyi yáhntokɔnɔ, ànê sé pínó sɔkɔ. Anê, à sò me Liyel tǒrí pónóle n syikɪ.

52 N mɔ me kyí wil Pilatɪ tyí, à Yesu lékó ni n tyí.

* 23:45 23.45 - Yah n te Yebre sébéy 6.19 ; 9.1-8 ; 10.19-20 sɔkɔ.

⁵³ Té me kyɪ à tiki mɔ dahnɪ yõ, té fwɔle à plo, à kyɪ dah mɔ diki yó sɔkɔ. Kéne diki sò tũ tekɪ sɔkɔ, té lékó yó ntě náh tǒnì sò dah mɔ yah ké sɔkɔ.

⁵⁴ Té lésõle, gblɔy vɪnsàhnó yòh ye sò Nsyifunɔ tyí, dendal mɪ mɪ yòh yĩne.

⁵⁵ Syó nónó-á sò wil Yesule, Kalile kwil sɔkɔ, pè Yosefu sò tẽ kyɪ diki yõ. Pè kyɪ diki yah mɔ, ànê Yesu dáhnmɔ dükùle ké sɔkɔ.

⁵⁶ Képah náh, pè pé syɪ to yuku kwil sɔkɔ, à kyɪ nɪrɪnó, ànê làsèkwèl pèplo yah sah lékó yĩne.

Té me mɪ, pé mɪ mɪ yòh sóle, sǒ-á kéle Liyel tyi kònsàhnó sɔkɔ.

24

Yesu yúkúnwìlnóle diki sɔkɔ

¹ Nsyifunɔ mɪ mɪ yòh-á sɔkɔ, ké dendal séngbǒ pú púle, syó nópi yuku sɔkɔ diki yõ, pé nɪrɪ pèplo nópile, pǎh sò nónó pɪ sah.

² Pè kyɪ ne n yah diki yah dáhkì me píntonole.

³ Pǎh de diki sɔkɔ, pè náh kyɪ Tẽ ngbẽ Yesu lékó we.

⁴ Kǎh pɪ sě, pé fɔkɔ fil. Pǎh me képah sɔkɔ, díbí népì ními yísyó wil pé yah, nónó wil flo-á sò me n tẽ pèrr.

⁵ Tíkí tẽ tyí, syó nópi pé yey sɪnki sétáh. Díbí nópi me yo pé tyí: «Kwáh nê pɪ, té nê-á min sɔkɔ, yé pɔ òne n yah n kǒ diki sɔkɔ?»

⁶ A náh me ásô. A ye ò syɪ min we. Wǎh lésõ me Kalile sɔkɔ, té nê yo sah yé tyí, yé yé dyɔ to kǒ képahle.

⁷ A náh lésõ ne nkẽ, Névi Pi-á yĩne à dahbɪ tyípèl pípú gbò, wǎh yĩne à syɪ dahnɪ yõ, té ò kúnó sèpìn tǒ-ò sóle, à mó ò syɪ min sǎn we di?»

⁸ Légbíne, syó nópi dyɔ núkú to kǒ Yesu weyne.

⁹ Pè me yal diki yõ, à kyɪ tyi nópi pól yǎh tò sǎhpú népì gbõnúkú syah ànê no téló pólle.

¹⁰ Makadala kwil Mari, ànê Nsyian, ànê Nsyakɪ yú Mari, ànê syó nónó-á sò me péle, pépi ye yǎh tyi nópile Yesu tẽntõbe tyí.

¹¹ Nte, kéne welo sò me pɪ tẽ pé tyí sèmìrn sǒ. Pé náh sě sé yõ.

¹² Kǎh pɪ sě, Pyerɪ wɔ mó yuku to kyɪ diki yõ. Wǎh kɔ yah, à lékó flo ó we. N gbǎn du tir mè pínó dükùle, à me ò syɪ to yuku ò tĩne.

Yesu ànê tò sǎhpú népì nímìne Yemayusi kwil wěkì yõ

¹³ Ké lésõ me óle, Yesu tò sǎhpú népì ními sò me n yuku kwil yó sɔkɔ pè n ye Yemayusile. Kéne kwil ànê Yerusalemɪ wró sò me lérínó nínó kó-nsahle.

¹⁴ Tyi nónó-á pɪ, pè sò me sépi yǎhnó sɔkɔ wě tyí.

¹⁵ Pǎh me yáhkì ànê wě vɪnmɔnɔ sɔkɔ gbí nêne, Yesu me pɔ kwɔ mɔ pé sɔkɔ, à wěkì pɪ núkùle péle.

¹⁶ Nte, kè sò pɪ á kɪ ne pé yah sǒ me syii, pè náh sò me tẽ we à yah pĩ yĩne.

¹⁷ Képah sɔkɔ, à me pè piki yah ne, tir nê se pè n yǎh, té n kɔ nɪ? Pè me yĩn, té me yèkwɔrɪ sɔkɔ sě.

¹⁸ Té pé sɔkɔ ney núkú yó sò me, pè n ye Klewopasile. Nmɔ me yo Yesu tyí ne, ònmɔ gblɔy ó se me Yerusalemɪ sɔkɔ, tyi nópi pí-ńkẽne, nónó-á pɪ ké sɔkɔ sèpìn nópi sɔkɔ nɪ?

19 A me pè piki yah ne, sépi se pi tyi nónóne ni? Pè me yo n tyí ne, tir nê-á pi Nasareti Yesu tyí soko kè: Nmo nê-á sò pi Liyel tëntò syíno-ò nétàhkùle n tyípinì ànê n wey soko, Liyel yah ànê névye pól yah soko.

20 Nte, pé sárká wìkìpu yòtām, ànê pé kwil yahtām pɔ à tē kō ne, pè ko mɔ. Pè me à syi dahnì yō.

21 Té pépi tē wɔ-á sò me n sō ne, nmo-á kɪ pɔ Yisrayel tãn wilki n pi yōri soko. Nte, sépi pól soko, kéne tyi pínsokono sèpìn tōnì-á kweyne yò.

22 Gbì-á pépi mú soko, syó yísyó-á pɔ pé fɔkɔ fil tē wɔle. Pépi-á sò yuku soko séngbɔ pú púle diki yō,

23 pǎh kyì lékó yah kwɔ sē, pè pé syi pɔ yo pé tyí ne, yínyō tēntōnè yísyó ntē-á wil pépi yah, té yo pé tyí ne, wǎh me min soko.

24 Pépi soko névye tókù me kyì diki yō soko, té ntyínɔ kyì tyi nópi pól we, sɔ-á sò syó yo séle, té pè nǎh Yesu wɔ we.

25 Pǎh yo sē, Yesu me yo pé tyí: «Lékám kē névye, yépi nǎh n kwǎh n sē Liyel tēntò syínyopu wɔlɔ pól yónó yō!

26 Krista nǎh sò yīne à yèvyǎhrì pi sē, à mó pyě de n tǔrí soko di?»

27 Té n syi, à tyi pól dukù yo wah pè syah, Liyel wey sébéynó-á nónó yo n tyí soko, à tyah Moyisi tyíyónsahnì tyí pópó, à kyì syi Liyel tēntò syínyopu tyínó tyí.

28 Képah tēne, pǎh pɔ yīni tē pé yúkú-nsah kwille yúkey, Yesu pi á kɪ ne à sō yō n soko yahle.

29 Nte, pè me à fal ne, à wū pépile, níkē gbì-á me tiki mɔ, lékâh-á me n tyah mónóle. Pǎh yo sē, à me de gbô soko, à wū péle.

30 Té wǎh pɔ tē, à n tyah yōke yónóle péle gbí nēne, à me búrn tɔkɔ, té wɛkɪ Liyel tyí, té kè kwɔkɪ pè kō.

31 Képah soko, pé yah pi kyò, pè à yah pī. Nte, pè núkú à yah kwɔ pé tnô.

32 Pè me tyah n yo wē tyí ne, wǎh sò n yǎh péle wēkì yah gbí nēne, à Liyel wey sébéynó soko tyi dukùle n yo n wah péle n syah, pé ni kó sò me kǎhnvɛnɔle ni?

33 Nénpó swɔ, pè núkú yuku, à pé syi soko Yerusalemì, à kyì tò sǎhpú népî gbônúkú ànê pé kɔ mú we tükènmonténóle.

34 Pépi me yo nímí nópi tyí: «Gbì yō, Tē ngbē Yesu yuku wil diki soko. A n gblǔyne Simɔ wēkɪ.»

35 Pǎh yo sē, tyi nónó-á mó pi népî nímí nópi tɔ tyí wēkì yah, ànê pǎh Yesu yah pī sō, n búrn dibi dukù soko, pè mó sè yǎh pè syah.

Yesu n gblǔyne n tò sǎhpú wēkɪ

36 Képah tēne, pǎh me képah yónó soko sē, Yesu núkú wil mɔ pé niyó, té yo pé tyí: «Yèvini ne me yéle.»

37 Tíkí tē tyí, pé lékám vye fēkɪ. Pè sò me n sō ne, némírki yó-á pé we.

38 Képah soko, Yesu me yo pé tyí: «Kwǎh nê pi, té yé lékám vye fēkɪ? Kwǎh nê pi, té yéle tòtò soko sē?

39 Yé yah ní gbǎnne ànê ní gbyêhne: Nmo ye gbì yō! Yé tū yah ní tyí, yé kɪ wil gběnsê ànê gbèl we ní tyí. Sé kénkō se me némírki tyí?»

40 A me képah yónó soko, té n gbǎn ànê n gbyêhne pè wēkɪ.

⁴¹ Nte, nìvìnì ànê gbëndùnì tẽ tyí, pãh tẽ sě kwlo ké yõ sě, à me pè piki yah ne, yõ yõ kwâh se me pé tyí ásô nì?

⁴² Pè me yěnkô fyénó yen yóle à kô.

⁴³ A me kè syi, té kè kò pé yí yah.

⁴⁴ Képah náh, à yo pé tyí: «Képah ye lésô mé yo yé tyí, máh lésô me ànê yéle gbí nêne ne nkě, tyi nónó pól-á wãrkı sah nımo tyí soko Moyisi tyi sãhnó sébéy soko, ànê Liyel tẽntô syinyopu sébéynó soko, ànê yìgbìnì sébéy soko, sé pól-á kı pı tũ.»

⁴⁵ Képah soko, à pé lékám ykı mo Liyel wey sébéynó soko tyi dùkù pĩ yinne,

⁴⁶ té yo pé tyí: «Kè pı, sô-á sò kéle wãrkınsãhnóle ne nkě, Krista-á kı yèvyãhrı pı ku, té kı ñ syı yuku ñ kúnó sèpìn tã-ò sóle.

⁴⁷ Nmo yin yõ, Liyel wey-á kı yo kô, à tyah Yerusalemı fóó, à kyı syı kèkôyô kwlo kwlo pól tyí ne nkě, névyé Liyel wěkì tẽ, pè mó tyípél yõnmõno we.

⁴⁸ Yépi ye pı kéné tyi tàrfyònóle.

⁴⁹ Té nımo sú-á ñ vyãh kô ne, páh kı nêne yé kô, mé kı à tekı mo yé kô. Nte, yépi tẽ wo tẽ kwil mè soko fóó, yé pò tãhkì we nê-á kı wil yinyõ.»

Yesu yõndokõnõle yinyõ

⁵⁰ Képah náh, só yóle, Yesu pè tẽ, à yuku péle Betanı kwil tinne. Pãh yini tẽ nénpó, à ñ gbàn yõ yinyõ, à sãm mo pé soko.

⁵¹ Té, wãh me sãmne n mo pé soko gbí nêne, à gbe wil pé soko, à yõ doko soko yinyõ.

⁵² Tò sãhpú tẽ wõle, pépi-á à gbilki te, pè pé syı soko Yerusalemı, nìvìnì ñgbẽne pé soko.

⁵³ Té gbíme gbí, pè náh sò me n yah n kwlo Liyel wòkò ñgbẽ kéntáhkì soko, n ne n me Liyel yinne n gbilki.

Nsyõ-á Nìvìnì tir nê wãrkı Yesu tyí soko

Yesu nê-á Liyel Pi núkúníne, ñmo ye weyne nê-á min nétēne

¹ Tyi pól tyah gbíne, nê-á weyne,* à lésõ me. A lésõ me ànê Liyelle. Liyel ye ñne.

² Ñmo ye lésõ me ànê Liyelle tyah gbíne.

³ Yíyìn pól mo ñmo gbò yõ soko. Yí nónó pól-á mo, sé keyäh nítē náh mo né ñmo náh.

⁴ Ñmo soko ye min n we. Kéne min ye kyòole névye tyí.

⁵ Kè me kò tē kyò fěntũ soko, té fěntũ náh tē we ké yah kò.

⁶ Képah soko, Liyel pò dí yó tō, nê yīn-á Nsyõne.†

⁷ Ñmo ye pò kyò mè tyí yo wah névye tyí, ne pé pól we sē ké yõ soko ñmo gbò yõ.

⁸ Ñmo náh sò kyò mēne, nte ké tyí yónwàh-ñsah ye sò à pò.

⁹ Wey mēne, kyò kègbı ye sò kéle, nê-á pò kèkõyó soko, à pò pı kyòole no pól tyí.

¹⁰ Té nê-á wey mēne, à sò me kèkõyó soko. Kèkõyó mo ñmo gbò yõ soko, nte képah fyé yõ, kèkõyó névye náh tē we à yah pĩ.

¹¹ Ñ yēngbē tyah soko ye à pò, té ñ no náh à tē ple.

¹² Nte nónó tē w-á à tē ple té sē ñ yõ, à tēnwenole pépi kò pè pı Liyel wēnpile.

¹³ Nte tó soko dubi òkù, képah náh pı wil gběnsé dékè, képah náh pı névi dyo yī tē soko náh pè pı Liyel wēnpile dé! Liyel gbò yõ soko ye pè we.

¹⁴ Wey ye vi mo pı névile à pò twah tē á wró. Yòbènrı pí-ò ye ñne, ànê à me gbı ó ñ tó. Ñmo nê-á Liyel Pi núkúníne, á ye ñ tórí we, tórí nê-á à we syi ñ Sú tyí.

¹⁵ Ñmo tyí ye lésõ Nsyõ yo tũ léyy ne íkē: «Ñmo tyí soko ye mé lésõ kè yo ne íkē: «Ñnı kı n pò n pı ñmo tyí náh, té à me te té ñmo dubi, képah ye à kal íne.»»

¹⁶ Api me yòbènrıle n tō n we n yuku ñ nìgbèkì tnónkàhnmòno gbò yõ, ñmo nê-á Yesule.

¹⁷ Moyisi gbò yõ ye Liyel ñ tyi kònsàhnóle á kò. Nte Yesu nê-á Liyel ney yáhntokòole, ñmo wò gbò yõ soko ye yòbènrı ànê gbı wò we.

¹⁸ Ñnı yó nítē yí náh tē yah Liyel yõ. Nte ñ Pi núkúní nê tyí-á yo soko, ñmo nê-á Liyelle, té me Sú Liyel tnô, ñmo ye Liyel òkùle á wēkı.

Welnwilkı-ò Nsyõ-á ñ gblõy tyí òkù yo wah sõ

¹⁹⁻²⁰ Nsyifunò yõtām lésõ Yerusalemı kwil sárká syínwilkıpu, ànê Levi yíkı névye yísyó tō Nsyõ tyí, pè kyı à piki yah ne, ñmo tē se ne nê ó-á péwòle nı? Nsyõ náh yahle ké yónóle pé tyí dé! A kè yo dal mo pé tyí pnéyy pé pól yí yah ne, péwò náh Liyel ney yáhntokòole.

* **1:1** 1.1 - Wey nê tyí-á n yo ásò soko yò, Liyel Pídı Yesu ye. Légbíne à náh tōnı sò me pı névile. Yah n te Nsyõ 1.14. † **1:6** 1.6 - A wil Nsyõ 1.42 ànê Nsyõ 21 tyí soko, Nsyõ sébéy mè pól soko, yáh fyò Nsyõ yīn we wárkınsàhnóle nýáh soko, welnwilkı-ò Nsyõ ye pè n ye.

21 Képah sɔkɔ, pè me ne, òte nê se òmɔle ni? Nkě òmɔ se Yelile‡ ni? Nsyõ me pè syah ne, òmɔ nâh péwɔle. Pè ne, òte Liyel tɛntò syínyo-òs nê-á kɪ n pɔ n pi, òmɔ se òne ni? A me ne ɔɔ-á.

22 Képah tɛne, pè ne, òte òmɔ tɛ se ne nê ó-á péle ni? A kè yo pé syah pé kɔ pé kyɪ we yo pé tɔpú tyí kè. Nkě sɔ se à kɪ yo ò gblɔy tyí sɔkɔ ni?

23 Képah sɔkɔ, Nsyõ me ne: «Ñmɔ tyí ye lésɔ Liyel tɛntò syínyo-ò Yesayi yo sah ò wey sɔkɔ ne,

òní yínpɔ-á me n dɔkɔ gbɛnnɪ sɔkɔ ne òkɛ:

«Yé wɛkì tɔ sah Tɛ ògbɛ yinne!»*

24 Nte nóno-á sò pè tɔ Nsyõ tyí, Farisi wɛkì kópú ye sò péle.

25 Pè tɔ à piki yah ne, òmɔ-à òkɛne Liyel ney yáhtokɔnɔle, képah nâh pɪ Yelile, képah nâh pɪ Liyel tɛntò syínyo-òle, òte kwâh nê se pɪ té à névyele n wel n wilki ni sɔkɔ ni?

26 Képah sɔkɔ, à yo pé tyí ne: «Ñmɔ tɛ wɔ me nole n wel n wilki ni sɔkɔ, òte òní me yépi wró, nê-á yé nâh òne n pne.

27 Nmɔ kɪ n pɔ n pi òmɔ tyí nâh. Té òmɔ òtɛ fórwɔ kah ò lékyêh mno fyé dénmonɔle.»

28 Kéne tyi pól sò pɪ Betani kwil sɔkɔ, Nsyurdɛ yónkahnɪne. Nénpó sɔkɔ ye sò Nsyõ n wel n wilki nole ni sɔkɔ.

Tyípèl tɛnyò-òle

29 Ké dɪndalle, Nsyõ-á Yesu we à me n pi ò tnò, à ne òkɛ: «Yé yah, Liyel-á kèpópíkì† nê tekɪ mɔ kèkòyò névyé tyípèl tɛ yò yinne, òmɔ ye yò.

30 Nmɔ tyí sɔkɔ ye mé lésɔ kè yo ne òkɛ: «Ñní kɪ n pɔ n pi òmɔ tyí nâh, té à me te té òmɔ dubi, képah ye à kal òne.»

31 Nmɔ òtɛ tɔ nâh lésɔ òne n pne. Nte yáh we mé pɔ wèlnwilkìnóle n pɪ ni sɔkɔ, ò dùkù ye mé Yisrayel tãne n wɛkɪ.»

32-33 Nsyõ tyíyókè mè yo Yesu tyí sɔkɔ ne òkɛ: «Liyel nê-á tekɪ mɔ òne ne mé wèlnwilkìnóle n pɪ ni sɔkɔ, à lésɔ yo ò tyí ne òkɛ: «Wáh kɪ Liyel Mirki we kè tiki pɔ tɛ nê yò, òmɔ ye kɪ névyele n wel n wilki Liyel Mirki sɔkɔ.» Nmɔ òtɛ nâh lésɔ òne n pne. Nte mé pɔ Liyel Mirki we kè wil yínyò à n tiki n pi kèpíkípíkì tyí kòle, à pɔ tɛ ò yò.

34 Mé ye kè we yíne. Képah ye mé kéle n yo n dal mɔ ne, Liyel Pídí-á dí mène.»

Yesu tò sáhpú négbrole

35 Té dɪndalle, Nsyõ tɔ sò me nénpó ànê ò tò sáhpú sɔkɔ népì ními yísyóle.

36 Wáh Yesu we à pɔ n sɔkɔ à ne òkɛ: «Yé yah kèpópíkìle, nê-á Liyel tekɪ mɔ.»

37 Képah tɛne, Nsyõ tò sáhpú népì ními nópi-á ò wey mè noh sɛ, pè kò Yesu nâh.

38 Yesu-á vi yah té pé we pè me ò sò tɛ, à pè piki yah ne, kwâh nê se pè n yah n kɔ ni? Pè me à ye Wrabile, nê kór-á kwó-ò díne. Té à piki yah ne, ò twáhtɛ-nsah se me nýãh sɔkɔ ni?

‡ 1:21 1.21 - Yelile, Liyel tɛntò syínyo-ò ye lésɔ òne, té à pɔ à yò dɔkɔ sɔkɔ yínyò. Kè me yónóle Malaki 3.23 sɔkɔ ne, wáh kɪ ò syɪ pɔ Liyel ney yáhtokɔnɔ pónó tyi tɔ sah. Képah ye Nsyifunɔ kò pè Nsyõne n piki n yah ne Yeli se òmɔle ni? § 1:21 1.21 - Nsyifunɔ gbò sàhnó sò me Tõnyono sébéy 18.15-22 wey yò sɔkɔ ne, Liyel-á kɪ ò tɛntò syínyo-ò tekɪ mɔ n pi Moyisi tyí kòle. * 1:23 1.23 - Yah n te Yesayi 40.3. † 1:29 1.29 - Yah n te Yálnó 12.3.

³⁹ A me yo pé tyí ne, pè pɔ, pãh kɪ kyɪ kè we. Pè me n sò tẽ kyɪ n twáhntẽ- ònsah we lérínó gbãm-ò kénkõ sɔkɔ.‡ Képah sɔkɔ, pè me wũ n tyí, à lesõ gbìyìkì téy pɪ.

⁴⁰ Nsyõ tò sáhpú népî nímí nónó-á sò n wey noh té Yesu sò tẽ, pé sɔkɔ núkú yó yĩn ye Andrele. Simo-Pyerɪ yúnpi ye sò òne.

⁴¹ Andre-á yal nénpó, kéne Simo-Pyerɪ tyí ye à kyɪ wil gbenne, òmɔ nê-á n nénkyídíne, té yo n tyí ne nkẽ: «Ápi Krista we.» Krista kór ye Liyel ney yáhntɔkɔnɔle.

⁴² Képah sɔkɔ, à Simo tẽ yuku Yesu tyí. Yesu-á Simo we, à à yah, té yo n tyí ne, Nsyõ§ pídí Simo-á òne, té pãh kɪ yĩn yó dyɪ à kõ Sefasɩle. Wáh noh ne Sefasɩ-á, ké kór ye légbíle. Kéne yĩn ye tã pè n ye Pyerɩle.

⁴³ Ké dɪndalle, Yesu kè yah tɔkɔ ne, pãh kɪ yuku Kalile gběnyah sɔkɔ. Wáh Filipi we, à yo n tyí ne, à pé sò tẽ.

⁴⁴ Betisayida kwil ney ye sò Filipile. Kéne kwil tãn ye sò Andre ànê Pyerɪ tɔle.

⁴⁵ Képah náh, Filipi kyɪ wil Natanayelɪ tyí, té yo n tyí ne nkẽ: «Moyisi tyi kònsàhnó ànê Liyel tẽntò syínyopu-á nê tyí yo sah, á ye à we. Nsyosefu pídí Yesu ye. A n wil Nasaretɪ kwil.»

⁴⁶ Wáh yo sɛ, Natanayelɪ à syah ne, kwáhgbí se kɪ fẽ wil Nasaretɪ kwil sɔkɔ nɪ? Filipi me yo n tyí ne, à pɔ n yah.

⁴⁷ Képah sɔkɔ, Yesu-á Natanayelɪ we à n pi n tnô, à ne nkẽ, Yisrayel ney tótó-á yò, nê-á yĩnvɪ náh me n sɔkɔ pólle.

⁴⁸ Natanayelɪ me ne, nýãh sɔkɔ se à pĩ péle nɪ? Yesu me yo n tyí ne, Filipi-á pópó òne n ye, gbí nê-á sò à me sènsóké séswô sò sɔkɔ, pãh sò me òne yah.

⁴⁹ Képah sɔkɔ, Natanayelɪ me ne: «Kwó-ò dí, Liyel Pídí ye ále. Áwɔ ye Yisrayel tãn yòtẽne.»

⁵⁰ Wáh yo sɛ, Yesu me à syah ne, pãh yo n tyí ne pãh sò me òne n yah, gbí nê-á à me sènsóké séswô sò sɔkɔ, képah kó à kõ à sɛ pé yò nɪ? Nte n yí-á kɪ tã n tẽ n pi tyí-òngbɔ yò kɪ kal nópilɛ.

⁵¹ Té tã n syɪ yo pé tyí ne: «Kègbɪgbɪ tẽ yò, mé kéle n yo yé tyí, yé kɪ yínyò we yíkínmɔnɔle, té yínyò tònpiɪ kɪ me n dɔkɔ, té kɪ n tiki Névi Pídí* yòtah sɔkɔ.»

2

Fúr syáh nê-á syah Kana kwil sɔkɔ

¹ Képah náh, ké sèpìn tã-ò sòle, fúr syáh yó sò me n syah Kana kwil, Kalile gběnyah sɔkɔ. Yesu yú sò me ké sɔkɔ.

² Té pè sò me Yesu tɔ ye ké sɔkɔ, ànê n tò sáhpúle.

³ Pãh me fúr syáh mɛ sɔkɔ, ðivẽ pɔ tekɪ. Kãh pɪ sɛ, Yesu yú me yo n tyí ne, ðivẽ-á me tekɪ no tyí dé!

⁴ Yesu me yo n tyí ne, kwáh nê se à n yah n kõ pé tyí nɪ? Pé gbí náh tɔnɪ sɛ.

‡ **1:39** 1.39 - Gbí nê tyí-á n yo ásô sɔkɔ yò, Nsyifuno lérí yãh dùkù sɔkɔ, méndwò gbí (16 h) kénkõ tyí ye pè n yo. Té Wrome tãn wɔ lérí yãh dùkù sɔkɔ, pɔy tã gbí tyí ye pè n yo. § **1:42** 1.42 - Nsyõ nê tyí-á n yo ásô sɔkɔ yò, tókù òne n ye Nsyonasɩle. * **1:51** 1.51 - Yesu-à Névi Pídí tyíle n yo, n gblóy ye à n ye.

⁵ Képah sɔkɔ, n̄ yú me yo ðivě díbípú tyí ne, wàh kɪ fyò pɔ tyi nónó yo pé tyí, pè sé pól pɪ.

⁶ Té dyêh yâhnpní kénúkò sò me Nsyifunɔ gblɔy tɔnsàhnó* yinne à yĩne pé tyi kònsàhnóle. Sé núkú núkú pól sò me lítírnó lèkwèkwe kénkɔle.

⁷ Dõ Yesu me yo pé tyí ne, pè ni mɔ pní nópi yíyĩle. Pè me ni mɔ sé yíyĩle.

⁸ A me ne, núkúnúkú pè tãh kyɪ tyi yah wàh-ò dí kɔ. Pè me tãh kyɪ à kɔ.

⁹ Képah sɔkɔ, tyi yah wàh-ò dí-á kè wɔ yah, kè sò me vi mɔ pɪ ðivěne, té à nãh sò me kéne ðivě wĩl-nsah pĩ. Nte ðivě díbípú nónó-á sò di mɔ yɔle, pépi wɔ sò ké wĩl-nsah pĩ. Képah sɔkɔ, dí me fúr pí-ò dí ye,

¹⁰ té yo n̄ tyí ne, no pól-á nkène ðivě pènèkì ngbò dibi. Névyè-à wɔ kè syõ pé sɔkɔ gbí nêne, nê-à me nónyí-nkène, pè n pyě képah dibi. Nte n̄mɔ pyě ðivě pènèkì tẽ wɔ koh sah à pɔ no yĩnkɔ gbí tyí nɪ?

¹¹ Képah ye pɪ Yesu gbĩl tyípíní gbenne, à n̄ tɔrí wèkɪ. Kãh pɪ sɛ, n̄ tò sãhpú me gbah sɛ n̄ yõ. A gbĩl mè pɪ Kana kwil, Kalile gběnyah sɔkɔ.

¹² Képah nãh, n̄mɔ ànê n̄ yú, ànê n̄ yúnpyé, ànê n̄ tò sãhpú tiki yuku Kapernayumi kwil sɔkɔ. Té sèpĩn kwéy ó ye pè pɪ nénpó.

Gbòyĩbɪ yĩn̄nwĩlkìnóle Liyel ní-nsah gbô sɔkɔ

¹³ Té Nsyifunɔ yõrɪ tyénó syáh-á sò me de n te sɛ, Yesu me ðɔkɔ yuku Yerusalemɪ kwil sɔkɔ.

¹⁴ Wãh kyɪ Liyel ní-nsah gbô sɔkɔ, à kyɪ ne n yah gbòyĩbɪ me gbòle n yĩ ké sɔkɔ. Túkú me nyehle n yãm, túkú me képyén̄ne n yãm, túkú me kèpíkípíkínóle n yãm, té túkú tɔ mó me pɔ pé pó duke dukenɔ mɔ sah tàbálnó yõ, me séle n sah n tũ.

¹⁵ Képah tẽne, Yesu m̄nɔ yísyó pɪ yèfõhle, té gbòyĩbɪ nópi pól yĩni wilki kéle Liyel ní-nsah gbô sɔkɔ, à tahlɪ pé képyén̄ ànê pé nyeh tyí. Té pó sãhntũpu tàbálnó tu wilki mɔ, pé pónó kɔ sè kwe.

¹⁶ Képah sɔkɔ, té yo kèpíkípíkínɔ yãmpu tyí ne, pè sè pól tɔkɔ n yal ásô. Pè kãh pé Sú Liyel gbòle n pɪ gbò yĩ-nsah gbòle.

¹⁷ Wãh fyò képah yo, n̄ tò sãhpú dyɔ núkú to kɔ Liyel wey sébéy fĩ yó tyíle, n̄yãh sɔkɔ-á kè me wárkínsàhnóle ne nkẽ:

«Liyel, á wòkò tyí nɔ yĩí n̄ tyí, fók ké tyí s̄nɔ n pɪ n̄ ko ko tẽne.»†

¹⁸ Képah sɔkɔ, Nsyifunɔ yõtãm Yesu syah ne, gbĩl tir nê se à kɪ fẽ pɪ, nê-á n wèkɪ ne, yĩ mè pínó wèkì-á me n̄ tyí nɪ?

¹⁹ Képah tẽne, Yesu me pè syah ne nkẽ, pè Liyel ní-nsah gbô mè sɔ, pãh kɪ kè tò mɔ sèpĩn tɔn̄i sɔkɔ.

²⁰ Wãh képah yo sɛ, Nsyifunɔ yõtãm à syah ne, è, gbô nêne mɔ ye tikinini pó kénúkò sɔkɔ, n̄mɔ kɪ pɔ képah tò mɔ sèpĩn tɔn̄i ó sɔkɔ nɪ?

²¹ Nte Liyel ní-nsah gbô nê tyí-á sò Yesu n yo, képah ye kɪ sò n pɪ n pi n̄ wil gběnséle.

* **2:6 2.6** - Dyêh yâhnpní ànê gblɔy tɔnsàhnó nê tyí-á n yo Liyel yah sɔkɔ yò, Nsyifunɔ nkène ni mɔ n sah kéne yâhnpní sɔkɔ, té pãh wil kóló sɔkɔ, képah nãh pɪ, pãh n tyah yòke yónóle, pé pé gblɔy kãm n wel sépi nine, n̄ pé gblɔy tɔ n sah Liyel yah. † **2:17 2.17** - Yah n te Gbálnó 69.10.

²² Képah náh, Yesu-á pɔ ku té yilki mɔ gbí nêne, ò tò sáhpú dyc to kô ne wáh lésõ kè yo sah. Képah sɔkɔ, pè sê Liyel wey sébéy yõ sɔkɔ, té sê Yesu welo yónsàhnó to yõ.

Yesu névyé pól fɔkɔ sônɔle n pne

²³ Té Yesu-á sò me Yerusalemɔ sɔkɔ, Nsyifunɔ yõru tyénó syáh mè syáh-ńsah, à sò me gbíl tyile n pi névyé me n yah. Káh pi sê, névyé náhnáh sê ò yõ.

²⁴ Nte Yesu sò me pé pól fɔkɔ sônɔle n pne. Képah ye, òmɔ tẽ wɔ náh sò me sê pé yõ.

²⁵ A névi ni kèdùkùle n pne. Képah ye, à pɔ névi kèdùkù tẽ yo ò tyí, ké yétò náh sò me ò tyí.

3

Yesu ànê Nikodemɔ wẽ wénóle

¹ Nsyifunɔ sɔkɔ, yěntẽ yó lésõ me pè n ye Nikodemɔne. A sò me Farisi wẽkì kópú sɔkɔ.

² Sò yó lékáhne, à kyɪ wil Yesu tyí, té yo ò tyí ne kwó-ò dí, gbíl tyi nónó-á òmɔ n pi yò, ònî yó nítẽ náh fẽ sɛnkɔle ne n pi n pi, né Liyel náh me tẽne. Képah-á, páh pĩ ne òmɔ-á kwó-òle, nê-á Liyel tekɪ mɔ.

³ Yesu me yo ò tyí ne: «Kègbɔgbɔ tẽ yõ, mé kéle n yo á tyí, ònî yó nítẽ náh fẽ Liyel tǔrí we n pi, né tẽ náh tǔ dubi késánnɛ.»

⁴ Képah sɔkɔ, Nikodemɔ ne, nte névi wáhnmontenɔ náh, sò se képah kɪ fẽ pi ni? A se kɪ fẽ ò syɪ de ò yú fɔkɔ sɔkɔ, kɪ tǔ dubi ke ní-òle ni?

⁵ Yesu me tǔ yo ò tyí ne: «Kègbɔgbɔ tẽ yõ, mé kéle n yo á tyí, ònî yó nítẽ náh fẽ n de n pi Liyel tǔrí sɔkɔ, né tẽ náh tǔ dubi ni, ànê Liyel Mirki gbò yõ.

⁶ Névi nê-à dubi névi tyí, névi ye tẽne. Té névi nê-à dubi Liyel Mirki gbò yõ, Liyel Mirki n ne n me tẽ sɔkɔ.

⁷ Káh n ye kè á gbã du, máh sǔnpule yo á tyí ne, yáh yĩne yé tǔ n dubi késánnɛ.

⁸ Nyãh-à yáhkí dyc, nénpó ye kè n ne n pi n yuku. Á kɪ ké pínó yĩne n nohnɪ, té á náh n pĩ n pi nýãh sɔkɔ-á kè wil, ànê káh n yuku nýãh. Névi nê-à dubi Liyel Mirki gbò yõ, tẽ to tyí n ne n me sɛntẽne.»

⁹ Wáh yo sê, Nikodemɔ tǔ ne, sò se képah kɪ fẽ pi ni?

¹⁰ Yesu me yo ò tyí ne: «Áwɔle tyi kǔnsàhnó kwó-ò ògbẽne Yisrayel sɔkɔ, té á náh képahle n pne ni?

¹¹ Kègbɔgbɔ tẽ yõ, mé kéle n yo á tyí ne, áyáh nêne n pne, képah tyí-á à n ne n yo. Áyáh nê we, à n pi képah tyí yónwàhpule. Nte yé náh me séle n fẽ n syi.

¹² Máh sétáh yõ tyile n yo yé tyí té yé náh me sê sé yõ, máh pɔ yĩnyõ tyile n yo yé tyí, yé kɪ pyẽ fẽ sê sépi yõ sǔ?

¹³ Ònî yó nítẽ náh dɔkɔ kyɪ yah yĩnyõ sɔkɔ, à wil Névi Pídí tyí sɔkɔ, òmɔ nê-á wil yĩnyõ à tiki pɔ.

¹⁴ Sǔ-á lésõ Moyisi wahy kètò pi yésáhrule gbɛnnɪ sɔkɔ,* à dɔkɔ mɔ sah dahni yõ, Névi Pídí to yĩne à dɔkɔ mɔ sɛntẽne.

* 3:14 3.14 - Yah n te Yáhnó 21.4-9.

15 Képah sɔkɔ, névi nê-à sê ò yõ, tẽ kɪ tyé-ńkẽ min wɛ.

16 Yah, kèkõyó névye tyí ye kah nɔ Liyel tyí, képah ye à ò Pi núkúní tekɪ mɔ, nɛ névi nê-à sê òmɔ yõ, tẽ tyí káh yɪkɪ, òtɛ tẽ tyé-ńkẽ min wɛ.

17 Liyel tẽ wɔ náh ò Pídí tekɪ mɔ kèkõyó sɔkɔ nɛ, à pɔ lékàhle névye kõ pé tyípèl yĩnne dé! A ye à tekɪ mɔ nɛ, kèkõyó névye pwáhnmɔnɔ wɛ òmɔ gbõ yõ.

18 Névi nê-à sê òmɔ yõ, tẽ wɔ náh tõ n tuke n pi. Ntɛ nê-à yahle sɛnóle òmɔ yõ, tukey sykɪ tɛ tẽ yõ, wáh sɔnpí yahle sɛnóle Liyel Pi núkúní yõ.

19 Tukey mè wɛ yò: Kyòò ye pɔ kèkõyó, té névye tyípínó-á pɪ tyítúkúnine sɛ, fɛntú tyí nɔ kal pé tyí kyòole.

20 Névi nê-à tyítúkúnine n pɪ, kyòò tyí náh n nɔ tẽ tyí gbógbó. Tẽ n pĩ nɛ páh kɪ pɔ kyòò yah, pé tyítúkúní pínó-á kɪ wil mɔ kwèyy. Képah ye, à náh n pɔ kyòò yah sɔkɔ.

21 Ntɛ névi nê-à gbɪ wɛkìle n kɔ, òmɔ n pɔ kyòò yah sɔkɔ. A n nɛ n mè ké tyí nɛ, nɔ pé tyípínó wɛ pnéyy sépi nónó-á mè n pɪ Liyel dyɔ dyɔ tɛnɛ.»

Nsyõ-á nê yo Yesu tyí sɔkɔ

22 Képah náh, Yesu ànê ò tò sáhpú pɔ tẽ yah Nsyude gbɛnyah sɔkɔ. A sò mè névyele n wel n wilki ni sɔkɔ.

23 Té ni-á sò mè dò Yeno kwil sɔkɔ sɛ, képah ye Nsyõ tɔ mó mè wèlwìkínóle n pɪ nénpó. Névye sò mè n pɔ n pɔ ò tyí, à kõ à péle n wel n wilki ni sɔkɔ. Nénpó sò mè yúkey Salimi kwille.

24 Légbĩne, pé náh sò tònì Nsyõ dah mɔ wòkònpèkè sɔkɔ.

25 Képah sɔkɔ sò yóle, yékâb yó de Nsyõ tò sáhpú ànê Nsyifu yó wró, pé gbłɔy tõ n sah dùkù tyí yõ, à yĩne pé tyí kònsàhnóle.

26 Káh pɪ sɛ, Nsyõ tò sáhpú mè Nsyõ nyáh sò kyɪ yo ò tyí nɛ ńkẽ, pé kwó-ò dí, dí nê-á lésò ònne Nsyurdɛ yónkahnɛ, té à ò tyíle n yo pé tyí kè; à yah, ò tɔ-á mè yuku névyele n wel n wilki ni sɔkɔ. Té nɔ pól-á mè pé yah mɔ òmɔ tĩnne.

27 Ntɛ Nsyõ mè yo pé tyí nɛ ńkẽ: «Né Liyel náh yín-ńsah nêne névi kõ, tẽ se kɪ fɛ kè wɛ?»

28 Yépi ńtɛ ye òmɔ tàrfyòle nɛ máh lésò kè yo dal mɔ yé tyí nɛ òmɔ náh Liyel nɛy yáhnɔkòkòle. N tɛntò ó-á mè pɔ pí-ńsah ò yahle.†

29 Yé yah, nê tyí-á sèpille, ò pɛ ye. Té pɛ mè kódí n mó nɛ n mè pɛ mè tnô. Kódí mè-à pɛ mè wɛ nìvìnì sɔkɔ, kè n pɪ nìvìnì ògbɛne ò tyí. Sɛnkõ nìvìnì ye òmɔ sɔkɔ. N nɪ mè vɪ syɪ ké yĩn tyí.

30 Wán yĩne kè nɛ n mɔ òmɔ yĩn wìlnó yõ, kwáh mó nɛ n wilki òmɔ tyí sɔkɔ.

31 Névi nê-á n wil yĩnyõ, òmɔ ye nɔ pól yõ. Té névi nê-á mè sétáh mè yõ, sétáh mè névi ye ònne. Sétáh mè yõ tyí ó ye òmɔ kɪ fɛ n yáh dò. Ntɛ, nê-á n wil yĩnyõ, òmɔ mè nɔ pól yõ.

32 Wáh tyí nónó wɛ, té tyí nónó noh, sépi tyí ye à n yo n wah, té nɛy náh mè ò wɛy fɛ syi.

33 Ntɛ nê-à ò wɛy fɛ syi, tẽ mè kéle n wɛkɪ tótó nɛ gbɪ-á Liyel wɛyɛ.

34 Òmɔ nê-á Liyel tekɪ mɔ, à ò Mirkile à kõ yíí. Liyel wɛy ye à n nɛ n yo.

35 Sú Liyelle, ò Pídí tyí nɔ ò tyí. Képah ye à tyí pól dahbɪ òmɔ gbõ.

† 3:28 3.28 - Yah n tɛ Malaki 3.1.

36 Névi nê-à sě Liyel Pídí yõ, tě ki tyé-ńkě min we. Té névi nê-à yahle sěńóle n yõ, tě náh kéne min we n pi. Liyel pèkè ki me tě yõ gbímegbí.»

4

Yesu ànê Samari pi yóle

1-3 Képah soko, Farisi wěkì kópú sò noh ne Yesu-á me tò sáhpúle n we, me péle n wel n wilki ni soko à kal Nsyõne. Té Yesu ńtě náh sò n wel n wilki névyele ni soko n gblõy dé, n tò sáhpú ye sò n pi ké tôle. Képah soko, Yesu-á pò képah yónó noh gbí nêne, à yal Nsyude gběnyah soko ànê n tò sáhpúle, à n syi n yuku Kalile gběnyah soko.

4 Té képah wò soko, à sò yĩne à Samari gběnyah kò kah.

5 Wáh n yuku, à kyi yĩni tě Samari kwil yó soko, pè n ye Sikarle. Kéne kwil me Nsyosefu swáh tnô, nê-á lésò n sú Nsyakobi à kò.

6 Té Nsyakobi kwlèy sò me nénpó. Yesu-á wil kóló soko té kwlo, à sò me kyi kò tě kéne kwlèy yõ. Té gbí sò me yõtah sírr kénkò soko.

7 Képah soko, Samari pi yó-á pò yo dí-ńsah, Yesu me à syah ne à nine pé kò pé wò.

8 Té légbíne, Yesu tò sáhpú sò me soko yòke yáhdwe-ńsah kwil nyó.

9 Képah soko, Samari pi me à syah ne, kè se pi sò té ñmò nê-á Nsyifule, à ki pò wò wò nine n ni péwò Samari ney tyí ni? Kègbi tě yõ Nsyifunò náh ńtyĩnò sò n pi n soh wě tyí ànê Samari tãne.

10 Wáh yo sě, Yesu me yo n tyí ne: «Liyel-á nêne névile n kò, wáh sò me kéle n pne, té pĩ nédúkú nê-á n yo n mò á tyí yò, áwò ye náhki sò ni wò wò nine n tyí, té à náhki nine n kò nê-á minne névile n kò.»

11 Képah soko, pi ne pé yõtě, kwlèndikì náh me ñmò tyí, té kwlèy-á mó tò me súkúlínóle, à se náhki sò we ńyáh kéne nine ni?

12 Nkě pépi náh ney Nsyakobi nê-á pé kò kwlèy mène, té ké ni wò soko ànê n wěnpile, à tahlì n yípèy tyí, ñmò se kal Nsyakobi mène ni?

13 Yesu me ne: «Névi nê-à kwlèy mè ni wò, níki ki tó pò tě tě.

14 Nte ñmò-à nine névi nê kò, tě-à kè wò, níki náh tó tě tě n yah n pi pólle. Kè ki n pò n mò lègbèr tyí kòle tě soko, ki tyé-ńkě minne n kò.»*

15 Képah soko, pi à syah ne pé yõtě, à pé kò kéne nine, níki kò kè káh tó péle n tě, ànê pé káh tó pò ásò yo tě di yĩne.

16 Wáh yo sě, Yesu me ne, à kyi n pe ye pè pò ásò.

17 Képah soko, pi ne pe náh me pé tyí. Yesu me ne, gbi-á à yo ne pe náh me pé tyí.

18 Pebi népì kwâl tyí-á à tě yah soko, té nê tyí-á tó ñne nukúnúkú yò, gbi-á à yo, n pe náh ñne.

19 Képah tēne, pi me yo Yesu tyí ne pé yõtě, páh kè kyomì we ne, Liyel tēntò syinyo-ò-á ñne.

20 Nkě pépi náh tãn-á Liyelle n gbilki ńyáh soko, nénpó-á me yõlì mè yõ yàhàh.† Nte pépi Nsyifunò wòle, pépi n ne n yo ne, Liyel-á yĩne à ne n gbilki ńyáh soko, nénpó-á me Yerusalemì soko.

* 4:14 4.14 - Yah n te Nsyeremi 2.13. † 4:20 4.20 - Nsyifunò-á sò yahle pínsòhnóle Samari tãne, képah ye Samari tãn kò pè me kyi pé Liyel ní-ńsah gbò mò sah gbòpòle yõlì yó yõ, nê-á pè n ye Karisimne.

21 Képah sɔkɔ, Yesu me yo pi tyí ne: «Sě ní yõ. Sõ yó me n pi, ney náh tǔ pɔ Sú Liyel gbilki n pi yǒli mē yõ, képah náh pɪ, Yerusalemu ítě sɔkɔ.

22 Yépi Samari tǎnne, yě Liyelle n gbilki té yé náh òne n pne. Nte ápi Nsyifunɔ tyí ye Liyel syõ à pwáhnmonɔle n kǔ. Képah ye á òne n pne, té òne gbilki.

23 Nte gbí yó me n pi, nê-á me te núkúnúkú ítěne yò. Képah sɔkɔ ye Sú Liyel gbilkípú kègblo kɪ òne n gbilki ò Mirki gbõ yõ sɔkɔ ànê gbɪ wěkì yõ. Gbilkínó mē dùkù pípú névyé ye Sú Liyel n ne n yah n kǔ.

24 Liyelle, Mirki ye òne. Képah ye, nónó-á òne n gbilki, pè yǐne pè òne n gbilki ò Mirki gbõ yõ, ànê gbɪ wěkì yõ.»

25 Képah sɔkɔ, pi à syah ne, páh pǐ ne Liyel ney yáhntɔkɔnɔ-á kɪ n pɔ n pi, nê-á pè n ye Kristale. Nmɔ-à pɔ gbí nêne, wǎh kɪ pɔ tyi pól dùkù yo wah pé tyí.

26 Yesu me ne: «Nmɔ ye ímɔle, nê-á n yo n mɔ á tyí yò.»

27 Wǎh me képah yónó sɔkɔ, ò tǔ sǎhpú me pé syɪ pɔ de. Té pǎh pɔ à we à me n yǎh ànê pile sě, kè pé gbǎn du.‡ Nte pé sɔkɔ yó ítě náh fě syi à piki yah ne, kwáh nê se à n yah n kǔ pi mē tyí, képah náh pɪ, tir nê se à n yo ò tyí nɪ?

28 Képah tǎne, pi ò ni pín sah nénpó, té to kyɪ kwil niyó, à kyɪ tyah n yo no tyí ne,

29 pè pɔ ne n yah dí yóle, à péwɔ tyípinì pól yo pé tyí lé! Nmɔ káh kɪ nê Liyel ney yáhntɔkɔnɔle dé?

30 Képah sɔkɔ, névyé me wil kwil niyó me n yuku Yesu tnô.

31 Té légbíne, Yesu tǔ sǎhpú sǔ me Yesule n ni ne, kwó-ò dí, à yõke yõ kè!

32 Nte Yesu me pè syah ne, yõke yó-á me péwɔ tyí yõ yõ tǎne, nê-à pépi náh kéle n pne.

33 Képah sɔkɔ, ò tǔ sǎhpú sǔ me wěne n piki n yah ne, ònî se kɪ me pɔ yõkele à kǔ nɪ?

34 A me yo pé tyí ne: «Liyel nê-á tekɪ mɔ ímɔle, wǎh me nê tyí, képah pínó ànê ò tǔ pínɔne ye pɪ ímɔ yõkele.

35 Yépi náh íkǎne ne n yo ne, íwǔlóló nýáh-á tǔ wǔ té sèmuکو tɔkɔ gbí kɪ nɔ dí? Nte ímɔ wɔ kɪ yo yé tyí ne, yé yé yey yõ n yah sèmuکوle kòntǎnóle swǎh sɔkɔ, tɔkɔ tɔkɔ tǎne.

36 Névi nê-à me sèmuکوle n tɔkɔ, ò tǔ pínó lédyáhní me te ò tyí; sèmuکو pórí nê-á à n tuke n mɔ, névyé ye nónó-á kɪ tyé-ńkǎ min we n pi. Képah sɔkɔ, névi nê-á mɔ séle, ànê névi nê-á sè tɔkɔ, pé pól kɪ nìvìnì pɪ wě tyí.

37 Képah n wěkɪ ne, gbɪ-á sèmirkì mène, nê-á n yo ne íkǎ: «Nnì kɪ sèmuکو mɔ, té ònî kɪ sè tɔkɔ.»

38 Yépi náh swǎh nê tǔ, ímɔ yé tekɪ mɔ ne, yé kyɪ képah sèmuکو tɔkɔ. Nósýó ye tǔ pɪ ké sɔkɔ, yépi kǔ yé pɔ we de pé tǔ pínó yén sǔ.»

39 Té pi mē-á sǔ wey nê yo ne, dí mē-á péwɔ tyípinì pól yo pé tyí, képah yǐnne Samari tǎn náhnáh sǔ sě Yesu yõ kwil mē sɔkɔ.

40 Képah ye Samari tǎn nópi-á kyɪ Yesu tyí, pè à ni ne à wǔ pé tyí. Yesu me wǔ nénpó à sèpín nínì pɪ.

‡ 4:27 4.27 - Nsyifunɔ nónó-á sǔ pɪ kwópúle, pè náh séle n fínki wǎh me ò gblǔy; ké dú dɔkɔ káh pɪ Samari neyne.

41 Képah tẽne, névye náhnáh tõ sã Yesu yõ wãh welo nóno yo pè noh sépi yinne.

42 Té me tyah n yo pi mè tyí ne, ñmo yóre ó yin náh tõ pépi sã Yesu yõ dé! Nkẽ pépi ntẽ tɔ-á ñ wey we noh níkile, té pĩ ne kègbɪ tẽ yõ, ñmo-á ntyĩno kèkõyó pwáhnmo-òle.

Né-ñgbẽ yó pídí dénmɔnɔle

43 Yesu-á sèpĩn níni nópi pi te, à yal nénpó à yuku Kalile gběnyah sɔko.

44 Té à mó tõ lésõ kè yo ne, Liyel tẽntõ syinyo-ò náh n tẽ ple ñ sú kwil sɔko.

45 Nte Kalile tãn tɔ-á lésõ kyɪ Nsyifuno yõru tyénó syáh sɔko Yerusalemɪ sɔko, té Yesu tyípinó we sã, képah ye wãh pɔ pɔ pé gběnyah sɔko, pè me à tõ sah tẽ.

46 Képah sɔko, Yesu sɔko kéne gběnyah kwil mè sɔko, nê-á pè n ye Kanale. Nénpó sɔko ye lésõ à ni vi mɔ pi ðivẽne. Té né-ñgbẽ yó lésõ me yõtẽ dí yó tyí Kapernayumi kwil sɔko. N pídí náh lésõ me lènɔle.

47 Wãh pɔ noh ne, Yesu-á me wil Nsyude gběnyah sɔko à pɔ Kalile sɔko, à me ñ nyáh sɔ kyɪ à ni ne, à tiki pɔ Kapernayumi sɔko, à pɔ pé pídí de mɔ pé kɔ; wãh me n tyah kúnóle.

48 Yesu me yo ñ tyí ne, pè se yó kɪ fẽ sã yah péwɔ yõ; né gbɪl ànê gběndùni tyi náh pi pè we ni?

49 Nte dí me tõ yo ñ tyí ne, pé yõtẽ, à tiki pɔ súú péwɔ tĩne pé dípir káh pɔ ku.

50 Képah sɔko, Yesu me yo ñ tyí ne, à ñ syɪ sɔko ñ tĩne, ñ pídí-á de. Dí me sã ñ wey mè yõ, té ñ syɪ.

51 Wãh me wèkì yõ, ñ tɔnpɪbɪ pɔ à yohnɪ, té yo ñ tyí ne, ñ pídí-á de.

52 A me pè piki yah ne, gbí nê se fãhfãh de ñ tyí ni? Pè me yo ñ tyí ne, ñníní gbĩntõ pɔ sɔko-á wɪlvyáhnì à fin mɔ.

53 Képah sɔko, dípir sú kè kyɔmɪ we ne légbí mè-ó sɔko-á Yesu yo pé tyí ne, pé ne n yuku, pé pídí-á de. A tɔko légbí tyí, ñmo ànê ñ gbô tãn pól sã Yesu yõ.

54 Té Yesu-á wil Nsyude gběnyah sɔko, à pɔ Kalile gběnyah sɔko, képah ye à pi gbɪl ní-òle.

5

Sèkùkù dí yó dénmɔnɔle Yerusalemɪ kwil

1 Tyi nópi sókónteno náh, Nsyifuno syáh yó-á pɔ n syah Yerusalemɪ kwil sɔko, Yesu dɔko yuku nénpó.

2 Té Yerusalemɪ kwil sɔko, pékì yó sò me tũnsàhnóle nine ké sɔko ké kwil dé-ńsah yó tnô, nê-á pè n ye Képyénì dé-ńsahle. Pè kéne pékile n ye Betisatale Yebre wey sɔko. Kènkálnó kwló sò me pínóle ké gbòpɔ sɔko.

3 Yámpú náhnáh sò me sènténóle kènkàl nópi sò. Yítubi sò me, ànê gbáhkì núkú névyele, à tahlɪ sèkukubi tyí. [Pè sò ñkẽne ne me ni dúkúrínmɔno syɪkɪ n tẽ.

4 Yé náh we di, yĩnyõ tɔnpɪ yó sò ñkẽne ne n de n pɔ ni mè sɔko, ñ kéle n dukuri n mɔ, té yónwó nê ñgbò-à de ni mè sɔko, ñ yam-à sò me dùkù nêne, à n de.]

5 Té nénpó sɔkɔ, dí yó lésõ me sèkùkùle pópó ye yõgbãm pó kwärtõnɔ.

6 Yesu-á à we sě, té pĩ ne ò sěntěńó di-á mo nénpó, à à piki yah ne, à se me ké tyí ne pé de ni?

7 Sèkùkù dí me ne, pé yõtě, ni-à tyah n dukuri n mɔ gbí nêne, ney náh n we à péle n yohni n mɔ pé n we n de ké sɔkɔ. Péwɔ tẽ-à pópó ne pé we n de, ònĩ pé dyàh tẽ n de.

8 Wáh yo sě, Yesu me yo ò tyí ne, à yuku ò sě sě kwáh tɔkɔ ne n kɔ.

9 Nénpó swɔ, dí núkú de. A me yuku ò sě sě kwáh tɔkɔ à n kɔ.

Té lésõ pɔ yĩne Nsyifunɔ mi mi yòhle.

10 Képah sɔkɔ, dí nê-á dénmonɔ we, Nsyifunɔ yõtãm à syah ne íkě, mi mi yòh-á kweyne. A náh yĩne à ò sě sě kwáh tɔkɔ ne n kɔ.

11 Nte dí me pé syah ne, nê-á de mɔ péle, òmɔ-á yo pé tyí ne, pé pé sě sě kwáh tɔkɔ ne n kɔ.

12 Pé me à piki yah ne, nê se yo ò tyí ne, à ò sě sě kwáh tɔkɔ ne n kɔ ni?

13 Légbíne, Yesu mó tã sò yal te dí mè tnô, à de tówû sɔkɔ nénpó. Té dí nê-á sò Yesu de mɔ, kéne dí náh sò òne n pne.

14 Képah náh, Yesu pɔ à we Liyel ní-ńsah gbô sɔkɔ té ne, à yah, wáh dénmonɔ we yò, à káh tã tyípèlle n pi, tir yó kò kè pɔ à nɔ nê-á kal ńyɔle dé!

15 Képah tẽne, dí kyi ké yah yo Nsyifunɔ yõtãm syah ne, Yesu-á sò de mɔ péle.

16 Képah sɔkɔ, Nsyifunɔ yõtãm tyah lékàhle Yesule n kò, wáh sònpùle dénmonɔ pi mi mi yòh sòle.*

17 Yesu me ne, péwɔ Sú Liyel-á me tò sɔkɔ kúmm, péwɔ tó-á me sěntěne n pi.

18 Yesu-á képah yo sě, Nsyifunɔ yõtãm tã lékàhle òne n gbah n kò, à ò kònmɔ-ńsahle n yah n kò, té ne wáh me mi mi yòh dèlle n pi. A wil képah sɔkɔ, wáh tã me n yo ne íkě, pé Sú tótó-á Liyelle, à ò gblòyne n pi núkúle òne.

Tyi nónó-á yo Liyel Pídí tyí sɔkɔ

19 Képah sɔkɔ, Yesu me tã yo pé tyí ne íkě: «Kègbıgbı tẽ yõ, mé kéle n yo yé tyí, Pídí náh fẽ tir yó ńtẽ pi n pi ò yah yĩne, né à náh ké pínó we yah Sú Liyel tyí. Sú Liyel-á nêne n pi, sěnkò ye Pídí tɔ n ne n pi.

20 Pídí tyí nɔ Sú Liyel tyí. Képah ye, wáh tyi nónó pólle n pi, ă sé pínóle òne n wěki. Té wáh tyi nónóne à wěki, à ki tã pɔ sé lékan pínóle à wěki n pi, nónó-á ki yé gbàn du.

21 Sõ-á Sú Liyel lékyîle n yilki n mɔ, à minne péle n kò, sěntě ó ye névi nê-à Pídí dyɔ, ă minne tẽ kò.

22-23 Sú Liyel me ké tyí ne, no pól gbílkínóle n sah Pídí yõ, sõ-á pé kéle n sah òmɔ yõ. Képah ye, à náh ònĩ yó ńtẽne n tuke. A ye no pól tukey tyí dahbi ò gbõ. Té névi nê-à gbílkínóle n sàh-ńkẽne òmɔ yõ, ò tékínmɔ-ò Liyel ye tẽ yahle gbílkínóle.

* 5:16 5.16 - Yáh we Nsyifunɔ yõtãm lékàhle Yesule n kò, pépi tẽ sòno sɔkɔ, wáh névi de mɔ mi mi yòh sòle, tò ye á pi.

24 Kègbıgbı tẽ yõ, mé kéle n yo yé tyí ne, névi nê-à ní wey noh, té sě ní tékínmò-ò yõ, tẽ-á kɪ tyé-ńkẽ min we. A náh n tuke n pi. Wäh wil te kũ soko, té min we.†

25 Kègbıgbı tẽ yõ, mé kéle n yo yé tyí, gbı yó me n pi, nê-á me te núkúnúkú ntẽne yò. Képah soko ye névye nónó-á me kúnóle Liyel tyí tĩne, pè kɪ rímo yínpõ noh, rímo nê-á Liyel Pídĩne. Té nónó-à kè noh, pè kɪ min we.

26 Sõ-á Sú Liyelle min nétẽne, sě ye rímo nê-á n Pídĩne, à rímo to kõ mé pi min nétẽne.

27 Té máh pi Névi Pídĩne sě, à tukey tükèno tẽnwenole ní kõ.

28 Nte yé káh n ye tyi nópi yé gbã du. Gbı yó me n pi, lékyî pól kɪ ní yínpõ noh,

29 té kɪ yuku. Képah soko, nónó-á tyípeplo pi, pépi kɪ yuku tyé-ńkẽ min we yĩne. Té nónó-á mó tyípél pi, pépi wò kɪ yuku fõh yĩne.

30 Nmo náh fẽ tir yó ntẽ pi n pi ní yah yĩne. N Sú Liyel-à yo sõ ní tyí, sě ye mè n ne n kãm weyne tukey soko. Mé náh me ní gblõy nìvìnì tyi pí-ńsahle n yah n kõ. Sú Liyel nê-á tekɪ mò ńne, ñmò-á me nê tyí, képah ye mè n ne n pi. Képah ye, ní wey kãmno n pi gbı wẽkì yõ.

31 Nmo-à kɪ nê n yo ní gblõy tyíle, nê kɪ sě ní tyíyónó yõ?

32 Nte nékákí ye n yo n wah ní tyíle, té mé pĩ ne tyi nónó-á à n yo rímo tyí soko, gblò-á séle.

33 Yáh névye nónó tõ Nsyõ tyí rímo tyí soko, té à tyi nónó yo, gblò ye séle.

34 Nte mé se yó me n yah n kõ ne, névi tẽ wò ní dùkùle n yo? Yé pwáhnmoño we yĩn ye mé tyi nópile n yo yé tyí.

35 Nsyõ lésõ pi kyòole fòtnò tũnsahnó tyí kõle. Té kè yé dyo, yé nìvìnì pi n kyò soko wró kwéy yó ó soko.

36 Nte rímo wole, Sú Liyel-á tãn nónó dahbi ní gbò ní kõ mé n pi, sépi ntẽ me ní dùkùle n wẽkɪ n wah n kal Nsyõ-á nê yo ní tyí soko. Kéne tãn nópi pínó ye n wẽkɪ ne, Sú Liyel-á tekɪ mò ńne.

37 Té à wil képah tyí soko, Sú Liyel nê-á tekɪ mò ńne, n to ní tyí yo wah. Nte yé náh n welo noh yah pólle, yé náh se tõ à we yah yĩne.

38 N wey náh me n tẽ yé nno soko. Yé náh we wãh rímo tekɪ mò, yé yahle sěnole ní yõ di?

39 Yè n ne me n sò ne, yáh kɪ tyé-ńkẽ min we Liyel wey sébéy kárnó soko, n té kéle n kar firfir. Nte képah ye mó tõ yo wah tótó rímo tyíle.

40 Té yé náh mó tõ me ké tyí ne, yé pò rímo tyí, yé pò tyé-ńkẽ min we.

41 Mé náh me n yah n kõ ne névye ńne n gbilki.

42 Mé yé dùkùle n pne. Liyel tyí náh no yé tyí.

43 N Sú Liyel yĩn yõ ye mé pò, té yé náh ní tẽ ple. Nte ñnî yó-à nukú pò n yah yĩne yò, yé kɪ ñmò tẽ ple.

44 Yé kɪ fẽ sě ní yõ sõ, yépi nónó-á me ké tyí ne yé wẽne n gbilki, té yahle gbilkínó yáhnkõnole, nê-á n we Liyel nukúni ó tyí?

45 Yé káh ne me n sò ne, rímo-á kɪ kyɪ yé kõ n pi lékàhle Sú Liyel yah soko dé! Yé gbò sàhnó-á me Moyisi nê yõ, ñmò ye kɪ kyɪ lékàhle yé kõ.

46 Nmo tyí me Moyisi wãrkɪ sah n sébéynó soko. Gbı-à yé sò me sě ñmo yõ, yé náhki me sě rímo to yõ.

† 5:24 5.24 - Wey nê-á Yesu yo ásò soko yò ne ńkẽ: «Wäh wil te kũ soko, té min we.» Képah ále n wẽkɪ ne, tyípél-á yíkínó nê pi Liyel ànê névye wró, kũ-á kéle Liyel tyí tĩne. Nte Yesu yò sěnole, tyé-ńkẽ min tyàhnó-á kéle Liyel tyí tĩne.

47 Nte yé nâh fyò με sě ñmɔ tyi wârkínsàhnó yõ, sõ με yé kɪ fě sě ñmɔ welo yõ wé?»

6

Tówû ñgbě púnóle

1 Képah nâh, Yesu sɔkɔ Kalile yó-ñgbě kahnɩne. Pè tõ sõ kéle n ye Tiberiyadɩ yó-ñgběne.

2 Té Yesu-á gbíl nónó pɪ sɔkɔ à yámpú nónó de mɔ tówû we, sépi yinne, tówû ñgbě sõ me ñ sõ tẽ.

3 Képah sɔkɔ, Yesu με dɔkɔ kyɪ kõ tẽ yõlɪ yó yõ ànê ñ tõ sâhpúle.

4 Légbíne, Nsyifunɔ yõrɪ tyénó syáh sõ με de n te.

5 Té Yesu-á ñ yah yõ yah, à tówû ñgbě we pè me n pi ñ tnô. Képah tẽne, à Filipi piki yah ne, pé se kɪ we nyâh yõke dwe dwe tẽne kɪ tówû mè kõ pè kɪ yõ nɪ?

6 Nte fyâhnyahnó ye sõ Yesu n fyâh n yah Filipi fɔkɔle. Nkě, wâh sõ nê pɪ n pi, à sõ kè pĩ te.

7 Wâh yo sě, Filipi με à syah ne, deniye pó pló* lègbãm (200) fyé búrn dwénóle, kâh sõ yiki tyĩ tyĩ, kè nâh n yĩne n pi péle.

8 Képah sɔkɔ, Yesu tõ sâhpú sɔkɔ nê-á Simo-Pyerɪ gběndí Andrele, ñmɔ με yo Yesu tyí ne,

9 búrn† pló kwló ànê yěnkɔ pló nínó-á με dínpir yó tyí ásô. Nte sépi se kɪ tir nê pekɪ nékwínkí nópi dukù tyí nɪ?

10 Légbíne filkí sõ me dò nénpó. Képah sɔkɔ, Yesu με yo pé tyí ne pè no pól kõ pè kõ tẽ sétâh. Dibí népí kèyõ nínó kyegbãm (5 000) kénkõ ye sõ me pé sɔkɔ nénpó.

11 Képah sɔkɔ, Yesu με búrn nópi tɔkɔ, té wekɪ Liyel tyí, té sè dibi névyé tyí, nónó-á sõ me nénpó. Wâh yěnkɔ tɔ tɔkɔ, sěntě ó ye tõ à pɪ, té sè dibi no kõ, pé pól we pâh sõ me ké tyí sõ.

12 Pâh yõ tõ gbí nêne, Yesu με yo ñ tõ sâhpú tyí ne, pè sé téló tuke n mɔ, pè kâh n ye kèyâh n̄tẽ pɔ n yɪkɪ.

13 Búrn pló kwló táhnkwlɔnsàhnó nê tókù-á sõ me wũ tẽ, pè me sè kwel mɔ, tɔkɔnɪ gbõninó yĩne.

14 Névyé-á Yesu gbíl pínó we sě, pè ne: «Liyel těntò syínyo-ò nê-á sõ yĩne à pɔ kèkõyó, ñmɔ ye dí mène tótó.»

15 Képah sɔkɔ, Yesu pĩ ne pâh kɪ pɔ ne, pâh péwɔle n tẽ n kâhlɪ n pi yòtẽne. Kâh pɪ sě, à tõ yal pé tnô à sɔkɔ yõlɪ yõ ñ gblõy núkúnine.

Yesu kólóle yó-ñgbě yõtah

16 Té n̄ví lísyi-á pɔ nɔ, Yesu tõ sâhpú tiki yuku yó-ñgbě vyâh yah,

17 à kyɪ de krótókè yó sɔkɔ, à tyah n yuku yónkahnɩne, Kapernayumi kwil ñinne. Lékâh sõ me mɔ te, té Yesu nâh tñnì sõ me pɔ pé tnô.

18 Nte yâhpékè yó sõ me kõ me nine n fũ n dɔkɔ.

19 Képah sɔkɔ, pâh krótókè to kyɪ yĩni tẽ kílónó kwló kénkõ tyí, pè Yesu we à me n kɔ n pi yo yõtah pé krótókè ñinne. Kâh pɪ sě, tíkí pè tẽ.

* 6:7 6.7 - Deniyele, pó yó ye sõ kéle. Képah pó núkú kɪ sõ fě no nénúkù gbìyìkì núkú tò pínó danne.

† 6:9 6.9 - Sèmuɔ yó sõ me dénpéfâhkile pè n ye wɔrsɩle, képah mi ye sõ pè mɪ búrn mène.

20 Nte Yesu me yo mo pé tyí ne: «Ñmo ye, yé káh tíkí pi.»

21 Képah soko, pé sò me ké tyí ne pé à twah krótókè soko, té kè núkú yini tẽ yóngbalı tyí, nyãh-á sò pé n yuku.

Yesu ye yõkele, nê-á minne n kõ

22 Képah soko, dındalle tówû nê-á sò wũ pé níní mé-ńsah, pé kè kyomı we ne krótókè núkú ó-á níníne me. Nte Yesu tò sáhpú ó-á sò de ké soko à soko, Yesu to náh soko péle.

23 Té krótónè yısyó mó me wil Tiberiyadı kwil soko, me po n de nyãh soko-á sò Tẽ nğbẽ Yesu yõke toko té wekı Liyel tyí, té kéle tówû mè kõ pé yõ.

24 Nte tówû-á po pi gbı nêne ne Yesu náh me, ñ tò sáhpú to náh me nénpó soko, pé núkú de krótónè soko, à soko Yesu yáhnkõ-ńsah Kapernayumi kwil soko.

25 Képah soko, pãh kyı à we yó-nğbẽ kahnıne, pé à syah ne, kwó-ò dí, gbı nê se à po ásô ni?

26 Nte Yesu me pé syah ne: «Kègbıgbı tẽ yõ, mé kéle n yo yé tyí ne, yáh gbıl tyi nónó we, sépi-á nêne n wẽkı, képah yın náh yé n yah n kõ ńne dé! Yõke nê-á yé we yõ tõ, képah yın ye yé n yah n kõ ńmole.

27 Yé káh tõle n pi yõke yınne, nê-á kı n yıki n pi. Yé tõle n pi yõke yınne nê-á kı n tẽ n pi kúmm, té tyé-ńkẽ minne n kõ. Névi Pídı ye kı yé kõ n pi kéné yõkele, ñmo nê-á Sú Liyel kè wẽkı ne páh pé tórıle à kõ.»

28 Képah tẽne, pé à piki yah ne, tyi nónó se pé yıne pé pi, pé mó Liyel tò we pi ni?

29 Yesu me yo pé tyí ne: «Liyel-á nê tekı mo,† yáh kı sã ñmo yõ, képah ye Liyel tõle.»

30 Pé me yo ñ tyí ne, gbıl tir nê se ñmo kı pi pé wẽkı, pé kõ pé sã ñ yõ ni? Tir nê se à kı pi ni?

31 Pépi náh tãn-á yõke yõ gbẽnnı soko, nê-á pé n ye mãnne,§ à yıne sã-á kè wãrkı sah ne:

«À ye yõkele pé kõ pé yõ nê-á wil yınyõ.»*

32 Nte Yesu me ne: «Kègbıgbı tẽ yõ, mé kéle n yo yé tyí ne, Moyisi náh kõ yéle yõke mène nê-á wil yınyõ dé, ní Sú Liyel ye n kõ yéle yõke gbıle, nê-á n wil yınyõ.

33 Kéné yõke nê-á Liyel n kõ nê-á wil yınyõ à tiki po, képah ye minne kèkõyó névyele n kõ.»

34 Képah soko, pé ne pé yõtẽ, à yõke† mène péle n kõ gbımegbí kè.

35 Képah tẽne, Yesu me yo pé tyí ne: «Ñmo ye yõke mène, nê-á minne n kõ. Névi nê-á po ñmo tyí té sã ní yõ, kwekı ànê níkĩ náh tõ tẽ tẽ n yah n pi.

36 Té mé ye kè yo te yé tyí ne yáh ní we. Nte yé náh me sã ní yõ.

37-38 Ñmo náh wil yınyõ à tiki po ní dyo yıı tyi pi yınne dé! Nê-á tekı mo ńne, ñmo-á me nê tyí, képah pí-ńsah ye mé po. Képah ye, Sú Liyel-á nónó pólle ní kõ, pé kı po ní tyí. Té nê-á po ñmo tyí, mé náh à milki n pi pólle.

‡ 6:29 6.29 - Yesu-á ne Liyel-á ne páh kı nê tekı mo, ñ gbıy ye à n ye. § 6:31 6.31 - Mãnne, yıpóri pépér yó ye kéle lésõ Liyel n tiki n mo Yisrayel tãnne n kõ pé n pi yõkele, gbı nê-á lésõ pé me gbẽnnı soko. Yah n te Yálnó sébéy 16. * 6:31 6.31 - Yah n te Gbálnó 78.24. † 6:34 6.34 - Yõke nê tyí-á Yesu n yo ásô soko yò, min yõke ye. Té nónó-á n piki n yah ñne, pépi sò me n só ne kèkürkĩ yıı yõke tyí-á à n yo.

39 Té nê-á tekı mo nne, ñmo-á me nê tyí, képah ye yò ne nkê, páh nónóné n kō mé káh n ye pé soko yó ntě tyí ykı. Nte mé mó n po pé lékyı yilki mo gbı̀yìkì téy sòle.‡

40 Té yah, ñmo Sú-á me nê tyí, képah ye yò ne, névi nê-à n yah mo ñmo ònne, ñmo nê-á Pídíne, té sê n yõ, tẽ tyé-ńkê min we, té ñmo mó tẽ lékó yilki mo gbı̀yìkì téy sòle.»

41 Képah soko, Nsyifuno tyah Yesu sèyòkèle n yo wẽ tyí, wáh sǒnpíle sò yo ne péwo-á yòkele, nê-á wil yinyõ à tiki po.

42 Pè sò me yo tũ ne, Nsyosefu pídí Yesu kó ñne ni? Ñmo nê-á pé n sú ànê yúne n pne, à se pi sò té po n yo nukúnúkú ne, páh wil yinyõ à tiki po ni?

43 Képah soko, Yesu yo pé tyí ne: «Yé káh n sèyòkèle n yo ye wẽ wró.

44 Ñnì yó ntě náh fẽ n po n pi ñmo tyí, né Sú Liyel nê-á tekı mo nne, ñmo náh tẽ yah tẽ. Té ñmo kı mó tẽ lékó yilki mo gbı̀yìkì téy sòle.

45 Kè me wárkínsàhnóle Liyel tẽntò syinyopu sébéynó soko ne: «Liyel kı pé pól kwó.»§ Nte névi nê-à Sú Liyel wey noh té n kwónó fẽ syi, tẽ n po ñmo tyí.

46 Nte ñnì yó ntě yí náh tẽ yah Sú Liyel yõ, à wil ñmo tyí soko, ñmo nê-á wil n tnô. Ñmo ó we ñne.

47 Kègbıgbı tẽ yõ, mé kéle n yo ye tyí, névi nê-à sê n yõ, tẽ kı tyé-ńkê min we.

48 Ñmo ye yòkele nê-á minne n kō.

49 Yé náh tãn ye yòke yõ gběnnı soko, yòke nê-á pé n ye mánne.* Nte képah fyé yõ, pé pól náh po ku di?

50 Té yòke nê tẽ wo-á n wil yinyõ à tiki po, névi nê-à képah yõ, tẽ náh tõ ku n yah n pi.

51 Ñmo ye yòkele, nê-á wil yinyõ à tiki po, té minne n kō. Névi nê-à kéne yòke yõ, tẽ kı tyé-ńkê min we. Yòke nê-á mé kı n kō n pi, n wil gběnsê ye. Mé ye kéle n kō ne, kèkõyó névye min we.»

52 Képah tẽ soko, yékâb ñgbẽ de Nsyifuno wró. Pè sò me n yo ne, dí mè se kı fẽ n wil gběnsêle pépi kō sò yòkele ni?

53 Képah soko, Yesu yo pé tyí ne: «Kègbıgbı tẽ yõ, mé kéle n yo ye tyí, yáh kı Névi Pídí wil gběnsê pí-ńkêne ye yòkele, té n tó pí-ńkêne ye wo wo kwâhle, ye náh min we n pi dé!†

54-55 Yòke kègbı ye ñmo wil gběnsêle, wo wo kwâh kègbı me n tónne. Képah ye névi nê-à ñmo wil gběnsê pi n yòkele, té n tó pi n wo wo kwâhle, tẽ ye tyé-ńkê min we. Té ñmo kı mó tẽ lékó yilki mo gbı̀yìkì téy sòle.

56 Névi nê-à ñmo wil gběnsê pi n yòkele, té n tó pi n wo wo kwâhle, tẽ kı me ñmole, té ñmo to kı me tẽne.

57 Sú Liyel nê-á tekı mo nne, ñmo ye min nétẽne. Ñmo me min soko ñmo gbò yõ. Sê ye névi nê-à n wil gběnsê pi n yòkele, tẽ kı me min soko ñmo gbò yõ.

‡ 6:39 6.39 - Gbı̀yìkì téy nê tyí-á n yo ásò soko yò, Liyel tukey tuke sò tyí ye kè n yo. § 6:45 6.45 - Yah n te Yesayi 54.13. * 6:49 6.49 - Yah n te Nsyõ 6.31. † 6:53 6.53 - Névi Pídí wil gběnsê ànê n tó nê tyí-á n yo ásò soko yò ne sáh kı pi yòke ànê wo wo kwâhle, sèmırkı ye Yesu mı pé tyí kéle, nê-á n wèkı ne ñmo-á sárká kèpópikile.

⁵⁸ Kéne yõke nê-á wil yinyõ à tiki pɔ yò, kè náh me núkúle ànê yé náh tãn-á nê yõ gbënni soko, pépi nónó-á ku soko. Nte névi nê-à képah yõ, tẽ ki tyé-ńkẽ min we.»

⁵⁹ Yesu kéne tyi yo gbí nê-á lésõ à me névyele n kwɔ Kapernayumi kwil, Nsyifunɔ Liyel ní-ńsah wòkò soko.

⁶⁰ Té Yesu-á welo nópi yo sã, ò tò sáhpú náhnáh tyah n yo wẽ tyí ne ńkẽ, ò tyi yónó nópi-á me tah dé! Nê se ki fẽ sè fẽ syi ni?

⁶¹ Nte Yesu-á pĩ ne pé tò sáhpú-á me pé sèyòkèle n yo wey mè tyí soko, à pé syah ne: «Kè se kãn pi yépi tɔle?

⁶² Té yãh pyẽ pɔ Névi Pídí we à yõ doko n soko wãh wil nyãh soko wé?

⁶³ Liyel Mirki ye min nétẽne, nòte tir nê me névi ki fẽ pekɔ ò gblɔy? Nmɔ-á welo nónó yo yé tyí, sè n wil Liyel Mirki tyí, té minne n kã.

⁶⁴ Nte tókù me yé soko, pé náh me sã ní yõ.» Té yah, à tɔkò ké tyah gbí dükù tyí, Yesu sò ò yõ sã-ńkẽpúle n pne, à tahlɔ nê tɔ-á ne pɔ à dahbi n pi gbò soko.

⁶⁵ Képah soko, Yesu tã ne: «Képah ye ní kã mé kè yo ne ńkẽ, ònî yó ntẽ náh fẽ n pɔ n pi nímɔ tyí, né Sú Liyel náh ké wẽkìle à kã.»

⁶⁶ A tɔkò légbí tyí, ò sò tẽpú náhnáh núkú pé syi ò náh, pé náh tã me ò sòle n tẽ.

⁶⁷ Képah soko, Yesu me yo ò tò sáhpú népí gbõnimí‡ tyí ne ńkẽ, té pépi-á dò, pé tɔ kó pé syi n pi ni?

⁶⁸ Nte Simo-Pyerɔ me ne ńkẽ: «Tyé-ńkẽ min welo nétẽ ye áwɔle, nê tyí me ápi ki tã yuku wé, Tẽ ògbẽ?

⁶⁹ Ápi tẽ wɔ sɛnó me á yò, ànê á pĩ ne áwɔ-á Liyel wilki sah ò tyí yõ.»

⁷⁰ Képah tẽne, Yesu tã yo pé tyí ne, péwɔ kó yah wilki péle népí gbõnimíne ni? Nte sétò-á pé soko nénúkù yóle.

⁷¹ Té Nsyudastɔ ye sò Yesu n ye, òmɔ nê-á Simo Yisikariyɔtɔ pídíne. Yesu tò sáhpú népí gbõnimí soko yó ye sò òne. Té òmɔ ye ki sò pɔ Yesu dahbi n pi gbò soko.

7

Yesu yúnpyé náh sã ò yõ

¹ Képah náh, Yesu sò me yõ soko n kɔ n kã Kalile gbënyah soko. Té Nsyifunɔ yõtã-á sò me n yah n kã ò kònmɔ-ńsahle Nsyude gbënyah soko sã, képah ye à náh tã sò me ké tyí ne, pé kɔ kã nénpó.

² Té Nsyifunɔ kènkãl sò syáh* sò me de n te.

³ Yesu yúnpyé† me yo ò tyí ne ńkẽ, à yal ásò, à mó yuku Nsyude gbënyah soko, ò sò tẽpú tɔ kã pé ò tyípinó we.

⁴ Nkẽ névi nê-à me ké tyí ne no pé dükù pĩ, tẽ náh ò tyile n pi sètìn sò soko. Té òmɔ-á tyi nónóne n pi yò, wãh yĩne à séle n pi n wilki n mɔ, no kã pé à we.

⁵ Nte Yesu yúnpyé ntẽ náh sò me sã ò yõ.

‡ 6:67 6.67 - Yah n te Likyi 6.13-16. * 7:2 7.2 - Nsyifunɔ kènkãl sò syáh mène, pé sò ńkẽne kè syah sèpìn kwärtónɔ, ò té ne n sã kènkãl sò. Képah sò pé dyɔle n to n kã pé yèvyãhrɔ pínóle gbënni soko, ànê Liyel-á pé yohni mɔ dükù nêne. Yah n te Levitiki 23.34. † 7:3 7.3 - Yesu yúnpyé nónó tyí-á n yo ásò soko yò, tókù sònɔ soko, ò kèkùrkí núkú gbãm ye à n ye. Té tókù sònɔ soko mó, ò kèkùrkí núkú gbãm náh à n ye.

⁶ Képah sɔkɔ, Yesu me ne ké gbĩ náh tǒnì se péwɔ tyí. Gbímegbí-á se me yínénóle pépi tyí té.

⁷ Kèkõyó névyé náh fě pépi dyɔ yo n pi. Nte pǎh me péwɔ wɔ dyɔle n yo, páh sǒnpíle kéle n yo n wah ne pé tyípínì náh me ple.

⁸ Pépi dɔkɔ n yuku kéne syáh sɔkɔ. Péwɔ tě wɔ tyí, ké gbĩ náh tǒnì se. Képah-á, pé náh n kyɪ n pi.

⁹ Wǎh képah yo te, à wũ Kalile sɔkɔ.

Yesu ménóle Nsyifunɔ kènkǎl sǒ syáh sɔkɔ, Yerusalemi kwil

¹⁰ Té ò yǐnpyé-á sɔkɔ te syáh mè sɔkɔ, òmɔ tɔ yuku nénpó nyáh sǒ. Té à náh sǒ ye névyé kǒ pè à we. A kè pɪ wǒbìnsɔkɔnɔle kanne.

¹¹ Té Nsyifunɔ yǒtǎm mó me òne n yah n kǒ syáh mè sɔkɔ, té me n piki n yah ne, nýǎh se òne nɪ?

¹² Képah sɔkɔ, tówû mè névyé tyah Yesu tyíle n yǎh tǒtò. Pé tókù sǒ me n yo ne négbí-á òne, tókù mó me n yo ne sě náh, òmɔ-á pyě n pilki névyele nkě.

¹³ Nte Nsyifunɔ yǒtǎm tíkí sǒ me pè tě. Kǎh pɪ sě, pé sɔkɔ yó ntě náh tě we ò yǒ wilki mɔ à yo Yesu tyí sɔkɔ.

¹⁴ Syáh mè sǒ me ké ntyó sɔkɔ,‡ té Yesu dɔkɔ pɔ Liyel ní-ńsah gbô sɔkɔ, à pɔ kwónóle n pɪ.

¹⁵ Té wǎh kwónó òne n pɪ, kè Nsyifunɔ yǒtǎm gbǎn du. Pè me tyah n yo wě tyí ne, dí mè se we nýǎh pnèno mè dùkùle nɪ? Té à náh se mó tǒ kǎrn ògbě pɪ.

¹⁶ Képah sɔkɔ, Yesu me yo pé tyí ne nkě: «Máh kwónóle n pɪ tyi nóno yǒ yò, òmɔ náh sǒ tě séle dé, Liyel nê-à tekɪ mɔ òne, òmɔ ye n wěkɪ séle.

¹⁷ Névi nê-à kè yah tɔkɔ ne pé Liyel dyɔ dyɔ tǔne n pɪ, tě wɔ ye kɪ fě ké gbɪ pǐ, Liyel-à kɪ nê wěkɪ òne séle, képah náh pɪ, ní yah yǐ kwónó-à kɪ ne mé n pɪ.

¹⁸ Névi nê-à ò yah yǐ tyíle n yo, ò gblǒy yǐn gbílkí-ńsah ye à n yah n kǒ. Nte névi nê-à me ké tyí ne pé tyi pól pɪ, pé tǒ-ò yǐn mó gbilki, négbí ye tǔne. Pílkí-ńsah náh me tě tyí pólle.

¹⁹ Moyisi náh Liyel tyi kònsàhnóle yé kǒ di? Nte yé sɔkɔ yó ntě náh se me n kɔ ké wěkɪ yǒ nɪ? Sǒ pɪ té yé n yah n kǒ òmɔ kònmɔ-ńsahle wé?»§

²⁰ Képah tǔne, tówû à syah ne sétõ-á me ò sɔkɔ, à kǒ à képahle n yo, nòte nê se ne páh òne n ko n mɔ nɪ?

²¹ Yesu me tǒ yo pé tyí ne: «Tyi núkú yó ó* náh mé pɪ, té yé pól gbǎn du yò di?

²² Moyisi náh mɔ yéle kòkè kòno sɔkɔ di? Nte òmɔ ntě náh tyah ké gbenne dò, ò náh tǎn ye tyah kéle. Té yé náh me píyíle n kǒ mɪ mɪ yòh sǒle di?†

‡ **7:14** 7.14 - Syáh nê tyí-á n yo ásô sɔkɔ yò, sèpìn kwártõnɔ ye sǒ kè n syah. § **7:19** 7.19 - Yah we Yesu képahle n yo, kè me yónóle Moyisi tyi kònsàhnó sɔkɔ ne nkě: «Káh nékókè mɔ.» Yah n te Yálnó sébéy 20.13, ànê Nsyõ 5.18. * **7:21** 7.21 - Yah n te Nsyõ 5.1-16. † **7:22** 7.22 - Liyel lésõ yégbékè kwrɔ mɔ Abrahamne té yo ò tyí ne, pè dínpì pólle n kǒ pé dúbinó sèpìn kwártõ-ò sǒnóle. Képah-á kɪ pɪ yégbékè kwrónmɔnɔ mè pókónmɔnɔle. Képah ye, lésõ-à sǒ pɔ yǐne mɪ mɪ yòh sǒle, Nsyifunɔ kéle n pɪ. Yah n te Yenesɪ 17.10-12.

23 Nte yépi-à kòkèlè n kō mɪ mɪ yòh sòlè, ne yé káh pɔ Moyisi tyi kònsàhnó dèl pɪ, sɔ pɪ té nímɔ-á névi yòtàhsyi pól de mɔ mɪ mɪ yòh sòlè, yé ní dyolè n yɔ wé?

24 Yé káh tyilè n wah à yĩne yí yáhnólè. Yé séle n wah gbɪ wěkì yõ.»

Yesu se Liyel ney yáhnɔkɔnɔlè?

25 Képah sɔkɔ, Yerusalemɪ tãn túkù sò me n yo ne níkě, dí nê-á sò pè n yah n kō ne pé ko mɔ, òmɔ kó yò nɪ?

26 Nte pè yah à n wɛkɪ tówù nɪyó, té pè náh me n vi n mɔ n tyí lé! Yòtãm se kɪ pyé me kè fě syi ne, òmɔ-á Liyel ney yáhnɔkɔnɔlè nɪ?

27 Té Liyel ney yáhnɔkɔnɔ-à sò nêne pɔ, névi náh n wíl-nsah pĩ n pi, nte pépi-á dí mè wíl-nsah pĩ dò.

28 Képah ye, Yesu-á me névyelè n kwɔ Liyel ní-nsah gbô sɔkɔ, à yo pé tyí yĩnpɔ ògběne ne: «Yé nne n pne, té ní wíl-nsah pĩ yé yo kè? Nte nímɔ náh pɔ ní gblɔy yõ sě dé! Liyel nê-á tekɪ mɔ nímɔlè, à me gbɪ ó n t̃ó, òmɔ nê-á yé náh nne n pne.

29 Nte nímɔ wɔ wil n t̃nô. Mé nne n pne, ànê òmɔ ye tekɪ mɔ nne.»

30 Képah t̃è sɔkɔ, pè tyah Yesu t̃è-nsahle n yah n kō. Té káh pɪ n gbĩ náh t̃nò sò me se sě, òñi yó ñt̃è náh t̃è we gbò tũ n tyí.

31 Nte tówù mè sɔkɔ névyè náhnáh sò me sě n yõ, té me n yo ne, té Liyel ney yáhnɔkɔnɔ-à sò nêne pɔ, à se kɪ pɔ gbíl tyi pɪ kɪ kal dí mè tyilè yò nɪ?

Liyel ní-nsah gbô syíkípú tékínmɔnɔlè ne pè kyɪ Yesu t̃è

32 Té tówù-á sò me tyi nónonè n yãh t̃òtò Yesu tyí sɔkɔ, sè pɔ we de Farisi wěkì kópú níkì sɔkɔ. Képah sɔkɔ, pépi ànê sárká syínwilkɪpu yòtãm me Liyel ní-nsah gbô syíkípú tekɪ mɔ ne, pè kyɪ Yesu t̃è.

33 Páh pɔ, Yesu me ne: «Nímɔ kɪ me yéle kɪ wró kwéy ó pɪ ñt̃ó,‡ té kɪ sɔkɔ ní tékínmɔ-ò t̃nô.

34 Nímɔ-á kɪ n me n pi ñyãh sɔkɔ, yépi náh fě n kyɪ nénpó. Képah ye, yé kɪ ní yah kō té yé náh ní we n pi.»

35 Wáh yo sě, Nsyifunɔ núkú tyah n yo wě tyí ne, ñyãh se òmɔ kɪ n yuku n pi, té pépi kɪ à yah kwɔ nɪ? Nkě pé no Nsyifunɔ nóno-á me karkɪ t̃è t̃è kō nékáhbí wró, pépi tyí se pyé à kɪ yuku, kɪ kyɪ nékáhbíle n kwɔ nɪ?

36 Nkě wɛlɔ nóno-á à yo yò ne níkě: «Nímɔ-á kɪ n me n pi ñyãh sɔkɔ, yépi náh fě n kyɪ nénpó, képah ye, yé kɪ ní yah kō, té yé náh ní we n pi.» Sépi kór se nêne nɪ?

Ni nê-á m̃inne n kō

37 Syáh gb̃ỹikì téy sòlè, nê-á pɪ ké gb̃ỹikì ògběne, Yesu yuku yĩn tówù sɔkɔ, té yo yĩnpɔ ògběne ne: «Níkì-à me nê t̃è, t̃è pɔ nímɔ tyí, à pɔ wɔ.Š

38 Névi nê-à sě nímɔ yõ, min yrey kɪ n fwo n wil t̃è sɔkɔ, s̃-á Liyel wey sébéy yo kéle.»

39 Liyel Mirki nê-á sò Yesu yõ s̃pú kɪ pɔ n we n pi, képah tyí ye sò Yesu n yo. Té légb̃ine, Yesu náh t̃nò sò me dɔkɔ n t̃órí yõ, képah ye Liyel náh t̃nò sò me n Mirkilè pè kō.

Yesu tyí-á gbékínó nê dahbɪ tówù wró

‡ 7:33 7.33 - Wey mè yóntenɔ náh, Yesu níwóló kénúkò kénkò pɪ, té pè à syɪ dahɪ yõ, à à ko mɔ.

Š 7:37 7.37 - Syáh mè sɔkɔ, pè sò níkène pé dyolè n to n kō nɪ tyilè, Liyel-á lésò nêne péle n kō gb̃nnɪ sɔkɔ. Képah ye Yesu kō à ne níkì-à nê t̃è, t̃è pɔ wɔ péwɔ tyí.

⁴⁰ Tówû-á Yesu wey mè noh te, tókù tyah n yo ne nkě, Liyel tẽntò syínyo-ò* nê-á pé syíkú tẽ, ñmò-á dí mène tótó.

⁴¹ Tókù mó ne, Liyel-á nê yah tókò, ñmò-á. Té tókù tẽ wò mó ne, Liyel ney yáhntókò† se kí fẽ wil Kalile gběnyah sòkò nı?

⁴² Kè kó me yónóle Liyel wey sébéy sòkò ne nkě, wáh kí pí yòtẽ dí Davidi pétóbé sòkò yóle, té kí n dubi n pí Betlemı kwil,‡ képah nê sòkò-á Davidi dubi dí?

⁴³ Képah sòkò, névyè sòno pí sé tyí tyíle Yesu tyí sòkò.

⁴⁴ Tókù sò me n yah n kò ñ tẽ-ńsahle, ñte ñnı yó nítẽ náh tẽ we gbò tũ ñ tyí.

⁴⁵ Képah sòkò, Liyel ní-ńsah gbò syíkípú pé syı sòkò sárká syínwilkıpu yòtãm ànê Farisi wěkì kópú tnô. Pèpi me pè piki yah ne, sò se pí té pè náh Yesu tẽ pò nı?

⁴⁶ Pè me pè syah ne, dí mè wey kénkò náh me pólle.

⁴⁷ Képah tẽne, Farisi wěkì kópú ne, è, pè se pyé ye à kò à pé tò yò yıkı nı?

⁴⁸ Pè se yòtẽ yó, képah náh pí, Farisi wěkì kó-ò yó we yah à sê Yesu yò nı?

⁴⁹ Té káh tówû mè névyè tẽ wò léysi, pè náh Moyisi tyi kònsàhnóle n pne dò. Pé pól tyí-á yıkı.

⁵⁰ Té Farisi wěkì kópú nópi sòkò yó sò me pè n ye Nikodemıne, nê-á kyı wil yah Yesu tyí sò yóle.§ Ñmò me yo pé no tyí ne:

⁵¹ «À yĩne ápi tyi kònsàhnóle, á se yĩne à lékàhle névi kò, né á náh ñ vyáh wey noh, té pĩ tyi nóno-á à pí?»

⁵² Képah sòkò, pé no à syah ne, è, Kalile gběnyah ney se ñ tóle té à n wekì sê nı? Nkě, à Liyel wey sébéy tókò n sohlı n yah, wáh kí kè we ne, Liyel tẽntò syínyo-ò yó nítẽ náh n wil Kalile gběnyah sòkò.

⁵³ [Képah náh, pé pól karkı sòkò pé fné sòkò.

8

¹ Ñte, Yesu wò mó sòkò Wolivi yèh yòlı yò.

Fòfınpı pí yó tẽnpònole Yesu tyí

² Té dındal séngbò púpúle, Yesu tũ ñ syı pò Liyel ní-ńsah gbò sòkò, té no pól me pò ñ tnô. Á me kò tẽ à tyah péle n kwò.

³ Wáh me kwónó sòkò, Liyel tyi kònsàhnó kwópú ànê Farisi wěkì kópú me pò sê fòfınpı yóle ñ tyí. Pè pò pí mè sah tówú nıyó Yesu yah,

⁴ té Yesu syah ne, kwó-ò dí, páh pí mè we tẽ fòfıkì pínó sòkò tótó.

⁵ Té Moyisi-á kè yo sah ñ tyi kònsàhnó sòkò ne, sěnkò sê-á yĩne minkònóle dyèhle.* Té ñmò-á dò, ñmò se ne sò-á nı?

⁶ Pè sò me képah tẽne n yo sê, ne wáh kí pilki pé lékàh we à kò.† Ñte Yesu me ñ yò sıńki, té tyah n wårkı sétáh sòkò ñ kèngbòle.

⁷ Káh pí sê, pè tũ me yò sòkò ñne n gbah n piki n yah. Képah tẽne, à me ñ yò yò té yo pé tyí ne: «Yé sòkò ney nê-à kí me à náh tyípekè pí yah pólle, tẽ wò dáhkıle pí mè min gbenne.»

* **7:40** 7.40 - Yah n te Nsyõ 1.21 ; 6.14. † **7:41** 7.41 - Yah n te Krista tyí yah yónó sòkò. Kè kí we welo yah yónó sòkò. ‡ **7:42** 7.42 - Yah n te Mise 5.1. § **7:50** 7.50 - Yah n te Nsyõ 3.1-21. * **8:5** 8.5 - Yah n te Tõnyono 22.22. † **8:6** 8.6 - Pílkıntẽ-ńsah ye sò pè n yah n kò Yesule. Wáh kí ne pè à min ko dyèhle, Wrome tãn dèl ye à pí. Wáh kí mó tũ yo ne pè à fin mò, à Moyisi tyi kònsàhnó dèl pí.

⁸ Képah yóntenɔ náh, à tǔ ñ yõ sǎnki à tyah n wǎrki sétáh sɔkɔ.

⁹ Pǎh képah tǔ noh sǔ, pè tyah n sɔkɔ núkú núkúle, à tɔkɔ lékǎlɔ ñngbò tyí, pópó à pɔ gbàh sah Yesu ànê pi mè ó tyí nénpó.

¹⁰ Képah sɔkɔ, Yesu me ñ yõ yõ té yo pi tyí ne, nónó-á pɔ tɔkɔ à kǔ, ñyǎh se péle ni? Pé sɔkɔ yó ñtǔ kó à mɔ kǔ kǔ ni?

¹¹ Pi me ne, pé yǔtǔ, ney náh pé mɔ kǔ kǔ. Képah sɔkɔ, Yesu me ne: «Ñmɔ tɔ náh ñ mɔ kǔ kǔ n pi. Ne n yuku; té à tɔkɔ núkúnúkú tyí, káh n tǔ tyípékè pi n yah.»]

Yesu ye kèkǔyǔ kyòole

¹² Képah náh, Yesu tǔ yo névyé tyí ne: «Ñmɔ ye kèkǔyǔ kyòole. Névi nê-à ñmɔ sǔ tǔ, tǔ náh tǔ n kɔ n pi fǔntǔ sɔkɔ. A ki kyòò we, nê-á ki minne à kǔ.

¹³ Képah sɔkɔ, Farisi wǔkǔ kópú à syah ne, nê se ki sǔ ñ tyíyónó yõ ni? Ñmɔ ó kó ñ gblǔy tǎrfyòle yò ni?‡

¹⁴ Yesu me yo pé tyí ne ñkǔ: «Gbǔ tǔ wɔ ye ñmɔ ye ñ gblǔy tǎrfyòle ó, ñte ñmɔ ñ wǎl-ñsahle n pne, té ñ yúkú-ñsahle n pne. Képah ye, máh tyi nónó yo ñ gblǔy òkù tyí sɔkɔ, gblɔ ye séle. Té yépi náh ñ wǎl-ñsah pǔ, yé náh se mó tǔ ñ yúkú-ñsah pǔ.

¹⁵ Yépi tǔ wɔ lékǎhle névyéle n kǔ à yǎne névi yǔtǎhsyi sǔnɔle. Ñte ñmɔ wɔ náh lékǎhle ñnǔ yó ñtǔne n kǔ.

¹⁶ Té káh se pɔ pi mé yǎne mè lékǎhle ñnǔ kǔ, mé náh kéle à kǔ n pi ñ gblǔy. Sú Liyel nê-á tekǔ mɔ ñne, á ki kéle à kǔ wǔ tyí ñmɔle. Képah ye, ñ lékǎh kǔnó ki pi gbǔ wǔkǔ yõ.

¹⁷ Kè náh me wǎrkǔnsǎhnóle yé tyi kǔnsǎhnó sɔkɔ ne, népǔ ními-à pi tǎrfyòle tir nê sɔkɔ, gbǔ-á kéle di?§

¹⁸ Ñmɔ me ñ gblǔy tyíle n yo, té Sú Liyel nê-á tekǔ mɔ ñne, ñmɔ tɔ me ñ tyíle n yo.»

¹⁹ Képah sɔkɔ, pè Yesu syah ne, ñyǎh se ñ sǔle ni? Yesu me ne: «Yé náh ñmɔle n pne, yé náh ñ Sú tǔle n pne. Yǎh sǔ me ñne pne, yé náhki ñ Sú tǔ pǔ.»

²⁰ Yesu sǔ me kwónóle n pi Liyel ní-ñsah gbô fǔ yó sɔkɔ, ñyǎh-á ké pó kyésúkúle, té tyi nópi yo. Ñte ñ gbǔ náh tǔnǔ sǔ me se, képah ye ñnǔ yó ñtǔ náh tǔ we à tǔ.

Gbáhdyǎh ðinóle Yesu yõ sǔ-ñkǔpú tyí

²¹ Képah náh, Yesu tǔ yo tówú tyí ne: «Ñmɔ ye n sɔkɔ yò. Yé ki ñ yah n kǔ n pi, ñte yé ki ku yé tyípékè sɔkɔ. Ñmɔ-á n yuku ñyǎh, yépi náh fǔ n kyǔ n pi nénpó.»

²² Képah sɔkɔ, Nsyifunɔ ne, ñte ñ gblǔy ko mɔ dékè se ki pyè me à tǔ ni? A kǔ à n yo ne, pépi náh fǔ n kyǔ n pi péwɔ yúkú-ñsah sɔkɔ.

²³ Yesu me yo pé tyí ne: «Yépile, sétáh yõ névyé ye yéle, té ñmɔ wɔle, ñmɔ wil yǎnyõ. Kèkǔyǔ mè névyé ye yépile, ñte ké névi náh ñmɔ wɔle.

‡ 8:13 8.13 - Nsyifunɔ tyi kǔnsǎhnó sɔkɔ, né tǎrfyò névyé náh nɔ nímine tir nê tyí, kéne tir náh n mɔ n kǔ. Yah n te Tǔnyonɔ 17.6; Matye 18.16. § 8:17 8.17 - Yah n te Tǔnyonɔ 17.6.

24 Yáh we mé kéle n yo yé tyí ne yáh kɪ ku yé tyípêl sɔkɔ, yé náh me sê ké yõ ne, Nmɔ-á,* képah ye ní kɔ mé ne yáh kɪ ku yé tyípêl sɔkɔ.»†

25 Képah sɔkɔ, pè à piki yah ne, nê tẽ ó se ñmɔle ni? Yesu me yo pé tyí ne: «Mé sò kè yo te yé tyí ké tyah gbí òkùle.

26 Tyi náhnáh me ní tyí yo yo tẽne yé tyí sɔkɔ ànê kɪ lékàhle yé kɔ. Nte máh nê noh ní tékínmɔ-ò tyí, képah ó ye mé n yo yé tyí. Nmɔ ye gbɪ nètẽne.»

27 Nte pépi náh sò me pĩ ne, Sú Liyel tyí-á Yesu n yo pé tyí.

28 Képah sɔkɔ, Yesu yo pé tyí ne: «Yáh pɔ Névi Pídí yõ òkɔ gbí nêne, yé kɪ pĩ ne Nmɔ-á. Té kɪ tɔ pĩ ne mé náh tir yó ntẽne n pɪ ní yah yíine. Sú Liyel-á tyi nónoné ní kwɔ, sépi ó ye mè n ne n yo.

29 Nê-á tekɪ mɔ ñmɔle, mé me ñ dyɔ yíi tyile n pɪ gbímeɓbí, képah ye à me ñne, à náh ní sah n pɪ ní gblɔy.»

30 Yesu-á me képah yónó sɔkɔ gbí nêne, névye náhnáh sê ñ yõ.

Nónó me Abrahamɪ pétóbéle tótó?

31 Képah tẽne, Nsyifunɔ nónoné-á sò sê Yesu yõ, à me yo pé tyí ne: «Yáh kɪ me ñmɔ tyíyónó wèkɪle n kɔ, ní tò sáhpú kègbɔ ye yéle.

32 Yé kɪ gbɪle n pne, té kene gbɪ kɪ yé wilki yõri sɔkɔ.»

33 Képah sɔkɔ, pè me Yesu syah ne, Abrahamɪ pétóbé-á pépile. Pépi náh pɪ yah ñnì yó ntẽ yõbɪle pólle. Nte à se sɔnpíle n yo ne, pépi-á kɪ wil yõri sɔkɔ ni?

34 Yesu me yo pé tyí ne: «Kègbɪgbɪ tẽ yõ, mé kéle n yo yé tyí, névi nê-à tyípékèle n pɪ, tyípékè yõ ye tẽne.

35 Yõle, ñ yòtẽ dí gbô sɔkɔ tẽ-ò kúmm náh ñne. Nte yòtẽ dí pídí tẽ wɔle, ñ sú gbô sɔkɔ tẽ-ò kúmm ye ñmɔle.

36 Képah ye, Liyel Pídí-à yé wilki yõri sɔkɔ, yé kɪ me yé gblɔy yõ kègbɪ tẽ yõ.

37 Mé pĩ ne Abrahamɪ pétóbé-á yéle. Nte yáh ñmɔ wɔle yahle, képah ye yé kɔ yé n yah n kɔ ní kònmɔ-ñsahle.

38 Nmɔ-á nê we ní Sú Liyel tyí, képah ye mé n yo. Yépi tɔ-á mó tyi nónoné noh yé sú tyí, sépi ye yé n pɪ.»

39 Páh Yesu wey noh sê, pè à syah ne, Abrahamɪ-á pépi súle. Képah sɔkɔ, Yesu ne: «Yáh sò me Abrahamɪ pétóbéle, yé náhkɪ me Abrahamɪ tyípínne n pɪ.

40 Nte núkúnúkú, ñmɔ nê-á gbɪ noh ní Sú Liyel tyí à yo yé tyí, yé n yah n kɔ ñmɔ kònmɔ-ñsahle. Abrahamɪ náh sɛnkɔ pɪ ò.

41 Yépile, yé sú tyípínó ye yé n pɪ.» Képah tẽne, pè à syah ne, fòfíkì‡ pínó sɔkɔ náh pépi dubi dé! Nkẽ Sú núkú ó-á pépi tyí, nê-á Liyelle.

42 Yesu me yo pé tyí ne: «Liyel tyí ye ñmɔ wil à pɔ. Nmɔ náh pɔ ní gblɔy yín yõ dé! Nmɔ ye tekɪ mɔ ñne. Nte Liyel-à sò me pɪ yé Súle kègbɪ yõ sɔkɔ, ñmɔ tyí náhkɪ me nɔ yé tyí.

43 Yé yahle ní wɔle nóhnóle, képah ye yé náh ní wɔle syíkí-ñtân pĩ.

44 Yépi súle, sétân yòtẽ ye ñne. Nmɔ dyɔ yíi tyi ye yé me ké tyí ne yé n pɪ. Nékokè mó-ò ye ñne ñgbò òkùle. Wáh pɪ gbɪ náh me ñ sɔkɔ, à náh

* **8:24** 8.24 - Nmɔ-á nê tyí-á n yo ásò sɔkɔ yò, Liyel ñgbò ye lésò ñ gblɔy ye Nmɔ ye Nmɔle. Té Yesu tɔ-á pɔ ñ gblɔy ye Nmɔ yele, képah kéle n wèkɪ ne Liyel-á ñne. Yah n te Yálnó 3.14. † **8:24** 8.24 - Kú nê tyí-á Yesu yo ásò sɔkɔ yò, kú gbɔy tyí náh à n yo, Liyel tyí ñn kú tyí ye à n yo. ‡ **8:41** 8.41 - Liyel wèkì kó-ñkè pépeyne, Liyel wey kéle n tókɔ n sáh fòfíkì pínóle.

mó gbɪ wě̀kìlɛ n kɔ pólɛ. Wǎh pɪ mìnì yó-òlɛ, wǎh mìnìne n yo, ǎ kélɛ n yo à yĩne n gblɔy kèdùkùlɛ. Mìnì yónó yõ wil ñmɔ tyí.

⁴⁵ Nte ñmɔ tẽ wɔlɛ, ñmɔ gbɪlɛ n yo, képah ye yé náh me sã ní yõ.

⁴⁶ Yépi sɔkɔ nê tẽ kɪ fẽ kè wě̀kɪ ne máh tyípékè pɪ? Nte máh gbɪlɛ n yo, kwâh nê pɪ té yé náh sã ní yõ?

⁴⁷ Liyel tyí névi-à névi nêne, ñmɔ Liyel weyne n noh n tẽ n yĩn. Nte Liyel tyí névyé náh yépile, képah ye yé kɔ yé yahle sé nóhnólɛ.»

Yesu me Abrahamɪ yah

⁴⁸ Képah sɔkɔ, Nsyifunɔ Yesu syah ne, gbɪ kó me pé tyí pé yo ne, Samari ney-á ñne, ànê sétõ-á me n sɔkɔ nɪ?

⁴⁹ A me yo pé tyí ne: «Sétõ náh me ñmɔ sɔkɔ. N Sù Liyel ye mé n gbilki, té yépi me ñmɔlɛ n yilɔ.

⁵⁰ Ñmɔ náh me n yah n kɔ ní gblɔy gbilkí-ńsahle dé. N gbilkí-ò n gblɔy ñmɔlɛ. Ñmɔ ye gbɪ syínkɔ-òlɛ. §

⁵¹ Kègbɪgbɪ tẽ yõ, mé kélɛ n yo yé tyí, névi nê-à n sah ñmɔ yóré yõ, tẽ náh kũ dɔ n yah n pi pólɛ.»*

⁵² Képah sɔkɔ, Nsyifunɔ à syah ne, páh pyě kè pĩ yíi núkúnúkú tẽne ne sétõ-á me n sɔkɔ. Abrahamɪ-á ku, Liyel tẽntõ syínyopu tɔ me ku. Nte ñmɔ pɔ n yo ne, névi nê-à n sah péwɔ yóré yõ, tẽ náh kũ dɔ n yah n pi nɪ?

⁵³ Pépi sù Abrahamɪ-á ku. Nte ñmɔ se me n sɔ ne páh kal Abrahamɪne nɪ? Liyel tẽntõ syínyopu tɔ me ku. Té ñmɔ tẽ se me n gblɔyne n yah nédúkú nêne nɪ?

⁵⁴ Képah sɔkɔ, Yesu yo pé tyí ne: «Máh náhkɪ sò me ní gblɔyne n gbilki, yõ náh me gbilkínó mè tyí. Nte ní Sù Liyel ye n gbilki ñne, ñmɔ nê-á yé ne, yé Liyel-á ñne,

⁵⁵ té yé náh se mó tõ me ñne n pne. Nte ñmɔ wɔ ñne n pne. Máh sò me yo ne, mé náh ñne pne, mé náhkɪ pɪ mìnɔyole yé tyí kólɛ. Nte ñmɔ ñne n pne, té me n sah n yóré yõ.

⁵⁶ Yé sù Abrahamɪ sò me nìvìnì sɔkɔ ne, pé ñmɔ pɔ sò gbɪyìkɪ we. A me pɔ kè we, kè pɪ nìvìnìne n tyí.»

⁵⁷ Képah sɔkɔ, Nsyifunɔ me à syah ne, ñmɔ náh tɔnì ye tikiníní pɔ gbãm we, té ne páh Abrahamɪ we nɪ?

⁵⁸ A me yo pé tyí ne: «Kègbɪgbɪ tẽ yõ, mé kélɛ n yo yé tyí, Abrahamɪ-á pópó n dubi, Ñmɔ me.»

⁵⁹ Wǎh képah yo sã, pé núkú dyéh kwel n tyí ne páh ñne n minkɪ. † Nte à me wõbɪ à wil Liyel ní-ńsah gbô sɔkɔ à sɔkɔ.

9

Yítũ dí yó yí yíkínmɔnɔlɛ

¹ Sõ yólɛ, Yesu sò me n kɔ n sɔkɔ té dí yó we, nê-á sò me yítũne n dubi gbí dükùlɛ.

² Képah sɔkɔ, Yesu tò sáhpú à piki yah ne, pé kwó-ò dí, sã se pɪ té dí mè dubi yítũne nɪ? Ñmɔ tyípékè pínó se, tũ n dúbípú tyí se?

§ 8:50 8.50 - Gbɪ syínkɔ-ò nê tyí-á n yo ásô sɔkɔ yò, Liyel ye. * 8:51 8.51 - Kũ nê tyí-á n yo ásô sɔkɔ yò, yah n te 8.24. † 8:59 8.59 - Liyel tyi kónsáhnó wě̀kɪ sɔkɔ, névi nê-à yo de Liyel tyí, pé yĩne pé tẽ min ko dyéhle.

3 A me yo pé tyí ne: «Ñmɔ, kɛpah náh pi ñ dúbípu tyípékè pínó náh à kɔ à dubi yítũne dé! Kè ye pi Liyel tyípinì wɛki yinne ñ sɔko.

4 Nê-á tekɪ mɔ rímɔle, tyah kyòo sɔko ye á yĩne à tòle n pi ñ tyí. Nkě lékâh me n pi, nê sɔko-á ney náh fẽ tò pi n pi.

5 Máh fyò me kèkõyó sɔko, ñmɔ ye kèkõyó kyòole* ní me gbí pól sɔko.»

6 Wáh kɛpah yo te, à sɪn mɔ sétáh té kè fãh à kele yítũ dí yí yah.

7 Té me yo ñ tyí ne à kyɪ ñ yah wu pékì tũnsàhnó yó ni sɔko, nê-á pè n ye Silowe. Silowe kór ye Tɛntò névile. Yítũ dí me sɔko à kyɪ ñ yah wu nɛnpó. Wáh ñ syɪ n pi gbí nɛne, à sò me n yah.

8 Kɛpah sɔko, ñ tnô tɛpu ànê nónó-á ríkɛne ñne n we à n ne me n ni n syi, pãh à we pè me yo tũ ne, dí mè kó ríkɛne n kɔ n tɛ ne n ni n syi yò ni?

9 Túkù ne ñmɔ-á, túkù mó ne ñmɔ náh, yãh nkô-á à tɔ. Pãh me kɛpah sɔko, dí me yo pé tyí ne péwɔ-á tótó.

10 Wáh yo sɛ, pè me à piki yah ne, ñ yí se pi sɔ té yiki mɔ ni?

11 A me yo pé tyí ne, dí nê-á pè n ye Yesule, ñmɔ-á fãhkì pi, té kè kele pé yí yah, té ne pé kyɪ pé yah wu Silowe yo sɔko. Pé me sɔko kyɪ pé yah wu nɛnpó, pé me fẽ n yah.

12 Pè me à syah ne, kéné dí se me rýãh ni? A me ne pé náh pĩ.

Farisi wɛkì kópú-á sóhlinyahnɔ nê pi yítũ dí yí yíkinmɔnɔ tyí sɔko

13 Kɛpah sɔko, yítũ dí nê yí-á yiki mɔ, pè à tɛ pɔ Farisi wɛkì kópú tyí.

14 Té mɪ mɪ yòh sò ye mó tɔ lésò Yesu fãhkì pi à dí yí yiki mɔ.

15 Kɛpah sɔko, Farisi wɛkì kópú dí piki yah ne, sɔ se kè pi té à fẽ n yah núkúnúkú ni? A me yo pé tyí ne, fãhkì-á à pi kele pé yí yah, té pé me kyɪ pé yah wu, pé me fẽ n yah.

16 Kɛpah tɛne, Farisi wɛkì kópú túkù sò me n yo ne ríkɛ, dí mè náh fyò me mɪ mɪ yòh tɛ dɛlle n tɛ, kɛpah-á n wɛki ne à náh wil Liyel tyí.† Nte pé túkù mó me n yo ne, tyípèl pí-ò se kɪ fẽ gbìl nópi dùkù pi sɔ ni? Kãh pi sɛ, pé sònɔ pi sé tyí tyíle.

17 Pè me tɔ pé syɪ dí mè syah ne, nê-á yiki mɔ ñ yíle, ñmɔ se kɪ yo sɔ tɛ tyí sɔko ni? Dí me ne, Liyel tɛntò syinyo-ò-á ñne.

18 Nte Nsyifunɔ yòtãm náh sò me ké tyí ne pé sɛ ké yò ne, yítũ-á sò ñne, té núkúnúkú à me n yah. Kãh pi sɛ, pè ñ dúbípu ye pɔ,

19 à pɔ pè piki yah ne, pépi pídí se dí mène ni? A se dubi yítũne ni? Nte à se pi sɔ té fẽ n yah núkúnúkú ni?

20 Ñ dúbípu me yo pé tyí ne, pãh pĩ ne pépi pídí-á ñne; wãh dubi yítũne.

21 Nte tir nê tɛ wɔ-á pi té à fẽ n yah núkúnúkú, pépi náh kɛpah wɔ pĩ, pé náh se mó tɔ pĩ nê-á yiki mɔ ñ yíle. Nkě pè à piki yah, wɛnpir náh tɔ ñne; wãh kɪ fẽ ké yah yo ñ gblɔy.

22 Nsyifunɔ yòtãm tiki sò me pè tɛ, kɛpah ye pè kɔ pè n wɛki sɛ. Nsyifunɔ yòtãm sò me ké yo sah te ne, névi nê-á kɪ ne Liyel ney yãhntɔkɔnɔ-á Yesule, tɛ-á kɪ yĩni wilki pépi wɛkì sɔko.

23 Kɛpah ye, ñ dúbípu kɔ pè ne, wɛnpir náh tɔ ñne, pè à piki yah.

* 9:5 9.5 - Yah n te Nsyõ 8.12. † 9:16 9.16 - Yáh we Farisi wɛkì kópú túkù ne Yesu-á me mɪ mɪ yòh dɛlle n pi, pépi tɛ sònɔ sɔko, wãh névi de mɔ mɪ mɪ yòh sóle, tò ye á pi.

24 Képah sɔkɔ, Farisi wěkì kópú tǒ dí mè ye yah ke ní-òle nê-á lésõ yítũne, té yo ò tyí ne, ké Liyel wěkì tẽ yõ, à gbɪ yo pé syah. Pépi-á pĩ ne ò yí yíkínmɔ-ò dí mène, tyípêl pí-ò-á òne.

25 Dí me ne, pé náh pĩ tyípêl pí-ò-à kɪ nê òne dé! Tyínúkú ó-á péwɔ n pne: Yítũ-á sò péle, òte núkúnúkú páh me n yah.

26 Pè me à piki yah ne, tir nê se Yesu pi ò tyí ni? Dùkù nê se à yɪkɪ mɔ ò yíle ni?

27 Dí me ne, páh sò kè yo te pé tyí, té pè náh pé níkí sah kè noh. Nte sò se té pè tǒ me ké tyí ne, pé kè yo pé noh ke ní-òle ni? Pépi tó se pyě me n yah n kǔ ne, pé pi ò tǔ sáhpuìle ni?

28 Képah tẽ sɔkɔ, pè tyah òne n gbyɔ, té ne níkě, òmɔ-á kéne dí tǔ sáh-òle dé! Pépi tẽ wɔle, Moyisi tǔ sáhpuì-á pépile.

29 Páh pĩ ne Liyel-á yo mɔ Moyisi tyí.‡ Nte dí mène, pé se ò wìl-nsah òtẽne n pne ni?

30 Páh yo sě, dí me yo pé tyí ne, é! Té képah-á pyě pi gběndùnne yò sǔ. Pépi náh ò wìl-nsah pĩ pè yo. Nte wáh péwɔ yí yɪkɪ mɔ dé!§

31 Pé pól-á pĩ ne, Liyel náh tyípêl pí-ò níriìle n tẽ. Nte névi nê-à pi négbíìle, té Liyel dyɔ yí tyile n pi, à tẽ wɔ níriìle n tẽ.*

32 Nte kèkǔyó-á me sǔ, pépi náh kè noh yah ne, ònî-á yítũ yó yí yɪkɪ mɔ, nê-á dubi yítũne dé!

33 Dí mè-à sò me wìl-òkẽne Liyel tyí, à náh náhki fě tir yó òtẽ pi n pi dò!

34 Képah tẽne, pè à syah ne, òmɔle dubi ò tǔ tyípékè ó sɔkɔ, té òmɔ kɪ pɔ ne páh pépile n kwɔ ni? Té núkú à yíni wilki kégbó.

Nónó-á yítũbile Liyel tyí òinne

35 Képah sɔkɔ, Yesu-á kè noh ne páh dí yíni, à kyɪ à yohnɪ té à piki yah ne: «Á se sě Névi Pídí yǔ?»

36 Dí me ne, pé yǔtẽ, nê se Névi Pídí mène ni? A ò tyí yo pé syah, pé kǔ pé we sě ò yǔ.

37 Képah tẽne, Yesu me yo ò tyí ne: «Á ye à we te. Nmɔ ye n yáh ále núkúnúkú yò.»

38 Dí-á képah noh sě, à ne páh sě ké yǔ, Tẽ ògbě. Té me gbètukunɔ di Yesu yah, à à gbilki.

39 Képah sɔkɔ, Yesu ne: «Gbɪ wah yín ye òmɔ pɔ kèkǔyó mè sɔkɔ; ne yítũbi yí yɪkɪ mɔ, té nónó-á me n yah pépi pi yítũbile.»

40 Képah sɔkɔ, Farisi wěkì kópú nónó-á sò me ànê Yesule, pépi-á welo nópi noh, pè Yesu piki yah ne, òte yítũbi se pyě pépi tǔle ni?

41 Yesu me yo pé tyí ne: «Yáh sò me yítũbile, tyípékè náh náhki n me n pi yé yǔ. Nte núkúnúkú yé ne yáh me n yah, képah ye yé tyípékè me yé yǔ.»

‡ 9:29 9.29 - Liyel yáhki yáh Moyisile, wáh ò tyi kònsàhnóle òne n kǔ gbí òne. Yah n te Yálnó 33.11; Yáhnó 12.8. § 9:30 9.30 - No nópi me n yo ásò sɔkɔ ne, pépi náh Yesu wìl-nsahle n pne. Nte kè mó tǔ me yónóle Yesayi 35.5 ; 42.7 sɔkɔ ne níkě, Liyel ney yáhntokunɔ-á kɪ yɪkɪ mɔ yítũbi yíle. Nénpó sɔkɔ, pè sò yíne pè pĩ ne Yesu-á Liyel ney yáhntokunɔle. * 9:31 9.31 - Yah n te Sèmìrn 15.29.

10

Képyénfě pèpeyne

¹ Képah náh, Yesu tǝ yo pé tyí ne: «Kègbıgbı tǝ yǝ, mé kéle n yo yé tyí, névi nê-à n dé-ńkēne képyénì tǝ yahle, té n dokɔ n de ké sokɔ ké gbòpo yóle, yǝnwó ye tǝne, névi yǝ syíkí-ò tǝ ñne.

² Nte nê-à n de ké yahle, képyénfě ye tǝ wole.

³ Tǝ syíkí-ò dí ké yah ykɪ n mo ñmo kǝ. N képyénì ñ yíne n pne.* Wàh de, ñ tyí-á képyénì nónóne, ǎ sé ye n wil sé ynine kégbó.

⁴ N képyénì-á ñ yíne n pne sǝ, képah ye wàh sé pól wilki mo te, à n yǝn sé yah, té sǝ ñ sǝ tǝ.

⁵ Nte sàh névi nê yíne n pnè-ńkēne, sè náh tǝ sǝle n tǝ pólle. Sè n to n gbe n mo fíí ñne ńtǝne.»

⁶ Yesu kéne sèmirkì yǝh tówù tyí, ñte pè náh ké kór pǝ.

⁷ Képah sokɔ, Yesu tǝ yo pé tyí ne: «Kègbıgbı tǝ yǝ, mé kéle n yo yé tyí, ñmo ye képyénì tǝ yahle.

⁸ Nónó pól-á ní dyàh tǝ po sokɔ te, yǝnwóbé ànê névye yǝ syíkípú ye péle.† Nte, képyénì náh mó fě syi noh pé tyí.

⁹ Ñmo ye dénsahle. Névi nê-à de képahle, tǝ kɪ pwah. Tǝ kɪ fě n de, té kɪ ñne n syi n wil kɪ ñ yǝkele n we.

¹⁰ Té yǝnwó wɔ-à n pi, yǝbe, ànê nékókè mónó, ànê yényèh pɪ yǝn ó ye à n po. Nte ñmo po ne névye min we, nê-á ple yǝí.

¹¹ Képyénfě pèpey ye ñmole. Kàh sǝ n no kǝ tyí, képyénfě pèpey n fě n syi ñ min kǝ ñ képyénì yǝnne.

¹² Nte pó yáhnkǝ-ò képyénfě tǝ wole, képyénfě kègbı náh ñmole dé! Ñmo yǝngbǝ tyí náh képyénì nópile. Képah ye, wàh fyò gbǝnpǝh we à n pi, à n to ñ té képyénì milki, à kǝ à n po n tǝ sé sokɔ, sé téló n mó n to n karkɪ.

¹³ Pó ó kókó ye ñmo n yah n kǝ dò. Yíkínó-à sǝ n pɪ képyénì sokɔ, ké náh n pɪ tirlɛ ñmo yah.

¹⁴⁻¹⁵ Képyénfě pèpey ye ñmole. Sǝ-á Sú Liyel ñne n pne, té ní to ñne n pne, sǝ ó ye, mé ní képyénìne n pne, sé to mó ñne n pne. Ñmo kɪ ní min kǝ ní képyénì yǝnne.

¹⁶ Képyénì tókù me ní tyí, nónó-á sè náh me tǝ mè sokɔ. Sè kɪ n noh n pi ní tyí. Mé yǝne mè n kyɪ sè yah n fě fě n po n kwrɔ n mo sè pɪ tǝ núkúle, képyénfě‡ núkú ó mó séle n fě.

¹⁷ Ñmo kɪ ní min kǝ kǝ sokɔ, té kɪ tǝ po kè syi n pi. Képah ye, ní tyí no Sú Liyel tyí.

¹⁸ Ney náh fě ní ko n mo n pi dé! Ñmo ye n kǝ ní minne ní gblǝy. Tǝnweno me ní tyí kɪ fě kè kǝ, tǝnweno tǝ me ní tyí kɪ fě kè syi ńtǝ. Sǝ ye ní Sú Liyel ne mé pɪ.»

¹⁹ Képah tǝne, Nsyifunɔ-á welo nópi noh sǝ, pé sǝno tǝ kah pɪ sé tyí tyíle.

²⁰ Pé náhnáh tyah n yo ne ńkǝ, sétó yó-á me ñ sokɔ, ñ yǝgbèkè kǝ kè yuku. Yǝ se tǝ me ké tyí, pè ñ welole n nohnɪ nɪ?

* **10:3** 10.3 - Nsyifunɔ tyí sǝ, képyénfěbı náhnáh sǝ ńkēne pé képyénìne n kwrɔ n mo n dah n mo n po tǝ núkú sokɔ, ñ té ñnı yó tokɔ n sah, ǎ séle n syikı lékǝhne yǝpú ànê gbǝnképèl yǝnne. Pé pól ńkēne yni sah pé képyénì kǝ. Pé képyénì pé yǝnole n pne. Tyah-à fyò dal, pé pé képyénìne n ye n wilki n po sé ynine. † **10:8** 10.8 - Yah n te Nsyeremi 23.1-2; Yesekyelı 34.2-10. ‡ **10:16** 10.16 - Képyénfě nê tyí-á Yesu n yo ásó sokɔ yò, ñ gblǝy ye à n ye.

21 Nte tókù mó ne nkě, yògbèkè yúkú-ò welo náh welo nópile dé! Yògbèkè yúkú-ò se kɪ fě yítú yí yíkɪ mɔ nɪ?

Nsyifunɔ tókù-á Yesu yahle òkù nêne

22 Képah sɔkɔ, kwòviri gbíne, syáh yó sò me n syah Yerusalemɪ sɔkɔ, nê-á Nsyifunɔ dyɔle n to n kò Liyel ní-nsah gbô tɔnsàhnsɔkɔnɔ tyíle.

23 Képah sɔkɔ, Yesu sò me n kɔ n kò Liyel ní-nsah gbô párn yó sò, nê-á pè n ye Salomo párnne.

24 Nsyifunɔ yísyó me pɔ à mɔ gbí té yo n tyí ne, à se kɪ pépi mɔ sah tòtò sɔkɔ, pópó kɪ pɔ nɔ gbí nê tyí nɪ? Nmɔ-à kɪ nê Liyel ney yáhtɔkɔnɔle, à kè yo n dal n mɔ pé syah kè!

25 A me yo pé tyí ne: «Mé kè yo te yé tyí, nte yé náh sě ké yó. Tyi nóno-á mé me n pi n Sú Liyel yin yó, sépi ye me n tyíle n yo n wah.

26 Nte yé náh pi n mɔ képyénine sě, képah ye yé kò yé náh sě ké yó.

27 Nmɔ képyénì tẽ wɔ n weyne n nohnɪ, mé séle n pne, ànê sě n sò tẽ.

28 Mé kɪ tyé-ńkě minne sè kò. Sé tyí náh n yíkɪ n yah n pi, ànê nni yó ntẽ náh fě sè tẽ n syi n gbò.

29 Nmɔ Sú nê-á séle n gbò dahbi, n mɔ kal yiyin pólle. Képah ye, nni yó ntẽ náh fě sè tẽ n syi n mɔ gbò sɔkɔ.

30 Nmɔ ànê Sú Liyel me núkúle.»

31 Képah tẽne, Nsyifunɔ tɔ dyêh tɔ ne páh Yesule n min n ko.

32 Nte à me yo pé tyí ne, Sú Liyel gbò yó, páh tyípeplo náhnáh pi pè we. Sépi sɔkɔ nê tẽ yin se pè n yah n kò pé mínkò-nsahle nɪ?

33 Nsyifunɔ me à syah ne, tyípepey pínó yin náh pé ne páh nne n min n ko dé! Nte wáh yo de Liyel tyí képah yin-á. Nmɔ névi gbɔy kɪ pɔ n gblɔyne n pi Liyelle nɪ?

34 Képah sɔkɔ, à yo pé tyí ne: «Kè náh me wárkínsàhnóle Liyel wey sébéy sɔkɔ ne, Liyel-á ne líyelnó-á yéle di?§

35 Liyel-á yo mɔ névye nóno tyí, à pè ye líyelnóle. Nte yé se pĩ ne Liyel wey sébéynó-á nê yo, kè náh fě n milki n pi té!

36 Té Sú Liyel-á n mɔ nê wilki sah n tyí yó, té n tekɪ mɔ kèkɔyó, yé ne máh yo de Liyel tyí, máh sɔnpíle yo ne Liyel Pídí-á nne nɪ?

37 Máh kɪ me n Sú Liyel tyípinine n pí-ńkěne, yé káh sě n yó.

38 Nte máh kɪ me séle n pi, yáh kɪ sò me n sè n pi ńkěne n mɔ yó, yé sě sépi tẽ wɔ yó; képah sɔkɔ yé kɪ pĩ yíi ne, máh me núkúle Sú Liyelle, ànê Sú Liyel-á me núkúle nne.»

39 Képah tẽne, pè tɔ ne páh Yesule n tẽ. Nte à pwah pé tyí.

40 Képah náh, Yesu tɔ n syi yuku Nsyurdě yónkahnine, à kyɪ tẽ nyáh sɔkɔ-á Nsyõ n gbò tyah névye wèlnwílkínóle.*

41 Névyé náhnáh me kyɪ n tnô, té me yo tũ ne, Nsyõ náh gbíl tir yó ntẽ pi. Nte wáh tyi nóno pól yo dí mè tyí sɔkɔ, gblɔ-á séle.

42 Képah sɔkɔ, névyé náhnáh me sě Yesu yó nénpó.

11

Lasari kúnó ànê n yílkínmɔnɔle

§ 10:34 10.34 - Yah n te Gbálnó 82.6. * 10:40 10.40 - Yah n te Nsyõ 1.28.

1 Dí yó lésõ me nýân sykɪ, pè n ye Lasaru. A sò me Betani kwil soko, képah nê soko-á sò n dósýòle, pè n ye Mari ànê Martu.

2 Kéne Mari mè wɔ ye lésõ làsèkwèl yó kwe mo Yesu gbyèh yõ, té sè kele n yòyenne.* Nmɔ dódí Lasaru ye sò n yɔ.

3 Képah soko, n dósýò me tẽntò mo Yesu tyí ne, pé yòtẽ, n kódí Lasaru nâh me lènɔle.

4 Yesu-á képah noh, à ne nkẽ, Lasaru nýân mè nâh pɪ n ko ko nýânne. Nte kâh kɪ Liyel yòtõrí wèkɪ, té kɪ tõ n Pídí yòtõrí wèkɪ.

5 Té Martu, ànê Mari, ànê pé dódí Lasaru tyí sò no yíí Yesu tyí.

6 Nte nýâh soko-á sò Yesule té pé pɔ Lasaru nýân tyí yo n tyí, à tõ wũ nénpó à sèpìn níni pɪ.

7 Képah nâh, à yo n tò sâhpú tyí ne, pé ye pé pé syɪ n yuku Nsyude gbènyah soko.

8 Wâh yo sɛ, pé me ne, kwó-ò dí, nénpó soko kó lésõ pé n yah n kã n mínkò-nsahle dyèhle sɛ yò sɛ yò, té à tõ n yah n kã n syínyuku-nsahle nénpó soko nɪ?

9 A me yo pé tyí ne, lérínó gbõninó kó gbìyìkì soko nɪ? Névi nê-à n ko tyah kyòole, kèkõyó kyòo-á à n ne n yah. Képah-á, tẽ gbâhkì mínó nâh nɔ.

10 Nte névi nê-à n ko lékâhne kyòo kène, tẽ n gbâhkìle n mɪ.

11 Welɔ nópi yóntenɔ nâh, Yesu tõ yo pé tyí ne, pépi kódí-á me dɔy soko, nte pâh kɪ kyɪ à yilki mo.

12 Képah soko, n tò sâhpú mó ne Tẽ ngebè, dɔy soko-à kɪ nê Lasaru, wâh kɪ de.

13 Nte Yesu wey soko, Lasaru kúnó tyí ye à yo, té n tò sâhpú wɔ mó we ne dɔy gbɔy tyí-á à yo.

14 Kâh pɪ sɛ, Yesu kè yo yɪkɪ mo pé tyí ne Lasaru-á ku.

15 Nte péwɔ mé-nkène sò nénpó, képah-á me no yíí péwɔ tyí pépi yinne. Kâh pɪ sɛ, pâh kɪ sɛ yíí péwɔ yõ. Té núkúnúkú, pé ye pé soko n tnô.

16 Képah soko, Toma nê-á pé n ye Didimine,† nmo pé no syah ne, pé ye pépi tɔ kyɪ ku nne wè tyí.

17 Yesu-á yini tẽ nénpó gbí nêne, à kyɪ ne yah Lasaru lékó sò sèpìn nyèh pɪ te diki soko.

18 Yé yah, Betani ànê Yerusalemɪ wró nâh sò me kah gbe mo. Kè sò me kílónó tónó kénkõle.

19 Képah ye, Yerusalemɪ tân náhnâh sò me pɔ Martu ànê Mari yéfi kélé-nsah pé dódí yáhnkwlonɔ soko.

20 Martu-á fyò noh ne Yesu-á me n pi, à kyɪ à yohnɪ. Té Mari wɔ sò me kɔntẽnóle gbó soko.

21 Képah soko, Martu me yo Yesu tyí ne, pé yòtẽ, wâh sò me ásô soko, pé dódí nâh nâhkɪ n ku n pi.

22 Nte núkúnúkú ntẽ fyé soko, pâh pɪ ne wâh kɪ sɔ tir dùkù nê yah kã Liyel tyí, wâh kɪ kè pɪ n tyí.

23 Képah soko, Yesu me yo n tyí ne: «Á dódí lékó kɪ yilki mo.»

24 Wâh yo sɛ, Martu ne, pâh pɪ ne lékyî-à kɪ pɔ n yilki n mo gbìyìkì téy sòle, n tɔ lékó-á kɪ yilki mo.

* 11:2 11.2 - Yah n te Nsyõ 12.1-3. † 11:16 11.16 - Didimi kór ye kènìnne.

25 Képah tẽnɛ, Yesu yo n̄ tyí nɛ: «Ñmɔ ye lékyî yílkinmɔ-ò ànê minnɛ. Névi nê-à s̄ n̄mɔ yõ, tẽn-à s̄ ku, à kɪ tyé-ńkẽ min wɛ;

26 ànê névi nê-à mɛ min sɔkɔ té s̄ n̄mɔ yõ, tẽn náh t̄ n̄ ku n yah n pi Liyel tyí t̄innɛ. Á se s̄ képah yõ, Martɪ?»

27 Martɪ mɛ nɛ, àwɛ-á Tẽn ñgbẽ, páh s̄ ké yõ nɛ ñmɔ-á Liyel nɛy yáhntɔkɔnɔlɛ, nê-á n̄ Pídínɛ, ñmɔ nê-á s̄ ȳnɛ à pɔ kèkõyõ.

28 Képah yóntenɔ náh, à n̄ syɪ kyɪ plɔ yo n̄ gbẽnsê Mari tyí nɛ, kwó-ò dí-á mɛ de n tɛ. Té wáh mɛ ñnɛ n ye.

29 Mari-á fyò képah noh, à núkú yuku à sɔkɔ Yesu tnô.

30 Yesu náh t̄n̄n̄ s̄ mɛ de kwil sɔkɔ. Á s̄ mɛ f̄ n̄ sɔkɔ-á s̄ Martɪ pɔ à yohnɪ.

31 Té Yerusalemɪ t̄n̄ nónó-á s̄ mɛ Mari tnô gbô sɔkɔ, mɛ n̄ yéf̄nɛ n kele, pépi-á à wɛ à yuku wil súú s̄, pè n̄ s̄ tẽn. Pè s̄ mɛ n̄ s̄ nɛ, pò gbó-ńsah-á à n̄ yuku diki yõ.

32 N̄tɛ Mari-á kyɪ ȳni tẽn Yesu mé-ńsah sɔkɔ, té à wɛ, à gbètukunɔ di Yesu yah sɔkɔ té yo n̄ tyí nɛ, pé yõtẽn, wáh s̄ mɛ ásô sɔkɔ, pé dódí náh náhkɪ n̄ ku n pi.

33 Képah sɔkɔ, Yesu-á à wɛ à mɛ n̄ gbo à tahlɪ n̄ tékínmɔpu tyí, kè n̄ n̄ kah tẽn képékèyô, n̄ yah kwɔ.

34 Á mɛ nɛ, ńyãh sɔkɔ se pè ȳ n̄ lékóle nɪ? Pè mɛ yo n̄ tyí nɛ, pé yõtẽn, à pɔ kyɪ yah.

35 Képah sɔkɔ, Yesu yéf̄i kwɛ.

36 Képah tẽnɛ, n̄ tékínmɔpu nɛ, pè yah, n̄ tyí-á s̄ mɛ nɔ ȳí n̄ tyí dé!

37 Té t̄n̄ mɛ n̄ yo nɛ, ñmɔ nê-á ȳt̄ú dí ȳ yɪkɪ, à kó s̄ f̄ k̄ yah k̄ n̄ pi Lasari tyí nɪ?

38 Képah sɔkɔ, kè t̄n̄ Yesu n̄ kah tẽn képékèyô, à mɛ sɔkɔ diki yõ. Tekɪ diki ye s̄ kéle, té ké yah mɛ víkénóle dáh-ñgbẽ yóle.

39 Yesu mɛ yo n̄ tyí nɛ, pè dáhkɪ m̄ tɔkɔ tẽn yõ. Lékókè dósê Martɪ mɛ à syah nɛ, Tẽn ñgbẽ, n̄ ȳn̄ó sèp̄n̄ ñyêh-á yò. Wáh kɪ mɛ n̄ p̄ò dò.

40 Képah sɔkɔ, Yesu yo n̄ tyí nɛ: «Mé náh kè yo á tyí nɛ, wáh kɪ s̄ n̄ yõ, á ȳ-á kɪ tẽn Liyel yõt̄órí yõ di?»

41 Képah tẽnɛ, nɔ mɛ dáhkɪ tẽn yõ. Yesu mɛ n̄ yah yõ ȳnyõ té nɛ: «Bõ, mé n̄ wɛkɪ á tyí wáh s̄n̄p̄í n̄ nírí tẽn.

42 Mé p̄í nɛ wáh mɛ n̄ níríle n̄ tẽn gb̄ímegb̄í. N̄tɛ mé kéle n̄ yo tówû m̄ ȳinnɛ nê-á n̄ mɔ gb̄í sah yò, nɛ pè s̄ ké yõ nɛ, áwɔ-á tekɪ mɔ ñnɛ.»

43 Képah yóntenɔ náh, à kah yo mɔ nɛ ńkẽ: «Lasari, wil n̄n̄p̄ó!»

44 Képah sɔkɔ, Lasari nê-á s̄ ku, à yuku wil n̄ gbyêh ànê n̄ gb̄anne púkúbínóle fwɔ gbróle; té n̄ yèpɔ mɛ fókónóle fwɔle. Yesu mɛ yo pé tyí nɛ, pè à wah mɔ, pè mó ye à k̄ à nɛ n̄ yuku.

Nsyifunɔ yõt̄ãm mɛ n̄ yah n̄ k̄ Yesu kònmɔ-ńsahle

45 Névyɛ nónó-á s̄ mɛ pɔ Mari tnô, té pɔ Yesu tyípíní m̄ wɛ s̄, pé náh náh s̄ Yesu yõ.

46 N̄tɛ pé túkù wɔ mó kyɪ n̄ tyípíní m̄ sèsahrɪ yah sah Farisi w̄k̄ kópú tyí.

⁴⁷ Kǎh mó pɪ sɛ̃, Farisi wɛ̃kì kópú ànê sárká syínwìlkìpu yòtām me pé no tukey tükèpu tìnkì ye, pè kǒ tɛ̃ ké tyí sòkò. Pè wɛ̃ syah ne, dí mè-á me gbìl tyile n kah n pɪ dé, sǒ se pé kɪ pɪ nɪ?

⁴⁸ Páh kɪ à sah à yǒ sòkò séle n pɪ sɛ̃ yò, no pól-á kɪ sɛ̃ n yǒ. Nte képah-à pɪ, Wrome tǎn-á‡ kɪ yuku pépi Liyel ní-nsah gbô sò, té kɪ pépi yìkì tyí yuku.

⁴⁹ Nte pé sòkò yó lésò me, pè n ye Kayifile. Léyíle, òmò ye lésò sárká syínwìlkìpu yòtɛ̃ ògbɛ̃ne. Nmò me pé no syah ne: «Yé nǎh kwâh yóle n pne dé!

⁵⁰ Yé nǎh pɪ ne, dí nénúkù-à kɪ ko mò ápi yìkì swò kè kǒ kè we pwah, képah-á kɪ nekɪ kal ápile n tɛ̃nóle min sòkò, té á yìkì pól tyí mó pò yuku dí?»

⁵¹ Nte òmò yah yǐ nǎh sò à yo tyi nópìle dé! Wǎh sò me sárká syínwìlkìpu yòtɛ̃ ògbɛ̃ne léyíle sɛ̃, képah ye Liyel me tɛ̃ntòle à kǒ à syi yo sah ne, Yesu-á yǐne à ku n yìkì névye yǐnne.

⁵² Té n yìkì névye ó yǐn nǎh à kɪ n ku n pi dé, n kúnó kɪ Liyel wɛ̃npì pól tò tuke mò pɪ núkúle, pépi nónó-á me karkɪ tɛ̃ tɛ̃ kǒ.

⁵³ Kayifi-á fyò képah yo, à tòkò lésò tyí, pè núkú Yesu kònmòno sah gbáhkì yǒ.

⁵⁴ Kǎh pɪ sɛ̃, Yesu nǎh tǒ me n gblǒyne n wilki n mò kwèyy Nsyifunò yah. A yal ànê n tǒ sáhpúle, pè kyɪ tɛ̃ kwil yó sòkò, pè n ye Yefrayimine. Képah sò me gbɛ̃nyah yó sòkò, nê-á me gbɛ̃nnɪ tnô.

⁵⁵ Nte Nsyifunò yǒrɪ tyénó syáh-á sò me de n te sɛ̃, névye náhnáh sò me n wil gbno sòkò, té me n doko n yuku Yerusalemɪ kwil sòkò. Pè sò me syáh mè dyàh tɛ̃, ne pé kyɪ pé gblǒy tǒ n sah, à yǐne pé tyi kònsàhnó wǎlle.

⁵⁶ Páh sò me Liyel ní-nsah gbô sòkò gbí nêne, pè sò me Yesule n yah n kǒ, té me wɛ̃ne n piki n yah ne òkɛ̃, kè se me sǒ nɪ? A se kɪ pyè ye wǐ syáh mè sòkò pónóle nɪ?

⁵⁷ Té sárká syínwìlkìpu yòtām ànê Farisi wɛ̃kì kópú lésò me ké gbah yo sah te névye tyí ne, nê-à fyò Yesu mé-nsah pɪ, tɛ̃ pò kè yo pé syah, pé kǒ pé à we tɛ̃.

12

Mari làsèkwɛ̃l mónóle Yesu gbyêh yǒ

¹ Nsyifunò yǒrɪ tyénó syáh sò me wǐ sèpìn kénúkòle, té Yesu me kyɪ Betani kwil sòkò, nýǎh sòkò-á sò Lasarile tɛ̃nóle, wǎh nê lékó yilki mò.

² Pè me yòke yah Yesu kǒ nénpó. Martɪ sò me yòkele n dibi, té yòke mè yópú sòkò yó ye sò Lasarile.

³ Képah sòkò, Mari me làsèkwɛ̃l dénkókò yó lítír tóní tòkò, nê-á pè nardɪ kókóle kè pɪ. Té pò kè kwe mò Yesu gbɛ̃náhló yǒ, té kè kele n yòyénne.* Làsèkwɛ̃l mè pǎn me wòkò pól tòkò.

⁴ Képah tɛ̃ne, Nsyudasɪ Yisikariyotɪ nê-á Yesu tò sáhpú sòkò yóle, té kɪ sò pò n vi n pi Yesu nǎh, òmò ne,

⁵ kwâh nê se pɪ té làsèkwɛ̃l mè nǎh yǎm deniye pó pló† kyetónine, à ké pò dibi yǎm tǎn kǒ nɪ?

‡ **11:48** 11.48 - Wrome tǎn nónó tyí-á n yo ásò sòkò yò, yòtām ye sò péle Nsyifunò yǒ. * **12:3** 12.3 - Yesu me gbɛ̃ne, nénpó tǎn sò òkɛ̃ne pé gbalt kɛ̃kɪ n tɛ̃ yòkele n yǒ. † **12:5** 12.5 - Légbíne, deniye pò pò núkú kɪ sò fɛ̃ nò nénúkù gbìyìkì núkú tǒ pínó danne.

⁶ Nte yãm tân yãm náh sò tẽ ònne dé, yẽnwó ye sò ònne képah ye à kǒ à képahle n yo. Pó dú sò me òmò tyí. Té páh nónónne n dah n mǎ n pǎ, ǎ séle n yĩ.

⁷ Képah sǎkǎ, Yesu ne: «Pi yah vínó sah kénòh! A ye képah pǎ sah òmò lékó yĩ sò yĩnne.

⁸ Yãm tân kǎ me ànê yéle sétáh yǎ sǎmesó. Nte òmò wǎle, òmò náh n me n pi yéle sétáh yǎ sǎmesó.»

⁹ Té tówú òngbǎ-á pǎ noh ne Yesu-á me Betani kwil sǎkǎ gbí nêne, pè kyǎ nénpó. Nte Yesu ó yĩn náh sò pè kyǎ dé, Lasari nê lékó-á Yesu yilki mǎ, òmò tǎ wè yĩn ye sò pè kyǎ.

¹⁰⁻¹¹ Nte Lasari mè yĩnne, névyé nahnáh sò me péle n syǎ sárká syínwìlkǐpu yǎtǎm náh à n vi n mǎ n pǎ Yesu yǎ sǎpúle. Képah ye, sárká syínwìlkǐpu yǎtǎm me Lasari tyí yo syǎ ne, páh kǎ ò tǎ ko mǎ.

Yesu dénóle Yerusalemǐ sǎkǎ

¹² Ké dǐndalle, tówú òngbǎ nê-á sò me pǎ Nsyifunǎ yǎryǎ tyénó syáh sǎkǎ, pè kè noh ne Yesu-á me n pi Yerusalemǐ sǎkǎ.

¹³ Pè me sǎm yǐngbǎn kǎlǎ tẽ yĩn,‡ té wil kwil sǎkǎ à kyǎ à yohnǎ. Pè sò me gbo mǎ tũ ne: «Wosana!§ Nê-á n pi Tẽ òngbǎ Liyel yĩn yǎ, Liyel sǎm mǎ ò sǎkǎ,* òmò nê-á Yisrayel yǎtẽ dǐne.»

¹⁴ Képah sǎkǎ, Yesu me òkwǎndyǐpíkǐ yó wè, té dǎkǎ kǎ tẽ ò yǎ, à yĩne sǎ-á kéle wǎrkínsàhnóle Liyel wèy sébéy sǎkǎ ne òkè:

¹⁵ «Yerusalemǐ† tân, yé káh tíkǐ pǎ.

Yé yah, yé yǎtẽ me n pi.

A me dǎkǎntǎnóle òkwǎndyǐpíkǐ yó yǎ sǎkǎ.»‡

¹⁶ Té légbǐne, Yesu tǎ sǎhpú náh sò me tyǎ nǎpǐ pínó yǎ pǎ. Nte wǎh pǎ dǎkǎ ò tǎryǎ yǎ gbí nêne, pé dǎyǎ to kǎ ne, kǎh lésǎ wǎrkǎ sah sǎ ò tyí sǎkǎ Liyel wèy sébéy sǎkǎ, sé-á kè pǎ ò tyí.

¹⁷ Képah tǎne, Yesu-á lésǎ Lasari lékó ye yah, à à yilki mǎ wilki diki sǎkǎ nónó yǎ yah, pépi me tyah kéle n yah n yǎh n kǎ.

¹⁸ Névyé-á kéne gbǐl tir pínó noh sé, pè wil pǎ Yesu yohnǎ.

¹⁹ Képah sǎkǎ, Farisi wǎkǎ kópú tyah n yo wǎ tyí ne, pè kó kè wè nǎ, pépi náh tǎ fǎ n tẽ n pi dǎ. No pól-á me ò sò tẽ.

Yesu me ò tǎryǎ ànê ò kũ tyíle n yo

²⁰ Névyé nónó-á sò me pǎ syáh mè sǎkǎ Yerusalemǐ, ne pé pǎ Liyel yĩn gbilki, Nsyifunǎ náh sò pé tǎkùle.

²¹ Kéne névyé nónó-á Nsyifunǎ náh péle, pépi me nǎ de Filipi tǎ òmò nê-á n wil Betisayida kwil, Kalile gbǎnyah sǎkǎ. Té kè yah kǎ ò tyí ne, pé yǎtẽ, páh me ké tyí ne pé Yesu wè.

²² Kǎh pǎ sé, Filipi me kè yo Andre tyí. Andre me tǎhlǎ ò tyí pè kyǎ kè yo Yesu tyí.

‡ **12:13** 12.13 - Sǎm yǐngbǎn kǎlǎntǎnyĩnnǎ mène ásǎ sǎkǎ, Yesu ye pè n gbilki. § **12:13** 12.13 - Páh ne Wosana, òngbòle sò, ké kór ye á pwah n mǎ nùkúnúkú! Nte ásǎ sǎkǎ, gbilkínó ye sò pè n gbilki Yesule. * **12:13** 12.13 - Yah n tẽ Gbálnó 118.25-26. † **12:15** 12.15 - Yerusalemǐ yĩn yó ye sò Siyónne. ‡ **12:15** 12.15 - Yah n tẽ Nsakari 9.9.

²³ Képah tẽnɛ, Yesu me yo pé tyí nɛ: «Gbĩ nê sɔkɔ-á Névi Pídí§ kɪ n dɔkɔ n pi n tɔ́rí yõ, képah ye se núkúnúkú yò.

²⁴ Kègbɪghɪ tẽ yõ, mé kéle n yo yé tyí, né sèmukɔ pi náh duku mɔ sétáh sɔkɔ kè fi té ké pi ku, kè n tẽ ké gblɔy. Nte káh duku mɔ à fi té ké pi ku, kè n kwel.

²⁵ Névi nê-à n gblɔy ó minne n mɔ n kô, tẽ min tyí kɪ yɪkɪ. Nte nê-à n minne n mónkò-nkẽnɛ kèkõyó mè sɔkɔ Liyel tɔ́rí yĩnne, tẽ wɔ kɪ tyé-ríkè min we.

²⁶ Névi nê-à me ké tyí nɛ, pé tòle n pi nímɔ tyí, tẽ ní sò tẽ. Képah sɔkɔ, máh me nýãh sɔkɔ, nê-á tòle n pi ní tyí, n tɔ kɪ me nénpó. Névi nê-à tòle n pi nímɔ tyí, ní Sú Liyel kɪ n yõ yõ.

²⁷ Té núkúnúkú, ní fɔkɔ me fẽkɪ. Nte mè yo sɔ? Mé se n yo Sú Liyel tyí nɛ, à káh n ye yèvyãhrɪ mè ní we? Nte ðõ dé, yèvyãhrɪ mè yĩn ye mé pɔ tótó.»

²⁸ Képah tẽnɛ, à nɛ: «Bõ, gbilkínó sah á yĩn yõ.» Wãh yo sẽ, yĩnpõ yó wil yĩnyõ sɔkɔ nɛ níkè: «Mé ní yĩn gbilki tɛ, té mé kɪ kè gbilki n pi nítõ.»

²⁹ Tówú nê-á sò me nénpó, té yĩnpõ mè noh, pè nɛ gbẽséntáhkì-á gboke. Túkù mó nɛ, yĩnyõ tònpi yó-á yo mɔ Yesu tyí.

³⁰ Képah sɔkɔ, Yesu me yo pé tyí nɛ: «Wey nê-á yé noh yò, kè náh yo nímɔ yĩnne, kè yo yépi yĩnne.

³¹ Liyel kɪ lékàhle kèkõyó névyɛ kô n pi núkúnúkú sẽ yò. Núkúnúkú, à kɪ kèkõyó névyɛ fnè-ò* yĩni yal.

³² Nte mäh pɔ dɔkɔ mɔ gbĩ nêne, mé kɪ névyɛ pólle pɔ ní gblɔy tyí.»

³³ Yesu-á sò nɛ n ku n pi dùkù nêne, képah ye à wẽkɪ n wey mè sɔkɔ yò.

³⁴ Képah sɔkɔ, tówú mè névyɛ me yo n tyí nɛ, pépi-á kè we Liyel tyi kònsàhnó sɔkɔ nɛ, Liyel nɛy yáhntɔkɔnɔ náh n ku n yah n pi. Té nímɔ se sònpíle pɔ n yo nɛ, Névi Pídí-á yĩne à dɔkɔ mɔ nɪ? Nte nê tẽ ó se mó Névi Pídí mènɛ nɪ?

³⁵ Képah sɔkɔ, Yesu me yo pé tyí nɛ: «Kyòò mènɛ, kè me sẽ yé wró kɪ wró kwéy yó pi n pi. Té névi nê-à n kɔ fẽntú sɔkɔ, tẽ náh n yúkú-risahle n pɛ. Képah ye, kyòò mè-á me yé wró sɔkɔ yò, yé nɛ n kɔ ké sɔkɔ, fẽntú káh pɔ yé kwɔkɪ tẽ.

³⁶ Kyòò mènɛ, káh me yé wró gbĩ nêne, yé sẽ képah yõ. Képah sɔkɔ, yé kɪ pi kyòòle képah tyí kòle.»

Yesu-á képah yo tɛ, à yal pé tnô à kyɪ wõbɪ fíí péle.

Névyɛ náhnáh náh sã Yesu yõ

³⁷ Yesu sò gbɪl tyi náhnáh pi pé yí yah, nte képah fyé yõ, pè náh sã n yõ.

³⁸ Liyel tẽntò syínyo-ò Yesayi tyíyónó nópi ye wil ásò sɔkɔ yò. A lésò nɛ níkè:

«Tẽ n̄gbẽ, nê sã ápi tyíyónó yõ?

Á á tẽnpnènóle nê wẽkɪ?»†

³⁹ Té tir nê yĩn-á pè náh sò fẽ n sã n pi ké yõ, képah yah ye Yesayi tõ yo nɛ níkè:

⁴⁰ «Liyel pé yí wɔ,

té pé lékám yah vike,

§ 12:23 12.23 - Yesu-à Névi Pídí tyíle n yo, n gblɔy tyí ye níkẽnɛ à n nɛ n yo. * 12:31 12.31 - Kèkõyó névyɛ fnè-ò nê tyí-á n yo ásò sɔkɔ yò, sétàn yòtẽ ye. † 12:38 12.38 - Yah n tɛ Yesayi 53.1.

ne pé yí káh fě ne n yah,
 pè káh tir yó tyí yah we,
 pè mó vi mo Liyel wěkì yõ,
 à kō à pè we de mo.»‡

41 Yáh we Liyel tēntò syínyo-ò Yesayi képahle n yo, à lésō kwāh tē Yesu tōrí we, képah ye à kō à n tyíle n yo. §

42 Té képah fyé yõ, yõtām náhnáh sò me sē Yesu yõ. Nte Farisi wěkì kópú tíkí sò me pè tē ne, pè káh pò pé yīni wilki pé wěkì soko. Képah ye, pè náh kè wilki mo ne, páh sē n yõ.

43 Yáh we pè képah pi, névyé-á me gbílkinó nēne n sah pé yõ, képah tyí sò me pé tyí kal Liyel tyíle.

44 Képah soko, Yesu weki yínpõ ngbēne ne nkē: «Névi nê-à sē nmo yõ, nmo ó yõ náh tē sē dé, Liyel nê-á teki mo nne, nmo to yõ ye tē sē.

45 Té névi nê-à nmo we, ní tékinmo-ò ye tē we.

46 Nmo pò kèkōyó à pò pi kyòole, ne névi nê-à sē nmo yõ, tē káh tē fěntú soko.

47 Nmo náh pò kèkōyó soko, ne mé pò lékàhle névyé kō. Mé pò ne kèkōyó névyé pwáhnmo we. Képah ye, névi nê-à ní welo noh, té à náh me n kò sé wāl yõ, nmo náh kú n kō n pi tēne lékàhle dé.

48-49 Wey nê-á mé yo yò, képah nte ye kú lékàhle tē kō n pi gbìyìkì téy sòle. N gblóy yah yíí náh mé yo welo nópíle dé! Sú Liyel nê-á teki mo nne, máh yīne mè nê yo, ànê máh yīne mè kwónó nê pi, nmo ye yo séle ní tyí ne mé pi. Képah ye, névi nê-à ní yahle, té à náh me ní weyne n mo n kō, ney me te, nê-á kú lékàhle tē kō n pi.

50 Té nmo mó tō pī ne Liyel-á nê kō sah, képah gbò yõ soko-á névyé kú fě tyé-nkē min we. Sú Liyel-á wey mè yo sō ní tyí, sē ye mé n yo kéle yé tyí.»

13

Yesu n tò sáhpú gbyêh wu

1 Nsyifuno yõri tyénó syáh kú sò n pi n pi dīndalle. Yesu sò pī ne pé yálnó gbì-á se kèkōyó, páh kú n soko n pi Sú Liyel tyí. N sò tēpú nónó-á sò me kèkōyó, pé tyí sò me nónóle n tyí. Pé tyí nò kah mo n tyí.

2 Yesu ànê n tò sáhpú sò me yòkele n yõ. Té sétàn yõtē sò me kè dahbi te Simo Yisikariyoti pídí Nsyudasu n soko ne, à vi Yesu náh.

3 Yesu sò pī ne Sú Liyel-á tyi pól dahbi péwo gbò. Nmo tyí-á pé wil à pò, té páh kú pé syi soko nmo tyí.

4 Képah soko, páh me yòke yónó soko sē, à yuku yīn, té n fwòmò-ngbē de sah, té fwo yó tōko toh n syi soko.

5 Képah náh, à ni du mo dú yó soko, à tyah n tò sáhpú gbyêhne n wu kéle, té séle n take fwo mēne, nê-á à toh n syi soko.

6 Káh pò syi Simo-Pyeri tyí, à Yesu syah ne nkē, nmo nê-á TÈ NGBENE nmo kú n yah n kō péwo gbyêh wú-nsahle ni?

7 Yesu me yo n tyí ne, nê-á péwo n pi yò, nmo náh fě ké tyí yah we n pi núkúnúkú ló! Nte náh-á à kú pò ké tyí yah we n pi.

‡ 12:40 12.40 - Yah n te Yesayi 6.9-10. § 12:41 12.41 - Yah n te Yesayi 6.1-5.

⁸ Pyeri tã yuku à syah ne, pólle, à náh pé gbyêh wu n pi. Képah soko, Yesu me yo n tyí ne: «Wáh ki ye n kã mé á gbyêh wú-ńkêne, á vyãh ki de nmo tyi soko.»

⁹ Képah tẽne, Simo-Pyeri yo n tyí ne, Tẽ ñgbẽ, kàh pi sã kè káh yĩn pé gbyêh ó tyí, ńkẽ à pé gbàn ànê pé yõ to wu.

¹⁰ A me yo n tyí ne: «Névi nê-à ni wel te, tẽ n ne n me yályál. Képah ye, à wil n gbyêh tyí soko, yõ náh tã ńkêne ne me tẽ wil pól tõnwunõ tyí. Yépi me yályál. Nte yé pól tẽ wõ náh mé n ye dé!»

¹¹ Névi nê-á ki sò pò n vi n pi Yesu náh, Yesu sò me à pĩ te. Képah ye à kã à ne, pé pól tẽ wõ náh pé ne pãh me yályál dé!

¹² Wãh pé gbyêh wu te, à tã n fwòmò-ñgbẽ toko mo pò kã tẽ yõke yó-ńsah ntõ. Té yo pé tyí ne: «Máh nê pi yé tyí sã yò, yé se ké yõ pĩ?»

¹³ Yãh pi yẽ ńne n ye kwó-ò díne, képah náh pi, Tẽ-ñgbẽne, yé me n yo ple tẽ wole. Nmo ye ńtyĩno ñne.

¹⁴ Nte nmo nê-á Tẽ ñgbẽ ànê kwó-òle, yáh we mé yé gbyêh wu, yépi to yĩne yè wẽ gbyêhne n wu.

¹⁵ Képah òkù ye mé pi yé wẽki yò, ne máh nê pi yé tyí, yé to sɛnknole n pi.

¹⁶ Kègbıgbı tẽ yõ, mé kéle n yo yé tyí, tònpi náh fẽ n kal n yõtẽne. Sã ó ye tẽntõ névi to náh fẽ n kal n tó-òle.

¹⁷ Nte núkúnúkú, yé se kéne tyile n pne té! Yãh fẽ syi n ko sé wãl yõ, yé ki ñivini we.

¹⁸ N wey mè náh me ké yah mo yé pól tyí dé! Máh névye nónó yah wilki, mé péle n pne. Nte tir nê-á wãrki sah Liyel wey sébéy soko, kè yĩne kè wil ó wil. Kè me wãrkínsàhnóle ké soko ne ńkẽ: «Máh lésõ n yõkele n yõ ànê nêne, tẽ me yuku n yõ.»*

¹⁹ Ké pí-ńkẽ soko ye mé kéle n yo n sah yé tyí núkúnúkú yò. Képah soko kàh pò pi, yé ki sã ké yõ ne, Nmo-á.

²⁰ Kègbıgbı tẽ yõ, mé kéle n yo yé tyí, névi nê-à n tẽntõ névi tẽ ple, nmo ye tẽ tẽ ple. Nê to-à nmo tẽ ple, nê-á tã ńne, nmo ye tẽ tẽ ple.»

Yesu ne Nsyudası-á ki n vi n pi pé náh

²¹ Képah tẽne, kéne welo yóntenõ náh, Yesu fokõ kah fẽki. A me kè yo dal mo ne: «Kègbıgbı tẽ yõ, mé kéle n yo yé tyí, yé soko ney yó ki n vi n pi n náh.»

²² Wãh képah yo sã, n tò sãhpú tyah n yõ wẽne n yah núkú núkúle. Pè náh sò me pĩ nê tyí-á à n yo.

²³ Té Yesu tò sãhpú soko nê tyí-á no yĩ n tyí, nmo sò me tẽntelnole Yesu tyí.

²⁴ Képah soko, Simo-Pyeri pi mo nmo tyí ne à Yesu piki yah, nê tyí-á à n yo.

²⁵ Nmo mó n gbalı kẽki Yesu fĩnne, té à piki yah ne, Tẽ ñgbẽ, nê se à n ye ni?

²⁶ A me yo n tyí ne, páh ki búrn yĩ di nê kã, tẽ wõ-á. Té núkú búrn yínó toko, té kè di à Simo Yisikariyotı pídı Nsyudası kã.

²⁷ Nsyudası-á búrn mè syi, sétàn yõtẽ me de n soko. Yesu me yo n tyí ne, nê-á n tyí pi pi tẽne, à kè pi súú.

* 13:18 13.18 - Yah n te Gbálnó 41.10.

28 Nte nónó pól-á sò me nénpó, pé sòkò yó òtẽ náh sò pĩ tir nê yĩn-á Yesu yo wey mènè n̄ tyí.

29 Té pó dú-á sò me Nsyudası tyí sě, tókù sò me n sò ne, Yesu-á yo n̄ tyí ne à kyı syáh yídwénè yah dwe, képah náh pı, à pó yĩ yãm tãñ kō.

30 Nte Nsyudası-á fyò búrn yínó mè syi, à núkú yuku wil. Légbíne lékâh sò me m̄.

Yesu tir kònsàhnó késáñne

31 Nsyudası-á fyò wil te, Yesu ne: «Núkúnúkú tẽne, gbílkinó ye sah Névi Pídí yõ, ànê Sú Liyel yĩn kı se t̄õ gbilki ñm̄o yĩñne.

32 [Gbílkinó-à kı sah Liyel yõ ñm̄o yĩñne,] Liyel t̄o kı à gbilki n̄ gblõy yĩñne. Dõ kwéy òtẽne, à kı kè pı n pi.

33 N̄ wẽnpĩ, mé kı t̄õ n me n pi yéle kı wró kwéy ó pı. Yé kı n̄ yah n kō n pi. Nte nê-á lésõ mé yo Nsyifunó tyí, képah núkú ye t̄õ mé kı yo yépi t̄o tyí núkúnúkú ne, yé náh fẽ n kyı n pi ñm̄o yúkú-ńsah sòkò.

34 Mé kı tir sãñ yó kō sah yé kō ne, yé tyí n̄o wẽ tyí. Yé tyí-á n̄o s̄õ ñm̄o tyí, yépi t̄o tyí yĩne kè n̄o s̄ẽ wẽ tyí.

35 Yé tyí-à kı n̄o wẽ tyí, képah sòkò ye n̄o pól kı pĩ ne ñm̄o t̄õ sáhpú-á yéle.»

Yesu ne Pyeri-á kı n̄ vyãh k̄õli ne pé náh péw̄o pĩ

36 Képah sòkò, Simo-Pyerı à piki yah ne, Tẽ ñgbẽ, ñyãh se à n yuku nı? A me yo n̄ tyí ne, ñyãh-á pé n yuku, à náh fẽ n kyı n pi péle nénpó sòkò núkúnúkú. Nte náh fĩñne, wãh kı p̄o pé s̄õ tẽ n pi.

37 Pyeri me ne, Tẽ ñgbẽ, s̄õ se pı té pé náh fẽ n̄ s̄õ tẽ n pi núkúnúkú nı? Péw̄o-á kı fẽ syi pé min k̄õ n pi ñm̄o yĩñne d̄o.

38 A me yo n̄ tyí ne: «Á kı á min k̄õ n pi ñm̄o yĩñne lé? Nte kègbıgbı tẽ yõ, mé kéle n yo á tyí, sénpe-à kı pópó n gbo, á kı me á vyãh k̄õli te ke t̄õnó, ne á náh ñm̄o pĩ.»

14

Yesu ye wẽkile nê-á n yuku Sú Liyel tyí

1 Képah náh, Yesu yo n̄ t̄õ sáhpú tyí ne: «Yé káh ye yé f̄okò f̄ẽkı. Yé s̄ẽ Liyel yõ, yè mó s̄ẽ ñm̄o t̄o yõ.

2 Tẽ-ñtãñ náhnáh me n̄ Sú Liyel fĩñne. Mé kı kyı tẽ-ńsah yah sah yé kō. Kàh s̄õ me gbıle ñkẽne, mé náh náhkı kè yo n pi yé tyí.

3 Máh kı kyı tẽ-ńsah yah sah te yé kō, mé kı n̄ syı p̄o yé tẽ sòkò n̄ tñô. Képah sòkò, ñm̄o-á me ñyãh sòkò, yépi t̄o kı me nénpó.

4 Yé se ñm̄o yúkú-ńsah wẽkile n pne té.»

5 Wãh yo s̄ẽ, Toma me ne, Tẽ ñgbẽ, pépi náh me n̄ yúkú-ńsah pĩ, té pé se kı pĩ s̄õ ké wẽkile nı?

6 Yesu me yo n̄ tyí ne: «Ñm̄o ye wẽkile, ànê gbıle, ànê min n̄etẽne. Nn̄i yó òtẽ náh fẽ n kyı Sú Liyel tyí, né tẽ náh syõ ñm̄o tyí.

7 Yáh s̄õ me ñm̄ole n pne, yé náhkı me n̄ Sú Liyel t̄ole n pne. Nte núkúnúkú, yé ye ñne n pne, té à we.»

8 Képah sòkò, Filipi me ne, Tẽ ñgbẽ, à Sú Liyelle pépi wẽkı kè! Képah-á kı yĩne pépi tyí.

⁹ Yesu me yo ñ tyí ne: «Filipi, mé me yéle di mónóle, té áwɔ náh me nmo pĩ ni? Névi nê-à nmo we, Sú Liyel ye tẽ we. Nte á pi sɔ té tɔ n yo ne, mé Sú Liyelle ñ wẽki?

¹⁰ Á náh sɛ ké yõ ne, nmo ànê Sú Liyel-á me núkúle di? Welɔ nónó-á mé n yo yé tyí yò, nmo yah yĩ welɔ náh séle dé! Sú Liyel nê-á núkúle nmo, ñmo ye n pi ñ tãne.

¹¹ Yé yĩne yè sɛ ké yõ ne, nmo ànê Sú Liyel-á me núkúle. Yáh ki sɔ sɛ-ńkẽne ké yõ nmo welɔ yĩne, yé sɛ ké yõ tãn nópi tẽ wɔ yĩne.

¹² Kègbɔgbɔ tẽ yõ, mé kéle n yo yé tyí, névi nê-à sɛ nmo yõ, máh me tãn nónóne n pi, tẽ tɔ ki sɛnknɔle n pi. Té tẽ ki tãn yísyó ntẽ pi n pi nónó-á kal sépile. Mé me n yuku Sú Liyel tyí, képah ye ki tẽ kɔ à ki fɛ sè pi.

¹³ Képah sɔkɔ, yáh tyídúkú nê yah kɔ nmo yĩn yõ, mé ki kè pi yé tyí, gbílkínó kɔ kè ki sah Sú Liyel yõ ñ Pídí gbò yõ.

¹⁴ Yáh tir nê yah kɔ nmo yĩn yõ, mé ki kè pi.»

Yesu ñ vyáh kɔ Liyel Mirki pónó tyí sɔkɔ

¹⁵ «Nmo tyí-à me nɔ yé tyí, yé ki ní tyi kònsàhnó tẽ yĩn.

¹⁶ Té mé ki Sú Liyel ni, à ki yòhnìnmo-ò yó tekɔ mo yé kɔ, nê-á ki pɔ n tẽ n pi yéle kúmm.

¹⁷ Yòhnìnmo-ò mène, Liyel Mirki ye. Nmo ye gbɔle névyele n wẽki Liyel tyí sɔkɔ. Kèkɔyó névyé náh ñne n we, ànê pè náh ñne n pne. Képah ye, pè náh fɛ à fɛ n syi. Nte wáh me yépile, té me yé sɔkɔ sɛ, képah ye yépi wɔ ñne n pne.

¹⁸ Mé náh yé sah n pi ńgbyele. Mé ki ní syi n pɔ n pi yé tnô.

¹⁹ Dɔ kwéy ñsɔ, kèkɔyó névyé náh tɔ nmo we n pi, ñte yépi tẽ wɔ ki ní we. Té nmo-á fyòni me min sɔkɔ, képah ye yépi tɔ ki me n pi min sɔkɔ.

²⁰ Lésò-à pɔ nɔ, yé ki pĩ ne nmo ànê ní Sú Liyel-á me núkúle, té nmo ànê yépi tɔ mó me núkúle.

²¹ Névi nê-à ní tyi kònsàhnó noh, té sè tẽ yĩn, ní tyí nɔ tẽ wɔ tyí. Té nmo tyí-à nɔ névi nê tyí, tẽ tyí ki nɔ ní Sú Liyel tyí. Tẽ tyí ki nɔ nmo tɔ tyí, té mé ki ní gblɔyne à wẽki.»

²² Képah sɔkɔ, Nsyude* nê-á ñ gblɔy Nsyudasɔ Yisikariyɔtɔle, ñmo me yo Yesu tyí ne, Tẽ ñgbɛ, sɔ se pi té à ki ñ gblɔyne pépi wẽki, té à náh ñ gblɔyne kèkɔyó névyé wẽki n pi ni?

²³ Á me yo ñ tyí ne: «Nmo tyí-à nɔ nê tyí, tẽ ki ní tyiyónóle n pi. Tẽ tyí ki nɔ ní Sú Liyel tyí, té nmo ànê ní Sú Liyel ki pɔ tẽ tyí, ki pɔ twah tẽ ñ tyí.

²⁴ Nte nmo tyí-à nó-ńkẽne nê tyí, tẽ náh ní tyiyónóle n pi. Té welɔ nónó-á yé n nohni yò, nmo yah yĩ welɔ náh séle dé! Sè wil Sú Liyel tyí, nê-á tekɔ mo ñne.

²⁵ Mé ye kéne tyi yo yé syah, gbí nê-á mé me ànê yéle yò.

²⁶ Nte Liyel Mirki nê-á yòhnìnmo-òle, Sú Liyel ki n tekɔ n mo n pi nmo yĩn yõ, à ki pɔ tyi pólle yé kwɔ. Té ki yé dyɔ tɔ kɔ nmo tyiyónóle, máh nónó yo sɔkɔ yé tyí.

²⁷ Yèvinɔ ye mé yéle n kɔ yò. Nmo yèvinɔ ye mé yéle n kɔ. Mé náh me kéle n kɔ kèkɔyó névyé kɔ dùkúle. Yé káh ye yé fɔkɔ fɛki, yé káh ye tíki yé tẽ.

* **14:22** 14.22 - Nsyifunɔ tyí, Nsyude ye dùkú me núkúle Nsyudasɔ ye dùkúle.

28 Mé ye kè yo sɔkɔ te yé tyí yé noh ne sókónó-á nne, té máh kɪ ní syi n pɔ n pi yé tnô. N tyí-à sò me nɔ yé tyí, yáh kè noh ne máh n yuku Sú Liyel tɪnne, kè sò yĩne kè ne n me nìvìnìne yé tyí, ñmɔ-á sɔnpíle kal ñmɔle.

29 Mé ye kéné tyi yo sah yé tyí nukúnúkú sé pónpí-ńkē sɔkɔ yò, képah sɔkɔ sah kɪ pɔ n pi, yé kɪ sē ní welo yò.

30 Kèkõyó névyé fnè-ò me n pi, képah ye mé náh tɔ n kah n yáh n mo n pi yéle. A náh fē ñmɔ tē wɔ fnē.

31 Nte Sú Liyel-á tyi nóno yo ní tyí, sépi ye mē n ne n pi. Képah sɔkɔ, kèkõyó névyé kɪ pĩ ne ñ tyí-á nɔ ní tyí. Yé yuku! A ye yal ásô.»

15

Yesu ne yerese séswô yèsyìkì-á péle

1 Képah sɔkɔ, Yesu tɔ ne: «Ñmɔ ye yerese séswô yèsyìkìle, ní Sú me ké nètēne.

2 Yìngbàn nóno pól-á me ñmɔ sɔkɔ té sè náh me n syi, à kɪ sè kɔlɪ tē yò. Té nóno pól-á me n syi, à kɪ sépile n tɔ sè kɔ sè kɪ n gbah n syi.

3 Wey nê-á mé yo yé tyí yò, képah gbò yò, yé pi te yályál.

4 Yé ne n me ñmɔle, sɔ-á ñmɔ me yéle. Sɔ-á yìngbò náh fē n syi n pi ké gblɔy né kè náh me séswô sɔkɔ, sē ó ye yépi tɔ náh fē tir yó pi n pi né yé náh me ñmɔle.

5 Ñmɔ ye yerese séswôle, yépi me ké yìngbànnē. Yé náh fē tir yó nítē pi n pi ñmɔ kēne. Képah ye, nê-à me ñmɔle, té mé me tēne, tē kɪ tyípéplɔ náhnáhle n pi Liyel tyí.

6 Névi nê-à mé-ńkēne ñmɔle, tē me yìngbò yó tyí kòle, nê-á pè kām milki kégbó, té kè kɪ n kòkɔ n pi. Té yìngbàn kókórìle, sépi kɪ pɔ kwel mɔ n suke n pi nyáh sɔkɔ.

7 Nte yáh me ñmɔle, té ní welo me n tē yé fòkɔnɪ sɔkɔ, kwáh nê tyí-à nɔ yé tyí, yé kè ni, yé kɪ kè we.

8 Yáh tyípéplɔ náhnáhle n pi Liyel tyí, képah ye kɪ kè wēkɪ ne yáh pi ñmɔ tò sáhpúle. Té ñmɔ Sú Liyel yĩn kɪ gbilki.

9 Ñmɔ tyí-á nɔ Sú Liyel tyí sɔ, yépi tɔ tyí nɔ ñmɔ tyí sē. Yé ye yé tyí ne me nóntēnóle ní tyí sē.

10 Yáh ní tyi kònsàhnóle n pi, yé tyí kɪ me nóntēnóle ní tyí, sɔ-á ñmɔ ní Sú tyi kònsàhnóle n pi, té ní tyíle nóntēnóle ñ tyí.

11 Mé me ké tyí ne nìvìnì nê-á me ñmɔ sɔkɔ, kè ne me yépi tɔ sɔkɔ, té ye nìvìnì mē mó syi ké yĩn tyí. Képah ye, mé tyi nópi yo yé tyí.

12 Máh nê kò sah yé kò, kè we yò: Yé tyí yĩne kè nɔ wē tyí, yé tyí-á nɔ sɔ ñmɔ tyí.

13 Névi-à ñ min kò ñ kódibí yĩnne, tyínɔnɔ ñgbē yó náh tɔ fē n kah n mo n pi képah yò.

14 Ñmɔ-á nê kò sah yé kò, yáh kɪ me kéle n pi, ní kódibí ye yéle.

15 Mé náh tɔ yé ye n pi tɔnpɪbule. Ngbò tɔnpɪ náh fē ñ yòtē dí tyípínó pĩ dé! Nte máh tyi nóno noh ní Sú Liyel tyí, mé ye sé pólle yépi kwɔ. Képah ye, mé yéle n ye ní kódibíle.

16 Yépi náh yah tɔkɔ ñmɔle dé, ñmɔ ye yah tɔkɔ yéle, té yé tekɪ mɔ ne, yé ky tyípéplɔle n pi Liyel tyí, nóno-á sé yòre náh n tye n yah n pi. Képah sɔkɔ, yáh kwáhdúkú nê ni Sú Liyel tyí ñmɔ yĩn yò, à kɪ kéle yé kò.

17 Nte nê-á mé n kò n sah yé tyí, kè we yò: Yé tyí yĩne kè nɔ wē tyí.»

Kèkõyó névye me Yesu ànê ò yõ sěpú dyõle n yõ

18 Képah sòkò, Yesu tǒ ne: «Kèkõyó névye-à yé dyõle n yõ, yé pǐ ne nímò ògbò dyõ-á pè tyah n yõ.

19 Yâh sò me kèkõyó névye tyí yõ sòkò, yâh pǐ pé tyíle sě, yé tyí náhki nò pé tyí. Nte kâh pǐ nímò yé yah wilki kèkõyó névye sòkò, té yé náh tǒ me pépi tyí yõ, képah ye pè kǒ pè yé dyõle n yõ.

20 Yé yé dyõ sah ne n kwne wey mè tyíle, máh nê yo yé tyí ne: «Tǒnpǐ náh fě n kal ò yǒtēne.» Pâh kǐ me nímò fõh, pè kǐ yé tǒ fõh. Pâh kǐ me n wey fě syi, pè kǐ yé tǒ tyí fě syi.

21 Nte pè náh sǒnpǐle me nímò tǒ-òle n pne, képah ye pè kǐ tyi nópi pól pǐ yé sòkò nímò yǐnne.

22 Mâh sò me pò-ńkēne pé tyí, ànê mâh sò me tir yó yó-ńkēne pé tyí, pé tyítúkúnǐ pínó lékâh náh náhki n me n pi pé yõ. Nte núkúnúkú, gbǐ wé-ńsah yó ńtē náh n we n pi pé tyí pé tyítúkúnǐ pínó tyí sòkò.

23 Névi nê-à nímò dyõle n yõ, tě me n Sù tǒ dyõle n yõ.

24 Tyi nóno-á ònǐ yó ńtē náh sěnkno pǐ yah, mâh sò me sépi pí-ńkēne pé wró sòkò, pé tyítúkúnǐ pínó lékâh náh náhki n me n pi pé yõ. Nte núkúnúkú, pè ye nímò tyípínǐ we. Té képah fyé yõ, pè me nímò ànê n Sù dyõle n yõ.

25 Nte nê-á wárkínsàhnóle pé tyi kǒnsàhnó sòkò ne: «Pè n dyõ yõ yõ kēne.»* képah wil yǐn ye pè kǒ pè képahle n pǐ.

26 Té yòhnǐnmò-ò nê-á nímò kǐ n tekǐ n mǒ n pi kǐ wil Sù Liyel tyí, Liyel Mirki ye. Képah ye gbǐle névyele n wěkǐ Liyel tyí sòkò. Képah-à wil Sù Liyel tyí à pò, kè kǐ pò nímò tyí yo wah yé tyí.

27 Nte yépi-á sò me ànê nímòle ògbò dùkùle sě, képah ye yé tǒ kǐ n tyíle n yo n wah névye tyí.»

16

1 Képah náh, Yesu tǒ yo pé tyí ne: «Mé náh me ké tyí ne yé Liyel yõ sěno yal n mǒ. Képah ye n kǒ mé tyi nópi yo sah yé tyí.

2 Nsyifunò kǐ yé yǐni n wilki n pi pé wěkǐ sòkò. Té gbǐ yó ńtē me n pi, képah sòkò nóno-à pò yéle n ko n mǒ, pè kǐ me n sǒ ne tǒ-á pé n pǐ Liyel tyí.

3 Nímò ànê n Sù pí-ńkē ye pè kǒ pè kǐ sépinó tno pǐ sě yò.

4 Mé me ké tyí ne tyi nópi gbǐ-à pópó pò se, yé dyõ ne n me n kwne séle, képah ye mé sè yo sah yé tyí.»

Liyel Mirki pónó yõle

Képah náh, Yesu tǒ yo pé tyí ne: «Mâh lésò me yé wró sě, képah ye mé náh kwâh tě tyi nópi yo yé tyí.

5 Nte núkúnúkú, mé me n yuku n tǒ-ò tno, té yé sòkò yó ńtē náh se me ríne n piki n yah ne, nýâh se mé n yuku ni?

6 Tyi nóno-á mé yo yé tyí, sépi yèkworǐ ye yé fòkò fil yò kè.

7 Nte mé kǐ gbǐ yo yé tyí. Máh kǐ sòkò, képah kǐ nekǐ kal yéle. Máh kǐ sókò-ńkēne, nê-á yǐne à pò yé yohnǐ n mǒ, à náh n pò n pi. Nte máh kǐ kyǐ, mé kǐ à tekǐ mǒ yé kǒ.

* 15:25 15.25 - Yah n te Gbálnó 35.19 ; 69.4.

8 Té ñmɔ-à pɔ gbí nêne, à kɪ tyípêl, ànê gbɪ wěkì, ànê Liyel tukey tyí yo wah kèkõyó névyé syah, kɪ kéle pè wěkɪ ne páh me pílkínóle sépi pól sɔkɔ.

9 A kɪ kéle pè wěkɪ ne nê-á pé tyípekèle, péwɔ yõ sě-ńkê-á.

10 Té kɪ kéle pè wěkɪ ne nê-á me gbɪ wěkì tyí sɔkɔ, péwɔ-á n sɔkɔ Sú Liyel tyí, té pè náh tǒ pé we n pi.

11 Té kɪ tǒ kéle pè wěkɪ ne nê-á me Liyel tukey tyí sɔkɔ, nê-á kèkõyó mè névyé fnè-òle, lékàh-á me te ñmɔ tyí.*

12 Tyi náhnáh tǒ me ní tyí yo yo tǔne yé tyí. Nte máh kɪ sè yo yé tyí núkúnúkú, sè kɪ kǎn pɪ yéle.

13 Liyel Mirki nê-á gbule névyele n wěkɪ Liyel tyí sɔkɔ, ñmɔ-à pɔ gbí nêne, à kɪ pɔ yé yah tǔ yé kǔ yé kɪ gbɪ dùkù pól pĩ Liyel tyí sɔkɔ. N yah yĩ welo náh à kɪ pɔ n yo dé! Wáh tyi nónó pól noh, sépi ye à kɪ pɔ yo yé tyí ànê tyi nónó-á me n pi.

14 A kɪ tyile n we n syi ñmɔ tyí kɪ n yo yé tyí. Képah ye, ñmɔ gbò yõ ñmɔ yĩn kɪ n gbilki.

15 Kwáh nê-á fyò me Sú Liyel tyí, ñmɔ tɔ tyí ye kéle. Képah ye ní kǔ mé ne Liyel Mirki-á kɪ ñmɔ tyile n we n syi n yo yé tyí.»

Yèkwɔri vìnɔnɔnɔle nìvìnìne

16 Képah yóntɔnɔ náh, Yesu tǒ ne: «Dǔ kwéy, yé náh tǒ ní we n pi. Té dǔ kwéy képah náh, yé kɪ tǒ ní we.»

17 Képah tǔne, ñ tǔ sáhpú tókù tyah n yo wě tyí ne, wey nê-á à n yo pé tyí yò ne dǔ kwéy, pé náh tǒ pé we n pi, té dǔ kwéy képah náh, páh kɪ tǒ pé we, képah yõ se pɪ tir nêne nɪ? Anê tir nê se à n yo sě yò ne, páh n sɔkɔ Sú Liyel tñò nɪ?

18 Dǔ kwéy nê tyí-á à n yo yò, tir nê se képah n wěkɪ nɪ? Pépi náh me ñ wey mè syíkí-ńsah we dé!

19 Nte Yesu-á pĩ ne, páh me n yah n kǔ pé píkinyah-ńsahle, à yo pé tyí ne: «Máh yo yé tyí ne dǔ kwéy, yé náh tǒ ní we n pi, té dǔ kwéy képah náh, yáh kɪ tǒ ní we, képah tyí yõ ye yé n piki n yah wěne yò kè?

20 Kègbɪgbɪ tǔ yõ, mé kéle n yo yé tyí, yé kɪ pɔ n gbo kɪ yãm yãm tyile n yo, té kèkõyó névyé kɪ me nìvìnì sɔkɔ. Yé kɪ me yèkwɔri sɔkɔ, ñte yé yèkwɔri kɪ pɔ vi mɔ pɪ nìvìnìne.

21 Sê-à pile n dubi gbí nêne, yèvyährɪ pɪ gbí-á yĩni tǔ ñ tyí sě, kè n ne yèkwɔrɪle ñ tyí. Nte wáh dubi te, névi wéndubinmɔnɔle kèkõyó ñ tyí, kè n pɪ nìvìnì ñgběne ñ tyí. N dyɔ n fwɔ ñ yèvyährɪ pínsɔkɔnɔ tyíle.

22 Sě yé yépi tǔle yèkwɔri sɔkɔ núkúnúkú yò. Nte mé kɪ tǔ pɔ n yah n pi yé tyí. Képah sɔkɔ, kè kɪ pɪ nìvìnìne yé tyí kègbɪ tǔne, nìvìnì nê-á ney náh fě kè tǔ n syi n pi yé tyí.

23 Lésò gbìyìkì-à pɔ nɔ, yé náh tǔ ní piki n yah n pi tir yó ñtǔ tyíle. Kègbɪgbɪ tǔ yõ, mé kéle n yo yé tyí, yáh kwáhdúkú nê ni Sú Liyel tyí ñmɔ yĩn yõ, à kɪ kéle yé kǔ.

24 Té à pɔ syi núkúnúkú tyí, yé náh tǔnì me kwáh yó ñtǔ ni ñmɔ yĩn yõ. Yé ne n ni, yé kɪ n we n syi. Képah sɔkɔ, yé nìvìnì kɪ syi ké yĩn tyí.»

Yesu tǔ we kèkõyó tyí

* 16:11 16.11 - Kèkõyó névyé fnè-ò nê tyí-á n yo ásò sɔkɔ yò, sétàn yòtǔ ye.

²⁵ Képah náh, Yesu tõ ne: «Mé ye tyi nópi pól yãh yé tyí sèmìrn sòkò. Té sò yó me n pi, mé náh tõ n yãh n pi yé tyí sèmìrn sòkò. Nte mé kɪ Sú Liyel tyí yo wah palle yé tyí.

²⁶ Lésõ gbìyìkì-à pò nɔ, yé kɪ ònne n ni òmɔ yìn yõ. Té mé náh yo yé tyí ne òmɔ-á kɪ n ni ònne yé tyí dé.

²⁷ Yé náh we di, yé tyí nɔ Sú Liyel tyí. Nmɔ tyí-á nɔ yé tyí, té yé sɛ ké yõ ne máh wil òmɔ tyí, képah ye yé tyí nɔ ò tyí.

²⁸ Sú Liyel tyí ye mé wil à pò kèkõyó. Nte núkúnúkú, mé kɪ tõ yal kèkõyó kɪ n yuku n pi òmɔ tyí.»

²⁹ Yesu-á yo sɛ, ò tò sáhpú ne òhõ, núkúnúkú tẽne, wãh pyẽ me tyile n yo n wah palle sèmìrn mí-ńkẽne.

³⁰ Pépi-á pĩ núkúnúkú ne, wãh tyi pólle n pne. Pãh ne à piki n yah n pi tir nẽne, à n ne n me kè pĩ n te. Képah-á pépi sɛ ké yõ ne, wãh wil Liyel tyí.

³¹ Képah sòkò, Yesu ne: «Yé sɛ òmɔ yõ núkúnúkú yé yo kè?

³² Nte gbì yó me n pi, nê-á me te núkúnúkú ńtẽne yò, nê sòkò-á yé pól kɪ to karkɪ, kɪ sòkò yé wìl-ńtàn sòkò, té kɪ òmɔ sah ní gblõy. Nte Sú Liyel kɪ me ònne. Képah ye mé náh kɪ n me n pi ní gblõy.

³³ Nmɔ me ké tyí ne yé yèvinu we òmɔ tyí, képah ye mé tyi nópi yo yé tyí. Yé kɪ yèvyãhrɪ pɪ n pi kèkõyó sòkò. Nte yé káh tíkí pɪ, òmɔ ye tẽ we kèkõyó tyí.»

17

Yesu níri pínóle

¹ Yesu-á képah yo te sɛ, à ò yah yõ yínyõ té ne: «Bõ, ké gbí ye nɔ núkúnúkú. Gbílkinó sah òmɔ yõ, òmɔ to mó gbílkinó sah á yõ.

² Áwɔ ye tẽnwenɔle ní kõ no pól yõ, ne mé tyé-ńkẽ minne pé pól kõ, nónó-á á dahbɪ ní gbõ.

³ Áwɔ nê-á Liyel núkúnúne kègbɪ yõ, pàh áwɔ pĩ, té òmɔ Yesu Krista pĩ, òmɔ nê-á á tekɪ mɔ, képah ye tyé-ńkẽ minne.

⁴ Wáh tò nê dahbɪ ní gbõ pɪ pɪ tẽne, mé ye kè pɪ te. Nmɔ ye gbílkinó sah á yõ sétáh yõ sòkò.

⁵ Núkúnúkú tẽne Bõ, gbílkinó nê-á sò me òmɔ yõ á gbòpɔ kèkõyó mó-ńkẽ gbí dùkùle, képahle òmɔ kõ á gbòpɔ sòkò ńtõ.

⁶ Wáh nónó wilki kèkõyó névyè sòkò à òmɔ kõ, mé ye á dùkùle pè wèkɪ. Áwɔ tyí ye sò péle, té á me péle òmɔ gbõ dahbɪ, pè me á wey fẽ syi.

⁷⁻⁸ Wáh welɔ nónó yo ní tyí, mé ye sè yo pé tyí, pè me sè fẽ syi. Pè pĩ yíi ne, máh wil áwɔ tyí, té sɛ ké yõ ne áwɔ-á tekɪ mɔ ònne. Képah ye, núkúnúkú tẽne, pè pĩ ne wáh yí nónó pólle òmɔ kõ, sãh wil áwɔ tyí.

⁹ Pãh pɪ áwɔ tyíle sɛ, képah ye mé ále n ni pépi tyí. Mé náh me ále n ni kèkõyó névyè tẽ wɔ tyí dé! Wáh nónónne ní gbõ dahbɪ, pépi tyí ye mé n ni ále.

¹⁰ Nónó pól-á áwɔ tyíle, òmɔ to tyí ye péle. Nónó pól-á òmɔ tyíle, áwɔ to tyí ye péle. Té pépi gbõ yõ, gbílkinó me n sah òmɔ yõ.

¹¹ Nte dõ kwéy, òmɔ kɪ n pò n pi áwɔ tyí. Mé náh kɪ tõ n me n pi kèkõyó sòkò. Nte pépi wɔ kɪ me kèkõyó. Bõ, áwɔ nê-á pèkè kẽne, pè tẽ n sah á

tǎhkì gbò yõ, képah nê-á á n̄mɔ kõ. Képah sɔkɔ, pè kɪ pɪ núkúle sɔ-á áwɔ ànê n̄mɔle núkúle.

¹² Máh sò me péle gbí nêne, mé pè tẽ sah á tǎhkì gbò yõ, képah nê-á á n̄ kõ. Mé pé yõ syɪkɪ palle, òn̄n̄ yó n̄tẽ tyí náh yɪkɪ pé sɔkɔ, à wíl n̄énúkù mè tyí sɔkɔ, nê tyí-á sò yĩne kè yɪkɪ, á wey sébéy sɔkɔ tyi wárkínsàhnó kõ sè we n wíl.

¹³ Nte núkúnúkú, n̄mɔ-á n pi áwɔ tyí, képah ye mé tyi nópìle n yo té n̄ sah kèkõyó sɔkɔ, nónó-á kɪ pè kõ pè kɪ me n̄v̄n̄n̄ yèsyìkì sɔkɔ n̄mɔ tyí kõle.

¹⁴ Mé á wey yo pé tyí. Pè náh tõ pɪ kèkõyó tyíle, sɔ-á n̄mɔ náh pɪ kèkõyó tyíle. Képah ye, kèkõyó névyè pé dyɔle n yo.

¹⁵ Mé náh me ále n ni ne, á pè tẽ n yal kèkõyó dé! Nte ne n yah pé yõ, pèkè pí-ò káh tẽ we pé tyí.

¹⁶ Sɔ-á kèkõyó tyí náh n̄mɔle, s̄e ye kèkõyó tyí náh pépi tɔle.

¹⁷ Pè wilki n sah á tyí yõ á gbɪ gbò yõ. Á weyne, gbɪ ye kéle.

¹⁸ Wáh n̄mɔ tõ s̄e kèkõyó sɔkɔ, s̄e ye mé pé tɔle n tõ kèkõyó sɔkɔ.

¹⁹ N̄mɔ n̄ gbl̄ɔyne ále n kõ n̄ t̄ó pépi yĩne, ne pé tɔ ne n me áwɔ tyí yõ gbɪ tẽ yõ.

²⁰ Nte mé náh me ále n ni pépi ó yĩne dé! Nónó tɔ-á kɪ pɔ n s̄e n pi n̄mɔ yõ pépi tyíyónó gbò yõ, pépi tɔ tyí ye mé n ni ále.

²¹ Mé ále n ni ne pé pól pɪ núkúle. Áwɔ nê-á Bõle, áwɔ ànê n̄mɔ-á me núkúle s̄e, pépi ànê ápi tɔ pɪ núkúle s̄e, kèkõyó névyè kõ pè p̄i ne áwɔ-á tekɪ mɔ n̄ne.

²² Wáh gbílkinó sah n̄mɔ yõ s̄e, n̄mɔ tɔ ye gbílkinó sah pé yõ s̄e, ne pè pɪ núkúle sɔ-á áwɔ ànê n̄mɔle núkúle.

²³ N̄mɔ me péle, áwɔ me n̄mɔle. Káh pɪ s̄e, pè kɪ pɪ ȳí núkúle. Képah sɔkɔ, kèkõyó névyè kɪ p̄i ne, áwɔ-á tõ n̄mɔle, ànê no n̄ópi tyí-á nɔ á tyí, sɔ-á n̄mɔ tyí nɔ á tyí.

²⁴ Bõ, wáh nónóne n̄ gbò dahbɪ, mé me ké tyí ne pépi tɔ ne n me n̄ne máh kɪ n me n pi n̄yáh sɔkɔ, pè mó n̄ t̄órí we. N̄mɔ tyí-á me nónóle á tyí kèkõyó mó-n̄k̄e gbí òkùle s̄e, képah ye á t̄órí m̄ene n̄ k̄e.

²⁵ Bõ, áwɔ nê-á me tómm, kèkõyó névyè náh n̄ p̄i, nte n̄mɔ wɔ n̄ p̄i. Té no n̄ópi tẽ wɔ p̄i ne, áwɔ-á tõ n̄ne.

²⁶ Mé ye á òkùle pè w̄ekɪ, té kɪ tõ á òkùle pè w̄ekɪ n pi, ne n̄mɔ tyí-á nɔ s̄e á tyí, kéne tyín̄n̄n̄ òkùle ne n me pé tɔ sɔkɔ, ànê n̄mɔ mó ne n me péle.»

18

Yesu t̄énóle

¹ Welɔ n̄ópi yóntenɔ náh, Yesu ànê n̄ t̄ò sáhpu wíl sɔkɔ à kyɪ de sésân swáh yó sɔkɔ Sedr̄ó nítókahn̄ne.

² Yesu ànê n̄ t̄ò sáhpu sò dar té w̄ene n tuke n mɔ n pɔ n̄énpó. Képah ye, Nsyudasɪ nê-á sò me v̄ínɔ sɔkɔ Yesu náh, n̄ tɔ sò n̄énpó p̄i.

³ Képah sɔkɔ, sárká syínwilk̄ipu yòtām ànê Farisi w̄ek̄i kópú me sràsýíbí t̄ink̄i ànê Liyel ní-nsah gbò syíkípú t̄ò. Nsyudasɪ me pépi yah tẽ à pɔ de péle swáh mè sɔkɔ. N̄i sò me pé tyí wóhnt̄enȳinn̄le pé gbàn sɔkɔ, ànê f̄òtn̄n̄óle, à tahlɪ méfwóȳi tyí.

4 Nte tir nê-á sò ne n pi n pi, Yesu-á sò me kè pĩ sě, à no de pé tnô té pé piki yah ne, nê se pé n yah n kō nı?

5 Pé me à syah ne, Nasareti kwil Yesu-á. A me yo pé tyí ne: «Nmo ye.» Té Nsyudası nê-á kı sò à dahbi n pi pé gbò, nmo sò me yínttēnóle gbòpòle.

6 Yesu-á fyò yo pé tyí ne péwò-á, pé pé syı náhsékúrnnε à kyı syıkılı sétáh.

7 Á me tō ñ syı pé piki yah ne, nê se pé n yah n kō nı? Pé me ne, Nasareti Yesu-á.

8 Képah sòkò, à me yo pé tyí ne: «Mé ye kè yo te yé tyí ne nmo-á. Nmo-à kı nê yé n yah n kō, yé ye no nópi kō pé ne n yuku.»

9 Képah-á pi sě, wáh lésò wey nê yo sah, kè wil. A lésò ne: «Bõ, wáh nónonε ní gbò dahbi, mé náh ye pé sòkò yó nte tyí yıki.»

10 Té dí yó tò lésò me péle pé n ye Malkusile. Sárká syínwilkıpu yòtē ñgbě tònpi ye ñne. Té Simo-Pyerı tyí kékirkı yó sò me. A me kè yori de à kéne dí gbòyò sò níki kō kām.

11 Nte Yesu me yo Pyerı tyí ne: «Á kékirkı dyı ké gbô sòkò. Á se me n sò ne, Sú Liyel-á yèvyährı nê yah tòkò sah ne mé pò n pi, máh kı kè yahle?»

Tyi nóno-á pi sárká syínwilkıpu yòtē ñgbě An tınne

12 Képah náh, sràsyıbí tınkı ànê pé yòtē ñgbě, ànê Nsyifunò Liyel ní-nsah gbô syıkıpú me Yesu tē, té à pukubi,

13 à yuku ñne An ñgbò tyí. Kayifi nê-á sò sárká syínwilkıpú yòtē ñgběne léyile, nmo déndı ye sò An mène.

14 Té kéne Kayifi mè wò ye lésò vi mò pé no Nsyifunò yòtāmne ne nkē: «Dı nénúkù-à kı ku no pól yınnε, képah kı nekı kal ále.»

15 Simo-Pyerı ànê Yesu tò sáh-ò yó sò me Yesu sò tē. Képah sòkò, sárká syínwilkıpu yòtē ñgbě-á sò me Yesu tò sáh-ò mène n pne sě, nmo me de yuku Yesule sárká syínwilkıpu yòtē ñgbě gbô sòkò.

16 Nte Pyerı wò sò me yın tē kégbó, gbô yah sòkò. Té Yesu tò sáh-ò nê-à sò sárká syínwilkıpu yòtē ñgbě népıńıne, nmo me wil pò yo mò tònpi pi tyí nê-á gbô syıkı-òle, té Pyerı kō à de.

17 Té Pyerı-á n de, kéne tònpi pi mè me à syah ne, nmo tole Yesu mè tò sáh-ò kó ñne nı? Pyerı me à syah ne, ñ tò sáh-ò náh péwòle dé!

18 Nte vıri sò me n pi. Káh pi sě, tònpi bı ànê Liyel ní-nsah gbô syıkıpú sò me nyàh mò sah n wne, té Pyerı tò me nyàhle n wne péle.

19 Té Yesu wòle, sárká syínwilkıpu yòtē ñgbě me tyah ñmòle n piki n yah ñ tò sáhpú ànê ñ névye kwónó tyí sòkò.

20 Yesu me yo ñ tyí ne: «Mé sò me ní weyne n yo n dal n mò no pól yı yah. Té me kwónóle n pi gbımegbí Liyel ní-ntán vı sòkò, ànê Liyel ní-nsah gbô sòkò, nyáh sòkò-á Nsyifunò pól wēne n tuke n mò. Mé náh tir yó nte yo sètın sò sòkò.

21 Té kwáh nê pi á nne n piki n yah sě? Nóno-á ní wey noh, pépi piki yah nê-á mé yo. Máh nê yo, pépi wò kè pı.»

22 Yesu-á fyò képah yo, Liyel ní-nsah gbô syıkıpú sòkò nê-á sò me nénpó, nmo Yesu létáh mı té ne, sárká syínwilkıpu yòtē ñgbě tyí se à n wekı sě yò nı?

23 Yesu me yo ñ tyí ne: «Máh kɪ me wɛntùkù wɛkɪ, kéle ní wɛkɪ. Nte máh kɪ me wɛkɪ ple, kwâh nê pi té á ní mi?»

24 Képah sɔkɔ, An me Yesu tekɪ mɔ sárká syínwìlkɪpu yòtɛ̀ ñgbɛ̀ Kayifi tyí sɛ̀ púkúbínóle.

25 Légbíne, Simo-Pyerɪ sò me yĩn tɛ̀ nyàhle n wne sɛ̀. Pè me à piki yah ne, ñmɔ tɔle, dí mè tò sáh-ò kó ñne ni? A me ñ vyãh kɔli ne, ñ tò sáh-ò nãh péwɔle dé.

26 Pyerɪ-á lésò dí nê níki kò kãm, ñ tyí névi yó lésò me sárká syínwìlkɪpu yòtɛ̀ ñgbɛ̀ tònplɛ. Kéne tònpi-á Pyerɪ we, à à syah ne, ñmɔ-á lésò pé kyɪ we ànê Yesule swãh sɔkɔ.

27 Pyerɪ tɔ ñ vyãh kɔli. Nénpó swɔ, sénpe gbo.

Pilati Yesu kònmɔnɔ wɛ̀kɪ kɔ

28 Képah tɛ̀ne, pè Yesu tɛ̀ yal Kayifi tinnɛ, té yuku ñne Wrome gbɛ̀nyah yah tɛ̀-ò tinnɛ. Séngbɔ́ púpú ye sò pè pi képahle. Pãh yĩni tɛ̀, Nsyifuno yòtã́m nãh fɛ̀ syi de ñ gbô sɔkɔ. Pè nãh sò me ké tyí ne pé pé gblɔ́y silki, pé vyãh mó de Nsyifuno yòri tyénó syáh yòke yónó sɔkɔ.*

29 Kãh pi sɛ̀, Wrome gbɛ̀nyah yah tɛ̀-ò dí Pilati me wil pɔ pé tnô kégbó, à pɔ pè piki yah ne, tyítúkù nê se dí mè pi pè yo ni?

30 Pè me à syah ne, dí mè-à sò me tyítúkù pí-òle ñkɛ̀ne, pépi se nãhkɪ pɔ ñne ñmɔ tyí ni?

31 Képah tɛ̀ne, Pilati mó Nsyifuno syah ne, pè ne n yuku ñne, pè kyɪ à tuke pé gblɔ́y à yĩne pé tyi kònsàhnóle. Nte pé tɔ me à syah ne, névi kònmɔnɔ gbãh nãh de mɔ pépi tyí.

32 Képah sɔkɔ, Yesu-á lésò nê yo sah à ñ gblɔ́y ku dùkù tyí yo wah, kè wil.†

33 Kãh pi sɛ̀, Pilati me ñ syi de ñ gbô sɔkɔ, té Yesu ye pɔ piki yah ne ñkɛ̀, ñmɔ se Nsyifuno yòtɛ̀ne ni?

34 A me yo ñ tyí ne: «Áwɔ se sò tɛ̀ n yo kéle á gblɔ́y, tĩ ñnĩ se yo ñ syah kéle?»

35 Pilati me à syah ne, Nsyifu se yó péwɔ tɔle ni? Ñ yɛ̀ngbɛ̀ yìkɪ névyɛ̀ ànê pé sárká syínwìlkɪpu yòtã́m-á pɔ ñne péwɔ tyí. Tir nê se à pi ni?

36 A me yo ñ tyí ne: «Kèkòyó mè sɔkɔ nãh ní tɔ́rí n wil. Kãh sò me n wil kèkòyó mè sɔkɔ, ní tònpiɓi nãhkɪ sò ní fwo syi, mé nãh nãhkɪ n de n pi Nsyifuno yòtã́m gbò. Nte ɔ́ɔ dé, ní tɔ́rí nãh wil ásò.»

37 Képah tɛ̀ne, Pilati me yo ñ tyí ne, yòtɛ̀-á ñne kè? A me ne: «Áwɔ nítɛ̀ vyãh sɔkɔ ye kè wil ne yòtɛ̀-á ñne! Ñmɔ pónóle kèkòyó à pɔ dubi, gbɪ tyí yo n wah yĩn ye. Nónó-á me gblɔ́ névyɛ̀le, pépi kɪ ní tyíyónóle n noh n tɛ̀ yĩn.»

38 Pilati me à piki yah ne, kwâh nê se gbule ni?

Kéne welɔ́ yóntenɔ́ nãh, Pilati tɔ ñ syi wil à kyɪ yo Nsyifuno tyí ne ñkɛ̀: «Ñmɔ nãh pílkí-ńsah yó nítɛ̀ we dí mè tyí.

* **18:28** 18.28 - Nsyifuno nónó-à sò pi soh névyɛ̀le nónó nãh pi Nsyifunole, Nsyifuno yòri tyénó syáh déntenɔ́ sɔkɔ, pé vyãh n de kéne syáh yòke yónó sɔkɔ. † **18:32** 18.32 - Yesu lésò kè yo sah ne pãh kɪ pé dɔkɔ mɔ dahnɪ yò. Yah n te Nsyõ 3.14. Sɛ̀ ye nítyínò kè pɔ pi. Nsyifuno ñkɛ̀ne tyípél pípule n minkɪ n ko, ñte Wrome tãn wɔ n mó tyípél pípule n syi dahnɪ yò.

³⁹ Té à yĩne máh dar té kéle n pi sã yé tyí, yimeyí mé nkẽne yé soko yó wilki wòkònpèkè soko n fin n mo yé yõri tyénó syáh syah gbíne. Káh pi sã, yé se me ké tyí ne mé yépi Nsyifunõ yõtẽ dí fin n mo?»

⁴⁰ Képah tẽne, pè gbo mo tũ ne nkẽ, ãã, à ñmo sah, à mó Barabası wò fin mo. Té kèlékẽ névi ye mó tã sã Barabası mène.

19

¹ Képah soko, Pilati me pè kã pè Yesu tẽ kyı ko yèfõhle.

² Srasyíbı me pãn yòkõ pi dyı à kã yõtõrí yókúríle, té me fwòmònsãh* ñgbẽ yó mo à kã.

³ Képah tẽne, pè no de ñne té n yo n tyí ne, Nsyifunõ yõtẽ dí, páh n weki n tyí! Té me n létáhlóle n kõli.

⁴ Képah soko, Pilati tã n syı wil pò yo tówû tyí ne, pè yah yò, páh ki Yesu wilki pò kégbó soko, képah soko páh ki pĩ ne pé náh pílki-ńsah yó ńtẽ we n tyí.

⁵ Yesu me wil pò kégbó pãn yòkõle n yõ soko, ànê fwòmònsãh ñgbẽne mónóle n tyí. Képah tẽne, Pilati me yo pé tyí ne, pè yah névi mène kè.

⁶ Sárká syínwilkıpu yõtãm ànê Liyel ní-ńsah gbô syíkípú-á fyò à we, pè gbo mo tũ ne, à à syı dahni yõ! A à syı dahni yõ! Pilati me yo pé tyí ne, péwo tẽ wò náh pílki-ńsah yó ńtẽ we n tyí. Pépi kyı à syı dahni yõ soko pé gblõy.

⁷ Wáh yo sã, Nsyifunõ à syah ne, tir kònsàhnó yó-á me pépi tyí, nkẽ à yĩne képah soko weyne, dí mè-á yĩne kònmònlè, wáh sõnpıle n gblõyne n pi Liyel Pídıne.

⁸ Pilati-á kéne wey noh sã, tíki tã à gbah tẽ.

⁹ A me n syı de n gbô soko à kyı Yesu piki yah ne, nýãh se à n wil ni? Nte Yesu náh dahbi wilki n tyí.

¹⁰ Képah soko, Pilati me à syah ne, péwo tyí se à yahle vınmònlè ni? A kó pĩ ne, tẽnweno-á me péwo tyí ki fẽ à fin mo, képah náh pi ki fẽ à syı dahni yõ ni?

¹¹ Nte Yesu me yo n tyí ne: «Tẽnweno yó ńtẽ náh n we n pi á tyí ńmo yõ soko, né Liyel náh kéle n kã. Képah ye, nê-á dahbi ńmòle á gbõ, ñmo tyípékè kal áwo tyıle.»

¹² Wáh képah yo, Pilati sã me n wénfinnmo-ńsahle n yah n kã. Nte Nsyifunõ sã me kah gbo mo tũ ne, wáh ki à fin mo, Wrome kwiltãm yõtẽ Sesar kódí tẽ wò náh ñne dé! Nkẽ névi nê-á fyò n gblõyne n pi yõtẽne, Sesar sépe-á tẽne dò.

¹³ Pilati-á fyò welo nópi noh, à pè kã pè Yesu tẽ wil kégbó. Té me kã tẽ tukey tuke tuke kã yõ fı yó soko, nýãh-á me mónóle dyèhle. Pè nénpóle n ye Kabatale† Yebre wey soko.

¹⁴ Ké dındal ki sã n pi n pi Nsyifunõ yõri tyénó syáhle. Té gbı-á me yõtãh sírr kénkõ soko, Pilati me yo Nsyifunõ tyí ne, pè yah pé yõtẽne kè.

¹⁵ Nte pè tã kah gbo mo tũ ne, à à ko mo! à à ko mo! A à syı dahni yõ! Pilati me ne, pé yõtẽne pè ne pé syı dahni yõ lé? Sárká syínwilkıpu yõtãm me yo n tyí ne, yõtẽ yó ńtẽ náh me pépi tyí, à wil Sesar tyí soko.

¹⁶ Képah soko, Pilati me n gbàh de mo ne à syı dahni yõ.

* **19:2** 19.2 - Yõtõrí fwo ye sã fwòsãhle. † **19:13** 19.13 - Kabata kór ye tyah kèyyne.

Yesu syínóle dahnı yõ

Sràsyíbı́ me Yesu tẽ sòkɔ.

17 Páh n sòkɔ, pè à kɔ à n syı syı dahnı twah n gblɔy pè wil kwil sòkɔ, à yuku fí yó sòkɔ nýāh-á pè n ye yògbèkè tyahle, té pè kéle n ye Kòlkotale Yebre wey sòkɔ.

18 Nénpó sòkɔ ye pè syı òne dahnı yõ, té me népı́ ními yı́sý tɔ syı dahlo yõ n gbòplòle, té òmòle pé nyó.

19 Pilati me wey yó wārki à syı Yesu syı syı dahnı tyı n yòtah, nê yõ-á kè me wārkinsàhnóle ne nkẽ: «Nasaretı kwil Yesu, Nsyifunɔ yòtẽ.»

20 Páh Yesu syı dahnı yõ, té wey nê wārki syı kéne dahnı tyı, n yòtah, kè sò me Yebre wey sòkɔ, ànê Latẽ wey sòkɔ, ànê Kreakı wey sòkɔ. Té nýāh sòkɔ-á sò pè syı òne dahnı yõ, nénpó sò me yúkey kwille. Káh pı sẽ, Nsyifunɔ náhnáh kè we kar.

21 Képah sòkɔ, Nsyifunɔ sárká syınwilkıpu yòtām yo Pilati tyı ne, à káh ye wārkinó mè tẽ sẽ ne, Nsyifunɔ yòtẽ-á. Nkẽ à kè wārki mɔ ne, dí mè-á yo ne nkẽ, Nsyifunɔ yòtẽ-á péwòle.

22 Nte Pilati me yo pé tyı ne, páh fyò nê wārki te, káh kı tẽ sẽ.

23 Képah tẽne, sràsyíbı́-á Yesu syı te dahnı yõ, pè n flo tokɔ à dibi‡ tántàn òyêh à pɔ gbàh sah n fwòmò-òngbẽ tyı. Pé nénúkù núkú pól me tokɔ núkú núkúle. Té fwòmò-òngbẽ mè sò me kóhntel-nsah kẽne ké tyı. Kè sò me fwo núkúle à tokɔ ké yòtah tyı, fók à pɔ syı ké sètàhkı sò tyı.

24 Pè me yo wẽ tyı ne, pé káh képah wɔ yɔrı n tokı. Pé ye òndan mɔ n yah, káh kı pı nê tyıle. Té nê-á lésò wārkinsàhnóle Liyel wey sébéy sòkɔ ne nkẽ: «Pè n flo dibi pé wẽ wró, té òndan mɔ à n fwòmò-òngbẽ tokɔ.»§ Képah wil yın ye kè kɔ kè pı sẽ yò. Sẽ ye sò sràsyíbı́ pı.

25 Té Yesu yú sò me yínttẽnóle Yesu syı syı dahnı tnô, ànê n yú gběnsêle, ànê Klopası kyı Marile, à tahlı Makadala kwil Mari tyı.

26 Yesu tò sáh-ò nê tyı-á nɔ yíı n tyı, òmɔ tɔ sò me yínnóle Yesu yú tnô sòkɔ. Yesu-á pè we, à yo n yú tyı ne: «Á pídı́ we yò.»

27 Képah náh, té yo n tò sáh-ò mè tyı ne: «Á nò we yò.» A tokɔ légbı́ tyı, tò sáh-ò mè me Yesu yú tẽ à kyı sah n gblɔy tyı.

Yesu kúnóle

28 Képah náh, Yesu-á pı ne tyı pól-á pı dal mɔ sẽ, à ne: «Níkı me n tẽ.» Képah sòkɔ, nê-á wārki sah Liyel wey sébéy sòkɔ, kè wil.*

29 Té pın yó sò me nénpó yòyòkè nine ké yíıne. Sràsyíbı́ me sènsúkúrí tokɔ à dahbı wilki kéne yòyòkè ni sòkɔ, à dyı yısɔpı òndan tyı, té kè nɔ à sah Yesu vyāh yah.

30 Wāh kè wɔ, à ne: «Tyı pól ye we pı dal mɔ.» Wāh fyò képah yo, à n yõ sınıki té ku.

31 Nsyifunɔ mı mı yòh kı sò n tyah n pi lékâh mónó sòkɔ.† Té mı mı yòh mè sò kal sé nɔ télólé. Képah ye, Nsyifunɔ yòtām náh sò me ké tyı ne nónó-á me syınsàhnóle dahlo yõ, pé lékyı pɔ mı mı yòh sò nɔ dahlo yõ.‡

‡ 19:23 19.23 - Wrome tãn-à sò névile n syı dahnı yõ, pè tẽ flo de. Páh à syı te, nónó-á syı òne, pépi n flo nópi tokɔ n dibi. § 19:24 19.24 - Yah n te Gbálnó 22.19. * 19:28 19.28 - Yah n te Gbálnó 69.22. † 19:31 19.31 - Nsyifunɔ gbıyıkı sò n tyah tyah piri gbıne. ‡ 19:31 19.31 - Yah n te Tõnyono 21.23.

Kǎh pɪ sɛ̃, pɛ̀ kɛ̀ yah kɔ̃ Pilati tyí nɛ, à kɛ̀nɛ no nɔ́pi gbyɛ̃h kwɔkɪ pɛ̀ kɔ̃ pɛ̀ ku súú, pé lékyí mó tiki n mo n to dahlo yõ.

³² Képah sɔkɔ, népî ními nónó-á sò pɛ̀ syɪ dahlo yõ ànê Yesule, sràsyíbí me pɔ négben gbyɛ̃h kwɔkɪ té ní-ò tɔ tyí kwɔkɪ.

³³ Té pǎh yīni tɛ̃ Yesu tyí, pɛ̀ kɛ̀ wɛ̀ ñmɔ me ku tɛ. Kǎh pɪ sɛ̃, pɛ̀ nǎh fwõtɛ̀ ñmɔ gbyɛ̃h kwɔkɪ.

³⁴ Nte képah fyé yõ, sràsyíbí nɔ́pi sɔkɔ yó Yesu gbòpɔ tũ mèmèkìlɛ. Nénpó swɔ, tó ànê ni n fwɔ n wil nórɛ mè sɔkɔ.

³⁵ Névi nê-á n yo tyi nɔ́pile, ñ tɔ yí yah tótó sɔkɔ ye sè pɪ. Gblɔ ye ñ tyíyónóle. Nmɔ n̄tɛ̀ tɔ pī nɛ gblɔ-á pé n yo. A tyi nɔ́pi yo nɛ yépi tɔ sɛ̃ Yesu yõ.

³⁶ Nte yah, tyi nɔ́pi pól ye pɪ Liyel wɛy sɛ́béy sɔkɔ tir wǎrkínsàhnó mè kɔ̃ kɛ̀ wil. Kè lésõ me wǎrkínsàhnóle nɛ ñkɛ̃: «Ñ gbèkè yó n̄tɛ̀ nǎh n kwɔ n pi.»§

³⁷ Té kè tɔ me wǎrkínsàhnóle Liyel wɛy sɛ́béy fí yó sɔkɔ nɛ ñkɛ̃: «Pǎh névi nê tũ, pé yípló pye kɪ tɛ̀ ñ yõ.»*

Yesu lékó yínóle tɛkɪ diki sɔkɔ

³⁸ Té dí yó lésõ me pɛ̀ n ye Nsyosefulɛ. A sò n wil Arimatɪ kwil sɔkɔ. Yesu tò sǎh-ò yó ye sò ñ tɔlɛ. Té Nsyifuno yòtām tíkí-á sò me à tɛ̀ sɛ̃, képah ye à kè wɔ́bɪ péle. Kɛ̀nɛ tyi pínsɔkɔntɛnɔ nǎh, ñmɔ me pɔ Pilati ni nɛ, à ye pé kɔ̃ pé Yesu lékó de dahni yõ pé kyɪ à yí. A me ké wɛ̀kìlɛ à kɔ̃. Képah sɔkɔ, à me kyɪ ñ lékó de.

³⁹ Té Nikodemɪ nê-á lésõ kyɪ wil Yesu tyí sò yó lékâhne, ñ tɔ me pɔ pútúr pǎn pènàl dukenɔ nínó fɛ̀kìnmonɔle wɛ̀ sɔkɔ. Núkú yīn ye mirle, ní-ò yīn me alowesule. Pútúr mè sò nɔ kílónó yògbām kénkòle.

⁴⁰ Pé ními me ñ lékó tɔkɔ, té à plo fwɔ gbróle. Pè pǎn pènàl yí nɔ́pi mo ñ yõ, à yīne Nsyifuno lékó yí dùkùle.

⁴¹ Pǎh Yesu syɪ dahni yõ nýǎh sɔkɔ, swǎh yó lésõ me nénpó tnô diki sǎn yóle ké sɔkɔ, diki nê-á ney nǎh yí yah ké sɔkɔ pólle.

⁴² Té Nsyifuno mɪ mɪ yòh-á kɪ sò n tyah n pi lékâh mónó sɔkɔ sɛ̃, képah ye pɛ̀ me Yesu lékó yí diki mè sɔkɔ, képah nê-á sò me yúkey.

20

Yesu lékó yìlkinmonɔle

¹ Dimansyi sò séngbòle, Makadala kwil Mari kwǎh kyɪ diki yõ tósõ yõ gbíne. A kyɪ nɛ n yah diki yah dáhkì nǎh tɔ me ké yah.

² Képah sɔkɔ, à tɔ sɔkɔ à kyɪ wil Simo-Pyɛrɪ ànê ñ ní-ò Yesu tò sǎh-ò yó tyí nê tyí-á nɔ yí Yesu tyí, té yo pé tyí nɛ, pǎh Tɛ̀ ñgbɛ̀ lékó wilki diki sɔkɔ. Té pépi nǎh pī pǎh à sah nýǎh sɔkɔ.

³ Képah sɔkɔ, Pyɛrɪ ànê ñ ní-ò Yesu tò sǎh-ò mè me yuku à diki yõ nyáh sò.

⁴ Pé ními sò me n to. Té ñmɔ-á sò me n to súú kal Pyɛrɪlɛ, ñmɔ kyɪ yīni tɛ̀ gbenne diki yõ.

⁵ Wǎh kɔ yah diki sɔkɔ, à fwɔ gbró wɛ̀ sàhnóle ké sɔkɔ, té à nǎh de.

§ 19:36 19.36 - Yah n tɛ Gbálnó 34.21. * 19:37 19.37 - Yah n tɛ Nsakari 12.10.

⁶ Nte Simo-Pyery nê wɔ-á sò me n pi ò náhɛ, òmɔ wɔ-á pɔ yĩni tẽ, à de diki sɔkɔ. Té kyɪ fwɔ gbró we sàhnóɛ,

⁷ ànê fwɔ yóɛ fikénsàhnóɛ ké tyíɛ, pãh sò nê mɔ ò yõ yõ. Képah nãh sò me fwɔ gbró télóɛ fí núkú.

⁸ Képah sɔkɔ, Yesu tò sáh-ò nê-á sò pɔ de diki yõ gbenne, ò tɔ me de diki sɔkɔ. Wãh kè we, à sã ké yõ.

⁹ Té à pɔ nɔ légbí tyí, wey nê-á wãrkɪ sah Liyel wey sɔkɔ ne, Yesu lékó-á yĩne à pɔ n yilki mɔ, ò tò sãhpú nãh tɔnì sò me képah dùkù pĩ.

¹⁰ Képah nãh, Yesu tò sãhpú népĩ ními nópi pé syɪ to yuku pé tĩne.

Yesu ò gblɔyne Makadala kwil Mari wẽki

¹¹ Légbíne, Mari sò me yĩntẽnóɛ kégbó sɔkɔ diki tɔnò me n gbo. Wãh me gbní sɔkɔ gbí nêne té kɔ yah diki sɔkɔ,

¹² à yĩnyõ tɔnpɪbɪ népĩ ními we fwɔpikino sɔkɔ diki sɔkɔ. Pè sò me kɔntẽnóɛ Yesu lékó snékínmɔ-ńsah sɔkɔ. Núkú sò me tẽ ò yõ mó-ńsah tĩne, té ní-ò me tẽ ò gbyêh mó-ńsah tĩne.

¹³ Pè me ne, pi, kwãh nê se pɪ té à n gbo nɪ? A me ne pãh pé Tẽ ògbẽ lékó wilki. Nté pé nãh pĩ pãh à sah nyãh sɔkɔ, képah-á pé kɔ pé n gbo.

¹⁴ Wãh me képah yónó sɔkɔ té ò yah vi, à Yesu we yĩnnóɛ nénpó. Nte à nãh sò me pĩ ne òmɔ-á.

¹⁵ Yesu me à piki yah ne, pi, kwãh nê se pɪ té à n gbo nɪ? Nê se à n yah n kɔ nɪ? Nte Mari wɔ sò me n sò ne sètẽ dí-á, té yo ò tyí ne, pé yòtẽ, òmɔ-à kɪ nê wilki òne, à ò sãh-ńsahle pé wẽki pé kyɪ à tɔkɔ.

¹⁶ Képah tẽne, Yesu me à ye ne, Mari! Mari me ò yah vi ò tĩne té yo ò tyí Yebre wey sɔkɔ ne, Wrabuni, nê kór-á kwó-ò díne.

¹⁷ Nte Yesu me yo ò tyí ne: «Mé nãh tɔnì me dɔkɔ yuku Sú Liyel tɔnò, képah ye, káh ní tẽ n sah. Té kyɪ n yo òmɔ yũnpyé tyí ne,* máh kɪ dɔkɔ yuku ní Sú tyí, nê-á yépi tɔ Súɛ. Òmɔ nê-á ní Liyelle ànê yépi tɔ Liyelle, máh kɪ dɔkɔ yuku ò tyí.»

¹⁸ Képah sɔkɔ, Makadala kwil Mari me kyɪ kè yo Yesu tò sãhpú tyí ne, pãh Tẽ ògbẽ we. Té wãh tyi nóno yo ò tyí, à me sè yãh pé tyí.

Yesu ò gblɔyne ò tò sãhpú wẽki

¹⁹ Kéne dimansyi mè ó sò òvĩne, Yesu tò sãhpú sò me tũkènmɔntẽnóɛ wòkò yó sɔkɔ. Té Nsyifunɔ yòtãm yah tíkí tẽ tyí, pé sò me ké vì yey tẽ n mɔ sah. Nte dõ, Yesu núkú pɔ n yĩn pé nyó, té yo pé tyí ne: «Yé ne n me yèvinɪ sɔkɔ.»

²⁰ Képah yóntenɔ nãh, à ò gbãh táhló ànê ò gbòpɔɛ pé wẽki. Pãh Tẽ ògbẽ we sã, kè pɪ yĩ òvĩnɪne pé tyí.

²¹ A me tɔ yo pé tyí ne: «Yé ne n me yèvinɪ sɔkɔ. Sú Liyel-á òmɔ tɔ sɔ, sã ye òmɔ tɔ yéle n tɔ.»

²² Kéne welo yóntenɔ nãh, à fɪbɪ mɔ pé yõ té ne: «Liyel Mirki ye mé yéle n kɔ.

²³ Yãh nóno tyípèl yõ mɔ pé kɔ, sè kɪ yõ mɔ pé tyí. Té yãh nóno tyí yõnmɔ-ńkẽne, sè nãh n yõ n mɔ n pi pé tyí.»

* **20:17** 20.17 - Yesu yũnpyé nóno tyí-á à n yo ásò sɔkɔ yò, ò yõ sèpú ye à n ye.

Yesu ne Toma yal mo tòtò pínóle

²⁴ Nte Yesu-á pò ò tò sáhpú tnô sô nêne, Toma nê-á pè yĩn dyi à kǒ kènìnìne, òmò wò náh sò me. Yesu tò sáhpú nêpî gbõnimí sòkò yó ye sò ò tǒle.

²⁵ Kǎh pì sě, pé no téló me pò kè yo ò tyí ne, pépi-á Tě ògbě Yesu we. Nte à me pè syah ne òkě, né péwò tě náh kwèrkè níy we ò gbǎn táhló sòkò, té pé kèngbò dyi yah sé sòkò, ànê né pé náh pé gbò dyi yah ò gbòpò tũ-nsah sòkò, pé náh n sě n yah n pì ké yǒ pólle.

²⁶ Képah náh, ké dimansyi kèyâhle òtǒ, Yesu tò sáhpú sò me wě tuke mo tě wòkò sòkò, té me ké vù yey pól tě mò. Képah wò sòkò, Toma tǒ sò me péle. Dǒ, Yesu núkú pò n yĩn pé niyó, té yo pé tyí ne: «Yé ne n me yèvinì sòkò.»

²⁷ Képah yóntenò náh, à yo Toma tyí ne: «Á kèngbòle pò ásò sòkò yò, ò té n yah ò gbǎn táhlóle. Á gbò nò n dyi ò gbòpò sòkò. Yal n mo tòtò pínóle, ò té n sě ké yǒ.»

²⁸ Képah tǎne, Toma ne òkě, òmò-á pé Tě ògbě ànê pé Liyel tǒle.

²⁹ Képah sòkò, Yesu me à syah ne: «Wáh ò we, képah ye á sě ò yǒ kè. Nte nóno-à sě òmò yǒ ò wényah-òkǎne, pé kù me nìvìnì sòkò.»

³⁰ A wil képah sòkò, Yesu tǒ gbìl tyi náhnáh pì ò tò sáhpú yí yah, nóno-á sè náh wǎrkì sèbéy mè sòkò.

³¹ Nte nóno-á wǎrkì ké sòkò, sè ye wǎrkì ne sépi gbò yǒ, yé sě ké yǒ ne Yesu-á Liyel Pídíne, ànê Liyel ney yáhntòkònlé. Té yáh kù sě òmò yǒ, yé mó tyé-òkǎ min we.

21

Yesu ò gblǒyne ò tò sáhpú nêpî kwǎrnimi wěki

¹ Képah náh, sò yóle, Yesu tǒ ò gblǒyne ò tò sáhpú wěki Tiberiyadu yò-ògbě gbòpò. Kǎh pì òkù nêne, kè we yò:

² Simo-Pyeri sò me wě tyí ànê Toma nê-à pè yĩn dyi à kǒ kènìnìne, ànê Natanayeli nê-á n wil Kana kwil sòkò, Kalile gběnyah, ànê Nsebede dínpìle, à tahlì pé no Yesu tò sáhpú nêpî ními yísyó tyí.

³ Képah tǎne, Simo-Pyeri me yo pé tyí ne péwò-á n sòkò yǎnkýo tǎ-nsah. Pé no téló me ne, pépi tǒ-á kù sòkò òne. Pè me wil sòkò à kyì de krótókè sòkò, té pé náh kwáh yó we tǎ lésò lékǎhne.

⁴ Tyah sykì gbíne, Yesu sò me yínnóle yo vyǎh yah, té ò tò sáhpú náh sò me pì ne òmò-á.

⁵ Á me yo mò pé tyí ne, pé kódíbí, pé kó yǎnkýo yísyó we tǎ nì? Pè me ne, òǒ-á.

⁶ A me ne, pé pé yǎnkýo tǎ tǎ m̀no min n dah n m̀no krótókè gbòyò sòle, pǎh kù we tǎ. Pè me sè min dah m̀no, té yǎnkýo we tǎ tnónóle, f́ó pè tǎ sè yòri wilki kwìo.

⁷ Képah sòkò, Yesu tò sáh-ò nê tyí-á nò yíí ò tyí, òmò me yo Pyeri tyí ne, Tě ògbě-á. Té Pyeri sò me ò fwòmòni de sah. Wǎh noh ne Tě ògbě-á níyǎh sòkò, à kè tǒkò m̀no té yòkò de yo sòkò.

⁸ Tò sáhpú téló wɔ mó n pi krótókè sɔkɔ, té me pé yěnkɔ tē tē mɔle n yɔri n pi, yěnkɔle sé yíine. Pè náh sò me gbɛ mɔ kah yɔ vyähle. Kè sò me métérnó lèkwě kénkòle.

⁹ Páh pɔ yíni tē kènkwàh yò sɔkɔ, pé nyàhségbnɔ yísyó we yěnkɔle sé yò, té búrn tɔ me.

¹⁰ Képah sɔkɔ, Yesu me yo pé tyí ne, yěnkɔ nónó-á pé we tē yò, pé pɔ sé yísyóle.

¹¹ Wáh yo sě, Simo-Pyeri me yěnkɔ tē tē mɔ nópi yɔri wilki kènkwàh yò. Sè sò me yúkúnóle yěnkɔ ñgbàl pló lèkwě tikinini pó gbām pó tǔnóle (153). Nte yěnkɔpèl nópi wéntèno fyé yò, pé yěnkɔ tē tē mɔ náh kòli.

¹² Képah sɔkɔ, Yesu me yo pé tyí ne, pé pɔ yòke yò. Té n tò sáhpú-á sò pĩ ne Tě ñgbě-á sě, képah ye n píkinyahno tah pé tyí ne, nê se ñne ni?

¹³ A me nɔ de péle, té búrn tɔkɔ à dibi pé tyí, té yěnkɔ tɔ dibi pé tyí sěntě óle.

¹⁴ Yesu lékó yílkinmòntenɔ náh, ké ke tǔ-ò ye à n gblòyne n tò sáhpú wěki yò.

Yesu ànê Pyeri wě wénóle

¹⁵ Yòke yóntenɔ náh, Yesu me Simo-Pyeri piki yah ne ñké: «Nsyõ* pídí Simo, ní tyí-á nɔ no nópi tyí sò, ní tyí se me nɔ áwɔ tyí à kal pépile?» A me yo n tyí ne, àwe Tě ñgbě, ñmɔ ñtē-á pĩ ne n tyí-á nɔ pé tyí. Yesu me yo n tyí ne: «Ñ kápópĩ tǔnó ple.»

¹⁶ Té tǔ à piki yah ke ní-òle ne ñké: «Nsyõ pídí Simo, ní tyí se me nɔ á tyí?» A me yo n tyí ne, àwe Tě ñgbě, ñmɔ ñtē-á pĩ ne n tyí-á nɔ pé tyí. Yesu me yo n tyí ne: «Pĩ ní képyénì fě-òle.»

¹⁷ Képah náh, Yesu tǔ n syi à piki yah ke tǔ-òle ne ñké: «Nsyõ pídí Simo, ní tyí se me nɔ á tyí?» Képah sɔkɔ, kè Pyeri yah kwɔ, Yesu-á sǔnpíle à piki yah ke tǔnó pólle ne, pé tyí se me nɔ n tyí ni? Képah tǔne, à me yo Yesu tyí ne, Tě ñgbě, ñmɔ-á tyi pólle n pne. Wáh kè pĩ yíi ne, n tyí-á me nɔ pé tyí. Yesu me yo n tyí ne: «Ñ képyénì tǔnó ple.»

¹⁸ Kègbɔgbɔ tē yò, mé kéle n yo á tyí, áwɔ kètǔnpíkì gbíne sò, nyāh-à á dyɔ, ñ á kò toh á fwòmò-ñgbě yò n sɔkɔ nǔnpó. Nte wáh pɔ dye, á kɪ á gbàn yò ñnì yó kò à kɪ á kò toh n kò, té kɪ sɔkɔ ále fí yó sɔkɔ, nyāh tyí náh me á tyí.»

¹⁹ Té Pyeri-á ne n ku n pi dùkù nêne, té kè kɪ Liyel yĩn gbilki n pi, képah tyí ye Yesu n yo sě yò. Képah yóntenɔ náh, à tǔ yo Pyeri tyí ne: «Ñ sò tē.»

²⁰ Képah sɔkɔ, Pyeri-á n yah vi, Yesu tò sáh-ò nê tyí-á nɔ yíi Yesu tyí, à à we pé náhle. Nmɔ ye lésò n gbalì kěki Yesu tĩnne, té à piki yah ne, Tě ñgbě, nê tē ó se kɪ n vi n pi n náh ni?

²¹ Pyeri-á à we, à Yesu piki yah n tyí sɔkɔ ne ñké, té ñmɔ-á dò, Tě ñgbě, tir nê se kɪ ñmɔ nɔ n pi ni?

²² A me yo n tyí ne, páh kɪ me ké tyí ne ñmɔ tē min sɔkɔ, fóó kè pɔ n nɔ pé syĩnpɔnɔ tyí, n vyāh nê se me ké sɔkɔ ni? Ñmɔ tē wɔ pé sò tē sǔ!

²³ Képah tǔne, kè wil wùù Yesu yò sǔpú tyí ne, Yesu tò sáh-ò mē náh n ku n pi. Nte Yesu náh se mó tǔ sò n kú-ñké tyí yo Pyeri tyí. A sò ne ñké,

* **21:15** 21.15 - Nsyõ nê tyí-á n yo ásò sɔkɔ yò, tókù ñne n ye Nsyonasile.

páh kɪ mɛ ké tyí nɛ ñmɔ tẽ min sɔkɔ, fɔ́ kè pɔ nɔ pé syínɔnɔ tyí, ñ vyãh nê se mɛ ké sɔkɔ ni?

²⁴ Yesu tǒ sáh-ò mè ye n yo tyi nópilɛ, té sè wãrkɪ. Té ápi pĩ nɛ gblɔ-á ñ tyíyónɔlɛ.

²⁵ Tyi náhnáh tókù mɛ Yesu pi ñtǒ. Ntɛ sé pól-à sò mɛ n wãrkɪ núkú núkúɛ, ñmɔ sɔnɔ sɔkɔ, sé sébéynó sáh-ñsah náh náhkɪ n wɛ n pi kèkõyó sɔkɔ.

Tyípínì

N yǐnpyé, yépi nónó-á sébéy mè kàrpule, mé wèki yé tyí.

Tyípínì sébéy mènè, Likyi sébéy wárkínó ní-ò ye kéle.

Wáh nê wárki gbennè, té n yǐnnè ké yō pè n ye Likyi sébéyne, képah Yesu min pi dùkù tyí óle n yo á tyí, gbí nê-á sò à me sétáh yō. Nte n sébéy ní-ò mè wòle, nê-á pè n ye Tyípínì sébéyne, kè Yesu yǐnyō dókónsòkòno tyíle n yo á tyí; ànê képah náh, Liyel Mirki-á pò Yesu tò sáhpú tokò, té Yesu yō sǐpú ònkínó tyah dùkù nènè.

Yesu yō sǐpú ònkí nópi sò tyah Pyerì ànê Nsyō gbò yō Nsyifunò wró, Yerusalemì kwil ànê Nsyifunò kwlo tókù sòkò. Té ònkí nópi tókù me we Pole gbò yō kwlo yísyó sòkò, nónó náh pi Nsyifunò kwlole, sǒ-á Antyosyi kwil, ànê Korēnti kwil, ànê Filipi kwille. Képah náh, Likyi me Pole Liyel tò pínkònkòno dùkù yo wah ànê yótyí nónó-á à we ké sòkò. Pole-á tē we yótyí nópi yah wah dùkù nènè, Likyi ké tò yah yo wah.

Likyi n sébéy mè sòkò tyi kèdùkù yah yo á tyí, ké 1.8:

- Liyel yō sǐpú ònkí tyàhnóle Yerusalemì kwil sòkò (1.1 - 8.3),
- Liyel wey yónkònole Yerusalemì kwil, ànê Nsyude, ànê Samari gběnyah (8.4 - 12.25),
- ànê kèkòyó tàntàn pól sòkò (13.1 - 28.31).

Wáh Yesu tēntò névyè Liyel wey yo dùkùle n yah, n n nùkú fē n pī kwónó nê-á sò pè Yesu yō sǐpúle n kō. Kénè Liyel wey yónó mè ye Nìvìnì tirlè. Képah tō Yesu dùkùle ále n wēki, nmo nê-á Liyel ney yáhtòkònole. Nmo ye pò tē kèkòyó mè sòkò, à pwáhnmonòle névyè kō, nónó pól-á fē syi sē n yō.

Liyel yé yah tē ké kàrnó sòkò.

Amina!

Liyel vyāh kōnóle n Mirki pónó tyí sòkò

¹ N dí Tewofil, máh lésò sébéy gben nê tēki mō á tyí, képah sòkò ye mé wárki Yesu tyípínì ànê n névyè kwónónò pólle. Mé sè wárki à tokò n tò tyàhnó tyí,*

² pópó à pò nò sò nê-á Liyel à yō dòkò sòkò yǐnyō. Té Yesu-á pópó n yō n dòkò n sòkò, à tǎn kwāh sah n tēntò syínyopu kō Liyel Mirki gbò yō, pépi nónó-á lésò à yah wilki sah.

³ Yesu-á yèvyāhrì pi à ku, képah náh tēntò névyè nópi tyí ye à n gblóy wēki duke duke náhnáhle nē, páh me vile. Sèpìn tikinini sòkò ye sò à n gblóyne péle n wēki, té péle n kwò Liyel tōrí tyí yō.

⁴⁻⁵ Képah sòkò, sǒ yóle pè me yòke yónó sòkò, té Yesu gbáhdýāh yó di pé tyí nē: «Yé káh n gbe n mō Yerusalemì kwille. Ngbòle, Nsyō lésò névyè wel wilki ni sòkò, nte nùkúnúkú, káh pópó n nò sèpìn yísyó tyí, Liyel kù yé tō sah n Mirkile kù yé pi yályál. Képah ye, yé káh gbe mō Yerusalemìne. Yé

* **1:1 1.1** - Liyel wey sébéy fí nê-á pè n ye Likyile, képah tyí ye Likyi n yo Tewofil tyí nē pé sébéy gben-á.

Liyel Mirki sykú n tẽ nénpó, képah nê-á Sú Liyel vyāh kǒnóle, nê tyí-á mé yo sah yé tyí.»

Yesu yǎndokɔnsokɔnɔle yǎnyō

⁶ Té Yesu tǎntǒ névye-á sǒ me tükènmɔnɔle n̄ tn̄, pè píkinyahno yó pɪ n̄ tyí ne, pé Tě ñgbě, núkúnúkú se à kɪ tǒrí tǒ dahbɪ Yisrayel gběnyah tǎn gbǒ sokɔ nɪ?

⁷ A me yo pé tyí ne: «Yépi tyí náh ké lésǒ ànê ké gbí pínóle. Sú Liyel nê ó-á tǒrí nétǎne, ñmɔ ye wilki sah légbíne.

⁸ Nte yé kɪ pɔ tǎnwɛnɔ yó wɛ, Liyel Mirki-à pɔ tiki yé yǒ gbí nēne. Képah sokɔ, yé kɪ pɪ ñmɔ tyí yónwáhpu kègbɔle à tɔkɔ Yerusalemɪ kwil, ànê Nsyude gběnyah pól sokɔ, à tahlɪ Samari gběnyah tyí, fókó à kɪ kyɪ syɪ kèkǒyókó pól yǎn tyí.»

⁹ Yesu-á fyò kéne wɛlɔ yo tɛ, à núkú yǒ dokɔ n sokɔ yǎnyō pé pól yí yah. Té ñyírki yó pɔ à fɔkɔ tũ, pè náh tǒ à wɛ.

¹⁰ Té pǎh me kéne yǎnyō yáhnó sokɔ díkidíki sǎ, pè núkú díbí népí ními yísyó wɛ pé tn̄ fwǒpikino sokɔ,

¹¹ pè me n yo pé tyí ne ñkě: «Kalile gběnyah tǎn, kwáh nê me, té yé yǎn tǎ ásǒ, à yǎnyōle n yah sǎ? Sǒ-á yé wɛ Yesu mēne, à yǒ dokɔ sokɔ yǎnyō yò, sǎntǎ ó ye à kɪ tǒ ñ syɪ n pɔ n pi.»

Yesu tǎntǒ névye syínɔnɔle Yerusalemɪ kwil

¹² Képah náh, Yesu tǎntǒ névye yal Wolivi yèh yǒlɪ yǒ, à pé syɪ n pi Yerusalemɪ sokɔ. Kéne yǒlɪ náh sǒ me fíí kah Yerusalemɪne, kè me lérí tóní kénkǒ kó-ńsahle.

¹³ Pǎh pɔ de, pè dokɔ yuku yǎnyō wòkò sokɔ, pǎh ñkěne wēne n tuke n mɔ ñyāh sokɔ. Pyerɪ sǒ me, ànê Nsyōne, ànê Nsyakɪle, ànê Andrele, à tahlɪ Filipi tyí, ànê Tomale, ànê Bartelemine, ànê Matyele, ànê Alfe pídí Nsyakɪle, ànê Simole nê-á sǒ pè n ye sú fókó vyāh syí-òle, ànê Nsyakɪ pídí Nsyudele.

¹⁴ Pé pól sǒ me pé sǎnɔ pɪ núkúle, à n tuke n mɔ wǎ tyí gbímeǵbí, à níríle n pɪ. Syó yísyó tɔ sǒ me péle, à tahlɪ Yesu yú Mari tyí, ànê Yesu yúnpyéle.†

Matyasɪ sàhnóle Nsyudasɪ swɔ

¹⁵ Kéne sèp̄n sokɔ, sǒ yóle, Yesu yǒ sǎpú sǒ me tuke mɔ népí tikinúkò (120) kénkǒle. Té Pyerɪ me yuku yǎn pé ñyókó, té yo pé tyí ne,

¹⁶ pé yúnpyé, Liyel wɛy sokɔ Liyel Mirki-á lésǒ Davidi kǒ, à nê yo sah Nsyudasɪ tyí sokɔ, kǎh sǒ yǎne kè pɪ ó pɪ. Kéne Nsyudasɪ-á lésǒ Yesule n̄ tǎpú wǎkɪ.

¹⁷ Té pépi tǎnkɪ sokɔ ney yó-á mó tǒ sǒ ñne, tǒle dáhbínóle n̄ gbǒ pépi tyí kǒle.

¹⁸ Nte wǎh pók nê wɛ n̄ tyítúkú pínó yǒrele, képah-á dwe swǎhle. Té à me pɔ sykú n̄ fɔkɔ sɔ, n̄ dyɔ pól wil karkɪ.

¹⁹ Képah sokɔ, Yerusalemɪ tǎn pól me kè noh, pè kǒ pè kéne swǎhle n ye pé wɛy sokɔ Akeldamale, nê kór-á tókó swǎhle.

† 1:14 1.14 - Yesu yúnpyé nónó tyí-á n yo ásǒ sokɔ yò, tókú sǎnɔ sokɔ, n̄ kèkúrki núkú gbām ye à n ye. Té tókú sǎnɔ sokɔ mó, n̄ kèkúrki núkú gbām náh à n ye.

20 Képah tyí-á sò wǎrkínsàhnóle Gbálnó sébéy sɔkɔ ne nkě:

«N kéte kɪ pɪ kɛntíkínìne,
àné ney náh tɔ̃ n tɛ̃ n pi ké sɔkɔ.»‡

Té tɔ̃ yo ké fí yó sɔkɔ ne nkě:

«Nnì kɪ ñ pɪ pɪ tò tɔkɔ n pɪ.»§

21 Képah-á, névye nónó-á sò me péle Yesu me gbí dùkùle,

22 à tɔkɔ Nsyɔ̃-á à wel wilki ni sɔkɔ gbí nêne, fókú à kyɪ syɪ ñ yɔ̃ n dɔkɔ n sɔkɔ sò tyí yínyò. Pépi sɔkɔ nénúkù yó-á yíne à tahlɪ pé tyí, pé ñ tyíle n yo n wah ne, wǎh ku té yilki mɔ.

23 Wǎh yo sɛ̃, pé me népí ní mí wěki. Núkú yín ye Nsyosefulé, nê-á pé n ye Barsabasile, té tɔ̃ ñne n ye Nsyusitusile. Ní-ò yín me Matyasile.

24 Képah sɔkɔ, pé me Liyel ni ne, Tɛ̃ ñgbě Liyel, ñmɔ nê-á no pól fókósòndole n pne, wǎh nê yah wilki népí ní mí nópi sɔkɔ, à tɛ̃ne pé wěki.

25 Tɛ̃ wɔ-á kɪ Nsyudasɪ swɔ tɔkɔ Yesu tɛ̃ntò névye tò mè sɔkɔ, wǎh nê milki té yuku fí yó, nýǎh-á yíne ñne.*

26 Képah tɛ̃ne, pé sáhntɔkɔnɔ pɪ, kéne sáhntɔkɔnɔ me pɔ yíne Matyasile. Nmɔ núkú kwrɔ mɔ Yesu tɛ̃ntò névye népí gbõnúkú sɔkɔ.

2

Liyel Mirki pónóle

1 Syáh sò-á pɔ nɔ, nê-á pé n ye Pǎntekɔtɪ syáhle, Yesu yò sɛ̃pú pól sò me tükènmɔndole fí núkú sɔkɔ.

2 Dò, yínpɔ̃ yó núkú n wil liyel sɔkɔ á kɪ ne yǎhpékè yó sò kò, à pé mé-ńsah wòkò pól yuku.

3 Té kwǎh yó núkú wil mɔ á kɪ ne nyàh lépɔ̃ sò, té kòh tɛ̃ tɛ̃ kò pé nénúkú núkú pól yò.

4 Liyel Mirki me pé pól tɔkɔ. Pé tyah wénsnóle n wɛkɪ Liyel Mirki-á nónó dahbɪ pé vyɛy.

5 Té légbíne, Nsyifunɔ nónó-á pé Liyel wěkì tɛ̃nó ple, pé sò me wil kèkòyó kwlo kwlo pól sɔkɔ, à pɔ twah Yerusalemɪ kwil.

6 Yínpɔ̃ mè-á wil sɛ̃, pé pól tuke mɔ tówùle. Té pé pól yáh-ńsah sò me tyɛ, pé nénúkú núkú pól-á sɔ̃npíle pé kwlo welɔ wékínóle n nohnɪ Yesu yò sɛ̃pú tyí.

7 Kǎh pɪ sɛ̃, pé gbǎn du, pé lékám fěki, pé me tyah n yo wě tyí ne: «Nónó pól-á n wɛkɪ yò, pé pólle Kálile gběnyah tǎn náh di?

8 Nte kè pɪ sò té ápi nénúkú núkú pól á kwlo welɔ wékínóle n nohnɪ pé tyí,

9 ápi nónó-á n wil gběnyah nópi sɔkɔ, nónó-á pɪ: Partesele, àné Medile, àné Yelamne, àné Mesopotami tɔle, àné Nsyudele, àné Kapadɔsile, àné Pòtele, àné Asile,

10 àné Frisyile, àné Pǎnfilile, àné Yesyiptile, à tahlɪ Sireni kwil tǎn tyí, Libi sɔkɔ, àné Wrome kwil tǎn nónó-á me tɛ̃nóle ásò,

‡ 1:20 1.20 - Yah n te Gbálnó 69.26. § 1:20 1.20 - Yah n te Gbálnó 109.8. * 1:25 1.25 - Fí nê tyí-á n yo ásò yò, yèvyǎhrɪ tɛ̃-ńsah ye nɛnpóle, nê-á pɪ nyàh mé-ńsahle. Nsyudasɪ ye ku sɔkɔ nɛnpó.

11 ànê Kretì tǎnne, ànê Arabunine. Àpì tókù sò dubi Nsyifunò Liyel nínò wěkì sòkò, té tókù mó vi mọ de ále ké sòkò. Té á pól me Liyel tyí-̀ngbno pínó tyí yónóle n nohnì pé tyí á kwlo welo sòkò.»

12 Képah sò me pé pól yáh-̀nsah tye, té gbě̀ndù̀nì tẹ̀ tyí, pè me tyah n yo wě tyí ne, tir nê se képah n wěkì nì?

13 Té pé tókù mó sò me kóle Yesu yò sě̀púle n ko ne, òwě̀ pènèkì-à tẹ̀ péle.

Pyerì Liyel wey yónóle tówù tyí

14 Képah sòkò, Pyerì yuku yīn pé no tẹ̀ntò névyé nẹ̀pì gbõnúkú tẹ́lò nıyò, té tyah n yo yīnpò̀ nğbēne tówù tyí ne: «Àpì Nsyifunò pólle ànê nónó pól-à me tẹ̀nóle Yerusalemı kwil, yé yé ní kwò noh palle ní tyí, yè mó ní wey syíkí-̀nsah pĩ.

15 Mé pĩ ne yáh me n sò ne, sètḕnì sòkò-à no nópìle, té sě̀ náh dé! Põy tō gbí ó sòkò náh ále yò di?*

16 Nte Liyel tẹ̀ntò syínyo-ò Nsyowelı-à nê yo sah, képah ye pı yò.†

17 A lésò ne, Liyel-à ne nkě:

«Kèkõyó-à pópó n tye,

mé kı ní Mirki tiki mọ no pól yò.

Yé dīnpì ànê yé syónpì kı ní tẹ̀ntõ̀nène n syi n yo.

Mé kı wěkínóle yé kètḕnpìle n wěkì,

té yé yèwàhnì kı dléyne n do.

18 Gbı yò, kéné sèpìn sòkò,

mé kı ní Mirki tiki mọ ní tṑnpıbı díbı ànê syó yò.

Té pè kı ní tẹ̀ntõ̀nène n syi n yo.

19 Mé kı gbıl tyi pı yīnyò,

té kı gbıl tyi pı sétáh yò,

nê-à kı pı tó, ànê nyàh, ànê gbısyikile,

20 gbı kı vi mọ pı fě̀ntũne, té nıwò kı syāh tó sò,

té Tě̀ nğbē tukey tükèno yòh nğbē kı pyè pò, kéné tṑrí yòh nğbēne.

21 Képah sòkò, nónó pól-à Tě̀ nğbē ye gbo, pépi wò kı pwah.»

22 Pyerì-à Nsyowelı welo nópi yo te, à tṑ n syı yo pé tyí ne nkě: «Yisrayel tǎn, yé noh ní tyí, mǎh kı nê yo n pi: Nasaretı Yesule, nımọ ye pı névi yóle, nê-à Liyel syò n tyí, à n gblõy tṑríle yé wěkì n gbıl ànê n gbě̀ndù̀nì tyi pínó sòkò yé wró. Yépi nıtē ye kè pĩ ó!

23 Liyel-à n tyi yah tokò sah sò, sè pı sě̀. A kéné dí gbàh de mọ yé kō, yé me nne Liyel dél pípú kō pè à syı dahnı yò, à à ko mọ.

24 Nte kũ náh sò fě̀ à tẹ̀ n sah n pi. Képah ye, Liyel me tṑ n lékó yilki mọ, à à wilki kũ yèvyǎhrı sòkò.

25 Nımọ tyí ye lésò yòtē dí Davidi yo ne nkě:‡

«Péwò Tě̀ nğbē Liyel náh me ké tyí ne pé tẹ̀ n kwlo.

Képah-à, à me péle gbımegbı pé yohnı mọ yīnne.

26 Páh tṑ me nıvını sòkò, ànê nıvını welo ó-à pè n ne n wekı.

Pé gbò sàhnó-à me ké yò ne, pǎh pò ku, pé min-à kı me tẹ̀ yèvını sòkò.

27 A náh pé lékó sah kũ kō n pi,

ànê à náh n ye pé lékó kō kè n pyāh n pi,

* 2:15 2.15 - Yáh we Pyerì põy tṑ gbí tyíle n yo, Nsyifunò náh sò tṑle n wò, põy tṑ gbí nırı sókò-̀nkě sòkò. † 2:16 2.17-21 - Yah n te Nsyowelı 2.28-30. ‡ 2:25 2.25-28 - Yah n te Gbálnó 16.8-10.

péwɔ nê-á n̄ tǒnrɪ pèpeyne.

²⁸ Wǎh min wǎlle pé wěki. Té kɪ pé kǒ,
pé kɪ me n̄v̄n̄n̄ sɔkɔ kúmm n̄ yah.»»

²⁹ Képah yóntɛnɔ náh, Pyerɪ tǒ yo pé tyí ne: «Á no, yé ye mè á náh ney Davidi tyi yo n wah yé syah. A lésǒ ku pé yĩ. Té kwey mè sɔkɔ, n̄ diki n̄tē me ápi kwil.

³⁰ N̄te Liyel tēntǒ syínyo-ò ye sǒ n̄ne. N gbǒ sàhnó sǒ me Liyel vyǎh kǒnó mè yǒ, Liyel-á n̄ wo nê sɔkɔ ne, n̄ pétóbé sɔkɔ yó-á kɪ pɔ pi yǒtēne n̄ swɔ.

³¹ Tē wɔ ye pɔ pi Kristale, nê kór-á Liyel ney yáhntɔkɔnɔle. Té wǎh ne n yilki n mɔ n pi n̄ kúntɛnɔ náh, képah ye Davidi kwǎh tē we, à kǒ à ne n̄kē: «Á náh n wũ n pi lékókwíl, ànê n̄ lékó náh n pyǎh n pi.»

³² Núkúnúkú Yesu mèn̄e, á pól ye kè we yíne ne wǎh ku, té Liyel me n̄ lékó yilki mɔ.

³³ Á yǒ dɔkɔ sɔkɔ yínyǒ, me kyɪ tē Liyel gbǒyǒ sǒle. Té Sú Liyel-á n̄ vyǎh kǒ n̄ Mirki nê tyí sɔkɔ, à me kéle Yesu kǒ à tiki mɔ á yǒ. Képah ye á n yah, té n nohnɪ yò.

³⁴ N̄te Davidi náh dɔkɔ yuku yínyǒ, té wǎh kè yo ne n̄kē:

«Tē n̄gbē Liyel kè yo n̄mɔ yǒtē dí tyí ne,
pɔ n kǒ n tē n̄ gbǒyǒ sǒle,

³⁵ fǒó kè pɔ nɔ gbí nê-á mé kɪ á sèpébi pi á gbáhkì súnsàh-n̄sahle.»§

³⁶ Képah yóntɛnɔ náh, Pyerɪ tǒ pé syah ne: «Yisrayel tǎn pól yíne ye kè pĩ gbɪ yǒ ne, Yesu nê-á yépi tē syɪ dahni yǒ, n̄mɔ-á Liyel pi Tē NGBÈNE té tǒ à pi Kristale, nê kór-á Liyel ney yáhntɔkɔnɔle.»

Népî kèyǒ núkú kyegbām (3 000) dòhn̄n̄ól̄e Yesu yǒ sǐpú yǒ

³⁷ Pyerɪ-á wey mè yo pɔ tyɛ sē, kè névye ni kah tē, pé me Pyerɪ ànê Yesu tēntǒ névye téló piki yah ne, pé no, sǒ se pé yíne pé pi ni?

³⁸ Képah sɔkɔ, Pyerɪ me yo pé tyí ne: «Yé yé n̄nɔ vi mɔ, yé nénúkú núkú pól mó wèlnwìlkínó we ni sɔkɔ Yesu Krista yin yǒ, yé tyípél yǒnm̄nɔ yinne. Képah sɔkɔ, Liyel Mirki kɪ yé kǒ.

³⁹ Liyel-á n̄ vyǎh kǒ n̄ Mirki tyí sɔkɔ nónó yinne, yépi ye, ànê yé wǎnpìle, à tahlɪ nónó pól-á me kwlo fífí sɔkɔ, ànê nónó pól-á Tē n̄gbē Liyel kɪ n ye n pi.»

⁴⁰ Té Pyerɪ tǒ sǒ me welo náhnáhle n gbah n yo pé tyí, à sǒréle n mɔ pé sɔkɔ. Á sǒ me n yo pé tyí ne: «Yé Liyel pwáhn̄m̄nɔ fē syi, yé mó wil kwey gbí névye népèl wró.»

⁴¹ Képah sɔkɔ, nónó-á Pyerɪ welo fē syi, pé wèlnwìlkínó we ni sɔkɔ. Ké lésǒle, népî kèyǒ núkú kyegbām (3 000) kénkǒ dohnɪ Yesu yǒ sǐpú yǒ.

Yesu yǒ sǐpú négbro tēnól̄e wē tyí

⁴² Képah tēne, Yesu tēntǒ névye-á kwónól̄e nónón̄e n kǒ, pé pól sǒ me pé gbǒy kǒ, me n nohnɪ pé tyí, té me kwɔ mɔ pé sɔkɔ, à pi péle núkúle. Pé sǒ me yókele n yǒ péle wē tyí, té me nírile n pi péle.

⁴³ Liyel sǒ me n syǒ Yesu tēntǒ névye tyí, à gbíl tyi náhnáhle n pi. Kǎh pi sē, kè tíkile no pól tē.

44 Nónó pól-á sò vi mɔ pi Yesu yõ sɛpùle, pè sò me kwɔ mɔ tɛ wɛ tyí, té me pé gbàn yí pólle n sah wɛ yõ.

45 Pè sò me pé swɛy ànê pé gbàn yile n yãm. Té me sé yãmnó pónóle n dibi wɛ wró, à yĩne pé nénúkù núkú pól fyàhnónole.

46 Té pè sò me pé sònɔ pi núkúle, à wɛne n tuke n mɔ sòmésó Liyel ní-ńsah gbô sɔkɔ. Pè sò pé fɔkɔ dal wɛne, à yòkenole n yõ wɛ yõ nìvìnìne, pé gbéngbèn sɔkɔ.

47 Pè sò me Liyelle n gbilki, té no pól me péle n sò. Té Tɛ ñgbɛ sò me névyele n pwah n mɔ n dohnɔ pé yõ sòmésó.

3

Gbáhkì núkú dí yó dénmɔnole

1 Képah sɔkɔ, sò yóle Pyerɔ ànê Nsyɔ sò me n yuku gbèkãm gbí Liyel ní-ńsah, Liyel ní-ńsah gbô sɔkɔ.

2 Té dí yó sò me gbáhkì núkúle ñ dubi gbí òkùle. Sòmésó, pè sò ñkɛne à twah n pɔ n sah Liyel ní-ńsah gbô dé-ńsah yah sɔkɔ, nê-á pè n ye dé-ńsah Kètãrlɛ, à kɔ à póle n ni n syi ké sɔkɔ dépú tyí.

3 Wãh Pyerɔ ànê Nsyɔ we pè n tyah dénóle ké sɔkɔ, à pó ni pé tyí.

4 Képah sɔkɔ, pè à gbah yah, té Pyerɔ me yo ñ tyí ne, à pé yah yíí.

5 Wãh yo sɛ, dí sò we ne, páh kɔ kwãh yó we n syi n pi pé tyí, té tyah péle n gbah n yah.

6 Képah tɛne, Pyerɔ me yo ñ tyí ne, pó ànê sãn náh me pé tyí, ñte kwãh nê-á me pé tyí, páh kɔ kéle à kɔ. Té ne: «Nasaretɔ Yesu Krista yĩn yõ, yuku ne n kɔ!»

7 Té me ñ gbòyò sɔkɔ tɛ, à à yilki sah. Nénpó swɔ, sèkùkù dí gbyèh ànê ñ létóhnì sũ.

8 A núkú yɔkɔ syikɔ ñ gbyèh yõ, à tyah n kɔ, té de péle Liyel ní-ńsah gbô sɔkɔ, me n kɔ, té n yɔkɔ n syikɔ, à Liyelle n gbilki.

9 No pól à we à me n kɔ, me Liyelle n gbilki.

10 Pè me à yah pĩ ne, ñmɔ-á ñkɛne n tɛ ñ ne n ni n syi Liyel ní-ńsah gbô dé-ńsah sɔkɔ, nê-á pè n ye dé-ńsah Kètãrlɛ. Té tir nê-á pi ñ tyí, képah sò me kah pi yáh-ńsah tyénó ànê gbèndùnìne no pól tyí.

Pyerɔ Liyel wey yónóle tówù tyí

11 Képah sɔkɔ, sèkùkù dí náh tɔ sò me ñ syi Pyerɔ ànê Nsyɔ náh. Té gbèndùnì kàhnmɔnɔ tɛ tyí, névyé to pɔ pè mɔ gbí Liyel ní-ńsah gbô párn yó sò, nê-á pè n ye Salomo párnne.

12 Pyerɔ-á képah we sɛ, à yo tówù tyí ne: «Yisrayel tãn, kwãh nê pi, té tir mè pínó yé gbàn du wé? Kwãh nê pi té yé ále n gbah n yah sɛ? Yé káh we ne ápi yèngbɛ tɛnwɛnɔ, képah náh pi, á Liyel wèkì tɛnó pèpɛy-á pi dí mènɛ à kɔ à kɔ dé?»

13 Á náh tãn nónó-á pi Abrahamɔ, ànê Yisakɔ, ànê Nsyakɔbɔ, ànê pé no tɛlólɛ, pépi Liyel ye gbílkínó sah ñ tònpi Yesu yõ, ñmɔ nê-á yé dahbɔ yòtãm gbò, té à yahle gbènyah yah tɛ-ò dí Pilati yí yah. Té Pilati mó tɔ sò kè yah tɔkɔ ne, pé à fin mɔ.

14 Nte ñmɔ nê-á me Liyel tyí yõ, té me négbíle Liyel yah, yé ñmɔ yahle, té pyè nékókè mó-ò wɔ fínmɔnɔ yah kɔ.

15 Té min nétě Yesu nê-á yé ko mo, yépi ntě ye kè we yíne, Liyel me ò lékó yilki mo.

16 Dí nê-á yé n yah yò, yé òne n pne. Yesu yín yò sěno gbò yò soko ye ò gbyêh me sũ. Yé pól yí yah ye Yesu yò sěno dí mè de mo pnépné yò dé!

17 Nte núkúnúké, á no, mé pí ne òpì-òkě soko-á yépi ànê yé yòtām ko mo Yesule.

18 Té Liyel-á lésò ò těntò syínyopu pól kò, pè nê yo sah di mónóle ne, Krista-á kí yèvyāhrì pí, képah ye à pí yò.

19 Kāh pí sě, yé yé nno vi mo, yè mó Liyel wěkì tě, à kò à yé tyípèl yò mo yé kò.

20 Képah soko, Tě ògbě Liyel kí yèvinì gbíne yé kò, té kí Yesu Krista tekì mo yé kò, wāh sò nê yah wilki sah yépi yinne.

21 Nte núkúnúké, à yíne à tě yínyò, fókò kè kyì syì tyì pól tǒnsàhnó tyí, sépi nónó-á Liyel ò těntò syínyopu kò pè sè yo sah ògbò dùkùle, pépi nónó-á me ò tyí yò.

22 Moyisi kè yo sah ògbòle ne òkě: <Yé Tě ògbě Liyel kí yé soko ney yò wilki mo yé kò n pí, à kí pò pí Liyel těntò syínyo-òle òmo tyí kòle. Yé ne n nohnì ò tyí ò welo pól soko.>

23 Té nê-à yahle sàhnóle ò tyí yò, tě tyí kí ykì, à kí ku to Liyel wěnpì wró.>*

24 Nte gbì nê-á yé n wne yò,† képah tyí ye Liyel těntò syínyo-ò Samuyeli yo sah ò me gbí dùkùle, à tahlì Liyel těntò syínyopu téló tyí, nónó pól-á pò òmo tyí nāh.

25 Yé yah, Liyel-á tyì nónó pól yo ò těntò syínyopu tyí, yépi yín ye à yo séle, à tahlì wāh lésò yégbékè kwrónmòno nê pí yé nāh tǎn tyí, nê-á à yo Abrahamì tyí ne òkě: <Awò pétóbé gbò yò, kèkòyó nénye pól kí ò pèpòri we.>‡ Kéne yégbékè kwrónmòno nê-á à pí yé nāh tǎnne yò, yépi to vyāh me ké soko dò!

26 Yépi ògbò tyí ye Liyel tekì mo ò tǒnpì Yesule pèpòri pí yinne yé tyí ne, à yé pól nénúkù núkù yohnì n mo yé kò yé tyítúkùní pínó yal n mo.»

4

Yòtām-á Pyeri ànê Nsyõ tuke sõ

1 Képah těne, Pyeri ànê Nsyõ-á sò me wékínó soko tówù tyí sě, nósýó pò wil mo pé yò. Sárká syínwìkìpu yísyó ye sò, ànê Liyel ní-ńsah gbò syíkìpù yòtěne, à tahlì Sadiusě nénye yísyó tyí.

2 Té kéne no foko sò me kah vyāh Pyeri ànê Nsyõne, pāh sǒnpìle nénye n kwò ne, Yesu-á kí tē yilki mo, ànê lékyî to-á kí pò n yilki n mo n pí.

3 Képah soko, pè pè tě. Té lékâh-á sò me mo n te sě, képah ye pè pè dah mo wòkònpèkè soko, pópó à pò syì dīndal tyí.

4 Nte nónó-á Yesu těntò nénye kwónó noh, pé nāhnāh Liyel wěkì tě. Kāh pí sě, Yesu yò sěpù no nēpì kèyò nínó kyegbām (5 000) kénkòle.

5 Képah soko, ké dīndalle, Nsyifunò yòtām, ànê kwil yèwāhni, ànê Liyel tyì kǒnsàhnó kwópù wě tuke Yerusalemì soko.

* 3:23 3.22-23 - Yah n te Tǒnyono 18.15,18. † 3:24 3.24 - Gbì nê wnénó tyí-á n yo yò, Yesu me gbí tyí ye kè n yo. ‡ 3:25 3.25 - Yah n te Yenesi 22.18.

6 Sárká syínwìlkìpu yòtḗ ñgbḗ An sò me ànê ñ gbô tǎn pólle. Pépi túkú ye sò pí Kayifile, ànê Nsyõne, ànê Alekisãdrele.

7 Képah tḗne, pè Pyerì ànê Nsyõ tḗ pɔ pé nyó, à pɔ pè piki yah ne, tḗnwɛnɔ nê gbò yò se, képah náh pí, nê yín yò se pè pí dɛnmɔnɔ mènɛ ní?

8 Képah sɔkɔ, Liyel Mirki gbò yò, Pyerì pè syah ne:

9 «Kwil yòtām ànê yèwàhnì, áyáh pèpɔrì pí sèkùkù dí yó tyí, képah yò sɔkɔ náh yé n piki n yah ále kweyne ne, sǒ se á pí, té à de mɔ dí?

10 Yépi pól ànê Yisrayel tǎn pól yíne yè kè pí ne, Nasaretì Yesu Krista yín yò-á dí mènɛ yíntḗnóle yé yah sɔkɔ lènɔle yò. Yépi ye syì Yesule dahnì yò, té Liyel me ñ lékó yilki mɔ.

11 Ñmɔ Yesu tyí ye yónóle Liyel wey sɔkɔ ne ñkḗ: «Wòkò mópú-á yahle dáhkì nê mónkònóle, képah ye pɔ pí wòkò dáhgúle.»*

12 Képah náh, Pyerì tḗ ne: «Yesu ó yín kí fḗ névyɛ pwah mɔ. Né ñmɔ ó yín náh, yín yó ñtḗ náh ñnî yó ñtḗ kǒ kèkǒyó, nê-á kí fḗ névyɛ min pwah mɔ.»

13 Tukey tükèpu sò pí ne Pyerì ànê Nsyõ náh Nsyifunɔ kǎrn ñgbḗ pí, ànê pè náh me n mɔ n kǒ nɛnpó tinnɛ. Té pǎh n wɛkì nìsǎh ànê lékámne sḗ, képah me pé gbǎn du. Nte pè mó tḗ sò pí ne, pépi-á lésò Yesu kómúne.

14 Té pé yí-á mó tḗ sò me dí mè yò nê-á dɛnmɔnɔ wɛ, tyíyóné náh tḗ wɛ pé tyí.

15 Kǎh pí sḗ, pè Pyerì pí kǒ pè wil tukey tükèpu tǐnkì wró, té pépi me wḗ wɛ pé yahle

16 té ne, sǒ se pé kí pí no nópilɛ ní? Ñkḗ, kǒlì kǒlì tḗ náh se mó tḗ kéle té. Yerusalemì tǎn pól-á pí ne, Pyerì pí-á pí gbìl mènɛ.

17 Kǎh pí sḗ, pé ye kè yahle pé tyí dírí sɔkɔ ne, pè kǎh tḗ Yesu yínnɛ n yo ñnî yó ñtḗ tyí. Képah-á pí, yí mè náh n tḗ n mɔ n yuku n pí yahle.

18 Képah tḗne, pè tḗ pè ye, té kè yahle pé tyí gbógbó ne, pé kǎh tḗ Yesu yín noh n yah pé vyḗy yah, ànê pè kǎh tḗ kwónó pí ñ yín yò.

19 Nte Pyerì pí pè syah ne: «Yépi ñtḗ kè sò n yah kè: Kè se me yínénóle Liyel tyí, áyáh ñmɔ tyí ye, té yépi yóré fḗ syì?

20 Api tḗ wɔle, áyáh nê wɛ, té nê noh, á náh fḗ n ye n pí sé yáhnóle.»

21 Képah tḗne, tukey tükèpu tḗ dírí gbah wɔ pé tyí, té pè fin mɔ. Pè náh sò me vî-nsah wɛ pé wɛ fǒh fǒh tḗne, no pól-á sǒnpíle Liyel yínnɛ n gbilki Pyerì pí tyípíkì mè yínnɛ.

22 Té dí nê dɛnmɔnɔ-á sò pí gbille, à kah ye tikininíne.

Yesu yò sḗpú nírìle

23 Pǎh fyò Pyerì ànê Nsyõ fin mɔ, sárká syínwìlkìpu yòtām ànê yèwàhnì-á nê yo pé tyí, pè kyì sè pól yǎh pé kómú tyí.

24 Pé wɛlɔ nóhntɛnɔ náh, pé pól pé sǒnɔ pí núkúle, à Liyelle n ni ne ñkḗ: «Tḗ ñgbḗ, áwɔ ye mɔ yínyòle, ànê sétáhle, ànê pne yɔle, à tahlì sé sɔkɔ yíyìn pól tyí.

25 Api náh ney Davidi nê-á á tǒnpíle, áwɔ ye à kǒ à kè yo á Mirki gbò yò ne ñkḗ:

«Kwáh nê yúkúnyahlenɔ me kwlo kwlo tyí?

Kwáh nê tyíkwê sǒnɔ me névyɛ sɔkɔ!

26 Kèkǒyó yòtām wḗ tyí mɔ,

* 4:11 4.11 - Yah n tɛ Gbálnó 118.22.

té yah tã̃m tɔ̃ tuke mɔ̃, à pɪ nùkùlɛ,
pè Tě̀ ñgbě̀ Liyelle n fwo ànề ñ ney yáhntòkònlɛ.†

27 Gbɪ̀ yõ̀, kwil mè ñtě̀ sòkɔ̀, yõtě̀ dí Yerɔ̀dɪ̀ ànề gbě̀nyah yah tẽ̀-ò dí Põse Pilati ye wě̀ tyí mɔ̃, à tahlɪ̀ Yisrayel tã̃n ànề kwlo kwlo tɛ́lɔ́ tyí, pè á tònpi Yesule n fwo, ñmɔ̃ nề-á á ney yáhntòkònlɛ.

28 Yah, wáh lésṍ á tẽnwenɔ̀ sòkɔ̀ tyi nónó yah tɔ̀kɔ̀ sah á dyo dyo tẽnɛ, sépi ye pè pɪ.

29 Nte nùkúnúkú, yah pè ápile n kyí n kɔ̀ kè! Nìsãh ñgbě̀ne á kɔ̀, à á weyne n yah n yo, ápi nónó-á á tònpiɓilɛ.

30 Tẽnwenɔ̀lɛ á kɔ̀, à yámpùlɛ n de n mɔ̃, à mó gbɪ̀l tyilɛ n pɪ, á tònpi Yesu yĩn yõ̀.»

31 Té fí nề sòkɔ̀-á sò péle tükènmònlɛ, níri-á fyò n tyɛ, nénpó nùkú yike. Képah tẽnɛ, Liyel Mirki pé pól tɔ̀kɔ̀, pè tyah Liyel weyne n yah n yo n kɔ̀ nìsãhlɛ.

Yesu yõ̀ sě̀pú négbro me òkùlɛ wě̀ tyí

32 Yesu yõ̀ sě̀pú pól sò me n sò òkù nùkùlɛ, té me ké tyí ne pé ne n pɪ òkù nùkùlɛ. Pé sòkɔ̀ yó ñtě̀ náh sò me n yo ne, pé gbã̀n yĩlɛ, pé gblɔ̀y nùkúní tyí-á séle. Té pé wě̀ wró, pé pól gbã̀n yĩ sò pɪ tówù tyílɛ.

33 Té tẽnwenɔ̀ ñgbě̀ sòkɔ̀ ye sò Tě̀ ñgbě̀ Yesu tẽǹtò névyɛ pɪ ñ tyí yónwàhpu kègblɔ̀lɛ, à ñ tyílɛ n yo n kɔ̀ ne, wáh ku té yilki mɔ̃. Té Liyel pèpɔ̀rɪ̀ ñgbě̀ sò me pé pól yõ̀.

34-35 Swě̀y, képah náh pɪ, gbèn-à sò me nónó tyí, pè séle n yãm, ñ té sé pólɛ Yesu tẽǹtò névyelɛ n kɔ̀. Pépi n mó séle n dibi, à yĩne pé nénúkù nùkú pól fyàhnónɔ̀lɛ. Képah ye, yãm pí-ò náh sò me pé sòkɔ̀.

36 Té légbíne, Nsyosefu yó sò me, nề-á dubi Syipri gbě̀nyah. Levi yĩkí ney ye sò ñne. Té Yesu tẽǹtò névyɛ me yĩn dyɪ̀ à kɔ̀ Barnabasɪlɛ, nề kór-á sórɛ mó-òlɛ.

37 Ñmɔ̃ me ñ swãh yãm, té me pɔ̀ ké pólɛ Yesu tẽǹtò névyɛ gbò dahbɪ.

5

Ananiyasi ànề ñ kyɪ Safirale

1 Nte dí yó lésṍ me pè n ye Ananiyasilɛ. Ñmɔ̃ ànề ñ kyɪ Safira me pé sétáh yó yãm, té yo sah nùkú yõ̀,

2 à ké pól tókù kãm sah. Képah náh, Ananiyasi me kyɪ ké pól ténɛ Yesu tẽǹtò névyɛ kɔ̀.

3 Képah sòkɔ̀, Pyerɪ̀ me yo ñ tyí ne, Ananiyasi, sétàn yõtě̀ se pɪ sɔ̀ té we de yĩ̀ ñ nɪ sòkɔ̀ sě̀, fóó à pɔ̀ mìnì yo Liyel Mirki tyí, té sétáh yãmnó pól tókù kãm sah nɪ?

4 Sétáh mè yãm-ñkě̀ gbíne, ñ yě̀ngbě̀ tyí kó sò kéle nɪ? Wáh tɔ̀ pɔ̀ kè yãm, ké pól kó pɪ ñmɔ̃ tyílɛ nɪ? Nte yĩ̀ mè òkù pínó sònɔ̀ se pɪ sɔ̀, té de ñ nɪ sòkɔ̀ nɪ? Nkě̀, névyɛ ó tyí náh à yo mìnìne dé, Liyel tɔ̀ tyí-á.

5 Ananiyasi-á fyò kénɛ welɔ̀ noh, à nùkú syɪkɪ ku. Kãh pɪ sě̀, nónó pól-á yĩ̀ mè noh, tíkí pé kah tẽ̀.

6 Wáh ku sě̀, kètènpì me pɔ̀ ñ lékó fòkɔ̀, té à tɔ̀kɔ̀ kyɪ yĩ̀.

† 4:26 4.25-26 - Yah n tɛ Gbálnó 2.1-2.

⁷ Képah náh, lérínó tǒnó kénkǒ sókóntenǒ náh, ò kyí pǒ de nénpǒ, té tir nê-á pǐ sǒkǒ, à náh sǒ me kè pǐ.

⁸ Pyerí me à syah ne, à yo pé syah, dan mè se ntyínǒ pè yām pé sétáh mènne ni? À me ne, àwe, kéné dan-á.

⁹ Képah sǒkǒ, Pyerí me yo ò tyí ne, pè se pǐ sǒ, té yo sah núkú yǒ ò pèle, à pǒ Tě ògbě Mirki vyāh sǒle n noh ni? À yah, nónó-á kyí yǐ ò pè lékóle, pāh me pǒ n de yǒ. Té pāh ki ò tǒ lékó tǒkǒ n sǒkǒ n pǐ.

¹⁰ Pyerí-á yo sě, nénpǒ swǒ, pǐ núkú syíkí ò yah tǐnne, à ku. Kètēnpǐ-á de kyí, pè kyí à we kúnóle. Pè me à tǒkǒ kyí yǐ ò pè tnô.

¹¹ Képah sǒkǒ, tíkí Yesu yǒ sěpú tǐnkǐ pól kah tě, à tahlí tyi nópi nóhpú pól tyí.

Yesu tǐntǒ névye gbǐl tyi náhnáh pínóle

¹² Liyel sǒ me n syǒ Yesu tǐntǒ névye tyí, à gbǐl tyi náhnáhle n pǐ névye ntyó. Pè sǒ me pé sǒnǒ pǐ núkúle ànê Yesu yǒ sěpú téló pólle, té wěne n tuke n mǒ Liyel ní-ńsah gbô párn yó sǒ, nê-á pè n ye Salomo párnne.

¹³ Nte no téló sǒkǒ ney yó nítě náh sǒ me ò nǐle n syāh n kwǒ n mǒ pé sǒkǒ. Té no pól mó tǒ me péle n kah n sǒ.

¹⁴ Képah sǒkǒ, díbí ànê syó náhnáh sǒ me n sě Tě ògbě Yesu yǒ, dòhnínó kǒ kè n pǐ n yuku ò yǒ sěpú yǒ.

¹⁵ Kǎh pǐ sě, névye tyah n wil pé yámpúle, à péle n sah n pǒ pàl yǒ, képah náh pǐ, sě sě yǐ yǒ wǎl yey sǒkǒ, ne Pyerí-à pǒ n sǒkǒ, té ò mírkí we mǒ pé sǒkǒ ney nê yǒ, tě we de.

¹⁶ Yerusalemí gbòplǒ kwlo névye náhnáh nítě tǒ sǒ me pé yámpúle n tǐ n pǒ n pǒ, à tahlí névye tyí, sétǎn-á sǒ me nónóne n kwlo. Té pé pól sǒ me dǐnmǒnǒle n we.

Yesu tǐntǒ névye fǒhnóle

¹⁷ Képah tǐne, sárká syínwǐlkǐpu yǒtě ògbě ànê ò náh névye pólle nónó-á Sadusě névyele, pè tyah dyóyókǐle n pǐ Yesu tǐntǒ névyele,

¹⁸ té pè tǐ kyí dah mǒ wòkònpèkè sǒkǒ.

¹⁹ Nte lékǎh-á pǒ mǒ, Tě ògbě yǐnyǒ tǒnpu yó pǒ wòkònpèkè mè yah yíkí mǒ ànê ké sǒkǒ tǎh vǐ yeyne, à Yesu tǐntǒ névye wilki, té yo pé tyí ne:

²⁰ «Yé kyí Liyel ní-ńsah gbô sǒkǒ, yè kyí min sǎn tyi nópi pól yo névye tyí.»

²¹ Wey mè-á yo pè noh sě, séngbǒ púpúle, pè me yuku kyí Liyel ní-ńsah gbô sǒkǒ, à kyí tyah kwónóle n pǐ.

Légbíne, sárká syínwǐlkǐpu yǒtě ògbě ànê ò náh névye me kyí tukey tǔkèpu tǐnkǐ ye ànê Yisrayel gběnyah yèwǎhnǐ pólle. Té me srásyíbí tǒ ne, pè kyí Yesu tǐntǒ névye wilki n pǒ wòkònpèkè sǒkǒ.

²² Nte pāh kyí yǐni tě, pè náh pè we wòkònpèkè sǒkǒ. Pè me pé syí pǒ ké yah yo pé yǒtām tyí ne nǐkě,

²³ pāh kyí wòkònpèkè yah we tǐnmǒnǒle palle ànê ké sǒkǒ tǎh vǐ yey tǒle, sé syíkípúle tǐnóle pé tǐ-ńtǎn sǒkǒ. Nte pāh se mó tǒ sè yíkí mǒ de, pé náh ney we sé sǒkǒ.

24 Pǎh yo sě, yī mē nóhnó Liyel ní-ńsah gbô syíkípu yòtě dí ànê sárká syínwìlkìpu yòtám fòkò fil. Pè me wěne n piki n yah Yesu tēntò névye tyí-á pì òkù nēne.

25 Pǎh me képah sòkò, ònî yó pò yo pé tyí ne, névye nónó-á pè dah mò wòkònpèkè sòkò, pǎh me névyele n kwò Liyel ní-ńsah gbô sòkò.

26 Képah tēne, Liyel ní-ńsah gbô syíkípu yòtě dí ò no tē, à pé nyáh sò. Pǎh kyì, tíkí pè tē ne páh kì ne pé pè tē gbùgbù, névye káh pò pé minkì ko dyèhle. Káh pì sě, pè pè ye yárr, à sòkò.

27 Pǎh kyì yīni tē péle tukey tükèpu tìnkì tyí, sárká syínwìlkìpu yòtě ògbē me pè syah ne,

28 pé kó lésò kè tū pé tyí ne, pè káh tō kwónó pì n yah dí mē yīn yò nì? Té pè yah, pǎh pé kwónó tō mò Yerusalemì kwìl pól sòkò, té tō me ò kù plòle n twah pépì yò kè!

29 Nte Pyerì ànê Yesu tēntò névye téló me yo pé tyí ne: «Á kì Liyel dyo yí tē ye sò, té kì névye tyíle n pì?

30 Yesu nê-á yé ko mò dahnì yò, á náh tǎn Liyel ye ò lékó yilki mò,

31 té à yò òkò sòkò, à kyì à sah ò gbòyò sòle. Té à pì yòtēne, ànê pwáhnmo-òle ne òkè, òmò gbò yò Yisrayel tǎn fě pé nno vi mò, pè mó pé tyípèl yònmòno we.

32 Kéne tyì nónó-á Liyel pì, ápi ànê Liyel Mirki ye sé yónwàhpu kègblole, wǎh képah nēne névye kò, nónó-á sah ò tyí yò.»

33 Képah tēne, tukey tükèpu tìnkì-á welò nòpì noh sě, pé fòkò kah vyǎh, fòó pè sò me ké tyí ne, pé Yesu tēntò névye ko mò.

34 Nte Farisiyē ney yó sò me pé sòkò pè n ye Kamalyelìle. Liyel tyì kònsàhnó kwó-ò yó ye sò òne, nê-á névye pól me yòyenne n sah ò yò. Nmo me yuku yīn tukey tükèpu tìnkì nuyó té ne, pè Yesu tēntò névye wilki mò kégbó kwéy átre.

35 Pǎh wil, à ò syì yo pé no tyí ne: «Á no Yisrayel tǎn, yé yé gblòy kyòmì yí yé tyípínó sòkò, à yuku díbí nòpì tìnne dé!

36 Ké náh tǎnì pì di mónóle kah, gbí nê-á Tedaì me yuku ò gblòy pì ne, né-ògbē-á péwòle, té díbí népì kyeyéh (400) sòno vi mò pè kò pè ò sò tē. Nte wǎh pò ko mò, ò sò tēpú pól náh karkì di? Ney se tō wǔ?

37 Nmo tyì sókònteno náh, Kalile gběnyah dí Nsyudaì me tō yuku kéne gběnyah névye yǎh gbíne, à pé nahnáh yò yìkì pè kò pè ò sò tē. Nte ò tō náh pò ko mò, té ò sò tēpú me karkì di?

38 Képah ye núkúnúkú tēne, mé kéle n yo yé tyí, yé yé vyēy de no nòpì tyí sòkò, yè mó pè fin mò pè ne n yuku. Pé tir yáhntòkòno, képah náh pì, pé tyípínì mē-à kì me wil névye tē tyí, kè kì tye ké gblòy.

39 Nte káh kì me wil Liyel tē wò tyí tótó, yépi náh fě kè yìkì n pì. Yé kyòmìnó pì, yè káh pò tyah Liyel wòle n fwo dé!»

Kamalyelì-á yo sě, pé no sah ò tyí yò.

40 Pè me tō Yesu tēntò névye ye de, à pò pè ko yèfòhle. Té kè yahle pé tyí ne, pè káh tō Yesu tyíle n yǎh, té pè fin mò.

41 Nte Yesu tēntò névye sò me nìvìni sòkò kègbùle, pǎh n yal tukey tükèpu tìnkì wró gbí nēne, pǎh sònpìle kè kyòmì we ne, páh yīne fòhnóle Yesu yīnne.

⁴² Képah sɔkɔ, sɔmesó pè n ne n me Liyel ní-ńsah gbô ànê kètlo sɔkɔ, n névyele n kwɔ, n té Nìvìnì tìrle n yo pé tyí Yesu Krista tyí yô.

6

Yôke tǔnsàhndibipu yáhnwìlkinóle

¹ Légbíne, wǎn sò me n mɔ Yesu tò sáhpú nédán yô. Képah sɔkɔ, Kɛkɛ wey wékípú tyah n wɛkɛ ne, sɔmesó pé no Yebre wey wékípú-á me n sykɛ pépi pékúsyɔ yô yôke dibi gbíne.

² Kǎh pɛ sɛ, Yesu tǔntò névye népí gbõnimí me Yesu tò sáhpú tówû pól ye tuke, té yo pé tyí ne, kè nǎh yíne pépi Liyel wey yónó yal n mɔ, pé mó de tǔ yôke díbínó sɔkɔ.

³ Képah-á, pé yúnpyé, pè díbí népí kwǎrnimi yah n wilki pé sɔkɔ, nónó yíngbí-á me n yo, té Liyel Mirki me pè tɔkɔ, ànê lékám me pé sɔkɔ. Páh kɛ tò mè dahbɛ pépi gbò.

⁴ Kǎh kɛ pɛ sɛ, pépi-á kɛ mó yô sɔkɔ nírí pínó ànê Liyel wey yónó tòle.

⁵ Képah sɔkɔ, pǎh nê yo, tówû pól kè fɛ syi. Pè me Yetyɛnɛ yah wilki, ñmɔ nê Liyel yô sɛnó-á sò me gblò, té Liyel Mirki me à tɔkɔ. A tahlɛ Filipi tyí, ànê Prokɔrɛ, ànê Nikanɔrɛ, ànê Timole, ànê Parmenasɛ, ànê Antyosyɛ kwil Nikolasɛ, ñmɔ nê-á lésó vi mɔ de Nsyifunɔ Liyel nínó wǎkɛ sɔkɔ.

⁶ Té me pépile Yesu tǔntò névye wǎkɛ. Pépi me pé gbǎn sah pé yô nírí pínó sɔkɔ, à sǎm mɔ pé sɔkɔ.

⁷ Képah tǔne, Liyel wey sò me n tǔ n mɔ n yuku, té wǎn me n mɔ n yuku náhnáh Yesu tò sáhpú nédán yô Yerusalemɛ kwil. Sárká syínwìlkɛpu tɔ náhnáh sò me fɛ syi sɛ Yesu yô.

Yetyɛnɛ tǔnóle

⁸ Yetyɛnɛ sò Liyel pèpɔrɛ náhnáh we ànê ñ tǔnwɛnɔle. A sò me à tɔkɔ à gbìl tyile n pɛ névye nyó.

⁹ Képah tǔne, Nsyifunɔ tyah yékâble n pɛ Yetyɛnɛ. Pé tókùle, Liyel ní-ńsah wòkò nê-á pè n ye yǔrɛ sɔkɔ wìlpu wòkòle, képah névye ye. Pè n wil Sirenɛ kwil ànê Alekisǎdri kwil. Pé tókù me n wil Silisi gbǎnyah ànê Asi gbǎnyah sɔkɔ.

¹⁰ Té Liyel Mirki gbò yô, Yetyɛnɛ sò me n wɛkɛ lékámne. Képah ye, no nópi nǎh me tǔ we ñ wɛlɔle n kǔlɛ.

¹¹ Képah tǔne, pè kyɛ nósý tɔkɔ póle ne pè pɔ yo ne, páh à we à me Moyisi ànê Liyel tyíle n yo n ykɛ.

¹² Pè képah pɛ, à tówû, ànê yèwǎhnì, ànê Liyel tyi kǔnsàhnó kwópú mɔ Yetyɛnɛ yô, pè kǔ pè à fyǎh tǔ yuku ñne tukey tókèpu tǔnkɛ tyí.

¹³ Té tǔ tǎrfyò mìnyoobe yísý yah, à yuku péle ne pè kyɛ yo ne, dí mè nǎh me n yal n mɔ Liyel ní-ńsah gbô ànê Moyisi tyi kǔnsàhnó tyí yónyɛkɛnɔle.

¹⁴ Páh kè noh ñ vyǎh yah à me n yo n tǔne ne, kéne Nasaretɛ Yesu mè-á kɛ pɔ Liyel ní-ńsah gbô sɔ n pi, té Moyisi-á pé kwɔ wǎl nónóne, wǎh kɛ sé tɔ vi mɔ.

¹⁵ Képah sɔkɔ, tukey tókèpu tǔnkɛ pól tyah Yetyɛnɛ n yah díkidíkí, té ñ yah we kè me yínýò tǔnpi tyí kǔle.

7

Yetyēni Liyel tyi yah yónólē

¹ Képah sɔkɔ, sárká syínwilkīpu yòtē ñgbē me Yetyēni piki yah ne, no-á nēne n yo ñ tyí sɔkɔ, gbɪ se kéle ni?

² Yetyēni me yo ñ tyí ne: «Ñ súbí ànê ní yúnpyé, yé noh ní tyí. Gbí nê-á lésô á náh ney Abrahmɪ náh tǒnì me yal yuku Yarã kwil sɔkɔ, tǒrí nétē Liyel ye lésô wil ñ yah Mesopotami gběnyah,

³ té me yo ñ tyí ne: <Yal á gběnyah ànê á kéte tǎn wró, ñ yuku gběnyah yó sɔkɔ, nê-á mé kɪ ñ wēkɪ n pi.>*

⁴ Képah sɔkɔ, Abrahmɪ yal Kalde tǎn gběnyah sɔkɔ, à kyɪ tē Yarã kwil.† Képah náh, ñ sú-á pɔ ku te, Liyel me à kǒ à yal Yarã kwil, à pɔ tē gběnyah mē sɔkɔ, nê sɔkɔ-á yépile núkúnúkú yò.

⁵ Té Liyel náh sò sétáh yó ntēne à kǒ ñ tyíle ásô. Gbáhsúkí kénkō fyé tyahle, à náh kéle à kǒ. Nte à ñ vyáhle à kǒ ne, páh kɪ pɔ gběnyah mē pólle à kǒ. Té kǎh kɪ tǔ pɪ ñ pétóbé tɔ tyíle, ñmɔ ké náh ntē sɔkɔ. Té légbíne, pi ntē náh sò me Abrahmɪ tyí.

⁶ Liyel me tǔ yo ñ tyí ne: <Á pétóbé kɪ pɔ wil kɪ kyɪ n tē n pi gběnyah káhkí sɔkɔ. Nénpó sɔkɔ pè kɪ n pɪ n pi yǒbule, té kɪ fóhnó we, pópó ye kyeyéh (400).

⁷ Nte gběnyah káhkí nê sɔkɔ-á péle yǒri sɔkɔ, ñmɔ Liyel tukey kɪ n sykɪ n pi kéne gběnyah tǎn yǒ. Té képah náh, pè kɪ wil yǒri sɔkɔ nénpó, kɪ pé syɪ pɔ ñmɔ yín gbilki ásô.>

⁸ Képah yóntenɔ náh, Liyel me yégbékè kwɔɔ mɔ Abrahmɪne, képah nê-á kɪ sò n wēkɪ n pi kǒkè kǒnó sɔkɔ. Képah ye, Abrahmɪ-á pɔ Yisakɪ dubi, à me à kǒ ñ dúbínó sèpìn kwártǔ-ò sǒle. Yisakɪ tɔ me pɔ ñ pídí Nsyakɔbɪ kǒ. Nsyakɔbɪ tɔ me pɔ ñ dínpi népí gbǒnimí kǒ, pépi nónó-á ápi yìkìnì gbǒninó náh tǎnne.

⁹ Képah náh, á náh tǎn pɔ tyah pé gběndí Nsyosefu dyɔle n yo. Té à tē yām yǒle, pè kǒ pè sɔkɔ ñne Yesyipti gběnyah. Nte Liyel sò me Nsyosefule.

¹⁰ A ñ yǒ wilki yènyáhnpèl nǒpi sɔkɔ, té lékámne à kǒ yíí, té Yesyipti yòtē dí Farawǔ yí kǒ kè yuku ñne. Képah sɔkɔ, à me à pɪ ñ gběnyah ànê ñ tǒrí kéte pól yah tē-òle.

¹¹ Té kwénpékè yó pɔ de Yesyipti gběnyah ànê Kanah gběnyah pól sɔkɔ, à pɪ yènyáhrɪ ñgbēne pé tyí. Ké pékénkǎhnmɔnɔ tē tyí, á náh tǎn náh tǔ sò me kwáh yó ntēne n we n yǒ.‡

¹² Té Nsyakɔbɪ-á pɔ kè we noh ne, yǒke-á me Yesyipti sɔkɔ, ké gbenne, à á náh tǎn tekɪ mɔ nénpó, pè kyɪ yǒke yah pɔ, pépi nónó-á ñ wēnpìle.§

¹³ Pǎh tǔ pɔ pé syɪ yuku ke ní-òle, Nsyosefu me ñ gblǒy tyí yo wah ñ nénkyíbí tyí. Kǎh pɪ sē, Farawǔ me Nsyosefu duku wìl-nsah pī.

¹⁴ Képah sɔkɔ, Nsyosefu tēntǔ mɔ ne, pè kyɪ pé sú Nsyakɔbɪ ànê ñ no pól tē n pɔ. Pè sò me népí tikitǒní pǔ gbām pǔ kwlóle.

* **7:3** 7.3 - Yah n te Yenesɪ 12.1. † **7:4** 7.4 - Abrahmɪ lésô me Kalde gběnyah sɔkɔ, Mesopotami sétáh yǒ. ‡ **7:11** 7.11 - Kanah gběnyah me ye pè n ye Yisrayel gběnyahle núkúnúkú. § **7:12** 7.12 - Yáh we pè ne kwékɪ-á de Yesyipti gběnyah sɔkɔ, té tǔ ne Nsyakɔbɪ-á yǒke tyí noh nénpó, Liyel lésô lékámne Nsyosefu kǒ à yǒkele n koh n sah, yǒke pekɪ gbíne. Képah ye yǒke kǒ kè pɔ we nénpó.

15 Sě ye Nsyakobu me yuku po tẽ Yesyipti gběnyah soko. A syi po ku nénpó ànê á náh tãn to pólle.

16 Pé lékyî me twah kyî yî Sisyemî kwil diki yó soko, nê-á lésõ Abrahamu dwe Yemõri wěnpî tyí.

17 Liyel-á lésõ ò vyãhle Abrahamu kô nê yinne, ké pi gbí-á po n no, ápi no kwel náhnáh Yesyipti soko.

18 Té yõẽ késán yó-á po dokò Yesyipti yõ, òmò náh sò Nsyosefule n pne.

19 A me vi syikî á no yõ. N népékè kàhnmòno tẽ tyí, à á náh tãn kyî mò, pè kô pè pé wěnpî yrõ milki sah kégbó pé ku yinne.

20 Légbí mè ó soko ye Moyisi dubi. A kah ple yí, ànê ò tyí no Liyel tyí. Pè à pu níwóló tónó ò sú gbò.

21 Képah náh, pè à tokò kyî milki.* Farawõ písê me à we tokò. A po à pu ò yěngbě pídí sò.

22 Káh pi sě, lékám tyi nóno pól-á sò me Yesyipti soko, Moyisi kwónó we sé pól yõ. Képah ye, à pi wěntáhnì wékí-òle ànê tyitáhnì pí-òle.

23 Té wáh po no ye tikininíne gbí nêne, à kè sò we ne, páh ki kyî yah pé yúnpyé Yisrayel tãn tyí.

24 Wáh kyî, à kyî yíne ò tyí névi yóle, Yesyipti ney yó me n fõh. Moyisi tyí névi fõhnó yrò tẽ tyí, à ò vyãh syi, à Yesyipti ney mè ko mò.

25 Moyisi sò me n sò ne, pé no Yisrayel tãn-á ki n pî n pi ne, Liyel-á ki péwò tokò, ki pè wilki n pi pé yõri soko. Nte pè náh tẽ we kè pî ò tyí.

26 Ké dindalle, à tã kyî Yisrayel tãn népî ními yísyó we, pè me n fwo. A ne pé pè syi mò, té yo pé tyí ne, pé no, pépi ó-á pé yahle. Té kwáh nê se pè wěne n fõh ni?

27 Nte nê-á sò n fõh ò ní-òle, òmò Moyisi syah ne níké, nê se sah òne pépi yõtẽne ànê pé tükè-òle ni?

28 Péwò kònmò-nsah káh ki nê, á n yah n kô, wáh nníníne Yesyipti ney mè ko mò sò dé?

29 Wáh fyò képah yo, Moyisi to, té kyî tẽ Madyã gběnyah soko, à syi po dínpî népî ními we nénpó.†

30 A tẽ nénpó, pópó à ye tikininí pi. Képah náh, sò yóle, à sò me gběnni soko, Syinayi yõli gbòpo, té yínyõ tònpi yó wil ò yah nyàh lépõ soko, nê-á sò me n kô dukuni yó soko.

31 Yí mè wénó pi gběndùnìne Moyisi tyí. Té wáh me n no n de ne, pé kè we yah yí, à Tě ògbě yónmòno noh ne níké:

32 <Á náh tãn Liyel ye nímo, Abrahamu, ànê Yisakî, ànê Nsyakobupi Liyelle.> Képah tẽne, tíki Moyisi tẽ, fóó ò wil n syah. A náh tã ò ni syáh ò yah yõ yah.

33 Képah soko, Tě ògbě me yo ò tyí ne: <Tyah nê soko-á ále yò, nénpó me nímo tyí yõ. Képah ye, á lékyêh de.

34 Mé ní no kwlo dùkù we yíne Yesyipti gběnyah soko, té pé gbìno yínpõ noh. Mé po pé wílkî-nsah pé yõri soko. Képah ye, soko! Mé ále n tekî mò ké tyí soko núkúnúkú Yesyipti soko.>‡

* 7:21 7.21 Yah n te Yálnó 1.22 - 2.10. † 7:29 7.27 - 29 - Yah n te Yálnó 2.11 - 15.21 - 22. ‡ 7:34 7.30-34 - Yah n te Yálnó 3.1-10.

³⁵ Té kéné Moyisi nê-á lésõ Yisrayel tãn yahle, té à syah ne níkě, nê se sah ñne pépi yõtēne ànê pépi tükè-òle ni? Ñmò ó ye tõ Liyel tekı mò yõtēne ànê pwáhnmo-òle yĩnyõ tònpi gbõ yõ, nê-á lésõ wil ñ yah dukuni soko.

³⁶ Moyisi ye wilki Yisrayel tãnne Yesyipti gběnyah soko, té pne yónsyâh kah péle, té tẽ péle gběnnı soko pópó ye tikinini. Liyel gbõ yõ ye à pi sépi pólle gbıl soko.

³⁷ Té ñmò ye tõ yo Yisrayel tãn tyí ne: <Liyel kı yé soko ney yó tekı n mò n pi. A kı pò pi Liyel tẽntõ syinyo-òle ñmò tyí kõle.>§

³⁸ Gbí nê-á sò Yisrayel tãn me tükènmòòle gběnnı soko, ñmò ye tõ sò we syi yĩnyõ tònpi tẽntõle Syinayi yõli yõ, à pò yo á nãh tãn tyí. Sẽ ye à we syi min welòle Liyel tyí, à yo á tyí.*

³⁹ Nte á nãh tãn nãh fẽ syi sah ñ tyí yõ. Pè à yahle, té sò me n sò ne, pé pé syi yuku Yesyipti soko,

⁴⁰ té me yo Arõ† tyí ne: <Moyisi nê-á tẽ wil ápile Yesyipti soko, á nãh tõ me pĩ, kéné Moyisi tyí-á me pi sò dé! Képah ye, yĩ yísyó pi á kõ liyelnole, sè á yahle n tẽ.>‡

⁴¹ Kéné sèpın soko, pé me tò yó mò náhpír kètòle, té sárká wilki ké yõ, à nìvìnì syáh syah, à pé gběnpıni gbilki.§

⁴² Képah tẽ soko, Liyel ñ nãh vi pé kõ, té pé fin mò sah ñwõ kèpye gbılkinó soko, sã-á Liyel ñ tẽntõ syinyopu kõ pé kè wãrki sah pé sébéy soko ne níkě: <Yisrayel tãn, yáh yípêy nónó ko sárkále pópó ye tikinini gběnnı soko, yé se me n sò ne, ñmò tyí-á yé ko séle?

⁴³ Ó sò dé! Yé tò nê yĩn-á Molokıle, képah yèpir ye yé twah, à tahlı yé ñwõ kèpil tò tyí tyí, nê-á yé n ye Wrefanne.*

Kéné tãn ye yé pi sah yé gblõy tyí, té séle n gbilki.

Képah ye, mé kı yé tẽ soko, fók Babilonu kwil náhle.>>†

⁴⁴ Képah yóntenò nãh, Yetyēni tõ yõ soko yo pé tyí ne: «Á nãh tãn-á sò me gběnnı soko gbí nēne, yèpir yó sò me pé tyí, nê-á n wēkı ne, Liyel-á me péle. Liyel sò kè yah kõ Moyisi tyí ne, à yèpir mè pi sã-á pé à wēkı ké pínóle gbrámgbám.

⁴⁵ Képah nãh, á nãh tãn pò yèpir mēne pé wēnpĩ kõ. Nsyosye ye sò pi pé yah tẽ-òle, pé yuku kéné yèpirle à kyı nékáhbı gběnyahnó syi, Liyel-á nónó yĩni yal. Képah soko, yèpir mè me tẽ nēnpó, pópó à pò syi yõtē dí Davidi gbı tyí.

⁴⁶ Té Davidi tyí sò kah nò Liyel tyí. Képah soko, ñ tò mó Liyel ni ne, à ye pé wòkò yó mò à kõ, ñmò nê-á Nsyakobi Liyelle.

⁴⁷ Té ñ pídı Salomo ye pò pi kéné wòkò mó-òle Liyel tyí.

⁴⁸ Nte Yõtãh Liyel nãh mó tõ n tẽ névi gbõ wòkònmòni soko, sã-á Liyel tẽntõ syinyo-ò yo kéle ne,

⁴⁹ Tẽ ñgbě-á ne níkě: <Yĩnyõ ye pi ní tõrí kòle, sétãh me pi kòpırlé, ní gbáhkı súnsh-ñsahlé.

§ 7:37 7.37 - Yah n te Tõnyono 18.15,18. * 7:38 7.38 - Yah n te Tõnyono 5.1-33, ànê Yálnó 19.1 - 20.17. † 7:40 7.40 - Arõ mēne, Moyisi nēnkyı dí ye sò ñne. ‡ 7:40 7.40 - Yah n te Yálnó 32.1.

§ 7:41 7.41 - Yah n te Yálnó 32.2-6. * 7:43 7.43 - Molokı ànê Wrefanne, Nsyifunò tnô tẽpu tãn yísyó ye sò séle. † 7:43 7.42-43 - Yah n te Amosı 5.25-27.

Té wòkò nê dùkù me yé kɪ fě mɔ n̄mɔ kɔ wé?

N̄mɔ se kɪ fě tẽ yépi wòkònmɔnɪ sɔkɔ?

⁵⁰ N̄mɔ gběnpɪnɔ náh yíyìn pólle di?»‡

⁵¹ Képah náh, Yetyěni tɔ yo tukey tükèpu tyí ne: «Nikisekókó névye nópi, yé yé n̄nɔ ànê yé ní tah tũ, à yahle Liyel wey nóhnóle, té me Liyel Mirki yahle pɔ kwey nɔ. Yé me yé náh tãn tyí kɔle.

⁵² Liyel tẽntò syinyo-ò yó ntẽ se me, nê-á yé náh tãn náh à fõh yah? Négbí nê-á Liyel tyí, nóno-á n̄ pónó tyí yo sah kèkõyó, pè náh pépi tɔ ko mɔ di? Nte núkúnúkú, kéne négbí náh yépi vi n̄ náh, té à ko mɔ di?

⁵³ Yinyõ tɔnpɪbɪ ye Liyel tɔ, pè pɔ Liyel tyi kònsàhnó yo yé tyí. Té yé yahle kólóle sé wàl yõ.»

Yetyěni kònmɔnɔle, ànê káh yĩne Sole tyí sɔ

⁵⁴ Yetyěni-á welo nópi yo sɛ, kè tukey tükèpu kah yɔ kah mɔ, fóó pè pé yníne n tah yɔ tẽ tyí.

⁵⁵ Nte Liyel Mirki tẽ-á me Yetyěni tɔkɔ sɛ, à tyah yinyõle n yah díkídíkí, té Liyel tɔrí we ànê Yesule yúkúnyĩntěnole Liyel gbòyò sòle.

⁵⁶ Képah tẽ sɔkɔ, à ne: «Yé yah, mé me yinyõle n yah yíkínmɔnɔle, té Névi Pídí me yúkúnyĩnnɔle Liyel gbòyò sòle.»

⁵⁷ Névye-á képah noh sɛ, pè gbo mɔ wòhòh, té pé ní sni tũ, té to tuke pé pólle n̄ yõ.

⁵⁸ Té à yɔrɪ wil kwil náhle. Képah sɔkɔ, nóno-á sò pè ye pɔ pɪ tàrfyòle, pépi me pé fwòmò-̀ngbnɔ de sah kètěnpíkí yó tyí, nê-á pè n ye Solele. Té pè tyah Yetyěnune n minki dyêhle, n̄ ku ku tẽ yõ.

⁵⁹ Nte páh me Yetyěni minkínó sɔkɔ dyêhle sɛ, à sò me níri le n pɪ ne níké: «Tẽ ñgbě Yesu, ní min yohnu n syi.»

⁶⁰ Té me n̄ gbètukunɔ di, à yo yĩnpɔ ñgběne ne: «Tẽ ñgbě, káh pé tyí pékè mè mɔ n kò.» Képah yóntenɔ ñsɔ, à ku.

8

¹ Té páh à ko mɔ sɛ, képah nɔ Sole tyí.

Sole-á Yesu yõ sɛpú fõh dùkù nêne

Képah sɔkɔ, Yesu yõ sɛpú tĩnkí kàhnfõhnɔ núkú tyah Yerusalemɪ sɔkɔ lésòle. Káh pɪ sɛ, à wil Yesu tẽntò névye tyí sɔkɔ, Yesu yõ sɛpú téló pól to karkɪ de kwlo sɔkɔ, nóno-á me Nsyude gběnyah ànê Samari gběnyah sɔkɔ.

² Nte névye nóno-á sò me Liyel wěkì tẽnó ple, pé yísyó me Yetyěni lékó tɔkɔ yĩ, té n̄ kũ pò kah gbo.

³ Nte Sole tẽ wɔ sò me n yah n kɔ Yesu yõ sɛpú tĩnkí duku tó-ńsahle pnépné. A sò me n de n kɔ gbèn sɔkɔ, à Yesu yõ sɛpú díbí ànê syóle n tẽ n yɔrɪ n wilki n dah n mɔ n pɔ wòkònpèkè sɔkɔ.

Filipi Liyel wey yónóle Samari gběnyah sɔkɔ

⁴ Képah sɔkɔ, Yesu yõ sɛpú nóno-á sò karkɪ kɔ, pépi mó me Nìvìnì tìrle n yo n kɔ tàntàn pól sɔkɔ.

⁵ Té pé sɔkɔ ney nê-á pè n ye Filipile, ñmɔ me kyɪ kwil yó, Samari gběnyah sɔkɔ, à kyɪ tyah Krista tyíle n yo nénpó.

‡ 7:50 7.49-50 - Yah n te Yesayi 66.1-2.

6-7 Képah tẽnɛ, sétàn kwĩnki nónó-á sò me déntẽnóle névye sɔkɔ me péle n kwɔ, sè sò me n kah n de n syi, té n wil pé sɔkɔ, té wil kúnó névye ànê gbáhkì nùkú névye náhnáh tɔ sò me dénmonɔle n we. Képah sɔkɔ, tówû-á Filipi gbíl pínó tyí yónó noh, té kyɪ sè we sɛ, pé pól pé sɔnɔ pɪ nùkúle, à n wɛlɔle n tɔ n sah n nohni.

8 Káh pɪ sɛ, nìvìnì ñgbɛ we kéné kwil.

9 Té légbíne, dí yó lésò me pè n ye Simole. A sò me tẽnóle kéné kwil mè ó sɔkɔ di mónóle. Nmo sò me snèy tyile n pɪ, nónó-á me Samari gběnyah tãn gbàn du kègbule, té me n gblɔy pɪ né-ñgbɛne.

10 No pól sò me mɔ ñne, à tɔkɔ wɛnpɪ tyí, à kyɪ sah yèwàhnì tyí. Té me yo tũ ne ñkɛ, Liyel tẽnweno nê-á pè n ye Ngbɛne, képah-á dí mène.

11 Té dí mè sò me gběndùnɛne n pɪ pé tyí n snèy sɔkɔ di mónóle, képah ye pè kɔ pè mɔ ñne.

12 Nte Filipi-á pɔ Liyel tɔrí Nìvìnì tir ànê Yesu Krista tyí yo pé tyí sɛ, pè sɛ ké yò. Té díbí ànê syó me à kɔ à pè wel wilki ni sɔkɔ.

13 Képah sɔkɔ, Simo ntɛ tɔ sɛ Yesu yò, té Filipi kɔ à à wel wilki ni sɔkɔ. A náh tɔ sò me ké tyí ne pé yal Filipi tnô. Té gbíl tyi ñgbnɔ nónó-á sò me n pɪ à n yah, sè sò me pɪ gběndùnɛne n tyí.

14 Képah tẽnɛ, Yesu tɛntò névye-á tɛ Yerusalemɪ kwil, té noh ne Samari gběnyah tãn-á Liyel wey fɛ syi sɛ, pè Pyerɪ ànê Nsyɔ tekɪ mɔ pè kɔ.

15-16 Páh kyɪ de Samari sɔkɔ, té Yesu yò sɛpú nónó we nɛnpó, Liyel Mirki náh tɔnì sò me tiki pé sɔkɔ yó ntɛ yò. Pè sò me wɛlnwilkínó we ni sɔkɔ Tɛ ñgbɛ Yesu wɔ yĩn yò. Káh pɪ sɛ, Pyerɪ ànê Nsyɔ me tyah níríle n pɪ pé tyí, ne pè Liyel Mirki we.

17 Pè sò me pé gbàn sah no nópi yò à níríle n pɪ pé tyí. Képah sɔkɔ, pè me Liyel Mirki we.

18 Képah tẽnɛ, Simo-á kè we Yesu tɛntò névye pé gbànne n sah pé yò, pè kɔ pè Liyel Mirkile n we sɛ, à pɔ póle Pyerɪpi tyí,

19 té ne, pè péwɔ tɔ kɔ kéné tãhkìle. Képah sɔkɔ, páh fyò pé gbàn sah nê yò, tɛ Liyel Mirki we.

20 Wáh yo sɛ, Pyerɪ me à syah ne, n tyí yɪkɪ n to ànê n pó tɔle, wáh sɔnpíle n sò ne, páh kɪ fɛ Liyel yínkɔnɔ kwáh dwe póle.

21 N nɪ-á me kètúkùyò Liyel yah. Képah-á, we we tɛ náh me n tyí yĩ mè sɔkɔ. A náh yĩne kéle póle.

22-23 Páh kè we ne, dyóyókì kápékè-á yuku sah n nɪle, ànê wáh me tyípékè yòrɪ sɔkɔ. Képah-á, à n nɪ vi mɔ, à mó Tɛ ñgbɛ Liyel ni à kɔ à n fókósɔnɔ pèkè mè yò mɔ à kɔ, káh kɪ fɛ n pɪ n pi.

24 Képah sɔkɔ, Simo me yo Pyerɪ ànê Nsyɔ tyí ne, pépi Tɛ ñgbɛ Liyel ni pé tyí pé gblɔy. Káh kɪ pɪ sɛ, tyi nónó-á pè yo pé tyí, sé sɔkɔ yó ntɛ náh pé nɔ n pi.

25 Képah náh, Pyerɪ ànê Nsyɔ-á tyi nónó pĩ Yesu tyí sɔkɔ, páh sè yáh te névye tyí, té Tɛ ñgbɛ wey yo te pé tyí gbí nɛne, pè pé syɪ n yuku Yerusalemɪ kwil, té me Nìvìnì tɪrle n yo n yuku kwílpi náhnáh sɔkɔ wɛkì yah, nónó-á me Samari gběnyah.

Filipi Liyel wey yah yónóle Yetyopi gběnyah né-ñgbɛ yó tyí

26 Sõ yóle, Tě ñgbě yĩnyõ tǝnpi yó pɔ yo Filipi tyí ne ñkě, à ñ gblǝy vi, à mó ñ yah mɔ gbǝngboke gbǝyǝ sǝle, à wěkì tě, nê-á wil Yerusalemı, à n tiki n yuku Kasa kwil. Kéne wěkì mē yǝ kópú náh me fwóɔ.

27 Képah sɔkɔ, Filipi núkú yuku kéne wěkì tě. Wǎh n yuku, dǝ, à Yetyopi gběnyah né-ñgbě yó we.* Nmo ye sǝ Yetyopi yǝtě pi Kǎndası tɔkɔ sah ñ tahrı yǝtǝne. A sǝ kyı Liyel ni Yerusalemı sɔkɔ.

28 Té wǎh ñ syı n yuku ñ tǝnne, à sǝ me kǝntǝnóle ñ wòtoro sɔkɔ, me Liyel tǝntǝ syınyo-ò Yesayi sébéyne n kar.

29 Képah sɔkɔ, Liyel Mirki me yo Filipi tyí ne, à kɔ n tel wòtoro mē tyí.

30 Filipi me to tel ké tyí, té dí kǎrnó noh. A sǝ me fı yóle n kar Liyel tǝntǝ syınyo-ò Yesayi sébéy sɔkɔ. Filipi me à piki yah ne, fı nê-á à n kar yò, à se me ké kórlē n pne ni?

31 Dí me yo ñ tyí ne, sǝ se pé kı pĩ ké kórlē, né ney náh ké yah yo pé syah ni? Té me kē yah kǝ Filipi tyí ne, à pɔ n dɔkɔ n kǝ n tǝ pé tnô wòtoro sɔkɔ.

32 Té fı nê-á sǝ dí me n kar, kē me yónóle nénpó sɔkɔ ne ñkě:

«À sǝ pi kǝpó sǝ, nê-á pē tǝ n yuku kò-ñsah;
képah náh pi, nê yè-á pē n kǝ,
té à náh ñ vyǎh fyɔ.

33 Pē à yilɔ, té lékǎhle à kǝ,

té à ko mɔ, ñ duku to kèkǝyó.

Nê kı tǝ n yǎh ñ no tyíle?»†

34 Dí-á kar tē, à me yo Filipi tyí ne, à kékwe, à yo pé syah, nê tyí se Liyel tǝntǝ syınyo-ò Yesayi n yo sǝ yò ni? N gblǝy tyí se à n yo, tǝ ñnî tyí se à n yo?

35 Képah sɔkɔ, Filipi syǝ kéne Liyel wey mē tyí, à Nìvìnì tir yo à syah Yesu tyí sɔkɔ.

36 Pǎh me wěkì yǝ, pē kyı syı yo yó tyí. Dí me yo Filipi tyí ne ñkě, yo-á yò, tir yó tǝ-à kı mé-ñkǝne, páh me ké tyí ne, à pé wel wilki ni sɔkɔ. [

37 A me yo ñ tyí ne, wǎh kı me sǝ Yesu yǝ ñ ni pólle, páh kı fı à wel wilki ni sɔkɔ. Dí me yo ñ tyí ne, páh sǝ ké yǝ ne, Liyel Pídí-á Yesu Kristale.]

38 Té me ne, pē wòtoro yǝn mɔ. Kǎh yǝn, à tiki ànê Filipile à kyı de yo, té Filipi me à wel wilki ni sɔkɔ.

39 Pǎh fyò wil yo sɔkɔ, Tě ñgbě Liyel Mirki núkú Filipi tɔkɔ sɔkɔ. Yetyopi gběnyah né-ñgbě mē náh tǝ à we. Nte à yǝ sɔkɔ ñ kólóle nìvìnì sɔkɔ.

40 Té Filipi tǝ wɔ mó kyı ñ gblǝy we Asɔtı kwil. A me yǝ sɔkɔ, à Nìvìnì tirlē n yo n yuku kwlo kwlo pól sɔkɔ, wǎh n kah nónó sɔkɔ, pópó à kyı de Sesarı kwil.

9

Yesu yónmɔnɔle Sole tyí

1 Té légbíne, Sole mó sǝ me yǝ sɔkɔ dírlē n pi Tě ñgbě Yesu tǝ sǎhpúle, me n yah n kǝ pé kònmɔ-ñsahle. Képah sɔkɔ, à kyı wil sárká syınwilkıpu yǝtǝ ñgbě tyí.

* 8:27 8.27 - Díbí nónó pól-á sǝ tǝle n pi yǝtǎm fné sɔkɔ, pē pē wǝ, ne pē káh pɔ pé yí wil syó tyí. Képah ye, Yetyopi gběnyah né-ñgbě mē tǝ sǝ me wǝnóle. † 8:33 8.32-33 - Yah n tē Yesayi 53.7-8.

² Té yo òn tyí ne, à sébéynóle pé kō, pé kyí Damasí kwil Nsyifunò Liyel ní-ńtàn vī yòtām kō. Képah sòkò, páh kí kyí díbí ànê syó nónó we nénpó, té pè me Tě òngbě Yesu wěkìle n kò, pé pè tē n pukubi n pò Yerusalemí kwil.

³ Wǎh sè we syi, à wěkì tē n yuku Damasí kwil. Wǎh me yúkey kéle, kyòò yó núkú wil yínyò à kwe òn yò pěrr; à à mò gbǎ.

⁴ Képah sòkò, à yò syíkí sétáh, té yínpò yó noh, nê-á me n yo òn tyí ne: «Sole, Sole, kwáh nê pí té á ñne n fōh?»

⁵ Sole me piki yah ne, nê se ñmòle ní, pé Tě òngbě? Kéne yínpò tō yo òn tyí ne: «Yesu ye ñmòle, nê-á á n fōh.

⁶ Nte yuku n de kwil sòkò, té wáh yíne òn nê pí, pé kí kè yo òn syah.»

⁷ Té Sole-á sò me wěkì yò ànê nónóne, pé tò sò me yínpò mène n nohni, té pè náh me ney we. Kǎh pí sě, pé gbàn du, pé yín tē syísyí, pé náh me fě tirlé n yo.

⁸ Képah sòkò, Sole-á yuku yín, à òn yí yíkí mò, té à náh tō me fě n yah. Pè me òn gbò sòkò tē, à de ñne Damasí kwil.

⁹ A sèpìn tǒnì pí nénpó yítūri sòkò, yòke yó-ńkēne ànê ní wó-ńkēne.

¹⁰ Té légbíne, Yesu tò sáh-ò yó sò me nénpó pè n ye Ananiyasile. Tě òngbě Yesu wil òn yah, té ne: «Ananiyasi!» Ananiyasi me syi, té ne páh yò, Tě òngbě!

¹¹ Tě òngbě me yo òn tyí ne: «Yuku òn wěkì tē, wěkì nê-á pè n ye wěkì Tómmne. Wáh kí kyí Nsyudasí gbò sòkò, òn dí yó tyí piki n yah. Kéne dí n wil Tarsí kwil, pé ñne n ye Solele. A me Liyel níno sòkò núkúnúkú.

¹² Té òn nírí pínó sòkò, à dí yó we pè n ye Ananiyasile.* A me de pò òn gbàn sah òn yò ne, à fě ne n yah ńtō.»

¹³ Képah sòkò, Ananiyasi ne, ń, Tě òngbě, névyé náhnáh-á dí mè tyí yǎh pé noh, ànê wǎh me Yesu yò sěpúle n fōh sǒ Yerusalemí kwil, páh ké tò noh.

¹⁴ Té wǎh tō sébéy we syi sárká syínwìlkìpu yòtām tyí, à pò ásò sòkò ne, pé pò ñmò yéngbopu pól tē pukubi n sòkò.

¹⁵ Nte Tě òngbě me tō yo Ananiyasi tyí ne: «Ñmò ye yah tòkò pí dí mène ní tǒnpìle ne, à ní tyíle n yo n kō névyé tyí, nónó náh pí Nsyifunòle, à tahlí pé yòtām tyí, ànê Yisrayel tǎn tò tyí. Képah ye, kyí òn tyí!

¹⁶ Wǎh kí kwlónó nê pí n pí ñmò yínne, mé kí kéle à wěkì ní gblǒy.»

¹⁷ Képah sòkò, Ananiyasi yuku sòkò. Wǎh kyí de Nsyudasí gbò sòkò, à òn gbàn sah Sole yò, té yo òn tyí ne níkě, pé yúnpi Sole, Tě òngbě Yesu nê-á wil òn yah wěkì yò wáh n pí gbí nēne, ñmò-á tō péle òn tyí ne, á fě ne n yah ńtō, ànê Liyel Mírki mó à tòkò.

¹⁸ Nénpó swò, yí yísyó núkú wil Sole yí sòkò à pò kwe yěnkò gbró sǒ, té òn yí me yíkí. A me yuku, té pè me à wel wilki ní sòkò.

¹⁹ Képah náh, à yòke yò, té òn syi tǎhkì we.

Sole Liyel wey yónóle Damasí kwil

Képah sòkò, Yesu tò sǎhpú nónó-á sò me Damasí kwil, Sole tē à sèpìn yísyó pí pépìle.

* **9:12 9.12** - Ananiyasi sò pí ne dí nê tyí-á Liyel n yo pé tyí yò, péwò-á.

20 Té núkú tyah Yesu tyíle n yo n kǒ Nsyifunǒ Liyel ní-ńtǎn vǐ sǒkǒ ne, Liyel Pídí-á òne.

21 Képah tǎne, nónó pól-á sǒ me ò wǎle n nohnǐ, kè pé gbǎn du. Pè tyah n yo ne, té òmǒ kó lésǒ n kah n fǒh Yesu yǐn yéngbopule Yerusalemǐ sǒkǒ nǐ? Té pé tǎnpukubinsǒkǒ-ńsah ńtǎ-á à pǒ ásǒ sǒkǒ, ne pé kyǐ péle sárká syǐnwǐlkǐpu yǒtǎm tyí dé!

22 Nte wǎn sǒ me n tǒ n mǒ n yuku Sole tǎhkǐ yǒ. A sǒ me kéle n yo n wah ne, Yesu-á Liyel yah tǒkǒ pǐ pwáhnǒ-òle. Kǎh pǐ sǎ, Damastǐ kwil Nsyifunǒ yáh-ńsah tye, tyíyóné nǎh tǒ we pé tyí.

23 Képah sǒkǒ, sǐpǐn nǎhnǎh sǒkǒntenǒ nǎh, Nsyifunǒ pǒ yo sah núkú yǒ ne, pǎh kǐ Sole ko mǒ.

24 Té Sole me pǒ pé yǐnvǐ mè we noh. Pè sǒ me kwil dé-ńtǎnne n syǐkǐ, ké lékǎh ké gbǐntǒ, ne pé à we n ko n mǒ.

25 Nte sǒ yó lékǎhne, ò tǒ sǎhpú sǒ me ké tyí ne pé à pwah mǒ. Képah sǒkǒ, pé à dah mǒ tǒkǒ-ńgbǎ yó sǒkǒ à tiki mǒ kǎnkahnne, nê-á kwil kore vi.

Sole syínyukunǒle Yerusalemǐ kwil

26 Képah sǒkǒ, Sole sǒkǒ Yerusalemǐ kwil. Wǎh kyǐ yǐni tǎ nǎnpó, à sǒ me ké tyí ne, pé kwrǒ mǒ Yesu tǒ sǎhpú sǒkǒ. Nte pépi nǎh sǒ me fǎ sǎ ké yǒ ne, wǎh pǐ Yesu tǒ sǎh-òle kǎgbusǐ tǎ yǒ; képah ye tǐkǐ pé tǎ.

27 Nte Barnabasǐ wǒ me à tǎ yuku Yesu tǎntǒ névye tyí. Té Sole-á sǒ Tǎ ńgbǎ we òkù nǎne Damastǐ kwil wǎkǐ yah, ànê Tǎ ńgbǎ-á yo mǒ ò tyí sǒ, Barnabasǐ ké yah yo pé tyí. Té tǒ kè yo pé tyí, wǎh Yesu tyí yo nǐsǎhle òkù nǎne Damastǐ sǒkǒ.

28 A tǒkǒ légbǐ tyí, Sole kwrǒ mǒ pé sǒkǒ, à Liyel weyne n yah n yo n kǒ nǐsǎhle Tǎ ńgbǎ yǐn yǒ Yerusalemǐ sǒkǒ.

29 A sǒ me n yǎh ànê Nsyifunǒ tǒle, nónó-á Krekǐ weyne n wǎkǐ, me yékǎble n pǐ péle. Nte pépi wǒ sǒ me ò kǒnmǒ-ńsahle n yah n kǒ.

30 Yesu yǒ sǎpú-á pǒ kè noh, pé à tǎ sǒkǒ Sesarǐ kwil, à kyǐ à tekǐ mǒ Tarsǐ kwil.

31 Légbǐne, Yesu yǒ sǎpú tǐnkǐ nónó-á sǒ Nsyude, ànê Kalile, ànê Samari gbǎnyah pól sǒkǒ, pé pól sǒ me yèvinǐ sǒkǒ. Pè sǒ me tǎhkǐle n we, té me n kǒ Tǎ ńgbǎ yah tǐkǐ pínó sǒkǒ, té Liyel Mirki gbǒ yǒ, wǎn me n mǒ n yuku pé nédán yǒ.

Yene de mǒ òkùle

32 Té légbǐne, Pyerǐ sǒ me tǎntǎn pólle n kǒ n kǒ. Képah sǒkǒ, sǒ yóle, à tiki yuku Lida kwil Yesu yǒ sǎpú tǒ tyí.

33 Té kyǐ dí yó we nǎnpó pé n ye Yenele. Nyân sǒ me ò wil ko; képah ye à sǒ me sǎ tǎ ò sǎ sǎ kwáh yǒ pópó ye kwártǒnǒ.

34 Képah sǒkǒ, Pyerǐ me yo ò tyí ne: «Yene, Yesu Krista ye ále n de n mǒ yò. Yuku, ò té á sǎ sǎ kwáh yǒ tǒ n sah á gblǒy.» Wǎh yo sǎ, dí núkú yuku yǐn.

35 Képah sǒkǒ, Lida kwil ànê Sarǒ gbǎnyah tǎn-á képah we sǎ, pé pól vi mǒ Tǎ ńgbǎ Yesu tyí yǒ.

Tabita kúnó ànê ò yǐlkinmǒnǒle

³⁶ Pi yó lésõ me Nsyope kwil sòkò Yesu tò sáh-òlè. N yīn ye sò Tabitale, pè n ye Dorkasile Kreki wey sòkò. A sò pèpòrile n pi gbímegbí, me yām tǎnne n yohni n mọ.

³⁷ Té kéné sèpìn sòkò, yam pọ à fě mọ, à ku. Pè me n lékó wel, té à tọkọ kyi sah yīnyõ wòkò yó sòkò.

³⁸ Té kǎh pi Lida kwil ànê Nsyope kwil sò me yúkey wēne sě, Yesu tò sáhpú nónó-á sò me Nsyope sòkò, pè sò noh ne, Pyeri-á me Lida kwil. Képah sòkò, pè me díbí népí ními tǒ n tyí ne, pè kyi yo n tyí ne nkě, à n gblǒy ye, à mó pọ pépi tǐnne súú.

³⁹ Pǎh kyi kè yo sě, à núkú yuku pè sòkò wě tyí. Wǎh kyi yīni tě, pè à tě dọkọ yuku yīnyõ wòkò sòkò, té pékúsyọ pól sò me nọ de n tnô me n gbo, té me fwòmò-ńgbnọ ànê fwòmònpìle ñne n wěki, nónó-á Tabita tǐ gbí nê-á sò à me vile.

⁴⁰ Képah sòkò, Pyeri névye pól kǒ pè wil kégbó, té n gbètukunọ di à Liyel ni. Té me n yah vi pi lékó tǐnne té ne: «Tabita, yuku.» Pi núkú n yí yiki mọ. Té wǎh Pyeri we, à yuku kǒ tě.

⁴¹ Pyeri me n gbò sòkò tě, à à yilki sah. Képah nǎh, à Yesu yò sěpú ànê pékúsyọ ye pọ ñne pè wěki vile.

⁴² Kǎh pi sě, yí mè tǒ mọ Nsyope kwil ywǒ ywǒ pól sòkò, ànê pé nǎhnǎh pi Tě ńgbě Yesu yò sěpúle.

⁴³ Képah nǎh, Pyeri tě mo kwéy Nsyope sòkò sénpi dí yó tyí, nê yīn-á Simole.

10

Névye ye dùkùle Liyel tyí, nónó nǎh pi Nsyifunọle

¹ Dí yó lésõ me Sesarı kwil pè n ye Korneye. Sràsyíbi yòtě yó ye sò ñne, Wrome tǎn sràsyíbi tǐnkì sòkò, nê-á pè n ye Yitalı gběnyah sràsyíbi tǐnkìle.

² A sò me Liyel wěkì tǐnó ple, me n yah tíkile n pi, té ñmọ ànê n gbô tǎn pól me ñne n ni. A sò me Nsyifunọ yām tǎnne n yohni n mọ nǎhnǎh, té me Liyelle n ni gbímegbí.

³ Képah sòkò, sò yó gbèkām gbí kénkǒ sòkò, à wěkínó yó we. A Liyel yīnyõ tǒnpi yó we pnéyy à de pọ n tǐnne, à pọ à ye n yīnne ne: «Korney!»

⁴ Nte Korney sò me yīnyõ tǒnpile n yah díkídíkí tíkítíkí sòkò, té à piki yah ne, kwáh nê se ni, pé yòtě? Yīnyõ tǒnpi me yo n tyí ne: «Wáh nírí nónóne n pi, ànê wáh yòhnìnmonọ nónóne n pi yām tǎn tyí, Liyel yí me sé yò. N dyọ me n kwne á tyíle.

⁵ Núkúnúkú tǐne, nósýó wilki n tekı n mọ Nsyope kwil, pè kyi Simo yó tǐ n pọ, nê-á pè n ye Pyerile.

⁶ A me twáhntǐnóle sénpi dí yó tyí, nê to yīn-á Simole. N gbô me pne yo gbòpọ.»

⁷ Képah sòkò, yīnyõ tǒnpi-á welọ nópi yo te Korney tyí, té yal n tnô, Korney núkú n tǒnpi bí díbí népí ními ye ànê sràsyí yóle, nê-á sò me tǐnóle n tnô di mónóle, té me Liyel wěkì tǐnó ple.

⁸ Té me tyi nópi pól yǎh pé tyí, té pè tekı mọ Nsyope kwil.

9 Ké dīndalle, pè sò me wěkì yō sě, té pǎh pópó n de Nsyope kwil soko gbí nêne, gbí sò me yòtah sírr kénkō soko, té Pyeri me dokoko gběntín yō, me níríle n pi.

10 Képah soko, kwekú pọ à tē; à sò me ké tyí ne, pé yōke yō. Té pǎh me yōkele n pi n tyí gbí nêne, Liyel wěkínó yóle à wěki.

11 A yínyō we yíkínmọ̀nọle, té kwáh yó me wil ké soko, fwòpìn-̀ngbě yó sò, ké vyěyno nyáhle ténóle, té me n tiki n pi sétáh.

12 Té gbyêh nyêh yí duke pól sò me ké soko, ànê yí nónó-à n til, à tahl kèpye duke pól tyí.

13 Képah soko, Pyeri yínpǒ yó noh kè me n yo n tyí ne: «Pyeri, yuku n ko sé soko n ko.»

14 Nte Pyeri me Tē ngbě syah ne, páh pi sò pile, pé náh dèl kwáh yó ntě yō yah, képah náh pi, kwáh yó ntěne, nê-á névile n silki Liyel yah. Képah-á, pé náh kè pi n pi pólle.

15 Képah tēne, yínpǒ mè tō ké syi yo à noh ke ní-òle ne nkě: «Liyel-á kwáh nê wěki kwáhpépěyne, áwọ tyí náh ké wěkínóle ne, kǎh me névile n silki Liyel yah.»*

16 Képah tē pi sě ke tǒnó, té Liyel núkú kéne kwáh yō dokoko soko yínyō.

17 Kǎh pi sě, Pyeri lékám sò me fěki, à me n gblóyne n piki n yah wěkínó nê-á à we, ké yō-á ki fě n pi n pi tir nêne. A me képah soko, té Korney tēntò névye mó me sénpi dí Simo gbô tyí piki yah kō pọ we, me yin tē ké yah,

18 té me n piki n yah ne, Simo nê-á pè n ye Pyerile, à se me twáhnténóle ásô soko ni?

19 Nte Pyeri-á sò me yō soko n fọkọle n sō wěkínó mè tyí soko sě, Liyel Mirki me yo n tyí ne à yah, díbí népí tǒmí-á me nne n yah n kō.

20 Péwọ-á tekú mọ péle n tyí. Képah-á, à yuku n tiki n soko péle, à káh tótò pi.

21 Képah soko, Pyeri tiki kyi no nópi tnô, té yo pé tyí ne, nê-á pè n yah n kō, nmo-á péwọle. Nkě, pè kèyǎh kō.

22 Pè me yo n tyí ne, sràsyíbí yòtē dí Korney-á tō péle n tyí. Négbí-á nne, wǎh Liyel yah tíkile n pi, ànê Nsyifunọ pól-á n yíngbíle n yo. Yínyō tǒnpi yó-á kéle à wěki ne, wǎh yíne à pọ n tē n kyi n gbô soko, tyi nónó-á me á tyí yo yo tēne, á sè yo à syah.

23 Képah soko, Pyeri me pé kō pè de gbô soko, à twah n tyí à lékáh pi.

Té ké dīndalle, à me pé sò tē soko. Té Yesu yō sěpú yísyó tọ sò soko péle, nónó-á n wil Nsyope kwil.

24 Pé soko sō dīndalle, pè kyi de Sesarí kwil; té kyi ne yah Korney me n gbô tǎn ànê n kódíbi kègblọ ye tuke, me pọ pè syiki tē.

25 Pyeri-á pọ n de gbí nêne, Korney kyi à yohni, té kọ kwíinki n yah, à à gbilki.

26 Nte Pyeri me yo n tyí ne à yuku, té à yilki sah, té ne névi ó-á péwọ tole dò.

27 Pè me képah yónó soko wě tyí, té de yuku gbô à kyi no nópi we tükènténóle pípi.

28 Pyeri me pè syah ne, pǎh pĩ ne, dèl-á kéle Nsyifunọ tyí, pè náh n pi n soh wě tyí kwlókáhkí névyele, ànê pè náh n de pé gbên soko kè. Nte

* 10:15 10.15 - Liyel lésô gběnkyo yísyó tyí yo Nsyifunọ tyí ne, pè káh séle n ko. Yah n te Levitiki 11.

Liyel-á kélé péwɔ tẽ wẽkɪ ne, pé náh yĩne pé ònî yó òtẽne n yah ne, wãh me sɪlkĩnóle Liyel yah, képah náh pɪ, ne à náh yĩne pínsòhnóle névye tyí.

²⁹ Képah-á, pé kɔ pãh pé ye pé pɔ yékâb pí-ńkẽne. Nkẽ, pé se kɪ fẽ pé yénó yõ yo pé syah nɪ?

³⁰ Képah sɔkɔ, Kɔrneɣ me yo ò tyí ne, ké sèpìn òyêh-á yò, gbèkãm gbí mè ó kénkɔ sɔkɔ, páh lésò me níri le n pɪ pé wòkò sɔkɔ. Té dõ, pé núkú dí yó we yínttẽnóle pé yah tĩnne, wil flòle pèrr ò tyí,

³¹ té me pé ye pé yĩnne ne, Kɔrneɣ, Liyel-á pé níri tẽ; ò dyɔ-á me n kwne pé pèpɔrɪ pínó tyíle.

³² Képah-á, pé névye wilki n tekɪ n mɔ Nsyope kwil, pé kyɪ Simo ye n pɔ ásò, nê-á pé n ye Pyerile. Wáh me twáhntẽnóle sènpɪ dí Simo gbô sɔkɔ, pne yɔ gbòpɔ.

³³ Kãh pɪ sẽ, pé núkú névye tekɪ mɔ ò tyí ne, pé kyɪ à ye n pɔ. N tɔ mó tɔ pɪ ple té fẽ syi pɔ. Núkúnúkú, pé pól-á ásò Liyel yah sɔkɔ, ò wèlɔ noh yĩnne, nónó pól-á Tẽ ògbẽ dahbɪ ò gbò, ne à yo pé syah.

Pyeri Liyel wey yónóle Kɔrneɣ gbô

³⁴ Képah sɔkɔ, Pyeri me wey tɔkɔ té ne: «Núkúnúkú, mé pĩ kègbɪ yõ ne, Liyel náh ònî yó òtẽne n wah.

³⁵ Névi nê-á fyò ò yah tíkile n pɪ, té me n kɔ gbɪ wẽkɪ yõ, tẽ-á sò me yìkɪ nê neɣne, ò tyí n nɔ Liyel tyí.

³⁶ Nmɔ Liyel ye ò wey tekɪ mɔ Yisrayel tãn tyí, à Nìvìnì tir yo pé tyí ne, yèvinɪ-á n we Liyel tyí Yesu Krista gbò yõ, òmɔ nê-á no pól Tẽ ògbẽne.

³⁷ Nsyõ-á kwní kɔ te ni sɔkɔ wèlnwìlkĩnó tyí sɔkɔ, képah náh, nê-á pɪ Kalile gběnyah ògbò sɔkɔ ànê Nsyude gběnyah pól sɔkɔ, yé se mó kè pĩ té!

³⁸ Té Liyel sò me Nasaretɪ kwil Yesule. A ò Mirki ànê tẽnwenole à kɔ. Képah ye, à me n kɔ n kɔ tãntãn pól sɔkɔ, à pèpɔrile n pɪ, té nónó pól-á sò me sétãn yòtẽ yõrɪ sɔkɔ, à sò me péle n wilki ké sɔkɔ.

³⁹ Té wãh tyi nónó pól pɪ Yerusalemɪ kwil ànê Nsyifunɔ kwlo tóló sɔkɔ, á pól ye sè we yĩne. Nte pé me à tẽ syi dahɪ yõ, à à ko mɔ.

⁴⁰ Té ké sèpìn tɔ-ò sòle, Liyel me ò lékó yilki mɔ, té à kɔ à ò gblõyne no wẽkɪ,

⁴¹ òte à náh ò gblõyne no pól wẽkɪ. A ò gblõyne ápi ó wẽkɪ, ápi nónó-á lésò Liyel yah tɔkɔ pɪ Yesu lékó yílkínmɔnɔ wépú ànê sé yáhpúle. Ápi lésò yòke yõ, té wɔ wɔ kwáh wɔ òne wẽ tyí, ò lékó yílkínmɔntenɔ náh.

⁴² Képah sɔkɔ, à me á tɔ ne: «Yé kyɪ Liyel weɣne n yo n kɔ no tyí. Yé kélé pé wẽkɪ ne, òmɔ-á Liyel sah vye ànê lékyî tükè-òle.»

⁴³ Nmɔ Yesu tyí ye tɔ Liyel tẽntò syínyopu pól yo ne, névi nê-á sã òmɔ yõ, tẽ tyípèl-á kɪ yõ mɔ à kɔ òmɔ yĩn yõ.»

Liyel Mirki nósyó tɔkɔ, nónó náh pɪ Nsyifunɔle

⁴⁴ Képah sɔkɔ, Pyeri sò me wékínó sɔkɔ sã, té Liyel Mirki tiki ò wey nòhnìpu pól yõ.

⁴⁵⁻⁴⁶ Liyel-á Mirki nê kɔ, kãh tɔ mɔ névye yõ nónó náh pɪ Nsyifunɔle, pé kɔ pé wénkáhkínóle n wèkɪ nónó-á pé náh sè sãh, té Liyelle n gbilki sã, képah pɪ gbèndùnìne Yesu yõ sèpú Nsyifunɔ tyí, pépi nónó-á sò pɔ ànê Pyerile.

⁴⁷ Képah sòkò, Pyerì nẹ: «Névyẹ nónónẹ Liyel Mirki wẹ te ápi tyí kòlẹ, á kú fě yahle sǒ nẹ, pè káh n wel n wilki ni sòkò?»

⁴⁸ Té me pè kǒ pè Kórneypi wel wilki ni sòkò Yesu Krista yín yǒ. Képah sòkò, pépi mó Pyerì ni nẹ, à wǔ sèpìn yísyó pì péle.

11

Pyerì-á nê yo Yerusalemi kwil Yesu yǒ sǎpú tyí

¹ Té Yesu tǎntò névyẹ ànê Yesu yǒ sǎpú tǎlò nónó-á sǒ me Nsyude gběnyah sòkò, pè kè noh nẹ, nósýó tǒ-á me Liyel wey fě syi, nónó náh pì Nsyifunòlẹ.

² Képah tǎnẹ, Pyerì-á pò ò syi kyì Yerusalemi sòkò gbí nêne, Yesu yǒ sǎpú Nsyifunò kyì tyah lékàhlẹ ònẹ n kǒ,

³ té nẹ, à se sǒnpí kyì de, à yǒke tǒlẹ n yǒ névyẹ fìnne, nónó náh pì Nsyifunòlẹ nì?

⁴ Képah sòkò, tir mè-á pì sǒ, Pyerì ké yah yo wah pò dal mò pé tyí wárwár nẹ,

⁵ páh sǒ me Nsyope kwil me nírlẹ n pì, té Liyel wěkínó yóle pé wěki. Páh kwáh yó wẹ kè me wil yínyǒ fwòpìn-ògbě yó sǒ, ké vyěyno nýáhle tǎnólẹ, té me n tiki n pì à pò yíni tǎ pé tǎ.

⁶ Páh me ké yáhnó sòkò díkídíkí, pé yípěy wẹ ké sòkò, ànê gběnkýolẹ, ànê yí nónó-á n til, à tahlì kèpye tyí.

⁷ Képah tǎ sòkò, pé yínpǒ yó noh kè me n yo pé tyí nẹ: «Pyerì, yuku n kó sé sòkò ò kò.»

⁸ Nte pé me yo yínpǒ mè tyí nẹ pé Tě ògbě, pé náh képah pì n pì, òkě páh pì sǒ pile, dǎl kwáh yó òtǎ náh de yah pé vyāh ànê kwáh yó òtǎnẹ, nê-á névile n silki Liyel yah.

⁹ Képah tǎnẹ, yínpǒ mè tǒ wil yínyǒ, me n yo nẹ òkě: «Liyel-á kwáh nê wěki kwáhpépěyne, áwò tyí náh ké wěkínólẹ nẹ, káh me névile n silki Liyel yah.»

¹⁰ Képah tǎ-á pì sě ke tǎnó, té Liyel me tǒ kéné kwáh tǒkò dǒkò yínyǒ.

¹¹ Té légbí mè ó sòkò, díbí nǎpí tǒmí mó me pò yín tǎ péwò mé-nsah gbò yah sòkò. Nnì-á tǒ péle Sesarì kwil, pè pò péwò tyí.

¹² Té Liyel Mirki me yo péwò tyí nẹ, pé sòkò péle, pé káh tǒtò pì. Pé yúnpyé nǎpí kénúkò nónó-á yò, pépi me pé sǒ tǎ à yuku Sesarì kwil. Pé pól kyì de Kórney gbò sòkò.

¹³ Képah sòkò, Kórney tǒ mó yo pé tyí nẹ, páh sǒ me pé gbò sòkò, té yínyǒ tǎnpì yó wil mò pé yah, té yo pé tyí nẹ òkě, pé nẹy tekì n mò Nsyope kwil. Tě kyì Simo tǎ n pò, nê-á pè n ye Pyerìlẹ.

¹⁴ Wáh kú pò welò yísyó yo pé tyí, nónó-á kú pé pwah mò ànê pé gbò tǎn pólle.

¹⁵ Kórney-á képah yo te sě péwò Pyerì tyí, té pé fyò tyah à tyilẹ n yo pé tyí, Liyel Mirki tiki Kórneypi tǒ yǒ, sǎ-á lésò kè tiki pépi yǒ ké tyah gbíne.

¹⁶ Káh pì sě, péwò dyò tǒ kǒ Tě ògbě Yesu wey mè tyilẹ, wáh nê yo nẹ òkě: «Nsyǒ névyẹ wel wilki ni sòkò, nte yépi tǎ wólẹ, Liyel kú yé tǒ sah ò Mirkilẹ kú yé pì yályál.»

¹⁷ Nte pépi-á sě Tě ògbě Yesu Krista yǒ, té Liyel me ò Mirki nêne pépi kǒ, wáh fyò kéle no nǎpì tǒ kǒ te pépi tyí kǒlẹ, nê se péwólẹ kú fě Liyel tir yah kǒ nì?

18 Képah sɔkɔ, névye-á wɛlɔ nɔpi noh sɛ, pé pól vi, té Liyel yinne n gbilki me n yo ne, Liyel-á ntyínɔ ké wɛkìle névye to kɔ nónó náh pi Nsyifunɔle, pé ki fɛ pé nno vi mɔ, ki tyé-ńkɛ min we dé!

Antyɔsyi kwil Yesu yɔ sɛpú ònkìle

19 Yetyɛni ko mɔ gbíne, pé sò me Yesu yɔ sɛpúle n fòh. Képah ye, pé to karki. Pé tókù sɔkɔ Fenisi gbɛnyah, tókù sɔkɔ Syipri gbɛnyah, tókù me sɔkɔ Antyɔsyi kwil. Té pé náh sò me Yesu tyíle n yo nnî yó ntɛ tyí, né Nsyifunɔ ó tyí náh.

20 Nte tókù sò me pé sɔkɔ, nónó-á n wil Syipri gbɛnyah sɔkɔ ànê Sireni kwil. Pépi-á pɔ Antyɔsyi sɔkɔ, pé sò me Nivini tirlɛ n yo no téló* to tyí Tɛ ògbɛ Yesu tyí sɔkɔ.

21 Té Tɛ ògbɛ sò me tɛnwɛnɔle péle n kɔ. Káh pi sɛ, névye náhnáh vi mɔ Tɛ ògbɛ Yesu wɛkì yɔ, à pi n yɔ sɛpúle.

22 Képah tɛne, Yerusalemi Yesu yɔ sɛpú ònkì-á képah noh sɛ, pé Barnabası tekı mɔ Antyɔsyi sɔkɔ.

23-24 Barnabasıle, népépɛy ye lésò òne. Liyel Mirki sò me à tɔkɔ, ànê Liyel yɔ sɛnó me n sɔkɔ kègbıle. Képah ye, wáh kyı yini tɛ, té Liyel pèpɔri pínó we nénpó Yesu yɔ sɛpú tyí sɛ, n ni vi. A me sóré mɔ pé pól sɔkɔ ne, pé gbah tɛ pé wró tel tɛ Tɛ ògbɛne pé nno pólle. Képah tɛne, tówú ògbɛ fɛ syi sɛ Tɛ ògbɛ Yesu yɔ.

25 Képah náh, Barnabası sɔkɔ Tarsı kwil, Sole yáhnkɔ-ńsah.

26 Wáh kyı à we, à à tɛ pɔ Antyɔsyi sɔkɔ. Pé ními tɛ à yi vi pól pi nénpó Yesu yɔ sɛpú ònkìle, à névye náhnáh to we kwɔ Yesu wɛkìle. Nénpó ògbò sɔkɔ ye pé Yesu tò sáhpú ye Kretyɛbıle.

27 Té kéne sèpìn sɔkɔ, Liyel tɛntò syínyopu yísyó wil Yerusalemi kwil, à pɔ Antyɔsyi sɔkɔ.

28 Pé sɔkɔ núkú yó sò me pé n ye Akabusıle. Té Liyel Mirki gbò yɔ, òmɔ yuku kè yo ne ńkɛ, dɔ kwéy, kwénpékè-á ki n de n pi kèkòyó pól sɔkɔ. Képah pínó pɔ Klode we, Wrome kwiltám yòtɛne.

29 Képah sɔkɔ, Yesu tò sáhpú kè yah tɔkɔ, à yíne pé nénúkú núkú pól gbàn yí wénónɔle ne, páh ki pé gbàn yí yísyó tuke mɔ, ki tekı mɔ Yesu yɔ sɛpú kɔ Nsyude gbɛnyah sɔkɔ.

30 Páh kè yah tɔkɔ sɔ, pé kè pi sɛ, té me yí nópıle Barnabası ànê Sole gbò dahbı, pépi me kyı séle Yesu yɔ sɛpú yah tám kɔ.

12

Nsyaki kònmɔnɔ ànê Pyeri dáhnmɔnɔle wòkònpèkè sɔkɔ

1 Ké légbí mè sɔkɔ, yòtɛ dí Yerɔdı tyah Yesu yɔ sɛpú ònkì névye tókù fòhnóle Yerusalemi kwil.

2 A Nsyɔ nénkyı dí Nsyaki ko mɔ kèkirkìle.

3 Té wáh kè we yí mè nɔ Nsyifunɔ tyí sɛ, à tɔ Pyeri to tɛ. Légbí pɔ yíne Nsyifunɔ búrn sɛ-ńkɛ syáh syáhnóle.

* 11:20 11.20 Yah n te Welɔ yah yónó sɔkɔ, nýáh-á Kreki tyíle n yo.

⁴ Wǎh Pyerì tǎ sě, à me à dah mɔ wòkònpèkè sɔkɔ, té sràsýíbí nǎpí ònyêh tǐnkínó nýáh névye kǒ pè wěne n sah, à òne n syíkí. A sò me ké tyí ne, búrn sě-ńkě syáh-à kí sɔkɔ tɛ, pé à tuke no pól yí yah.

⁵ Pyerì yah sò me víkénóle wòkònpèkè sɔkɔ, òte Yesu yò sǎpú tǐnkí mó me Liyelle n gbah n ni ò tyí.

Liyel-á gbìl nê pí, à Pyerì wilki wòkònpèkè sɔkɔ

⁶ Té sò nê ðíndal-á Yeròdì kí Pyerì tuke n pí, ké lékâhne, Pyerì sò me púkúbínsàhnóle kǎló pló nínóle, té me n dɔ sràsýíbí nǎpí nímí wró. Té wòkònpèkè mè syíkípú sò me ké yah, me kéle n syíkí.

⁷ Nte nǎnpó swɔ, Tǎ ògbě yínyò tǔnpí yó núkú wil mɔ wòkònpèkè mè sɔkɔ, ké sɔkɔ pól piki pǎrr. Yínyò tǔnpí mè me Pyerì mí mí ò gbòpɔ tyí à à yilki mɔ, té yo ò tyí ne ńkě, à yuku súú. Képah sɔkɔ, kǎló nópi núkú kǎli to Pyerì gbǎn tyí, à kwe sétáh.

⁸ Képah tǎne, yínyò tǔnpí tǔ yo ò tyí ne, à ò kǔ dyí ànê ò lékyêhle. A me kè pí sě. Yínyò tǔnpí mè tǔ yo ò tyí ne, à ò fwòmò-ògbě mɔ, à mó pé sò tǎ.

⁹ Pyerì me ò sò tǎ, à wil. Té yínyò tǔnpí-á tyi nónóne n pí, Pyerì náh sò me sě sé yò ne gblɔ-á séle. A sò we ne dékí-á pé n dɔ.

¹⁰ Pè wòkònpèkè syíkí-ńsah gben kal sɔkɔ, té ké ní-ò to kal sɔkɔ, té kyí syí vyɔrì wùkah gbíní tyí. Képah yah sò me mónóle kwil niyó tǐnne. Ké to núkú yíkí mɔ ké gblɔy. Pè me wil à wǎkì tǎ n yuku. Dǔ, Pyerì núkú yínyò tǔnpí mè yah kwìlɔ.

¹¹ Képah sɔkɔ, Pyerì yah pyě pí kyò yí mène. A me ne núkúnúkú, páh pyě kè pí yí ne, Tǎ ògbě-á tǔ ò yínyò tǔnpíle à pɔ pé pwah mɔ wilki Yeròdì gbò ànê Nsyifunɔ-á sò me pèl nónóne n syíkí ne, sè péwɔ nɔ.

¹² Té Nsyò nê-á pè n ye Markile, Pyerì-á ò fɔkɔ sò yah, à sɔkɔ òmɔ yú Mari gbô. Nírì pípú náháh sò me tuke mɔ tǎ nǎnpó, me Liyelle n ni.

¹³ Té Pyerì-á pɔ gbô yah mí, tǔnpí pípír yó me pè n ye Wrodele, òmɔ me nɔ de kéle, té píkinyahnɔ pí ne, nê se ní?

¹⁴ Képah sɔkɔ, Pyerì-á yo mɔ, à ò yí pí. Ké òvìvì tǎ tyí, à pyě gbô yah sah yíkínmɔ-ńkěne té ò syí to kyí kè yo no tǎlɔ tyí ne ńkě, Pyerì-á me yǐnntǎnóle gbô yah.

¹⁵ Nte pè pyě ne, pípír yògbèkè-á yuku. Té wǎh me kéle n gbah n yo ne gbí-á pé n yo, pè tǔ ne ńkě, Pyerì mírkí-á kí nê à we.

¹⁶ Nte Pyerì wɔ mó me wùkahle n tǔ n mí sě. Képah sɔkɔ, páh pópó pɔ wùkah yíkí mɔ, pè kè we kè pí òmɔle ntyínɔ. Kè pí pé tyí gběndùnne.

¹⁷ Pyerì me ò gbò pí mɔ pé tyí ne, pè pé vyěy vike. Té Liyel-á à yohni mɔ ðúkú nêne à kǔ à wil wòkònpèkè sɔkɔ, à de ké sɔkɔ à kè yáh pé tyí. Té yo pé tyí ne ńkě, pè kyí kè yáh Nsyakí ànê pé yúnpyé Yesu yò sǎpú tǎlɔ tyí. Képah náh, à pyě wil sɔkɔ fí yó.

¹⁸ Nte tyah-á pɔ dal, sràsýíbí fɔkɔ fil Pyerì tyíle. Képah sɔkɔ, pè wěne n piki n yah ne, ò tyí se pí sǔ ní?

¹⁹ Képah tǎne, Yeròdì pè kǔ pè mí de Pyerì sóhnikònɔ sɔkɔ. Nte pè náh à we. Kǎh pí sě, à me wòkònpèkè syíkípú ye pɔ piki yah, té ne, pè pè ko mɔ. Képah náh, Yeròdì wil Nsyude gběnyah sɔkɔ à kyí sèpìn yísyó pí Sesari kwil.

Yòtě dí Yerodı kúnóle

²⁰ Tiri kwil ànê Sidõ kwil tãn-á sò me gběnyah nê sokò, ké yòke lésõ me n wil yòtě dí Yerodı gběnyah sokò. Té yékâb-á pò we pé wró ànê Yerodıle, Yerodı fòkò kah vyãh péle. Kãh pı sě, pépi me yo sah núkú yõ ne, páh kı kyı wil Yerodı tyí. Képah yinne, pé kyı pé sòno pı núkúle ànê Yerodı sě-ńsah wòkò yòtěne, nê-á pé n ye Blasıtusile, ne pé kyı yégbékè kwrónmòno yah kò Yerodı tyí.

²¹ Pãh gbìyìkì nê yah tòkò, ké lésõ-á nò, Yerodı n yòtòrí flo mò pò kò tě n yòtòrí kò yõ, à tyah wey yóle n yo tówú tyí.

²² Képah tēne, névye tyah n gbo mò ne, névi tě wò náh n wekı yò dé, Liyel-á!

²³ Képah sokò, Yerodı-á sònpí gbílkinó mè fě syi, nê-á sò yĩne sàhnóle Liyel yõ, Tě ñgbě yínyõ tònpi yó núkú à mı, kèfyõ me gbo n sokò, à à yõ ko.

²⁴ Nte Liyel wey sò me n gbah n tō mò n yuku óle.

²⁵ Té Barnabası ànê Sole wò-á pé tò pı te Yerusalemı kwil, * pé Nsyõ-Markı tě pé syı sokò Antyosyı kwil.

13*Barnabası ànê Sole tékínmònole Liyel tò sokò*

¹ Liyel tēntò syínyopu ànê névye kwópú sò me Antyosyı kwil Yesu yõ sěpú tĩnkì sokò: Barnabası sò me, ànê Solele, ànê Simeyõle, nê-á pé n ye Dísyíkèyne, ànê Sireni kwil Lusiyusile, à tahlı Manayě tyí, ñmò nê-á sò kòri pı wě tyí Kalile gběnyah yòtě dí Yerodıle.

² Sò yóle, páh me níkì tě, té me Tě ñgbě Liyelle n ni gbí nēne, n Mirki yo pé tyí ne: «Yé Barnabası ànê Sole wilki pé tyíle. Pé kı tò pı, nê yĩn-á mé n ye péle.»

³ Képah sokò, pé níkì tě, * à níri pı pé tyí à pé gbàn sah pé yõ, té pyě pé fin mò pé sokò.

Barnabası ànê Sole Liyel wey yónóle Syipri sokò

⁴ Liyel Mirki-á Barnabası ànê Sole təkı mò tò sokò sě, pé me tiki yuku à kyı de Selesi kwil. Té de krótókè ñgbě yó sokò nénpó, ne páh n yuku gběnyah yó sokò pé n ye Syiprile, pne yo nyó.

⁵ Pãh yĩni tě ké kwil yó sokò pé n ye Salaminine, pé tyah Liyel weyne n yo Nsyifunò Liyel ní-ńtãn vı sokò. Té Nsyõ-Markı tò sò me péle, pé yohnı n mò yinne.

⁶ Pé me Syipri mè kan kò kah, à kyı de ké kwil yó sokò pé n ye Pafosile. Pé kyı Nsyifunò sènpı dí yó yohnı, nê-á pé n ye Bar-Yesule. Nmò sò me n gblòyne n pı Liyel tēntò syínyo-òle.

⁷ Té à sò me wě tyí ànê Syipri yah tě-ò dí Serısyusi Polusile, ñmò nê-á lésõ lékám névile. Té Liyel wey noh dékè sò me Serısyusi Polusi tě. Képah ye, à pé kò pé kyı Barnabası ànê Sole ye.

* **12:25** 12.25 - Yah n te 11.27-30. * **13:3** 13.3 - Níkì ténó duke me dò. Té Nsyifunò tě wò tyí, páh níkì tě, ké kanne, pé nine n wò, té pé náh yòkele n yò.

⁸ Nte sènpì dí Bar-Yesule, pè tǒ sǒ ònne n ye Yelimasule Kreki wey soko. Nmo sǒ me Barnabasì ànê Solele n fwo. A sǒ me n yah n kǒ Syipri yah tǔ-ò dí yíninmo-ńsahle, ne à káh sǔ Yesu yǒ.

⁹ Képah soko, Sole nê-á tǒ pè n ye Polele,† Liyel Mirki à toko, à me sènpì dí yah díkidíki,

¹⁰ té yo n tyí ne: «Áwo nê-á lékámkám ànê yínvǐ ó á tǒó, sétàn yǒtǔ névi mǐ; gblo wǎl pól sépele áwǎle, Tǔ ògbǔ wǎl tómtóm fǔkìnó yal mo dé!

¹¹ Núkúnúkú tǔne, Liyel gbǒ kǐ sah á wil. A kǐ pǐ yítǔne wró yó soko, á náh tǒ gbǐ kyòò we n pi.» Képah yóntenǒ òsǒ, n yǐ núkú wo, à n gblǒy we fǔntǔ soko, té tyah n ko n kore n vi n kǒ, à neyne n yah n kǒ n gbǒ soko tǔ tǔne.

¹² Képah soko, Syipri yah tǔ-ò dí-á Liyel tyí-ògbnǒ pínó we, té kwónó nê noh, sè n nǐ tǔ. Kǎh pǐ sǔ, à sǔ Tǔ ògbǔ Yesu yǒ.

Pole ànê Barnabasì-á kwónó nê pǐ Antyosyǐ kwil, Pisidi gběnyah soko

¹³ Képah náh, Pole ànê n kómú de krótókè ògbǔ soko, à yal Pafosǐ kwil, té yuku Persyǐ kwil, Pǎnfili gběnyah soko. Pǎh me nǎnpó, Nsyǒ n gbe wil pé soko, à n syǐ yuku Yerusalemǐ kwil.

¹⁴ Nte Polepǐ tǔ wo mó yal Persyǐ kwil, à yǒ soko pé kólóle, pópó à kyǐ de Antyosyǐ kwil, Pisidi gběnyah soko.‡ Té Nsyifunǒ mǐ mǐ yòh sǒ-á pǒ nǒ, pè kyǐ de kǒ tǔ péle pé Liyel ní-ńsah wòkò soko.

¹⁵ Képah tǔne, ònǐ yó me tyǐ kònsàhnó ànê Liyel tǔntǔ syínyopu sébéynó tǎntǎnnó yǐsyó kar. Wǎh kar te, Liyel ní-ńsah wòkò yah tǎm me pè kǒ pè yo Polepǐ tyǐ ne, pé no, welo yǐsyó-à kǐ me pé tyǐ sǒré mo mo tǔne tówú soko, ké wǔkǐ-á me pé tyǐ.

¹⁶ Képah soko, Pole me yuku yǐn, té n gbǒ pǐ mo no tyǐ ne, pè noh pé tyǐ yò. Té yo pé tyǐ ne: «Yisrayel tǎn, à tahlǐ nónó-á Nsyifunǒ náh péle, té me Liyel yah tǐkǐle n pǐ, yé nóhnó pǐ n tyǐ.

¹⁷ Ápǐ Yisrayel tǎn Liyelle, à ápǐ náh tǎn yah wilki. A tǒ Yisrayel tǎn pǐ dò, gbǐ nê-á sǒ pè me Yesyipti gběnyah soko; té tǒ n tǔnwenǒle pè wilki ké soko.

¹⁸ Té à pè puš gběnnǐ soko pópó ye tikiníní kénkǒle.

¹⁹ Képah náh, à yǐkǐnǐnó kwǎrnǐnǒ névye ko mo, à pé duku to Kanah gběnyah soko, té pé sétáhle Yisrayel tǎn kǒ gbǔkǐle.

²⁰ Tyǐ nópǐ pól-á pópó n pǐ n te, kè nǒ ye kyeyéh tikiníní pó gbǎm (450) kénkǒle. Képah náh, á náh tǎn soko ye Liyel n wilki á vyǎh syǐpúle, pópó à pǒ nǒ Liyel tǔntǔ syínyo-ò Samuyelǐ gbǐ tyǐ.

²¹ Té sǒ yóle, pè me kè yah kǒ Liyel tyǐ ne, páh me yǒtǔ yó tyǐ. Képah soko, Liyel me Kisi pídǐ Sawuli pǐ pé yǒtǔne, pópó ye tikiníní. Té Sawulile, Běnsyame yǐkǐ ney ye sǒ ònne.

²² Nte Liyel-á pǒ òmo milki gbǐ nêne, à me Davidi pǐ pé yǒtǔne. Davidi tyǐ soko ye lésǒ Liyel yo ne nǐkǔ: «Mé wil mo n dyǒ yǐn ney yǒ, òmo nê-á Nsyese pídǐ Davidile. A kǐ n dyǒ yǐn tyǐ pól pǐ dal mo palle.»

† 13:9 13.9 - Solele, Nsyifunǒ ye n ye ònne sǔ, té Wrome tǎn me ònne n ye Polele. ‡ 13:14 11.19 - Antyosyǐnǒ sǒ me nínó. Núkú sǒ me Pisidi gběnyah soko, ní-ò me Siri gběnyah soko. Nte Siri gběnyah Antyosyǐ soko ye sǒ pé kóló mè tyah. Yah n te Tyípínì 13.1-4. § 13:18 13.18 - Púnó nê tyǐ-á n yo ásǒ soko yò, yòke ó náh sǒ Liyel péle n kǒ. A sǒ me pé nǐle n gbe, à n tǒ n sah n pǐ pé tyǐ.

²³ Liyel ye lésò ò vyähle Davidi kǒ ne, Yisrayel pwáhnmo-ò-á kɪ dubi òmo pétóbé soko. Kéne pwáhnmo-ò ye pɔ pi Yesule.

²⁴ Té Yesu-á pópó n pi, wèlnwilkì-ò Nsyõ ye yo Yisrayel tãn pól tyí ne, pè pé nno vi mo, pè mó wèlnwilkìnó we.

²⁵ Nte Nsyõ tò-á pópó pɔ n tyɛ, à me n yo névye tyí ne nkě: «Yépi tẽ sǒno soko, nê me òmole? Yé káh we ne, pwáhnmo-ò nê pónó-á yé syiki tẽ, òmo-á òmole dé! Nte yé yah, à me n kne pó-ńsah. Té òmo òntě fǒrɔo kah ò lékyêh fyé dénole ò gbyêh soko.»

²⁶ Képah náh, Pole tǒ ne: «Á no, yépi nónó-á Abrahamu pétóbéle, à tahlɪ Liyel yah tíki pípu pól tyí, pwáhnmo-ò wey mɛ ye tekɪ mo ápi pól yinne.

²⁷ Nte Yerusalemu tãn ànê pé yǒtãm náh lésò pí ne, Yesu-á pwáhnmo-òle. Té Liyel tǔntǔ syínyopu welo nónó-á n kar pé tyí Nsyifunɔ mu mu yòh sǒno pólle, pè náh sé yǒ pí. Kéne welo tyi yónó ye lésò pè pi dal mo, pãh lékàhle Yesu kǒ.

²⁸ Pè náh Yesu tyípíní yó òntě we, nê-á yĩne ò kònmònele. Nte pè kè yah kǒ Pilati tyí ne, à à ko mo.

²⁹ Té Liyel wey-á tyi nónó pól yo Yesu tyí soko, pãh pɔ sè pi dal mo te gbĩ nêne, pè ò lékó tiki mo to dahnɪ yǒ, té kyɪ à yĩ diki yó soko.

³⁰ Nte Liyel me ò lékó yilki mo.

³¹ Képah náh, névye nónó-á lésò ò sǒ tẽ yal Kalile gběnyah, à dokɔ yuku òne Yerusalemu kwil, à ò gblǒyne pépi wěki sèpìn náhnáh soko. Kéne névye nópi ye me ò tyi yónwàhpu kègblǒle Yisrayel tãn yah núkúnúkú yò.

³² Nte ápile, Nivìni tir ye ápi to n yo yé tyí yò ne nkě: Liyel-á ò vyähle á náh tãn kǒ nê tyí yǒ,

³³ képah-á à pi dal mo ápi tyí, ápi nónó-á pi pé wǔnpile. Wãh Yesule á kǒ, à yĩne kãh wãrki sah sǒ Gbálnó sébéy yìkì ní-ò soko ne nkě:

«Nmò Pídí ye ále;

à tokɔ kwey tyí, òmo ye á Súle.»*

³⁴ Liyel ye lésò kwãh tẽ kè yo sah ne nkě, Yesu-à pɔ ku, à náh n pyãh n pi. Páh kɪ ò lékó yilki mo. A tǒ lésò kè yo dal mo ne nkě:

«Máh lésò ò vyähle Davidi kǒ nê tyí soko,
mé kɪ kè pi yé tyí, kɪ sãm mo yé soko,
tir yó náh ké òkù ku n pi.»†

³⁵ Képah ye Davidi yo fí yó soko ne nkě:

«Á náh n ye á tǒnpi pèpey lékó kǒ
kè n pyãh n pi.»‡

³⁶ Nte Davidi tẽ wɔ gbĩ soko, à Liyel tò pi ké wěkì yǒ. Képah náh, à me ku pè kǒ pè yĩ ò náh tãn lékyí tnô, ò to lékó me pyãh.

³⁷ Nte Liyel ye Yesu lékó yilki mo. Nmò lékó tẽ wɔ náh pyãh dé!

³⁸ Á no, yé pí ne, òmo Yesu gbǒ yǒ-á tyípêl yǒnmòno tyí we yo yé tyí dé! Moyisi tyi kǒnsàhnó náh tẽ we yé yǒ wilki tyípêl nónó soko,

³⁹ névi nê-à sǔ Yesu yǒ, tẽ yǒ kɪ wil sé pól soko, à kɪ fǔ nɔ de Liyelle.

⁴⁰ Képah ye, yé kyòmìnó pi, yé káh pɔ Liyel wey mɛ yahle. Képah-à pí-ńkěne, Liyel tǔntǔ syínyopu-á tir nê yo sah, kè kɪ pɔ yé yĩni tẽ. Pè lésò ne nkě:

⁴¹ «Yé yah, wènyìkì wékípú nópi,

* **13:33** 13.33 - Yah n te Gbálnó 2.7. † **13:34** 13.34 - Yah n te Yesayi 55.3. ‡ **13:35** 13.35 - Yah n te Gbálnó 16.10.

yé ne me gbëndùní sòkò, yè mó ku tẽ yõ!
 Máh kɩ pò nê pɩ n pi yé sòkò, té kɩ yé sah min sòkò;
 névi-à sǒ sǒ pò kéle n yãh yé tyí,
 yé náh n sê n pi ké yõ.»§

⁴² Sépi yónteno náh, Pole ànê Barnabası-á n wil Liyel ní-ńsah wòkò sòkò gbí nêne, no tyah péle n ni ne, mi mi yòh kèyãhle, pè tǒ pò pé syi pé wey mè ó yõ.

⁴³ Képah náh, tówû-á pò karkɩ gbí nêne, névyé náhnáh Pole ànê Barnabası sǒ tẽ. Nsyifunò ye sǒ, à tahlɩ névyé tyí, nónó-á vi mɔ de Nsyifunò Liyel nínó wèkì sòkò. Té Pole ànê Barnabası sǒ me n yãh péle, à pé sǒnole n vi n mɔ ne, Liyel-á pèpɔrɩ nê pɩ pé tyí, pè ké ténó ple.

Pole ànê Barnabası Liyel wey yónóle névyé tyí, nónó náh pɩ Nsyifunòle

⁴⁴ Képah sòkò, Nsyifunò mi mi yòh kèyãh-á vi pò, kwil névyé kan pò tuke mɔ Liyel wey noh yinne.

⁴⁵ Nsyifunò-á kéné tówû we sê, dyóyókì de pé sòkò kèpékèyô. Pè tyah Pole weyne n kǒlɩ, à ké tyíle n yo n yikɩ.

⁴⁶ Képah sòkò, Pole ànê Barnabası kè yo nìsãhle pé tyí ne: «Yépi ñgbò tyí ye Liyel wey sǒ yĩne kè yo. Nte yáh fyò kè yahle, té kè wèkɩ ne yé náh yĩne tyé-ńkè min wénóle, kãh pɩ sê, ápi kɩ á yah mɔ névyé òinne núkúnúkú, nónó náh pɩ Nsyifunòle.

⁴⁷ Tẽ ñgbè Liyel-á nê yo, képah ye á n pɩ dò. A kè yo ne ńkè:
 <Mé ye ñ sah ne á pɩ kyòole névyé tyí, nónó náh pɩ Nsyifunòle,
 á mó kyɩ pwáhnmɔnɔ wey yo
 kèkòyó pól sòkò.»*

⁴⁸ Képah sòkò, nónó náh pɩ Nsyifunòle, pãh welo nópi noh sê, pé ni vi, pè tyah Tẽ ñgbè Liyel weyne n gbilki. Té névyé nónó pól-á sǒ yĩne tyé-ńkè min wénóle, pé pól sê Tẽ ñgbè yõ.

⁴⁹ Liyel wey núkú tǒ mɔ kéné gběnyah tãntãn pól sòkò.

⁵⁰ Té syó né-ñgbnɔ yísyó sǒ me, nónó-á me Nsyifunò Liyel wèkìle n kò. Kãh pɩ sê, Nsyifunò me pépi ànê kwil né-ñgbnɔ yísyó kurki mɔ Pole ànê Barnabası yõ. Pè me tyah Polepile n fõh, té pè yĩni yal pé sétáh yõ.

⁵¹ Pãh mó n wil kéné kwil, pè pé gbyêh nèngbõ kwer kwe ké sòkò, té sòkò Yikonyumi kwil.

⁵² Nte Antyosyɩ kwil Yesu tǒ sáhpú tẽ wɔ sǒ me nìvìnì ñgbè sòkò, té Liyel Mirki me pè tókò.

14

Pole ànê Barnabası Liyel wey yónóle Yikonyumi kwil

¹ Képah sòkò, Pole ànê Barnabası-á yĩni tẽ Yikonyumi kwil, pè tǒ de yuku Nsyifunò Liyel ní-ńsah wòkò sòkò. Té tyah Liyel weyne n yo, fǒó Nsyifunò ànê nónó náh pɩ Nsyifunòle, pé náhnáh vi mɔ pɩ Yesu yõ sèpúle.

² Nte Nsyifunò sòkò nónó-á sǒ yahle sènóle Yesu wey yõ, pépi nékáhbí kurki mɔ Yesu yõ sèpú yõ.

³ Nte képah fyé yõ, Pole ànê Barnabası tǒ tẽ à mo Yikonyumi sòkò. Pé gbò sàhnyĩnɔ sǒ me Tẽ ñgbè yõ pè kǒ pè n wèkɩ nìsãhle. Té à sǒ me pé

§ 13:41 13.41 - Yah n te Yabakuki 1.5. * 13:47 13.47 - Yah n te Yesayi 49.6.

yah tẽ pè kǒ pè gbìl tyile n pɪ, gbìl nónó-á n wěki ne, pǎh welo nónóne n yo Liyel pèpɔri pínó tyí sɔkɔ, gblɔ-á séle.

⁴ Nte kwil névyé gbekɪ. Pé tókù sǒ me mo Nsyifunɔle, tókù mó me mo Yesu tẽntǒ névyele.

⁵ Képah sɔkɔ, Nsyifunɔ ànê nónó náh pɪ Nsyifunɔle, à tahlɪ pé yòtǎmnó tyí, pè wě tyí mo ne, pé Pole ànê Barnabasɪ fǒh, pé mó pè minki ko dyêhle.

⁶ Nte Pole ànê Barnabasɪ-á pɔ pĩ ké sɔkɔ, pè to sɔkɔ Lisitir kwil, ànê Derɪbɪ kwil, ànê sé gbòplo kwlo sɔkɔ, Likawoni gběnyah.

⁷ Té yǒ sɔkɔ, à Nìvìnì tirlɛ n yo n kǒ nénpó.

Sèkùkù dí yó dénmɔnɔle Lisitir kwil

⁸ Té dí yó lésǒ me Lisitir kwil, gbyêhne kúnóle. A sǒ dubi sèkùkùle, à náh tẽ we ko yah.

⁹ Té sǒ yóle, Pole-á n wɛkɪ, kéné dí sǒ me n weyne n nohnɪ. Képah tẽne, Pole tyah díne n yah díkidíkí. Té wǎh kè we ne Liyel yǒ sɛnó-á me dí mè tyí kɪ fě dénmɔnɔ we Liyel tyí,

¹⁰ à yo n tyí yǐnpǒ nǔgběne ne: «Yuku n yǐn tómm á gbyêh yǒ!» Képah sɔkɔ, dí núkú yɔkɔ syɪkɪ n gbyêh yǒ, à tyah n ko.

¹¹ Tówú-á képah tẽ pínó we sě Pole tyí, pè tyah n yo wòhòh Likawoni tǎn wey sɔkɔ ne nkě, tǎn-á sé viri pɪ névyele à tiki pɔ pé wró dé!

¹² Képah sɔkɔ, pè tǒ nê-á pè n ye Nsewusile, pè képah yǐn dyɪ Barnabasɪ kǒ. Té wey-á sǒ me Pole wɔ gbò sɔkɔ sě, pè kèyǎh yǐn dyɪ òmɔ kǒ, nê-á pè n ye Yeremesile.

¹³ Té tǒ nê-á pè n ye Nsewusile, ké wòkò sǒ me kwil dé-ńsah yah sɔkɔ. Ké lékwén nétě dí me nyéhpýèni tẽ pɔ kéné tǒ wòkò yah ànê yí fine.* Té òmɔ ànê tówú sǒ me ké tyí ne, pé gbètòh mo Barnabasɪ ànê Pole yǒ.

¹⁴ Nte Barnabasɪ ànê Pole-á képah tẽ noh sě, pépi nónó-á Yesu tẽntǒ névyele, pè pé fwòmɔlo yɔri tɔkɪ yèkwɔri tẽ tyí, té to de tówú niyó me yo tũ yǐnpǒ nǔgběne ne:

¹⁵ «Á no, sǒ me té yé képahle n pɪ? Névyé ye ápi tɔle, yépi tyí kǒle dò! Nìvìnì tir ye á pɔ yó-ńsah yé tyí ne, yé yǒ kě fal fal tǎn nópi milki, yé mó vi mo Liyel wěkì tẽ, òmɔ nê-á min nétěne. Nmo ye mo yǐnyòle, ànê sétáhle, ànê pne yole, à tahlɪ sé sɔkɔ yiyìn pól tyí.

¹⁶ Nǔgbòle, Liyel mè ye sǒ ye kwlo kwlo névyé pól kǒ pè n ko pé dyɔ dyɔ wǎl yǒ.

¹⁷ Nte à me n gblǒy dùkùle n wěkɪ sě gbímegbí n pèpɔri pínó sɔkɔ. A me pũne n pɪ n mo yéle n kǒ à n wil yǐnyò, té yé sèmukɔ kǒ sè n pekɪ, té yòke náhnáhle yéle n kǒ ànê nìvìnìne.»

¹⁸ Nte welo nópi fyé yónó yǒ, Yesu tẽntǒ névyé yah vyǎh tówú yǐnínmɔ-ńsah ne, pè káh gbètòh mo pé yǒ.

¹⁹ Ké légbí sɔkɔ, Nsyifunɔ yísyó wil Antyɔsyɪ kwil, Pisidi gběnyah, ànê Yikonyumi kwil, à pɔ nénpó. Pépi pɔ tówú vi tẽ mo Polepi yǒ, pè kǒ pè yuku Polele n minki dyêhle ne páh ñne n min n ko. Képah náh, pè à yɔri wilki sah kwil náh fínne, té me n sǒ ne wǎh ku.

* **14:13** 14.13 - Névyé náhnáh tẽ sǒnɔ sɔkɔ, nyéhpýèni nópi sǒ me kóhnmɔnɔle yí fi nópile.

20 Nte Yesu tò sáhpú-á pò tuke mɔ̀ n̄ tnô, à à mɔ̀ gbĩ gbí n̄n̄n̄, à me yuku té de kwil sɔ̀kɔ̀. Té ké d̄indalle, à sɔ̀kɔ̀ àn̄ê Barnabas̄le Derib̄i kwil.

Pole àn̄ê Barnabas̄i syínyukunɔ̀le Siri gb̄nyah sɔ̀kɔ̀

21 Képah t̄n̄n̄, p̄h kyɪ ȳini t̄ē Derib̄i kwil, p̄ Niv̄in̄i tir yo n̄n̄pó t̄n̄ tyí. Pé náhn̄áh me s̄ē Yesu ȳō, à p̄i n̄ tò sáhpúle. Képah n̄áh, Polepi pé syɪ sȳō Lisitir kwille, àn̄ê Yikonyumi kwille, à kyɪ de Antyɔsyɪ kwil, Pisidi gb̄nyah sɔ̀kɔ̀.

22 Té n̄is̄áh àn̄ê sóré ye s̄ō p̄e n̄ mɔ̀ n̄ k̄ō Yesu tò sáhpú sɔ̀kɔ̀ n̄e, p̄e gbah n̄ t̄ē pé s̄ōn̄o sah ȳī Yesu ȳō gb̄imegb̄í. P̄e s̄ō me n̄ yo pé tyí n̄e n̄k̄ē, ȳevȳáhr̄i náhn̄áh dénw̄iln̄ó sɔ̀kɔ̀-á pé kɪ de Liyel t̄ōrí mé-ńsah sɔ̀kɔ̀.

23 Té Yesu ȳō s̄ēpú t̄ink̄in̄ó n̄ónó-á s̄ō me kwlo n̄ópi pól sɔ̀kɔ̀, Polepi s̄ō yah t̄ám ȳisyó yah wilki sé sɔ̀kɔ̀, à sah sé ȳō. Té ník̄i t̄ē à níri p̄i pé tyí, à p̄e dahb̄i T̄ē ñgb̄ē Yesu gb̄ō, p̄h s̄ē ñm̄o n̄ē ȳō.

24 Képah n̄áh, p̄e Pisidi gb̄nyah k̄o kah, à kyɪ de P̄ánfili gb̄nyah sɔ̀kɔ̀.

25 N̄n̄pó sɔ̀kɔ̀, p̄e Liyel wey yo P̄ersyɪ kwil t̄n̄ tyí, té pȳē yuku Atali kwil.

26 P̄h n̄ yal n̄n̄pó, p̄e de krótókè ñgb̄ē sɔ̀kɔ̀, à yuku Antyɔsyɪ kwil, Siri gb̄nyah sɔ̀kɔ̀. Kéne kwil sɔ̀kɔ̀ ye s̄ō p̄e p̄e dahb̄i Liyel gb̄ō sɔ̀kɔ̀, tò m̄e p̄i ȳinne, n̄ē-á p̄e p̄i te ȳō.

27 P̄h ȳini t̄ē Antyɔsyɪ sɔ̀kɔ̀, p̄e Yesu ȳō s̄ēpú t̄ink̄i ye tuke. Té Liyel-á pé yah t̄ē, à n̄ tò p̄i ðùkù n̄n̄n̄, p̄e k̄e ȳáh pé tyí; à tahl̄i w̄áh n̄ ȳō s̄ēn̄ó w̄ēk̄i yuku m̄o névȳe t̄o k̄ō s̄ō, n̄ónó n̄áh p̄i Nsyifun̄o.

28 Képah n̄áh, Polepi t̄ē péle Antyɔsyɪ sɔ̀kɔ̀, à mo.

15

Yékâb dénōle

1 Képah t̄n̄n̄, díbí ȳisyó wil Nsyude gb̄nyah, à p̄o Antyɔsyɪ kwil sɔ̀kɔ̀. Té p̄o tyah Yesu ȳō s̄ēpúle n̄ kwɔ̀ n̄e n̄k̄ē, né p̄e n̄áh k̄òkè k̄ō s̄ō-á Moyisi tyi k̄ònsàhn̄ó k̄e yo sah, p̄e n̄áh f̄ē pwáhn̄m̄on̄o we n̄ pi.

2 Nte Pole àn̄ê Barnabas̄i n̄áh f̄ē syi. K̄áh p̄i s̄ē, yékâb ñgb̄ē de pépi àn̄ê díbí n̄ópi wr̄ó. Képah sɔ̀kɔ̀, k̄e yah t̄okɔ̀ n̄e Pole, àn̄ê Barnabas̄i, àn̄ê pépi t̄úkù-á kɪ ðokɔ̀ yuku Yerusalem̄i kwil. P̄h kɪ kyɪ wil Yesu t̄ēnt̄ò névȳe àn̄ê Yesu ȳō s̄ēpú yah t̄ám tyí, p̄e ȳi m̄e yah wah.

3 Té me ȳòhn̄in̄m̄on̄o p̄i Polepi tyí kéne k̄óló m̄e ȳinne. Polepi-á n̄ sɔ̀kɔ̀, p̄e sȳō sɔ̀kɔ̀ Fenisi gb̄nyah àn̄ê Samari gb̄nyah sɔ̀kɔ̀, me névȳe tyíle n̄ ȳáh pé tyí, n̄ónó-á vi m̄o Liyel w̄ēk̄i t̄ē, té Nsyifun̄o n̄áh péle. K̄e p̄i n̄iv̄in̄i ñgb̄ēne Yesu ȳō s̄ēpú pól tyí.

4 P̄h kyɪ ȳini t̄ē Yerusalem̄i kwil, Yesu ȳō s̄ēpú, àn̄ê pé yah t̄ám, àn̄ê Yesu t̄ēnt̄ò névȳe me p̄e t̄ē palle. Képah sɔ̀kɔ̀, Liyel-á Polepi yah t̄ē p̄e n̄ tò p̄i ðùkù n̄n̄n̄, Polepi k̄e ȳáh pé tyí.

5 Nte Farisiȳē névȳe n̄ónó-á vi m̄o p̄i Yesu ȳō s̄ēpúle, pépi t̄úkù yuku tyah n̄ yo n̄e n̄k̄ē, n̄ónó-á s̄ē Yesu ȳō, té Nsyifun̄o n̄áh péle, p̄h ȳine p̄e k̄òkè k̄ō; àn̄ê p̄h ȳine kȳin̄m̄on̄o p̄e Moyisi tyi k̄ònsàhn̄óle n̄e n̄ pi.

6 Képah t̄ē sɔ̀kɔ̀, Yesu t̄ēnt̄ò névȳe àn̄ê Yesu ȳō s̄ēpú yah t̄ám w̄ē we ȳi m̄e tyí sɔ̀kɔ̀, à k̄e yah w̄ē tyí.

7 K̄e s̄ō p̄i ȳī yékâb ñgb̄ēne pé wr̄ó, f̄óó Pyer̄i p̄o yuku ȳin̄, té yo pé tyí n̄e n̄k̄ē: «Ñ ȳúnpyé, yépi n̄t̄ē se k̄e p̄i n̄e Liyel-á n̄m̄o yah wilki yé sɔ̀kɔ̀ di

mónóle té! A ne mé Nìvìnì tir yo névye tyí, nónó náh pì Nsyifunòle, pè kò pè kè we noh, pè mó sě Yesu yõ.

⁸ Nte Liyel nê-á névye fòkò sònòle n pne, òmò ye ò Mirkile pè kò, sã-á lésõ à kéle ápi tò kò, à kè wěki ne páh pépi tò fě syi.

⁹ A náh wăhkì pì ápi ànê pépi wró. Păh sě ò yõ, képah ye à pé nno tã sah.

¹⁰ Té núkúnúkú, sã pì té yé Liyel vyăh sòle n noh, à tókópèlle n sah Yesu yõ sěpú yõ, nónó-á ápi náh tăn ànê ápi ntě náh tě we sè twah yah?

¹¹ Nte ápi sě ké yõ ne áyáh pwáhnmonò we Tě ògbě Yesu pèpòrì gbò yõ, no nópi tyí kòle.»

¹² Kăh pì sě, no pól tě syísyí, té pé ní kwò Pole ànê Barnabasì tyí. Képah sòkò, Liyel-á syõ Polepi tyí, à gbìl tyi nónó pì névye tyí, nónó náh pì Nsyifunòle, Polepi sè yăh pé tyí.

¹³ Păh sè yăh te gbí nêne, Nsyakì wey tókò, té ne òkě: «N yúnpyé Nsyifunò, * yé noh ní tyí yò.

¹⁴ Á pól yí yah ye Simo-Pyerì kè yo ne òkě, ògbò dùkù-á Liyel kè yah tókò, à nósyó yah wilki névye sòkò, nónó náh pì Nsyifunòle, à pì ò nolè.

¹⁵ Té wey mè mó tã me yínénòle Liyel těntò syínyopu welòle. Yé yah, kè me wărkínsàhnòle ne,

¹⁶ Tě ògbě Liyel-á ne òkě:

<Képah náh, mé kì ní syì pò Davidi kéte sónó tã mò.

Mé kì ò kéntikìni tã mò kì kè yilki palle.

¹⁷ Képah sòkò, kèkòyó névye téló pól kì yuku òne n yah n kò.

Gbì yõ, kwlo kwlo névye pól ye kì n yah n kò n pì òne,

máh pépi nónó ye ne pè pì ní tyíle.>

Sě ye Tě ògbě Liyel yo, òmò nê-á tyi nópi wěki

¹⁸ di mónóle.†

¹⁹ Képah yinne, òmò Nsyakì tě sònò sòkò, névye nónó-á vi mò Liyel tyí yõ, té Nsyifunò náh péle, á náh yíne à tyile n tě n tah pé tyí.

²⁰ Nte á ye sébéy wărkì n tekì n mò pé tyí ne, pè pé gblòyne n tě sãh fálnó yíle, ànê fòfíkìle, ànê tó kwé-òkě kwáhkókè kòle, ànê tónè, sè kò sè káh pò pè silki.

²¹ Yé yah kè, à tókò ògbò dùkù tyí, kéne tyi ye òkěne Moyisi tyi kònsàhnò sòkò, pè névyele n kwò mì mì yòh sònó pólle kwlo kwlo pól Nsyifunò Liyel ní-ntân vi sòkò.»

Sébéy tónòle Yesu yõ sěpú tyí, nónó náh pì Nsyifunòle

²² Képah sòkò, Yesu těntò névye, ànê Yesu yõ sěpú yah tãm, ànê Yesu yõ sěpú tìnkì pól yo sah núkú yõ ne, páh kì nósyó yah wilki pé wró, té kì pépi tekì mò Pole ànê Barnabasìle Antyòsyì kwil. Képah těne, Nsyudasì, nê-á pè n ye Barsabasìle, pè me òmò ànê Silasì yah wilki. Pé ními pólle, névye sò me yòyénne n sah pé yõ.

²³ Pè me těntò sébéy yó wărkì à dahbì pé gbò, nê sòkò-á kè me yónòle ne òkě: «Á yúnpyé yépi nónó-á Nsyifunò náh yéle, té me Antyòsyì, Siri gběnyah sòkò, à tahlì Siri gběnyah kwlo téló tyí, ànê Silisi gběnyahle; ápi Yesu těntò névye ànê yé yúnpyé Yesu yõ sěpú yah tãm ye n wèkì yé tyí.

* **15:13** 15.13 - Yúnpyé Nsyifunò nónó tyí-á n yo ásò sòkò yò, pépi pì Nsyifunòle nónó-á sě Yesu yõ.

† **15:18** 15.16-18 - Yah n te Amòstì 9.11-12.

²⁴ Á kè noh ne, nòsyó-á wil ápi soko, à kyí pé welole yé lékám vye fěki, à yé mo sah fókósõno soko. Té ápi náh se mó tǒ tǒ péle.

²⁵ Képah ye, á kè yah tǒko wě tyí ne, áyah kí névye wilki tekí mo yé tyí. Pè kí n pǒ n pí wě tyí ànê á nìgbèkì névye Barnabasí ànê Polele,

²⁶ pépi nónó-á pé min mo kǔ kǔ Tě nǔgbě Yesu Krista tǒ yǐnne.

²⁷ Nsyudasí ànê Silasí ye á n tekí n mo yé tyí. Tyi nónó-á á wǎrkí tekí mo yé tyí, pé kí pǒ sè tǒ yo yé tyí vyǎhle.

²⁸ Liyel Mirki ànê ápi ye yah tǒko kéle ne, á káh tǒ tyi yísyó kǒ sah yé kǒ, à wil tyi nópi tyí soko yò, sépi nónó-á yǐne pínóle káhkáh:

²⁹ Yé yé gblǒyne n tǔ sǎh fálnó kòle, ànê tǒne, ànê tǒ kwé-ńkě kwáhkókè kòle, ànê fǒfíkì pínóle. Yáh yé gblǒyne n tǔ n yǐ sépi pól pínóle, yé me n pí ple. Yé tǔno!»

³⁰ Képah náh, pé wěkìle tǔntǒ névye kǒ pé soko à kyí de Antyosyí kwil. Pè kyí Yesu yǒ sǔpú tówú tuke mo, té tǔntǒ sébéy mène pé kǒ.

³¹ Pǎh kè kar, ké soko tyíyónó sǒré mo pé soko, kè pí nìvìnìne pé tyí.

³² Képah soko, Nsyudasí ànê Silasípi tǒ-á sǒ pí Liyel tǔntǒ syínyopule sǔ, pépi tyah nole n vi n mo, me tyi náhnáhle n yo pé tyí, à sǒréle n mo pé soko.

³³ Pǎh sèpìn yísyó pí nénpó, képah náh, no pé fin mo, té wẹkí pé tyí ne, pé de lènole pé tǒpú tǐnne. [

³⁴ Té Silasí wo me ne, péwo-á kí wǔ nénpó.]

³⁵ Nte Pole ànê Barnabasí tǔ wo sǒ me tǔ Antyosyí soko. Pépi ànê névye náhnáh yísyó sǒ me nole n kwó, té me Tě nǔgbě Nìvìnì tirlé n yo.

Pole ànê Barnabasí gbékínóle

³⁶ Sèpìn yísyó-á soko sǔ, Pole yo Barnabasí tyí ne, páh Tě nǔgbě wey yo kǒ kwlo nónó pól soko, à ye pé pé syí kyí yah pé yǔnpyé Yesu yǒ sǔpú tyí kéne kwlo soko, pé tyí-à kí me dǔkù nǔne.

³⁷ Képah soko, Nsyǒ nê-á pé n ye Markíle, Barnabasí sǒ me ké tyí ne, pé n tǒ tǔ pé soko.

³⁸ Nte Pole wo náh sǒ me ké tyí ne pé soko nne; nmo nê-á lésǒ n gbe wil pé soko Pǎnfili gběnyah dǔkù soko, té à náh tǒ sǒ me n kyí n pǒ péle pé tǒ soko.

³⁹ Kǎh pí sǔ, yékáb nǔgbě de Pole ànê Barnabasí wró, pé me gbekí. Barnabasí me Nsyǒ-Markí tǔ tahlí n gblǒy tyí, pé de krótókè nǔgbě yó soko à soko Syipri gběnyah.

⁴⁰ Nte Pole wo mó Silasí yah wilki. Té Yesu yǒ sǔpú-á nírí pí pé tyí, à pé dahbí te Tě nǔgbě gbò soko gbí nǔne, pé me soko wě tyí.

⁴¹ Pè Siri gběnyah ànê Silisí gběnyah pól kǒ kǒ, à Liyel yǒ sǔnó sǒréle n mo n yuku Yesu yǒ sǔpú tǐnkínó soko.

16

Timote tǎhlínóle Pole ànê Silasí tyí pé kóló soko

¹ Képah náh, Polepi-á wil Siri ànê Silisí gběnyah soko, pé yǒ soko Deríbí kwil. Pǎh wil nénpó, pé yuku Lisitir kwil. Pè kyí Yesu tǒ sǎh-ò yó we nénpó pé n ye Timotele. N yǔne, Nsyifu ney ye sǒ nne, nê-á me Yesu wěkìle n kǒ, té n sú me Krekí neyne.

² Té Yesu yõ sěpú nónó-á sò me Lisitir sòkò ànê Yikonyumi kwil, pè sò me Timote yíngbíle n yo.

³ Képah sòkò, Pole sò me ké tyí ne pé à tẽ sòkò pé kóló sòkò. Té Nsyifunò nónó-á sò me kéné kwlo sòkò, pè sò pĩ ne, Kreaki ney-á Timote súle.* Pépi yinne, Pole me Timote kò.

⁴ Képah sòkò, Polepi-à fyò n sòkò kwlo nónó sòkò, Yesu tẽntò névye ànê Yerusalemi kwil Yesu yõ sěpú yah tãm-á tyi nónó yah tòkò, pè séle n yãh kéné kwlo Yesu yõ sěpú tyí ne, pè ne n kò sé wàl yõ.

⁵ Kãh pi sě, Yesu yõ sěpú tĩnkínó sò me n gbah n sě Liyel yõ, té wãn tõ me n mɔ pé nédán tɔ yõ sòmésó.

Pole wěkínó yó we Turasi kwil

⁶ Képah náh, Polepi sò me ké tyí ne pé kyi Liyel wey yo Asi gběnyah sòkò, ñte Liyel Mirki kè yahle pé tyí. Kãh pi sě, pè me kah syõ Frisyi gběnyah ànê Kalasi gběnyahle.

⁷ Pãh kyi yini tẽ n te Misi gběnyahle, pè tõ kè yah tòkò ne, pãh kɪ yuku Bitini gběnyah. Ñte Yesu Mirki† kè yahle pé tyí.

⁸ Kãh pi sě, pè Misi kò kah, à tiki yuku Turasi kwil.

⁹ Té lékâhne, Pole wěkínó yó we. Wěkínó mè sòkò, à Masedoni gběnyah dí yó we yínttẽnóle, té tẽ me ñne n ni ne ñkě, à pɔ Masedoni sòkò, à pɔ pépi yohni n mɔ.

¹⁰ Pole-á fyò wěkínó mè we sě, á me kè pĩ yíi ne, Liyel-á ye ále ne, á kyi pé Nìvìnì tir yo Masedoni tãn tyí. Kãh pi sě, á núkú á vi ne áyáh kɪ sòkò nénpó.

Lidi-á pi Yesu yõ sě-òle dùkù nêne Filipi kwil

¹¹ Képah sòkò, á de krótókè ñgbě yó sòkò Turasi kwil, à yõ sòkò gběnyah yó sòkò, nê-á me pne yo niyó pè n ye Samotrasule, á náh kwò dah fí yó ñtẽ sòkò. Té ké ãindalle, á yuku Neyapolisi kwil.

¹² Áyáh yal nénpó, á yuku kwil-ñgbě yó sòkò pè n ye Filipile, Masedoni gběnyah sòkò. Kéné kwil yõtõrí sò me Wrome tãn gbò. Á me tẽ nénpó, à sèpìn yísyó pi.

¹³ Nsyifunò mi mi yòh sò-á pɔ nɔ, á kè sò ne, pé Liyel ní-ńsah-á kɪ we yóngbalɪ sòkò. Kãh pi sě, á wil kwil niyó, à nénpó nyáh sò. Á kyi syó yísyó we tükènmontẽnóle nénpó. Á me kò tẽ pé tnô, à yáhkì yãh péle Liyel wey tyí yõ.

¹⁴ Té pi yó sò me syó nópi sòkò pè n ye Lidile. Fwòsãhlo dénkókónì gbò yí-ò ye sò ñne. Á n wil Tyatiri kwil, té à sò me Nsyifunò Liyel wěkìle n kò. Té Tẽ ñgbě me wekɪ pi mè ni sòkò à kò à ñ níkí kwò, à Pole welo noh palle.

¹⁵ Kãh pi sě, ñmɔ ànê ñ kéte tãn pól me wèlnwilkínó we ni sòkò. Képah sòkò, pi me kè yah kò ápi tyí ne, áyãh kɪ me sě ké yõ ne péwɔ-á pi Tẽ ñgbě Yesu yõ sě-òle, á pɔ n kyi n twah pé tyí pé gbò. Té á gbah tẽ pópó, á pɔ sah ñ tyí yõ.

Pole ànê Silasi dáhnmonole wòkònpèkè sòkò Filipi kwil

* **16:3** 16.3 - Kreaki névye náh sò kòkèle n kò. Képah ye, Timote sú kò à náh sò à kò. Nte kòkè kò-ñkè névye tyí náh sò nɔ Nsyifunò tyí. † **16:7** 16.7 - Yesu Mirki nê tyí-á yo ásò sòkò yò, Liyel Mirki ye kèle, nê tyí-á yónóle 16.6.

16 Képah sɔkɔ, sɔ yóle á me n yuku nírí pí-ńsah, té tònpi pípir yó pɔ á yohni. Sétõ sò me kéne pípir gbil à kɔ à tyísnóle n we n yo. A sò me pò náhnáhle n we ò yõtãmne n kɔ kéne tyísnó wényonɔ sɔkɔ.

17 Kéne pípir me yuku, à ápi ànê Pole sò tẽ, té me yo tũ léyy no tyí ne níkẽ, díbí nópile, yõtah Liyel tònpi-á péle. Pwáhnmonɔ wẽkì tyí-á pè pɔ n yo pé tyí.

18 A sò me képah tẽne n pi sɛ, sèpìn náhnáh sɔkɔ. Káh pɔ Pole gblóle n vyãh, à ò yah vi yo sétõ mè tyí ne níkẽ, Yesu Krista yín yõ, à pípir mè fin mɔ. Wãh yo sɛ, nénpó swɔ sétõ núkú pípir fin mɔ.

19 Képah sɔkɔ, pípir yõtãm-á kè we ne, pé sɔnɔ-á sò me pò nê wénó yõ òmɔ gbò yõ káh ki yín mɔ, pè Pole ànê Silasì tẽ, té yuku péle yõtãm tyí, tówù tükè-ńsah sɔkɔ.

20 Képah náh, pè me kyì péle Wrome tãn yísyó tyí nónó-á pé yõtãmne, té kyì tyah n yo ne níkẽ, díbí nópi-á me fẽkínóle n pi pépi kwil. Nsyifunɔ-á péle,

21 té pãh me pɔ wãl yísyóle névyele n kwɔ nónó-á sé wãl náh me pépi Wrome tãn nítẽ tyí ki sè fẽ syi, képah náh pi, ki sè pi n pi.

22 Képah tẽne, tówù tɔ núkú yuku Polepi yõ. Yõtãm nópi me pè kɔ pè Polepi flo de, té ne pè pè ko yèfõhle.

23 Képah sɔkɔ, pãh yèfõh yí náhnáhle pè ko te, pè pè dah mɔ wòkònpèkè sɔkɔ, té yo ké syíkí-ò dí tyí ne, à péle n kyomì palle.

24 Dí-á fyò képah noh sɛ, à mó pè tẽ dah mɔ wòkònpèkè nuyó wòkò sɔkɔ, té sésár kárn mɔ pé gbyêh tyí.

25 Nte léni mónó wró sɔkɔ, Pole ànê Silasì sò me níri le n pi, té me yùle n gbi à Liyel yinne n gbilki, té wòkònpèkè sɔkɔ névyé téló mó me n nohni pé tyí.

26 Képah tẽne, sétáh syahrì ògbẽ núkú pi nénpó swɔ, à wòkònpèkè sètyah yike. Ké vi yey pól núkú yiki mɔ, ké sɔkɔ névyé pól gbyêh sɔkɔ kárnno pól kòli kwe.

27 Wòkònpèkè syíkí-ò dí-á pópó dɔ yuku, té ké vi yey we yíkínmonɔle sɛ, à we ne ké sɔkɔ névyé-á to wil. Képah tẽne, à núkú ò kèkírki yorì de ne, pé pé gblõy ko mɔ.

28 Nte Pole me yo mɔ ò tyí yínpɔ ògbẽne ne, à káh dlo yó nítẽne ò gblõy nɔ, pé pól-á me ásò.

29 Képah sɔkɔ, wòkònpèkè syíkí-ò dí pè kɔ pè pɔ fòtnòle à kɔ, à de yuku súú wòkònpèkè nuyó wòkò sɔkɔ, té ò gbètukunɔ di Pole ànê Silasì yah wílsyahrì sɔkɔ.

30 Té me pè tẽ wil kégbó, té pè piki yah ne, pé nénkyíbí, sò se pé yíne pé pi pé mó pwáhnmonɔ we ni?

31 Pè me yo ò tyí ne: «Sẽ Tẽ ògbẽ Yesu yõ, á ki pwáhnmonɔ we, áwɔ ànê á nolé.»

32 Képah sɔkɔ, Polepi Tẽ ògbẽ Yesu wey yo òmɔ ànê ò gbò tãn pól tyí.

33 Dí me Polepi tẽ légbí mè ó sɔkɔ lékâhne, à kyì pé níy wu; té nénpó swɔ, òmɔ ànê ò gbò tãn pól me wèlnwílkinó we ni sɔkɔ.

34 Képah náh, à Pole ànê Silasì tẽ yuku ò gbò sɔkɔ, à kyì yòkele pè kɔ pè yõ. Té òmɔ ànê ò no pól ni sò me vi yíí pé wénsẽnɔ yinne Liyel yõ sɔkɔ.

³⁵ Képah sɔkɔ, tyah-á pɔ dal, yòtām nópi tēntò névye tekɪ mɔ ne, pè kyɪ yo wòkònpèkè syíkí-ò dí tyí ne, à díbí nópi fin mɔ.

³⁶ Dí me kyɪ kè yo Pole tyí ne nkě, yòtām-á tēntò mɔ pé tyí ne, pé pè fin mɔ. Kǎh pɪ sě, núkúnúkú pǎh kɪ fě wil kɪ n yuku yèvinɪ sɔkɔ.

³⁷ Nte Pole me pè syah ne, pépi nónó-á gbò mɔ yò Wrome tǎn tyí, pépi kó pè tē ko tówú yí yah pé tükè-ñkěne; té pé dah mɔ wòkònpèkè sɔkɔ ni? Té núkúnúkú, pè tǔ me n yah n kǔ pé wìkìnnmɔ-ńsahle sèñ sò sɔkɔ ni? Képah nǎh fě n pɪ n pi dé! Nkě, fóó pé dahnmɔpu-á kɪ pɔ pé fin mɔ pé gblǒy.

³⁸ Képah tēne, tēntò névye nópi me pé syɪ kyɪ welɔ nópi yo yòtām nópi tyí. Pépi-á képah tē noh sě ne, Pole ànê Silasle, Wrome tǎn gbònmònyòbe-á péle, tíkí pè tē.

³⁹ Pè pɔ gblǒy ye yah kǔ Polepi tyí, té pè fin mɔ, té me pè ni ne pè wil kwil sɔkɔ.

⁴⁰ Polepi-á wil wòkònpèkè sɔkɔ, pè yuku Lidi òinne. Pǎh kyɪ Yesu yò sěpú we, pè sǒré mɔ pé sɔkɔ té sɔkɔ.

17

Pole ànê Silasɪ Liyel wey yónóle Tesaloniki kwil

¹ Képah nǎh, Polepi syò Anfipolisi kwil ànê Apɔlonɪ kwil, à kyɪ de Tesaloniki kwil sɔkɔ. Nsyifunɔ Liyel ní-ńsah wòkò yó sò me nénpó.

² Képah sɔkɔ, Pole-á sò nkěne kéle n pɪ sǔ, à tǔ kyɪ yǎhkí yǎh Nsyifunɔle Liyel wey sébéy sɔkɔ tyi yò pé Liyel ní-ńsah wòkò sɔkɔ. A képah tē pɪ syɪ sě wě tyí ke tǔnó, pé mɪ mɪ yòh sǔnóle.

³ A sò me ké yahle n yo pé tyí, à péle n wěkɪ ne nkě: «Pwáhnmɔ-ò sò yíne à pɔ yèvyǎhrɪ pɪ ku sě, Liyel mó à yilki mɔ. Yesu nê tyí-á mé n yo yé tyí yò, ñmɔ ye kéne pwáhnmɔ-òle.»

⁴ Képah sɔkɔ, Nsyifunɔ tükù sah ñ tyí yò, ànê Krekɪ névye nékwínkíle, nónó-á sò me Nsyifunɔ Liyel wěkíle n kɔ, à tahlɪ syó né-ñgbnɔ nǎhnǎh tyí. Pé pól me mɔ Pole ànê Silasle.

⁵ Nte Nsyifunɔ yísyó sò me Polepi dyòle n yɔ, té sɔkɔ à kyɪ nétúkúnì ñkǔnkǔnì yísyó tē wǎl yey sɔkɔ, à pɔ tówúle n kurki n mɔ, té fěkínóle n pɪ kwil sɔkɔ. Képah sɔkɔ, pè kyɪ kwɔ de Nsyasò gbô, à Pole ànê Silasle n yah n kǔ ne, pé pè tē pɔ tówú tyí.

⁶ Pǎh kyɪ pè yah kwɔ sě, pè Nsyasò ànê Yesu yò sěpú yísyó tē à yuku péle pé kwil yòtām tyí. Té kyɪ tyah n yo wòhòh ne, nónó-á fěkɪ kèkǔyó pólle, pépi-á pɔ de ásò tɔ sɔkɔ yò.

⁷ Té Nsyasò me fě syi pè kǔ pè twah ñ tyí. Nte Wrome kwíltām yòtē Sesar-á ne tyi nónó káh ne n pɪ, sépi-á no nópi pól me n pɪ. Pǎh me n yo ñtēne ne, yòtē ñgbě yó-á tǔ me, nê-á pè n ye Yesule.

⁸ Képah sɔkɔ, welɔ nópi nóhnó tówú ànê kwil yòtām fɔkɔ fil.

⁹ Kǎh pɪ sě, kwil yòtām me Nsyasòpi kǔ pè pó ñgbě yó kǔ, té pyě pè fin mɔ.

Pole ànê Silasɪ Liyel wey yónóle Bere kwil

¹⁰ Képah sɔkɔ, lékǎh-á fyò mɔ, Yesu yò sěpú me Pole ànê Silasɪ kǔ pè sɔkɔ Bere kwil. Pǎh yíni tē nénpó, pè kyɪ Nsyifunɔ Liyel ní-ńsah wòkò sɔkɔ.

11 Nénpó tǎn sǒ néglóle kal Tesaloniki kwil tǎnne. Nìvìnì tir nê-á sǒ Pole n yo Yesu tyí sòkò, pè me kè fě syi palle dékè sòkò. Té me Liyel weyne n kar, à ké sòkò tyile n sohlì n yah sòmésó ne, pé pĩ gblò-à kɪ nê Polepi welòle.

12 Kǎh pɪ sě, Nsyifunò náhnáh, ànê Kreakɪ syó né-̀ngbno yísyó, ànê díbí nékwínkí pɪ Yesu yǒ sěpúle.

13 Nte Tesaloniki kwil Nsyifunò-á fyò noh ne, Pole-á me Liyel weyne n yo Bere kwil tò sòkò, pè tǒ pò nénpó tò sòkò, à pò tówù kurki mɔ, pè kǒ pè fěkìnó pɪ.

14 Képah sòkò, Yesu yǒ sěpú núkú Pole tekɪ mɔ pne yo tinnè. Té Silasɪ ànê Timote wɔ me wũ nénpó.

15 Nónó-á kyɪ tekɪ mɔ Polele, pè kyɪ de òne, fóó Atenɪ kwil. Té pǎh pé syɪ n pi, Pole me pè tǒ ne, pǎh kɪ kyɪ, pè kyɪ yo Silasɪ ànê Timote tyí, pè pò péwɔ tnô súú.

Pole Liyel wey yónóle Atenɪ kwil

16 Té Pole-á sǒ me Silasɪ ànê Timote syíkíntěno sòkò sě Atenɪ kwil, à fal fal tǎn kyomɪ we dò kéne kwil sòkò. Kǎh pɪ sě, ò yah kah kwɔ.

17 Képah sòkò, à kyɪ yǎhkì yǎh Nsyifunòle, pé Liyel ní-̀nsah wòkò sòkò, à tahlì nónó tɔ-á sǒ me Nsyifunò Liyel wěkìle n kɔ. Té sòmésó, wǎh kyɪ tówù tükè-̀nsah, té névye nónó we nénpó, ǎ yǎhkì yǎh pé tɔle.

18 Té lékám ògbno névye yísyó tò sǒ me. Pè tókù sǒ me Yepikur wěkì kwópúle, té tókù mó me Setoyiki wěkì kwópúle. Pépi me yékâb mɔ Polele. Pé tókù sǒ me yo tũ ne, wènkwiñki ney mè tò se ne sǒ-á nɪ? Tókù mó ne, kǎh pɪ tě ne fal fal tǎn káhkí yísyó tyí sǒ à n yo, nónó-á pépi náh séle n pne. Té Nìvìnì tir ye sǒ Pole n yo pé tyí Yesu tyí yǒ, ànê lékyì yílkínmɔno tyíle.

19 Képah těne, pè à tě sòkò pé kwil fí yó sòkò pè n ye Arewopasɪle.* Pǎh kyɪ de, pè me à piki yah ne, wǎh pò kwónó késǎn nêne névyele n kwɔ, à se kɪ fě ké yah yo pé syah nɪ?

20 Nkě, gběndùni tyí ó-á à n yo pé n nohnɪ yò. Képah-á, à sé yah yo n wah pé syah.

21 Nte gbɪ yǒ, Atenɪ kwil tǎn pól ànê nɛpân nónó-á sǒ me twáhntěnole ké sòkò, pé pól nkěne pé wró kan tɔkò n pɪ tyísnó yǎhnóle, képah náh pɪ, sé nóhnóle.

22 Képah sòkò, Pole me yuku yĩn pé niyó, té yo pé tyí ne: «Atenɪ tǎn, mé pĩ ne nkě, Liyel yáhnkõpu yèsyìkìni-á yéle.

23 Mǎh yé kwil kò kǒ, mé kè kyomɪ we, líyelno náhnáh me ké sòkò. Té mé tyah yó òtě we, kè me wárkínmɔnole ké yǒ ne: «Dúkù pí-̀nkě líyel tyí ye.» Té òmɔ nê-á yé n gbilki ò dükù pí-̀nkěne, òmɔ tyí ye mé pò yónwàh-̀nsah yé tyí.

24 Nmɔ Liyel ye mɔ kèkõyóle, ànê ké sòkò yíyĩn pólle. Nmɔ ye tǒ yĩnyǒ ànê sétáh nétěne. A náh n tě névi gbò wòkònmɔni sòkò.

25 Nmɔ ye mɔ minne névi sòkò, ànê mìnìne à kǒ à n mɪ, à tahlì yíyĩn pól tyí. Képah ye, à náh me névi gběnpɪni yó òtěne n yah n kǒ, ò gblõy yohnɪ n mɔ yĩnne.

* 17:19 17.19 - Arewopasɪle, kènpĩn yó ye sǒ kéle, nê yǒ-á sǒ né-̀ngbno wěne n we n pò, ò tyi yahle n wah.

²⁶ Yah, nénúkù ó sòkò ye kèkòyó yìkìni pól wil Liyel-á nónó mɔ, té pè kō pè tē tē kō kèkòyó tǎntǎn pól sòkò. Té ki ànê kòkì gbíne pè kō, té tō gbàhni gboke pé tē-ntǎn tyí.

²⁷ Liyel sépi pól pɪ ne, nénúkù núkú pól fē pé yah n kō. Gbòkénpi, pǎh kɪ wne yah kō pɔ pé we. Nte gbɪ yō, à náh mó tō me fíí á sòkò yó n̄tēne.

²⁸ Nmɔ gbò yō sòkò ye ápile min sòkò, té me n werke. Képah ye tō yé yì gbípú yísyó yo ne n̄kē, Liyel wēnpì-á ápile.

²⁹ Nte Liyel wēnpì-á ápile sē, á se tō yīne à ne n sō ne, Liyel-á me á kɪ ne tǎn nópi sō; sépi nónó-á névyè sè mɔ sǎnne, képah náh pɪ wárn vyɔrɪle, képah náh pɪ dyéhle, à yīne pé yēngbē lékámne?

³⁰ Té yé yah, névyè-á tyi nónó pɪ sòkò n̄pì-n̄kē sòkò n̄gbòle, Liyel náh tō me sépile n mɔ n kō. Nte núkúnúkú, à me kéle n yo no pól tyí tǎntǎn pól sòkò ne, pè pé nno vi mɔ.

³¹ Wáh we à képahle n yo, à me gbìyìkì yó yah wilki sah, sō nê-á tukey kɪ n tuke n pi kèkòyó névyè pól yō, à yīne gbɪ wēkìle. A me dí yó yah wilki sah, nê-á kɪ pɔ tukey mē tuke n pi, té pǎh pɔ tē ko mɔ, à n̄ lékó yilki mɔ, à kéle á wēkɪ ne, wáh kɪ fē tē.»

³² Képah tēne, pǎh fyò lékó yíkinmɔnɔ tyí noh, pé tókù tyah kóle Polele n ko. Tókù mó me n yo n̄ tyí ne n̄kē, sō yóle, à tō pɔ n̄ syɪ n̄ wey mē yō pé tyí.

³³ Kǎh pɪ sē, Pole me yal pé tnô.

³⁴ Nte n̄ wey nóhpú tókù kyɪ kwɔ mɔ n̄ne, à pɪ Yesu yō sēpúle. Né-n̄gbno nónó-á n̄kēne wēne n tuke n mɔ, n̄ tyi yahle n wah, pépi ney yó to sō me péle pè n ye Denisile, ànê sê yó tole pè n ye Damarisile, à tahlɪ nósýó tyí.

18

Pole Liyel wey yónóle Korēnti kwil

¹ Képah náh, Pole yal Atenɪ kwil, à yuku Korēnti kwil.

² Légbí pɔ yīne Wrome kwiltám yòtē dí Klode me Nsyifunɔ pól yal Wrome kwil. Kǎh pɪ sē, Nsyifu dí yó lésō me nénpó pè n ye Akilasile. A dubi Pôte kwil. Nmɔ ànê n̄ kyɪ Prisili me yal Wrome kwil, Yitalɪ sétáh yō, à sòkò Korēnti kwil. Pole me kyɪ yīne pé póntwahnɔ késánne nénpó, té kwɔ mɔ pé sòkò.

³ Té pé pól sō me tō núkúle n pɪ, nê-á pɪ yèpye flo kóhnóle. Kǎh pɪ sē, Pole me tē pé tyí pè tōle n pɪ wē tyí.

⁴ Té mɪ mɪ yòh sònó pólle, Pole sō me yǎhkìle n yǎh n pɔ Nsyifunɔle pé Liyel ní-ńsah wòkò sòkò, me n yah n kō ne pé pépi ànê Kɔreki névyè sònó vi mɔ.

⁵ Képah sòkò, Silasɪ ànê Timote wil Masedonɪ gběnyah à pɔ. Pǎh fyò pɔ de, Pole náh tō me tō yó n̄tēne n pɪ né Liyel wey yónkōnɔ ó náh. A sō me ké yahle n yo Nsyifunɔ tyí ne, Yesu-á Liyel yah tòkò pɪ pwáhnmɔ-òle.

⁶ Nte Nsyifunɔ me kè yahle n̄ tyí, té n̄ne n gbyɔ. Kǎh pɪ sē, à n̄ wil flo kwer, té yo pé tyí ne, pé mónpunɔ kémú-á kɪ pɪ pé yēngbē tyíle, péwɔ vyǎh náh me ké sòkò. A tòkò núkúnúkú tyí, páh kɪ pé yah mɔ névyè t̄inne, nónó náh pɪ Nsyifunɔle.

7 Képah sòkò, té yal nénpó à sòkò dí yó ònnè, nê-á pè n ye Tityusi-Nsyusitusile. Nsyifunò Liyel yò sè-ò ye sò ònnè. N gbô sò me Nsyifunò Liyel ní-nsah wòkò gbòpò sòkò.

8 Nte Liyel ní-nsah wòkò yòtè dí Krisipusi ànê n no pól sè Tè òngbè Yesu yò. Korènti kwil tãn nónó tò-á sò me Pole weyne n nohnì, pé náhnáh sè Tè òngbè yò, té wèlnwìkìnó we ni sòkò.

9-10 Képah tènè, sò yó lékâhne, Pole wèkínó yó we, nê sòkò-á Tè òngbè yo n tyí nè: «Névyè náhnáh kù n pì n pì nímò tyíle kwil mè sòkò. Képah ye, káh á vyãh vike n sah, yò n sòkò nè n wèkì, káh tíkì pì. Nímò me ále, ney náh fè n tẽ n tir n pì pólle.»

11 Képah tènè, Pole tẽ, à yi núkú ànê òwòlò kénúkò pì Korènti kwil, à nolè n kwò Liyel weyne.

12 Képah sòkò, Nsyifunò pò yuku wè tyí mò, à tyah Polele n fwo. Té légbíne, Kalyò ye lésò Akayi gbènyah yah tẽ-òle. Pè me Pole tẽ kyì n tyí tukey tükè-nsah sòkò,

13 té nè dí mè-á me névyè yòle n yùkì, à péle n mò Liyel nínó gbèntènáh yó sòkò, nê náh me núkúle pépi tyi kònsàhnóle.

14 Képah sòkò, Pole-á me nè pé wey tókò, Kalyò me yo Nsyifunò tyí nè, káh sò me pì tyíkèkì, képah náh pì, tyí pékè òngbè yòle dí mè pì, páh náhkì tẽ noh pé tyí palle.

15 Nte pãh se me yékâble n pì welò, ànê yni, ànê pé yèngbè tyi kònsàhnó yò té; képah-á me pépile n yah kè. Péwò náh fè sènkò tukey tuke n pì ló!

16 Té me pè yal tukey tükè-nsah sòkò.

17 Képah sòkò, Sositenì nê-á sò Nsyifunò Liyel ní-nsah wòkò yah yètènè, pé pól tuke nímò yò, à ònnè n ko tukey tükè-nsah sòkò. Nte Kalyò náh dahbì wìkì pé tyí ké sòkò.

Pole syínyukunòle Antyosyì kwil, Siri gbènyah sòkò

18 Képah sòkò, Pole tò wù à sèpìn náhnáh pì Korènti kwil. Képah náh, à wèkì ni Yesu yò sèpù tyí nénpó nè, páh kù pé syì yuku Siri gbènyah sòkò ànê Prisili, ànê Akilasile. Té à lésò me n vyãh tókò Liyel tyí. Káh pì sè, wãh pópó n sòkò, à kyì Sãnkri kwil, à kyì n yò kye vyãh tókónó mè yìnne.*

19 Képah náh, nímò, ànê Prisili, ànê Akilasì kyì de krótókè òngbè yó sòkò, à yal nénpó à kyì de Yefesì kwil. Pole me n kómù sah nénpó, té me sòkò Nsyifunò Liyel ní-nsah wòkò sòkò, à kyì yáhkì yãh péle.

20 Képah sòkò, pé kè yah kò n tyí nè òkè, à tò sèpìn yísyó pì pépile nénpó. Nte Pole náh fè syì.

21 Té me wèkì ni pé tyí, té nè òkè, Liyel-à kù fè syì, sò yóle, páh kù tò pé syì pò yah pé tyí. Té de krótókè òngbè sòkò Yefesì kwil, à sòkò.

22 Wãh kyì tiki Sesarì kwil, à dókò yuku Yerusalemì kwil, à kyì wèkì Yesu yò sèpù tìnkì tyí. Wãh wìl nénpó, à n syì tiki yuku Antyosyì kwil,

23 à kyì tẽ yah nénpó. Képah náh, à tò yal à kyì Kalasì gbènyah kwìlò ko kò ànê Frisyì gbènyah kwìlòle, à nìsãh mò kò Yesu tò sáhpù sòkò.

Apolòsile Yefesì ànê Korènti kwil

* **18:18** 18.18 - Nsyifu ney-à sò n vyãh tókò Liyel tyí, à náh tò n yòle n kye, fókò n pò nò ké tyénó tyí. Yah n te Yáhnó 6.1-21.

24 Légbíne, Nsyifu dí yó pɔ Yefesɪ kwil. N yīn ye sò Apɔlɔsɪle, à dubi Alekisādri kwil. A sò wey tyí yah we yíí, té à mó tǒ Liyel wey sébéynó tyi pǐ yíí.

25 A lésò kwónó we Tě ñgbě Yesu wěkì tyí yǒ, té me Yesu tyíle n yo, à kwónóle n pɪ ké wěkì yǒ, dékè sɔkɔ ñ nɪ pólle. Nte Nsyǒ ni sɔkɔ wèlnwìlkinó ó ye sò à n pne.

26 Té sò yóle, wǎh tyah n wɛkɪ nìsǎhle Nsyifunɔ Liyel ní-ńsah wòkò sɔkɔ sě, Prisili ànê Akilasɪ me ñ wey noh pɔ tyɛ. Képah tǎne, té à ye yah kyɪ Yesu wěkì tyi yo wah yíí à syah, wǎh sò me nónó yítǔri sɔkɔ.

27 Képah nǎh, Akayi gběnyah sókónó sǎnɔ de Apɔlɔsɪ sɔkɔ. Yesu yǒ sǎpú nónó-á sò me nénpó, pépi me ké sǒré gbah mɔ ñ sɔkɔ, té sébéy wǎrkɪ tekɪ mɔ Yesu yǒ sǎpú tyí Akayi gběnyah sɔkɔ ne, Apɔlɔsɪ-à kɪ yīni tǎ pé tyí, pè à tǎ ple. Wǎh kyɪ yīni tǎ, Liyel gbò yǒ, ñ kyínó sò pɪ yíí yǒre ñgběne Yesu yǒ sǎpú tyí Akayi gběnyah sɔkɔ.

28 A sò me Liyel weyne n kar, à kéle n wěkɪ ne, Yesu-á Liyel yah tɔkɔ pɪ pwáhnɔ-òle. Tówú pól yí yah, ñ wey sò me gbɪle kal Nsyifunɔ tyíle.

19

Pole yínintǎnɔle Yefesɪ kwil

1 Gbí nê-á sò Apɔlɔsɪ me Korēnti kwil, Pole sò me Asi gběnyah tley tǎntǎn kɔ kah, à kyɪ de Yefesɪ kwil sɔkɔ. A kyɪ Yesu tǒ sǎhpú yísyó we nénpó,

2 té pè piki yah ne ñkě, pǎh sě Tě ñgbě Yesu yǒ gbí nêne, pè se Liyel Mirki we ni? Pè me yo ñ tyí ne, pé nǎh Liyel Mirki yó ñtǎ tyí yónó noh yah pólle.

3 Képah sɔkɔ, Pole me pè piki yah ne, ñte ni sɔkɔ wèlnwìlkinó òkù nê se pè we ni? Pè me à syah ne, Nsyǒ tyí-á.

4 Képah sɔkɔ, Pole tǒ ñ syɪ yo pé tyí ne, névyɛ nónó-á fě syi pé nno vi mɔ, pépi-á sò Nsyǒ n wel n wilki ni sɔkɔ. Nte wǎh sò me n yo névyɛ tyí ne, nê-á kɪ n pɔ n pi péwɔ nǎhle, pè sě ñmɔ yǒ; ñmɔ nê-á Yesule.

5 No-á welɔ nǒpi noh sě, pè me wèlnwìlkinó we ni sɔkɔ Tě ñgbě Yesu yīn yǒ.

6 Pole me ñ gbǎn sah pé yǒ té níri pɪ pé tyí, Liyel Mirki me tiki pé yǒ. Képah tǎne, pè tyah wénkǎhkínóle n wɛkɪ nónó-á pè nǎh sè sǎh,* té me Liyel tǎntǎnɔne n we n syi n yo névyɛ tyí.

7 Pé pól sò me népí gbǎnimí kénkǔle.

8 Képah sɔkɔ, Pole sò me n de n pɔ Nsyifunɔ Liyel ní-ńsah wòkò sɔkɔ. A sò me n yǎh n pɔ névyɛle nìsǎh sɔkɔ Liyel tǔrí tyí yǒ, pópó ñwǔlɔ tǎnó. A sò me ñ tah sah ne, pé pé wey nǒhpú sǎnɔ vi mɔ.

9 Nte tókù sò me pɔ nikisekókóle n pɪ, à yahle sǎnóle ké yǒ, té me Tě ñgbě wěkì tyíle n yo n kɔ tówú yí yah. Kǎh pɪ sě, Pole me pè sah, té Yesu tǒ sǎhpú tǎ sɔkɔ pé yahle, à kyɪ yǎhkìle n yǎh péle sǒmesó kǎrn pí-ńsah wòkò sɔkɔ, nê-á Tiranusi tyíle.

10 A képah tǎ pɪ sě ye nínó, fók Nsyifunɔ ànê nónó nǎh pɪ Nsyifunɔle, té me Asi gběnyah sɔkɔ, pé pól Tě ñgbě wey we noh.

Seva dínpì tyípínìne

* 19:6 19.6 - Yah n tɛ 2.4.

- 11 Liyel sò me Pole toko à gbìl tyísnóle n pi,
 12 fóó névye po tyah Pole flo ànê ò myèhtùkènène n toko n tũ n po pé yámpú tyí, pé kò pé n de; ànê sétàn-à me nónó soko, sè n wil pé soko.
 13 Té Nsyifunò yísyó sò me nónó tò-á sò sétàn yíninwìlkìnkònole névye soko. Pépi to me kè yah toko ne, pé Tě ògbě Yesu yìn toko kéle n pi. Pé sò me n yo sétàn tyí ne, Yesu nê tyí-á Pole n ne n yo, òmò yìn yò, òkě sè wil.
 14 Nsyifunò soko, sárká syínwìlkìpu yòtě nê-á pé n ye Sevale, òmò dínpì nêpì kwárnimi ye sò n pi képahle.
 15 Nte páh képah yo sě, sétò pé syah ne, páh Yesule n pne, té tò pì névi dùkù nê-á Polele. Nte pépi-á dò, nónó se pépile ni?
 16 Képah tñe, sétò-á sò dí nê soko, à yuku mi pé soko, té tě we pé tyí kèpékèyò. A pé pi yo, fóó pé to wil wòkò mè soko à soko wil títile.
 17 Képah soko, Nsyifunò nónó pól-á sò me Yefesì kwil, à tahlì nónó náh pi Nsyifunole, páh yì mè noh, kè pi tíkile pé pól tyí. Pé me tyah Tě ògbě Yesu yinne n gbilki.
 18 Té nónó-á sò pi Yesu yò sěpùle, pé nahnáh pé tyítúkùnì pínóle n yo n dal n mò n po tówú yí yah.
 19 Képah soko, nónó-á sò me snèyne n pi, pé nahnáh me pé snèy pi pi sébéynó toko po tuke mò, à suke no pól yí yah. Páh sébéy nópi dro kò yah, sè pi pò pló kèyò tókúrí pò kwólóle.†
 20 Sě ye sò Liyel wey me tãhkìle n we, à n tò n mò n yuku yahle Tě ògbě gbò yò.

Fěkìnó ògbě nê-á pi Yefesì kwil

- 21 Tyi nópi pínsokontenò náh, Pole kè yah toko ne, páh kì kyì Masedonì gběnyah ànê Akayi gběnyah soko, té kì pyě yuku Yerusalemì kwil. A sò me kéle n yo tole ne òkě, páh kì yìni tě nénpò, páh yìne pé kyì Wrome kwil to soko.
 22 Káh pi sě, à me Timote ànê Yerasitù tekì mò Masedonì gběnyah soko, pépi nónó-á sò ò yòhnìnmpule. Té òmò wò wũ à sèpìn yísyó pi Asi gběnyah soko.
 23 Légbíne, fěkìnó ògbě yó pi Yefesì kwil, Tě ògbě wěkì tyí soko.
 24 Sán ywò-ò kètòndí yó lésò me pé n ye Demetriyusile. Kéne dí òkěne tãn vè yáryár yísyóle ne n ywò wárn vyòrì pépérle. Yefesì tãn tò yũkì nê-á pé n ye Artemisile, képah wòkò kètònó ye òkěne à n ne n ywò. Té ò tònpi sò me pòle n we yí ò tyí, tò mè pínó soko.
 25 Sò yóle, à ò tònpi pól ye tuke, à tahlì ò tò dùkù pípú pól tyí. Képah tñe, té yo pé tyí ne òkě, pé kódíbí, pé pól-á kè pì yí ne páh me yòrele n we n yí pé tò mè pínó soko.
 26 Nte dí nê-á pé n ye Polele, wáh me po tir nêne n pi, páh se me kéle n nohni, té me kéle n yah té. Kéne Pole-á me névyele n kwò ne òkě, fal fal tãne, névye gbènpunò yì-á séle, yò náh me sé tyí. Kéne wey mè rítě-á me névye nahnáh yò yiki Yefesì kwil. Té kè náh se tò me yìn képah ó tyí, òkě káh me Asi gběnyah kwlo kan pól névye yòle n yiki.

† 19:19 19.19 - Légbíne, pò pló kèyò tókúrí pò kwóló (50 000) kì sò fě nêpì gbònkenukò kénkò tò pínó pò dyah ye gbám soko.

27 Kàh yǒ sòkò sě, yī mē-á kɪ n syah pépi pɪ pɪ tǒlɛ n yɪkɪ dé! Kè náh se tǒ n yīn n pi képah ó tyí, pé fal fal tǒ yǔkɪ Artemisi wòkò náh tǒ n mɔ n kǒ n pi pólle. Gbílkinó nê-á sǒ mɛ n sah tǒ mē yǒ, kǎh kɪ yīn mɔ. Té képah-á mó tǒ Asi gběnyah névyɛ pól ànê kèkǒyǒ névyɛ pól mɛ n gbilki.

28 Demetriyusi-á fyò kéne welo yo névyɛ noh sě, pé fòkò kah vyāh. Pè mɛ tyah yo tǔ wòhòh nɛ nkě, pépi Yefesɪ tǎn Artemisi tě wɔ kénkǒ náh mɛ.

29 Píntũnɔ mē yǐnpǒ kwil pól tǒ. Té Masedonɪ gběnyah tǎn nɛpɪ ními yísyó tɔ sǒ yuku Polele ñ kóló sòkò Yefesɪ kwil. Pé sòkò núkú yīn ye Kayusile, ní-ò yīn mɛ Arisitarkɪle. Képah těne, no núkú wě tyí mɔ, à to tuke nɛpɪ ními nópi yǒ, à pè tě yɔɪ sòkò pé tówú tükè-nsah sòkò.

30 Képah sòkò, Pole sǒ mɛ ké tyí nɛ, pé kyɪ pé yǒ wilki mɔ tówú tyí. Nte Yesu tǒ sáhpú mɛ kè yahle ñ tyí.

31 Asi gběnyah né-ngbnɔ yísyó tɔ sǒ mɛ, nónó-á sǒ Pole kódíbíle. Pépi to mɛ tǔntǒ mɔ ñ tyí, à à vi mɔ nɛ, à káh n kyɪ tówú tükè-nsah mē sòkò.

32 Té légbíne, tówú mē névyɛ pól sǒ mɛ wɛkɪ fěkɪ tǔ wòhòh, té pé pól tyíyónónɔ mó tǒ mɛ sé tyí tyíle. Kǎh pɪ sě, kè pɪ fěkínóle. Névyɛ kan nítě náh sǒ mɛ pé pónó yǒ pǐ.

33 Nsyifu dí yó tɔ sǒ mɛ pè n ye Alekisādrelɛ. Pé no Nsyifunɔ mɛ ñmɔ kurki mɔ kyɪ sah tówú yah tǔnne nɛ, à yo ké sòkò. Képah sòkò, Alekisādre mɛ ñ gbǒ pɪ mɔ tówú tyí. A sǒ mɛ ké tyí nɛ, pé pé no Nsyifunɔ vyāh syi.

34 Nte tówú-á fyò pɔ n pǐ ké sòkò nɛ Nsyifu nɛy-á ñnɛ, pé pól núkú tǒ tyah yo mɔ tǔ wě yǒ wòhòh nɛ nkě, pépi Yefesɪ tǎn Artemisi tě wɔ kénkǒ náh mɛ! Pè képah tě yo tǔ sě, pópó kè syi pɔ n nɔ lérínó nínó kénkǒ tyí.

35 Nte ké tyé-ńsah, kwil sébéy wárkí-ò dí pɔ tě wɛ pè yīn mɔ. Képah sòkò, té mɛ nɛ nkě, Yefesɪ tǎn, névyɛ pól-á pǐ nɛ, Yefesɪ kwil-á n syɪkɪ pépi fal fal tǒ ñgbě Artemisi wòkòle, ànê ké tàhsè nê-á wil yǐnyǒ à pɔ syɪkɪ.

36 Ké kǒlì-ò náh mɛ pólle. Képah-á, pè pé nno vi. Pè káh tir yó nítě pɪ sǒnyah-ńkěne.

37 Díbí nónó-á pè tě pɔ ásò, pè náh tir yó pɪ de pépi tǒ wòkò tyí, pè náh se mó tǒ yo de pé fal fal tǒ yǔkɪ mē tyí.

38 Nte káh kɪ mɛ pɪ ñnɪ mɛ pɪ de Demetriyusi ànê ñ tǒ pímú tyí, tukey tükèñ yòhnì-á mɛ, tukey tükèpu mó tǒ mɛ. Pè kyɪ n tǔkò tě kǒ pépi tyí kè.

39 Té tyi yísyó tɔ-à kɪ se tǒ mɛ pé tyí wah wah těne, pǎh kɪ fě pɔ sé yah yo kwil névyɛ tuke mɔ sǒle.

40 Páh yékâb nê sòkò kweyne yò, tir yó nítě se mɛ pé tyí, pé kɪ fě wɛ yo yékâb mē yǒle nɪ? Képah-á, páh kɪ n to n kǒ yò, pǎh kɪ pɔ n syah n tǔkò péle n kǒ dé!§

41 Welo nópi yóntenɔ náh, à névyɛ kǒ pè karkɪ.

20

Pole yúkúnóle Masedonɪ ànê Kresɪ gběnyah sòkò

1 Té fěkínó mē-á pɔ yīn mɔ gbí nêne, Pole mɛ Yesu tǒ sáhpú ye tuke, à sǒré mɔ pé sòkò, té wěkɪ ni pé tyí, à sòkò Masedonɪ gběnyah sòkò.

‡ 19:35 19.35 - Kwil sébéy wárkí-ò dí nê tyí-á n yo ásò sòkò yò, né-ñgbě ye sǒ ñnɛ kwil mē sòkò.

§ 19:40 19.40 - Yòtām nónó-á Wrome tǎnne, pépi tyí ye pè n yo ásò sòkò nɛ, páh kɪ n to n kǒ, páh kɪ pɔ n syah n tǔkò péle n kǒ.

² A kéne gběnyah pól kɔ kɔ, à sǒré yah mɔ kɔ náhnáh Yesu yǒ sǐpú sɔkɔ. Wǎh yal nénpó, à sɔkɔ Kresɩ gběnyah,*

³ à kyɩ nǔwǎlɔ tǔnɔ pɩ nénpó. Képah náh, wǎh pɔ ò vi ne, pé de krótókè ògbě sɔkɔ, pé yal n yuku Siri gběnyah sɔkɔ, à kè we noh ne, Nsyifunɔ-á me òne n plɔ pèkè yóle. Kǎh pɩ sǐ, à kè yah tɔkɔ ne páh kɩ pé syɩ syǒ Masedonɩ gběnyahle.

⁴ Té nónó-á sǒ Pole wěkì kómúne, pépi we yò: Sopaterɩ nê-á n wil Bere kwil, té ò sú yǐn me Pirusile, òmɔ sǒ me, à tahlɩ Arisitarkɩ, ànê Sekūdusi tyí, pépi nónó-á n wil Tesaloniki kwil, ànê Kayusile, nê-á n wil Deribɩ kwil, ànê Tisyikile, ànê Torofimine, pépi nónó-á n wil Asi gběnyah sɔkɔ, à tahlɩ Timote tyí.

⁵ Pépi me sɔkɔ ápi yahle, à kyɩ ále n syɩkɩ Turasɩ kwil.

⁶ Búrɩn sǐ-nkǐ syáh syáhnsokontenɔ náh, ápi wɔ mó kyɩ de krótókè ògbě yó sɔkɔ Filipi kwil, à pé nyáh sǒ. Á sèpɩn kwál pɩ té pyě de á no tnô Turasɩ kwil. Képah tǔne, á tǐ nénpó à sèpɩn kwárnino pɩ.

Pole-á Yetiki lékó yilki mɔ sǒ Liyel gbǒ yǒ, Turasɩ kwil

⁷ Yòh wró gbìyǐkì gben sǒle,† á lésò me tuke mɔ Tǐ ògbě yǒke yǒ yǐnne, té Pole me yáhkìle n yáh tówùle. A kɩ sǒ n yal n pi òndalle Turasɩ kwil. Kǎh pɩ sǐ, à Liyel wey yo mo pé tyí, pópó à pɔ nɔ tyah tónó tyí.

⁸ Té á pól sǒ me tükènmònele gběntɩn yǒ wòkò tǔ-ò sɔkɔ, té fòtnòno me tǔnsàhnóle pípi ké sɔkɔ.

⁹ Kètǔnpìkì yó tɔ sǒ me ále pé n ye Yetikile. Nmɔ sǒ me kɔ tǐ fnètír vyáh yǒ. Dǒ, dɔy pɔ mɩ ò sɔkɔ. Nte Pole Liyel wey yǒ-á sǒ me ko sǐ, à pɔ dɔ, té tǐ syɩ yǐnyǒ wòkò tǔ-ò sɔkɔ, fósó à pɔ syɩkɩ sétáh. Páh pópó pɔ ne pé à yilki sah, pé à we kúnóle.

¹⁰ Képah tǔne, Pole tɔ tiki pɔ, té kɔ à yǒ ò gbàn sɔkɔ, té yo pé tyí ne: «Yé káh n ye yé yáh-ńsah tyɛ; à me min sɔkɔ.»

¹¹ Képah náh, à ò syɩ dɔkɔ yuku nǔ, pé kyɩ Tǐ ògbě yǒke yǒ wě tyí, té tǒ yǒ sɔkɔ Liyel wey yónóle, pópó à pɔ nɔ tyah dal gbí tyí, té à pyě sɔkɔ.

¹² Képah sɔkɔ, no me Yetiki tǐ sɔkɔ ò vile krémkrém ò gbô. Yí mè pɩ yǐ nɩ déno ògběne no pól tyí.

Pole wǐlnóle Turasɩ kwil, à yuku Miletɩ kwil sɔkɔ

¹³ Pole sǒ kè yah tɔkɔ, à sɔkɔ Asosɩ kwil sɔkɔ, gbáhkì yǒ. A sǒ ne ápi pé yah yohnɩ nénpó, á pé twah. Kǎh pɩ sǐ, ápi me de krótókè ògbě sɔkɔ, à mɔ ò yahle à kyɩ òne n syɩkɩ nénpó, ò twah yǐnne.

¹⁴ Wǎh pɔ de, á pól de krótókè sɔkɔ, à yǒ sɔkɔ à kyɩ yǐn Mitilenɩ kwil.

¹⁵ Képah náh, á tǒ yǒ sɔkɔ. Ké sèpɩn ní-ò sǒle, á kyɩ yǐni tǐ gběnyah yó yèsreyne pé n ye Kyole, pne yo nuyó. Ké sèpɩn tǔ-ò sǒle, á kyɩ sɔkɔ gběnyah yó gbòpɔ pé n ye Samosele, pne yo nuyó. Ké sèpɩn nyáh-ò sǒle, á pyě yǐni tǐ Miletɩ kwil.

¹⁶ Té Pole sǒ me sàlnó sɔkɔ ne káh kɩ fǐ n pɩ n pi, pé ne me Yerusalemɩ kwil Pǎntekotɩ syáh syah sǒle. Képah ye à kǒ à yǒ sɔkɔ, à náh syǒ Yefesɩ

* **20:2** 20.2 - Kresɩ nê tyí-á n yo yò, ké yǐn ye tǒ Akayile. Yah n te 19.21. † **20:7** 20.7 - Yòh wró gbìyǐkì gben nê tyí-á yo ásò sɔkɔ yò, tókù me n sǒ ne samidi-á, tókù mó me n sǒ ne dimansyi-á.

kwille. A sò pĩ ne páh kɪ de nénpó, pé náh we n wil n pi súú Asi gběnyah soko.

Pole-á v̄inm̄on̄o n̄ene Yesu yõ s̄epú yah t̄am k̄õ Yefesi kwil

17 Képah soko, Pole t̄ẽ Miletĩ kwil, té t̄ẽntò m̄o Yefesi kwil Yesu yõ s̄epú yah t̄am tyí ne p̄e p̄o.

18 Páh p̄o ȳini t̄ẽ ñ t̄n̄o, à yo pé tyí ne: «À t̄oko ñm̄o p̄o s̄o tyí Asi gběnyah soko, máh me n p̄i s̄o gb̄imegb̄i yé wró, yé se kéle n pne té.

19 Mé t̄ò p̄i T̄ẽ ñgb̄ẽ tyí gbl̄oy t̄ik̄inm̄on̄o k̄egbi soko, à yéti kwe. Té Nsyifun̄o to me vi ñ náh gbáhyí nahnáh soko, à yèvyähr̄i nahnáhle ñ ȳini t̄ẽ.

20 Nte yé se p̄i ne, mé náh tir yó nt̄ẽ w̄ob̄i yéle n̄e-á kɪ f̄ẽ yé tyí pekɪ n pi té. Mé s̄o me sé p̄olle n yo yé tyí, té me yéle n kw̄o t̄ow̄u t̄uk̄e-ñt̄an̄ soko àn̄e yé gb̄en to soko.

21 Mé k̄e yo k̄õ Nsyifun̄o àn̄e Krekɪ névye to tyí ne, p̄e pé n̄n̄o vi m̄o, p̄e mó s̄ẽ ápi T̄ẽ ñgb̄ẽ Yesu yõ.

22 Nte núkúnúkú, Liyel Mirki we ñ kyí m̄o mé n soko Yerusalem̄i kwil yò. Mé náh p̄i tir n̄e t̄ẽ w̄o-á kɪ kyɪ ñ ȳini n t̄ẽ n pi nénpó.

23 Máh n̄e t̄ẽ w̄ole n pne, máh de kwil n̄e soko, Liyel Mirki ñk̄ẽne kéle n w̄ekɪ ne, w̄ok̄on̄pek̄e soko déno àn̄e yèvyähr̄i-á me ñ sykɪ t̄ẽ.

24 Nte sépinó pól soko, ñ gbl̄oy min t̄ẽ tyí náh me tah ñ tyí p̄olle. Mé náh me kéle n m̄o n k̄õ kwáht̄ahle. Tir n̄e tyí-á me tah ñ tyí, képah ye p̄i ñ t̄ò p̄int̄en̄ole; t̄ò n̄e-á T̄ẽ ñgb̄ẽ dahbi ñ gb̄ò soko ne mé N̄iv̄in̄i t̄irle n yo n k̄õ Liyel p̄ep̄ori tyí soko.

25 Nte núkúnúkú, mé p̄i ne máh syõ yépi nóno pól tyí à Liyel t̄óri tyí yo k̄õ, yé náh t̄õ ñ we n yah n pi.

26-27 Nte mé náh yé w̄ob̄i Liyel dyo ȳi tir yó nt̄ẽne, mé ye sé pól yo soko yé tyí. Képah ye, mé kéle n yo n dal n m̄o yé tyí kweyne ne, yé soko ney n̄e-á kɪ se t̄õ m̄o pu, ké k̄émú náh n p̄i n pi ñm̄o tyíle.

28 Yé yé gbl̄oy t̄ẽno ple, yé mó Liyel yíp̄êy† t̄ẽno ple, Liyel Mirki-á yé sah sépi nóno yõ ne, yé séle n t̄ẽ ple. Sépi ye Yesu yõ s̄epú t̄ink̄ile, Liyel-á nóno p̄i ñ tyíle ñ p̄idí t̄ó kwénó gb̄ò yõ.

29 Mé p̄i ne, ñm̄o sók̄ont̄en̄o náh, névye yísyó-á kɪ p̄o de yé wró gb̄enk̄ep̄el tyí k̄õle, kɪ yényêh p̄i yíp̄êy soko.

30 Té yépi nt̄ẽ soko, névye t̄úkù kɪ p̄o yuku tyah m̄in̄i wel̄ole n yo, kɪ Yesu t̄ò s̄áhpú yõ ykɪ, p̄e k̄õ p̄e kɪ pé s̄ò t̄ẽ.

31 Káh p̄i s̄ẽ, yé yé gbl̄oyne n kyom̄i, yé mó yé dyo sah ne n kwne ne, máh l̄ésò yé kw̄o ye t̄õno, ké lék̄áh ké gb̄int̄õ, à v̄inm̄on̄ole yé n̄enúkù núkú pól k̄õ. Té k̄eyáhle ñ yéti nt̄ẽ n kwe ké tyí soko.

32 Té núkúnúkú, mé yéle n dahbi Liyel àn̄e ñ p̄ep̄ori wey gb̄ò soko. T̄áhk̄i me ñm̄o soko kɪ f̄ẽ yé k̄õ yé kɪ yuku yahle ñm̄o yõ s̄ẽno soko, té w̄áh ñ vyáhle yé k̄õ ñ p̄ep̄ori n̄e tyí soko, yé kɪ k̄e we w̄ẽ tyí àn̄e nóno pól-á me Liyel tyí yõ ñ yõ s̄ẽno ȳinne.

33 Mé náh p̄o, àn̄e s̄án, àn̄e flo yah k̄õ ñn̄i yó nt̄ẽ tyí.

34 Yé pól p̄i ne, máh t̄ò p̄i ñ gb̄anne à ȳin ñ gbl̄oy ȳinn̄ole, àn̄e ñ kómú to ȳinn̄ole k̄e.

† 20:28 20.28 - Liyel yíp̄êy nóno tyí-á n yo ásò soko yò, Yesu yõ s̄epú ye p̄e n ye.

³⁵ Mé kéle yé wěki tyi pól soko ne, sě-á névi yĩne à tòle n pi, à kwáhle n we à yám tǎnne n yohnu n mo, à mó n dyo sah ne n kwne Tě ñgbě Yesu wey mè tyíle wǎh nê yo ne nkě, sǎm-á me kǒnó soko, à kal wénsyinole.»

³⁶ Pole-á welo nópi yo po tyé, à kuku yĩn péle wě tyí, pé pól Liyel ni.

³⁷⁻³⁸ Té Pole sò yo pé tyí ne, pé náh tǒ pé yèpo we n yah n pi pólle. Képah soko, pé pól tyah ñne n poru n tē n po à n weki n tyí, té n gbo yèkwori tē tyí. Képah náh, pé kyí à tekí mo, fóó krótókè tókó-nsah soko.

21

Pole dókónyukunole Yerusalemi kwil

¹ Képah soko, áyáh po we yal pé tyí, á de krótókè ñgbě yó soko, à yǒ soko gběnyah yó soko pé n ye Kosele, pne yo niyó. Á náh kwó dah fí yó ntě soko. Ké dǐndalle, á yǒ soko gběnyah yó soko pé n ye Wrodesule, pne yo niyó. Áyáh wil nénpó, á yuku Patara kwil soko.

² Á kyí yĩne krótókè ñgbě yóle, kè me n yuku Fenisi gběnyah soko. Á me de ké soko, à soko.

³ Á kyí syó yúkey gběnyah yóle pé n ye Syiprile, pne yo niyó, fóó á ké yǒ ntěne n yah. Nte á me kè mo á gběyĩnè sòle, té á yah mo Siri gběnyahle, à kyí tiki ké kwil yó soko pé n ye Tirile. Krótókè mè vyó kú sò n tiki n mo n pi nénpó.

⁴ Képah soko, áyáh kyí Yesu tǒ sǎhpú nónó we nénpó, á tē péle à sèpìn kwǎrnino pi. Té kéne sèpìn soko, Yesu tǒ sǎhpú kè yo Pole tyí Liyel Mirki gbò yǒ ne, à káh doko yuku Yerusalemi kwil.*

⁵ Nte sèpìn kwǎrnino nópi-á fyò soko, á tǒ kyí yǒ soko á kólóle. Áyáh n soko, díbí, ànê syó, ànê wěnpì pól kyí á gbáhkì wilki mo kwil náh tĩne, yóngbalí soko. Á pól me á gbètukunò di nénpó, à Liyel ni péle wě tyí.

⁶ Képah náh, á weki wě tyí, té wě fin mo. Á tékínmopu nópi me pé syi soko pé tĩne. Ápi me tǒ de krótókè mè soko

⁷ à yal Tiri kwil soko, pópó à kyí de kwil yó soko pé n ye Pitolemaysile. Nénpó soko ye á krótókè soko kóló yĩn mo. Á me wil krótókè soko, à kyí yah weki kǒ Yesu yǒ sèpú tyí kwil niyó, té gbǐyǐkì núkú pi péle.

⁸ Ké dǐndalle, á po yǒ soko á kólóle, à soko Sesarí kwil. Áyáh yĩni tē nénpó, á kyí twah Filipi tyí, nê-á Nìvìnì tir yó-òle. Népì kwǎrnimi† nónó-á lésò pé yah wilki Yerusalemi soko, à pi Yesu tēntǒ névyé yòhnìnmopule, pépi soko ney yó ye sò ñne.

⁹ Té syónpì népì ñyéh sò me n tyí, pé náh díbí tyí pĩ. Kéne syónpì sò Liyel tēntǒnène n syi n yo.

¹⁰ Képah soko, á me sèpìn yísyó pi nénpó. Á me nénpó, té Liyel tēntǒ syíno-ò yó to wil Nsyude gběnyah, à po á we. Pé ñne n ye Akabusile.

¹¹ Wǎh po á we, à Pole kǒ tǒko, à n gblǒy gbyèh ànê n gbǎn pukubi kéle, té ne, Liyel Mirki-á yo ne nkě, sǒ-á pé pukubi pé gblǒyne, sěntě-á Nsyifuno kú n pukubi n pi kǒ mè nétēne Yerusalemi kwil, té kú n gbàh de mo névyé kǒ, nónó náh pi Nsyifunole.

¹² Képah tēne, áyáh welo nópi noh sě, à tahlí Yesu yǒ sèpú nónó-á sò me Sesarí kwil, ápi pól Polele n ni ne, à káh doko yuku Yerusalemi soko.

* **21:4** 21.4 - Yah n te 20.22-24. † **21:8** 21.8 - Yah n te 6.5 ; 8.5.

13 Nte Pole me yo á tyí ne, sɔ se pi, té á n gbo, à n yah n kɔ̀ yèkwɔ̀ri mɔ̀-ńsahle pé sɔkɔ̀ ni? Nkě, kàh kɔ̀ sɔ̀ yĩn-ńkěne pé púkúbínó ó tyí, té pé ku ńtēne Yesu yĩnne Yerusalemɩ sɔkɔ̀, pàh kè fě syi.

14 Té áyáh ñ sɔ̀nɔ̀ vi mɔ̀ kwɔ̀ sě, á yal mɔ̀ ñ gbáhntēnɔ̀le, té ne, Liyel dyɔ̀ dyɔ̀ tě ó pi!

15 Áyáh sèpìn nópi pi pɔ̀ n dal mɔ̀, á á vi, té wěkì tě, à dɔkɔ̀ yuku Yerusalemɩ sɔkɔ̀.

16 Té Sesarɩ kwil Yesu tò sáhpú yísyó me á sò tě. Pépi me á tě yuku dí yó tĩnne pè n ye Mnasōne. A sò n wil gběnyah yó sɔkɔ̀ pè n ye Syiprile, pne yo nyó. A sò yĩne à twah ñmɔ̀ tyí. Kéne díne, Yesu tò sáh-ò ye sò ñne di mónóle.

Pole kyínyahnɔ̀le Nsyaki tyí

17 Képah sɔkɔ̀, áyáh kyɩ yĩni tě Yerusalemɩ kwil, Yesu yò sěpú me á tɔ̀ sah tě ñvìnì sɔkɔ̀.

18 Ké dīndalle, Pole sɔkɔ̀ ále Nsyaki tĩnne, ńyāh sɔkɔ̀-á sò Yesu yò sěpú tĩnkì yah tām tɔ̀ me tükènmɔ̀nɔ̀le pé tɔ̀.

19 Wāh kyɩ de, à wɛkɩ pé tyí, té Liyel-á à tɔkɔ̀ à tyi nóno pi névyè wró, nóno náh pi Nsyifunɔ̀le, à me sé pól yo wah pé tyí pnépné.

20 Pāh képah noh sě, pè Liyel gbilki, té me yo Pole tyí ne, pé yúnpi Pole, à kó me n yah Nsyifunɔ̀ nékwínkí sě Yesu yò ni? Nkě, pāh me Moyisi tyi kònsàhnó wěkìle n kɔ̀ n yíí pé pólle dé!

21 Nte à yah, no-á me ñne n yo ñ tyí sɔkɔ̀; pāh me n yo ne, Nsyifunɔ̀ nóno pól-á me karkɩ tě tě kɔ̀ nékáhbí wró, wāh me péle n kwɔ̀ ne ńkě, pè pé syɩ Moyisi tyi kònsàhnó náh. Wāh me n yo pé tyí ne, pè káh tɔ̀ pé wěnpìle n kɔ̀, ànê pè káh tɔ̀ Nsyifunɔ̀ wàlle n kɔ̀.

22 Té pāh kɩ se mó tɔ̀ ñ pónó noh n pi. Núkúnúkú, sɔ̀ se pé kɩ pi ni?

23 Nkě, pāh kɩ ñe yo n pi ñ tyí, à képah pi. Díbí népí ñyēh-á me ásô, nóno-á pé vyāhle Liyel kɔ̀, té kɩ ké tyi pi n pi.

24 Nkě, à pè tě sɔkɔ̀, ñmɔ̀ ànê pépi kyɩ ké tyi pi pé gblɔ̀y tɔ̀ sah Liyel yah, ñmɔ̀ mó yĩn pé ywɔ̀ kyénó sárká gbònwìlkìle. Képah sɔkɔ̀, no pól-á kɩ pĩ ne, pāh tyi nóno n nohnɩ ñ tyí sɔkɔ̀, gbɔ̀ náh séle, ñmɔ̀ ńtē tɔ̀-á me n kɔ̀ Moyisi tyi kònsàhnó wěkì yò.

25 Nte nóno tě wɔ̀ náh pi Nsyifunɔ̀le, té vi mɔ̀ pi Yesu yò sěpúle, pāh ñe yah tɔkɔ̀, pāh kè wārki tekɩ mɔ̀ te pé tyí ne: Pè pé gblɔ̀yne n tě sáh fálnó yíle, ànê fòfíkìle, ànê tó kwé-ńkě kwáhkókè kòle, ànê tóne.

26 Képah sɔkɔ̀, dīndalle Pole díbí nópi tě pè sɔkɔ̀ wě tyí, à kyɩ pé gblɔ̀y tɔ̀ sah. Képah náh, à de Liyel ní-ńsah gbô sɔkɔ̀. Té sò ñe-á pé gblɔ̀y tɔ̀nsàhnó sèpìn kɩ tũ, té pè kɩ sárká wilki n pi pé nénúkú núkú pól yĩn yò, à me ké gbiyìkì yo nénpó.

Pole tēnóle Liyel ní-ńsah gbô sɔkɔ̀

27 Té sèpìn kwārninɔ̀ nópi tyénó sɔkɔ̀, Nsyifunɔ̀ nóno-á n wil Asi gběnyah sɔkɔ̀, pè Pole wɛ Liyel ní-ńsah gbô sɔkɔ̀. Pè me tówú pól kurki mɔ̀ ñ yò, té à tě.

28 Pè sò me gbo mɔ̀ tũ ne ńkě, Yisrayel tǎn, pè pé yohnɩ n mɔ̀ oo! Pè yah dí mène, ñmɔ̀-á n yo n ykɩ pépi Nsyifunɔ̀ tyíle ywɔ̀ ywɔ̀ pól sɔkɔ̀, ànê tyi kònsàhnó tyíle, ànê Liyel ní-ńsah gbô tyíle. A wil képah sɔkɔ̀, névyè nóno

náh pɪ Nsyifunɔɛ, wǎh pè tẽ de Liyel ní-ńsah gbô sɔkɔ. Liyel tyah mèn n̄tẽ dèl kó à pɪ yò nɪ?

²⁹ Té Torofimi nê-á n wil Yefesɪ kwil, ñmɔ ye lésõ pè we ànê Polele wẽ tyí kwil n̄yó sɔkɔ. Képah ye, pè núkú we ne, Pole-á à tẽ de Liyel ní-ńsah gbô sɔkɔ.

³⁰ Kǎh pɪ s̄ẽ, kwil f̄ẽkɪ. Névyɛ me to wil ywõ ywõ póllɛ, à pɔ. Pè me Pole tẽ yɔɪ wil Liyel ní-ńsah gbô náhlɛ, té núkú ké yey vike.

³¹ Gbí nê-á sò pè me n yah n k̄õ Pole kònmɔ-ńsahlɛ, Wrome tǎn sràsyíbí yòtẽ ñgbẽ kè we noh ne, Yerusalemɪ kwil pól-á me f̄ẽk̄ínólɛ.

³² Nénpó swɔ, à núkú sràsyíbí ye tuke ànê sràsyíbí yòtǎmne, té to sɔkɔ péle tówû mèn mé-ńsah sɔkɔ. Té tówû mèn-á fyò sràsyíbí yòtẽ ñgbẽ mèn we à n pɪ ànê sràsyíbíle, pè núkú yal mɔ Pole kònlólɛ.

³³ Képah sɔkɔ, sràsyíbí yòtẽ ñgbẽ me nɔ de Polele, à à tẽ, té ne, pè à pukubi k̄éló pló nínólɛ. Té piki yah ne, nédúkú nê se ñne, ànê tir nê se à pɪ nɪ?

³⁴ Nte tówû mèn névyɛ pól yuku yo mɔ tũ wẽ yò pé tyíyónónɔɛ sé tyí tyíle. Kǎh pɪ s̄ẽ, sràsyíbí yòtẽ ñgbẽ mèn náh f̄ẽ tẽ ké yò p̄í. Képah sɔkɔ, à ne sràsyíbí Pole tẽ kyɪ dah mɔ pé wòkò ñgbẽ sɔkɔ.

³⁵⁻³⁶ Pǎh kyɪ ȳini tẽ wòkò ñgbẽ mèn yah, té Pole tyah n dɔkɔ ké súndɔkɔ-ńtǎn yò, no pól ñ s̄õ tẽ me gbo mɔ tũ ne, pè à ko mɔ oo, pè à ko mɔ! No-á Polele n kah n ȳikɪ n k̄õ s̄ẽ, sràsyíbí kwlɔ pè à yò sɔkɔ.

Pole-á ñ vyǎh k̄ólɪ s̄õ

³⁷ Té gbí nê-á pè n tyah dénólɛ wòkò mèn sɔkɔ, Pole me yòtẽ ñgbẽ mèn syah ne, pé se kɪ f̄ẽ tir yó yo ñ tyí nɪ? Yòtẽ dí ne, è, té wǎh Krekɪ weyne n nohn kè!

³⁸ Nk̄ẽ, Yesyipti kwil dí nê-á f̄ẽk̄ínó pɪ s̄ẽ yò s̄ẽ yò, à tyínyéh pípú n̄épí k̄èyò nínó (4 000) tẽ sɔkɔ gb̄ennɪ sɔkɔ, tẽ náh ñmɔle kè.

³⁹ Képah sɔkɔ, Pole à syah ne, Nsyifu ney-á péwɔle, pé dúbí-ńsah tótó-á Tarsɪ kwille, Silisi gb̄enyah sɔkɔ. Pé dúbí-ńsah kwil mèn ȳin-á me w̄ilnólɛ. Nk̄ẽ, à ñ gbl̄oy ye, à mó ye pé k̄õ pé yo mɔ no tyí.

⁴⁰ Sràsyíbí yòtẽ ñgbẽ me ké w̄èk̄ìle à k̄õ. Képah t̄ẽne, Pole yuku ȳin súndɔkɔ-ńtǎn yò, té ñ gb̄ò pɪ mɔ no tyí, pè me ȳin súmm. A me tyah n wekɪ pé tyí Yebre wey‡ sɔkɔ ne nk̄ẽ:

22

¹ «Ñ súbí ànê ní ȳúnpyé, yé yé gbl̄oy ye, yé mó noh ní tyí, nê-á mé kɪ yo kɪ ní vyǎh k̄ólɪ n pɪ yé tyí.»

² Képah sɔkɔ, pǎh Pole we à n wekɪ pé tyí Yebre wey sɔkɔ s̄ẽ, tyah t̄õ gbah pɪ súmm.

³ A me yo pé tyí ne: «Nsyifu ney ye ñmɔle. Mé dubi Tarsɪ kwil, Silisi gb̄enyah sɔkɔ. Nte Yerusalemɪ kwil mèn sɔkɔ ye mé kyǎh yò. Té Kamalyelɪ ye sò kwɔ ñne. A ní kwɔ ȳíí á náh tǎn tyi k̄ònsàhnó wǎlle. Mé sò me gbah tẽ ȳíí Liyel yò s̄énó sɔkɔ, s̄õ-á yéle ké sɔkɔ kweyne yò.

⁴ Mé Yesu yò s̄épú f̄òh, f̄óó à pé tókù ko mɔ. Mé pé díbí ànê pé syó tókùle n tẽ n pukubi n dah n mɔ n pɔ wòkònpèkè sɔkɔ.

‡ 21:40 21.40 - Nsyifunɔ wey ye s̄õ Yebre weyne.

5 Sárká syínwìlkìpu yòtḗ ñgbḗ ànê Nsyifunɔ yèwàhnì pól kɪ fḗ pɪ ní tārɸyòlɛ ké sɔkɔ. Pépi ñtḗ tyí ye lésò mé wɛ syi sébéynóle nɛ mé kyɪ á no Nsyifunɔ kḗ Damasɪ kwil, mé mó Yesu yḗ sḗpú wɛ n tḗ n pukubi nónó-á me nénpó, mé pɔ péle Yerusalemɪ sɔkɔ, mé pɔ pè fōh.

6 Képah sɔkɔ, máh me wḗkì yḗ, té me de n te Damasɪ kwille, kyòo yó núkú wil yḗnyḗ sɔkɔ gb̀intḗle, à pɔ kwɛ ní yḗ pḗrr à ní mɔ gb̃.

7 Káh pɪ sḗ, mé yḗ syɪkɪ sétáh, té yḗnpḗ yó noh nê-á me n yo ní tyí nɛ: <Sole, Sole, kwáh nê pɪ té á ñne n fōh sḗ?>

8 Mé me piki yah nɛ, nê se ñmɔle nɪ, Tḗ ñgbḗ? Kéne yḗnpḗ tḗ ké syɪ yo ní tyí nɛ: <Nasareti kwil Yesu ye ñmɔle, nê-á á n fōh.>

9 Képah sɔkɔ, máh sò me wḗkì yḗ ànê nónónɛ, pépi tɔ sò kyòo mè wɛ; té nê-á n yo n mɔ ní tyí, pè náh tḗ wɔ wɛy noh.

10 Mé me piki yah nɛ, tir nê se mé yḗne mé pɪ nɪ, Tḗ ñgbḗ? A me yo ní tyí nɛ: <Yuku n de Damasɪ kwil. Té wáh yḗne n tyi nónó pól pɪ, pè kɪ sè yo n syah.>

11 Nte kyòo mè píkinó sò me ní yḗ wɔ. Káh pɪ sḗ, áyáh me wḗkì yḗ ànê nónónɛ, pépi me ní gb̀ sɔkɔ tḗ, à de Damasɪ kwil.

12 Té dí yó lésò me nénpó pè n ye Ananiasile. Kéne dí sò me Liyel wḗkì tḗnó ple, me n tyi kònsàhnóle n pɪ sé wǎl yḗ. Nsyifunɔ nónó pól-á sò me nénpó, pé pól sò me n yḗngb́ile n yo.

13 Nmɔ me pɔ ñmɔ tñḗ, té yo ní tyí nɛ: <N yḗnpi Sole, fḗ nɛ n yah ñtḗ.> Wáh yo sḗ, nénpó swɔ ní yḗ yɪkɪ, mé me à wɛ.

14 Képah sɔkɔ, à me yo ní tyí nɛ: <Liyel nê-á á náh tǎn n gbilki, ñmɔ ye n yah tɔkɔ nɛ á pé dyɔ yḗne n pne, ànê á pé tḗnpi négbí* wɛ yḗne, á mó n vyǎh wɛy noh.>

15 Képah ye, wáh tyi nónó wɛ, té tyi nónó noh Liyel tḗnpi négbí tyí sɔkɔ, á kɪ n pɪ n pi sé yónwàh-òle no pól yḗ yah.

16 Káh pɪ sḗ, núkúnúkú káh n tḗ n tḗ n mo. Yuku, á yḗne wèlnwìlkìnóle ni sɔkɔ, á tyípèl mó yḗ mɔ n kḗ, Tḗ ñgbḗ Yesu yḗn yéngbonɔ sɔkɔ.>

17 Képah náh, mé ní syɪ sɔkɔ Yerusalemɪ kwil. Té sḗ yóle, máh me níriile n pɪ Liyel ní-ńsah gb̀ sɔkɔ, Liyel wḗkínó yóle ní wḗkɪ.

18 Mé Tḗ ñgbḗ wɛ à me n yo ní tyí nɛ ñkḗ, Yerusalemɪ kwil tǎn náh ní tyíyónó fḗ n syi n pi péwɔ tyí sɔkɔ. Képah-á, mé sal n wil súú Yerusalemɪ kwil sɔkɔ.

19 Nte mé me yo n tyí nɛ, á no Nsyifunɔ-á kè pḗ yḗ nɛ, máh lésò me n kyɪ n pɔ á Liyel ní-ńtǎn vḗ sɔkɔ, à ñmɔ yḗ sḗpúle n tḗ n dah n mɔ n pɔ wòkònpèkè sɔkɔ, té péle n ko yèfōhle;

20 à tahlɪ pǎh n tyí yónwàh-ò Yetyḗnɪ ko mɔ gb́ nḗne, ñmɔ tɔ-á sò me dò. Máh sò me mɔ n kònmɔpule, té pɪ pé fwòmò-ñgbnɔ syíkí-òle dò.

21 Képah sɔkɔ, Tḗ ñgbḗ me yo ní tyí nɛ: <Fí sɔkɔ ye mé n tekɪ n mɔ ále kwlókáhkí névyɛ tyí. Nɛ n yuku!>>

22 Tówú sò me Pole welɔle n tḗ n sah n nohnɪ, nte wáh ɸyò pɔ welɔ nópi yo nɛ, kwlókáhkí névyɛ tyí-á Tḗ ñgbḗ n tekɪ n mɔ péle, pè núkú gbo mɔ wòhòh nɛ, ñsḗntḗ névi-á yḗne kònmòntonɔle sétáh yḗ. A náh yḗne à tḗ min sɔkɔ.

* 22:14 22.14 - Liyel tḗnpi négbí nê tyí-á pè n yo yḗ, Yesu ye.

23 Pè sò me kah gbo mo tũ, me pé flòle n de n milki, té me nengbõne n yilki n mo.

24 Kãh pi sě, sràsyíbí yõtě ñgbě ne, sràsyíbí Pole tě de pé wòkò ñgbě sòko, pé mó à ko yèfõhle. Képah sòko, tir nê yĩn-á tówú n gbo n mo ñ yõ sòko, páh kɪ ké yõ pĩ.

25 Nte pãh Pole pukubi mnòle ne páh ñne n ko gbí ñene, sràsyíbí yõtě dí nê-á sò me nénpó, à yo ñmo tyí ne: «Ké wěkì se me yépi tyí kɪ fě Wrome tãn gbò mo yõ ko ñ tükè-ñkě n̄tēne?»

26 Dí-á képah noh sě, à kyɪ kè yo sràsyíbí yõtě ñgbě tyí ne, tyítúkù nê se à n tyah pínóle sě ni? Ngbõ Wrome tãn gbò mo yõ-á dí mēne dé!

27 Képah sòko, sràsyíbí yõtě ñgbě po Pole piki yah ne, à yo pé syah, Wrome tãn gbò mo yõ se rítyínò ñne ni? Pole me ne àwe-á.

28 Pole-á yo sě, dí à syah ne, té pó ñgbě-á péwo tě wo wilki, té pi Wrome tãn gbò mo yõle dé! Pole me ne, ñte péwo tě wo-á dubi kéle.

29 Képah tēne, nónó-á kɪ sò yĩne pé Pole ko n pi ne à wekɪ, pé gbe mo ñne. Té sràsyíbí yõtě ñgbě-á kè we pĩ ne, Wrome tãn gbò mo yõ-á Polele, té pé me pé kō pé à pukubi, ké tíkí de ñ sòko.

Pole tēnkyinòle Nsyifunò tukey tükèpu ñnkì tyí

30 Képah sòko, ké dīndalle sràsyíbí yõtě ñgbě sò me ké tyí ne pé pĩ tótó, tir nê yõ-á Nsyifunò tokò Pole kō. Képah tēne, à pé kō pé kyɪ Pole wah mo, té me tukey tükèpu ñnkì névyè pól ye tuke, pépi nónó sòko-á sárká syínwìlkìpu yõtāmne, té pé kō pé Pole tě po pé niyó.

23

1 Képah sòko, Pole tyah tukey tükèpu ñnkìle n yah díkídíkí, té yo pé tyí ne: «Ñ yúnpyé, mé me ní fòko dal mo n ko Liyel wěkì yõ, pópó à po no kwey tyí.»

2 Pole-á yo sě, nónó-á sò me ñ tnô, sárká syínwìlkìpu yõtě ñgbě Ananiyasi yo pé tyí ne, pé ñ vyãh mi.

3 Képah sòko, Pole me yo ñ tyí ne, sékú sò wahy nê-á ñne, Liyel-á kɪ mi ñmòle. Wãh me kō tě ásô, à péwòle n tuke à yĩne tyi kònsàhnóle à yo, té mó tō me sé dèlle n pi ne pé pé mi kè.

4 Képah tēne, nónó-á sò me nénpó, pé à syah ne, Liyel sárká syínwìlkìpu yõtě ñgbēne à n gbyò lé?

5 A me pé syah ne, pé nãh sò me pĩ ne sárká syínwìlkìpu yõtě ñgbě-á ñne ló, pé yúnpyé. Nkě, kãh me wárkínsàhnóle ne: «Káh á kwil névyè yõtēne n gbyò.»

6 Képah sòko, Pole-á sò me kè pĩ sah ne, tukey tükèpu ñnkì tóní núkúle Sadusě névyè-á, té pé tóní mē me Farisiyě névyèle sě, à tyah n kah n wekɪ pé niyó ne: «Ñ yúnpyé, Farisiyě névyè ye ní dúbípúle, ñmo to me Farisiyě neyne. Té ñmo sòno-á me ké yõ ne, lékyî-á kɪ n yilki n mo n pi, képah yĩn ye ñne tukey sòko ásô yò.»

7 Pole-á fyò képah yo n te ñsõ, yékãb ñgbě núkú de Farisiyě névyè ànê Sadusě névyè wró, à pé tówú gbekɪ.

⁸ Sadusě névye wɔ sò me ne, lékó yílkínmɔnɔ náh me, yínyò tònpi yó ntě náh me, mírkí yó ntě náh me. Nte Farisiyě névye wɔ mó ne, sé pól-á me.

⁹ Káh pi sě, wǎn tǒ mɔ névye gbónmɔnɔ yǒ. Képah tǔne, Liyel tyi kònsàhnó kwópú nónó-á sò n wil Farisiyě névye tǔnkǐ sɔkɔ, pépi yísyó yuku yahle kérékèyò ne, pépi náh me tyítúkù yó ntě pínó we dí mè tyí pólle. Ténkáh mírkí yó, képah náh pi, Liyel yínyò tònpi yó-á kɪ nê yo mɔ n tyí té?

¹⁰ Té yékâb-á pɔ kah pi sòhsòh sě, tíkí me sràsyíbí yòtě ñgbě tǔ ne, pǎh kɪ pɔ Pole yɔri n kǒli n pi. Képah sɔkɔ, à me yo sràsyíbí tyí ne, pè tiki kyi Pole tǔ n yal pé wró, pè yuku ñne pé wòkò ñgbě sɔkɔ.

¹¹ Ké lékâh-á pɔ mɔ, Tě ñgbě wil Pole yah, té yo n tyí ne: «Sǒré mɔ á gblǒy sɔkɔ. Ngbǒ, wáh ní tyí yo sǒ Yerusalemi kwil, á yǐne n tǒ ní tyí yo sě Wrome kwil tɔ sɔkɔ dé!»

Nsyifunɔ-á yǐnvǐ nê dahbi Pole gbáhkì sò

¹² Képah sɔkɔ, tyah-á pɔ dal Nsyifunɔ yísyó yuku Pole tyí yo syi wě tyí, té pé wo Liyelle ne, pé náh tǔnì yǒ yǒ kwáh yó ntě yǒ n pi, ànê pé náh wo wɔ kwáh yó ntě wɔ n pi, Pole kònmɔ-ńkě sɔkɔ.

¹³ Té nónó-á sò pi yǐnvǐ mène, pè kah népǐ tikininíne.

¹⁴ Képah tǔ sɔkɔ, pè kyi wil sárká syínwǐlkǐpu yòtǎm ànê yèwàhnì tyí, té yo pé tyí ne, pépi-á pé wo Liyelle kérékèyò ne, pé náh tǔnì kwáh yó ntě dah n mɔ n pi pé vyěy sɔkɔ, Pole kònmɔ-ńkě sɔkɔ.

¹⁵ Képah-á, ńkě pépi tɔ pé vyěy pi núkúle ànê tukey tükèpu tǔnkǐle, pè mó kyi kè yah kǒ sràsyíbí yòtě ñgbě tyí ne, à Pole tekɪ mɔ pé kǒ. Nkě, pè kè pi á kɪ ne, pè sǒ me ké tyí ne, pé n tyi sohlɪ n yah palle. Nte pépi tǔ wɔ-á kɪ pé vi, kɪ kyi à syɪkɪ tǔ wěkì yah sɔkɔ, kɪ à we ko mɔ, n yǐnintě-ńkě sɔkɔ.

¹⁶ Nte Pole lèpi me yǐnvǐ mè tyí we noh, té Pole nyáh sǒ sràsyíbí wòkò ñgbě sɔkɔ, à kyi kè yo à syah.

¹⁷ Képah sɔkɔ, Pole me sràsyíbí yòtě yó ye, té yo n tyí ne, tir yó-á me dípir mè tyí yo yo tǔne sràsyíbí yòtě ñgbě tyí. Nkě, à kyi ñne n tyí.

¹⁸ Wáh yo sě, dí me kyi dípirle, té yo pé yòtě tyí ne, Pole nê yah-á víkénóle wòkò ñgbě sɔkɔ, ñmɔ-á ye yah péle, té kè yah kǒ pé tyí ne, pé pɔ dípir mène n tyí. Wáh me ké tyí ne, pé tir yó yo à syah.

¹⁹ Képah sɔkɔ, yòtě ñgbě me dípir gbò sɔkɔ tǔ pè kǔkɪ gbòpɔle, té à piki yah ne, tir nê se n tyí yo yo tǔne ni?

²⁰ À me yo n tyí ne, Nsyifunɔ yísyó-á me yo sah núkú yǒ ne, páh kɪ pɔ à ni, à Pole tekɪ mɔ pé kǒ ńsòne tukey tükèpu tǔnkǐ tyí, á kɪ ne pè sǒ me ké tyí ne, pé n tyi sohlɪ n yah palle.

²¹ Té à yah, népǐ tikininí dòhnò-á me pé vi sah, me Polele n plo pèkè yóle. Páh kè yah tɔkɔ, à pé wo ne, pé náh tǔnì yǒ yǒ kwáh yó ntě yǒ n pi, ànê pé náh wo wɔ kwáh yó ntě wɔ n pi, n kònmɔ-ńkě sɔkɔ. Páh kè sah te gbáhkì núkú yǒ, té me ñmɔ ó fěnsyino syɪkɪ tǔ. Nte à káh n ye pè à pilki.

²² Képah sɔkɔ, sràsyíbí yòtě ñgbě me dípir fin mɔ, té kè gbah yo n tyí ne, à káh kè yǎh ñnì yó ntě tyí ne, páh tyi nópi gbél kye péwɔ tyí dé!

Pole tékínmɔnɔle Sesari kwil

²³ Képah sɔkɔ, sràsyíbí yòtě ñgbě me sràsyíbí yòtǎm népǐ ními ye pɔ yo pé tyí ne, pè sràsyíbí népǐ lègbām (200) wilki n sah, ànê sèsèn nátǎm népǐ

tikitōní pò gbāmne, ànê mààmàl nātām nēpí lègbāmne (200). Pè mó pé vi sah Sesarı kwil soko soko tēne yēpní sò.

²⁴ Pè mó tō sēsèn yísyó wilki n sah, sépi pò Pole twah yuku gběnyah yah tē-ò dí Felikisi tinnē, dlo yó ntē káh à wē nō.

²⁵ Képah tēne, té sébéy wārki pè kō ne, pè kyı Felikisi kō, nê soko-á à yo ne nkē:

²⁶ «Nmō Klode Lisyası ye n tō sébéy mēne á tyí, gběnyah yah tē-ò dí pēpey Felikisi. N wey me á tyí.

²⁷ Dí nê-á mé n tekı mō á tyí yò, Nsyifunō sò me à tē, me n yah n kō n kōnmō-nsahle. Nte máh noh ne Wrome tã gbò mō yō-á ñne, nímō ànê ní srasyíbí me kyı à tē syi pé tyí.

²⁸ Nte mé sò me ké tyí ne, mé pĩ tir nê yĩn-á pè tōko à kō. Képah ye, mé à tē kyı pè tukey tükèpu tĩnkĩ tyí.

²⁹ Képah soko ye mé pĩ ne, pãh me yékâble n pı Polele pé tyi kōnsàhnó tyí yò, té képah tyí yō-á pè tōko à kō. Té sépi pól soko, à náh tir yó ntē pı nê-á yĩne n kōnmōnole, képah náh pı, n dahnmōnole wòkònpèkè soko.

³⁰ Képah náh, mé pò noh ne, pãh me yĩnvĩ yóle n dahbı n gbáhkì sò. Képah ye, mé núkú ñne n tekı n mō á tyí yò. Té nónó-á sò me tōko à kō, mé me yo pé tyí ne, pè kyı ké yah yo áwō tyí.»

³¹ Képah soko, kãh yo sò srasyíbí tyí, pè me kè pı sē. Pè kyı Pole tē à soko ñne lékãhne, fókó à kyı de Antipatrisi kwil.

³² Dındalle, pè sēsèn nātām kō pè yō soko ñne, té pé téló me pé syı soko pé srasyíbí wòkò ñgbē soko.

³³ Sēsèn nātām nōpi-á fyò kyı de Polele Sesarı kwil, pè sébéy mēne gběnyah yah tē-ò dí kō, té Polele n gbò dahbı.

³⁴ Gběnyah yah tē-ò dí me sébéy mē kar, té Pole piki yah ne, gběnyah nē ney se ñne nı? Wãh noh ne Silisi gběnyah ney-á ñne,

³⁵ à yo n tyí ne, nónó-á tōko à kō, pãh kı pò gbí nēne, páh kı pyē nóhnó pı n tyí. Té me yo pé tyí ne, pè à tē n yah vike n sah Yerōdı tōrí kéte soko.

24

Nsyifunō me n yah n kō Pole tükè-nsahle

¹ Té sèpìn kwâl sókónteno náh, sárká syínwilkıpu yòtē ñgbē Ananiyasi tiki pò Sesarı kwil, ànê yèwàhnì yísyóle, à tahlı wey pı-ò ñgbē yó tyí, nê-á pè n ye Tertulusile. Pè sò me pò Pole ye, gběnyah yah tē-ò dí Felikisi tyí.

² Képah soko, pè me Pole ye yah, té Tertulusi me de wey soko, à n tōko Polele n kō ne nkē, gběnyah yah tē-ò pēpey, yèvını ñgbē nê soko-á péle kweyne yò, ñmō gbò yō soko-á kè wē. Wãh n gběnyah yah tē palle sò, képah-á vñmōnō náhnáh dahbı ké soko.

³ Wãh n tō n sah n pı pépi tyí sò gbímegbí tãntãn pól soko, páh n gbah n wekı n tyí képah yĩnne.

⁴ Té à n kékwe, à mó n níki kwō noh pé tyí kwéy. Pé náh pé wey yō ko n pı, kè kō kè n pı n pı n tyí gblóvyáhrile.

⁵ Nkē, dí nê-á yò, páh kè kyomı wē ne, wãh me pı tē soh soh nýân tyí kōle. Wãh me Nsyifunō yóle n ykı kèkōyó pól soko. Nmō-á n tē névye yahle, nónó-á n kō Nasaretı kwil Yesu wēkì yò, nê-á gbı náh kéle.

⁶ Wǎh sò me n yah n kō Liyel ní-ńsah gbô dêl ñtē pí-ńsahle, képah-á pé kō pé à tē. [Páh sò ne pé à tuke à yīne pépi Nsyifunɔ tyi kònsàhnó tyi yónóle.

⁷ Nte sràsyíbí yòtē ñgbē Lisyasí-á pɔ à tē syi pé tyí gbùgbù,

⁸ té ne: «Nónó-á ne Pole tyípinó náh me ple, pé kyɪ tɔkɔ à kō Felikisi tyí.»] Képah náh, Tertulusi tō ne, núkúnúkú ñmɔ ñtē Pole piki yah ñ gblɔy, képah sɔkɔ, wǎh kɪ pī ne, tyi nónó yīn-á pépi pɔ tɔkɔ à kō, gblo-á séle.

⁹ Képah tēne, Nsyifunɔ me dí wey sò so mɔ ne, sē-á kè we.

Pole-á ñ vyāh kōli sō tukey sɔkɔ

¹⁰ Képah náh, gběnyah yah tē-ò dí me ñ gbò pɪ mɔ Pole tyí, à weyne à kō. Képah sɔkɔ, Pole me ne: «Mé pī ne áwɔ-á ápi no tukey tükè-òle ké ye náhnáh-á yò. Képah ye, ní nɪ me yínnóle kɪ ní vyāh kōli á yah sɔkɔ.

¹¹ Ñmɔ dókónpɔnɔle Yerusalemɪ sɔkɔ, ne mé pɔ Liyel gbilki, kè náh tōñi kah sèpīn gbōninóle. Áwɔ ñtē kɪ fē ké nty tē, kɪ ké gbɪ pī.

¹² Pè náh ní we mé me yékâble n pɪ ññî yó ñtēne Liyel ní-ńsah gbô sɔkɔ, képah náh pɪ Liyel ní-ńtân vî sɔkɔ, képah náh pɪ kwil fí yó ñtē sɔkɔ. Mé náh se mó tō tówú kurki mɔ tir yó ñtē sɔkɔ.

¹³ Té pǎh pɔ tɔkɔ ñne n kō yò, tir nê me pé kɪ fē yo nê-á n wēkɪ ne gblo-á pé tyíyónó nópilè?

¹⁴ Nte nê tē-á mé kɪ n yo n pi, képah ye yò, mé me tōle n pɪ ní náh tǎn Liyel tyí wēkì mè yò, wēkì nê-á pépi ne gbɪ náh kéle. Nte tyi nónó pól-á wǎrkɪ tyi kònsàhnó ànê Liyel tēntò syínyopu sébéynó sɔkɔ, ñmɔ sēnó me sé pól yò.

¹⁵ Ñmɔ sōnɔ-á me Liyel yò nê tyí sɔkɔ, pépi tɔ sōnɔ me képah ó yò ne, népéplɔ ànê nétúkúñi pól lékyî-á kɪ yilki mɔ.

¹⁶ Képah ye, mé me gbah tē ní fɔkɔ dal mɔ n kɔ Liyel yah ànê névye yah sɔkɔ gbímegbí, wényo-ńsah kēne.

¹⁷ N pónó nê tyí-á mé yo yò, ye náhnáh sókónteno náh ye mé pɔ Yerusalemɪ sɔkɔ, à pɔ ní kwil névye yohnɪ mɔ póle, té sárkánó wilki Liyel tyí.

¹⁸ Képah sɔkɔ ye sò pé pɔ we ñne Liyel ní-ńsah gbô sɔkɔ, máh ní gblɔy tō sah gbí nēne. Tówú náh sò me ñne, ànê gbrögrö yó ñtē náh sò me n pɪ.

¹⁹ Té Asi gběnyah Nsyifunɔ yísyó wɔ sò me. Máh sò me tir yó pu pɪ pé we, pépi ye náhkɪ pɔ ásô, à pɔ tɔkɔ ní kō áwɔ tyí dò.

²⁰ Képah náh pɪ, Nsyifunɔ nónó-á ásô yò, pǎh lésô ní tē kyɪ pé tukey tükèpu fínkì tyí, lékàh-à kɪ me we ní tyí, pé kè yo kè!

²¹ Tyínúkú yó ó ye lésô mé yo gbǎp pé tyí tukey tükèpu yah sɔkɔ ne ñkē, máh sē ké yò ne lékyî-á kɪ n yilki n mɔ n pi, képah yīn-á ñne tukey sɔkɔ kweyne yò dé!»

²² Té kwil yah tē-ò dí Felikisi sò me Tē ñgbē Yesu wēkì dùkù pī yī. Kǎh pɪ sē, à tukey mè kur mɔ sah náh fín yò, té ne sràsyíbí yòtē ñgbē Lisyasí-à kɪ pɔ gbí nēne, páh kɪ pé tir mè yah wah.

²³ Té me ne, sràsyíbí yòtē dí ñ syi n kyɪ Pole dah mɔ wòkònpèkè sɔkɔ. A mó ye à kō à ne n me ñ gblɔy yò kwéy. A káh ñ tyí névye yīni mɔ ñ pónyòhnìnmɔnɔle.

Pole Liyel wey yónóle Felikisi ànê Drusili tyí

24 Sèpìn yísyó sókóntɛnɔ náh, Felikisi pɔ de ànê n kyi Drusilile. Té Drusilile, Nsyifu ney ye sò ònɛ. Képah sɔkɔ, Felikisi pè kɔ pè Pole ye yah, à pɔ Yesu Krista yò sɛ̀ dùkù tyíle n yāh n tyí.

25 Nte Pole-á pɔ tyah n yāh gbɪ wěkì kɔ dùkù pèpɛy tyí yò gbí nêne, ànê gblɔy tɛ́nó tyí yò, ànê Liyel névyɛ pɔ n tuke dùkù tyí yò, képah sɔkɔ, tíkí Felikisi tɛ́, à me yo Pole tyí nɛ, núkúnúkú tɛ́nɛ, wāh kɪ fɛ́ n yuku, té pāh pɔ wró wɛ, pāh kɪ tɔ yo mɔ n tyí.

26 Té n sònɔ sò me ké yò tɔle nɛ, Pole-á kɪ pé kɔ n pi pólɛ; képah ye, à sò me ònɛ n tɔ n ye fárfár pè yāhkìle n yāh n pɔ ònɛ.

27 Pè ye nínó pɪ képah tɛ́ sɔkɔ sɛ́. Képah náh, yòtɛ́ késán yó pɔ Felikisi swɔ tɔkɔ pè n ye Porsiyusi Fesitusile. Té Felikisi-á sò me ké tyí nɛ pè Nsyifunɔ dyɔ yí pɪ sɛ́, képah ye à Pole sah wòkònpèkè sɔkɔ.

25

Pole n gblɔy tyí dahbɪ Wrome kwiltām yòtɛ́ Sesar gbò

1 Képah náh, gběnyah yah tɛ́-ò Fesitusi* pónó sèpìn tɔ-ò sòle Sesarɪ kwil sɔkɔ, à dɔkɔ yuku Yerusalemɪ kwil.

2 Képah sɔkɔ, sárká syínwìlkìpu yòtām ànê Nsyifunɔ né-ògbnɔ kyi n tyí nɛ nkɛ́, Pole-á tyítúkúnì pɪ.

3 Té tyah ònɛ n gbah n ni nɛ, à n gblɔy ye pé tyí, à mó Pole kɔ à pɔ Yerusalemɪ kwil, pé n tyi sohlɪ n yah palle. Nte kègbɪ tɛ́ yò, yínvì ye sò pè n pɪ nɛ, pé à wɛ ko mɔ wěkì yah.

4 Nte Fesitusi me pè syah nɛ, Pole-á me dáhnmonɔle wòkònpèkè sɔkɔ Sesarɪ kwil. Té péwɔ òtɛ́ tɔ náh tɔ n mo n pi pé syínsɔkɔ-òsah nénpó.

5 Nkɛ́, pé yah tām nónó-à kɪ fɛ́ n tɛ́ n pi, pé péwɔ sò tɛ́ pé tiki yuku Sesarɪ kwil. Pole-à kɪ se me tyítúkù yó pɪ pè wɛ, pāh kɪ kyi nénpó, pè kɪ n tɔkɔ à kɔ.

6 Képah sɔkɔ, Fesitusi náh tɔ tɛ́ mo nénpó à kah sèpìn kwártònɔ, képah náh pɪ, gbām yò sɔkɔ, té n syi sɔkɔ Sesarɪ kwil. Ké dīndalle, à me kɔ tɛ́ tukey tükè-òsah sɔkɔ, té tɛ́ntò mɔ nɛ pè pɔ Polele.

7 Pole-á pɔ gbí nêne, Nsyifunɔ nónó-á sò wil Yerusalemɪ kwil, pè pɔ à mɔ gbí, té tyah lékähle ònɛ n kɔ kèpékèyò tyi nāhnáh sɔkɔ. Té tir yó òtɛ́ náh me pé tyíyónó nòpɪ sɔkɔ, nê-á wěkɪ nɛ gblɔ-á séle.

8 Képah sɔkɔ, Pole me tyah n gblɔy vyāhle n kòlɪ nɛ, pé náh tyítúkù yó òtɛ́ pɪ à de Nsyifunɔ tyi kònsàhnó tyí, képah náh pɪ Liyel ní-òsah gbò tyí, képah náh pɪ Wrome kwiltām yòtɛ́ Sesar tyí.

9 Nte Fesitusi wɔ sò me ké tyí nɛ, Nsyifunɔ pé yíngbúle n yo. Kāh pɪ sɛ́, à Pole syah nɛ, à se kɪ fɛ́ syi kyi Yerusalemɪ sɔkɔ, n tukey kyi n tuke péwɔ yí yah nɪ?

10 Wāh yo sɛ́, Pole me yo n tyí nɛ, Sesar tukey tükè-òsah yó sɔkɔ-á péle yò, òmɔ tyí-á pé tukey yíne kè tuke. Nsyifunɔ-á yò, pé náh tyítúkù yó òtɛ́ pɪ pé tyí. Yòtɛ́ dí, òmɔ òtɛ́ tɔ pínnyìnɔ-á me ké sɔkɔ ó.

11 Nkɛ́, pé tyí-à kɪ me kah, ànê pé me tir yó pɪ nê-á yíne kūne, pé náh me yahle pé kúnó yò dò. Nte pāh tɔkɔ péwɔle n kɔ tyi nónó sɔkɔ, gblɔ-à

* 25:1 25.1 - Fesitusile, Wrome ney ye ònɛ. Nmɔ ye sò Wrome kwiltām yòtɛ́ Sesar sah Nsyude gběnyah yah tɛ́-òle.

ńkēne séle, ònî yó n̄tē náh fē pé gbàh de mọ̀ pè kǒ n pi. Páh me ké tyí ne, pé tyí tukey kyí n tuke Sesar tyí.

¹² Képah sọ̀kọ̀, Fesitusi ànê n̄ tukey tükèpu ònkì me wē we. Páh tye, à me yo Pole tyí ne, wáh fyò Sesar yīn yo te, wáh kɪ kyí òmọ̀ tyí Wrome kwil sọ̀kọ̀.

Akripa me Polele n piki n yah

¹³ Sèpìn yísyó sókóntenọ̀ náh, yòtē dí Akripa ànê n̄ dósê Berenisi pọ̀ yah gběnyah yah tē-ò dí Fesitusi tyí, Sesar kwil.

¹⁴ Pè kɪ sò sèpìn yísyó pɪ n pi nénpó. Káh pɪ sē, Fesitusi mó núkú Pole tyí we kǒ mọ̀ yáh Akripa tyí ne ńkē, Felikisi-á dí yó dah mọ̀ sah wòkònpèkè sọ̀kọ̀ ásò.

¹⁵ Té páh pọ̀ yuku Yerusalem kwil, sárká syínwilkìpu yòtām ànê Nsyifunọ̀ yèwàhni-á me pọ̀ n tọ̀kọ̀ òne n kǒ pé tyí, té me kéle n yah n kǒ pé tyí ne, pé à mọ̀ kǔ kǒ.

¹⁶ Nte páh kè yo pé tyí ne, kè náh n pɪ sē pépi Wrome tǎn wēkì sọ̀kọ̀. Pé náh wòkònpèkè sọ̀kọ̀ neyne n mọ̀ kǔne n kǒ, né pé náh wēkìle à kǒ, à n yo yo tē yo névye yī yah, nónó-á tọ̀kọ̀ à kǒ.

¹⁷ Képah sọ̀kọ̀, kéne no me pọ̀ ànê péwọ̀le ásò sọ̀kọ̀. Péwọ̀ náh sò me ké tyí ne pé tir mè sah mo. Képah-á, ké dīndal n̄tēne pé núkú yuku tukey tükè-nsah sọ̀kọ̀, té ne pè pọ̀ kéne dīne.

¹⁸ Péwọ̀ tē-á sò me n sò ne, névye nónó-á tọ̀kọ̀ à kǒ, páh kɪ pọ̀ tyítúkúnì ògbnọ̀ duke duke kwáh n pi ne, sépi-á à pɪ. Nte páh pọ̀, kè náh pɪ sē.

¹⁹ Páh me pọ̀ yékáb yísyó óle n pɪ òne pé yēngbē Liyel wēkì tyí sọ̀kọ̀ ànê Yesu yó tyí sọ̀kọ̀ nê-á lésò ku, té Pole tǒ me n yo ne, wáh me min sọ̀kọ̀.

²⁰ Káh pɪ sē, péwọ̀ náh sò pī, páh ne yī mè dùkù wah n pi sǒ. Képah sọ̀kọ̀, pé me Pole piki yah ne, à se kɪ kyí Yerusalem kwil, n̄ tukey kyí tuke nénpó nɪ?

²¹ Nte Pole me ne, páh me ké tyí ne pé tē ásò, pé tyi yah mó pọ̀ kyí wah Wrome kwiltām yòtē Sesar tyí. Káh pɪ sē, pé me ne pè à dah mọ̀ sah wòkònpèkè sọ̀kọ̀, fọ́ kè pọ̀ n̄ tékínmọ̀nọ̀ tyí Sesar tyí.

²² Képah sọ̀kọ̀, Akripa me yo Fesitusi tyí ne, péwọ̀ to-á me ké tyí ne dí mè pọ̀ n̄ tyi yáh pé noh. Képah tēne, Fesitusi me ne ńkē, ńsò n̄tē ó sọ̀kọ̀, wáh kɪ pọ̀ n̄ tyi yáh à kɪ noh.

²³ Dīndalle, Akripa ànê Berenisi pé mọ̀ wil yòtǒrí flo sọ̀kọ̀, té sràsyíbì yòtām ògbnọ̀ ànê kwil né-ògbnọ̀ me pé sò tē, pè yuku tukey tükè-nsah wòkò sọ̀kọ̀. Képah sọ̀kọ̀, Fesitusi pè kǒ pè pọ̀ Polele.

²⁴ Wáh pọ̀, Fesitusi me de wey sọ̀kọ̀ té ne, yòtē dí Akripa, òmọ̀ ànê nónó pól-á me péle ásò sọ̀kọ̀ yò, pé pól-á me dí mène n yah kè. Nsyifunọ̀ tówù pól-á pọ̀ wil pé tyí n̄ tyí sọ̀kọ̀ Yerusalem, ànê fọ́ ásò to sọ̀kọ̀. Páh me gbo mọ̀ tū ne, à náh yīne sàhnóle min sọ̀kọ̀ pólle.

²⁵ Nte péwọ̀ tē wọ̀ náh tir yó we n̄ tyípínì sọ̀kọ̀, nê-á yīne n̄ kònmọ̀nọ̀le. Té wáh fyò n̄ gblọ̀y tyí dahbi Wrome kwiltām yòtē Sesar gbò, képah-á pé ne, páh kɪ à tekɪ mọ̀ à kǒ.

²⁶ Té tir nê tē tótó-á pé kɪ wārku, kɪ à tekɪ mọ̀ n pi Wrome kwiltām yòtē Sesar tyí, pé náh me képah pī. Képah-á pé pọ̀ òne pé tyí ànê òmọ̀ n̄tē to

tyí n wahlé yòtḗ dí Akripa. Páh ne, pàh kɪ à piki yah te, pé tḗ we tir yó we n wārku n tyí soko, pé à tekɪ n mo Sesar tyí.

²⁷ Péwo tḗ tyí ké yah náh, à wòkònpèkè soko ney tekɪ mo Wrome kwiltám yòtḗ tyí, té à náh mó tḗ tḗ tyi yah we yo tekɪ mo n tyí, nónó yīn-á pè toko à kḗ.

26

Pole-á n tyípínì yāh sḗ yòtḗ dí Akripa tyí

¹ Képah soko, yòtḗ dí Akripa yo Pole tyí ne, wey-á me n tyí, wāh kɪ fḗ n vyāh kōli. Wāh yo sḗ, Pole me n gbò yḗ, té tyah n vyāh kōlinóle pé tyí ne nkḗ,

²⁻³ yòtḗ dí Akripa, nmo-á pépi Nsyifunɔ tyídí pólle n pne ànê tyi nónó yō-á pḗ yékâble n pi. Képah-á, nìvìnì ñgbḗ-á kéle péwo tyí kweyne, kɪ pé vyāh kōli tyi nópi pól soko, Nsyifunɔ-á n toko péle n kḗ tyi nónó soko. Páh ñne n ni, à n gblḗy ye, à mó noh pé tyí.

⁴ A toko pé kètḗnpikì gbí dùkù tyí, páh sḗ me pé minne n pi dùkù nêne pé kwil tãn wró ànê Yerusalemɪ soko, Nsyifunɔ pól-á képahle n pne.

⁵ Páh péle n pne di mónóle. Páh kɪ me ké tyí, páh kɪ fḗ pé kèdukù yo rḗtḗne ne, Farisiyḗ névye tḗnkì soko ney-á péle, tḗnkì nê Liyel wḗkì tyí-á kah tah.

⁶ Nte Liyel-á n vyāh toko pé náh tãn tyí nê tyí soko, péwo gbò sàhnó-á me ké yḗ, képah yīn-á péle tukey soko núkúnúkú yḗ.

⁷ Té pépi yìkìni gbḗninó gbò sàhnó-á me ké yḗ ne, kǎh kɪ n pi n dal n mo n pi, té me gbah tḗ à Liyelle n gbilki ké lékâh, ké gbḗntḗ. Képah yḗ gbò sàhnó yīn-á Nsyifunɔ toko péwo kḗ yḗ, yòtḗ dí Akripa.

⁸ Nte kwâh nê se pi, té ké fḗnsyino tḗ kah tah pé no Nsyifunɔ tyí ne, Liyel-á lékyîle n yilki n mo ni?

⁹ Péwo nḗtḗ to-á sḗ me n sḗ ne, páh yḗne pé tyi pól pi, pé Nasaretɪ kwil Yesu yīn yḗ sḗnó yah kḗ.

¹⁰ Sárká syínwilkipu yòtām-á ké wḗkìle pé kḗ te gbí nêne, páh Yesu yḗ sḗpú náhnáh tḗ dah mo wòkònpèkè soko. Té páh sḗ sḗ péle n ko n mo fyéle, péwo kḗ fḗ n syi. Képah-á pé pi Yerusalemɪ kwil.

¹¹ Páh sḗ me n de n kḗ pépi Nsyifunɔ Liyel ní-ntân vì soko, à Yesu yḗ sḗpúle n tḗ n fḗh, té me ké tyí ne pé pè kyí mo, pè Yesu yḗ sḗnó yal mo. Té pé foko vyáhnkàhnmono tḗ tyí péle, páh nkḗne pé nyáh sḗ n kyí péle n fḗh kwíókáhkínɔ to soko.

¹² Sḗ-á sḗ yóle, sárká syínwilkipu yòtām me tḗnweno ànê wḗkìle pé kḗ, pé yuku à n yuku Damasɪ kwil.

¹³ Nkḗ, yòtḗ dí Akripa, páh sḗ me wḗkì yḗ gbḗntḗ pḗle, té me kyòo yó we kḗ wil yīnyḗ, nê-á piki kal gbīne, à po kwe péwo ànê pé wḗkì kómû yḗ pḗrr; à pé mo gbí.

¹⁴ Képah tḗne, pé pól syikɪlì sétáh té péwo me yīnpḗ yḗ noh kḗ me n yo pé tyí Yebre wey soko ne nkḗ: «Sole, Sole, kwâh nê pi té á ñne n fḗh sḗ? Ngbḗ gbò nê-à yahle náh vīnóle, képah ye n kwḗ dé!»

¹⁵ Kǎh pi sḗ, pé me piki yah ne, nê se ñmole ni, Tḗ ñgbḗ? A me yo pé tyí ne: «Yesu ye ñmole, nê-á á n fḗh.

16 Nte yuku n yīn á gbyèh yō. Máh n gblǒyne n wēki tir nê yīnne, képah we yò: Mé ne á pi n tǒnpile. Sǒ-á á we nne yò, á ki kéle n yah n yo n kǒ, à tahl tyi nónó tǒ-á mé ki pǒ n wēki n pi náhle.

17 Mé ki n pwah mǒ wilki Nsyifunǒ ànê kwlókáhkínǒ névye gbò, pépi nónó tyí-á mé n tekɪ n mǒ ále.

18 Mé ále n tekɪ n mǒ pé tyí ne, á kyɪ pé yí yɪki, pè kǒ pè wil fěntú sǒko pè pǒ kyòo yah. Pè mó wil sétǎn yòtě yǒri sǒko pè pǒ Liyel tyí, pé tyípél kǒ sè yǒ mǒ pè kǒ, pè mó kyɪ tě-nsah we Liyel wěnpǐ wró, nónó-á me Liyel tyí yǒ nǎmǒ yǒ sěno yīnne.»

19 Pole-á Tě ngbē Yesu welo nópi yo te, à n syɪ yo Akripa tyí ne nkě, yòtě dí, páh tyi nónó noh, té tyi nónó we wěkínó mè sǒko nê-á n wil Liyel tyí, pé náh yahle sé pínóle.

20 Té Damasɪ tǎn ngbò tyí-á pé yo séle. Képah náh, pé me sè yo Yerusalemɪ tǎn tyí, ànê Nsyude gběnyah tǎn pólle, à tahl kwlo kwlo téló tyí. Páh kè yo pé pól tyí ne, pè pé nno vi mǒ, pè mó Liyel wěkì tě. Nkě, pè tyípeplǒle n pi, nónó-á n wēki ne gbi yǒ, pé nno-á vi mǒ.

21 Té képah yǒ sǒko-á Nsyifunǒ tě péle, gbí nê-á sǒ pé me Liyel ní-ńsah gbò sǒko. Páh sǒ me n yah n kǒ pé kǒnmǒ-ńsahle.

22 Nte Liyel yòhnìnmmǒngbò yǒ, páh me min sǒko à pǒ syɪ kwey tyí. Té páh tǒ ásò sǒko yò, gblǒ yo yīnne tahl ànê yǎm tǎn tyí. Liyel tǎntǒ syínyopu ànê Moyisi-á tyi nónó tyí yo ne, sǎh ki pǒ n pi n pi, pé náh tir yó ntě yo kah mǒ sépi yǒ, sépi nónó-á yo ne nkě:

23 Liyel ney yáhtǒkǒng-á ki yèvyǎhri pi ki ku. Té nǎmǒ-á ki n pi n pi négbenne, ki yilki mǒ lékyi sǒko. Wǎh ki pǒ pwáhnmmǒng tyí yo wah kyòo pépi Nsyifunǒ tyí ànê névye téló tyí.

24 Té Pole-á me n tyi yah yónó sǒko sě me n vyǎhle n kǒli, Fesitusi weki páhpáh n yǒ ne nkě, n yǒgbèkè náh me, n kǎrn pínó kérékè-á n yǒgbèkè yuku.

25 Nte Pole me yo n tyí ne nkě, yòtě pèpey, pé yǒgbèkè náh yuku dé! Gblǒ ànê yèsrey welo ó kókó-á pé n weki.

26 Nkě, tyi nópi sǒko yó ntě náh pi sètìn sǒ sǒko, pé sěno-á me ké yǒ ne, yòtě dí Akripa ntě pínó-á me sé sǒko dò. Képah-á, pé kǒ pé kéle n yo n dal n mǒ n yah sǒko nǎsǎhle.

27 Nte yòtě dí Akripa, à kó sě Liyel tǎntǒ syínyopu welo yǒ ni? Péwǒ tǎ-á pǐ ne wǎh sě sé yǒ.

28 Képah sǒko, Akripa me yo Pole tyí ne, káh náh ki ne pé mo kwéy, wǎh náhki núkú péwǒ vi mǒ pi Yesu yǒ sě-òle.*

29 Pole me yo n tyí ne, káh ki se pi núkúnúkú ò, káh ki se mo ò, péwǒ tǎ-á me Liyelle n ni ne, kè káh yīn nǎmǒ ntě ó tyí, nkě nónó pól tǒ-á me pé welǒle n nohn kweyne yò, pé pól pi péwǒ tyí kǒle, Yesu yǒ sěpúle, té kǎrn wǒ káh mǒ pépi tyí.

30 Képah náh, yòtě dí Akripa yuku, ànê gběnyah yah tǎ-ò dí Fesitusile, ànê Berenisile, à tahl nónó pól-á sǒ me kǒntěnole péle.

31 Nte páh wil, pè tyah n yo wě tyí ne, dí mè náh tir yó ntě pi, nê-á yīne n kǒnmǒngle, képah náh pi, n dáhnmmǒngle wǒkǒnpèkè sǒko.

* 26:28 26.28 - Wró mè sǒko, névye sǒng me sé tyí tyíle. Túkú sǒng sǒko, kó ye Akripa Polele n ko. Túkú sǒng sǒko mó, Pole wey n ni tǎ.

³² Képah sɔkɔ, Akripa me yo Fesitusi tyí ne, dí mè à sò me n̄ tukey tyí dáhbí-ńkēne Wrome kwíltām yòtē Sesar gbò sɔkɔ, wáh yīne fínmonole.

27

Fesitusi ne pè sɔkɔ Polele Wrome kwil

¹ Képah sɔkɔ, káh pɔ sah núkú yò ne, áyáh kɪ yuku n pi Wrome kwíltām yòtē ñgbē Sesar tyí Yitali gběnyah sɔkɔ, pè me Pole ànê wòkònpèkè sɔkɔ névyè yísyó dahbí sràsyíbí yòtē yó gbò, ne à sɔkɔ ále. Dí mè yīn ye sò Nsyulyusile. Nmɔ ye sò Wrome tǎn sràsyíbí tǐnkí yó yòtēne nê-á pè n ye Wokustile.

² Képah tēne, á de Adramiti kwil krótókè ñgbē yó sɔkɔ, à sɔkɔ. Krótókè mè kɪ sò n syò n pi Asi gběnyah krótónè yīn-ńtǎn sɔkɔ. Arisitarkɪ sò me ále, nê-á n wil Masedonɪ gběnyah kwil yó sɔkɔ pè n ye Tesalonikile.

³ Ké dǐndalle, á kyɪ de Sidō kwil. Nte Nsyulyusi sò me Pole tēnó ple. Káh pɪ sē, à wēkile Pole kō ne, à kyɪ yah n̄ kódíbí tyí, pè kō pè à we n yohnɪ n mɔ.

⁴ Képah náh, áyáh yal nénpó, yáhkí sò me ále n fwo. Káh pɪ sē, á syò gběnyah yó gbòpɔ pè n ye Syiprile, pne yo niyó. Képah sò me yáhkí yah kō sah á tyí kwéy.

⁵ Té yò sɔkɔ pne yo sɔkɔ, à syò Silisi gběnyah ànê Pǎnfilɪ gběnyah gbòpɔ, à kyɪ tiki Mira kwil, Lisi gběnyah sɔkɔ.

⁶ Áyáh me nénpó, Wrome tǎn sràsyíbí yòtē me Alekisǎdri kwil krótókè ñgbē yó we, nê-á kɪ sò n yuku n pi Yitali* gběnyah sɔkɔ. A me á dah mɔ képah sɔkɔ.

⁷ Á sèp̄n nǎhnáh pɪ, té á náh sò me fē n to súú. Á yèvyǎhrɪ kah pɪ, té pyē yīni tē Knidi kwil dé-ńsahle yúkey. Nte yáhkí-á sò me ále n fwo nénpó tǐn yúkúnóle sē, gběnyah nê-á pè n ye Kretile pne yo niyó, á syò képah dónmɔ-ńsah yó gbòpɔ pè n ye Salmonene. Nénpó sò me yáhkí yah kō sah á tyí kwéy.

⁸ Á yèvyǎhrɪ pɪ nénpó sókó-ńsah sɔkɔ, à kyɪ yīni tē Kretɪ fí yó sɔkɔ pè n ye Krótónè yīn-ńsah pèpɛyne. Lasɪ kwil me nénpó tnô.

⁹ Légbíne, wró nǎhnáh sò me sɔkɔ te. Té Nsyifunɔ fɪlsǎhkì sò níkì tē gbí-á sò me sɔkɔ te sē, yáhkí sò me kō. Káh pɪ sē, krótókè tónó sò me pɪ dlóle. Képah ye, Pole me ké gbáhdyáh di pé tyí ne,

¹⁰ pé kódíbí, péwɔ-á kè we te ne, krótókè tónó náh tō fē n yò n sɔkɔ n pi, né dlo náh we ké sɔkɔ. Té kè náh n yīn n pi krótókè ànê ké sɔkɔ vyó yíkínó kèpékè ó tyí dé, pépi tɔ min-á kɪ n syah n wū ké sɔkɔ.

¹¹ Nte sràsyíbí yòtē dí sò me sē krótókè tó-ò dí ànê ké yòtē wey yò sɔkɔ, à kal Pole tyíle.

¹² Té Kretɪ gběnyah krótónè yīn-ńsah mè náh sò me ple kwòvɪrɪ gbíne. Képah ye, névyè kan sò me ké tyí ne, káh kɪ fē n pɪ n pi, pé yīni tē ké krótónè yīn-ńsah yó sɔkɔ pè n ye Fenikisile, pé kyɪ kwòvɪrɪ gbí pɪ nénpó. Nénpó sò me Kretɪ gbìyiki tǐnne.

Yáhpékè yó kòńóle pne yo sɔkɔ

* 27:6 27.6 - Yitali gběnyah sɔkɔ ye Wrome kwille.

13 Képah sɔkɔ, yáhkí yó tyah n kô n wil fálfál yɔ nyó ònnɛ. Képah tɛnɛ, pè sò mɛ n sô nɛ páh nê yah tɔkɔ, káh kɪ fɛ pɪ, té mɛ krótókè yĩn mɔ mɔ vyóngbílki dɔkɔ mɔ, krótókè kô kè tyah n sɔkɔ, à kyɪ tɔrɪ sɔkɔ Kretɪ gbɛnyah gbòpɔlɛ.

14 Dò kwéy, yáhpékè yó kô wil ymɔ yô à tiki pɔ mɪ á sɔkɔ. Yáhkí mɛ yĩn ye sò Yerakilõnɛ.

15 Kè pɔ á krótókè tɔkɔ n yuku gbɛntɛnáhɛ, á náh tɛ wɛ ké yah kô. Á mɛ á gblɔy fin mɔ kè kô.

16 Kè kyɪ sɔkɔ áɛ gbɛnyahpír yó tnô pè n ye Kodale, pne yɔ nyó. Kéne gbɛnyah sò mɛ yáhkí yah kô sah á tyí kwéy. Káh pɪ sɛ, krótópír nê-á sò mɛ tóhnmɔnsàhnóɛ krótókè ñgbɛ tyí, á gbah tɛ, à képah wɛ yɔrɪ dah mɔ ké sɔkɔ yèvyáhrɛ.

17 Ké dáhnmɔntɛnɔ náh, á mɔɛ krótókè ñgbɛ pukubi kore vi nɛ kè káh kwɔkɪ. Té tíkí-á sò mɛ á tɛ nɛ á káh kyɪ n nir Libi gbɛnyah sɛmɪyáhrí sɔkɔ sɛ, képah ye á krótókè yòtah flo kũ, sépi nónó gbò yô-á ñkɛnɛ yáhkí kéɛ n tu n mɔ súú, té mɛ á gblɔy fin mɔ yáhkí kô kè n yuku áɛ.

18 Dindalle, yáhkí sò mɛ yô sɔkɔ áɛ n kah fwo sɛ, káh pɪ sɛ, pè krótókè tókóbí wilki min dah mɔ pne yɔ sɔkɔ.

19 Sèpìn tɔ-ò sòɛ, krótókè tópú tɔ mɛ ké tɔnpìvyó túkù wilki ké sɔkɔ, à min dah mɔ pne yɔ sɔkɔ pé gblɔy.

20 Kè sò mɛ pɪ sèpìn náhnáhɛ, té á náh gbí wɛ yah yĩnɛ, képah náh pɪ, ñwɔ kèpyɛɛ. Yáhkí sò mɛ peke tɛ sɛ, fóó á náh tɔ mɛ pɔ n sô nɛ, áyáh kɪ pwah.

21 Káh pɪ sɛ, á sò mɛ sèpìn náhnáh pɪ yòke yó-ñkɛnɛ. Képah sɔkɔ, Pole mɛ yuku yĩn no pól nyó, té nɛ ñkɛ, pé kódíbí, páh sò yĩnɛ pè sah péwɔ yóré yô, pé mó wũ Kretɪ gbɛnyah. Képah-à sò mɛ pɪ, páh dlo nónó gbal, ànê yíkínó nónó-á pɪ pé tyí yò, sè náh náhkɪ pé yĩnɪ n tɛ n pi dò!

22 Nte núkúnúkú, páh kéɛ n yah n kô pé tyí nɛ, pè pé nɪ syáh, ñkɛ ñnì yó ñtɛ yô náh yĩ n pi à wil krótókè tyí sɔkɔ.

23 Ñkɛ, Liyel nê tyí yô-á péwɔɛ pé tòɛ n pɪ ñ tyí, ñmɔ yĩnyô tɔnpɪ yó-á wil pé yah lékâh mɛ sɔkɔ,

24 té yo pé tyí nɛ: «Káh tíkí pɪ, Pole! Á kɪ n yĩn n pi Wrome kwíltám yòtɛ Sesar yah sɔkɔ, kɪ á yótyí yo ñ tyí. Té névyɛ nónó pól-á mɛ n yuku áɛ krótókè sɔkɔ, áwɔ gbò yô, pé sɔkɔ yó ñtɛ yô náh n yĩ n pi.»

25 Képah-á, péwɔ Pole sɛnó-á mɛ Liyel yô nɛ, káh kɪ n pɪ n pi sɔ-á ñ yĩnyô tɔnpɪ yo kéɛ pé tyí. Képah-á, pè pé nɪ syáh pé kódíbí.

26 Nte krótókè tɛ wɔ-á kɪ kyɪ n yɪkɪ n pi pé tyí yɔ nyó kwil yó sɔkɔ dé!

27 Légbíne, yáhkí sò mɛ yô sɔkɔ áɛ n fwo n yuku sɛ pne yɔ yô, nê-á pè n ye Mediteranɪnɛ, fóó à pɔ syɪ ké sèpìn gbɔnyáh-ò sò lékâh tyí. Té lénɪ mónó wró sɔkɔ, krótókè tópú sò kè sô nɛ, áyáh mɛ de n tɛ kènkwâh yòɛ,

28 té yóntí sáh sáh kwâh min dah mɔ yɔ sɔkɔ, té kè wɛ ké súkúlínó mɛ métérnó yògbám pó kwárninɔɛ. Áyáh yuku yahɛ kwéy, pè tɔ kè min dah mɔ, té kè wɛ ké súkúlínó mɛ métérnó túkúrí pó kwärtɔnɔɛ.

29 Pè sò mɛ tíkíɛ n pɪ nɛ, krótókè káh pɔ kyɪ syɪ dyèh yísyó tyí, kè yɪkɪ. Képah ye, pè krótókè yĩn mɔ mɔ vyóngbíl ñyèh dah mɔ krótókè náh ònnɛ, té mɛ tyah dálnó óɛ n dɛkɪ.

³⁰ Nte krótókè tópur sò me n yah n kò tó-ńsahle. Kǎh pɪ sɛ, pè krótópír tiki mo yo yõ, té ne páh ne pé krótókè yĩn mo mo vyóngbíl dah mo krótókè yah òinne.

³¹ Képah sɔko, Pole me yo sràsyíbí ànê pé yòtɛ dí tyí ne ńkɛ, díbí nópi-à kɪ wú-ńkɛne krótókè sɔko, pépi náh tɛ we n pwah n pi dé!

³² Képah sɔko, mmo nóno-á sò tɛ sah krótópírle, sràsyíbí núkú sépi kòli mo kè kò kè sɔko.

³³ Képah náh, tyah-á pópó n dal, Pole kè yah kò no pól tyí ne ńkɛ, pè yòke yõ. A ne ńkɛ, ké sèpìn gbõnyáh-ò-á kweyne yò, pé yáh-ńsah me tyɛ tɛ pópó, pè náh me fɛ yòkele n yõ.

³⁴ Nte yòke vyáh-á mó tɔ me pé min pwáhnó tyí sɔko. Képah-á, páh kéle n yah n kò pé tyí ne, pè yòke yõ. Nkɛ, pé sɔko ney yó ńtɛ yòyén pó núkú fyé náh n mo n pu n pi.

³⁵ Képah yóntɛno náh, Pole búrn tɔko, té wekɪ Liyel tyí no pól yí yah, té kè kwɔ à tyah n tah.

³⁶ Képah sɔko, no pól ni sũ, pé tɔ me yòke yõ.

³⁷ Névyɛ nóno-á sò me krótókè mɛ sɔko, á pól sò me népí lègbám tikitõní pó gbám pó kénúkòle (276).

³⁸ Á pól-á yõ tɔ te gbí nêne, á sɛmuko wilki min dah mo yo sɔko krótókè kò kè pɪ fáfháh.

Krótókè tyí yíkínóle pne yo sɔko

³⁹ Képah tɛne, tyah-á pɔ dal krótókè tópur náh sò me kènkwháh yõ yah pĩ. Páh pɔ yo kéngbárkì yó kyomɪ we, nɛnpó me wényín-ńsahle, pè ne páh kɪ yuku yah nɛnpó krótókèle, káh kɪ fɛ n pɪ n pi.

⁴⁰ Képah sɔko, pè krótókè yĩn mo mo vyóngbíl de mo sè kò sè wũ pne yo sɔko. Té núkú yõ sɔko krótókè yah tɛ tɛ yí tɔ wah mo, ké yah tɛ yinne. Té me fwɔ toh yínyõ, krótókè yah òinne, yáhkí kò kè kéle n tu n mo, té pé yah mo à yo kéngbárkì mɛne n yĩkɪ.

⁴¹ Nte pè kyɪ yĩni tɛ yóntáh sɛmĩyáhrí fĩ yó tyí, à nir ké sɔko. Krótókè yah òin sò me kyɪ di sɛmĩyáhrí sɔko, fók kè náh me fɛ n yike, té níkwíl me ké náh òinne n mɪ n kwɔkɪ n pɔ.

⁴² Képah sɔko, sràsyíbí sò me n yah n kò wòkònpèkè sɔko névyɛ kònmɔ-ńsahle. Tíkí sò me pè tɛ ne, pè káh pɔ n yõ n wil n to n pwah.

⁴³ Nte sràsyíbí yòtɛ dí-á sò me ké tyí ne, pé Pole pwah mo sɛ, à pè yĩni mo képah pínóle. Té ne, yo yònpnèpu ñgbò yɔko de yo sɔko, pè kènkwháh yòle n yĩkɪ.

⁴⁴ Té me ne, no téló sésárnɔ tɔko, képah náh pɪ, krótókè kwókínóle, pè dɔko sépi yõ, pè ne n yõ n yuku. Sɛ ye kè pɪ, té no pól yĩni tɛ kènkwháh yõ sɔko krómkróm pé vyele.

28

Pole-á nê pɪ gběnyah yó sɔko pè n ye Maltile, pne yo niyó

¹ Képah sɔko, áyáh pwah sɛ, á kè noh ne pne yo niyó gběnyah mɛ yĩn-á Maltile.

² Kéne kwil tǎn me á tɔ sah tɛ yíi palle. Té pũ-á sò me n pɪ, té vɪrɪ me n pɪ sɛ, pè me nyáh mo tĩí á pól kò á me tuke mo tɛ n wne.

³ Képah sɔkɔ, Pole-á kyɪ lésópì kwel ne pé pɔ mɔ nyàh sɔkɔ, nyàh swòdò-á kyɪ sé tyí, wáhnpo yó wil sé sɔkɔ à Pole kɔ, fókò à toh mɔ n gbò tyí.

⁴ Kwil mè tãn-á wahy we tóhnmɔnɔle n gbò tyí sɛ, pè tyah n yo wɛ tyí ne, tòtò náh me ké sɔkɔ pólle, dí mè-á nékókè mɔ yah. Wáh sénsɔ pwah pne yo gbò sɔkɔ ó, nte pépi sétò nê-á gbule n wah, képah tɛ wɔ náh à sah n pi min sɔkɔ dé!

⁵ Képah sɔkɔ, Pole wahy mè mir dah mɔ nyàh sɔkɔ. Té syéhéh kwéy nítè náh kyɪ Pole wil tyí.

⁶ Té kwil tãn sò me syíkíntɛnóle n pi ne, dǒ páh kɪ à we à kɪ me tyah n sɛ, képah náh pi, kɪ syíkɪ n ku n pi nɛnpó swɔ. Nte páh képah syíkɪ tɛ wrétété, pè pɔ pí ne, pèkè yó nítè náh à nɔ n pi. Káh pi sɛ, pè pé vyɛy vi à tyah n yo ne, tò yó-á nne.

⁷ Té nýãh sɔkɔ-á sò ále, fí yó sò me nɛnpó tnô, nê-á pne yo niyó gbɛnyah mè yòtɛ dí tyíle. Kéne dí yĩn ye sò Publiyusile. Nmɔ me á tǒ sah tɛ palle n kódíbi sɔ, té á kǒ á twah n tyí à sèpìn tǒnì pi.

⁸ Té kéne dí sú sò me yam pèkì yò. N wil sò me vyãh, té n fɔkɔ tɔ me kye. Képah tɛne, Pole me kyɪ yah n tyí, té n gbãh sah n yò à Liyel ni n tyí, à à de mɔ.

⁹ Képah náh, kéne kwil yámpú téló tɔ me pɔ Pole tyí, té pɔ dénmɔnɔ we.

¹⁰ Káh pi sɛ, á yò yò nɛnpó sɔkɔ kègbule. Té áyáh pɔ n tyah sókónóle, yí nónó yétò-á sò me á tɛ, pè sé pólle á kǒ.

Pole yínintɛnɔle Wrome kwil

¹¹ Képah náh, nǔwǒlò tǒnó sókóntɛnɔ sɔkɔ, á me de sɔkɔ Alekisãdri kwil krótókè nǔgbɛ yó sɔkɔ, nê yĩn-á kènĩnĩne. Képah sò me kwòviri gbí tyénó syíkɪ tɛ Maltɪ gbɛnyah sɔkɔ.

¹² Áyáh kyɪ yĩni tɛ Sirakusi kwil, á tɛ nɛnpó à sèpìn tǒnì pi.

¹³ Áyáh yal nɛnpó, à tyah n tɔri n yuku krótókèle yo vyãh tyí, pópó à kyɪ de Wregbyo kwil. Ké dǐndalle, yáhkí kǒ wil á náh tĩnne à pɔ. Káh pi sɛ, sèpìn níni wró, á yĩni tɛ Pusɔɪ kwil, té wil krótókè sɔkɔ.

¹⁴ Áyáh kyɪ nɛnpó, á kyɪ Yesu yò sɛpú yísyó we. Pépi me á ni, á kǒ á wũ à sèpìn kwárninɔ pi pé tyí. Képah náh, á sɔkɔ Wrome kwil.

¹⁵ Té Wrome kwil Yesu yò sɛpú-á fyò á pínó noh, pé túkù pɔ á yohnɪ, fókò Apyusi yòhntàhkì sɔkɔ; pé túkù mó pɔ á yohnɪ fí yó sɔkɔ pè n ye Népan twáh-ńtân tǒnĩne. Pole-á fyò pè we sɛ, à wɛkɪ Liyel tyí, ànê n ni sũ.

¹⁶ Képah tɛne, áyáh yĩni tɛ Wrome kwil, pè ké wɛkìle Pole kǒ à kyɪ tɛ n tyí wòkò sɔkɔ, té sràsyí yó kǒ à nne n kyomɪ.

Pole Liyel wey yónóle Wrome kwil

¹⁷ Képah sɔkɔ, sèpìn tǒnì-á sɔkɔ, Pole Nsyifunɔ yah tãm ye n tĩnne. Páh pɔ tuke mɔ, à yo pé tyí ne, pé no, pé náh sénsɔ tir yó nítè pi de pé no Nsyifunɔ tyí, pé náh pé náh tãn wãl dɛl pi, nte pè pé tɛ Yerusalemɪ sɔkɔ, té pé dahbɪ Wrome tãn gbò sɔkɔ.

¹⁸ Nte Wrome tãn-á pé piki yah te gbí nêne, pè náh pé tyípíní yó nítè we, nê yĩn-á pé yĩne pé ko mɔ. Káh pi sɛ, pè me ne páh péle n fin n mɔ.

19 Té Nsyifunɔ me képah yahle. Képah-á, pé gbò yíí náh, pé me pé gblɔy tyí dahbi Wrome kwíltám yòtē Sesar gbò. Nkē, tókónkɔnɔ tē wɔ náh pé ne pé tɔkɔ pé no Nsyifunɔ kɔ dé!

20 Képah yīn-á pé kɔ pé kè yah kɔ ne, pé pè we, pé mó yáhkì yāh péle. Yisrayel tǎn gbò sàhnó-á me pwáhnmo-ò nê yò, ñmo yīn-á kárn nópìle mónóle péwɔ gbǎn sɔkɔ yò.

21 Képah sɔkɔ, pé me yo Pole tyí ne, sébéy yó ntē náh wil Nsyude gběnyah, à pɔ pépi tyí ñmo Pole tyí sɔkɔ. Pé no Nsyifunɔ sɔkɔ yó ntē náh mó tǔ wil nénpó, à pɔ tir yó yo pé tyí ñ tyí sɔkɔ, képah náh pɪ, à ñ yípo yo pépi tyí.

22 Nte pépi-á pī ne, wěkì nê sɔkɔ-á ñne, pǎh me kéle n fwo ywɔ ywɔ pól sɔkɔ. Képah-á, ñmo sɔnɔ-á nēne, páh me ké tyí ne pé kè noh ñ vyāh sɔkɔ.

23 Képah tēne, pé me wē wénó yòh mo wē tyí Polele.

Lésɔ-á pɔ nɔ, wǎn tǔ mo pé wílnó yò, à pɔ Pole tyí ñ twáhntē-ñsah sɔkɔ. A me tyah à Liyel tǔrí tyíle n yo n wah pé tyí, à tɔkɔ séngbɔ tyí, pópó à pɔ nɔ ñví tyí. A sò me de Moyisi tyi kònsàhnó ànê Liyel tēntò syínyopu welo sɔkɔ, à Yesu tyíle n yo pé tyí ne, pé kè fē syi.

24 Képah sɔkɔ, túkù ñ tyi yónó fē syi, ñte túkù mó sè yahle.

25 Nte pǎh tē wekì sah kwɔ núkú yò, té n karkì gbí nēne, Pole tǔ tyínúkú yó yo pé tyí ne, gbí-á Liyel Mirki wey mēne, nê-á lésɔ Liyel tēntò syínyo-ò Yesayi yo pé náh tǎn tyí ne ñkē:

26-27 «Kùkùtǎhkì me de no nópi nno sɔkɔ.

Pè me pé níkiló tah tū,

té pé yí vike sah;

ne ñkē pé yí káh kwáh yó ntē we,

pé níkiló káh tir yó ntē noh,

pé nno kɔ sè pɔ n ye kùkùtǎhkì pínóle,

pé mó vi mo ñmo Liyel wěkì tē,

ñ kɔ mé pé we pwah mo.

Képah ye, kyɪ n yo pé tyí ne,

pǎh kɪ n nohnɪ tē wɔle, té pé náh ké tyí yah we n pi.

Pǎh kɪ n yah dyēh sē yò, té pé náh kwáh yó ntē we n pi.»*

28 Képah yóntenɔ náh, Pole tǔ yò sɔkɔ yo pé tyí ne: «Yé pī ne, Liyel-á pwáhnmoɔnɔ wey tekɪ mo névyɛ tɔ tyí, nónó náh pɪ Nsyifunɔle. Pépi tē wɔ kɪ kè noh n pi.» [

29 Wǎh képah yo sē, Nsyifunɔ yuku sɔkɔ, té me yékâble n pɪ n yuku kápékèyô pé wē wró.]

30 Képah náh, Pole ye nínó tū ñ wòkò sɔkɔ, wǎh sò nê tɔkɔ de tē. Nónó pól-á sò n wil n pɔ ñ tyí, à sò me pé pólle n tē palle.

31 A sò me Liyel tǔrí tyíle n yo névyɛ tyí, té me Tē ñgbē Yesu Krista tyile nolɛ n kwɔ nìsǎh sɔkɔ. Nñî yó ntē náh sò me ñ yahle n kɔ ké pínóle.

* 28:26-27 28.26-27 - Yah n te Yesayi 6.9-10.

Pole sébéy tékínmɔnɔlɛ Wrome tãn tyí

Tyàh-nsah weyne

Liyel ye Pole yah wilki ne à pi Yesu tẽntò névile nê-á kɪ Nìvìnì tirlɛ n yo névye tyí nónó náh pi Nsyifunɔlɛ. Yah n te Wrome tãn 1.5; Kalatɪ tãn 2.9. Nmo Pole ye wãrkɪ tekɪ mɔ sébéy mènɛ Yesu yõ sɛpú tyí, nónó-á me Wrome kwil sɔkɔ. Nósyó ye we yo pé tyí Nìvìnì tirlɛ Yesu tyí sɔkɔ, té pè me kè fɛ syi. Képah sɔkɔ, Pole me sébéy wãrkɪ tekɪ mɔ pé tyí ne, páh me ké tyí ne pé pɔ pé tɪnne, pé pɔ sóré mɔ pé sɔkɔ pé mó yõ sɔkɔ pé kólólɛ.

Kwónó nê-á à me n pi, képah yah ye à yo pé tyí n sébéy mè sɔkɔ.

A ne nkɛ Nsyifunɔ ò, ànê nónó náh pi Nsyifunɔlɛ ò, pé pól-á tyípɛl pi, pè kɔ pè náh we de Liyel tɔrí sɔkɔ. Nte pé pól tyí-á nɔ Liyel tyí. Wãh me ké tyí ne pè pé nno vi mɔ. Pè yal n mɔ tyípɛl pínólɛ, pè mó sɛ Yesu Krista yõ. Nmo-á ku pé tyípɛl yinne. Pàh kɪ sɛ nmo yõ, nmo gbò yõ pãh kɪ pi néglólɛ Liyel yah sɔkɔ. Yòbènɔrɪ-á Liyel pi pé tyí kéle. Névi nê-á sɛ Yesu yõ, tɛ wɔ náh tɔ me n pi tyípékè ànê kũ mno sɔkɔ. Tɛ-á kɪ n kɔ Tɛ ñgbɛ Yesule kúmm, té Liyel Mirki kɪ ñne n yohnɪ n mɔ. Yah n te Wrome tãn 1-8.

Pole tɔ Nsyifunɔ Yesu yáhlenɔ tyí yo n sébéy sɔkɔ. Liyel-á yòbènɔrɪ nne n pi, kè n tɛ n pne tyi pól tyí. Képah ye, à ne pé Liyel yáhlenɔ náh n yõ n sɔkɔ n pi. Yah n te Wrome tãn 9-11.

A tɔ kè yo ne, núkúnúkú Liyel-á me sãmne n mɔ névye pól sɔkɔ nónó náh pi Nsyifunɔlɛ. Pãh yĩne pè pé minne n pi yályál Liyel yah, nê tyí-á nɔ Liyel tyí. Yah n te Wrome tãn 12-15.

Sébéy tyé-nsah sɔkɔ, Pole ne páh me ké tyí ne pé yuku Wrome kwil sɔkɔ, nénpó tãn kɔ pè pé we yohnɪ mɔ pé kɔ pé yõ sɔkɔ Yesɪpayĩ yamana sɔkɔ. A ne páh n wɛkɪ Yesu yõ sɛpú pól tyí Wrome kwil sɔkɔ, nónó-á pé nɛpínólɛ.

¹ Nmo Pole nê-á Yesu Krista tɔnpule, nmo ye n wãrkɪ n tekɪ n mɔ sébéy mènɛ yé tyí. Liyel ye nmo ye pi Yesu tẽntò névile. A n wilki sah ne mé pé Nìvìnì tirlɛ n yo.

² Liyel-á n vyãh kɔ sah kéne Nìvìnì tir nê tyí sɔkɔ, à lésõ syõ n tẽntò syínyopu tyí à ké tyí yo sah n wey sébéy sɔkɔ ñgbò dùkùle.

³ N Pídí tyí ye kè n yo, nê-á ápi Tɛ ñgbɛ Yesu Kristalɛ, nmo nê-á pi yòtɛ dí Davidi pétó náhkìle n pɔndubino sɔkɔ névile.

⁴ Té wãh pɔ ku, té n lékó-á yilki mɔ, képah sɔkɔ Liyel Mirki me kè wɛkɪ ne Liyel Pídí-á ñne, tɛnwɛnɔ-á me n tyí.

⁵ Nmo gbò yõ ye nmo yòbènɔrɪ we à pi n tẽntò névile, kɪ yìkìni pól yohnɪ mɔ pè kɪ pi nmo yõ sɛpúle kɪ n sah n tyí yõ, n yĩn kɔ kè kɪ n gbilki.

⁶ Kéne yìkìni sɔkɔ névye ye yépi tɔle, Yesu Krista-á yépi nónó ye pi n tyíle.

⁷ Yépi nónó pól tyí-á nɔ Liyel tyí Wrome kwil sɔkɔ, té à me yé ye ne yé yé minne n pi péwɔ tyí yõ, yépi tyí ye mé n tekɪ n mɔ sébéy mènɛ. Mé kéle n yah n kɔ ápi Sú Liyel ànê Tɛ ñgbɛ Yesu Krista tyí ne, pè yòbènɔrɪ ànê yèvinɪne yé kɔ.

Kyɪ n yah dékè me Pole tɛ Wrome kwil Yesu yõ sɛpú tyí

⁸ Yesu Krista gbò yò, mé n wẹkɪ ń Sú Liyel ñgbò tyí yépi pól tyí sọkọ, yé Liyel yò sě́nó tyí-á sǒnpíle me n yo kẹ̀kọ̀yọ́ pól sọkọ.

⁹ Mé me tòle n pɪ Liyel tyí ń nɪ pólle ñ Pídí Nìvìnì tir yónó sọkọ. Nmo ntě ye ń tǎrfyòle ne gbímegbí, máh níríle n pɪ, máh níkěne ne n me yé tyíle n yo pé tyí.

¹⁰ Máh níkěne ne me kéle n yah n kǒ pé tyí gbímegbí ne, péwọ dyo yíi tě-à kɪ nê, pé wěkì yɪkɪ mọ n kǒ sě́ mé n kyɪ n yah yé tyí.

¹¹ Yé náh we di, pọ n yah dékè me ń kah tě yé tyí. Képah sọkọ, Liyel Mirki-á nêne n kǒ, mé kɪ pọ kéle yé kǒ, nê-á kɪ tǎhkìle yé kǒ.

¹² Képah ye kɪ á kǒ á kɪ sǒré we mọ wě sọkọ à yuku ápi Liyel yò sě́nó tyí tǐnne.

¹³ N yúnpyé, mé me ké tyí ne yé kè pǐ ne máh kè yah kǒ gbáhyí náhnáhle ne mé pọ yé tǐnne, mé pọ tò we n pɪ yǒre-á me nê tyí, sǒ-á mé pɪ kéle yìkìni téló tǐnne. Nte ké wěkì náh me tě we we, fọ́ọ à pọ syɪ núkúnúkú tyí yò.

¹⁴ Mé yǐne mè Nìvìnì tirlẹ n yo yí pípú ànê yí pǐ-ńkěpú tyí, ànê kǎrn pípú ànê kǎrn pǐ-ńkěpú tyí.

¹⁵ Képah ye, ké dékè me yíi n sọkọ ne mé pọ Nìvìnì tir yo yépi tọ tyí, yépi nónó-á me Wrome kwil sọkọ.

Tǎhkì nê-á me Nìvìnì tir sọkọ

¹⁶ Nìvìnì tir yónó sen náh me nmo tě. Liyel tǎhkì ye kéle nê-á névyẹ pólle n pwah n mọ nónó-à sě́ ké yò. Kè tyah Nsyifunọ ñgbò tyí, té pyě yíni tě névyẹ tyí nónó náh pɪ Nsyifunọle.

¹⁷ Yé náh we di, képah ye n wěkɪ kéle ne Liyel-á me névyẹle n pɪ négbíle ñ yah sọkọ ñ yò sě́nó gbò yò. N yò sě́nó ó gbò yò ye kè n pɪ, sǒ-á kéle wǎrkínsàhnóle Liyel wey sẹ́béy sọkọ ne: «Névi nê-à pɪ négbíle Liyel yò sě́nó gbò yò, tě kɪ min yèsyìkì we képah gbò yò.»*

Névyẹ pól me tyípékè mọ sọkọ

¹⁸ Yé yah, névyẹ Liyel yah tíkí pǐ-ńkě ànê pé tyítúkúnì pínó pól yǐnne, Liyel tě yǐnyò té ñ fókòvyǎhnì pè wěkɪ, pǎh sǒnpíle pé tyítúkúnì tọkọ à gbɪ yah vike.

¹⁹ Yé náh we di, névi-á fě nê pǐ n pɪ Liyel tyí sọkọ, ké sèndì náh pépile dò. Liyel ye kéle pè wěkɪ.

²⁰ Liyel tyi nónó-á sè náh n we yǐne, sépi nónó-á pɪ ñ tǎnpnènóle nê-á me tyé-ńkěne, ànê wǎh me òkú nêne tótó; sépi me fě n pne ñ tyípínó gbò yò à tọkọ kẹ̀kọ̀yọ́ mọ gbí òkú tyí. Kǎh pɪ sě́, lénò náh fě n we n pɪ névyẹ tyí pólle.

²¹ Pè ye Liyel pǐ, té pè náh fě syi gbílkinó sah ñ yò nê-á yǐne ñne. Pèpọri pínó wey nê-á yǐne ñ kǒnóle, pè náh kéle à kǒ. Nte pè pyě sǒno wǎnne pé gblǒy pilki, à pɪ lékám kě névyẹle à de fěntú sọkọ.

²² Pé gblǒy tě pínó sọkọ lékám névyẹle, pè pyě pɪ nẹwǎnne yò sǒ.

²³ Gbílkinó nê-á yǐne sàhnóle kú-ńkě Liyel yò, pè képah vi mọ n sah névyẹ, ànê kèpye, ànê gbyèhnyèh yí, ànê til til yí kètò pínsàhnónọ yò. Té névyẹ ànê kéne gběnkycọ nópi pól kɪ mó tǒ pọ n ku n pɪ.

²⁴ Képah ye Liyel ye pè kǒ pè pé pǒpǒle n pɪ, képah nê dékè-á me pé sọkọ, fọ́ọ à pọ senne n pɪ pé gblǒy tyí.

* **1:17** 1.17 Yah n te Yabakuki 2.4.

²⁵ Gbɪ nê-á yo Liyel tyí sɔkɔ, pè képah vi mɔ pi m̀ǹǹǹe. Pè mɔ mɔ Liyel sah té n̄ yí m̀ǹǹ wɔle n gbilki, té t̄le n pi sépi tyí. Nte n̄mɔ ye mó t̄ ȳine gbilkínóle tyé-ńk̄ēne. Amiina!

²⁶ Képah ye, Liyel me ye pè k̄ɔ pè sen tyi óle n pi nónó dékè-á me pé sɔkɔ. Pé syó me pèkì yah tyi vi mɔ ké gb̄ent̄enáh ȳo, me n s̄e w̄ene.

²⁷ S̄e ó ye, díbí tɔ me pèkì yah tyi vi mɔ ké gb̄ent̄enáh ȳo. Pè náh t̄o me n s̄e syóle. S̄enóle w̄ene, képah lédórí ó ye me n ko péle. Sen pí-ńk̄ē tir ye pè me n pi w̄e tyí, té mó pé m̀ǹpuno lédyáhní we nê-á ȳine péle.

²⁸ Páh yahle Liyel p̄ínóle s̄e, à me ye pè k̄ɔ pè pé s̄ono túkún̄i s̄o t̄e à pí-ńk̄ē tyile n pi.

²⁹ Tyíkn̄n̄i duke pól ye pè me n pi, àn̄e tyítúkún̄ine, àn̄e ȳisesúkule, àn̄e népékèle. Dyóyókè ó ye pé t̄le, à tahl̄i nékókè m̀ǹǹ tyí, àn̄e méwéyne, àn̄e ȳinv̄i pínóle, àn̄e nétúkún̄i tyi pínóle, àn̄e m̀ǹǹi s̄ahnóle névye ȳo,

³⁰ àn̄e névye tyí yónkònóle. Pè pi Liyel sépébíle, àn̄e vyáhsenóhk̄ipúle, àn̄e gbl̄oy gbilkípúle, àn̄e w̄engb̄il wékípúle, àn̄e pèkè yah w̄enp̄ipule, àn̄e dúbípú tyí yáhlepule.

³¹ Pè pi lékám k̄ē névyele. Páh nê yo, pè náh kéle n pi. Kùkùt̄ahk̄i névye àn̄e népíkòbi ye péle.

³² Té pè mó t̄o p̄i ne Liyel-á me kè yo sah ne, s̄enkno tyi pípú-á ȳine k̀n̄m̀ǹǹle. Nte képah fyé ȳo, pè me ȳo sɔkɔ tyi nópi pólle n pi. Té pè náh me ȳin sépi ó tyí dé, pè me mɔ s̄enkno tyi pípú t̄ole.

2

Liyel-á ki tukey nê tuke n pi

¹ Áwɔ nê-á lékàhle no télóle n k̄ɔ, wáh ki s̄o me nédúkú n̄ene, lénò wé-ńsah náh me á tyí. Á náh we di, wáh lékàhle no télóle n k̄ɔ, lékàh ye á á gbl̄oyne n k̄ɔ, áwɔ t̄o-á s̄onp̄ile me n pi pé tyí k̄ole, áwɔ nê-á lékàhle péle n k̄ɔ.

² Ápi p̄i ne ńk̄ē nónó-á kéne tyi d̀k̀ule n pi, Liyel-á ki pè tuke n pi à ȳine gbɪ w̄k̄ile.

³ Áwɔ nê-á lékàhle kéne tyi pípúle n k̄ɔ, té mó t̄o me s̄enknole n pi, á se me n s̄o ne wáh ki n pwah n pi Liyel tukey sɔkɔ?

⁴ Képah náh pi, Liyel p̄ep̄ori ñgb̄ē, àn̄e ñ f̄òk̀p̄en̄ori, àn̄e ñ s̄óm̄ǹ se á yahle m̀ǹk̀ǹóle? Á náh p̄i ne Liyel p̄ep̄ori m̄e-á ki ñ k̄ɔ á ki á n̄i vi mɔ ki tyíp̄el pínó yal mɔ di?

⁵ Nte á ník̄isekókó àn̄e á n̄i t̄áht̄ũno ȳinne, á me Liyel pl̄ole n gbah n yori n mɔ á gbl̄oy ȳo, nê-á ki n pɔ n pi ñ f̄òk̀vȳàhn̄i s̄ole, s̄o nê-á à ki névye tuke n pi à ȳine gbɪ w̄k̄ile.

⁶ A ki n̄énúkù núkú pól dyah à ȳine pé tyíp̄ín̄ine.

⁷ Nónó-á me gbah t̄e tyíp̄epl̄ole n pi, ne pé kyi ȳo ȳn̄ó we, gbilkínó mó ne n sah pé ȳo, àn̄e pé mó tyé-ńk̄ē min we, à ki tyé-ńk̄ē minne pépi k̄ɔ.

⁸ Té névye nónó-á yahle s̄ahnóle ñ tyí ȳo, té gbɪ w̄k̄i kóló yahle té pèkè pínó s̄o t̄e, à ki ñ f̄òk̀vȳàhn̄i pépi w̄k̄i, té ki f̄óhn̄ó sah pé ȳo.

⁹ Ȳevȳàhr̄i àn̄e tík̄i k̄épékè ki pi tyítúkún̄i pípú pól tyíle. Kè ki tyah Nsyifuno ñgbò tyí, té ki pɔ ȳini t̄e névye tyí nónó náh pi Nsyifunole.

¹⁰ Nte gbilkínó, àn̄e ȳo ȳn̄ó, àn̄e ȳev̄ini ki pi tyíp̄epl̄o pípú n̄énúkù núkú pól tyíle. Kè ki tyah Nsyifuno ñgbò tyí, té ki pɔ ȳini t̄e névye tyí nónó náh pi Nsyifunole.

11 Yé náh wε di, Liyel náh névyεε n wah.

12 Névyε nónó pól-á pè náh Moyisi tyi kònsàhnóε n pne té tyípêl pɪ, kéne tyi kònsàhnó vyãh náh n wε n pi pépi tyí yíkínó sɔkɔ. Nte nónó pól-á tyípêl pɪ té me Moyisi tyi kònsàhnóε n pne, pépi kɪ n tuke n pi à yĩne képahε.

13 Moyisi tyi kònsàhnó tyíyónó nóhpú náh Liyel n yah négblóε dé. Ké tyíyónó pípu ye.

14 Névyε nónó-á pè náh pɪ Nsyifunɔε, pépi náh Moyisi tyi kònsàhnóε n pne, té pé kɔ dùkù mó tɔ pɔ yĩne Moyisi tyi kònsàhnó yóréε. Kãh pɪ sɛ, képah n wɛkɪ ne pãh pèpεyne n pne pé gblɔy, Moyisi tyi kònsàhnó kɛne pé tyí.

15 Pè me kéε n wɛkɪ képah sɔkɔ ne, Moyisi tyi kònsàhnó-á nê yo ne kè ne n pɪ, kãh me pé nno sɔkɔ. Pé sɔno sɔkɔ, kèyãhle pè n ne n me lékãhle pé gblɔyne n kɔ, kèyãhle ñ te n ne n me gbɪε pé gblɔyne n kɔ.

16 Nìvìnì tir nê-á ñmɔ n yo, à yĩne képahε, Liyel kɪ syɔ Yesu Krista tyí kɪ névyε tuke n pi pé sètìn sò tyi pól tyí sɔkɔ. Lésòε, tyi nópi kɪ wilki mɔ kwèy.

Nsyifunɔ náh me Moyisi tyi kònsàhnó wãlle n kɔ

17 Yépi nónó-á ne Nsyifunɔ-á yéε, yé me yé gbò sah Moyisi tyi kònsàhnó yò, té yé gblɔyne n yò n sah ne Liyel-á me yépíε.

18 Té Liyel dyɔ yĩ-á nêne, yé kéε n pne kyó! Yáh kwónó nê we Moyisi tyi kònsàhnó sɔkɔ, képah gbò yò, yé pèpεyne n pne dò.

19-20 Kéne kwónó gbò yò, yé ne yé pnènó-á syɪ ké yìn tyí, ànê yáh gbɪ pĩ dal mɔ, té núkú yuku yítũbi yahle n tɛ, té me kyòole n mɔ fɛntũ sɔkɔ névyε tyí yé yo kè? Yé me vɪnmɔnɔε lékãm kɛ névyεε n kɔ, té me wɛnpɪ yrɔε n kwɔ yé yo kè?

21 Yé me no télóε n kwɔ, té yé náh yé gblɔy wɔε n kwɔ kè? Yé me névyεε n kwɔ ne pè káh yĩbeε n yĩ, té yépi wɔ n yĩ kè?

22 Yé ne fɔfíkì káh ne n pɪ, té yépi wɔ kéε n pɪ kè? Yé ne fal fal tãn tyí náh nɔ yé tyí póllε, té mó tɔ tãn vè yĩε n yĩ n tɔkɔlɪ kè?

23 Yé me yé gblɔyne n yò n sah ne yáh Moyisi tyi kònsàhnóε n pne, té mó tɔ me sé dèlle n pɪ. Liyel náh yé n yilɔ yò di?

24 Yé náh wε di, kè me wárkínsàhnóε Liyel wey sébéy sɔkɔ ne: «Yépi Nsyifunɔ ye yìkìnì téló kɔ pè Liyel yĩnne n yɪkɪ.»*

25 Gbɪ tɛ wɔ ye, yòre me kòkè tyí yáh me fɛ n kɔ Moyisi tyi kònsàhnó wãll yò. Nte yáh me sé dèlle n pɪ, yé kòno pɪ nònóε.

26 Kò-ñkɛ névi nê tɛ-à fyò n kɔ Moyisi tyi kònsàhnó wãll yò, Liyel kɪ tɛ mɔ kɔ kènkòbe sɔkɔ.

27 Yépi Nsyifunɔε, Moyisi tyi kònsàhnó wárkínsàhnó me yé tyí, ànê yé se mó tɔ kòkè tɔ kɔ. Té képah fyé yò, yé me Moyisi tyi kònsàhnó dèlle n pɪ. Kãh pɪ sɛ, kò-ñkɛ névyε nónó-á me Moyisi tyi kònsàhnó wãlle n kɔ, pépi ye kɪ pɔ lékãhle yé kɔ n pɪ.

28 Yé náh wε di, névi kòno náh n pɪ tɛne Nsyifule. Kòkè kòno nótólí tɔ náh n pɪ névile Nsyifule.

* 2:24 2.24 Yah n tε Nsyeremi 52.5.

29 Liyel-à névi nê ni vi mo, tẽ wo ye n pi Nsyifu yèsyìkìle. Kòkè yèsyìkì tole, Liyel Mirki ye n pi kéle ni soko, Moyisi tyi kònsàhnó náh. Nsyifu yèsyìkìle, Liyel ye n sò ònne, névi náh.

3

Névyé pól me pìlkínó soko

1 Wáh pi Nsyifule té kòkè kò, yõre se me ké tyí?

2 Ké yõre me gblo yey yey pólle. Pépi ògbò gbò soko ye Liyel dahbi ò weyne.

3 Nte à, pépi soko tókù-á yahle kólóle ké wèkì yõ, képah se ki po Liyel to ko à ki yahle kólóle ò tyi yónó sò?

4 Jú dé! Névyé pól sénsò me mìnnyobele, òte kè yĩne kè ne me píkínóle ne Liyel wo-á n ko ò tyiyónó sò, sò-á kéle wárkínsàhnóle ò wey sébéy soko ne:

«Á tyiyónó yĩne kè kè wèki ne gbi yó-ò-á ále.

Páh ále n tuke, gbi yĩne kè we á tyí.»*

5 Nte ápi kèkínó-à ki po kè kò kè we pi ne Liyel-á me tómm à, á ki tã yo sò wé? Képah se n wèki ne Liyel náh me n ko gbi wèkì yõ, wáh ò fòkònyàhnì soko fòhnóle n sah á yõ? — Névi yòtàhsyi sò dùkù ye mé yah té kéle n yo.

6 Jú dé! Káh me sè, té Liyel ki tuke sò kèkòyó névyele wé?

7 Nte òmo mìnì yónó-à ki me kè wilki mo ne Liyelle, gbi Liyel-á ònne ò yĩn kò kè ki n gbilki à, sò pi té lékàh ki tã òmole n kò á ki ne tyípékè pí-ò sò ònne?

8 Té névyé yĩn yíkípú yísyó ne, ápi-á me n yo ne pèkè-á yĩne kè ne n pi, nê-á ki n po n pi pèpòrile. Lékàh ye yĩne kéne névyé dùkù kónóle.

9 Á yĩne à yo sò yò wé? Ápi Nsyifunò se fónfó névyé téló yõ? Pólle! Yé náh we di, mé ye kè yo wah te ne Nsyifunò ànê nónó náh pi Nsyifunole, pé pól-á me tyípékè mno soko,

10 sò-á kéle wárkínsàhnóle Liyel wey sébéy soko ne:

«Négbí náh me pólle.

Nénúkù ntè fyé náh me.

11 Lékám névi náh me pólle.

Nnì yó ntè náh me Liyelle n yah n kò.

12 Pé pól ye wèkì pèpèy fin mo, té me mo pu wè tyí.

Ney náh me nê-á me tyípépèyne n pi.

Nénúkù ntè fyé náh me.†

13 Pé yìngbàhlò me léyâl yey yíkínmònsàhnó sò.

Pè névyele n vi n tẽ pé nènpórile.‡

Pé vyèy welo me wahy sohri sò.§

14 Plò yènmòno welo ànê wènpèl ó n ne n wil pé vyèy soko.*

15 Káh pi nékókè mó-nsah yúkúnó wole, pé gbàhkì n ne n sal képah sò.

16 Pépi syò-ntàn pól soko, pé yíkínó ànê pèkè ó kókóle n pi.

17 Yèvinu wèkì tènne, pé náh képahle n pne.†

18 Pè náh Liyel yah tíkile n pi pólle.»‡

* 3:4 3.4 - Yah n te Gbálnó 51.6. † 3:12 3.10-12 - Yah n te Gbálnó 14.1-3 ; 53.2-4. ‡ 3:13 3.13 - Yah n te Gbálnó 5.10. § 3:13 3.13 - Yah n te Gbálnó 140.4. * 3:14 3.14 - Yah n te Gbálnó 10.7. † 3:17 3.15-17 - Yah n te Yesayi 59.7-8. ‡ 3:18 3.18 - Yah n te Gbálnó 36.2.

19 Nte á mó tã pĩ ne, Moyisi tyi kònsàhnó-á tyi nónó pólle n yo, sãh me sé yey mo sé wãl kópú finne pé vyëy tũ yinne, ànê lékàh we yinne kèkòyó névye pól tyí Liyel yah sòko.

20 Képah ye, ònî yó òtê nãh n pĩ n pi négbíle Liyel yah sòko Moyisi tyi kònsàhnó gbò yõ. § Yé nãh we di, Moyisi tyi kònsàhnó yõre-á nêne, tyípékè ye kè névyele n wëkĩ.

Névyé-á n pi négbíle òkù nêne Liyel yah sòko

21 Nte núkúnúkú, Liyel ye kè wëkĩ ne páh me névyele n pi négbíle pé yah sòko. Moyisi tyi kònsàhnó vyãh nãh me ké sòko. Kéne tyi kònsàhnó ànê Liyel tẽntò syínyopu sébéynó òtê kè yo ó.

22 Yesu Krista yõ sãnó gbò yõ ye Liyel névyele n pi négbíle ò yah sòko. Nê tẽ-à fyò sã Yesu Krista yõ, Liyel tẽ pi négbíle ò yah sòko. Yé nãh we di, wãhkì nãh me ké sòko dò.

23 No pól ye tyípél pi, pé kã pé tẽkĩ Liyel tãrí sòko.

24 Nte Liyel yòbènrĩ pi pé tyí, à pé pi négbíle ò yah sòko nònóle Yesu Krista gbò yõ, òmò nê-á pwah mo péle tyípékè sòko.

25 Yesu Krista ye Liyel tãko kã sárkãle, ne ò tó kwénó gbò yõ, nónó-á sã ò yõ, pé tyípél yõ n mo pé kã. Képah ále n wëkĩ ne Liyel-á me tómm. Ngbòle, à nãh lésò me névyé tyípèlle n mo n kã,

26 à lésò me sòmnole n pi. Nte núkúnúkú, à me séle n mo n kã, té mó tã me névyele n pi négbíle ò yah sòko, nónó-á sã Yesu Krista yõ. Képah n wëkĩ ne wãh me tómm té me névyele n pi négbíle ò yah sòko.

27 Gblõy gbílki-nsah se tã me névi tyí? Ó ò dé. Nte kwãh nê pi wé? Kè nãh tã me á kĩ ne pé tyípínì sã me n mo n kã, Yesu Krista yõ sãnó ye me n mo n kã képah ye.

28 Yé nãh we di, ápi kĩ fẽ kè yo ne névi Liyel yõ sãnó ó gbò yõ-á tẽ n pi négbíle Liyel yah. Kè nãh me á kĩ ne Moyisi tyi kònsàhnó wãl kóló gbò yõ sã.

29 Tòdĩ Liyelle, Nsyifunó ó Liyel se òne? No tóló to Liyel nãh òne di? Awe, no tóló to Liyel ye òne,

30 òmò ó-á sònpíle pi Liyelle. Òmò ye kĩ Nsyifunó pi négbíle ò yah sòko ò yõ sãnó gbò yõ, té kĩ tã no tóló to pi négbíle ò yah sòko ò yõ sãnó gbò yõ.

31 Nte kãh pi sã, Liyel yõ sãnó se me po á kã á me Moyisi tyi kònsàhnóle n pi yõre kã kwãhle? Ó ò dé, yõre ye pyè á kéle n kã yò òkã.

4

Liyel yõ sãnó gbò yõ ye Abrahami pi négbíle

1 Sã me ápi kĩ yo Abrahami tyí sòko, òmò nê-á á nãh neyne? Kwãh nê me à fẽ we ò yẽngbẽ tãhkìle?

2 Abrahami tyípínì yĩn-à sò ne Liyel à pi négbíle ò yah sòko, à nãhkĩ sò fẽ ò gblõyne n yõ n sah kè. Nte à nãh fẽ képah pi Liyel yah sòko dé.

3 Kè me wárkínsàhnóle Liyel wey sébéy sòko ne òkã: «Abrahami sã Liyel yõ, Liyel mó à pi négbíle.»*

§ 3:20 3.20 - Yah n tẽ Gbálnó 143.2. * 4:3 4.3 - Yah n tẽ Yenesi 15.6.

⁴ Nte kàh me tò pínó wěkì yõ, tònpi ye n we ò tò pínó lédyáhníne. Nònó nàh à we kéle dé. A yíne ké wénóle.

⁵ Nte sě nàh kéle Liyel tě wɔ tyí dé. Névi nê-à sɔ tôle n pí-ńkēne té fyò me sě ò yõ, òmɔ nê-á tyípêl pípúle n pi négbłóle, képah gbò yõ ă tě pi négbíle.

⁶ Liyel-á névyne nónóne n pi négbłóle ò yah sɔkɔ pé tyípínì mónkò-ńkēne, yòtě dí Davidi pé òvìvì wénó tyí yo ne ńkē:

⁷ «Névyne nónó pílkí-ńtân-á yõ mɔ pè kɔ, té pé tyípêl me niri pé tyí, pépi tyí nɔ.

⁸ Tě ògbě-à névyne nónó tyípêl mónkò-ńkēne, pépi tyí nɔ.»†

⁹ Kéne òvìvì mène, Nsyifunɔ ó tyí nàh kéle dé, nónó nàh pi Nsyifunɔle pépi tɔ tyí ye. A kè yo sě yò ne, Abrahami Liyel yò sěńó-á à pi négbíle Liyel yah.

¹⁰ Nte gbí nê me Liyel pi òne négbíle? N kò-ńkē gbí sɔkɔ se, tí ò kònteno nàh sɔkɔ se? Jǔ, ò kònteno nàh sɔkɔ nàh dé, ò kò-ńkē sɔkɔ ye.

¹¹ Képah nàh sɔkɔ ye Liyel à kɔ à kòkè kɔ. Kéne kòkè kéle n wěki ne wàh à pi négbíle ò yah sɔkɔ ò yò sěńó gbò yõ ò kò-ńkē gbí sɔkɔ. Kàh pi sě, kò-ńkē névyne nónó-á sě Liyel yò, té pi négbłóle Liyel yah, Abrahami pi pépi súle Liyel yah.

¹² Té pi kènkòbe tɔ súle, nónó-á pè nàh me n yah pé kòńó ó tyí, pè me sě Liyel yò Abrahami tyí kòle gbí nê-á à nàh tǔnì sò me kɔ.

Abrahami Liyel yò sěńó gbò yõ ye Liyel ò vyāhle òmɔ ànê ò nàh tǎn kɔ

¹³ Yé yah, Liyel-á ò vyāhle Abrahami ànê ò nàh tǎn kɔ ne páh ki kèkòyóle pè kɔ, kè nàh pi á ki ne Abrahami-á n kɔ tyi kònsàhnó wàl yò képah yín sɔ dé, ò pínó yín ye négbíle Liyel yò sěńó gbò yõ.

¹⁴ Liyel-á ò vyāh kɔ nê tyí sɔkɔ, kàh sò me pi ne tyi kònsàhnó wàl kónó gbò yò sɔ képah n we, yò se nàhki tǔ me ò yò sěńó ànê ò vyāh kónó mè tyí?

¹⁵ Yé nàh we di, tyi kònsàhnó ye n yilki n mɔ Liyel fòkòvyāhníne. Tyi kònsàhnó-à n kne ńyāh sɔkɔ, ké dèl nàh fě n pi nénpó.

¹⁶ Liyel-á ò vyāh kɔ nê tyí sɔkɔ, ò yò sěńó gbò yõ ye képah n we. Képah ki pi yòbènríle Abrahami nàh tǎn pól tyí. Té kè nàh pi ne tyi kònsàhnó wàl kópú ó tyí sɔ à pi kéle dé. Nónó pól tɔ-á sě ò yò Abrahami tyí kòle, pépi pól tyí ye à pi kéle. Yé nàh we di, Abrahami ye á pól súle,

¹⁷ sɔ-á kéle wárkínsàhnóle Liyel wey sébéy sɔkɔ ne: «Áwɔ ye mé pi kwlo kwlo nàhnàh.»‡ Nmɔ ye ápi súle Liyel yah sɔkɔ, wàh sě nê yõ. Nmɔ Liyel ye n yilki n mɔ lékyíle, té yíle n mɔ ò vyāh weyne nónó nàh sò me.

¹⁸ Tir nê-á kè nàh sò me gbò sah sah tēne ké yõ, Abrahami ò gbò sah képah yõ. A sě Liyel yò, képah yínne Liyel me à pi kwlo kwlo nàhnàh névyne súle, sɔ-á lésò à yo kéle ò tyí ne, ò nàh tǎn-á ki pi dò.§

¹⁹ Té légbíne, Abrahami sò kè we ne páh wah mɔ nàhnàh. A sò me ye lèkwě vyāh yah sɔkɔ. N kyí Sara tɔ píki sò sɔkɔ te. Nte képah fyé yõ, wílkínó nàh pi ò Liyel yò sěńó sɔkɔ.

† 4:8 4.7-8 - Yah n te Gbálnó 32.1-2. ‡ 4:17 4.17 - Yah n te Yenesi 17.5. § 4:18 4.18 - Yah n te Yenesi 15.5.

20 A nãh tètò pɪ sɛnóle Liyel vyãh kɔ́nó mè yõ. Nte à tãhkì we Liyel yõ sɛnó gbò yõ, à Liyelle n gbilki.

21 N sɛnyĩnɔ sò me ké yõ ne, Liyel-á n vyãh kɔ́ tir nê tyí sɔkɔ, tɛnwɛnɔ-á me n tyí kɪ fɛ̀ kè pɪ.

22 Képah ye, Liyel me à mɔ kɔ́ négbíle n yah sɔkɔ.

23 Té kãh wãrkɪ sah Liyel wey sébéy sɔkɔ ne: «Liyel à mɔ kɔ́ négbíle.» Kè nãh pɪ ne Abrahmɪ ó yĩn sɔ́ dé;

24 ápi tɔ yĩn ye, ápi nónó Liyel yõ sɛnó-á kɪ n mɔ n kɔ́ n pi, áyáh sɔ́npíle sɛ́ Liyel yõ nê-á Tɛ̀ ñgbɛ́ Yesu lékó yilki mɔ.

25 Á lésò ko mɔ ápi tyípêl yĩnne, té Liyel me n lékó yilki mɔ ápi pɪ yĩnne négbíle Liyel yah sɔkɔ.

5

Névyé wró kwrónmɔnɔle Liyelle n yõ sɛnó gbò yõ

1 Ápi-á pɪ négbíle Liyel yah n yõ sɛnó sɔkɔ sɛ́, yèvinɪ we á wró ñne á Tɛ̀ ñgbɛ́ Yesu Krista gbò yõ.

2 Yòbènrɪ nê wɛ̀kì-á yɪkɪ mɔ á tyí té ále ké sɔkɔ yò, ñmɔ ye dah mɔ ále ké sɔkɔ Liyel yõ sɛnó gbò yõ. Té á gbò sàhnó-á me ké yõ ne áyáh kɪ Liyel tɔ́rɪ we n pi, kè me yɔ́nóle á tyí.

3 Té à wil képah sɔkɔ, yèvyãhrɪ ñtɛ́ tɔ pínó me yõ yɔ́nóle ápi tyí. Yé nãh we di, á pĩ ne ñkɛ́ yèvyãhrɪ pínó-á névile n pɪ gbáhntɛ́-òle,

4 gbáhntɛ́nɔ mɔ névile n pɪ tɛ́nwɛ-òle mɔnyahnɔ gbíne. Névi-à pɪ tɛ́nwɛ-òle mɔnyahnɔ sɔkɔ, ñmɔ gbò sàhnó n ne n me Liyel yõ.

5 Nte ápi ñìgbèkì-á me Liyel sɔkɔ òkù nêne, à kéle á wɛ̀kɪ n Mirki gbò yõ wãh képah nêne á kɔ́. Képah ye névi nê-à n gbò sah n yõ, sen nãh tɛ́ tɛ́ n pi.

6 Yé nãh we di, Liyel-á gbí nê yah tɔkɔ sah, kãh pɔ nɔ, Krista ku tyípêl pípú pwah n mɔ yĩnne. Té légbíne, ápi lésò me tãhkì kɛ́ne á sɔkɔ.

7 Névi nê-á kɪ fɛ́ syi n ku n pi négbí yĩnne, tɛ́ wénó kɪ tah. Gbòkénpɪ ñnì kɪ fɛ́ fɛ́ syi ku pèpɔrɪ pí-ò wɔ yĩnne.

8 Nte Liyel-á kéle á wɛ̀kɪ òkù nêne ne á tyí-á nɔ pé tyí, kè we yò: Ápi lésò me á tyípêl sɔkɔ sɛ́ té Krista ku á pwah n mɔ yĩnne.

9 Té núkúnúkú, áyáh fyò pɪ té négbíle Liyel yah sɔkɔ Krista kúnó gbò yõ, Liyel fòkòvyãhnì wɔ yah se pyè à kɪ n ye n pi kò́nóle á tyí?

10 Áyáh lésò me Liyel sépébéle, à á wró tɔ́ sah ñne n Pídí kúnó gbò yõ. Té n Pídí tɛ́-á fyò me min sɔkɔ, à se kɪ pyè n ye n pi á pwáhnmɔnɔle?

11 Té kè nãh yĩn képah ó tyí dé, kè tɔ́ me yõ yɔ́nóle á tyí Liyel yah sɔkɔ Tɛ̀ ñgbɛ́ Yesu Krista yĩnne, ñmɔ nê-á á wró tɔ́ sah Liyelle.

Tyí nónó-á we Adama tyí sōwãh ànê nónó-á we Yesu tyí sōwãh

12 Yé yah, nénúkú yó yĩn ye tyípékè de kèkòyó. Kéne tyípékè ye yɔrɪ mɔ kũne. Té névyé pól me kũ mɔ sɔkɔ, pé pól-á sɔ́npíle tyípékè pɪ...

13 Moyisi tyi kònsàhnó pɔ tyípékè we kèkòyó. Ké pò-ñkɛ́ gbíne, tyípékè mè nãh sò me n mɔ n kɔ́.

14 Té sépinó pól sɔkɔ, à tɔkɔ Adama gbí tyí, pópó à pɔ nɔ Moyisi gbí tyí, névyé pól sò me kũ mɔ sɔkɔ. Pè nãh sɛ́nsò tyípékè pɪ Adama tyí kɔ́le ñmɔ

nê-á Liyel dêl pi, ñte kũ sò me péle n tẽ. Névi nê-á sò yĩne à pɔ, Adama pi ñmo kètòle.

¹⁵ Ñte tyípékè nê-á pi, kè náh me sãh yah yah tẽne yòbènrùle Liyel-á nẽne n pi. Gbɩ ye, nénúkù tẽ wɔ tyípékè yĩn ye névyè nánháh ku ó; ñte Liyel-á yòbènrù nê pi á tyí, ànê wãh syõ Yesu Krista to gblõy núkúní tyí à pèpɔri nê pi nékwínkí tyí, sépi ye kal.

¹⁶ Liyel-á pèpɔri nê pi, ké swɔ náh me núkúle nénúkù tyípékè mè tyíle. Yé náh we di, nénúkù tyípékè yĩn ye lékàh we. Ñte névyè tyípèl nánháh pínteno náh ye Liyel yòbènrù pi pé tyí à pè pi néglólè ñ yah sòko.

¹⁷ Gbɩ tẽ wɔ ye nénúkù tyípékè ye mɔ névyèle kũ mɔ sòko ó, ñte Liyel-á yòbènrù ñgbẽ pi nóno tyí à pè pi néglólè ñ yah sòko, pépi kɩ me min sòko Yesu Krista gblõy núkúní gbò yõ, kɩ tóríle n pi.

¹⁸ Sõ-á nénúkù tyípékè pínó lékàhle no pól yĩni tẽ, sẽ ó ye, nénúkù tyípépèy pínó yĩn ye no pól kɩ fẽ pi néglólè, nê-á kɩ pè kõ pè kɩ tyé-ńkẽ min we.

¹⁹ Sõ-á nénúkù Liyel yóré yáhleno pɔ kéné névyè nánháh kõ pè pi tyípèl pípúle, sẽ ó ye, nénúkù Liyel yóré fẽnsyinɔ yĩn ye névyè nánháh kɩ pi néglólè Liyel yah sòko.

²⁰ Tyi kònsàhnó tẽ wɔle, képah ye pɔ tyípèl kõ sè kwel. Té tyípèl-à kwel nyãh sòko, Liyel n mó yòbènrù pi nénpó sòko nê-á kal sépile.

²¹ Kãh pi sẽ, sõ-á tyípékè névyè pól dahbɩ kũ mɔ sòko, sẽ ó ye, yòbènrù nê-á Liyel n pi névyè tyí à péle n pi néglólè, képah to kɩ tyé-ńkẽ minne pé pól kõ ápi Tẽ ñgbẽ Yesu Krista gbò yõ.

6

Nê-à kwrɔ mɔ Yesu Kristale, tẽ kɩ min pi òkù kɩ vi mɔ pi sãne

¹ Sõ me ápi kɩ yo yò wé? Á se yĩne à yõ n sòko tyípèl pínó sòko, Liyel kõ à yòbènrùle n gbah n pi á tyí?

² Jó dé! Ápi á náh vi tyípèl pínó kõ á kɩ ne á sɔ ku. Té á kɩ pi sɔ té kɩ tɔ pɔ á minne n pi tyípèl pínó sòko?

³ Yé náh pĩ ne, ápi nóno pól-á wel wilki ni sòko à kwrɔ mɔ Yesu Kristale, á wènwìlkínó mè-á me á kɩ ne kúnó sɔ ápi to ku ñne wẽ tyí di?

⁴ Wènwìlkínó mè sòko, ápi to ye ku ñne wẽ tyí, té yĩ ñne wẽ tyí. Té ñ lékó-á yilki mɔ Sú Liyel tẽnweno ñgbẽ gbò yõ sɔ, sẽ ye ápi to min pi òkù vi mɔ pi sãne.

⁵ Yé náh we di, áyáh fyò kwrɔ mɔ ñne à kũ òkù núkú ku, ápi to lékyí kɩ pɔ n yilki n mɔ n pi ñmo tyí kòle.

⁶ Á yĩne à pĩ ne áyáh sò me n pi òkù nẽne ñgbòle, áyáh képah kwrɔ mɔ syɩ Kristale dahɩ yõ à ké tyí yikɩ, té we wil tyípékè yõri sòko.

⁷ Yé náh we di, névi nê-à ku, tẽ vyãh n de tyípékè pínó sòko.

⁸ Té áyáh fyò ku ànê Kristale wẽ tyí, á sɛnó me ké yõ ne áyáh kɩ á min pi ñne wẽ tyí.

⁹ Ápi pĩ ne Krista lékó-á yilki mɔ, à náh tɔ n ku n yah n pi, kũ náh tɔ tẽ we n pi ñ tyí.

¹⁰ Wãh kũ nê ku yò, tyípèl tyí yikɩ yĩn ye kúmm à ku. Ñte núkúnúkú wãh me min sòko, à me ñ minne n pi Liyel tyí yõ.

11 Sě ó ye, yépi to yĩne yè pĩ ne yáh yé náh vi tyípêl pínó kǒ á kɪ ne yé sǒ ku, té me min sǒko Liyel tyí yǒ yé wró kwrónmɔnɔ gbò yǒ Yesu Kristale.

12 Gbǐ nê-á ye me min sǒko kèkǒyó mè sǒko yò, yé káh tǒ ye tyípékè pɔ fyǎh yé yǒ, kè pɔ yéle n mɔ yé dyɔ dyɔ tyi pínó sǒko dé.

13 Yé káh tǒ yé wil gběnsê tǎntǎne tyípêlle n pɪ á kɪ ne tyípékè sǒ n tē yé yahle dé. Nte yé yé gblǒyne Liyel kǒ. Yé me á kɪ ne yé sǒ ku té yé lékyi me yilki mɔ. Yé yé wil gběnsê tǎntǎn pól fin mɔ Liyel kǒ sè pɪ tyígbłó pɪ pɪ tǔnpìyíle.

14 Tyípékè náh tǒ n dɔko n tē n pɪ yé yǒ pólle. Yé náh tǒ me Moyisi tyi kǔnsǎhnó gbò sǒ sǒko dò. Liyel-á yǒbènɔri nêne n pɪ yé tyí, kèpah gbò sǒ sǒko ye yéle.

Gbi wěkì kólóle Liyel yah sǒko

15 Á yĩne à yo sǒ yò wé? Ayáh fyò me yǒbènɔri gbò sǒ sǒko, té á náh tǒ me Moyisi tyi kǔnsǎhnó gbò sǒ sǒko, kèpah se yó n wěkɪ ne tyípêl pínó wěkì-á yɪkɪ mɔ á tyí? Íǒ dé!

16 Yé náh pĩ ne níkě yáh tǔle n pɪ ònì yó tyí yǒbɪ sǒ yéle, té n sah ò tyí yǒ, yè n pɪ tē yǔle kègbɪ yǒ di? Sě ó ye, yáh n sah tyípékè tyí yǒ, yè n pɪ ké yǒbɪle, ànê kè n pɔ kũne. Té yáh n sah Liyel tyí yǒ, yè n pɪ ò yǒbɪle, ànê kè n pɔ gbɪ wěkì kólóle.

17 Yé lésò me tyípékè yǔri sǒko. Nte yáh kwónó nê we, kèpah gbò yǒ, núkúnúkú yé me n sah Liyel yóré yǒ yé nno pólle. Kǎh pɪ sě, á ye wéki Liyel tyí.

18 Yé wil tyípékè pínó sǒko, té de gbɪ wěkì kóló sǒko.

19 Yépi tyi yah yáhnkwłɔnɔ ye n kǒ mé tyi nópɪle n yo à yĩne névyè pɪ dükùle yò. Ngbòle lésò, yáh yé wil gběnsê tǎntǎn pólle pǒpǒ ànê tyítúkúnine n pɪ, à Liyel délle n pɪ sǒ; núkúnúkú, yé séle gbɪ wěkìle n kɔ, yè n ne n me wìkìnsǎhnóle Liyel tyí yǒ.

20 Yáh lésò me tyípékè yǔri sǒko gbǐ nêne, ney náh me yéle n kyĩ n mɔ ne yé gbɪ wěkìle n kɔ.

21 Kéne tyi nónó-á lésò yé n pɪ, kwáh nê me yé we sǒko sé sǒko, à wil sen tyí sǒko, nê-á me yé yǒ kwey mè sǒko? Sépi tyé-ńsahle kũ ye dò.

22 Nte núkúnúkú, Liyel-á yé wilki tyípékè yǔri sǒko, yé me tǔle n pɪ òmɔ tyí, nê-á kɪ yé kǒ yé kɪ me wìkìnsǎhnóle ò tyí yǒ, té kɪ tyé-ńkě min we n pɪ ké tyé-ńsah.

23 Yé náh we di, tyípékè lédyáhnine, kũ ye. Nte Liyel-á kwáh nêne n yĩ névyele n kǒ, tyé-ńkě min ye. Á kèpahle névyele n kǒ pé wró kwrónmɔnɔ gbò yǒ Yesu Kristale, òmɔ nê-á ápi Tě ògběne.

7

Yesu yǒ sěpú wìlnóle Moyisi tyi kǔnsǎhnó yǔri sǒko

1 N yúnpyé, yé tyi kǔnsǎhnóle n pne. Kèpah ye, máh kɪ nê yo n pɪ yé tyí, ké sèndi náh yéle. Névi tē-à fyò me min sǒko, à me tyi kǔnsǎhnó gbò sǒ sǒko.

2 Sě ó ye, sê nê-à de pe tyí, ò pe tē-à fyò me min sǒko, à me òmɔ tyí yǒ fúr wěkì sǒko. Nte tē pe-à fyò pɔ yah kwłɔ, à kɪ me ò gblǒy yǒ fúr wěkì sǒko.

³ Té wàh de dí káhkí tyí té ò pɛ sah min sɔkɔ, à kɪ n ye fɔ́fɪnpɪlɛ. Té ò pɛ-à fyò pɔ yah kwɔ, à kɪ mɛ ò gblɔ́y yò fúr wěkì sɔkɔ. Wàh de dí káhkí tyí, fɔ́fɪkì nàh kɛpahɛ.

⁴ Kɛpah núkú ó ye ò yúnpyé, yépi wró-á kwɔ mɔ Kristalɛ, kè mɛ á kɪ nɛ yé tɔ sɔ́ ku ònɛ. Kàh pɪ sɛ́, yé nàh tɔ́ mɛ Moyisi tyi kònsàhnó gbò sò sɔkɔ. Ntɛ ò lékó-á yilki mɔ, yé mɛ òmɔ tyí yò núkúnúkú, nê-á kɪ á kɔ́ á kɪ Liyel dyɔ dyɔ tyilɛ n pɪ.

⁵ Yé nàh wɛ di, áyáh lésò mɛ á dyɔ dyɔ tyilɛ n pɪ gbí nêɛ, Moyisi tyi kònsàhnó lésò mɛ tyípekè dékè kɔ́ kè á tɛ́, á kɔ́ á mɛ tyilɛ n pɪ nónó-á kɪ kũɛ á yĩni n tɛ́ n pɪ.

⁶ Ntɛ núkúnúkú kwàh nê yòrɪ sɔkɔ-á lésò áɛ, áyáh á nàh vi kè kɔ́ á kɪ nɛ á sɔ́ ku, á ye wil Moyisi tyi kònsàhnó gbò. Té núkúnúkú á kɪ tɔ́ɛ n pɪ Liyel tyí pɪ òkù késánnɛ ò Mirki gbò yò. Kè nàh tɔ́ n pɪ n pɪ ògbò tyí kɔ́ɛ gbí nê-á sò á mɛ Moyisi tyi kònsàhnó wáarkínsàhnó gbò sò sɔkɔ.

Moyisi tyi kònsàhnó-á tir nêɛ n pɪ

⁷ Sɔ́ mɛ ápi kɪ yo yò wé? Tyípekè se Moyisi tyi kònsàhnóɛ? Ó́ sɔ́ dé! Sépi gbò yò ye òmɔ pɪ tyípekèɛ. Sépi-à sò mɛ yó-òkɛɛ nɛ òkɛ: «Káh yíwilkɛ n pɪ!» Mé se nàhkɪ pɪ nɛ tyípekè-á yíwilkɪ pínóɛ?

⁸ Kàh pɪ sɛ́, tir kònsàhnó mɛ ye wěkì ykɪ mɔ tyípekè kɔ́ kè wɛ syò à òmɔ mɔ yíwilkɪ duke pól pínó sɔkɔ. Yé nàh wɛ di, Moyisi tyi kònsàhnó-à sò mɛ n kɛ, tãhkì nàh n wɛ n pɪ tyípekè sɔkɔ.

⁹ Moyisi tyi kònsàhnó pó-òkɛ gbíɛ, òmɔ sò mɛ min sɔkɔ. Ntɛ tir kònsàhnó-á fyò pɔ, tyípekè tãhkì wɛ

¹⁰ à pɔ òmɔ min syi. Kéɛ tir kònsàhnó nê-á sò yĩɛ kè pɔ òmɔ kɔ́ mɛ min wɛ, kɛpah ye pyé pɔ kũɛ òmɔ yĩni tɛ́ yò sɔ́.

¹¹ Tyípekè ye syò tir kònsàhnó tyí à òmɔ pilki, té kũɛ ò yĩni tɛ́.

¹² Kàh pɪ sɛ́, Liyel tyi kònsàhnó pól mɛ yáɣál. Sè mɛ gbɪ wěkì yò, té mó tɔ́ mɛ plɛ.

¹³ Sépi nónó-á mɛ plɛ, sépi se n mɔ òmɔɛ kũ sɔkɔ? Ó́ sɔ́ dé! Tyípekè ye. Sɛ́ ye kè wěkì dal mɔ ké gblɔ́y òkùɛ kwèy. Kè pil pèpɛy nàh, té ò fike ko. Sɛ́ ye tyípekè pil pèpɛy nàh té gbah peke tir kònsàhnó gbò yò.

Névyɛ mɛ tyípekè mɔ sɔkɔ

¹⁴ Á pól pɪ yíi nɛ Moyisi tyi kònsàhnó-á wil Liyel tyí. Ntɛ òmɔ gblɔ́y dyɔ dyɔ tyi pínó sɔkɔ, mé mɛ yò sɔ́ ònɛ pè tɛ́ yãm tyípekè tyí.

¹⁵ Kègbɪ yò, máh nêɛ n pɪ, mé nàh ké òkùɛ n pɛ. Mâh mɛ ké tyí nɛ mé pèpɛy nê pɪ, mé nàh kɛpahɛ n pɪ. Té ò òkù-á nê wɔɛ, mɛ n pyé kɛpahɛ n pɪ.

¹⁶ Ntɛ mâh ò òkù tirlɛ n pɪ, mé sah ké yò nɛ Moyisi tyi kònsàhnó-á mɛ plɛ.

¹⁷ Kàh pɪ sɛ́, òmɔ nàh n pɪ kéɛ yò dé, tyípekè nê-á ò sɔkɔ, kɛpah ye n pɪ kéɛ.

¹⁸ Yé nàh wɛ di, tyípèpèy yó òtɛ́ nàh mɛ ò gblɔ́y dyɔ dyɔ tyi sɔkɔ. Tyípèpèy pínó sòɔ mɛ ò sɔkɔ, té ké fɛnpɪnɔ tãhkì nàh n wɛ ò sɔkɔ.

¹⁹ Mâh mɛ ké tyí nɛ mé tyípèpèy nê pɪ, mé nàh kéɛ n pɪ. N té n pyé pèkè wɔɛ n pɪ nê tyí nàh nɔ ò tyí.

20 Nte mâh ní dël tirlé n pi, nímó náh n pi kéle yò dé, tyí pékè nê-á ní sòkò, képah ye n pi kéle.

21 Mâh nê kyomí we ní gblöy sòkò, kè we yò: Mâh me ké tyí ne mé tyí pépèy pi, pékè ó n ne n yĩn ní yah.

22 Liyel tyi kònsàhnó tyí nò yíí ní tyí ní nì pólle.

23 Nte mé kè kyomí we ne, sépi nónó tyí-á nò yíí ní tyí, mâh ne mé sé wàlle n kò, kwâh yó n we ní sòkò nê-á me séle n fwo. Kéne kwâh ye mò sah nne tyí pékè yòri sòkò.

24 N yãm pínó dùkù tēne n yah yò lé! Nê tē ó kú pò we syi fin mò nne kéne kwâh tyí, képah nê-á n mò ní yò kũne?

25 Liyel ye, ápi Tē ngebē Yesu Krista gbò yò. Gbílkinó ne n sah n yò képah yinne.

Mâh ne mé kè yo yòtukule, Liyel tyi kònsàhnó wàl kóló tyí me ní tyí ní nì sòkò. Nte ní gblöy dyò dyò tyi pínó sòkò, mé me tyí pékè yòri sòkò.

8

Névi nê-á ye Liyel Mirki kò kè n yahle n tē

1 Núkúnúkú tēne, nónó wró-á me kwrónmònole Yesu Kristale, Liyel tukey náh tō n syiki n pi pé yò.

2 Yé náh we di, Liyel Mirki nê-á minne névile n kò tē wró kwrónmòno gbò yò Yesu Kristale, képah ye we wilki nímòle tyí pékè ànê kũ mno sòkò.

3 Moyisi tyi kònsàhnó náh sò fē képah pi n pi dò. Névyé gblöy dyò dyò tyi pínó sò me kán pi kéle képah ye. Káh pi sē, Liyel me n Pídí tekú mò à pò dubi névi wil dùkùle n tyí ápi tyípèl pípú tyí kòlò, té ku ápi tyípèl yinne, sé tyí we n yiki yinnne névyé sòkò.

4 Ápi nónó-á á dyò yíí tyi we ye, té Liyel Mirki sò tē. Liyel kè pi ne á fē tyi kònsàhnó tyíyónóle n pi. Képah ye à kò à képah pi.

5 Yé náh we di, névi nê-à ye n dyò yíí tyi yah syi n tyí, tē sòno n ne n me n dyò yíí tyi ó yò. Nê-à mó ye Liyel Mirki yah syi n tyí, tē sòno n ne n me Liyel Mirki dyò yíí tyi ó yò.

6 Wâh á dyò yíí tyi sò tē, ké syi-nsah n pi kũne. Té wâh Liyel Mirki dyò yíí sò tē, ké syi-nsah n pi yèvini ànê tyé-ńkē min wénóle.

7 Kègbi yò, névyé nónó dyò yíí tyi-á yah syi pé tyí, Liyel sépébi ye péle pãh sònpíle yahle sàhnóle Liyel tyi kònsàhnó yóré yò. Pè náh fē sé wàl kò n tēne dò.

8 Té névyé-à pé gblöy dyò yíí tyile n pi, Liyel yí náh n yuku péle.

9 Yépi tē wòle, yé náh me yé gblöy dyò yíí tyile n pi. Liyel Mirki dyò yíí tyi ye yé me n pi, képah nê-á me yé sòkò. Krista Mirki-à n kne névi nê sòkò, tē náh me n tyí yò.

10 Krista-à me yé yahle n tē, yé kú sènsò pò kũ n pi ó, nte Liyel Mirki gbò yò, yé pi négbólle Liyel yah sòkò à tyé-ńkē min we.

11 Liyel nê-á yilki mò Yesu lékóle, n Mirki-à kú me yépi tò sòkò, yáh sò pò ku, yé lékyí kú yilki mò kú tyé-ńkē min we.

12 Képah ye ní yũnpyé, á yĩne à Liyel Mirki dyò yíí tyile n pi, á náh tō yĩne à á gblöy dyò yíí tyile n pi.

13 Yâh yé dyo yíi tyile n pi, yé kú ku. Nte Liyel Mirki gbò yò yâh yé dyo yíi tyi we ye, yé kú tyé-ńkê min we.

14 Yé náh we di, Liyel Mirki-à nónó yahle n tẽ, Liyel wẽnpì ye péle.

15 Liyel-á n Mirki nêne yé kô, kè náh yéle n mo yõri pínó soko ànê tíkí pínó soko dé. Képah ye pi yéle Liyel wẽnpìle, té yé fẽ n yo yínpõ ñgbêne ne: «Bõ, ápi Sú!»

16 Liyel Mirki mèn ntẽ ye á kô á sê yíi ké yò ne Liyel wẽnpì-á ále.

17 Té áyáh fyò pi n wẽnpìle, á vyâh kú we pèpõri soko, wâh n vyâhle n wẽnpì kô nê tyí soko. Liyel-á pèpõri nê pi Krista tyí, ápi to vyâh kú we ké soko. Áyáh fyò me yèvyâhrile n pi wẽ tyí Kristale, gbílkínó kú n sah n pi á yò ñne wẽ tyí.

Gbílkinó nê-á kú pò n we n pi

18 Mé pĩ ne áyáh me yèvyâhri nê soko kwey mènne, képah náh me sâh n yah yah tẽne gbílkínó ñgbê nê-á kú pò n sah n pi á yò ñsõne.

19 Liyel wẽnpì-á kú gbílkínó we n pi sõ, képah ye n yi mónóno pól me n ðeku.

20 Yé náh we di, Liyel yi mónóno pól me yõre kẽ táhkì yó gbò sò soko. Pépi dyo dyo tẽ náh ne kè pi sê dé. Nê-á sah péle ké gbò sò, ñmo ye pi kéle. Nte gbò sâh-ñsah tõ me pé tyí.

21 Sõ yó me n pi, Liyel yi mónóno pól kú pò n wilki n pi yõri soko yíkínó pí-ò gbò. Té kú gbílkínó we wẽ tyí Liyel wẽnpìle.

22 Nte à pò syi kwey mèn tyí, á pĩ ne Liyel yi mónóno pól-á me n gbí kúrntèsè tyí kòle yèvyâhri tẽ tyí.

23 Té kè náh yin pépi ó tyí dé, Liyel-á n Mirkile ñgbòle ápi nónó kô, ápi to me n gbí á foko táhló soko, me gbíyíkile n syiki sò nê-á Liyel kú kè wêki n pi ne áyáh pi pé wẽnpìle, té kú pwáhnmonò we dal mo.

24 Yé náh we di, á ye pwáhnmonò we. Té kè me á kú ne sõ-á ńkêne névi n gbò sah kwâh yó pónweno yõ. Nte wâh kè we syi te, à náh tõ n gbò sah n pi ké pónweno yõ dò. Wâh kè we syi te, à kú tõ n gbò sah sõ ké pónweno yõ?

25 Nte áyáh tõnì me kwâh nê wénsyi-ńkêne, à sómnó pi n té á gbò sah ké pónweno yõ.

26 Sê ó ye, Liyel Mirki to me ápile n yohni n mo á tẽnkwlóno yinne. Yé náh we di, ápi náh pĩ nê-á yĩne nínóle. Nte Liyel Mirki me nírilè n pi ápi tyí nê-á ápi náh fẽ ké òkù yah yo.

27 Té Liyel nê-á névye foko táhlóle n pne, n Mirki-á me nêne n yah n kô, ñmo kéle n pne. Yé náh we di, n Mirki nírilè n pi Yesu yò sèpú tyí à yĩne ñmo dyo yíi tẽne.

28 Á mó tõ pĩ tole ne Liyel tyí-á no nónó tyí, à tyi pólle n pi pépi tyí pekú yinne, pépi nónó-á à ye à yĩne wâh kè yah toko sah sõ.

29 Liyel-á nónó yah wilki ñgbò òkùle, à ye kwâh tẽ kè yah toko tole ne pãh yĩne pè pi pé Pídí tyí kòle, ñmo kô à pi pé pól nénkyíle.

30 Wâh kwâh tẽ nónó yah toko, à ye pè ye tole. Wâh nónó ye, à ye pè pi négblo tole n yah soko. Wâh nónó pi négblole n yah soko, à ye yò yõnóle pè kô.

31 Sõ me ápi kú yo yò wé? Liyel-à me ápile, nê kú fẽ á fwo?

³² Nmɔ nê-á à náh ye ò yěngbě Pídí kǒnóle, à à mɔ kũ kǒ ápi pól yĩnne. A kɪ pɪ sǒ té à náh yí téló pólle á kǒ à n tahlɪ n pi òmɔ gbò yǒ.

³³ Liyel-á névyé nónó yah wilki, nê tẽ kɪ pɔ n tɔkɔ péle n kǒ? Liyel ye pɪ névyele négbólóle ò yah sɔkɔ.

³⁴ Nê kɪ tǒ fě Liyel tukey kǒ kè kɪ sykɪ pé yǒ? Yesu Krista ye ku, té kè náh yĩn kápah ó tyí dé, ò lékó yilki mɔ. Yé náh we di, à me tẽnóle Liyel gbòyò sòle, té me níríle n pɪ ápi tyí.

³⁵ Ápi tyínɔnɔ nê-á me Krista sɔkɔ, kwâh yó nítě náh fě ké yah kǒ n pi. Yèvyâhrɪ ò, tíkí kápékè ò, fóhnó ò, kwekɪ ò, kwâh kě ò, dlo ò, kũ ò, sé sɔkɔ yó nítě náh fě ké yah kǒ n pi.

³⁶ Kè me wárkínsàhnóle Liyel wey sébéy sɔkɔ ne níké: «Áwɔ yĩnne, ápi me kũ dlo sɔkɔ sǒmesó. Pè me ále n pɪ á kɪ ne yípêy sǒ pè tẽ n yuku kò-nsah sɔkɔ.»*

³⁷ Nte sépi pól sɔkɔ, á tyí-á nɔ Liyel nê tyí, òmɔ gbò yǒ á pɪ tẽpnèpu ògbnóle.

³⁸⁻³⁹ Gbɪ yǒ, ápi tyínɔnɔ nê-á me Liyel sɔkɔ, té à syǒ á Tě ògbě Yesu Krista tyí à kéle á wěkɪ, ní sěnyĩnɔ me ké yǒ ne, kwáhmóní yó nítě náh fě ké yah kǒ n pi. Kàh kɪ sǒ kũne ò, kàh kɪ sǒ minne ò, kàh kɪ sǒ yĩnyò tǒnpɪbɪle ò, kàh kɪ sǒ yòtǒrínóle ò, kàh kɪ sǒ kwey gbí tyile ò, kàh kɪ sǒ nsó tyile ò, kàh kɪ sǒ tẽpnènónóle ò, kàh kɪ sǒ yĩnyò tǎhkínóle ò, kàh kɪ sǒ sétáh sǒwâh tǎhkínóle ò, sé sɔkɔ yó nítě náh fě ápi tyínɔnɔ yah kǒ n pi ò tyí.

9

Yìkì nê névyé-á Liyel yah tɔkɔ

¹ Krista tyí yǒ ye níne. Kápah ye, máh kɪ nê yo n pi, gbɪ ye kéle, mìnì náh me ké sɔkɔ. Liyel Mirki ye ké sǒnɔ dahbɪ te ní sɔkɔ ne nê-á mé kɪ n yo n pi, gbɪ-á kéle.

² Yèkwɔrɪ ògbě me ní sɔkɔ. N nɪ me n suke gbímegbí.

³ Yé náh we di, máh me nê tyí, ní mɔ tyí sǒ náhkɪ yɪkɪ ànê ní wró mó gbe Kristale ní yǐnpyé swɔ sɔkɔ, pé pwah n mɔ yĩnne, pépi nónó-á ní yìkì névyele.

⁴ Pépi ye Yisrayel nolé, Liyel-á nónó pɪ ò wěnpìle. A yǒ yǒnóle pè kǒ, té yégbékè kwɔrɔ mɔ péle gbáyí náhnáhle, té tyi kǒ sah pè kǒ, té ò ni dùkùle pè wěkɪ, té ò vyáhle pè kǒ.

⁵ Abrahmɪ, ànê Yisakɪ, ànê Nsyakɔbɪpi ye pé náh tãnne. Yìkì núkú ye péle Yesule wâh pɔ sétáh yǒ. Nmɔ ye Liyelle, nê-á me yíyĩn pól yǒ. N yĩn ne n gbilki gbímegbí. Amiina!

⁶ Máh nê yo sɔkɔ yòtah, kápah náh n wěkɪ ne Liyel náh n kɔ ò tyíyónó sǒ. Nte Yisrayel no pól náh pɪ Yisrayel no yèsyìkìnìne Liyel yah sɔkɔ.

⁷ Sě ó ye, Abrahmɪ wěnpì pól tɔ náh pɪ ò wěnpì yèsyìkìnìne. N pídí Yisakɪ wɔ wěnpì ye kɪ n mɔ n kǒ ò pétóbéle sǒ-á Liyel yo kéle ò tyí.

⁸ Máh ne mé kè yo palle, wěnpì nónó-á dubi gbɔyne, pépi náh Liyel wěnpìle. Nónó-á dubi à yĩne Liyel vyâh kǒnóle, pépi ye ò wěnpìle.

⁹ Yé yah, Liyel lésò ò vyáhle Abrahmɪ kǒ ne níké: «Gbí yó yǐnkò gbíne, mé kɪ ní syɪ pɔ á tĩnne, té Sara kɪ me dǐnpir we dubi.*»

* 8:36 8.36 Yah n te Gbálnó 44.23. * 9:9 9.9 Yah n te Yenesɪ 18.10.

10 Tõ nah dé, yé yah Wrebeka to tyíle kè: Api sùtó Yisaki mè ye dubi à kõ dínpì népì níminé nónó-á kèninine.

11-13 Gbí nh-á wěnpì nòpi nah tònì dubi, pè nah tyítúkúnì pì, pè nah tyípeplo to pì. Nte Liyel me yo Wrebeka tyí ne: «Wěnpì nòpi sòko, nénkyí tẽ kù pò pì gbě tẽ yõle.»† Kè tõ me wárkínóle Liyel wey sébéy ntẽ sòko ne nkẽ: «Nsyakobu wo tyí ye no ní tyí, Yesayu nah»‡ Yé nah we di, képah n wěki ne névi tyípinó nah Liyel n yah n té tẽ yah n wilki. Névi nh-á n dyo, tẽ wo ye à n yah n wilki.

14 Sõ me ápi kù yo yò wé? Liyel nah me n kò gbì wěkì yõ di? A me n kò gbì wěkì yõ kè.

15 Yé nah we di, à yo Moyisi tyí ne: «Mâh me ké tyí ne mé pèpori pì névi nh tyí, mẽ kè pì tẽ tyí. Té mâh me ké tyí ne mé névi nh yãm yah, mẽ tẽ yãm yah.»§

16 Kâh pì sě, képah nah n wil névi dyo yí tẽ sòko, képah nah pì n gbáhntěno sòko dé. Nte kè n wil Liyel ó tyí, nh-á névi yãmne n yah.

17 Kè me wárkínsàhnóle Liyel wey sébéy sòko ne, Liyel-á yo Yesyipti yõtẽ dí tyí ne: «N tẽnwenò wěki yìn ành ní yìn wil yìn ye kèkõyó pól sòko, ní kò mé n pì yõtěne.»*

18 Kâh pì sě, kâh Liyel dyo, à nhî yãm yah, té kâh n dyo à nhî pì kùkùtâhkì névile.

19 Gbòkènpì tókù kù fě ne, kwâh nh se pì té Liyel kù tõ n tókò névyele n kò n? Nh se kù fě n dyo dyo tyi yah kò n?

20 Nte nh tẽ ó me áwòle, té á kù pò Liyelle n kòlì? Pín se kù fě ké mó-ò piki yah ne, kwâh nh se pì té à pé mò sě n?

21 Pnì mó-ò tyí nah n fâhrule di? A kù fě tyígbì pì pì pín mò kéle, té kù tõ fě nyân tyi pì pì pín mò kéne fâhrì óle.

22 Liyel me ké tyí ne pé pé fòkòvyâhnì wilki mò, pé mó pé tãhkì wěki. Té wâh mó tõ sò yĩne à n fòkò vyâh névyé nónóné, à sòmno pì té n gblòy ye náhnâh pé tyí.

23 Nte n tórí-á me gblò dukù nhne, à sò me ké tyí ne pé kéle no téló wěki, wâh pépi nónó yãm yah té pè yah wilki sah n tórí sòko de yĩne.

24 Té kéne névyele, ápi ye. A nah á yah wilki Nsyifuno ó sòko dé, nte à tókù yah wilki yìkình téló sòko,

25 sò-á Liyel kè yo sah Wose sébéy sòko ne: «Névyé nónó nah sò me rímo nolé, mé kù péle n ye ní nolé. Yìkì ne tyí nah sò no ní tyí, mé kù kéle n ye ní dyo yí yìkìle.»†

26 Té nyân sòko-á lésò kè yo pé tyí ne rímo no nah péle, nénpò mè ó sòko ye tõ pè kù ye péle Min nétẽ Liyel wěnpìle.»‡

27 Yesayi to mó yo Yisrayel no tyí sòko ne nkẽ: «Yisrayel névyé-à sò me dò pne yo gbòpò sèmiyâhrì sò, kwéy ó ye kù n pwah n pì pé sòko.

28 Yé nah we di, Tẽ NGBĚ Liyel-á tyi nónó yo, à kù sè pì dal mò súú sétâh yõ.»§

† 9:11-13 9.11-13 Yah n te Yesesù 21.23. ‡ 9:11-13 9.11-13 Yah n te Malaki 1.3. § 9:15 9.15 - Yah n te Yálnó 33.19. * 9:17 9.17 - yah n te Yálnó 9.16. † 9:25 9.25 - Yah n te Wose 2.25. ‡ 9:26 9.26 - Yah n te Wose 2.1. § 9:28 9.27-28 - Yah n te Yesayi 10.22-23.

29 Té Yesayi tã lésõ kè yo sah ne nkẽ: «Tyi pól tyí tẽnwe-ò TÈ NGBÈ Liyel-à sò me á túkù sàh-nkẽne min sòkò, á duku náhkì to Sodòmù ànê Gbomòrù névye tyí kòle.»

30 Sõ me ápi kù yo yò wé? Névyè nónó náh pì Nsyifunòle, pè pì néglólè Liyel yah n yò sèno gbò yò, pépi nónó-á pè náh sò me kéle n yah n kò.

31 Té Yisrayel no nónó wò-á pyè sò me n yah n kò ne pé pì néglólè Liyel yah Moyisi tyi kònsàhnó wàl kóló gbò yò, pè náh we pì néglólè képah gbò yò.

32 Sõ pì té pé náh we pì néglólè wé? Pè náh sò me kéle n yah n kò Liyel yò sèno gbò yò, pè sò we ne nkẽ pé tyípinì-á kù fè pé pì néglólè Liyel yah képah ye. Pé gbàhkì ye pyè pè mì pé wilkì n mò mò dáhkì tyí yò sò.

33 Kéne dáhkìle, Yesu Krista ye. Képah tyí ye wárkínsàhnóle Liyel wey sébéy sòkò ne nkẽ: «Yé yah, mé kù gbàhkì mì mì dáhkì yó sah Siyò kwil sòkò. Névyè wilkì n mò mò tédáhkì yó ye kéle. Nte névi nê-à n gbò sah ké yò, sen náh tẽ tẽ n pi.»*

10

1 N yúnpyé, máh me nê tyí n nì pólle, képah ye ne Nsyifunò pwáhnmonò we. Mé me Liyelle n ni pé tyí képah tyí sòkò.

2 Yé náh we di, mé kù fè kè yo ne pãh me gbah tẽ yíi Liyel wèkì kóló sòkò, nte pãh me kéle n pì yítùri sòkò.

3 Liyel-á névile n pì négbíle n yah sòkò dùkù nêne, pè náh kè pì. Té pé yèngbè tyíle n pì, té Liyel tyí wò yahle.

4 Krista ye pò Moyisi tyi kònsàhnó tyi pì syi sé yìn tyí. Névi nê-à sè Krista yò, tẽ kù pì négbíle Liyel yah sòkò.

5 Névi-á fè n pì n pi négbíle tyi kònsàhnó gbò yò dùkù nêne, Moyisi-á nê wárkì ké tyí sòkò kè we yò: «Névi nê-à tyi kònsàhnó sòkò tyíyónóle n pì, tẽ kù n minne n pì sépi gbò yò.»*

6 Nte névi-á n pì négbíle Krista yò sèno gbò yò dùkù nêne, kè me yónóle képah tyí sòkò ne: «Káh ne n sò á fòkò sòkò ne: <Nê kù dòkò kyí yínyò?>» Nê kór-á, kù kyí Krista kò à kù tiki pò.

7 Képah náh pì: «Nê kù tiki yuku sétáh sòwãh?» Nê kór-á, kù kyí Krista kò à kù wil lékókwil kù dòkò pò.

8 Nte tir nê me tã yónóle wé? Kè me yónóle ne: «Liyel wey me á tnò. Kè me á vyãh sòkò ànê á nì sòkò.» Kéne weyne, Yesu Krista yò sèno wey ye kéle, áyáh me nêne n yo n kò.†

9 Wãh kè yo á vyãhle ne Tè ngbè-á Yesu Kristale, té sè ké yò á nì sòkò ne Liyel-á n lékó yilki mò, á kù pwáhnmonò we.

10 Wãh sè Liyel yò á nì sòkò, képah ále n pì négbíle; ànê wãh kè yo á vyãhle, képah ále n pwah n mò.

11 Á náh we di, kè me wárkínsàhnóle Liyel wey sébéy sòkò ne névi nê-à sè Krista yò, sen náh tẽ tẽ n pi.

12 Kãh pì sè, wãhkì náh me Nsyifunò wró ànê nónó náh pì Nsyifunòle. Tè ngbè núkú ó ye me pé pól tyí, nê-á pèpòrile n pì no pól tyí nónó-á nne n ye n gbo.

* 9:33 9.33 - Yah n te Yesayi 28.16 ; 8.14. * 10:5 10.5 Yah n te Levitiki 18.5. † 10:8 10.8 Yah n te Tõnyonò 30.12-14.

13 Yé náh we di, kè me wárkínsàhnóle Liyel wey sébéy sòko ne nké: «Névi nê-à Tě ñgbě ye gbo, tẽ kɪ pwáhnmonɔ we.»

14 Nte sɔ me pè kɪ ye gbo ñne, né pè náh sě ñ yõ? N tyí wénnoh-ńkěne, pè kɪ sě sɔ ñ yõ? Pè kɪ we noh sɔ ñ tyíle né ney náh ñ tyí we yo pé tyí?

15 Té sɔ me Liyel wey kɪ yo, né névi náh tɛkɪ mɔ ké yo yinne? Képah ye kè me wárkínsàhnóle Liyel wey sébéy sòko ne nké: «Kè me ñivìnine wáh Ñivìnì tir yópú we pè pé gbáhkì tɔko n pi.»‡

16 Nte no pól se yó Ñivìnì tir fě syi? Yé yah, Liyel tẽntò syinyo-ò Yesayi lésɔ me píkinyahnóle n pi ne nké: «Tě ñgbě, ápi-á tir nêne n yo, nê sě ké yõ?»§

17 Sě ye Krista yõ sěno n we Ñivìnì tir nóhnó sòko. Té Ñivìnì tir mène mó, Yesu Krista tyí yónó ye.

18 Nte à; pè náh ñ tyí yónó noh yah di? Pè kè noh kyó! Kè me yónó ńtêne Liyel wey sébéy sòko ne nké: «Pé yĩnpɔ me n dɔko sétáh yõ pól sòko, pé wey me n yini n tẽ kèkɔyó tãntã pól tyí.»*

19 Nte à; Yisrayel no náh lésɔ Liyel wey mè syíkí-ńsah pĩ di? Moyisi mó tɔ kwáh tẽ kè yo ne Liyel-á ne nké: «Mé kɪ kè pi yé kɔ yé kɪ yĩkì fóroɔ yó yèwanne n yah. Yĩkì nê névye-á lékám kě névyele, mé kɪ kè pi yé kɔ yé kɪ pé dyole n yo.»†

20 Yesayi ñ nɪ syãh kè yo ńtêne ne Liyel-á ne nké: «Névye nóno náh sò me ńmole n yah n kɔ, pépi ye we ńne. Névye nóno náh sò me kwáh yó ńtêne n yah n kɔ n tyí, mé n gblɔyne pépi wěkɪ.»

21 Nte Yisrayel no tẽ wɔ tyí sòko, Yesayi ne Liyel-á ne nké: «Gbĩmegbí mè n ne n me n gbãn yɪkɪ mɔ pè syɪkɪ n tẽ, pépi nóno-á ñohni-ńkě ànê kèlékě névyele.»‡

11

Liyel náh ñ náh vi Yisrayel no kɔ

1 Nte-à, Liyel se ñ náh vi ñ no Yisrayel tãn kɔ? ǾǾ dé! Yé náh we di, ńmo tɔle Yisrayel ney ye dò. Abrahamɪ náh ney yó ye ńne, nê-á wil Běnsyame yĩkì sòko.

2 Liyel náh ñ náh vi ñ no kɔ wáh kwáh tẽ nóno yah wilki sah dé. Yé se kɪ ne yé pĩno náh me ké sòko ne, káh me wárkínsàhnóle Liyel wey sébéy sòko ne Yeli-á sò me n tɔko Yisrayel nole n kɔ Liyel tyí

3 ne nké: «Tě ñgbě, pè ye á tẽntò syinyopu ko mɔ, té sárká súkénkɔ-ńtãn yɪkɪ nóno-á me áwɔ tyí yõ. Nmo ó wũ n gblɔy, té pè tɔ me n yah n kɔ n kònmɔ-ńsahle.»

4 Nte sɔ me Liyel yo ñ tyí? A ne: «Mé ye díbi nêpĩ kèyõ tɔno kyegbãm (7 000) wilki sah n gblɔy tyí, nóno-á pè náh gbètukunɔ di fal fal tɔ Baal yah sòko à kè gbilki.»

5 Képah núkú ó ye kwey mè tɔ sòko, névye kwéy yísyó me wũ tẽ Liyel-á yòbènoɪ pi nóno tyí à pè yah wilki.

6 Nte yòbènoɪ-à kɪ nê Liyel pi pé tyí à pè yah wilki, pé tyípĩno gbò yõ náh mó tɔ kè. Káh me sépi gbò yõle, yòbènoɪ náh mó tɔ dò.

‡ 10:15 10.15 Yah n tɛ Yesayi 52.7. § 10:16 10.16 Yah n tɛ Yesayi 53.1. * 10:18 10.18 Yah n tɛ Gbálnó 19.5. † 10:19 10.19 Yah n tɛ Tɔnyono 32.21. ‡ 10:21 10.21 Yah n tɛ Yesayi 65.1-2.

⁷ Sõ me ápi kɪ yo yò wé? Yisrayel no-á nêne n yah n kɔ, pé pól náh kè we. Nte Liyel-á nónó yah wilki pé sɔkɔ, pépi ó we kéle té téló wɔ ní me tah tũ

⁸ sɔ-á kéle wárkínsàhnóle Liyel wey sébéy sɔkɔ ne: «Liyel ye pé pi tóròò. A pé yí pi sè náh me n yah, té pé ní pi sè náh me n nohnɪ, fók à pɔ syi kwey mè tyí.»

⁹ Yòtè dí Davidi to tɔ kè yo ne nkè: «Pé yòke yĩne kè pi pé tyí pé tẽ tẽ vyónne, ànê pé tẽ tẽ kéyne, ànê pé wilki n mɔ mɔ kwáhle, kɪ pé tyítúkúnine pé dyah.

¹⁰ Pé yí mó ne me syĩ, pé káh fẽ ne n yah, pé mó ne me kwlónó sɔko gbímegbí tókóbí sɔ me pé yò.

¹¹ Nte-à, Yisrayel no-á pé gbáhkì mɪ syɪkɪ sɛ-à, pé se kɪ wũ tẽ sɛ kúmm? Sɛ tẽ wɔ náh dé. Nte pépi-á pilki, yìkìni téló mó pwáhnmɔnɔ we, pépi Nsyifunɔ kɔ pé pé yèwanne n yah.

¹² Nte pépi-à pílkínó-à kɪ me pi pèpɔri wénóle kèkòyó névye tyí, té pé tɛnkwlɔnɔ me pi pèpɔri wénóle yìkìni téló tyí à, pépi-à pwáhnmɔnɔ we te, képah náh n pi n pi pèpɔri ñgbène kal di?

Névye pwáhnmɔnɔle nónó náh pi Nsyifunɔle

¹³ Yépi nónó náh pi Nsyifunɔle, yépi tyí ye mé n yo wey mène núkúnúkú. Yesu tɛntò névi ye ñmɔle nê-á me tòle n pi yépi yinne. Tò mè me yò yónóle ñmɔ tyí,

¹⁴ nê-á kɪ á no Nsyifunɔ kɔ kè kɪ yìkìni téló yèwanne n yah, ní kɔ mé kɪ pé tókú we pwah mɔ.

¹⁵ Yé náh we di, Liyel-á pé gbe milki képah-à me kèkòyó névye wró tɔ sah Liyelle à, wáh tɔ pɔ pé ye kwró ñne, kè kɪ pi sɔ wé? Kè náh n pi n pi á kɪ ne lékyî sɔ yilki mɔ di?

¹⁶ Sè mukɔ pye nónó-á ko gbrole, sépi-à kɪ me wilki sah Liyel tyí yò, sé téló pól to me ñ tyí yò. Séswô sémîn-à me sàhnóle ñmɔ tyí yò, ké yìngbàn to kɪ me ñ tyí yò.

¹⁷ Nsyifunɔ me wólíví séswô sónó sɔ, té Liyel me ké yìngbàn kòli. Té nónó náh pi Nsyifunɔle, pépi mó me á kɪ ne kyèh sɔkɔ wólíví séswô sɔ, nê-á Liyel ké yìngbàn kòli kyɪ pukubi wólíví yòhkì sónó tyí. Yáh Liyel yòbènrɪ nê we, képah n wil Nsyifunɔ tyí sɔ-á wólíví séswô sónó ñkì n yohnɪ n mɔ yìngbàn púkúbínóle.

¹⁸ Képah ye, yìngbàn nónó-á Liyel kòli kwe, yé káh séle n yilo. Yé káh yé gblòyne n yò n sah, yépi tyí náh sémìnne, pépi tyí ye séle.

¹⁹ Yé kɪ fẽ ní syah ne, Liyel-á yìngbàn nòpi kòli to té yépi we pukubi.

²⁰ Gbɪ tẽ wɔ ye, pépi Liyel yò sɛ-ńkè ye Liyel kɔ à pé kòli to té yépi we pukubi pé swɔ sɔkɔ yé Liyel yò sɛnó gbò yò. Yé náh yĩne yé yé gblòyne n gbilki. Kè pyè yĩne kè ne n me tíkíle yé tyí ñtène nkè.

²¹ Yé náh we di, Liyel-à me yè-ńkène séswô sónó yìngbàn kòlínóle, yépi wɔ se pyè à kɪ we ye yáh sɛ-ńkène ñ yò?

²² Yé yah, Liyel ple, té mó tɔ peke. A peke pílkípú yò, té n pi ple yépi tyí. Nte yé yĩne yé ne n me ñ pèpɔri mène n pne gbímegbí. Képah-à pí-ńkène, yé to kɪ kòli milki.

23 Nte Nsyifunɔ tɔ-à kɪ pé kèlékě pínó yal mɔ té sě Liyel yõ, Liyel kɪ pè tɔ pukubi séswô sónó tyí. Těnwɛnɔ mɛ ñmɔ tyí kɪ ñ syɪ pè tɔ pukubi.

24 Yé náh wɛ di, yépi nónó náh pɪ Nsyifunɔlɛ, yé mɛ á kɪ nɛ kyèh sɔkɔ wólíví séswô sɔ, nê-á Liyel ké yǐngbàn kɔlɪ kyɪ pukubi wólíví yòhkì sónó tyí. Nsyifunɔ mó mɛ wólíví séswô sónó yǐngbàn tyí kɔlɛ nónó-á Liyel kɪ pè tɔkɔ pukubi sé séswô tyí.

Nsyifunɔ pwáhnɔnɔlɛ

25 N yúnpyé, mé kɪ Liyel tir wɔ̀b̀nsàhnó yó tyí yah yo wah yé syah, sɔnko yè káh n pɔ yé gblɔ̀ynɛ n tɔkɔ n pɪ yí pípúle. Yé yah, Yisrayel no tókù kɪ wũ tẽ níkísekókó pínó sɔkɔ, pópó kɪ pɔ nɔ gbí nê-á nónó náh pɪ Nsyifunɔlɛ, pè kɪ pwáhnɔnɔ wɛ, té kɪ de Liyel no sɔkɔ.

26 Képah sɔkɔ, Yisrayel no pól kɪ pyě pwah sɔ-á kéle wárkínsàhnóle Liyel wɛy sɛbéy sɔkɔ nɛ nkě: «Pwáhnɔ-ò kɪ wil Siyõ kwil sɔkɔ. A kɪ pɔ Nsyakɔbɪ no tyípɛl tókóbí tẽ yõ pé yõ.

27 Ñmɔ Liyel-á kɪ pɔ pé tyípɛl yõ mɔ pè kɔ, té kɪ yégbékè nê kwɔ n mɔ n pɪ péle, képah ye yò.» *

28 Yah yóle, Liyel sépɛbí ye Yisrayel nolɛ páh sɔnpíle Nìvìnì tir yahle, té képah wɔ mó nekɪ yépilɛ. Nte yah yóle, pépi ye sò à yah tɔkɔ pɪ ñ nolɛ. Pé tyí nɔ ñ tyí pé náh tân yinne.

29 Yé náh wɛ di, Liyel-à kwáhle névi kɔ, à náh ñ yahle n vi kéle n syi pólle. Wáh névi nê ye, à náh ñ nahle n vi tẽne n kɔ pólle.

30 Ngbòle, yé lésò mɛ Liyel yóré yahle. Nte núkúnúkú, Nsyifunɔ tɔ-á ñ yóré yahle, à mɛ yépi yám yah.

31 Sě ó ye, Liyel yóré nê-á pè yahle núkúnúkú yò, té Liyel mɛ yépi yám yah, pépi tɔ yám yah yin ye à pɪ képahle.

32 Yé náh wɛ di, Liyel ye no pól kɔ pè ñ yóré yahle pé pól yám wɛ n yah yinne.

33 Liyel pèpɔrɪ mɛ gblò dé! Lékám mɛ yíi ñ sɔkɔ, ñ fɔkɔ se mó tɔ mɛ dényinɔlɛ. N tyi tẽ dükù náh fɛ n pĩ, ñ syõ-ntàn tɔ náh fɛ n pĩ ló.

34 Kè mɛ wárkínsàhnóle Liyel wɛy sɛbéy sɔkɔ nɛ nkě:

«Nê tẽ wɔ mɛ Tě ñgbě sɔnɔlɛ n pne wé?

Nê tẽ wɔ kɪ fɛ vɪnmɔnɔlɛ à kɔ?†

35 Nê kwáh yóle à kɔ,

té à pɔ ké lédyáhníne tẽ kɔ nahle?»‡

36 Yé náh wɛ di, yiyin pól wil ñmɔ tyí. Ñmɔ mónó ye sé pólle. Sé pól mɛ ñmɔ tyí yõ. Gbilkínó nɛ n sah ñ yõ gbíme gbí. Amiina!

12

Min pínó késánnɛ Liyel wěkì kóló sɔkɔ

1 N yúnpyé, Liyel pèpɔrɪ pínó yinne ápi tyí, mé kéle n yah n kɔ yé tyí nɛ, yé yé gblɔ̀ynɛ Liyel kɔ yé sɔ pɪ sárkále ñ tyí. Yè mó yé minne n pɪ yályál ñ yah sɔkɔ, nê-á kɪ ñ yí yuku. Képah ye Liyel gbilki dükù pèpeyne, yáh yíne yè nêne n pɪ.

2 Yé káh kèkòyó névyelɛ n yah n pɪ. Nte yé ye Liyel kɔ à lékám késánnɛ yé kɔ sɔnko yé vi mɔ. Képah sɔkɔ, tyi nónó tyí-á mɛ Liyel tyí, yé kɪ tẽ wɛ

* 11:27 11.27 Yah n tɛ Yesayi 59.20-21. † 11:34 11.34 - Yah n tɛ Yesayi 40.13. ‡ 11:35 11.35 - Yah n tɛ Nsyɔbɪ 41.3.

séle n wah n pne. Sépi ye pi tyi tyípeplóle, ànê nónó tyí-á no òn tyí, ànê nónó-á sòhkì kěne.

³ Liyel-á yòbèncòri nê pi nímo tyí, képah yinne mé kéle n yo yé nénúkú núkú pól tyí ne, yé káh yé gblòyne n gbilki n kah n mo. Yé ye gblòy tìkínmòncò sòncò ne n me yé sòkò, à yĩne Liyel-á òn yò sěńóle yé nénúkú núkú pól kò sò.

⁴ Yé náh we di, wil gběnsê núkú núkú ye á pól tyí, té tãntãnne sé tyí dò, nónó-á sé pól pi pi tyi me sé tyí tyíle.

⁵ Sě ó ye, ápi tò me dò, òte á pól pi wil gběnsê núkúle tyí kòle á wrò kwrómòncò gbò yò Kristale. Á pól kwrò mo pi núkúle wil gběnsê tãntãn tyí kòle nónó yétò-á me wěne n tẽ.

⁶ Liyel-á pèpòri pi á tyí à nónóne á kò, sè me sé tyí tyíle. Nê tyí-à ki me Liyel tẽntòne syinyonóle, tẽ kéle ne n pi à yĩne Liyel yò sěńó wěkìle.

⁷ Nê tyí-à ki me sònmòncòle névyé tyí, tẽ ne n so n mo pé tyí. Nê tyí-à ki me névyé kwónóle, tẽ névyéle n kwò.

⁸ Nê tyí-à ki me névyé vinnòncòle, tẽ névyéle n vi n mo. Nê tyí-à ki me pèpòri pínóle névyé tyí, tẽ kéle ne n pi fòkòpèncòri sòkò. Nê tyí-à ki me névyé yah těńóle, tẽ gbah tẽ ké sòkò. Nê tyí-à ki me névyé yãm yáhnóle, tẽ kéle n pi nìvìnì sòkò.

⁹ Yé yĩne yé tyí no wě tyí fòkòkwĩnkì kěne ké sòkò. Yé pèkè pínó yal n mo pnépné, yé mó pèpòrile n pi.

¹⁰ Yé ye yé tyí no wě tyí yúnpíkì núkú tyí kòle. Yé gbah tẽ ye yòyénne n sah wě yò.

¹¹ Yé kléykléyne n pi, yé káh pi gbãndal névyéle. Yé tòle n pi Tě ògbě tyí yé nncò pólle.

¹² Yé gbò sàhnó-á me nê yò, yé ne n me nìvìnì sòkò képah yinne. Yé sòmńóle n pi yèkwòri gbĩne. Yé gbah n tẽ nírí pínó sòkò.

¹³ Yé yé yúnpyéle n yohni n mo pé fyãh-òtãn sòkò, yé mó népãnne n tẽ ple.

¹⁴ Nónó-á yéle n fòh, yé sãmmne n mo pé sòkò. Yé sãmmne n mo pé sòkò, yé káh léplóle n ye n mo pé yò.

¹⁵ Nónó-à me nìvìnì sòkò, yé ne n me nìvìnì sòkò péle wě tyí. Nónó-à mó me gbní sòkò, yé ne n me gbní sòkò péle wě tyí.

¹⁶ Yé yé fókòsòncò pi núkúle. Yé káh pi gblòy gbílkípúle, yé ye gblòy tìkínmòncò tyí no yé tyí. Yé káh yé gblòyne n pi yĩ pípúle.

¹⁷ Yé káh ònî yò òtẽ pèkè pínó wó de òn sòkò. Yé pèpòrile n pi no pól tyí.

¹⁸ Kàh ki me yépi tẽ ó sò, yé gbah n tẽ yé minne n pi yèvinì sòkò ànê no pólle kàh ki fẽ n pi n pi.

¹⁹ N nénónó, yé káh ne yáh yé gblòy vyãhle n syi, yé kè toh Liyel syĩ. Yé náh we di, kè me wárkínsàhnóle Liyel wey sébéy sòkò ne, Tě ògbě-á ne níké: «Nímo tyí ye vyãh syínóle, nímo ye n de wóle.»*

²⁰ Té tò yo ké fí yó sòkò ne: «Á sépe-à me kwèki sòkò, yĩ à kò à yò; wáh me níki sòkò, yĩ à kò à wò. Wáh képah pi, kè me á ki ne nìségbncò sò á kwe mo òn yòni yò.»†

²¹ Káh n ye pèkè kò kè fyãh á yò sòkò, òte áwò fyãh ké yò sòkò á pèpey pínó gbò yò.

* **12:19** 12.19 - Yah n te Tònyoncò 32.35. † **12:20** 12.20 - Yah n te Sèmirn 25.21-22.

13

No pól yĩne pè ne n sah kwil yõtãm yóré yõ

¹ Tĕnweno yó se me né kè náh wil Liyel tyí? Névye nónó-á me tǒrí yõ, Liyel sahki soko ye péle dò. Képah ye, no pól yĩne pè ne n sah kwil yõtãm yóré yõ.

² Káh pi sě, névi nê-à yõtãmne n fwo, Liyel yóré ye tĕ n yahle. Té nê-à se mó tǒ Liyel yóréle n yahle, pèkè ye tĕ n yori n mo ñ gblǒy yõ.

³ Tyípépló pí-ò náh yĩne tukey tükèpu yah tíkí pínóle. Tyítúkúnĩ pí-ò wo ye yĩne pé yah tíkí pínóle. Wáh ki me ké tyí ne á káh yõtãm tíkíle n pi, tyípéplóle ne n pi, képah soko pè ki ále n sǒ.

⁴ Á náh we di, Liyel tǒ soko ye yõtãmne á tyí piki yĩnne. Nte wáh tyítúkúnĩne n pi, pé tíkí yĩne kè ñ tĕ. Dípíyí náh pè kǒ nònóle dé, tĕnweno me pé tyí Liyel tǒ mè soko ki fĕ fǒhnó sah pèkè pí-ò yõ, ki Liyel yro wilki tĕ soko.

⁵ Képah ye á yĩne ñ ne n sah pé tyí yõ. Liyel fòkòvyàhnì yah tĩ to yĩn ó náh dé, á ni to me kéle ále n wĕki ne képah-á ple.

⁶ Képah to yĩn ye yĕ móríle n mo. Té nónó-á mó n syi séle, Liyel tǒ soko ye péle ké tǒ n sah n pi yĩnne.

⁷ Kwáh nê-à yĩne névi nê kǒnóle, kéle tĕ kǒ. Móríle mórí syí-òle n kǒ, ñ té làpole làpo syí-òle n kǒ. Wáh yĩne ñ névi nê yah tíkí pi, tĕ yah tíkí pi. Wáh yĩne ñ yòyén sah névi nê yõ, kè sah tĕ yõ.

Yé tyí-á yĩne kè no wĕ tyí sǒ

⁸ Nnĩ yó nĕ kǒli káh we yé yõ soko. Yé ye wĕ tyínono ó kǒli ne n me yé yõ. Á ní-ò tyí-à me no á tyí, Moyisi tyi kǒnsàhnó wǎl pól ye á ko dal mo.

⁹ Káh yo Moyisi tyi kǒnsàhnó soko ne, ney káh fǒfíkì pi, ney káh nékókè mo, ney káh yĩbe yĩ, ney káh ñ yí wil ñ ní-ò kwáh tyí, à tahl tyi nónó téló to tyí-á yónóle ké soko, sépi pól ye tir kǒnsàhnó núkú mè tuke mo yo ke núkúle ne níkĕ: «Á ní-ò tyí yĩne kè no á tyí á gblǒy tyí kǒle.»*

¹⁰ Tyínono névi náh n pi n dah n mo névi tyí. Tyínono-à me névi nê soko, tĕ me Moyisi tyi kǒnsàhnó wǎl pólle n ko n dal n mo.

¹¹ Gbĩ nê soko-á ále, yé kè pĩ ó. Pwáhnmono me yúkey ále núkúnúkú à kal gbĩ nê-á lésǒ á sĕ Krista yõ. Képah ye, do n yuku gbĩ no.

¹² Tyah kah te, tyah dal gbĩ me yúkey. Á ye fĕntú tyi we n ye. Liyel-á nĕne á kǒ kyòo yah tǒ pi yĩnne,

¹³ à mó képahle kyòo yah tyípínó óle n pi. Á ye káh n pi yèwònpibule, á ye káh mó tǒ sètĕnne n pi. Á ye káh n pi fǒfínpibule, á ye káh n pi prònpibule. Á ye káh mǎlle n kǒli, á ye káh yíwilkile n pi.

¹⁴ Yé ye yé tyípínó pól ne me Tĕ ñgbĕ Yesu Krista tyí kǒle. Yé káh n ye yé dyo dyo tyi pínó fyáh yé yõ, kè po yé mo tyítúkúnĩ pínó soko.

14

Káh á yúnpile n tuke

¹ Névi nê Liyel yõ sĕnó-à me yúkú-ńkĕne yahle, yé tĕ tĕnó ple. Yé káh tĕ sǒnole n kǒli.

* 13:9 13.9 Yah n te Levitiki 19.18.

² Sõ kénkõ-á ònî Liyel yõ sãnó-à yuku yahle tẽ kõ à me fẽ yíyìn pólle n yõ, té nê Liyel yõ sãnó náh mó yuku yahle, kè me tẽ kõ à me kò yahle;

³ yíyìn pól yó-ò káh kò kò-òkẽ névile n yilo, kò kò-òkẽ névi tó káh mó yíyìn pól yó-òle n tuke. Yé náh we di, Liyel me tẽ tẽ ple dò.

⁴ Nte nê me áwòle, té á kú pò ònî yó tònpile n tuke? Wàh kú sã me n pí ple ò, à náh me n pí ple ò, kèpah me ò yòtẽ díne n yah kè. Nte á kú pí ple n pí. Yé náh we di, tãhkì me Tẽ ògbẽ tyí kú fẽ à kõ à kú n pí ple.

⁵ Túkù tyí sèpìn me sé tyí tyíle, túkù tyí sè me núkúle. Nte nê-à sã me nêne n sã, tẽ sěnyĩno ne n me ké yõ.

⁶ Névi nê-á me sèpìnne n mɔ n kõ, Tẽ ògbẽ tyí ye tẽ n pí kéle. Nê-à me yíyìn pólle n yõ, Tẽ ògbẽ tyí ye tẽ n pí kéle. Yé náh we di, Liyel yìn ye tẽ n gbilki. Nê-à se yíyìn pólle n yó-òkẽne, Tẽ ògbẽ tyí ye tẽ n pí kéle. Liyel yìn ye tẽ tó n gbilki.

⁷ Yé náh we di, ápi sòkò yó òtẽ náh me min sòkò ò gblõy yĩnne, ànê ònî yó òtẽ náh n kú n pí ò gblõy yĩnne.

⁸ Áyâh me min sòkò, Tẽ ògbẽ tyí yõ ye ále min sòkò. Áyâh se kú, òmò tyí yõ ye á kú. Kèpah ye, á me min sòkò ò, á kú ò, Tẽ ògbẽ tyí yõ ye ále.

⁹ Krista ye kú té ò lékó me yilki mɔ, nê-á à kõ à pí lékyî ànê vye Tẽ ògbẽne.

¹⁰ Nte áwò-á dò, kwâh nê pí té á á yúnpile n tuke? Té áwò tó-á dò, kwâh nê pí té á á yúnpile n yilo? Liyel kú pò á pól tuke n pí dò.

¹¹ Yé náh we di, kè me wárkínsàhnóle Liyel wey sébéy sòkò ne òkẽ: «Ñmò nê-á Tẽ NGBÈNE mé me min sòkò. No pól kú gbètukunò di òmò yah sòkò, ànê no pól kú òmòle n gbilki.»*

¹² Káh pí sě, á nénúkù núkú pól kú á tyípinó yah yo n pí Liyel tyí á gblõy.

¹³ Kèpah ye, á ye yal mɔ wẽ tükènole, yè mó kè yah tókò ne ònî yó òtẽ káh tir yó pí nê-á kú yé yúnpí yó yõ yíkú, kèpah náh pí tẽ syíkú mɔ Liyel yõ sãnó sòkò.

¹⁴ Á wró kwrónmɔnò gbò yõ Tẽ ògbẽ Yesule, òmò kè pí, ànê ò sěnyĩno me ké yõ sòkò ne òkẽ, kwâh yó òtẽ náh me sílkínóle Liyel yah sòkò ké gblõy sě. Nte névi nê-à n sã ne kwâh nê-á me sílkínóle, kè n pí sílkínóle tẽ tyí Liyel yah sòkò.

¹⁵ Káh n pò á yòke yĩnne á yúnpí mɔ yèkwòrú sòkò, á náh tó me n kò tyínòno wěkì yõ dò. Káh n pò á yòke yĩnne névi min kõ kè mɔ pí, Krista-á kú òmò nê yĩnne.

¹⁶ Kwâh nê-á kwâh pèpeyne áwò tyí, kèpah káh pò pí yínyíkìle dé.

¹⁷ Yé náh we di, Liyel tóríle, yòke ànê wò wò yí náh. Gbì wěkì, ànê yèvunú, ànê nìvìnì ye kéle Liyel Mirki gbò yõ.

¹⁸ Névi nê-à tòle n pí Krista tyí sěntěne, Liyel yí n yuku tẽne, ànê névye ò yíngbìle n yo.

¹⁹ Kèpah ye, áyâh ne yèvunú ànê wẽ yah yúkúnó we n pí sã, á ye kèpahle n yíkú.

²⁰ Á náh yĩne ò pò Liyel tòle ne n yíkú yòke yĩnne. Gbì ye, yíyìn pól tẽ wò me yályál Liyel yah ó; òte wâh kwâh yóle n yõ nê yónó-á kú fẽ pò á yúnpí yó syíkú mɔ Liyel yõ sãnó sòkò, kèpah náh ple.

* 14:11 14.11 - Yah n te Yesayi 45.23.

21 Nê-á ké pèpeyne, tir nê-á kɪ fɛ á yũnpi sykɪ mɔ Liyel yõ sɛnó sokɔ, kè se kò kònóle ò, kè se tɔ wónóle ò, kè se tyi dùkù nêne, káh kéle n pi.

22 Áwɔ sɛnó-á me nê yõ à yuku nɛnpó ùnne, ye képah tɛ áwɔ ànê Liyel wró. Nê-à tyile n pi wáh me nónóne n yah ne sáh me ple, té à náh me lékàhle ò gblòyne n kɔ, tɛ tyí nɔ.

23 Nte névi nê-à kwáh yóle n yõ té me ké tyíle n sɔ tòtò, lékàh me tɛ tyí Liyel yah sokɔ, wáh sɔnpíle kéle n pi té kè náh me pɔ yĩne Liyel yõ sɛnó wɛkùle. Tyi nónó pól-á n pi nónó náh me Liyel yõ sɛnó wɛkù yõ, tyípèl ye séle.

15

Wɛ tɛnplɛnɔle

1 Ápi nónó Liyel yõ sɛnó-á yuku yahle, á ye á no téló yótyíle n twah pé tyí. Á ye káh á dyo yíi tyi ó yah wũ.

2 Nê mè nê mè, à ò ní-ò tyí pɛkɪ pɛkɪ tyile ne n pi à kɔ à ne n yuku yahle Yesu yõ sɛnó sokɔ.

3 Krista n̄tɛ fyé náh ò dyo yíi tyi pí-nsah yah kɔ. Kè me wárkínsàhnóle Liyel wey sébéy sokɔ ò tyí sokɔ ne n̄kɛ: «Liyel, á gbyòpu-á ò gbyo gbyo nónóne, sè vi kwĩnki n̄mɔ yõ.»*

4 Tyi nónó pól-á wárkínsàhnóle Liyel wey sébéy sokɔ òngbò dùkùle, sè wárkɪ ne sè pi kwónóle ápi tyí. Sépi gbò yõ, á kɪ gbah tɛ ànê sórɛ kɪ we á sokɔ, á yáh-nsah kɔ kè náh n tye n pi.

5 Liyel nê-á névile n pi gbáhntɛ-òle ànê sórɛ névile, mé kéle n yah n kɔ ò tyí ne à yé sɔnɔ pi núkùle, yé mó Krista pi dùkùle n yah n pi.

6 Képah sokɔ, yé pól kɪ yé vyáh pi núkùle kɪ Liyelle n gbilki, òmɔ nê-á á Tɛ òngbɛ Yesu Krista Súle.

7 Képah ye, yé wɛ tɛ ple sɔ-á Krista yé tɛ ple à gbilkínóle n sah Liyel yõ.

8 Máh nêne n yo yé tyí, kè we yò: Liyel n kɔ ò tyíyónó sò. Wáh ò vyáhle Nsyifunɔ náh tân kɔ tir nê tyí sokɔ, Krista pɔ pi pé tɔnpule à képah pi pé tyí.

9 A wil képah tyí sokɔ, yìkĩn̄i téló tɔ yĩn ye à pɔ, pè kɔ pè kɪ Liyelle n gbilki ò fòkòpèndɪ yĩnne, sɔ-á kéle wárkínsàhnóle Liyel wey sokɔ ne n̄kɛ: «Képah ye mé kɪ ále n gbilki yìkĩn̄i téló névyɛ n̄yó, té kɪ ále n gbɪ.»†

10 Kè tɔ me yónóle ké fí yó sokɔ ne n̄kɛ: «Yìkĩn̄i téló névyɛ, yé n̄vìn̄ine n pi wɛ tyí Liyel nolɛ.»‡

11 Té tɔ me yónóle ne n̄kɛ: «Yìkĩn̄i téló névyɛ, yé pól Tɛ òngbɛne n gbilki. No pól mó ò gbilki gbilki yìle n gbɪ.»§

12 Yesayi tɔ kè yo ne n̄kɛ: «Nsyese pétó nàhkì kɪ pɔ yuku kɪ yìkĩn̄i pól névyɛ yah tɛ, té pè kɪ pé gbò sah ò yõ.»*

13 Liyel nê-á névi gbò sàh-nsahle, mé kéle n yah n kɔ ò tyí ne à n̄vìn̄i òngbɛ mɔ yé sokɔ, à mó yèvin̄ine yé kɔ yáh sɔnpíle sɛ ò yõ. Képah sokɔ, yé kɪ yé gbò sah yíi ò yõ ò Mirki tãhkì gbò yõ.

Pole sébéy wárkínó yóle

* 15:3 15.3 - Yah n tɛ Gbálnó 69.10. † 15:9 15.9 - Yah n tɛ Gbálnó 18.50 ; 2 Samuyelɪ 22.50. ‡ 15:10 15.10 Yah n tɛ Tɔnyonɔ 32.43. § 15:11 15.11 Yah n tɛ Gbálnó 117.1. * 15:12 15.12 Yah n tɛ Yesayi 11.10.

14 N yúnpyé, ímɔ sɛ yíí ké yõ ne pèpɔri pípu-á yéle, yáh tyi pólle n pne, ànê yáh kɪ fɛ vɪnmɔnɔle wɛne n kɔ.

15 Nte yé dyɔ to n kɔ yĩn ye n kɔ mé tyi túkù wárkɪ nìsàhle tãntãn yísyó sɔkɔ. Liyel gbò yõ ye mé pɪ kɛpahle, ñmɔ nê-á pèpɔri pɪ ñmɔ tyí,

16 à n pɪ Yesu Krista tɔnpule névyé wró, nónó náh pɪ Nsyifunɔle. Liyel tò kètãr ye mé n pɪ n Nìvìnì tir yónóle. Kɛpah sɔkɔ, nónó náh pɪ Nsyifunɔle, pè kɪ pé gblɔyne Liyel kɔ kɪ pɪ yályál n yah n Mirki gbò yõ, pè kɔ pè kɪ pɪ Liyel dyɔ yíine.

17 N wró kwrónmɔnɔ gbò yõ Kristale, máh tò nêne n pɪ Liyel tyí, kè me yõ yónóle n tyí.

18 Kéne tò ye Krista ímɔ tɔkɔ à pɪ névyé wró nónó náh pɪ Nsyifunɔle. Mé se kɪ tɔ kèyáh yo kah mɔ kɛpah yõ? Ñmɔ ye pè kɔ pè n sah Liyel tyí yõ, ímɔ vyáh wey ànê n tyípínì gbò yõ,

19 ànê gbìl tyi ñgbnɔ náhnáh sɔkɔ Liyel Mirki tãhkì gbò yõ. A tɔkɔ Yerusalemɪ kwil tyí ànê ké gbòplo kwlole, fós à kyɪ sɔkɔ Yiliri mara pól sɔkɔ, mé Nìvìnì tir yo yíí Krista tyí sɔkɔ.

20 Té mé kè yah tɔkɔ à Nìvìnì tirlé n yo tãntãn nónó sɔkɔ-á Krista yĩn náh yo yah. Nìvìnì tir-á yo sɔkɔ te tãntãn nónó sɔkɔ, mé náh sò me ké tyí ne mé kè yo nénpó nítɔ, á kɪ ne ñnì wòkò sètyah yõ sɔ mé n mɔ n dohnɪ.

21 Té máh tò nê pɪ yò, kè me yíénóle Liyel weyne nê-á wárkínsàhnóle ne ríkɛ: «N tyí náh yo sah nónó tyí, pépi ye kɪ we ñne. Nónó-á pè náh n tyí noh yah, pépi ye kɪ ké dùkù pĩ.»†

Pole me Wrome kwil yúkúnó tyíle n sò

22 Kéne tò ye kɔ n yahle gbáhyí náhnáhle n kɔ mé náh me tɛ we kyɪ yé tĩne.

23 Nte núkúnúkú, n tò ye tye mara mè sɔkɔ. Té ké ye náhnáh ye yò, yé tĩn kyɪ dékè me n kah tɛ.

24 Máh kɪ pɔ n yuku Yesɪpayĩ yamana sɔkɔ, mé kɪ yĩn yah yé tyí kɪ yé dékè ku yah kwéy, yè mó yòhnìnmɔnɔ pɪ n tyí n kɔ mè fɛ n yõ n sɔkɔ n kólóle kéne yamana sɔkɔ.

25 Nte núkúnúkú, sókónó ye íne Yerusalemɪ kwil sɔkɔ kɪ kyɪ Yesu yõ sɛpú yohnɪ mɔ nénpó.

26 Yesu yõ sɛpú nónó-á me Masedoni ànê Akayi sɔkɔ, pépi ye kè yah tɔkɔ à pé gbãñ yí yísyó tuke mɔ wɛ yõ, Yesu yõ sɛpú yãm tãn yohnɪ n mɔ yĩne Yerusalemɪ sɔkɔ.

27 Pè kè yah tɔkɔ pé gblɔy. Nte gbɪ yõ, ké kɔlɪ nítɛ sò me pé yõ. Yah kè; Nsyifunɔ gbò yõ ye névyé nónó náh pɪ Nsyifunɔle pé tɔ vyáh we Liyel tyi sɔkɔ. Pépi tɔ mó yĩne pè Nsyifunɔle n yohnɪ n mɔ pé gbãñ yíle kè.

28 Máh pɔ kéne tyi nópi yah wah te à gbãñ yí tükènmɔnɔ nópile pè kɔ te, té n sɔkɔ Yesɪpayĩ yamana sɔkɔ, mé kɪ syò yé tyí.

29 N sɛnyĩnɔ me ké yõ ne mäh pɔ yé tĩne, Krista-á kɪ sãm mɔ yíí á sɔkɔ.

30 N yúnpyé, ápi Tɛ ñgbɛ Yesu Krista yĩn yõ, ànê Liyel Mirki-á tyínɔnɔ nê dahbɪ yé sɔkɔ, sépi yĩne, mé kéle n yah n kɔ yé tyí ne, yé so mɔ n tyí náhnáh Liyel nínó sɔkɔ.

† 15:21 15.21 Yah n te Yesayi 52.15.

³¹ Yé Liyelle n ni ñmɔ tyí n kɔ̀ mè we n pwah Nsyude mara Yesu yɔ̀ sɛ̀-ńkɛ̀pú tyí, ànê yòhnìnmoɔ̀ nê-á mé syi n yuku kɔ̀-ńsah Yerusalımı kwil sɔ̀kɔ̀, Yesu yɔ̀ sɛ̀pú kè fɛ̀ n syi nìvìnì sɔ̀kɔ̀.

³² Képah náh, Liyel-à kɪ fɛ̀ syi, mé kɪ yĩni tɛ̀ yé ùnne nìvìnì sɔ̀kɔ̀ kɪ pɔ̀ mɪ yah kwéy.

³³ Liyel nê-á yèvinì nètɛ̀ne, mé kéle n yah n kɔ̀ n tyí ne à ne n me yé pólle. Amiina.

16

Wékínóle névye tyí

¹ Mé á dósê Febele n dahbi yé gbò, ñmɔ nê-á yòhnìnmo-òle Sãnkri kwil Yesu yɔ̀ sɛ̀pú ùnkɪ sɔ̀kɔ̀.

² Yé n tɛ̀nɔ̀ ple Tɛ̀ ñgbɛ̀ yĩn yɔ̀, n yɔ̀ sɛ̀pú-á wɛ̀ne n tɛ̀ sɔ̀. Yè mó ñne n yohni n mɔ tyi tyi pól sɔ̀kɔ̀ yé yétò-à syi n tyí. Yé náh we di, à ye névye náhnáh yohni mɔ sɔ̀kɔ̀, té ñmɔ tɔ̀ yohni mɔ.

³ Yé wekɪ Prisili ànê Akilasɪ tyí, pépi nónó-á ñmɔ tò pɪ mûne Yesu Krista tyí.

⁴ Pè ye ku farkɪ ñmɔ min pwáhnmo-ńsah. Nmɔ ó náh n kɔ̀ péle pèpɔ̀ri pínó weyne dé, Yesu yɔ̀ sɛ̀pú ùnkɪnó pól nónó-á pè náh pɪ Nsyifunole, pépi tɔ̀ me pé pèpɔ̀rɪle n pne.

⁵ Yé wekɪ Yesu yɔ̀ sɛ̀pú ùnkɪ tɔ̀ tyí, nónó-á wɛ̀ne n tuke n mɔ pé gbò sɔ̀kɔ̀. Yé wekɪ ní nénóní Yepayinetɪ tyí, ñmɔ nê-á pɪ négbenne à sɛ̀ Krista yɔ̀ Asi mara sɔ̀kɔ̀.

⁶ Yé wekɪ Mari tyí, ñmɔ nê-á tò kah pɪ yé tyí.

⁷ Yé wekɪ Andronikusi ànê Nsyunyasi tyí, pépi nónó-á ñmɔ tyí névyele té á wòkònpèkè pɪ wɛ̀ tyí péle. Yòyén me n sah n yíí pé yɔ̀ pé no Yesu tɛ̀ntò névye sɔ̀kɔ̀. Pépi ñtɛ̀ pɪ Yesu yɔ̀ sɛ̀púle ñmɔ yah sɔ̀kɔ̀.

⁸ Yé wekɪ Anpiliyatusi tyí ñmɔ nê tyí-á tah yíí ní tyí Tɛ̀ ñgbɛ̀ wɛ̀kɪ kóló sɔ̀kɔ̀.

⁹ Yé wekɪ Yuribɛ̀ tyí, ñmɔ nê-á á tò pɪ mûne Krista tyí. Yè mó wekɪ ní nénóní Syitakisi tɔ̀ tyí.

¹⁰ Yé wekɪ Apelesi tyí, ñmɔ nê-á n yín-ńsah filkɪ viki Krista yɔ̀ sɛ̀nó sɔ̀kɔ̀. Yé wekɪ Arisitobuli gbò tãn tyí.

¹¹ Yé wekɪ Yorodyɔ̀ tyí, ñmɔ nê-á ní tyí névile. Yé wekɪ Narsisi gbò tãn tyí, nónó-á sɛ̀ Tɛ̀ ñgbɛ̀ yɔ̀.

¹² Yé wekɪ Tirifeni ànê Tirifosi tyí, pépi nónó-á tò pɪ Tɛ̀ ñgbɛ̀ tyí. Yè mó wekɪ ní kósê Persidi tyí, ñmɔ nê yi-á tò kah pɪ Tɛ̀ ñgbɛ̀ tyí.

¹³ Yé wekɪ Wrufusi tyí, ñmɔ nê yĩn-á me wìlnóle Tɛ̀ ñgbɛ̀ tò pínó sɔ̀kɔ̀. Yè mó wekɪ n yú tyí, ñmɔ nê tɔ̀-á pɪ ñmɔ yúne.

¹⁴ Yé wekɪ Asɛ̀kriti tyí, ànê Flekòle, ànê Yeremasile, ànê Patrobesele, ànê Yeremasile, à tahlɪ á yúnpyé nónó-á me péle wɛ̀ tyí.

¹⁵ Yé wekɪ Filolokɪ ànê Nsyuli tyí, ànê Nere, ànê n dósêle, à tahlɪ Wolɛ̀pasɪ ànê Yesu yɔ̀ sɛ̀pú pól tyí, nónó-á me péle wɛ̀ tyí.

¹⁶ Yé wekɪ wɛ̀ tyí tyínɔ̀nɔ̀ sɔ̀kɔ̀. Yesu yɔ̀ sɛ̀pú ùnkɪnó pól n wekɪ yé tyí.

Pole me vìnmoɔ̀ tɛ̀yne n kɔ̀

17 N yũnpyé, mé kéle n yah n kɔ́ yé tyí ne kwónó nónó-á yé we sɔkɔ, névye nónó-á me yuku sépile n fwo, té gbékínóle n dah n mo yé wró, yé yé gblɔ̃yɛ n tẽ péle. Yé káh péle n tĩnki.

18 Kéne névye nópi òkùle kè; yé káh we ne ápi Tẽ ògbẽ Krista tyí-á pè n pi tòle dé, pé kèkùrn ye pè n yĩki. Vyáhsesyíri sɔkɔ, pè òpì-òkè névye yó yiki pé yĩnvĩ welole.

19 Yáh me n sah Tẽ ògbẽ tyí yó òkù nêne, no pól me kéle n pne. Képah ye ní nɪ me vínóle yéle náhnáh. Nte mé me ké tyí ne yé lékám we yé tyípeplole n pi. Yé ne n me yályál, yé káh tyítúkúnĩne n pi.

20 Liyel nê-á yèvinɪ nètẽne, ò kwéy, à kɪ sètãn yòtẽ tyí yiki pi yé gbáhkì súnsàh-òsahle. Mé kéle n yah n kɔ́ ápi Tẽ ògbẽ Yesu tyí ne à yòbènrɪ pi yé tyí.

21 Timote nê-á ní tò pi mũne, à n wekɪ yé tyí, à tahlɪ Lusiyusi, ànê Nsyasò, ànê Sosipaterɪ tyí, pépi nónó-á ní tyí névyele.

22 Nmo Terityusi nê-á pè ní kɔ́ mé sébéy mè wãrkɪ, ní to n wekɪ yé tyí Tẽ ògbẽ yĩn yó.

23 Kayusi nê tyí-á nmole twáhntẽnóle, té Yesu yó sèpú tĩnkì wẽne n tuke n mo n pɔ̀ ò tĩnne, à n wekɪ yé tyí. Kwil pò màr-ò dí Yerasɪtɪ ànê á yũnpi Kwaritusi n wekɪ yé tyí.

24 [Mé kéle n yah n kɔ́ ápi Tẽ ògbẽ Yesu tyí ne à yòbènrɪ pi yé pól tyí. Amiina!]

Gbílkinó sàhnóle Liyel yó

25 Gbílkinó ne n sah Liyel yó. Tẽnweno me ò tyí kɪ fẽ tãhkìle yé kɔ́ à yĩne Nìvìnì tir nêne mé n yo yé tyí Krista tyí sɔkɔ. Sètĩn sò tir ye lésò kéle ògbò òkùle,

26 té pɔ̀ wilki mo núkúnúkú kwèyy kyòo yah, Liyel tẽntò syínyopu tyi wárkínsàhnó gbò yó. Tyé-òkè Liyel ye lésò pè kɔ́ pè kè wãrkɪ sah sònkò yĩkìní pól névye kè we n pĩ. Képah sɔkɔ, pè kɪ sè Liyel yó té kɪ n sah ò tyí yó.

27 Liyel núkúní nê-á lékám ó ò tòó, gbílkinó ne n sah òmo yó gbímegbí Yesu Krista gbò yó. Amiina!

Pole sébéy tékínmonole Korēnti tãn tyí

Tyàh-nsah weyne

Korēnti kwille, kè me pne yreyno nínó yísyó wró, pè n ye Yesye ànê Yadratikile. Gbò yĩ yĩ wǎl ñgbno nónó pól-á sò syõ kéné kwil, kéné kwil tãn ye sò n yah sé yõ. Kreaki névye móntě-nsah kedyâh yó ye sò nénpóle. Nte Wrome tãn pò kè sò, té tõ pé syi kè tõ mɔ. Korēnti kwil tãn tyí, lékóló wǎl kó-ńtãn sò tno kah mɔ. Kǎh pɪ sě, tyídĩ duke pól sò n we nénpó, ànê lékám dukeno pólle, à tahlı tãn gbilki gbilki wǎl duke náhnáh tyí. Té gbò yĩ-nsah kwil ye tõ sò kéle.

Pole-á lésõ n yuku ñ kóló ke ní-ò sòkɔ, à kyı ńwǒló gbõnkwardtõno pɪ nénpó. Té Nivini tir we yo, névye kō pè we sě Yesu yõ nénpó. Nónó-á sě Yesu yõ, Nsyifunɔ ye sò pé tükùle. Té pé kanne, Nsyifunɔ náh péle. Tahlı ànê yõtãm náh sò me fwóo pé sòkɔ. Pé kan sò me yãm tãnne. Pè sò pé gblõyne n pɪ lékám ñgbno névyele. Kǎh pɪ sě, pè sò me nivini sòkɔ, té me n sò ne pǎh me pé gblõy yõ, ànê lékám-á me pé tyí.

Ye yísyó sókónteno náh, Pole-á pópó n sòkɔ ñ kóló ke tõ-ò sòkɔ, sébéy nê-á yò, à kè wǎrkı Yefesı kwil sòkɔ, à tekı mɔ Korēnti tãn tyí.

Nte dı yó lésõ me pè n ye Apolõsile. A n wil Alekisãdri kwil. Wǎh pò kyı Yefesı kwil, Prisili ànê ñ pɛ Akilası nê-á Pole kóđine, pépi me à kwɔ, té sóré mɔ ñ sòkɔ à kō à kyı sèpın yísyó pɪ Korēnti kwil.

Kè me á kɪ ne Pole sǒ sébéynó yísyó wǎrkı tekı mɔ Korēnti tãn tyí, nónó-á sé tyí yah náh me we kwey mè sòkɔ, à wil 1 Korēnti ànê 2 Korēnti tyí sòkɔ.

Tyino nínó yĩn ye sò Pole wǎrkı tekı mɔ 1 Korēntile:

- Pole lésõ tyi yísyó we noh Korēnti kwil Yesu yõ sǎpú tyí sòkɔ, nónó-á me yèkworile n mɔ ñ sòkɔ.

- Korēnti tãn lésõ nósyó tekı mɔ ne, pè pò sébéy yóle Pole kō, nê sòkɔ-á pè me kè yah kō ñ tyí ne, à pé vi mɔ tyi náhnáh sòkɔ.

A wil képah sòkɔ, Pole-á kwónó nónó pɪ, Yesu yõ sǎpú tükù sò me sè yahle, ànê pè náh me kè fě syi ne Yesu tǔntò névi-á ñne. Kǎh pɪ sě, Pole me de yo kéné tyi sòkɔ náhnáh ñ sébéy mè pól sòkɔ.

1 Korēnti sébéy mène, kè vñmɔno náhnáhle n kō, nónó-á kɪ fě Yesu yõ sǎpú tñkĩnó yohnı mɔ kwey gbĩ mè sòkɔ.

Liyel yé yah tǔ ké kárnó sòkɔ.

¹ Nmɔ Pole nê-á Liyel ye pɪ Yesu Krista tǔntò névile à yĩne Liyel dyo yĩ tǔne, nmɔ ànê á yĩnpi Sositenı ye n tekı n mɔ sébéy mène

² yépi Yesu yõ sǎpú tñkĩ tyí, yépi nónó-á me Korēnti kwil. Yépi nónó-á me wĩkĩnsàhnóle Liyel tyí yõ té me kwrónmɔnole Yesu Kristale, yépi ye Liyel ye à tahlı Yesu yõ sǎpú pól tyí tãntãn pól sòkɔ. Yépi pól me Tě ñgbě Yesu Krista yĩnne n ye n gbo. Nmɔ ye yépi Tě NGBĚNE ànê ápi to Tě ñgběne.

³ Á kéle n yah n kō Sú Liyel ànê Tě ñgbě Yesu Krista tyí ne, pè yòbènrı ànê yèvinıne yé kō.

⁴ Liyel ye yòbènrı pɪ yé tyí, yáh sǔnpıle me kwrónmɔnole Yesu Kristale. Képah ye, mé n wekı Liyel tyí gbĩmegbí yépi yĩnne.

5-6 Yesu Krista tyí nê-á yo wah yé tyí, kè ye tẽ-nsah we yé nno soko. Képah gbò yò soko ye yé we kwro mo Kristale, té Liyel me pèpori dukeno pól pi yé tyí, yé kò yé wey dukù pólle n pne, ànê pnèno duke pólle yé tyí.

7 Kãh pi sê, Liyel pèpori yó ntẽ nah yah kwlo yé tyí, yépi nonó-á me á Tẽ ngbẽ Yesu Krista syínpono syiki tẽ.

8 Liyel ye ki tã yé pi gbáhtẽpule, fók ki po syi Tẽ ngbẽ Yesu Krista syi n po sò tyí. Képah soko, yé ki pi wényo-nsah kène yé tyí lésòle.

9 Liyel n ko n tyíyónó sò, nmo nê-á yé ye po kwro mo n Pídí Yesu Kristale, nê-á á pól Tẽ ngbẽne.

Gbékínó nê-á de Yesu yò sèpú wró Korēnti kwil soko

10-11 N yúnpyé, mé noh Klowe no yísyó tyí ne yékâb-á me de yé wró. Képah ye, ápi Tẽ ngbẽ Yesu Krista yín yò, mé kéle n yah n kò yé tyí ne, yé yé vyãh pi nukúle. Yé káh n ye gbékínó ne me yé wró. Yé yé sòno ànê yé tyi yáhtokonono pól pi nukúle.

12 Nê-á mé n yo yé tyí gbékínó mè tyí soko, kè we yò: - Túkù ne nkẽ, nmo Pole nah névye-á pépile. - Túkù me ne Apolosí nah névye-á pépile. - Túkù mó ne Pyeri nah névye-á pépile. - Túkù wo mó ne Krista nah névye-á pépile.

13 Yépi tẽ se me n sò ne Krista-á me tókinóle? Pole se pè syi dahní yò yé yinne? Pole yín yò se pè wel wilki yéle ni soko?

14 Mé n weki Liyel tyí, máh sònpíle mé nah nnî yó ntẽ wel wilki ni soko yépi soko, à wil Krisipusi ànê Kayusi tyí soko.

15 Kãh pi sê, nnî yó ntẽ nah fẽ n yo n pi ne, nmo yín yò-á pè pé wel wilki ni soko.

16 Jòjò, ní dyo to kò ne máh Sitefanasi ànê n no to wel wilki ni soko. Té à wil pépi tẽ tyí soko, ní dyo nah tã me n kwne ne máh nnî yó wel wilki ni soko.

17 Krista nah nmo teki mo ne mé wènwilkínóle n pi ni soko dò, à ní teki mo Nivini tir yo yinne, nê-á kè nah yíne kè ne n yo à yíne névi yòtàhsyi yípî dukúle, Krista syínó kò kè po pi yò kène dahní yò.

Krista syínó Liyel tẽnwenó ànê n yípîle n wèki

18 Yah, wãh ne Krista-á ku dahní yò, kè n pi n tẽ nêwõré welole névye yah, nonó-á me mónpono wèkì yò Liyel tyí tinné. Nte ápi nonó-á me pwáhnmono wèkì yò, ápi tẽ wo tyí, Liyel tẽnwenó ye kèle.

19 Yé nah we di, kè me wárkínsàhnóle Liyel wey sébéy soko ne nkẽ:

«Mé ki yí pípú yípî yiki,
té ki lékám névye lékám niri.»*

20 Nte yí pípú tã nyãh, ànê kãrn ngbno pípúle, à tahlí kwey gbí vyãhsensyírípu tyí wé? Liyel kè wèki pnéyy ne yípî nê-á me kèkõyó mè névye soko, nêwõré-á kéle dò.

21 Kèkõyó névye ànê pé yípî fyé yò, pè nah tẽ we Liyel dukù pí n yípî soko. Kãh pi sê, n wey nê-á n yo té kéle nêwãn weyne pé yah, nonó-á sê ké yò, Liyel kè yah toko à pépi pwah mo képah gbò yò.

22 Nsyifunó tẽ n ne n me ké tyí ne gbíl tyi pi pé we, té Kreaki névye wo n mó n ne n me yípîle n yah n kò.

* 1:19 1.19 - Yah n te Yesayi 29.14.

23 Nte ápi tẽ wɔ me Krista tyile névyele n kwɔ, nê-á Liyel ney yáhtɔkɔnɔle pè syi dahnɪ yõ. Kè me yõ yíkínó weyne Nsyifunɔ tẽ sõnɔ sɔkɔ. Nêwõré welo mó kéle névye tyí nónó náh pɪ Nsyifunɔle.

24 Nte Liyel-á nónó ye pwah mɔ Nsyifunɔ sɔkɔ, ànê no téló sɔkɔ, pépi tẽ wɔ tyí, Liyel tẽnwenɔ ànê n̄ yípî ye Kristale.

25 Yé náh we di, Liyel tyípínì nónó-á nêwõré tyile névye sõnɔ sɔkɔ, sè yípî tyile kal névi yípîle, té n̄ tyípínì nónó-á n̄ tẽnkwlonɔle n wêkɪ névye sõnɔ sɔkɔ, sé tɔ tẽnwenɔle kal névi tẽnwenɔle.

26 N̄ yúnpyé, Liyel-á yépi nónó ye, yé yé gblõy kèdùkù yah kè. Kèkõyó névye-á nónónɛ n yah yípî névyele, ànê tẽnpnèpule, ànê né-ngbnɔle, sɛnkɔ névye náh me fwóo yé sɔkɔ.

27 Nte tyi nónó-á kèkõyó névye me n yah nêwân tyile, sépi ye pyè Liyel yah tɔkɔ à sennɛ yĩ pípú tẽ. Té tyi nónó-á pè me n yah tẽnkwlonɔ tyile, sépi ye à yah tɔkɔ à sennɛ tẽnwepu tẽ.

28 Tyi nónó-á kèkõyó névye me n yilo, sè náh me kwâh yóle pé yah, pè náh me séle n mɔ n kō, sépi ye Liyel yah tɔkɔ à sé téló tyí yíkɪ, pãh me nónónɛ n mɔ n kō.

29 Képah sɔkɔ, Liyel némóní yó n̄tẽ náh tẽ we n̄ gblõy yõ n sah n pi Liyel yah sɔkɔ.

30 Nte Liyel gbò yõ sɔkɔ ye yéle kwrónmɔnɔle Yesu Kristale. Té Yesu Krista wɔ gbò yõ sɔkɔ ye ápi me yípî mè we, nê-á wil Liyel tyí. Nmɔ gbò yõ ye tõ á pɪ négbólɔle Liyel tyí, té me wìkĩnsàhnóle n̄mɔ tyí yõ. Té à me á pwah mɔ á tyípèl sɔkɔ.

31 Képah ye, «Névi nê-à me ké tyí ne pé pé gblõy gbilki, Tẽ n̄gbê-á tyi nónó pɪ ápi tyí, tẽ n̄ gblõy gbilki sépi yinne.»† Sè ye kéle wárkĩnsàhnóle Liyel wey sébéy sɔkɔ.

2

1 N̄ yúnpyé, Liyel tir nê-á sò me wõbìnsàhnóle, máh kyɪ yé t̄inne à kyɪ ké tyí yo wilki mɔ yé tyí gbí n̄nɛ, mé náh sò me kéle n yo yé tyí wèngbìl sɔkɔ, ànê névi yõtãhsyi yípî sɔkɔ.

2 Mé náh sò me tir yó n̄tẽ we yo yo t̄nɛ yé tyí yõ-á me nê tyí, à wil Liyel ney yáhtɔkɔnɔ Yesu tyí sɔkɔ, ànê n̄ syínó tyile dahnɪ yõ sɔkɔ.

3 Nmɔ sò me yé wró sɔkɔ tãhkì k̄nɛ n̄ sɔkɔ, té t̄íkí me n̄ tẽ, ànê n̄ wil me n syah.

4 Máh sò me kwónó n̄nɛ n pɪ, té Liyel wey n̄nɛ n yo, névi yõtãhsyi yípî náh sò mé n pɪ séle à yé sõnɔle n vi n mɔ. Liyel Mirki ye sò n wêkɪ n̄ tẽnwenɔle.

5 Kãh pɪ s̄, kè náh pɪ ne névye yípî gbò yõ s̄ yé s̄ Yesu yõ dé, Liyel tẽnwenɔ gbò yõ ye.

Yípî nê-á n wil Liyel tyí

6 Nónó Yesu yõ s̄nó-á de ȳin, á me pépile n kwɔ yípîle nê-á ké gblõy kèkõyó névye ànê pé yõtãm tyile, pépi nónó min-á kɪ n tyɛ n pi.

† 1:31 1.31 - Yah n tɛ Nsyeremi 9.23.

7 Ápi me yí̂p̂ile névyele n kwɔ nê-á wil Liyel tyí, képah nê-á sò me wòbìnsàhnóle. Kèkòyó mó-ńkê gbí òkù sòkò ye lésò Liyel yah tɔkò sah kéle, ápi yò yò yinne.

8 Kèkòyó yòtãm sòkò yó n̄tē náh kè p̄. Pàh sò me kè p̄, pè náh náhki Tē ñgbē syi n pi dahni yò, ñmɔ nê-á t̄r̄í n̄tēne.

9 Tyi nópi pi à ȳne s̄-á lésò kéle wárkínsàhnóle Liyel wey sébéy sòkò ne ńkê:

«Névi yí náh tē yah nê yò,
 ñ níki náh nê noh yah,
 nê s̄nɔ náh de yah ñ sòkò,

sépi ye Liyel yah sah névye k̄, ñ tyí-á nɔ nónó tyí.»*

10 Yé náh we di, Liyel tyi nópile á w̄k̄i ñ Mirki gbò yò. Liyel Mirki k̄i f̄e tyi pól sohl̄i, kàh s̄ Liyel fókós̄nɔ n̄tē t̄le.

11 Né áwɔ ó náh, ñn̄i yó n̄tē náh f̄e á s̄nɔ p̄i n pi. Né Liyel Mirki tɔ ó náh, ñn̄i yó n̄tē náh f̄e Liyel s̄nɔ p̄i n pi.

12 Nte Mirki nê tē wɔ-á ápi sòkò, Liyel Mirki ye; kèkòyó tyí náh. Liyel-á yòbènɔri pi ápi tyí à ȳi nónóne á k̄, ñ Mirki gbò yò sòkò ye á f̄e p̄i ȳi séle.

13 Té á náh me sé tyíle n yo à ȳne névi yòtãhsyi yí̂p̂i kwɔ òkùle dé, Liyel wey ye ápi n yo à ȳne Liyel Mirki-á kéle á w̄k̄i s̄. Té Liyel Mirki-á me nónó sòkò, pépi tyí ye à n ne n yo n wah Liyel Mirki tyile.

14 Névi yòtãhsyi s̄nɔ òkù kókó tē ó-à me névi nê sòkò, tē náh Liyel Mirki tyile n f̄e n syi. Tē n tē sé òkù p̄i n kw̄lɔ. Kàh pi s̄, sè n ne n me n̄w̄r̄é tyile tē yah. Nte Liyel Mirki gbò yò ó ye, névi sé òkùle n pne.

15 Nte Liyel Mirki-á me névi nê sòkò, tē wɔ ye k̄i f̄e tyi pól òkù kyɔm̄i p̄i, té ney náh f̄e tē wɔ òkù kyɔm̄i n p̄i n pi.

16 Kè me wárkínsàhnóle Liyel wey sébéy sòkò ne ńkê:

«Nê tē wɔ me Tē ñgbē s̄nɔle n pne wé?

Nê tē wɔ k̄i f̄e v̄n̄m̄ɔn̄le à k̄?»† Nte yé yah, Krista s̄nɔ ye ápi sòkò.‡

3

Liyel wey yópú tò-á n̄ne

1 N yúnpyé, mé náh lésò tē we Liyel wey yo yé tyí, s̄-á m̄ kéle n yo névyé tyí, nónó-á Liyel Mirki me pé yahle n tē. Nte mé kè yo yé tyí, s̄-á m̄ kéle n yo névyé tyí nónó-á nê ó-à tē dyɔ à n pi. Kàh pi s̄, yé lésò me píyírín̄le Yesu Krista yò s̄nɔ sòkò.

2-3 Yáh lésò me píyírín̄le s̄, yòke t̄nt̄i k̄i lésò k̄n̄ pi yéle, képah ye mé lésò ȳn̄ik̄ile yé k̄. Nte à pɔ syi kwey m̄ n̄tē tyí, nê ó-à yé dyɔ yè n pi. Képah ye, kè k̄i t̄ k̄n̄ pi yéle. Yé yah kè, s̄-á yúnw̄r̄í ànê m̄l̄ t̄ne fyò yé wró sòkò yò, nê ó-á yé dyɔ képah ye yé me n pi, ànê névi yòtãhsyi pi òkù ye yé sòkò.

4 S̄-á yé túkù tyah n yo ne, Pole náh névyé-á pépile, túkù me ne, Apɔlɔsi náh névyé-á pépile, névi yòtãhsyi pi òkù ye yé n pi.

5 Nê me Apɔlɔsile? Anê nê me ñmɔ Polele? Tònp̄ub̄i ye ápile, nónó gbò yò-á yé s̄ Tē ñgbē yò. Á n̄n̄úkù n̄kù pól t̄n̄ ye á n pi, à ȳne Tē ñgbē-á nónó sah á k̄.

* 2:9 2.9 - Yah n te Yesayi 64.3. † 2:16 2.16 - Yah n te Yesayi 40.13. ‡ 2:16 2.16 - Tē ñgbē ànê Krista s̄nɔ me n̄kùle.

6 Nmɔ ye sɔ mɔ, Apɔlɔsɪ me kè pu. Nte Liyel ye pɪ kélé kè kyãh.

7 Nmɔ nê wɔ-á pɪ kélé kè kyãh, ñmɔ ó kɪ n mɔ n kɔ. Névi nê-á sɔ kélé, ànê nê-á pu kélé, pépi náh n mɔ n kɔ n pi.

8-9 Api pól pɪ tɔ́ pípule Liyel tyí. Képah ye névi nê-á sɔ mɔ, ànê nê-á pu kélé, pépi pól me núkúle. Té pé nénúkù núkú pól kɪ pɔ pé tãn pínó lédyáhní we n pi à yĩne pé tãn pínóle. Yépi ye pɪ Liyel swãhle.

Yépi ye tɔ́ pɪ ñ wòkòle nê-á à me n mɔ.

10 Liyel-á yòbènrɪ nê pɪ í tyí, képah gbò yò sɔkɔ, mé tẽ we wòkò sètyah wilki wòkò mónpnè-ò pèpɛy tyí kɔ́le. Té képah yò sɔkɔ ye ñnî me n mɔ n dohnɪ. Nte nê-à n mɔ n dohnɪ ké yò, tẽ kyòmìnóle n pɪ ñ mɔ dùkù sɔkɔ.

11 Sètyah nê-á wilki te yò, ñnî yó náh tɔ́ fẽ kèyãh wilki n pi à wil képah tyí sɔkɔ, képah nê-á Yesu Kristale.

12 Wòkò sètyah nê-á wìlkintɛnɔle yò, sɔ-á túkù-à me kélé n mɔ n dɔkɔ mo mo yìle sɔ-á sãnne, ànê wárnnɛ, ànê dyéh pèplɔle, té túkù me kélé n mɔ n dɔkɔ mó-ńkẽ yìle sɔ-á léslóle, ànê ñdrɔle, képah náh pɪ filkókórúle,

13 kèkòyó tukey tuke sɔ ye, nénúkù núkú pól-á tãn nónó pɪ sɔkɔ, sàh kɪ me ple, sé gbɪ kɪ pĩ. Lésɔ kɪ me nyàh sɔ, nê-á kɪ no pól tãn gbɪ yah, kɪ sé dùkù wẽkɪ.

14 Nê tɔ́ pínó-à súké-ńkẽne, tẽ kɪ ké lédyáhní we.

15 Nte nê tyí-à suke, tẽ tẽ wɔ kɪ pwah ó, té à náh ké lédyáhní we n pi. A kɪ núkú me á kɪ ne nyàh sɔkɔ sɔ à yĩkɪ to wil ñ gbò kókóle.

16 Yé se yó pĩ ne yépi Yesu yò sɛpú tĩnkĩ-á Liyel ní-ńsah gbòle, ànê ñ Mirki-á me déntɛnóle yé sɔkɔ té.

17 Liyel ní-ńsah gbò me sàhnóle Liyel tyí yò, képah nê-á yépile. Képah ye, névi nê-à Liyel ní-ńsah gbò yɪkɪ, Liyel kɪ tẽ tyí yɪkɪ.

18 Ñnî yó ñtẽ káh ñ gblɔy tɔ́ mɔ. Yé sɔkɔ nê-à me ñ gblɔyne n pɪ yípĩ névile à yĩne kèkòyó névyɛ yíyáhnóle, tẽ ñ gblɔy vi n mɔ n pɪ néwòle à yĩne névyɛ yíyáhnóle, à mó Liyel yípĩ we.

19 Yé náh we di, kèkòyó névyɛ yípĩle, néwòré ye kélé Liyel yah sɔkɔ dò. Kè me wárkínsàhnóle Liyel wey sébéy sɔkɔ ne ńkẽ: «À yĩ pípule n mɔ n tẽ pé lékámkãm sɔkɔ.»*

20 Té tɔ́ me wárkínsàhnóle ké fĩ yó sɔkɔ ne ńkẽ: «Tẽ ñgbẽ yĩ pípu sònɔle n pne. A pĩ ne sè náh fẽ tir yó ñtẽ pekɪ n pi.»†

21-22 Káh pɪ sɛ, ñnî yó ñtẽ káh ñ gblɔyne n yò n sah ne páh me yáhnkò náh, képah náh pɪ yáhnkò wɔ náh. Nmɔ Pole ò, Apɔlɔsɪ ò, Pyɛrɪ ò, kèkòyó ò, min képah náh pɪ kũ ò, kwey gbĩ tyi ò, ńsò tyi ò, sépi ànê ápi pólle, yépi tyí ye.

23 Nte yépi me Krista tyí yò, Krista wɔ mó me Liyel tyí yò.

4

Pole ànê Korēnti tãn wró tyile

1 Yé yĩne yè pĩ ne Krista tònpuɔ-á ápile, ànê tyi nónó-á lésɔ wòbìnsàhnóle, Liyel-á séle ápi gbò dahbɪ, á kɔ á syi n yo.

2 Nte tyi-à dahbɪ nê gbò, kè n ne n me yáhnkònɔle tẽ tyí ne à ne n me tómm sé pínó sɔkɔ.

* 3:19 3.19 - Yah n te Nsyɔbɪ 5.13. † 3:20 3.20 - Yah n te Gbálnó 94.11.

³ Nmɔ tẽ wɔ tyí, yépi képah náh pɪ tukey tükèpu-à kɪ sɔ́ lékàh, képah náh pɪ lénòlɛ nɛnɛ n kɔ́ sɔ́, képah náh mɛ tir yóɛ nɛmɔ yah. Nmɔ tẽ wɔ náh mɛ lékàh, képah náh pɪ lénòlɛ n gblɔ́ynɛ n kɔ́.

⁴ Tòtò náh mɛ nɛmɔ nɪ sɔkɔ pólɛ nɛ máh tyípékè pɪ. Ntɛ képah náh n wɛkɪ nɛ lékàh kɛ́ névi-á nɛnɛ tẽ wɔɛ. Tẽ ñgbɛ́ ó yɛ kɪ fɛ́ lékàh, képah náh pɪ lénòlɛ nɛmɔ kɔ́.

⁵ Képah yɛ, yé káh ñmɔ dyàh tẽ lékàhɛ névyɛɛ n kɔ́ ké gbí nó-ńkɛ́ sɔkɔ. Yé ñ pónó sykɪ. Nmɔ kɪ pɔ sètɪn sò tyi wilki mɔ kwèyy, té kɪ névyɛ fɔkɔ sònɔ wilki mɔ kégbó. Képah sɔkɔ, yò yónó nê-à yĩnɛ nêɛnɛ, tẽ kɪ kè wɛ Liyel tyí.

⁶ N yúnpyé, yépi yĩn yɛ mé Apɔlɔsɪ ànế n gblɔ́y pɪ dùkù tokɔ à yé wɛkɪ, nê-á kɪ yé kɔ́ yé kɪ pɪ nɛ tyi nónó-á wàrkɪ, ñnî yó n̄tẽ náh yĩnɛ à nɛ n pɪ n kah n mɔ sépi yò. Képah sɔkɔ, ñnî yó n̄tẽ náh ñ gblɔ́y gbilkínó sɔkɔ, ñnî yó tokɔ fónfó pɪ n kal n pɪ ñ ní-òɛ.

⁷ Kwâh nê kɪ ñ kɔ́ á kɪ kal no télólɛ? Kwâh nê tẽ mɛ á tyí, né Liyel náh ñ kɔ́ kéɛ? Ntɛ kɔ́nó à kéɛ à, sɔ́ pɪ té á á gblɔ́ynɛ n gbilki á kɪ nɛ Liyel kósyí ñ kɔ́ kéɛ?

⁸ Yì nónó pól-á yé n yah n kɔ́, yé yɛ núkú sè wɛ tɛ yé yo kè? Yé pɪ tɛ tahbɪɛ yé yo kè? Yòtɔ́rí yɛ núkú yé mɛ n pɪ ápi kɛ́nɛ yé yo kè? Yáh náhki sò mɛ wɛ pɪ yòtãmnɛ ápi tɔ náh kɪ mɛ yòtɔ́rí sɔkɔ yéɛ.

⁹ Nkɛ́ kè mɛ nɛmɔ tẽ tyí, á kɪ nɛ Liyel sɔ́ ápi Yesu tɛntò névyɛ pɪ no pól náh névyɛɛ. Á pɪ névyɛ sɔ́ nónó-á kɪ pɔ n ko n mɔ n pi. Káh pɪ sɛ́, á pɪ syáh syah yíɛ kèkòyó pól tyí, yĩnyò tònɪɪɪ tɔkɔ dohnɪ névyɛ yò.

¹⁰ Ápi pɪ nêwãnnɛ Krista yĩnnɛ, té yépi mɛ pɪ yĩ pípúɛ Krista sɔkɔ yé yo kè? Ápi pɪ tɛnkwɔɔpɔɔɛ, té yépi mɛ pɪ tɛnwɛpɔɔɛ yé yo kè? Ápi mɛ yílónóɛ n wɛ, té yòyén mɛ n sah yépi yò yé yo kè?

¹¹ Yé náh wɛ di, fɔ́ ó à pɔ syɪ núkúnúkú mɛ n̄tẽ tyí, kwɛkɪ ànế níkɪ mɛ áɛ n kwɔ. Mɔ mɔ flo náh mɛ á tyí. Á mɛ kole n syi, té tẽ-ñsah náh mɛ á tyí.

¹² Á mɛ tòɛ n pɪ kètãhkɪyố á gbãnnɛ, à á yò yò tɛnɛ n wɛ. Pàh áɛ n gbyɔ, ã sãmnɛ n mɔ pé sɔkɔ. Pàh áɛ n fòh, ã kè fɛ́ n syi.

¹³ Pàh á tyíɛ n yo n ko, ã wɛnpèplɔɛ n wɛkɪ pé tyí. Á mɛ pɪ tẽ kèkòyó yésyí ànế ké yítúkún̄nɛ névyɛ tyí, pópó à pɔ syɪ núkúnúkú mɛ tyí yò.

¹⁴ Ntɛ mé náh mɛ tyi nópile n wàrkɪ n tɛkɪ n mɔ yé tyí nɛ mé sennɛ yé tẽ dé, gbáhdyáh yɛ mé n di n sah kéɛ yé tyí, yépi nónó tyí-á no yíí n tyí á kɪ nɛ n̄ wɛnpɪ sɔ́.

¹⁵ Yé yah, Nìvìnì tir yónó gbò yò sɔkɔ yɛ yé pɪ nɛmɔ wɛnpɪɛ à sɛ́ Yesu Krista yò. Képah yɛ, nɛmɔ mɛ n mɔ kɔ́ á kɪ nɛ yé sú sɔ́. Nónó-á mɛ yéɛ n kwɔ Yesu Krista tyíɛ, pàh sɔ́ mɛ no nɛpɪ́ kèyò kwɔ́ɛ ò (10 000), yé pɪ nɛ sú núkú tẽ ó-á yé tyí.

¹⁶ Képah yɛ, mé kéɛ n yah n kɔ́ yé tyí nɛ, yé nɛmɔ pɪ dùkùɛ n yah n pɪ.

¹⁷ Képah yĩn yɛ tɔ́ mé Timoteɛ n tɛkɪ mɔ yé tyí, nê-á mɛ n̄ pídí sɔ́. N tyí no yíí n tyí. Tẽ ñgbɛ́ wɛkɪ kó-ò pèpɛy yɛ ñnɛ. Nmɔ yɛ kɪ pɔ yé dyɔɛ n to n kɔ́ máh mɛ Krista wɛkɪɛ n kɔ́ dùkù nêɛnɛ, sɔ́-á mé kéɛ Yesu yò sɛ́pú tɪnkínó pólɛ n yah n kwɔ n kɔ́ tãntãn pól sɔkɔ.

¹⁸ Ntɛ yé tükù mɛ n sò nɛ mé náh n̄ syɪ n pɔ n pi yé tĩnnɛ, té mɛ yuku pé gblɔ́ynɛ n yò n sah.

19-20 Nte kàh kɪ nɔ Tě ñgbě tyí, mé kɪ n syɪ pɔ yé ònnè nùkúnúkú. Wèngbìl wékínó náh n wěkɪ nɛ Liyel tǒrí névi-á ále, Liyel tǎhkì nê-á á sɔkɔ, képah ye n wěkɪ kéle. Képah ye, mǎh pɔ pɔ, kè náh n yĩn n pi gblǒy gbílkípú wèngbìl nóhnó-ó tyí dé, tǎnwɛnɔ-à kɪ mɛ pé tyí, mé kɪ kè pĩ.

21 Mǎh kɪ kènyǎhni tɔkɔ pɔ yé tyí, képah náh pɪ mǎh kɪ pɔ yárr yé tyí tyínɔnɔ sɔkɔ, nê tǎ mɛ yé n yah n kǒ?

5

Pí-ńkě tyi nóno-á sò Yesu yò sǎpú túkù mɛ n pi

1 Kè mɛ n nohni ywǒ ywǒ pól sɔkɔ nɛ ńkě, pròprò pínó-á mɛ yé wró sɔkɔ. Pròprò pínó yó ńtǎ-á mɛ yé wró sɔkɔ, nê-á Yesu yò sǎ-ńkǎpú ńtǎ náh fě syi sǎnkǒ pɪ n pi. Pè nɛ yé sɔkɔ yó ńtǎ-á mɛ n sù kyɪ tɔkɔ.

2 Té sépinó pól sɔkɔ, yé tǒ mɛ yé gblǒyɛ n yò n sah n kǒ kè? Kè pyě sò yĩnɛ kè pɪ yíi yèkwɔrɪle yé tyí, yé kǒ yé kéné tǎ yĩni n wilki yé wró.

3 Nmo tǎ wɔ náh mɛ yéle fí nùkú sɔkɔ. Nte mé mɛ yéle sǎnɔ sɔkɔ. Képah ye, nmo tǎ wɔ lékǎhle yĩ mɛ pí-ò kǒ tɛ, á kɪ nɛ mé sǒ mɛ yé wró sɔkɔ.

4-5 Yáh pɔ wě tuke mɔ, nmo tɔ kɪ mɛ yéle sǎnɔ sɔkɔ. Sǎnkǒ névi tǎnɛ, yé Yesu Krista yĩn ànê n tǎnwɛnɔle à wilki yé wró, yè n gbàh de n mɔ sétǎn yòtǎ kǒ. Kàh tǎnɛ n kwɔ, à kɪ pí-ńkě tyi pínó yal mɔ n min kǒ kè kɪ we pwah, Tě ñgbě Yesu syɪ n pɔ sǒle.

6 Yé gblǒy gbílkínó mɛ yah náh. Yé se yó pĩ nɛ, kókónó kwéy ó-á n dɔkɔ mífǎhkì pólle té.*

7 Yé kéné tyípékè wilki n to yé wró, képah nê-á mɛ n tǒ n mɔ kókónó tyí kǒle. Képah sɔkɔ, yé kɪ mɛ wásáá kókónó kǎn búrn tyí kǒle. Krista lésò fě syi pè kǒ pè à ko mɔ Nsyifunɔ yǒrɪ tyénó syáh kópó tyí kǒle ápi tyípèl wu n to yĩnne á tyí. Kǎh pɪ sǎ, yé mɛ wásáá kókónó kǎn búrn tyí kǒle.

8 Yé ye à tyípèl duke pól wilki n to á min sɔkɔ, à mó nɛ n mɛ yályál négbólle kókónó kǎn búrn tyí kǒle, nê-á pè n nɛ n tah Nsyifunɔ yǒrɪ tyénó syáh sɔkɔ.†

9 Mǎh lésò sébéy nê wǎrkɪ tɛkɪ mɔ yé tyí, mé lésò yo ké sɔkɔ nɛ yé káh nɛ n pɪ n soh prònrɪbɪle.

10 Nte kèkǒyó névyɛ tyí sɔkɔ náh lésò ńnɛ dé. Kèkǒyó mɛ prònrɪbɪ, képah náh pɪ ké yísesúkú névyɛ, ànê ké yípú, képah náh pɪ, ké sǎh fálpú tyí sɔkɔ-à sò ńnɛ, yé náh nǎhkɪ sò fě n wũ n pi kèkǒyó mɛ sɔkɔ dò.

11 Nte sǎ náh dé. Mé nɛ névi nê-à n gblǒyɛ n ye Yesu yò sǎ-òle, té mɛ pròpròle n pɪ, képah náh pɪ, yísesúkúle n pɪ, képah náh pɪ, sǎhle n fal, képah náh pɪ, névyɛ tyíle n yo n ko, képah náh pɪ, sètǎnɛ n pɪ, képah náh pɪ, mɛ yĩbele n yĩ, yé káh nɛ n pɪ n soh sǎnkǒ nɛyɛ pólle. Yé káh yòke ńtǎnɛ n yò wě tyí tǎnɛ.

12-13 Té Yesu yò sǎ-ńkǎpú tükénó tǎ wɔle, nmo tǒ náh képahle. Liyel ye kɪ tuke péle. Nte kè mɛ wǎrkínsǎhnóle Liyel wɛy sébéy sɔkɔ nɛ ńkě: «Yé népékè yĩni n wilki yé wró.»‡ Kǎh yo sǎ à, yé náh yé tǎnkǐ névyɛ tuke n pi di?

* 5:6 5.6 - Kókónó kwéy mífǎhkì pól dókónó nê tyí-á n yo ásò sɔkɔ yò, képah dùkú ye Wín n nɛ n yo pé sémǎrkɪ yó sɔkɔ nɛ, yúúkúnkáh nùkú-á n pǒ yo pólle. † 5:8 5.8 - Nsyifunɔ yǒrɪ tyénó syáh-à sò de n tɛ, Nsyifunɔ pé gbèn kókónó dyí pól kwe, n té n tyah kókónó kǎnne n yò. Pè képah tǎnɛ n pɪ sǎ, n kè wěkɪ nɛ, tyípèl nóno pól-á sò pé pɪ, páh sè milki. ‡ 5:12-13 5.12-13 - Yah n tɛ Tǒnyono 17.7.

6

Yesu yõ sěpú píndenɔle wě tyí

¹ Kwâh nê pɪ té tir-à de yépi Yesu yõ sěpú sɔkɔ yó ànê ò ní-ò wró, yě yé tĩnkĩ névye sah, ò té kè tɔkɔ n kyɪ nɛ n tuke Yesu yõ sě-ńkěpú tyí?

² Yé náh pĩ nɛ ńkě, Yesu yõ sěpú-á kɪ pɔ kèkõyó névye tuke n pi di? Nte yépi-à mɛ pɔ n tuke n pi kèkõyó névyelɛ, tyípĩ wɔ se yé kɪ tě tuke kwɔ?

³ Yé náh pĩ nɛ ńkě, áyáh kɪ yĩnyõ tɔnpɪbɪ ńtě tuke n pi di? Té kèkõyó mè tyi wɔle pyě á kɪ pɔ tuke kwɔ nɪ?

⁴ Nte sěnkɔ tir-à wɛ yé wró sɔkɔ, névi nê-á Yesu yõ sěpú náh mɛ ònɛ n mɔ n kɔ, yè n pyě n kyɪ òmɔ tɔkɔ n pɔ nɛ, à pɔ kè tuke nɪ?

⁵ Sen ye kéle yé tyí dé. Yépi tě wró sɔkɔ, lékám névi yó ńtě náh núkú mɛ, nê-á kɪ fě yé wró tyi yah wah lé?

⁶ Tir se yĩne kè wɛ yé sɔkɔ yó ànê ò ní-ò wró, kè syi n pɔ n yĩni n tě tukey tükè-nsah sɔkɔ, fókó Yesu yõ sě-ńkěpú ńtě tɔ pɔ pɪ ké tükèpule?

⁷ Nte yáh fyò mɛ wě těne n ye n tuke n pɔ, képah yé těnkwlɔnɔ wěkɪ te dò. Kwâh nê pɪ té pàh tyíkěkɪ pɪ yé tyí, ànê pàh yé gbàn yĩ yĩ tɔkɔ, yè n tě yé nno tě n kwɔ?

⁸ Té yépi ye mó tɔ n pɪ kéne tyíkněni ànê yĩbe tyile yé yũnpyé Yesu yõ sěpú tyí.

⁹ Yé náh pĩ nɛ tyíkněni pípú náh n de n pi Liyel tɔrí sɔkɔ di? Yé káh yé gblɔy tɔ mɔ ló. Prònpɪbɪ, ànê sáh fálpú, ànê fòfɪnpɪbɪ, ànê díbí wě tókópú,

¹⁰ ànê yěnwóbé, ànê yísesúkú névyɛ, ànê sètěni pípú, ànê névyɛ tyí yónkòpu, ànê névyɛ yõ syíkípule, pépi sɔkɔ yó ńtě náh n de n pi Liyel tɔrí sɔkɔ.

¹¹ Té yé yah, sěnkno névyɛ ye sò yé tükùle ògbòle. Nte Tě ògbě Yesu Krista ànê Liyel Mirki gbò yõ sɔkɔ, yé pɪ yályál. Yé mɛ wĩkĩnsàhnóle Liyel tyí yõ. Yé pɪ négbłóle Liyel yah sɔkɔ.

Yesu yõ sě-ò gběnsê-á pɪ Liyel tyíle òkù nêne

¹² Kè mɛ yónóle nɛ ńkě: «Tyi pól pínó gbàh mɛ dénmonɔle òmɔ tyí.» Nte yõre náh n wɛ sé tükù sɔkɔ. «Tyi pól pínó gbàh mɛ dénmonɔle òmɔ tyí.» Nte òmɔ náh n pɪ n pi sé sɔkɔ yó ńtě yõle ló.

¹³ Kè tɔ mɛ yónóle nɛ ńkě: «Yòke mɛ kèkùrkĩ yĩnne, kèkùrkĩ tɔ mó mɛ yòke yĩnne.» Nte Liyel kɪ pɔ sé nínó pól tyí ykɪ n pi. Nte névi wil gběnsê tě wɔ náh mɔ pròprò pɪ yĩnne dé, Tě ògbě tyí yõ ye kè mɔ. Tě ògbě tɔ ye mó n yah ké yõ.

¹⁴ Liyel ye yilki mɔ Tě ògbě Yesu lékóle. A kɪ ápi tɔ lékyî yilki n mɔ n pi ò těnwɛnɔ gbò yõ.

¹⁵ Yé se yó pĩ nɛ, yé wil gběnsênóle, Krista wil tãntãnnó-á té. Mé pɪ sɔ mè n pɔ Krista wil fĩ yó tɔkɔ n pɔ n kwɔ n mɔ prònpɪ wille? Pólle, mé náh képah pɪ n yah n pi.

¹⁶ Yé se yó pĩ nɛ, névi nê-à sě prònpule, pé nímí-á kwɔ mɔ pɪ wil gběnsê núkúle té. Kè mɛ yónó ńtěne Liyel wɛy sébéy sɔkɔ nɛ ńkě, pé nímí-á kwɔ mɔ pɪ wil gběnsê núkúle.*

¹⁷ Nte névi nê tě wɔ-à ò gblɔyne Tě ògbě Yesu kɔ, tě sɔnɔ vi n mɔ n pi núkúle Tě ògbě Yesu tyíle.

* 6:16 6.16 - Yah n tɛ Yɛnɛsɪ 2.24.

18 Yé yé nãh vi pròprò pínó kō. Tyípêl téló nónó-á névi n ne n pi, tẽ wil gběnsê vyãh nãh n we sé soko. Nte pròprò pínó tẽ wole, ò tẽ me n pi n de ò wil gběnsê tyí.

19-20 Yé se yó pĩ ne, yé wil gběnsê-á Liyel Mirki mé-ńsahle té. Liyel ye yé kō ò Mirkile, nê-á déntěńóle yé soko. Tẽ ñgbě ye yé dwe dántãhle. Kãh pi sě, yé tyí nãh yé gblöyne dò. Képah ye, yé yé wil gběnsê pi ò gbilki gbilki kwãhle.

7

Fúr tyi òkù yónóle

1 Yáh tyi nónó piki yah ní tyí yé sébéy soko, sépi yah ye mé ki yo yé syah núkúnúkú yò. Yé ne ñkě* kãh sò fónfó dí tẽ sê tókó-ńkěne.

2 Nte pròprò pínó yah kō yĩne, kè ye fónfó dí mè dí mè, à sê toko, ànê sê mè sé mè, ò to mó de pe tyí.

3 Dí-á yĩne nê pínóle ò kyí tyí tno soko, à kéle n pi ò tyí. Sê to-á yĩne nê pínóle ò pe tyí tno soko, ò to kéle n pi ò tyí.

4 Sê tyí yò nãh ò wil gběnsêle dé. N pe tyí yò ye kéle. Dí to tyí yò nãh ò wil gběnsêle dé. N kyí tyí yò ye kéle.

5 Yé kãh pèkì kãm wěne, né kè nãh pi yé ními yáhntokonole níri yó we n pi yĩne wró kwéy yó ó soko. Nte képah-à soko te, yé yé syi pèkì kwro mo. Képah-à pí-ńkěne, yé ki po n syah n tẽ n kwlo, sétãn yòtẽ kō à ki syò-ńsah we ki yé wilki mo.

6 Nte ñmo-á nê yo yé tyí yò, kyĩnmõno nãh dé, syò-ńsah yó wěkì ye mé yé kō.

7 Kãh ñmo tẽ ó sò, mé sò me ké tyí ne no pól ne me lédyónine ñmo tyí kōle. Nte Liyel ye no pól mo ànê pé tẽnwe-ńtãne. A tir yó pínó tẽnwenole ñní kō, nte kèyãh pínó tẽnwenole ò ní-ò kō.

8 Nte nê-á mé ki yo lédyóni ànê pékúsyo tyí, képah ye yò. Pãh tẽ lédyónine ñmo tyí kōle, képah ki ple.

9 Nte pãh ki pĩ ne pé nãh fẽ pé gblöy tẽ n pi, pé fúr pi. Fúr pínó ye fónfó kal, ò tẽ lédrí kō kè ne n ko.

10 Té nónó-á fúr pi te, máh ki nê kō n sah pé kō n pi, ñmo nãh n kō n sah kéle pé tyí dé. Tẽ ñgbě ye n kō n sah kéle pé tyí ne ñkě, sê nãh yĩne à yal ò pe tyí.

11 Wãh se mó yal ò pe tyí, à nãh tō yĩne à de pe kãhkí yó tyí, à yĩne à ò syi yuku ò pe tyí, pé kyí pé wró tō n sah. Nte dí to kãh mó ò kyí wilki.

12 Nte nê-á mé n yo no téló tẽ wo tyí yò, Tẽ ñgbě nãh n yo képahle dé. Nmo ye n yo kéle ne ñkě, Yesu yò sě-ò dí yó tyí sê-à me nê nãh pi Yesu yò sě-òle, té kéne pi me ké tyí ne pé tẽ ò tyí, à kãh à wilki.

13 Yesu yò sě-ò sê yó to tyí pe-à me nê nãh pi Yesu yò sě-òle, té kéne dí me ké tyí ne pé tẽ ñne wě tyí, à kãh yal ò tyí.

14 Yé nãh we di, Yesu yò sě-ò pi mè gbò yò soko ye ò pe ki me yúkey Liyelle, ànê Yesu yò sě-ò dí mè to gbò yò soko ye ò kyí ki me yúkey Liyelle. Nkě kãh pí-ńkěne sě, pé wěnpì ki me á ki ne pé wró sò do Liyelle. Nte kègbi tẽ yò soko, pé ye me yúkey Liyelle.

* 7:1 7.1 - Túkù sõno soko, Pole ye yo wey mène ne ñkě, kãh sò fónfó dí tẽ sê tókó-ńkěne.

15 Nte kàh me pi Yesu yõ sě-ńkě ney tẽ wɔ ne páh pé ní-ò Yesu yõ sě-òle n yahle, yé ye à kǒ à kè pi. Kàh pi sě, ò ní-ò Yesu yõ sě-ò ñê-á pe képah náh pi kyɛ, ñmɔ ki we wũ ñ gblɔy yõ sɔkɔ. Yèvinu sɔkɔ tẽ yĩn ye Liyel ye ále dò.

16 Nkě à, áwɔ ñê-á kyɛ, á se sě ké yõ ne wáh ki tẽ we á pe min pwah mɔ? Tĩ, áwɔ ñê-á peɛ, á se sě ké yõ ne, wáh ki tẽ we á kyɛ min pwah mɔ?

Swɔ ñê sɔkɔ-á lésò ále té Liyel ñ ye pɔ ñ gblɔy tyí, tẽ képah ó sɔkɔ

17 Nte sépi pól sɔkɔ, Tẽ ñgbě Liyel-à ñê sah swɔ ñê sɔkɔ, kè yĩne kè yĩne tẽ tyí. Ñê-à sò me swɔ ñê sɔkɔ té Liyel à ye pɔ ñ gblɔy tyí, à yĩne à ne n pi à yĩne képahle. Kéne pi dukù ye mé me n yo Yesu yõ sěpú tĩnkínó pól tyí.

18 Névi ñê-à sò me kǒnóle té Liyel à ye, tẽ tẽ kǒnóle. Ñê to-à sò me kǒ-ńkěne té Liyel à ye, tẽ to káh ne páh kǒkèle n kǒ.

19 Á kǒ ò, á náh kǒ ò, yõ náh me képah tyí. Yõ-á me ñê tyí, képah ye Liyel tyi kǒnsàhnó wál kólóle.

20 Ñê-à sò me swɔ ñê sɔkɔ té Liyel à ye pɔ ñ gblɔy tyí, tẽ yĩne à tẽ képah sɔkɔ.

21 Wáh sò me yǒle té à ñ ye, káh n ye kè ále n yo. Nte gblɔy yõ wéntěno yòbènrɔ-à mó wil mɔ á yõ, káh n ye kè n kal.

22 Yé náh we di, névi ñê-à sò me yǒle té Tẽ ñgbě à ye, ñ tyípèl yõri n tyɛ. Yé náh we tole à, névi ñê-à sò me ñ gblɔy yõ té Tẽ ñgbě à ye, à n pi Krista yǒle.

23 Tẽ ñgbě yé dwe wilki yõri sɔkɔ dántáhle. Képah ye, yé káh ńtò n pi ñnì yó ńtẽ yǒle gbógbó.

24 Nte ní yúnpyé, yáh lésò me swɔ ñê sɔkɔ té Liyel yé ye pɔ ñ gblɔy tyí, yé yĩne ye tẽ képah ó sɔkɔ.

Fúr-á n pɔ n pɔ tyi nónoñe

25 Névyé nóno-á pè náh tǒnì fúr pi, Tẽ ñgbě náh tir yó yo ní tyí pé tyí sɔkɔ. Nte Tẽ ñgbě pèpɔri gbò yõ, mé pi névi yóle ñê-á yé ki fě sě ní yõ. Képah ye, mé ki ní yěngbě sǒno yo yé tyí fúr tyí sɔkɔ.

26 Tyi-á me tẽ tah sǒ kwey gbì mè sɔkɔ, ñmɔ sǒno sɔkɔ, yé nénúkù núkú pól-à tẽ sǒ-á yéle, képah ki nekí kal yéle.

27 Wáh ki me sê tɔkɔ te, káh à fin n mɔ. Wáh ki se mó tǒnì me sê tókó-ńkěne, sê tókó-ńkě fónfó.

28 Dí-à sê tɔkɔ, képah náh pi sènpir-à de pe tyí, tyípékè tẽ wɔ náh pè pi dé. Nte ñê tẽ wɔ-á me ké sɔkɔ, ké pípú ki kwlónóle n we. Képah yah ye mé me ké tyí ne mé n kǒ yé tyí.

29 N yúnpyé, mé kéle n yo yé tyí, tyah me n tyah sókóntenole. Képah ye, à tɔkɔ núkúnúkú tyí, sê-à me ñê tyí, tẽ ne n me á ki ne, sê kósyì me ñ tyí.

30 Ñê-à me gbní sɔkɔ, tẽ ne n me á ki ne à kósyì me gbní sɔkɔ. Ñê-à me ñivìni sɔkɔ, tẽ ne n me á ki ne à kósyì me ñivìni sɔkɔ. Ñê-à me yídwénène n dwe, tẽ ne n me á ki ne ñ tyí kósyì yídwénè nópile.

31 Ñê-à me kèkǒyó mè nɔlile n yõ, tẽ ne n me á ki ne à kósyì me ké nɔlile n yõ. Wáh n yah yò, kèkǒyó mè náh tǒ n mo n pi ló.

32 Mé me ké tyí ne yé fókósǒno káh kwel. Névi ñê-à sê tókó-ńkěne, tẽ ñ fókòle n sò Tẽ ñgbě tãn tyí sɔkɔ. Á n ne n me Tẽ ñgbě ñivìni pí-ńsahle n yah n kǒ.

³³ Nte sê-à me névi nê tyí, tẽ ò fòkòle n sò kèkòyó tyi yò. Á n ne n me ò kyì nìvìnì pí-ńsahle n yah n kò.

³⁴ Kàh pì sě, ò nì n ne n me n yil n kò yey nínine. Té sênpir, képah nàh pì sê nê-à dé-ńkēne pe tyí, Tẽ ògbě tãn yah syi tẽ tyí. Tẽ ò gblóy kò n dal n mọ Tẽ ògbě tãn pínó sọkọ. Nte sê pètẽ tẽ wọle, kèkòyó tyi yah syi òmọ tyí. Á n ne n me ò pe nìvìnì pí-ńsahle n yah n kò.

³⁵ Mé nàh tyi nópi yo yé tyí yé fikéntēno yinne dé, yé yohni n mọ yin ye mé n yo séle yé tyí. Képah ye, nê-á pèpeyne, mé me ké tyí ne yé képahle n pì, képah nê-á Tẽ ògbě ó tãn yah wúnóle.

³⁶ Kètēnpìkì nê-à pì ne pé ségbíní dékè-á me péle n ko,† té pàh kù n to n kò, pàh kù n syah n pì n de ò tyí, té tyi-á yĩne sè kọ sé wàl yò, tẽ à fur ò dyo ó. Tyípékè nàh kéle.

³⁷ Nte kètēnpìkì nê-à kè yah tọkọ ò nì sọkọ ney fyàh-ńkēne ò yò, té ne pàh kù fẽ tẽ pé gblóy tyí lédórí nàh fẽ pé fwo pèkì kò kè n we n pì pé wró pé ségbínine, tẽ pì ple.

³⁸ Képah ye, nê-à ò ségbíní fur, tẽ pì ple. Té nê-à ò ségbíní fúr-ńkēne, tẽ wọ pì ple kal.

³⁹ Sê pe-à fyò me min sọkọ, à yĩne à ne n me òmọ ó tyí. Nte ò pe-à pọ yah kwọ, à kù fẽ de pe yó tyí nê tyí-á nọ ò tyí, tẽ-à fyò me Yesu yò sě-òle.

⁴⁰ Nte òmọ tẽ ó sọno sọkọ, wàh wũ dé-ńkēne pe tyí, képah nìvìnì kù kal ò tyí. Nmọ fókósọno ye mé yo yé tyí yò. Nte òmọ sọno sọkọ, Liyel Mirki me ò sọkọ.

8

Sàh fálnó kò tyí yónóle

¹ Á ye á fòkọ mọ n yah núkúnúkú à yuku sàh fálnó kyọ tyí tĩnne. Gbì tẽ wọ ye yé yo ne á pól-á me tyile n pne ó. Té kéne tyi pnénó wọ ye mó tő n mọ névile gblóy gbilkínó sọkọ. Nte tyínọno wọ yah yúkúnóle névile n kò.

² Névi nê-à me n sò ne pàh tyile n pne, tẽ nàh tőnì me kwàh yóle n pne wàh sò yĩne à sè pì sò.

³ Nte Liyel tyí-à nọ névi nê tyí, Liyel tēne n pne.

⁴ Nte à yuku sàh fálnó kò kónó tẽ tyí tĩnne, á se yĩne à séle n kọ? Á pì ne fal fal tòle, kwàh yó nàh kéle kèkòyó sọkọ, Liyel núkú ó-á me.

⁵ Gbì tẽ wọ ye, yiyin nàhnàh me yinyò ànê sétáh yò, nónó-á tókù me séle n tọkọ n pì pé líyelnole. Nte líyelno ànê tãm nàhnàh-à sò me pé tyí,

⁶ ápi tẽ wọ tyí, Liyel núkú ó ye me, òmọ nê-á á Súle. Nmọ ye mọ yiyin pólle, ápi me òmọ tyí yò. Sě ó ye, Tẽ ògbě núkú ó tọ ye me, nê-á Yesu Kristale. Nmọ gbò yò sọkọ ye yiyin pól me, ànê ápi tole min sọkọ.

⁷ Nte fal fal tãnne, Yesu yò sěpú tókù nàh pì ne kwàh yó nàh séle. Pé tókù lésò dar kah mọ sàh fálnó tyile. Té pépi sọkọ nónó tẽ Yesu yò sěno-à fyò yúkú-ńkēne yahle, pàh sàh fálnó kòle n kọ, pé n ne n sò n kyì n pọ sàh fálnó tyí sọkọ. Kàh pì sě, pé n ne n sò ne tyípékè-á pé n pì kò mè kónóle.

† 7:36 7.36-38 - Wró mè sọkọ, névye sọno me sé tyí tyíle. Tókù ne Pole-á ne ńkě, nê-à pì ne ńkě pé písé pe tyí dé-ńkē yah nàh, té à syi pọ n dye, té wàh yĩne à de pe tyí, tẽ òne pe kò à yĩne ò dyo dyo tēne. Tyípékè nàh kéle. Nte nê-à kè yah tọkọ ò nì sọkọ ney fyàh-ńkēne ò yò, ne ńkě pàh kù fẽ pé písé tẽ sah à nàh n de n pì pe tyí, tyi vi sọkọ-á tēne. Képah-á, nê-à ò píséle pe kò, tẽ-á pì ple, té nê-à se ò píséle pe kò-ńkēne, tẽ-á pì ple yíí.

⁸ Yòke náh ápi nɔ n de n pi Liyelle dò. Ké yó-ńkē náh kwâh yó wilki n pi á sɔkɔ, ké yónó tɔ náh se mó tɔ kwâh yó dohnɪ n pi á yó.

⁹ Sé kònó gbàh sɛnsɔ me dénmonɔle yé tyí ó, òte yé kyòmìnóle n pi, képah káh pɔ túkùle n syki n mɔ, nónó Yesu yó sɛnó náh me yuku yahle.

¹⁰ Sɔ-á áwɔ nê-á tyile n pne, ònî yó-à òtyínɔ kyɪ ò we tò wòkò sɔkɔ á me yòkele n yó, té tɛ Yesu yó sɛnó náh me yuku yahle, sɔ me kè kɪ pi? Kè náh sórɛ mɔ n pi tɛ sɔkɔ, à kɔ à sãh fálnó kòle n kɔ n pi di?

¹¹ Kàh pi sɛ à, òmɔ nê-á ò Yesu yó sɛnó náh me yuku yahle, ò min náh n mɔ n pu n pi áwɔ tyi pnènó gbò yó sɔkɔ di? Té á yúnpi ye mó tɔ òne, òmɔ nê tɔ yín-á Yesu Krista ku.

¹² Yáh n pi n de yé yúnpyé tyí sɛntɛne à pé sònɔle n yki pé tyi yah wé-ńkē yinne, Yesu Krista tyi ye yé n pi n de dé.

¹³ Máh ne yòke yó yó, té képah ní yúnpi yó yó yki n mɔ n pi tyípekè pínó sɔkɔ, mé kɪ kè we ye gbógbó. Képah sɔkɔ, mé náh tɛ yó yki n mɔ n pi tyípekè pínó sɔkɔ.

9

Pole pi dùkùle

¹ N yúnpyé, gblɔy yó névi náh òne di? Yesu tɛntò névi náh òne di? Mé náh Yesu we yíne, òmɔ nê-á á Tɛ òngbɛne di? Òmɔ tò pínó gbò yó sɔkɔ náh yé we sɛ Tɛ òngbɛ yó di?

² Yáh fyò me Tɛ òngbɛ Yesu yó sɛnó sɔkɔ, képah kéle n wɛki ne ò tɛntò névi-á òne. Képah ye, tókù-à sɔ ké pí-ńkēne ní tyí ne òmɔ tɛntò névi-á òne, yépi tɛ wɔ yíne yè kè pí.

³ Nónó-á me n tɔkɔ òmɔle n kɔ, máh ne nê yo n pi pé tyí, kè we yó:

⁴ Ápi náh yíne à á tãn pínó yòke yó à mó ké ni wɔ di?

⁵ Ké wɛkì náh me ápi tyí kɪ fɛ syó tɔkɔ Yesu yó sɛpú sɔkɔ, té áyáh n sɔkɔ kóló sɔkɔ, á fɛ n sɔkɔ n pi péle, sɔ-á Yesu tɛntò névyɛ téló kéle n pi, pépi nónó sɔkɔ yó-á Pyerile, ànê sɔ-á Tɛ òngbɛ Yesu yúnpyé kéle n pi di?

⁶ Tí, òmɔ ànê Barnabasɪ ó kókó se yíne à tãn káhkínɔle n pi òtò à á gblɔy vyáhle n yah?

⁷ Yé se kè we noh yah ne, ònî yó-á me sràsɔyíyále n pi, té me yín ò gblɔy yínnóle? Tí, séswò sɔ-ò náh yíne ké pye yónóle di? Tí, nê tɛ wɔ kɪ yípɛyne n fɛ, té à náh sé yɛníkì wɔ n pi?

⁸ Yé káh n we ne kégbó mè tyi pi dùkù ó-á mé yah té séle n yo dé. Kè tɔ me sɛntɛ òtɛne tótó Liyel tyi kònsàhnó sɔkɔ.

⁹ Kéne tyi kònsàhnó nê-á Liyel Moyisi kɔ, kè me wárkínsàhnóle ké sɔkɔ ne ńkē, nyeh-à me swáh tónó sɔkɔ á tyí gbí nêne, á káh sé vyɛy pukubi á sɛmuko yónóle.* Yé se we ne nyeh yãm-á tɛ Liyelle à kɔ à képah yo?

¹⁰ Ápi yín náh à yo kéle di? Awe, ápi yín ye à yo kéle. Yé náh we à, ápi yín ye tyi nópile wárkínsàhnóle òtò ne ńkē, sètò-à swáhle n wɔ, ò sònɔ n ne n me ò we we tɛ yó. Táh mí-ò tɔ-à mó táhle n mi, ò sònɔ n ne me ò we we tɛ yó.

¹¹ Ápi-á pɔ Liyel wey yo yé tyí, ò tyí kɔ kè we de yé nno sɔkɔ à; áyáh sò me yé gbàn yíle á gblɔyne n pu, kè se yíne kè yé gbàn du?

* 9:9 9.9 - Yah n te Tɔnyonɔ 25.4.

12 Ké yah-à kɪ nê fyò névyé túkù me sɛnknɔle n pi yé tyí à, ápi wɔ se pyě? Té képah fyé yõ, ápi náh kwâh yó ntě syi yé tyí. Nte ápi náh sò me ké tyí ne kè fɛkínó dahbɪ Nìvìnì tir yónó sɔkɔ Yesu Krista tyí yõ. Képah ye, á me tyi pól sro.

13 Té yé pĩ tɔle ne nkě, Liyel ní-ńsah gbô tò pípúle, Liyel ní-ńsah gbô-á n yah pé vyãhle. Sárká syínwilkìpu tɔ-á pé we we tɛne n we sárká yí sɔkɔ.

14 Sě ó ye, Tě ngbě kè yo ne nkě, Nìvìnì tir yónó sɔkɔ-á Nìvìnì tir yópú kɪ n yõ.

15 Nte nmo yõke yó ntě náh wil képah sɔkɔ. Mé náh mó tɔ me tyi nópíle n wãrkɪ n tekɪ n mo yé tyí ne mé yé kɔ séle dé. Máh kéle n pi nònóle, té me nìvìnì nêne n we ké sɔkɔ, kàh nê n tɛ n syi n pi ní tyí, mè n ku ntěne.

16 Kè no ní tyí ò, kè náh no ní tyí ò, mé yĩne mè yo óle Nìvìnì tir yo. Képah ye, ké yónó náh me yínyáhkì tirlé nmo tyí. Té pèkè me ní yõ, mäh yahle ké yónóle.

17 Nmo-à sò me yah tɔkɔ tò mène, à ní gblɔy mo ké pínó sɔkɔ, mé náhkɪ ké yõre we. Nte kònsàhnó ye Liyel kɔ sah ní kɔ kéle mé n pi. Képah ye, ní pi pi tò ó ye mé n pi.

18 Nte nmo we we tɛ wɔ nêne wé? Nìvìnì nê-á me ní sɔkɔ ní kɔ mé Nìvìnì tirlé n yo névyé tyí nònóle kwâh yó yáhnkɔ-ńkɛne ké sɔkɔ, képah ye ní we we tɛne.

19 Nnî yó ntě yõ náh nne dé, mé me ní gblɔy yõ. Nte mé ní gblɔy pi no pól yõle ne mé pé yõ vi n mo pè kɔ pè pi Yesu yõ sɛpúle.

20 Mäh me Nsyifunɔ sɔkɔ, mě ní minne n pi pé tyí kɔle ne mé pé yõ vi n mo pè kɔ pè pi Yesu yõ sɛpúle. Pépi nónó-á Moyisi tyi kònsàhnó wãl kópúle, mě ní minne n pi pé tyí kɔle n pé yõ we n vi n mo, té sé wãl kó-ò náh mó tɔ nne dé.

21 Mäh sɔ me tyi kònsàhnó wãl kó-ńkɛpú sɔkɔ ò, mè n ne n pi pé tyí kɔle, n pé náhnáh yõ we n vi n mo. Té képah náh n wɛkɪ ne, Liyel tyi kònsàhnó wãl kó-ńkɛ névi-á nne dé. Máh fyò me Krista tyi kònsàhnó wãl tɛne n kɔ, képah n wɛkɪ ne, Liyel tyi kònsàhnó wãl-á mé n kɔ.

22 Névyé nónó Yesu yõ sɛnó náh yuku yahle, mäh me pé sɔkɔ, mě ní minne n pi pé tyí kɔle ne mé pé yõ vi n mo pè kɔ pè pi Yesu yõ sɛpúle. Mäh sɔ me nédúké nónó sɔkɔ ò, mě ní gblɔy pi pi òkúnó pólle pé yĩne, ne mé pé túkù yõ we n vi n mo pè kɔ pè pi Yesu yõ sɛpúle.

23 Mé me tyi nópí pólle n pi Nìvìnì tir yónó yah yuku yĩne, ne pèpɔri nê-á me ké sɔkɔ, ní vyãh we ké sɔkɔ.

24 Yé se pĩ ne nkě wɛ kálnó tóló tópú pól-á nkɛne ne n me n to kéntáhkì sɔkɔ, té pé nénúkù ó-á n we ké yõrele té? Yépi to ne n to tɛ tyí kɔle ké yõre we yĩne.

25 Wɛ kálnó tóló tópú kwlónónɔ pól fɛ n syi yõ yõnó pɔ n we yĩne, nê-á kè náh n mo n pi. Nte ápi kéle n pi yõ yõnó pɔ n we yĩne, nê-á kɪ me kúmm.

26 Képah ye nmo tɔ me n to, té mé náh me n to n dah n mo dé. Mé me gbònkukuri syí-ò yó sɔ, nê-á à náh n syi n dah n mo.

27 Nmo nê-á Liyel weyne n yo no tɛlɔ tyí, mé me ní wil gbɛnsɛle n fõh ní gblɔy tɛnó sɔkɔ, ne mé káh n pɔ n tekɪ yõ yõnó sɔkɔ.

10

Yisrayel no pi òkùlè gběnni sòkò

¹ N yúnpyé, nê-á á sútóbé yīni tẽ Moyisi gbī sòkò, mé me ké tyí ne yé yé dyo sah ne n kwne kéle. Pé pól sò me n kò nýírkì fob sò, té de kah pne yónsyâh sòkò pé tóó.

² Pé pól de sòkò nýírkì fob sòkò ànê pne yónsyâh sòkò wèlnwìlkinó tyí kòlè, à pi Moyisi sò tẽpùlè.

³ Pé pól yòke nùkú yò wẽ tyí, nê-á wil Liyel tyí,

⁴ té me wò wò ni nùkú we wò, nê-á wil Liyel tyí. Tédáhkì yó sòkò ni ye sò kéle. Kéne tédáhkùlè sò, Krista ye nê-á me n yuku péle.

⁵ Nte pé kan náh sò pi néglólè Liyel yah.* Káh pi sě, pé ku kwe gběnni sòkò.

⁶ Kéne tyi ye pi, à ápi yí ykì, nê-á kú á kò á yí náh tó n wil n pi tyítúkúni pínó tyí pépi tyí kòlè.

⁷ Yé káh pi sãh fálpùlè pépi tókù tyí kòlè, pépi nónó tyí-á yónólè Liyel wey sébéy sòkò ne nkě: «Tówù ye kò tẽ à n yò, té n wò, képah náh té yuku à syáhle n syah.»†

⁸ Á ye káh á gblòy pi prònpùbùlè, sã-á lésò pé tókù kéle n pi, té népì kèyò gbònúkú kyegbãm (23 000) me ku pé sòkò gbìyìkì nùkùlè.‡

⁹ Á ye káh Tě ngběne n mò n yah, sã-á lésò pé tókù pi kéle, té vye me pé kwākì ko.§

¹⁰ Yé káh Liyel sèyòkèlè n yo sã-á lésò pé tókù kéle n pi, té yīnyò tònpi nê-á nékókèlè n mò, òmò me pò pé duku to.*

¹¹ Tyi nópi ye pé yīni tẽ, à névye yí ykì. Ápi nónó-á me kèkòyó tyénteno gbí me sòkò yò, ápi yīn ye pé tyi nópi wārki, à gbáhdyâh di sah á tyí.

¹² Képah ye, nê-à me n sò ne páh me we su yīn palle, tẽ kyòmìnólè n pi, à káh pò yò sykì.

¹³ Tõnmòno nónó-á yé yīni tẽ yah, sěnkno ye n no névi yòtàhsyilè. Nte Liyel n kò ò tyíyónó sò. A náh n ye tõnmòno yó òtẽ kò kè kán pi n pi yéle. Té tõnmòno-à yé we, à kú tẽnwenòlè yé kò yé kú kè fwo, té kú yé wěkì syò-nsahlè, yáh ne we n wil n pi ké sòkò sò.

Á ye káh ne n pi n soh tãnne

¹⁴ N yúnpyé pèplo, yé yé náh vi tãn tyi kò pnépné.

¹⁵ Nmò me yéle n mò n kò yí pípú sòkò. Képah ye, tyi nónó-á mé n yo yé tyí, yé sò n yah sé tyí yò yé gblòy.

¹⁶ Liyel yòke yò gbíne, áyáh nkěne wò wò kwáh nê wò á wékínteno náh Liyel tyí, képah kéle n wěkì ne áyáh pi nùkùlè Yesu Kristale ò tó kwénó gbò yò. Búrn nê tó-á nkěne à n kwòkì n dibi n tah wẽ tyí, ké tó ále n pi nùkùlè Yesu Krista wil gběnsêlè.

¹⁷ Búrn nùkú ó ye me. Té ápi pípí nópi pól me kéne búrn nùkú mè óle n tah. Képah ye, kè me á kú ne á pól sò pi wil gběnsê nùkùlè.

* **10:5** 10.5 - Yah n te Yáhnó 14.22-24 ; 28-38. † **10:7** 10.7 - Syáh nê tyí-á n yo ásò sòkò yò, pé tò yah sòkò ye sò pé syah syáh mène. Yah n te Yálnó 32.1-6. ‡ **10:8** 10.8 - Yah n te Yáhnó 25.1-9. § **10:9** 10.9 - Yah n te Yáhnó 21.4-7. * **10:10** 10.10 - Yah n te Yáhnó 16 ; 17.

18 Tir nê-á me n pi Yisrayel no nyó, yé yé fɔkɔ mɔ n yah képah tyí yó kè. Pé sárká súkénkõ-nsah me Liyel tyí yó. Képah ye, yípêy nónó-á pè n ko ké yó sɔkɔ, pé nónó-á sé kyɔle n kɔ, pè me núkúle Liyelle.

19 Képah se n wêkɪ ne máh ne yõre-á me tãn ànê sãh fálnó kyɔ tyí?

20 Jú dé, mé ne sãh fálpú-á sãhlo nónóne n fal, sétãn tyí-á pè n fal séle, Liyel tyí náh. Mé náh me ké tyí ne yé pi núkúle sétãnne gbógbó.

21 Yé náh fẽ Tẽ ñgbẽ wóh sɔkɔ wɔ wɔ kwâh wɔ n pi, té tã yé yah vi n wɔ n pi sétãn tyí sɔkɔ. Yé náh fẽ ne n yó n pi Tẽ ñgbẽ tyí, té tã yé yah vi kyɪ n yó n pi sétãn tyí.

22 Tĩ, Tẽ ñgbẽ nê-á ne á ne n me péwɔ ó tyí yó, ñmɔ vyãh sò se á n yah n kó nòh-nsahle? Ápi tãhkì se kal ñ tyíle?

Gbìlkínóle n sah Liyel yó, á tyípínì pól sɔkɔ

23 Kè me yónóle ne ñkẽ: «Tyi pól pínó gbàh me dénmonɔle.» Nte yõre náh n we sé tókú sɔkɔ. «Tyi pól pínó gbàh me dénmonɔle.» Nte sé tókú pínó náh yah yúkúnóle névile n kó.

24 Nnî yó ñtẽ káh ñ gblɔy pékí-nsah óle n yah n kó dé, yé no téló pékí-ñtãnne n yah n kó n kal.

25-26 Kè me wárkínsàhnóle Liyel wey sébéy sɔkɔ ne ñkẽ: «Tẽ ñgbẽ tyí ye sétáh ànê ké sɔkɔ yíyìn pólle.»† Képah ye, yí nónó pól-á fyò me yãbrɪ sɔkɔ yòh sɔkɔ, yé kɪ fẽ sé pólle n yó. Kè náh yĩne kè ne n me yótókóbíle yé tyí, yé kó yè píkinyahno yó ñtẽ pi sé wìl-ñtãn tyí sɔkɔ.

27 Yesu yó sã-ñkẽ névi yó-à ñ ye yõke yónóle, té á fẽ syi kyɪ, wàh yé nónó tɔkɔ pɔ, séle n yó fwòó. Kè náh yĩne kè pi yótókóbíle á tyí ñ kó ñ pɔ píkinyahno yóle n pi sé wìl-ñtãn tyí sɔkɔ.

28 Nte ñnî yó-à yo á tyí ne ñkẽ, kò mènne, sãh fálnó kò-á kéle, tẽ wɔ yĩnne ànê ké tyí sòno yótókóbí yĩnne, káh kè kɔ.

29 Sòno yótókóbí nê tyí-á mé yo ásò sɔkɔ yò, áwɔ tyí sɔkɔ náh ñne dé, nê-á yo ñ syah kéle, tẽ wɔ tyí sɔkɔ ye ñne. Nte ñnî kɪ fẽ ne kwâh nê se pi té ñnî fɔkɔ sòno yótókóbí yĩnne, péwɔ náh fẽ pé dyɔ dyɔ tyi pi n pi nɪ?

30 Pâh wekɪ Liyel tyí yõke nê yĩnne, té fyò kéle n yó, ney se yĩne à pé tyíle n yo kéne yõke yónó yĩnne, képah nê yĩn-á pé wekɪ Liyel tyí nɪ?

31 Nte sã náh dé, wâh kwâh nêne n yó ò, wâh kwâh nêne n wɔ ò, wâh se tir òkú nêne n pi ò, ye Liyel yĩn ne n gbilki ké sɔkɔ.

32 Kè se Nsyifunó ò, kè se nónó náh pi Nsyifunɔle ò, kè se Yesu yó sãpú ò, yépi tyípínó káh pé sɔkɔ yó ñtẽ yó yɪkɪ n mɔ tyípékè pínó sɔkɔ.

33 Yé ñmɔle n yah n pi. Ñmɔ ñkẽne n gbah n tẽ ñ no pól ñvìnne n pi tyi pól sɔkɔ. Ñmɔ náh me ñ gblɔy pékí-nsahle n yah n kó dé, ñte mé me nékwínkíle n yohnɪ n mɔ pé we n pwah n mɔ yĩnne.

11

1 Yé ñmɔ pi òkúle n yah n pi, sã-á mé Krista pi òkúle n yah n pi.

Dí ànê sé gblɔy tẽ òkúle Liyel ni gbíne

2 Mé yéle n sò náhnáh, yáh sònpúle yé dyɔ sah n kwne ñmɔ tyíle gbímegbí, té se tã me n kɔ tyi yónó wãl yó, máh kwónó we sépi nónó yó à pɔ yé kwɔ.

† 10:25-26 10.25-26 - Yah n te Gbálnó 24.1.

³ Nte mé me ké tyí ne yé kè pĩ tole ne nkě, sê yõtě-á dīne, dibi pól yõtě mó Yesu Kristale, Yesu Krista wo yõtě mó Liyelle.

⁴ Képah ye, dí nê-à yókúrí kwĩnki sah té níríle n pi, képah náh pi té me Liyel tēntòle n syi n yo, ò yõtě ye à n yilo.

⁵ Nte sê nê-à ò yõ de mo sah té níríle n pi, képah náh pi à Liyel tēntòle n syi n yo, ò yõtě ye à n yilo. Kè nukú me á ki ne ò yõ sǒ à kye mo.

⁶ Sê nê-à ne m̀nsor tē n pi nkēne, à ò yõ kye. Nte sen-à ne sê tyí ò yõ kyénóle, képah náh pi ké kónóle, à káh kè de n mo n sah kè.

⁷ Dīne, Liyel kètò ye òne, ànê à Liyel yõ yǒnóle n wēki. Képah ye, à náh yīne yókúrí kwĩnkínsàhnóle. Nte sê wo dí yõ yǒnóle n wēki.

⁸ Kèkōyó mo gbíne, dí náh wil sê soko, sê wo ye wil dí soko.

⁹ Dí náh mo sê yīnne dé, òte sê mo dí yīnne.*

¹⁰ Képah ye, yīnyõ t̀npi bi yīnne, kwáh yó yīne kè ne n me sê yõ soko, nê-á ki ò yīn-ńsahle n wēki.

¹¹ Nte sépino pól soko, ápi nóno tē-á me Tē ògbē wēkile n ko, á ye pĩ ne nkě, dí yétò-á me sê tyí, sê to yétò mó me dí tyí.

¹² Yé náh we di, sê wil dí soko, té sê ye mó n dubi dīne. Nte Liyel ye pi sépi pólle sē.

¹³ Yépi ntē kè sǒ n yah kè; ké yah se sê Liyelle ne n ni ò yõle dénm̀nsàhnóle?

¹⁴ A yīne kégbó dùkùle, yé náh pĩ ne nkě dí-à yòyùkù mo, sen-á kéle ò tyí di?

¹⁵ Nte yòyùkù mónóle, yõ yǒnó ye kéle sê tē wo tyí. Liyel kéle à kǒ, ò yõ yah vike yīnne.

¹⁶ Névi nê tē wo-à ki tǒ me n yah n kǒ yékâb pí-ńsahle yī mè tyí yõ, tē pĩ ne nkě, sē-á ápi n pi kéle à tahl Yesu yõ sēpú t̀nkino pól to tyí.

Tē ògbē yōke-á yīne kè ne n yõ dùkù nēne

¹⁷ Té yah, máh tyi nóno to yo n pi yé tyí nukúnúkú, sè we yò: Yé wē t̀k̀ǹm̀ǹǹǹ me yényēhle n pi n kal yé tyí p̀p̀eysne. Képah ye, mé náh fē yé sǒ n pi képah soko ló.

¹⁸ Ké gbenne, pè ne yâh wē tuke mo, gbékínó n ne n me yé wró. Té nmo sēnó me ké yõ ne gbí-á me pé wey soko.

¹⁹ Nte gbékínó dùkù yó tē wo yīne kè we yé wró soko, á kǒ à Yesu yõ sēpú k̀g̀b̀l̀o pĩ n wah yé soko.

²⁰⁻²¹ Nte gbékínó nê tyí-á mé n yo yé wró soko, yâh wē tuke mo Tē ògbē yōke yõ gbíne, yé nénúkù nukú pól n nukú n yīki n kyi yé yēngbē yōkeno toko n yõ. Képah soko, t̀k̀k̀ù n wũ kwekile, té t̀k̀k̀ù n ne n me sètēnì soko. Kàh pi sē, Tē ògbē yōke tē wo náh tǒ kéle yé n yõ légbíne dé.

²² Gbèn náh me yé tyí nóno soko-á yé ki fē yōkele n yõ, té ki n wo di? Tĩ, Yesu yõ sēpú t̀nkĩ se yé n yilo, té me ké tyí ne yé sene kwáh k̀p̀ú tē? Sǒ me mé ki yo yé tyí yò wé? Mé se yīne mè yé sǒ? Pólle, mé náh yé sǒ n pi képah soko ló.

²³ Yé yah, Tē ògbē-á nēne nmo kwó té mé me kéle yé kwó, kè we yò: Tē ògbē Yesu-á ki sǒ n dahbi n pi gbò soko sǒ nê lékâhne, lésòle à búrn toko,

* 11:9 11.9 - Yah n te Yenesi 2.18-23.

24 té wɛkɪ Liyel tyí, té me kè kwɔkɪ dibi pé tyí, té me n yo pé tyí ne: «Nýɔle, nímɔ wil ye, nê-á kɪ kɔ yépi yinne. Yé kéle n pi, yè yé lékám sah nímɔ tyíle.»

25 Yòke yóntɛnɔ náh, à tɔ wóh tɔkɔ sɛntɛ óle ðivɛne ké sɔkɔ, té yo pé tyí ne: «Nýɔle, nímɔ tɔ ye, nê-á kɪ kwɛ yépi yinne, kɪ pi yégbékè kwɔnɔnɔnɔ késánnɛ Liyel ànê névye wró. Yé kéle n pi, yè yé lékám sah nímɔ tyíle, gbímegbí yáh kéle n wɔ.»

26 Yé yah, gbímegbí yáh búrn mènɛ n tah té ðivɛ mènɛ n wɔ gbí nɛnɛ, Tɛ ñgbɛ kúnó tyí ye yé me n yo, fók kɪ pɔ syɪ ñ sínɔnɔnɔ tyí.

27 Képah ye, névi nê-à búrn mènɛ n tah té ðivɛ mènɛ n wɔ, té tɛ pi ðúkù náh me ple, tɛ me pèkèle n pi Tɛ ñgbɛ wil ànê ñ tɔ tyí píndenɔ sɔkɔ.

28 Nénúkù núkú pól yíne pé pé gblɔy ðúkù kyɔmɪ yah palle, pè mó pyɛ búrn mɛ tah, pè mó ðivɛ mɛ wɔ.

29 Yé náh wɛ à, névi nê-à búrn mɛ tah té ðivɛ mɛ wɔ, té tɛ náh sè mɔ kɔ Tɛ ñgbɛ wille, tɛ me pèkèle n yɔrɪ n mɔ ñ gblɔy yó.

30 Képah yin ye yámpú ànê néfukulóle pípi yé wró, té yé náhnáh nítɛ me ku.

31 Ayáh me n sɔ n yah palle á gblɔy tyí sɔkɔ, Liyel tukey náh n syɪkɪ n pi á yó.

32 Nte Tɛ ñgbɛ náh me ké tyí ne ápi tɔ tyí kyɪ yɪkɪ wɛ tyí ànê kèkɔyó névyele, képah ye à kɔ à ápile n fòh á kwɔ yinne.

33 Képah ye ní yúnpyé, yáh tuke mɔ Tɛ ñgbɛ yòke yó yinne, yé pól wɛ syɪkɪ.

34 Kwɛkɪ-à me nê tɛ, tɛ yó ñ ðinne. Kàh pi sɛ, yé náh Tɛ ñgbɛ pèkè yɔrɪ n mɔ n pi yé gblɔy yó yé wɛ tükènmɔnɔnɔ sɔkɔ. Tyi téló nónó-á wú, mäh pɔ pɔ yé ðinne gbí nɛnɛ, mé kɪ sépi tyí yah wah.

12

Liyel Mirki-á tyi nónó pínó yòbènrɪle névile n kɔ

1 N yúnpyé, Liyel Mirki-á tyi nónó pínó yòbènrɪ tɛ wɔle névile n kɔ, mé náh me ké tyí ne yé ne n me sé yítũri sɔkɔ.

2 Yépi nítɛ pi ne gbí nê-á lésɔ yé náh tɔnɪ Liyel pi, vɪ-ñsah yó nítɛ náh sò me yé tyí né tãn yah ó tónkɔnɔ náh tɔð, sépi nónó-á sè náh fɛ n wɛkɪ.

3 Képah ye, mé kéle n yo n yíi yé tyí ne Liyel Mirki-à me névi nê yahle n tɛ, tɛ náh fɛ n yo n pi ne nkɛ Yesu tyí yɪkɪ; ànê ney tɔ náh fɛ n yo n pi ne nkɛ Yesu-á Tɛ NGBÈNE né Liyel Mirki náh tɛ tɛ yahle.

4 Tyi duke náhnáh pínó yòbènrɪ kɪ fɛ wɛ, nte kéne Liyel Mirki núkúni ó ye séle névyele n kɔ.

5 Liyel tãn duke me dò, nte Tɛ ñgbɛ núkúni tyí ye sé pólle á n pi.

6 Tãn pi ðúkúnó me dò, nte Liyel núkúni ó ye sé pól pínó tãhkɪle nénúkù núkú pólle n kɔ.

7 Liyel Mirki ye tir fɛnrɪnɔ yòbènrɪle nénúkù núkú pólle n kɔ, no pól tyí pekɪ yinne.

8 Liyel Mirki nkɛne yòbènrɪle ñnɪ kɔ, à n ne n wɛkɪ yípi sɔkɔ, té kéne Mirki ó nítɔ yòbènrɪle ñnɪ kɔ, ă tyile n pne n yo.

9 Kéne Liyel Mirki ó ye tō nkēne yòbènrile nnî kō, à n sē yīi Tē ngbē yō, kéne Liyel Mirki núkúni n tō yòbènrile nnî kō, à yámpúle n de n mō.

10 Kē yòbènrile nnî kō, à gbīl tyile n pī, n té yòbènrile nnî kō, à Liyel tēntòle n syi n yo. Kē yòbènrile nnî kō, à Liyel Mirki tyípinène n wah n pne sétàn tyí soko. Kē yòbènrile nnî kō, à wénkákúle n weki nê-á à náh kè sãh, n té yòbènrile nnî kō, à n fē sé yahle n yo.

11 Kéne Liyel Mirki núkúni ó tō vyãh ye sépi pólle. Kē tyi fēnpino yòbènrì dibi nénúkù núkù pól kō, à yīne nê-á ké dyo.

Yesu yō sēpú-á tōko sãh névi wil gběnsêle dükù nêne

12 Névi wil gběnsêle, núkú ye kéle. Nte tãntàn me dò ké tyí. Ké tãntàn dò fyé yō, wil gběnsê núkú ye kéle. Névyè nónó tō-á me kwronmonole Yesu Krista soko, sē ó ye pépi tōle.

13 Yé náh we di, kè se Nsyifunō ò, kè se nónó náh pī Nsyifunōle ò, kè se yōbi ò, kè se gblōy yō névyè ò, Liyel Mirki núkú mè ó gbò yō soko ye á pól wènwilkínó we, à pī wil gběnsê núkúle. Kéne Liyel Mirki mè ye me á pól soko.

14 Wil gběnsêle, tãntàn me dò ké tyí, fī núkú ó náh ké tyí.

15 Gbáhkì-à sò me ne péwō náh fyò pī gbòle, wil gběnsê tyah yó náh mó péle, képah se náhki kè kō kè náhki gbē wilki wil gběnsê soko?

16 Níkì-à sò me ne péwō náh fyò pī yīne, wil gběnsê tyah yó náh mó péle, képah se náhki kè kō kè náhki gbē wilki wil gběnsê soko?

17 Wil gběnsê pól-à sò me yīne, kè náhki n nohnì sō? Ké pól-à sò me níki, kè náhki pãnne n tōko sō?

18 Nte Liyel ye wil gběnsê tãntàn pól mō ké soko, à yīne n dyo dyo tēne.

19 Wil gběnsê pól-à sò me fī núkú óle, wil gběnsê náh náhki n me n pī.

20 Nte sē náh dé, wil gběnsêle, núkú ye kéle, té tãntànne dò ké tyí.

21 Kãh pī sē, yí náh fē n yo n pī gbò tyí ne, ké yétò náh me pé tyí. Yō tō náh fē n yo n pī gbyêh tyí ne, sé yétò náh me pé tyí.

22 Nte wil gběnsê tãntàn nónó nítē wō-á pyē á kī ne sohki kósyi me sé soko, yétò me sé tyí.

23 Wil gběnsê tãntàn nónó-á sè náh me n mō n kō n yīi, sépi ye pyē à n ne n tō n sah n tē. Sé nónó-á sé tyí yónó me sennē, à n ne n yah n dah n mō yīi sépi tyí soko,

24 té nónó wō-á me palle, à n pyē sépi sah. Wil tãntàn nónó-á á náh me séle n mō n kō kwãh yóle, Liyel-á wil gběnsê mō, à gbílkínó sah kal sépi yō.

25 Kãh pī sē, wil gběnsê tãntàn náh wēne n we n mō. Sé pól me wē tēnó ple dükù núkúle.

26 Ké tyah yó-à me kwlonó soko, sé téló tō n ne n me n kwlo kéle wē tyí. Té gbílkínó-à mó n sah ké tyah yó yō, sé téló tō n mó ké nìvìnì pī kéle wē tyí.

27 Nte yé yah kè, yépi ye Krista wil gběnsêle dò. Yé nénúkù núkú pólle, Krista wil gběnsê fī yó ye yéle.

28 Yé náh we di, Liyel me nósyo wilki sah Yesu yō sēpú finkì soko pé tyí tyíle: Gbenne, à Yesu tēntò névyè yah wilki. Ní-òle, à Liyel tēntò syinyopu

yah wilki. Tǝ-òle, té kwópú yah wilki. Képah náh, gbĩnrĩbĩ me syi. Té me yámpú fẽndenmɔno yòbènɔrile tókù kǝ, té névyé yòhnìnɔno yòbènɔrile tókù kǝ, té névyé yah tẽnó yòbènɔrile tókù kǝ, té yòbènɔrile tókù kǝ pè fẽ wénkáhkínɔle n weki nónó-á pè náh sè sãh.

²⁹ No pól se yó pi Yesu tẽntò névyele, képah náh pi Liyel tẽntò syinyopule, képah náh pi kwópúle, képah náh pi gbĩnrĩbĩle?

³⁰ Tĩ, no pól se yó pi yámpú dénɔpule, képah náh pi wénkáhkínɔ wékípule nónó-á pè náh sè sãh, képah náh pi wénkáhkí nópi yah yópule?

³¹ Kãh pi sẽ, tir nê fẽnrĩno-á ki névi yohni mɔ kal, yé képah yòbènɔri yah n kǝ.

Nte mé ki tǝ yé wẽki wẽkì yóle nê-á ple kal sé télóle.

13

Wẽ wró tyínɔnɔle

¹ Nmɔ-à ki sǝ névyé welole n weki, à tahlĩ yĩnyò tǝnrĩbĩ welo nítẽ tyí, té tyínɔno náh me ní sokɔ, mé me á ki ne ntey yó sǝ mɔ tũ, képah náh pi kẽnkẽkì yóle.

² Nmɔ-à ki sǝ me Liyel tẽntò welole n syi n yo, Liyel-à ki sǝ me tyi pólle n wẽki nónó-á sǝ me wòbìnsàhnóle, ànê nímɔ-à ki sǝ me tyi pólle n pne, Liyel yò sẽnó-à ki sǝ me ní sokɔ nê-á ymole n tokɔ n yal sé mé-ńtãn sokɔ té tyínɔno náh me ní sokɔ, kwãh yó náh íne.

³ Nmɔ-à ki sǝ ní gbãn yĩ pól dibi kwéndébé kǝ ò, nímɔ-à ki sǝ ní wil gbẽnsé nítẽ kǝ pè suke nyãh sokɔ ò, té tyínɔno náh me ní sokɔ, kè náh tir yó peki n pi ní tyí.

⁴ Tyínɔno-à me névi nê sokɔ, tẽ tyile n sro, ă yòhnìnɔnɔle n pi, à náh yíwilkile n pi, à náh n gblǝyne n wẽki, à náh n gblǝyne n gbilki.

⁵ Tyínɔno-à me névi nê sokɔ, tẽ náh sen tir yó nítẽne n pi, à náh n wĩ-nsah óle n yah n kǝ, à náh n fòkole n vyãh, ànê à náh ney tyíle n tẽ n sah n fòkɔ.

⁶ Tyínɔno-à me névi nê sokɔ, tyíkẽkì pínó náh n pi nìvìnì tirlé n tyí, gbi wẽkì kóló nìvìnìne nne n kǝ.

⁷ Tyínɔno-à me névi nê sokɔ, tẽ tyi pólle n yǝ n mɔ. Tyi tyi pól sokɔ, à n ne n me sẽnóle Liyel yò, n yáh-ńsah náh n tye, ànê à n ne n me gbah n tẽ.

⁸ Yĩn náh me tyínɔno tyí. Liyel tẽntònè syinyono ki pɔ tye, wénkáhkínɔ wékínó ki pɔ yal mɔ, pnènó to ki pɔ tye.

⁹ Api pnènó náh dal mɔ, ànê á Liyel tẽntònè syinyono to náh dal mɔ.

¹⁰ Nte sé pĩndalnɔno gbĩ-à ki se Liyel tyí gbí nêne, légbíne sépi nónó-á sè náh dal mɔ, sè ki tye.

¹¹ Máh lésò me wẽnrĩle gbí nêne, ní weki dùkù, ànê ní sɔno dùkù, ànê ní tyi yah dùkù pól sò me wẽnrĩ tyí kǝle. Nte máh pɔ wah mɔ, mé wẽnrĩ tyi yal mɔ.

¹² Núkúnúkú, ápi me tyile n yah yĩrkòò, á ki ne dwǝldyãh ñĩròò yó sokɔ sǝ á n yah séle. Nte á ki pɔ sè we n pi kyòo. Núkúnúkú, nímɔ pnènó náh dal mɔ. Nte mé ki pɔ sè pĩ sǝ-á Liyel íne n pne.

¹³ Núkúnúkú, tyino tǝnó nópi wɔ ye sépi náh n tye n pi: Liyel yò sẽnóle, yáh-ńsah tyé-ńkẽne, ànê tyínɔnɔle. Nte nê-á kal sé pólle, képah ye tyínɔnɔle.

14

Liyel Mirki-á tyi nónó pínó yòbènrile n kō Yesu yō sēpú tĩnkĩ yohni n mo yinne

¹ Yé gbah n tē, yé tyí nɔ wē tyí. Liyel Mirki-á tyi nónó pínó yòbènrile n kō, yé sé tɔ yah n kō, té ké nê wɔ-á Liyel tēntò syinyonɔle, yé képah wɔ gbah n yah n kō n kal.

² Yé náh we à, névi nê-à wénkáhkíle n wekɪ nê-á à náh kè sãh, Liyel tyi wòbìnsàhnó ye ñkēne à n ne n yo Liyel Mirki gbò yō, nónó-á névyé náh séle n nohni. Kàh pɪ sē, névyé tyí náh tē n ne n yãh dé, Liyel tyí ye.

³ Nte névi nê wɔ-à Liyel tēntòle n syi n yo, névyé tyí ye tē n ne n yo n mo, ñ yah yúkúnóle péle n kō, ñ té sóréle n mo pé sokɔ, ñ té pé nnɔle n sũ.

⁴ Té nê-à wénkáhkíle n wekɪ nê-á à náh kè sãh, tē me ñ gblɔy ó yah yúkúnóle n yah n kō. Nte nê-à Liyel tēntòle n syi n yo, tē wɔ me Yesu yō sēpú tĩnkĩ pól yah yúkúnóle n yah n kō.

⁵ Yé pól-à sò me wénkáhkínɔle n wekɪ nónó-á yé náh sè sãh, kè náhki ple ó; nte yáh kɪ Liyel tēntòle n syi n yo, képah kɪ nɔ kal ní tyí. Névi nê-à wénkáhkíle n wekɪ nê-á à náh kè sãh, té ké yah náh tē we yo Yesu yō sēpú tĩnkĩ wēkɪ kè kō kè yah yúkúnóle pè kō, yōre náh me tē sokɔ à nɔ Liyel tēntò syinyó-òle.

⁶ N yúnpyé, sɔ-á mäh rityínɔ pɔ yah yé tyí, té wénkáhkíle n wekɪ yé tyí, tir nê me kè kɪ pekɪ yé tyí, né kè náh pɪ tir yóle Liyel ní wēkɪ mé yo yé syah, képah náh pɪ pnènó yóle, képah náh pɪ Liyel tēntòle mé syi yo yé tyí, képah náh pɪ kwónó yóle mé yé kō.

⁷ Yé yah yímónine kè, sɔ-á yíkile, képah náh pɪ gbrèyne; sàh n mónwàhnmɔ-ñkēne, ney se kɪ fē sé yì òkù pĩ?

⁸ Té kèpò nê-á ñkēne pè n fɪbɪ ñ yo névyé tyí ne pè yuku n sokɔ mékì fwó-nsah, képah-à rityínɔ fɪbínwàhnmɔ-ñkēne, nê tē wɔ kɪ ñ vi mékì fwo yinne?

⁹ Sē ó ye, yé nénporí-à wénkáhkínɔ yísyóle n wekɪ nónó-á névyé náh me séle n nohni, tyi nónó-á yé n yo, pè kɪ pĩ sò séle? Wékínmíndahnmɔnɔ ye yé kɪ n wekɪ n min n dah n mo ni sokɔ.

¹⁰ Welɔ duke me dò kèkòyó, mé náh sé dan rítēne n pne. Nte kór me sé núkú núkú pól tyí.

¹¹ Nte mäh wey nēne n nòhni-ñkēne, ké wékí-ò n pɪ nékâhne ní tyí, nmo tɔ n mó n pɪ nékâhne tē tyí.

¹² Képah ye, Liyel Mirki-á tyi nónó pínó yòbènrile n kō, yáh me sépi yáhnkòno sokɔ yò, sé nónó-á Yesu yō sēpú tĩnkile n yuku yahle, yé sépi náhnáh yah n kō.

¹³ Kãh pɪ sē, nê-à wénkáhkíle n wekɪ nê-á à náh kè sãh, tē kè yah n kō Liyel tyí à ké yah yónóle à wēkɪ.

¹⁴ Yé náh we di, níri pínó sokɔ wáh wénkáhkíle n wekɪ nê-á á náh kè sãh, ñ n pĩ á nɪ sokɔ ne wáh me níri le n pɪ, nte wey nê-á á n wekɪ, áwɔ nte náh kéle n nohni.

¹⁵ Nte sò me mé yīne mè n pɪ wé? Mé kɪ níri le n pɪ wénkáhkí sokɔ Liyel Mirki gbò yō, té kɪ kéle n pɪ ní noh noh wey tɔ sokɔ. Mé kɪ yile n gbɪ wénkáhkí sokɔ Liyel Mirki gbò yō, té kɪ n gbɪ ní noh noh wey tɔ sokɔ.

16 Kàh pí-ńkēne sě, té á weyne Liyelle n kō wénkáhkí ó soko, nónó-á me ké sèndìle, pépi kɪ pɪ sɔ́ té kɪ yohnɪ syi yo ne Liyel á wey mē tē, wáh kɪ sɔ́ me n tɔ́ n sah n wekɪ Liyel tyí sɔ́ n pèpɔɪ pínó yinne?

17 A Liyel tyí tōnsàhnwékɪno mē-à kɪ sɔ́ me ple sɔ́, kè náh yah yúkúnóle téló kō n pi.

18 Nmɔ n wekɪ Liyel tyí, máh sōnpúle n wekɪ wénkáhkí soko à kal yépi pólle.

19 Nte mäh me Yesu yō sěpú tĩkĩ wró, mäh welo kwló wekɪ nónó-á névyele n kwɔ, képah tyí no ní tyí kal welo kèyō kwló (10 000) wékínó yō wénkáhkí soko.

20 N yúnpyé, yé káh ye yé tyi yah òkù ne me wēnpì tyí kōle. Kàh me pèkè pínóle, yé ne me wēnpì yró tyí kōle. Nte tyi yah òkù tē wo soko, yé ne me yèwàhnì tyí kōle.

21 Kè me wárkínsàhnóle Liyel wey sébey soko ne Tē ngbē Liyel-á ne ńkē: «Yìkì yó névye ye mé kɪ kō pè kɪ yo mɔ no nópi tyí wey yó soko, nê-á pè náh kéle n nohnɪ. Nte képah fyé yō, pè náh fē syi n noh n pi ní tyí.»*

22 Képah ye, wénkáhkí wékínóle nê-á á náh kè säh, kè Liyel tãhkìle Yesu yō sē-ńkēpúle n wēkɪ. Nte Yesu yō sěpú yohnɪ n mɔ yĩn náh kéle. Liyel tēntōnè welo syinyono wole, képah Liyel tãhkìle Yesu yō sěpúle n wēkɪ. Nte Yesu yō sē-ńkēpú yohnɪ n mɔ yĩn náh kéle.

23 Sɔ́-á Yesu yō sěpú tĩkĩ pól-à ntyĩno me tuke mɔ, té yé pól núkú tyah wénkáhkínóle n wekɪ à, nónó-á me ké sèndìle, képah náh pɪ Yesu yō sē-ńkēpú yísyó-à pɔ de nénpó, pè náh yé pɪ n pi vɪnpɪbɪle di?

24 Nte kàh me Liyel tēntōnè welole yé pól n syi n yo, névi nê-á me ké sèndyàhle, képah náh pɪ Yesu yō sē-ńkē névi nê-à de pɔ nénpó, yé welo nópi pól nóhnó kɪ à kō à kɪ pĩ ne páh pèkè pɪ, pé tyí-á kah.

25 N fókósōno wōbìntēno pól kɪ wilki mɔ kènkwhāh yō kwèyy. Képah soko, à kɪ ko kwĩnki n yah di sètáh kɪ Liyel gbilki, té kɪ n yo ne, kègbɪ tē yō Liyel-á me yé wró soko.

Yesu yō sěpú tĩkĩ-á yĩne pè ne n pɪ sɔ́ pàh wē tuke mɔ

26 Sɔ́ me á yĩne à ne n pɪ wé, ní yúnpyé? Yáh tuke mɔ ne yé Liyel ni gbí nēne, ònì kɪ fē yìkì gbɪ, ònì mó kwónó kō, ònì mó Liyel tyi wékínóle n we n yo, ònì mó wénkáhkìle n wekɪ, ònì mó wénkáhkí mē yahle n yo. Sépi pól yĩne sè yah yúkúnóle Yesu yō sěpú tĩkìle n kō.

27 Nósyó-à me ké tyí ne pé wénkáhkínóle n wekɪ, kè káh kah népí ní mí, képah náh pɪ tǔmí yō. Pè mó wēne n syikɪ n wekɪ. Té ònì mó ne me, nê-á kɪ fē sé yahle n yo.

28 Nte sé yah yó-ò-à mé-ńkēne, wénkáhkí wékí-ò mē yĩne à n vyāh vike Yesu yō sěpú tĩkĩ wró. Tē Liyelle n ni n foko táh, n gblōy tyí.

29 Nónó-á Liyel tēntō syinyopule, pépi népí ní mí, képah náh pɪ tǔmí wo yĩne pè wekɪ, téló mó ne n me pé welole n sohlɪ n yah.

30 Nte Liyel-à tir yóle ònì yó wēkɪ, nê-á sō me n wekɪ, òmɔ yĩne à n vyāh vike, tē mó n tyí yo.

31 Yé pól kɪ fē Liyel tēntōnè welole n syi n yo nénúkù núkúle, nê-á kɪ no pól kō pè kɪ kwónó we, ànê sóré kɪ de pé soko.

* 14:21 14.21 - Yah n te Yesayi 28.11-12.

32-33 Liyelle, tyífě tyí nãh nɔ̀ n̄ tyí. Tir tǔnsàhnpɔ̀nɔ̀ tyí nɔ̀ n̄ tyí, yèvɔ̀nɔ̀ Liyel ye ñne. Képah ye Liyel tǔntǔnè syínyopu yĩne pè ne me n fyãh n pne pé gblǔy yǔ.

Sǔ-á kéle Yesu yǔ sǔpú tǔnkínó pól sɔ̀kɔ̀,

34 wě tǔkènmɔ̀nɔ̀nɔ̀ pól sɔ̀kɔ̀, syó yĩne pè tǔ syísyí. Pè nãh yĩne yóndahnmɔ̀nɔ̀le wey sɔ̀kɔ̀. Pè yĩne pè tǔ gblǔy tǔkínmɔ̀nɔ̀ sɔ̀kɔ̀, sǔ-á tyi kǔnsàhnó yo kéle.

35 Pàh me ké tyí ne pé tir yó òkù pǐ, pè pé pɛbɔ̀ piki yah gbèn sɔ̀kɔ̀. Ké yah nãh sè ne n yo n dah n mɔ̀ wey sɔ̀kɔ̀ Yesu yǔ sǔpú tǔnkí sɔ̀kɔ̀.

36 Liyel wey sǔ se tyah yépi tyí? Yépi ó se noh kéle?

37 Névi nê-à me n sǔ ne Liyel tǔntǔnè syínyo-ò-á péle, képah nãh pɔ̀, Liyel Mirki-á me pé yahle n tǔ, wey nê-á mé n wãrkɔ̀ n tɛkɔ̀ n mɔ̀ yé tyí yò, tǔ yĩne à kè fě syi ne Tǔ ñgbě tir kǔnsàhnó-á kéle.

38 Nte névi nê-à képah mǔnkò-ñkène, Liyel nãh mó me tǔne n mɔ̀ n kǔ ló.

39 Kàh pɔ̀ sǔ n̄ yúnpyé, yé Liyel tǔntǔnè welo syínyonɔ̀le n yah n kǔ, té yé káh wénkáhkí wékínó to yah kǔ.

40 Nte tyi pól yĩne sè ne n pɔ̀ sé yah yǔ, ànê sè mó ne n tǔ n sah n pɔ̀.

15

Nìvìnì tir-á nê yo Krista lékó yǔlkinmɔ̀nɔ̀ tyí sɔ̀kɔ̀

1 N̄ yúnpyé, mé me ké tyí ne mé yé dyo to kǔ Nìvìnì tir mè tyíle, nê-á mé yo sɔ̀kɔ̀ yé tyí, képah nê-á yé kè fě syi té me ké wǔkɔ̀le n kɔ̀ n yǔ.

2 Képah gbǔ yǔ sɔ̀kɔ̀, yé kɔ̀ pwáhnmɔ̀nɔ̀ we, yáh kɔ̀ n kɔ̀ ké wǔkɔ̀ yǔ máh kè yo sǔ yé tyí. Kàh kɔ̀ pí-ńkène sǔ, ké yǔ sǔnó kɔ̀ pɔ̀ yǔ kǔne yé tyí.

3 Nmɔ̀-á kwónó we nê yǔ, képah ñgbò ye mé yé kwɔ̀ ne Liyel ney yáhntokɔ̀nɔ̀-á ku ápi tyípêl yinne. Sǔ ye kéle wãrkínsàhnóle Liyel wey sébéy sɔ̀kɔ̀.

4 Mé tǔ kwónóle yé kǔ ne wãh yǔ, té ké sèpìn tǔ-ò sǔle n̄ lékó me yilki mɔ̀. Sǔ ye kéle wãrkínsàhnóle Liyel wey sébéy sɔ̀kɔ̀.

5 A n̄ gblǔyne Pyeri wǔkɔ̀, képah nãh té gblǔyne pé népǐ gbǔnimí* wǔkɔ̀, pépi nóno-á n̄ tǔntǔnè névyele.

6 Képah nãh, à pɔ̀ n̄ gblǔyne n̄ tǔ sáhpú népǐ kyekwé (500) kahnɔ̀ wǔkɔ̀ fí núkú sɔ̀kɔ̀. Pépi kan me min sɔ̀kɔ̀ kwey nɔ̀ yò, té pé tǔkù wɔ̀ ku.

7 Képah nãh, té n̄ gblǔyne Nsyakɔ̀ wǔkɔ̀, té me n̄ gblǔyne n̄ tǔntǔnè névyele pól wǔkɔ̀.

8 Pépi pól tyí sókónteno nãh, à me n̄ gblǔyne n̄mɔ̀ to wǔkɔ̀, n̄mɔ̀ nê-á piri kòndal-ńkè tyí kǔle.

9 Nmɔ̀ ye Yesu tǔntǔnè névyele sɔ̀kɔ̀ tyí tǔne. Mé nãh yĩne yénóle Yesu tǔntǔnè névile, máh sǔnpíle fóhnó sah n̄ yǔ sǔpú tǔnkí yǔ.

10 Nte máh swɔ̀ nê sɔ̀kɔ̀ kweyne yò, Liyel pèpɔ̀ri gbǔ yǔ sɔ̀kɔ̀ ye ñne ké sɔ̀kɔ̀. Pèpɔ̀ri nê-á à pɔ̀ n̄mɔ̀ tyí, kè nãh sɔ̀kɔ̀ de ni sɔ̀kɔ̀. Yé nãh we di, n̄mɔ̀ ye tǔ pɔ̀ kal á no téló pólle. Nte n̄mɔ̀ tǔ wɔ̀ tãhkí nãh n pɔ̀ kéle dé, Liyel-á pèpɔ̀ri nê pɔ̀ n̄ tyí, képah gbǔ yǔ sɔ̀kɔ̀ ye mé n pɔ̀ kéle.

* 15:5 15.5 - Népǐ gbǔnimí nóno tyí-á n̄ yo ásò sɔ̀kɔ̀ yò, yíndyíni ye sǔ kéle Yesu tǔntǔnè névyele tyí. Pàh sǔ me tǔ-ńkène, pé péle n ye sǔ.

11 Képah ye, kè sǒ nímò ò, kè sǒ pépi ò, kéne Nìvìnì tir mè ó ye á pól me n yo. Képah yǒ ye mó tǒ yépi tǒ me sǎ.

Lékyî pónyilkinmǎnǎle

12 Ápi-á kéle n yo n wah ne nkǎ Krista lékó-á yilki mǎ, sǒ me té ye tǔkù ne lékyî nǎh n yilki n mǎ n pi?

13 Lékyî-à kǐ me pǎ n yilki n mǎ n pi nkǎne, Krista lékó tǒ nǎh mó yilki mǎ dǒ.

14 Té wǎh me yíkinmǎ-nkǎne, ápi Nìvìnì tir yónóle, nònó ye kéle, yépi tǒ Krista yǒ sǎnóle mó, nònó ye ké tole.

15 A wil képah sǎkǎ, kǎh sǒ me gbule ne lékyî nǎh n yilki n mǎ n pi, mìnì yónsǎhpu ye ápi ntǎne Liyel yǒ sǎkǎ, áyáh sǎnpúle ne wǎh Krista lékó yilki mǎ, té à nǎh se mó tǒ kè pǐ.

16 Lékyî-à kǐ me n yilki n mǎ n pi nkǎne, Krista lékó tǒ nǎh mó yilki mǎ dǒ.

17 Té Krista lékó-à kǐ me yíkinmǎ-nkǎne, ye sǎnóle ò yǒ, nònó ye kéle. Yé me sǎ ye tyípél sǎkǎ.

18 Té névye nónó-á sǎ Krista yǒ té ku, pépi tǒ tyí ye mó yǐkǐ.

19 Kǎh kǐ me ápi á gbǒ sah Krista yǒ, á min pǐ yǐnne kèkǒyǒ mè tǎ ó sǎkǎ, yǎm pípú ye ále à kal no pólle.

20 Nte gbǐ yǒ sǎkǎ, Krista lékó ye yilki mǎ gbenne lékyî sǎkǎ, nê-á kéle ále n wǎkǐ n dal n mǎ ne névye nónó tǒ-á ku sǎkǎ, pé tǒ lékyî-á kǐ pǎ yilki mǎ.

21 Yé nǎh we di, nénúkù yó yǐn ye névye pólle kǐ mǎ sǎkǎ yǒ. Té nénúkù yó tǒ gbǒ yǒ ye névye pól lékyî kǐ pǎ yilki mǎ.

22 Sǒ-á Adama nǎh tǎn pól n ku, sǎ ó ye Krista yǒ sǎpú pól tǒ kǐ tyé-nkǎ min we.

23 Nte no pól lékyî kǐ yilki mǎ syǐ yuku wǎ nǎh, kǎh yǐne sǒ. Krista ògbò lékó ye yilki mǎ. Képah nǎh, ò syǐ n pǎ gbǐne, nónó-á me òmǎ tyí yǒ, pépi tǒ lékyî kǐ yilki mǎ.

24 Képah nǎh, tyí tyí pól tye gbǐ kǐ nǎ. Képah tǎne, Krista kǐ me névye fnèpu ànê tǒrínǎ, ànê tǎhkìnó duke duke pól tyí yǐkǐ, té kǐ yǒtǒrí dahbǐ Sú Liyel gbǒ.

25 Yé nǎh we di, Krista yǐne à ne n me tǒrí yǒ, fǒó kè pǎ n nǎ gbǐ nê-á Liyel kǐ sǎpébí pól pǐ Krista gbáhkǐ súnsàh-nsahle.†

26 Kǐ ye kǐ pǐ sǎpe tévne, nê tyí-á kǐ yǐkǐ.

27 Liyel yíyǐn pól pǐ Krista gbáhkǐ súnsàh-nsahle.‡

Nte kǎh yo sǎ, pè nǎh ne Liyel tǒ-á dé, òmǎ Liyel nê-á yíyǐn pól pǐ Krista gbáhkǐ súnsàh-nsahle.

28 Yíyǐn pól-à kǐ pǐ Krista gbáhkǐ súnsàh-nsahle gbǐ nêne, òmǎ Krista nê-á Pídǐne, à kǐ ò gblǒy tiki mǎ Liyel yah, òmǎ nê-á yíyǐn pól pǐ Krista gbáhkǐ súnsàh-nsahle. Képah sǎkǎ, Liyel kǐ tǒrí tǎkǎ dal mǎ yíyǐn pól yǒ.

29 Nte à, lékyî-à pǎ n yilki n mǎ n pi nkǎne, névye nónó-á pé gblǒvne n wel n wilki ní sǎkǎ lékyî yǐnne, pè se nǎhkǐ kéle n pǐ? Lékyî tǎ-à me pǎ n yilki n mǎ n pi nkǎne, sǒ pǐ té pè pé gblǒvne n wel n wilki ní sǎkǎ pépi yǐnne wé?

30 Té lékyî-à kǐ me n yilki n mǎ n pi nkǎne, sǒ pǐ té ápile dlo sǎkǎ gbǐmegbí wé?

† 15:25 15.25 - Yah n te Gbálnó 110.1. ‡ 15:27 15.27 - Yah n te Gbálnó 8.7.

31 N yũnpyé, sã-á kéle gbule ne ní nɔ-á me vínóle yéle Yesu Krista yõ sɛnó yĩnne, sɛ to ye kéle gbule ne swõswõ pólle máh me kũne n do n yah.

32 Gbɛ̀nképèl nónó-á sò me Yefesɩ kwil sɔko, máh mékì fwo séle dùkù nêne nɛnpó, kàh sò me ne kèkòyó mè sɔko min pi yĩn tɛ́ ó sɔ́, yõre nê me mé náhki we ké sɔko? Nte kàh me pi ne lékyî tɛ́ náh pɔ n yilki n mɔ n pi, á ye ne n yõ à mó ne n wɔ kè, ñsòne á kɩ se pɔ n ku n pi tɛ́.

33 Yé káh yé gblõyne n tɔ́ n mɔ dé, ñgbõ wáh nétúkù pi á kó-òle, á á yõ yɩki dé!

34 Mé kéle n yo yé tyí, túkù me yé sɔko, pè náh Liyelle n pne. Nte yé pól sen ye kéle dò. Yé tɔ́ n tɛ́ kègbɩ yõ, yè yèsrey tyile n pi káh yĩne sɔ́, yè mó pèl pínó yal n mɔ.

Lékyî yílkínmɔnɔ wil gbɛ̀nsê dùkùle

35 Nnî kɩ fɛ́ n piki n yah ne, lékyî se kɩ yilki mɔ sɔ́ nɩ? Wil gbɛ̀nsê dùkù nê se kɩ me pé tyí nɩ?

36 Lékám kɛ́ névi! Wáh sɛmukɔ pi duku mɔ, kàh fi, dúkúnmɔnɔ mè ye ñkɛ́ne n ku dò.

37 Wáh ñkɛ́ne nê duku n mɔ, sɛmukɔ pi yó ó ye. Kè kɩ fɛ́ pi kwlɔle, kɛpah náh pi sɛmukɔ káhkíle, ñkɛ́ yòhkì tɛ́ wɔ náh ñ n duku mɔ kè n fi dé.

38 Kɛpah náh, Liyel kè kɔ́ kè n fi n wil yòhkíle à yĩne ñ dyo dyo tɛ́ne. Sɛmukɔ pye duke pól yèh me sé tyí tyíle.

39 Wil gbɛ̀nsê dùkù núkú náh min sɔko yí pól tyí. Névyè wil gbɛ̀nsê me ké tyíle, gbɛ̀nkyɔ tyí me ké tyíle, kèpye tyí me ké tyíle, yɛnkyɔ tyí me ké tyíle.

40 Yĩnyõ yí to me, sétáh yõ yí me. Nte yĩnyõ yí plénó me sé tyíle ànê sétáh yõ yí tyíle.

41 Gbĩ plénó me ké tyíle, ñwɔ́ plénó me ké tyíle, ñwɔ́ kèpye plénó me sé tyíle. Tɛ́ ñwɔ́ kèpye túkù ñtɛ́ plénó tɔ́ sé gblõy sé túkù tyíle.

42 Sɛ́ ye lékyî yílkínmɔnɔ to kɩ pɔ n pi n pi. Wil gbɛ̀nsê nê-á kɩ n pyáh n pi, kɛpah kɩ yĩ, tɛ́ kɩ pɔ yilki mɔ pi wil gbɛ̀nsêle nê náh tɔ́ n pyáh n yah n pi.

43 Kàh n yĩ gbí nêne, kè n ne n me kètúkùyò sohki kɛ́ne. Nte kàh pɔ yilki mɔ, kè n ne n me kètär ó, tãhkíle ké sɔko.

44 Kè n yĩ wil gbɛ̀nsê gbɔyne, ñte n pɔ n yilki n mɔ wil gbɛ̀nsê késánne Liyel Mirki gbò yõ. Wil gbɛ̀nsê gbɔy me, wil gbɛ̀nsê késán to me Liyel Mirki gbò yõ.

45 Yé náh we di, kè me wárkínsàhnóle Liyel wey sébéy sɔko ne ñkɛ́: «Négben nê-á Adamale, négbɔy ye ñmɔle, nê-á min dah mɔ ñ sɔko.»§ Nte Adama téy wɔle,* Liyel Mirki me ñmɔ sɔko, nê-á minne n kɔ́.

46 Wil gbɛ̀nsê késán nê-á we Liyel Mirki gbò yõ, kɛpah náh pɔ gbenne dé, wil gbɛ̀nsê gbɔy ye pɔ gbenne. Kɛpah náh, nê-á we Liyel Mirki gbò yõ, kɛpah pyé pɔ.

47 Puri ye mɔ Adama gbenne, sétáh névi ye ñmɔle. Adama ní-ò wɔle, ñmɔ wil yĩnyõ.

48 Nê-á wil sétáh sɔko, sétáh yõ névyè me ñmɔ tyí kòle. Nê-á wil yĩnyõ, yĩnyõ tyínɔ mó me ñmɔ tyí kòle.

§ 15:45 15.45 - Yah n tɛ́ Yenesɩ 2.7. * 15:45 15.45 - Adama téy nê tyí-á n yo ásò sɔko yò, ñmɔ ye Kristale.

49 Áyáh pɪ sɛtáh yõ névi mè kètòle dùkù nêne, sɛ́ ó ye á kɪ tõ pɔ n pɪ n pɪ yĩnyõ névi mè tɔ kètòle.

50 Yé yah, nê-á mé n yo yé tyí ní yũnpyé, kè wɛ yò: Wil gběnsê gbɔy náh fẽ n de n pi Liyel tǒrí sɔkɔ. Pyãh pyãh kwáh tɔ náh fẽ tyé-ńkẽ min wɛ.

51-52 Yé yah, mé kɪ tir wõbìnsàhnó yó yo yé syah: Á pól tɛ wɔ náh n ku n pi dé. Nte kèpõ téy-à pɔ fɪbɪ, á pól kɪ viri nɛnpó swɔ, yí víkényɪkɪnmɔnɔ wró. Kàh fɪbɪ gbí nêne, lékyí kɪ yilki mɔ, té pè náh tõ n ku n yah n pi. Nte ápi nónó-à me min sɔkɔ, ápi kɪ viri.

53 Pyãh pyãh kwáh yĩne kè vi mɔ pɪ pyáh-ńkẽ kwáhle. Té ku ku kwáh mó vi mɔ pɪ kú-ńkẽ kwáhle.

54 Nte pyãh pyãh kwáh mè-à pɔ vi mɔ pɪ pyáh-ńkẽ kwáhle, té ku ku kwáh mè me vi mɔ pɪ kú-ńkẽ kwáhle, légbíne Liyel wey sébéy sɔkɔ tir wárkìnsàhnó mè kɪ wil, nê-á yo ne ńkẽ: «Kũ tyí ye yɪkɪ. Gbò ye syi ké tyí pnépné.»†

55 «Kũ, nýãh me á tɛnwenɔle? Kũ, á kókè mɔ mɔ sòhki nýãh?»‡

56 Névyɛ tyípékè pínó ye kũ sòhkɪle, tyi kònsàhnó mó tãhkɪle tyípékèle n kõ.

57 Nte á ye wɛkɪ Liyel tyí, ñmɔ nê-á tɛnwenɔle á kõ tyi nópi yõ á Tɛ ñgbɛ Yesu Krista gbò yõ.

58 Képah ye ní yũnpyé pèplo, yé yé tah n sah yé ne me yínnóle gbáhkì núkú yõ. Yé wãnnɛ n mɔ yé gbáhtɛnɔ yõ Tɛ ñgbɛ tò pínó sɔkɔ. Yè mó pí ne yáh kwlónó nêne n pɪ Tɛ ñgbɛ tò sɔkɔ, kè náh n pɪ n pi nònóle.

16

Pó mórí nê-á yah kõ Yesu yõ sɛpú tĩnkì yohu n mɔ yĩnne, nónó-á me Yerusalemi kwil

1 A yuku pó mórí wɔ tyí tĩnne, nê-á kɪ Yerusalemi kwil Yesu yõ sɛpú yohu n mɔ, máh vɪnmɔnɔle Kalasi mara Yesu yõ sɛpú tĩnkínó kõ ne pè kè pɪ sɔ, yépi tɔ kè pɪ sɛntɛne.

2 Dimansyi sònó pólle, nê gbò-à nɔ nêne, à kè wilki n kɛkɪ n sah gbòpɔle. Yé káh ñmɔ pónó óle n syɪkɪ pó mórí mónóle.

3 Képah sɔkɔ, máh pɔ pɔ, mé kɪ sébéynó wárkɪ té kɪ sépi ànê pó nópile yé névyɛ yáhnwìlkìnsàhnó gbò dahbɪ, pè kõ pè kɪ kyɪ sè kõ Yerusalemi sɔkɔ.

4 Kàh kɪ se me nɔ ñmɔ tɔ kyínó tyí, á kɪ wɛkɪ pɪ núkúle.

Kóló nónó-á me Pole gbáhkì sò

5 Mé kɪ n pɔ n pi yé tĩnne. Máh kɪ n pi, mé kɪ sɔkɔ Masedonɪ marale. Képah ye mé kɪ kah té kɪ de yé tĩnne.

6 Máh kɪ pɔ, kè kɪ fẽ pɪ mé kɪ sèpɪn yísyó pɪ yé tyí. Gbòkɛnpɪ mé kɪ kwòvɪrɪ gbí pól ñtɛ pɪ n pi yé tyí. Képah sɔkɔ, yé kɪ fẽ yòhnɪnmɔnɔ pɪ ní tyí ní kõ mé kɪ yõ sɔkɔ ní kólóle nɛnpó.

7 Kèpàhpíkì sɔkɔ, mé náh me ké tyí ne mé n pɔ n yah n sɔkɔ yé tyí yĩnyõ. Tɛ ñgbɛ-à kɪ fẽ syi, mé kɪ wũ kɪ wô yó pɪ yéle.

† 15:54 15.54 - Yah n te Yesayi 25.8. ‡ 15:55 15.55 - Yah n te Wose 13.14.

8-9 N fwópú sénsõ me dò Yefesı kwil soko ó, ñte wěkì ñgbě yó me we yiki mo ní tyí ní tò we n pi yinne nénpó. Képah ye, mé kɪ tẽ nénpó kɪ syi pɔ no Pãntekotɪ syáh syah sô tyí.

10 Timotele, Liyel tò ye à n pi ñmo tyí kòle. Képah ye wàh kɪ pɔ pɔ yé òinne, yé ñ tẽnó ple tíkí kò kè káh à tẽ yé wró soko.

11 Nnî yó ntẽ káh ñne n yilo dé. Nmo me ñne n syiki ànê ní yúnpyé Yesu yó sěpúle. Képah ye, wàh kɪ pɔ n yal yé òinne, yé yòhnìnmonɔ pi ñ tyí ñ kóló yinne à kò à pɔ ní tnô yèvinu soko.

12 Té á yúnpı Apolosi wole, mé sò kè yah kò ñ tyí gbáhyí náhnáhle ne à kyı yé òinne ànê Yesu yó sěpú télóle. Té à náh sò me ké tyí pólle ne pé kyı yé òinne núkúnúkú. Nte wró-à pɔ we ñ tyí, à kɪ pɔ yé òinne sô yóle.

Wey syi-nsahle

13 Yé káh yé dyo mo n fwo n tẽ. Yé su yin gbáhkì núkú yó Liyel yó sěno soko. Yé yé ni syáh, yé mó yé tah n sah.

14 Yé tyi pólle n pi tyínɔno soko.

15 N yúnpyé, Sitefanasi ànê ñ no ye pi négbrole à pi Yesu yó sěpúle Akayi mara soko. Pè tò me pé gblóy kò yíi me Yesu yó sěpúle n yohni n mo. Yé pínó se yó me ké soko té. Képah ye, mé kɪ tò kè yah kò yé tyí ne,

16 yé ne n sah sěnkno névye tyí yó, à tahlı nónó to-á me tãn nópıle n pi péle me n kwlo.

17 Sitefanasi ànê Fortunisti, ànê Asyayikusi ménóle ñne ásô, kè ní ni vi yíi. Pè ye me pɔ yé swo toko.

18 Pè ñmo ni de à tahlı yépi to tyí tyí. Yé yíne yé fě sěnkno névye yígbíle n yo.

19 Asi mara Yesu yó sěpú tĩnkĩnó n weki yé tyí. Akilası ànê Prisili à tahlı Yesu yó sěpú nónó-á Liyelle n ni n pɔ Akilasıpi gbô, pé pól n weki yé tyí Tẽ ñgbě yinne.

20 Yé yúnpyé Yesu yó sěpú nónó pól-á me ñne ásô, pé pól n weki yé tyí. Yé pól weki wě tyí tyínɔno wey pèpeyne.

21 Yé yah, nê-á mé n wãrkı n tekı n mo yé tyí ní gbòle, kè we yò: Nmo Pole n weki yé tyí.

22 Tẽ ñgbě Yesu tyí-à nó-ńkěne névi nê tyí, mé me ké tyí ne tẽ tyí yiki. Maranata. [Pàh ne Maranata-á, ké kór ye: Tẽ ñgbě, pɔ!]

23 Mé me ké tyí ne Tẽ ñgbě Yesu yòbènɔri pi yé tyí!

24 Yé pól tyí no ní tyí Tẽ ñgbě Yesu Krista yinne.

Pole sēbéy ní-ò tékínmōnole Korēnti tãn tyí Tyàh-ńsah weyne

Wey kōnóle

¹ Nmo Pole nê-á Yesu Krista tēntò névile à yīne Liyel dyo yī tēne, nmo ànê á yīnpi Timote ye n tekí n mo sēbéyne Yesu yō sēpú tĩkì tyí Korēnti kwil sokō, ànê Yesu yō sēpú pól tyí nónó-á me Akayi mara pól sokō.

² Á kéle n yah n kō Sú Liyel ànê Tē ñgbē Yesu Krista tyí ne, pè yòbènrì ànê yèvinine yé kō.

Pèpōri pínó wey kōnóle

³ Mé n weki Liyel tyí, nmo nê-á ápi Tē ñgbē Yesu Krista Súle. Nmo ye Súle nê-á névyè yāmne n yah. Névyè nno dé-ò Liyel ye ñne.

⁴ Nmo ye ápi nno dé-òle á yèkwōri tyino pól sokō, sōnko nónó pól-á me yèkwōri sokō, ápi to fē pé nno de sō-á à ápi nno de.

⁵ Áyáh me yèvyāhrile n gbah n we n yuku sō Krista tyí kōle, sē ye Krista to mó me á nnole n gbah n de n yuku sē.

⁶ Áyàh yèvyāhrile n pì, yépi nno de yīn ye ànê yé pwáhnmōnō yīnne. Á nno-à de, sōré mo yīn ye yé sokō sōnko yépi to fē yèvyāhrile n sro ápi-á nónó òkù sro sokō.

⁷ Ápi yáh-ńsah náh me tyénóle à yuku yépi tyí tĩnne. Á pĩ ne sō-á yé yèvyāhrile n pì ále wē tyí, sē-á yé nno to kú n de n pì ále wē tyí.

⁸ Á yūnpyé, áyáh yèvyāhrì nê we Asi mara sokō, á náh me ké tyí ne yépi tē ké yītūri sokō. Kéne yèvyāhrì mè kǎn pì ápile à pō kah mo á yáh-ńsah kō kè tyé, fós á sō me n sō ne kǎh kú á yō yī.

⁹ Á sēnyĩnō sō me ké yō ne tir yó náh á kúnó òkù ku n pì. Képah ye á me á sōnō tokō to á gblóy yō, té kè sah Liyel yō ñmo nê-á lékyìle n yilki n mo.

¹⁰ Nmo ye ápi pwah mo kù mè òkù gbō. À kú tō á pwah n mo n pì. Á gbō sàhnó me ñ yō ne, wǎh kú á pwah n mo n pì ntō.

¹¹ Sónmōnō ye yépi to me n so mo á tyí yáh nírlé n pì á tyí. Kǎh pì sē, á kú pèpōri we Liyel tyí nékwíńkí nírlí pínó gbō yō. Té névyè nálnáh to kú we weki ñ tyí ápi yīnne.

Pole vīnmōnō dah mo ñ kóló tyí sokō

¹² Ápi nìvìnì yō-á nēne, kè we yò: Á kè pĩ á sōnō sokō ne áyáh me á foko dal no pólle yǎryār pí-ńkēne, ñte áyáh me sēntēne n pì n kal yépi wō tyí. Liyel yòhnìnmōnō gbō yō ye á kō á tē we képah pì, névi lékām gbō yō náh.

¹³ Ápi to náh kwáh yó wārki tekí mo yé tyí nê-á yé kar té ké kór pĩ kwlo. N sēnyĩnō me ké yō ne, yáh kú fē ñyō to kar kú ké kór pĩ yī.

¹⁴ Yé me tyi nópi òkùle n pne kwéy. Tē ñgbē Yesu syi n pō sōle, yé yō kú yō ápi yīnne, ápi to yō kú mó yō yépi yīnne.

¹⁵ N sēnyĩnō sō me képah yō, képah ye mé ne mé pō yépi ñgbò tĩnne kè kō kè pì yòbènrì ke ní-òle yé tyí.

¹⁶ Nmo sō me ké tyí ne mǎh kú n sokō Masedonì mara sokō, mé n pō n wil n sokō yé tyí. Té mǎh kú ní syi, mé n pō n wil yé tyí ríto yé kō yé ní yohnì n mo mé we n yō n sokō ní kólóle Nsyude mara sokō.

17 Nte kãh pɔ pi mé nãh tẽ we pɔ yé tĩnne, képah se n wěki ne máh me tyile n yah n tɔkɔ n dah n mɔ sě? Képah nãh pi, máh me tyile n yah n tɔkɔ n yah yĩne; máh ne àwe-á, dɔ mèn n tɔ ne ɔɔ-á?

18 Liyel ye ní tãrfyòle ne áyáh wey nê yo yé tyí, kɔnvinwekɔnɔ nãh kéle.

19 Nmɔ, ànê Silas, ànê Timote-á Liyel Pídí Yesu Krista wey nêne n yo yé tyí, kɔnvinwekɔnɔ wey nãh kéle dé, gbɪ kókó ye kéle.

20 Yé nãh we di, ñmɔ gbɔ yɔ ye Liyel vyãh kɔnɔ tyi pól yĩne n tẽ. Nmɔ gbɔ yɔ ye tɔ ápi amiinale n yo à gbílkínóle n sah Liyel yɔ.

21 Liyel ye kɔ ápi ànê yépile tãhkile á wró kwrónmɔnɔ gbɔ yɔ Kristale. Nmɔ ye wilki sah ále n tyí yɔ.

22 Á á pɔkɔ mɔ à á pi n tyíle. Té n Mirki dah mɔ á sɔkɔ nê gbɔ yɔ-á á pĩ ne, wãh n vyãhle á kɔ yí nónó tyí sɔkɔ, áyáh kɪ sè we n pi.

23 Liyel ye ní tãrfyòle, máh kɪ me mìnì yo mèn n ku. Yé yɔ wilki yĩn ye tir sɔkɔ n kɔ mé nãh n syɪ pɔ Korēnti kwil sɔkɔ.

24 Á nãh me n yah n kɔ ne á tir yó kãhlɪ n sah yé yɔ à yuku yé Liyel yɔ sěno tyí tĩnne dé. Yòhnìnɔnɔ ye á n yohnɪ n mɔ yéle sɔnko nìvìnì we yé sɔkɔ, yáh sɔnpíle me yé tah sah Liyel yɔ sěno sɔkɔ.

2

1 Nmɔ kè yah ní gblɔy ne yɔ nãh me ké tyí mé n syɪ n pɔ yé tĩnne mé pɔ yèkwɔrɪ yɔrɪ mɔ yé yɔ ñtɔ.

2 Nmɔ-à kɪ yèkwɔrɪ mɔ yépi sɔkɔ, nê kɪ pi ñmɔ nìvìnì yòle, né yépi nãh máh yèkwɔrɪ mɔ yépi nónó sɔkɔ?

3 Mé sébéy mèn wãrkɪ tekɪ mɔ yé tyí, sɔnko mé káh pɔ yé tĩnne yé tókù kɔ pè yèkwɔrɪ mɔ n sɔkɔ, pépi nónó-á sò yĩne nìvìnì mónóle n sɔkɔ. Mé kè pĩ yĩ ne, máh me nìvìnì sɔkɔ, kè n pi nìvìnìne yépi tɔ tyí.

4 Nmɔ-á sébéy mènne n wãrkɪ gbí nêne, n nɪ sò me yíkínóle, n lékãm sò me vye fěki té yétí me n kah n kwe. Yèkwɔrɪ nãh sò mé n yah n kɔ mósahle yé sɔkɔ dé, mé sò me ké tyí ne yé pĩ, yé tyí-á me nɔ n tyí à kɪ syɪ nyãh tyí.

5 Yèkwɔrɪ-à we ñnì yó gbɔ yɔ, ñmɔ tyí nãh tẽ pi dé, yé pól yɔ ye tẽ yɔrɪ mɔ kéle. Nte áyáh ne á káh kè yo n kah mɔ, á kɪ ne yé pól yɔ-á tẽ yɔrɪ mɔ kéle.

6 Kéne tẽ tẽne, tówû-á kɪ lékãh nêne à kɔ, képah kɪ yĩne ñne.

7 Képah ye, yé yĩne yè yɔ mɔ tẽ kɔ yè mó n nɪ de, sɔnko yèkwɔrɪ káh pɔ n yáh-nsah tyɛ n kah mɔ.

8 Mé kéle n yah n kɔ yé tyí tɔle ne, yé kéle tẽ wěki ne n tyí-á me nɔ yé tyí.

9 Máh sébéy mènne n wãrkɪ n tekɪ n mɔ yé tyí yɔ nê yɔ tɔle, mé sò me ké tyí ne mé yé gbɪ yah, yáh kɪ me n sah n yóré yɔ tyi tyi pól sɔkɔ.

10 Yãh yɔ mɔ névi nê kɔ, ñmɔ tɔ kɪ yɔ mɔ tẽ kɔ. Té yãh we mé yɔ mɔ ñnì kɔ, yépi yĩn ye mèn n pi kéle Krista yah sɔkɔ.

11 Képah sɔkɔ, sétãn yòtẽ nãh syɔ-nsah we à tẽ we n pi á tyí. Á pól n yah mósahle n pne dò.

Pole sɔnɔ fěkínóle Tite tyí sɔkɔ

12 Máh yĩni tẽ Turasɪ mara sɔkɔ Yesu Krista Nìvìnì tir yó-nsah, mé kè we Liyel ké wěkɪ yɪkɪ mɔ n kɔ palle.

13 Nte mé náh ní yũnpi Tite we nénpó sɔkɔ. Kãh pi sɛ, ní sɔnɔ náh sɔ me tɛnóle fí núkú sɔkɔ. Képah ye, mé me wɛkì ni nénpó tãn tyí, té sɔkɔ Masedonɩ mara sɔkɔ.

Tɛnwɛnɔ nê-á n we Yesu Krista gbɔ̃ yɔ

14 Gbílkinó ne n sah Liyel yɔ, ñmɔ nê-á á pi tɛnwɛpule á wró kwrónmɔnɔ gbɔ̃ yɔ Kristale. Á á kɔ́ á Krista dùkùle n yo n tɔ n mɔ n kɔ́ tãntãn pól sɔkɔ, sɔ́-á làsèkwɛl pãn n tɔ n mɔ tyah pól sɔkɔ.

15 Ápi pi làsèkwɛl pãn pènèkì tyí kɔ́le Liyel tyí, á wró kwrónmɔnɔ gbɔ̃ Kristale. Névyɛ nónó-á pwáhnmɔnɔ wɛkì yɔ, ànê nónó-á me tyí yíkínó wɛkì yɔ, pãn mè me n yĩni n tɛ pé pól tyí.

16 Túkù tyí, á me n pɔ́ kètúkùyɔ nê-á n pɔ n pɔ kũne. Túkù tyí mó, á me n pɔ́ palle nê-á n pɔ n pɔ minne. Nte nê tɛ wɔ kɩ fɛ́ képah pi wé?

17 Névyɛ náhnáh me Liyel wey tɔkɔ gbòle n yĩ. Ápi tɛ wɔ náh me pépi tyí kɔ́le. Liyel ye tɔ ápile, képah ye á me á fɔkɔ dal mɔ ñ weyne n yo ñ yah sɔkɔ, á wró kwrónmɔnɔ gbɔ̃ yɔ Kristale.

3

1 Ápi se tɔ yĩne á gblɔy dùkù yónóle yé tyí? Képah náh pi, á se yĩne à sébéy yó wãrkɩ yé kɔ́ à á gblɔy dùkù yo yé syah, sɔ́-á túkù kéle n pi? Tĩ, yépi se kɩ wãrkɩ á kɔ́ sébéyne, nê sɔkɔ-á yé kɩ me ápi dùkù yo?

2 Yépi ye ápi sébéy mène. Kè me wãrkínóle á nno sɔkɔ. No pól kéle n pne, té kéle n kar n pne.

3 Kè me píkinóle ne yépi-á sébéy mène, nê sɔkɔ welɔ-á Krista á kɔ́ á wãrkɩ. Wãrkínó mène, min nétɛ́ Liyel Mirki gbɔ̃ níy ye, wãrkɩ wãrkɩ kwâh níy náh. Dyêh fábkó fábkó yɔ sɔkɔ náh kéle wãrkínóle dé, névyɛ nno sɔkɔ ye.

4 Krista gbɔ̃ yɔ ye á sɛnyĩnɔ me kéne welɔ yɔ Liyel yah sɔkɔ.

5 Ápi-á tyi nónóne n pi yɔ, á yɛngbɛ́ tɛnwɛnɔ náh á fɛ́ n pi séle dé, Liyel kɔ́nó ye.

6 Ñmɔ ye á kɔ́ tɛnwɛnɔle á fɛ́ yégbékè kwrónmɔnɔ késãn tyile névyɛle n kwɔ. Kéne yégbékè kwrónmɔnɔ náh n wil tyi kɔ́nsàhnó wãrkínsàhnó sɔkɔ dé, Liyel Mirki tɔ vyãh ye kéle. Yé náh we di, tyi kɔ́nsàhnó nê-á wãrkínsàhnóle, képah n pɔ n pɔ tyí yíkínóle. Nte Liyel Mirki wɔ minne n kɔ́.

7 Tyi kɔ́nsàhnó wɔ nê-á n pɔ n pɔ tyí yíkínóle, ké wãrkínmɔnɔ gbĩne dyêh fábkó fábkónó yɔ, Liyel tɔ́rí sɔ́ me tiki pɔ Moyisi yèpɔ kɔ́ kè n tɛ, fɔ́ Yisrayel no náh sɔ́ me fɛ́ n yah n dah n mɔ ñ yah sɔkɔ. Té kéne tɔ́rí náh mo pólle.

8 Nte Liyel Mirki tɛ wɔ-á tɔ́ nêne n pi, képah náh Liyel tɔ́rí wɛkɩ n kal n pi di?

9 Tyi kɔ́nsàhnó wãl kónó nê-á n pɔ n pɔ tyí yíkínóle, gbílkinó-à we képah tyí sɔkɔ, gbɩ wɛkì kónó wɔ se pyɛ.

10 Á kɩ fɛ́ yo nítɛne ne tɔ́rí nê-á sɔ́ me gben tɛne, núkúnúkú tyí-á képah tɔkɔ yɔ.

11 Gbílkinó-à me sah mó-ńkɛ kwâh yɔ, mo mo tyí wɔ se pyɛ.

12 Á gbɔ́ sãhnyĩnɔ me képah yɔ, képah ye á ni me yĩnnóle.

13 Ápi náh me pi Moyisi tyí kɔ́le, nê-á sɔ́ fwɔ vike tũ ñ yah sɔkɔ sɔ́nko Yisrayel no káh ñ yèpɔ tɛnó yal n mɔ gbí pĩ, képah nê-á sɔ́ mo mo tyí náh kéle.

¹⁴ Nte pè me sɛ fɛntũ sɔkɔ. À pɔ nɔ kwey tyí, pàh tyi kònsàhnó kedyâhle n kar, kɛne fwɔ mɛ n ne n me fókóntûtɛnóle pé yah sɔkɔ. Kè nàh tokɔ n to pé yah. Né nê nàh n wró kwɔ mɔ Kristale, kè nàh n tokɔ n to tɛ yah.

¹⁵ Gbɪ yō à pɔ syi kwey tyí, pàh Moyisi tyi kònsàhnóle n kar, fwɔ mɛ n ne n me pé lékãm yah fɔkɔ n tũ n sah.

¹⁶ Nte nê wɔ-à sɛ Tɛ ñgbɛ yō, fwɔ mɛ n tokɔ n to tɛ yah sɔkɔ.

¹⁷ Tɛ ñgbɛ nê tyí-á n yo ásɔ̃, Liyel Mirki ye. Nte Liyel Mirki-à me ñyãh sɔkɔ, névye n ne me pé gblɔy yō nɛnpó.

¹⁸ Fwɔ nàh me víkɛntũnɔle ápi tɛ wɔ yah. Á òkù me Tɛ ñgbɛ tɔrɪle n wɛkɪ. Á vi mɔ pɪ Tɛ ñgbɛ tyí kɔle. Wãn me n mɔ n yuku á tɔrɪ yō. Tɛ ñgbɛ tɔ vyãh ye kɛpahle, ñmɔ nê-á Mirkile.

4

Pole ànê pé no-á fòhnó nónó we

¹ Liyel ye ápi yãm yah té tɔ mɛ dahbɪ á gbɔ, kɛpah ye á kɛle n pɪ wíl kúni kɛne.

² Sen tyi nónó-á névye n ne n wɔbɪ n pɪ, ápi sépi we ye. Á me á tyile n pɪ yĩnvɪ kɛne, á nàh me Liyel wey kórle n vi n mɔ pólle. Gbɪ ye ápi me n yo tótó, sɔnko névye pól sɛ á yō Liyel yah sɔkɔ.

³ Nte ápi-á Nìvìnì tir nêne n yo, kɛpah-à kɪ tɔ mé-ńkɛne kyòò, tyí yíkípú tyí ye kè nàh me kyòò.

⁴ Sétãn yòtɛ nê-á kèkōyō mɛ tɔle, ñmɔ ye fɛntũ mɔ pé yah. À kàh-nsah tũ pé tyí, sɔnko Nìvìnì tir-á Krista tɔrɪ kyòò nêne n wɛkɪ, pè kàh fɛ kɛpah we. Té Liyel kètò ye mó tɔ Kristale.

⁵ Ápi gblɔy tyí nàh á n yo n kɔ dé, Yesu Krista tyí ye á n yo n kɔ ne ñmɔ-á Tɛ ñgbɛne. Ápi tɛ wɔ pɪ tɔnpɪbɪle yé tyí Yesu Krista yĩnne.

⁶ Yé nàh we di, Liyel nê-á yo ne ńkɛ kyòò mɔ fɛntũ sɔkɔ, ñmɔ ye kɔ mɔ kyòòle ápi nno sɔkɔ, sɔnko névye n tɔrɪ we nê-á me n tɛ Krista yèpɔ sɔkɔ.

⁷ Kɛne tahrɪ mɛ ye ápi kɔ, ápi nónó-á sohki kɛne á sɔkɔ puri pín tyí kɔle, sɔnko névye pĩ ne ńkɛ tɛnwɛnɔ ñgbɛ mɛ nàh wil ápi tyí, kãh wil Liyel tyí.

⁸ Fòhnó me n sah ápi yō yey yey pólle, nte á nàh me tɛ kwɔ. Á lékãm me vye fɛkɪ, nte á yáh-nsah nàh tye.

⁹ Pè me kɔ á nàh à ále n fòh, nte Liyel nàh n nàh vi á kɔ. Pè á mɪ min, nte á nàh ku.

¹⁰ Yesu-á fòhnó we à ku òkù nêne, kɛpah ye me ápile n we sòmɛsɔ. Kɛpah ye kɪ névye kɔ pè kɪ pĩ ne áyáh me á min sɔkɔ ñmɔ gbɔ yō.

¹¹ Né ápi nàh ku, gbɪmegbɪ á kɪ me kũne n do n yah Yesu yĩnne. Á wil gbɛnsê nê-á mó sohki kɛne, kè kɪ min we ñmɔ gbɔ yō.

¹² Kãh pɪ sɛ, ápi me wɛ sɔkɔ kũne, yépi mó me tyé-ńkɛ minne n we.

¹³ Kè me wãrkínsàhnóle Liyel wey sébéy sɔkɔ ne ńkɛ: «Mé sɛ Liyel yō, kɛpah ye ní kɔ mé n weyne n yo.» Sɛ ye ápi tɔ sɛ n yō, kɛpah ye á kɔ á n weyne n yo.

¹⁴ Yé nàh we di, á pĩ ne Liyel nê-á yilki mɔ Tɛ ñgbɛ Yesu lékóle, wãh kɪ ápi tɔ lékyɪ yilki mɔ, té kɪ kyɪ ápi ànê yépi sah n tnô.

¹⁵ Yépi yĩn ye tyi nópi pól ápile n we. Té kɛpah sɔkɔ ye mó Liyel kɪ yòbɛnɔrɪ nàhnáh pɪ névye tyí, sɔnko pè ne n wɛkɪ n tyí, pè mó ñne n gbilki.

Káh n ye á wil ku, nɔlɪ dò me n syikɪ tɛ

16 Képah ye kè náh me wíl-kúnine ápi tyí pólle. Á wil gběnsê tyí-à kɪ sɔ me n yɪkɪ n yuku, á min tẽ wɔ me n gbah n pɪ n yuku sãnne sɔmesɔ.

17 Yé náh we di, mó-ńkẽ yèvyãhrɪ kwéy nê-á ápi yɔ núkúnúkú yò, képah náh me sãh yah yah tẽne tyé-ńkẽ yò yɔnó nê-á á kɪ pɔ n we n pi képah tyí sɔwãh.

18 Yí-á yí nónóne n we n pne, sépi náh ápi me n yah n kɔ. Kè náh yí nónóne n we n pne, sépi ye á me n yah n kɔ. Yí-á n tẽ n pne yí nónó yò, sépi náh n mo. Nte kè náh n tẽ n pne nónó yò, sépi n ne n me tyétyéní kẽne.

5

1 Wil gběnsê nê-á ápi min tẽ-ńsahle sétáh mè yò sɔkɔ yò, ké tyí-à pɔ yɪkɪ, Liyel kɪ min tẽ-ńsah yó yah á kɔ yĩnyò, nê-á kɪ me kúmm yò sɔkɔ. Kéne tẽ-ńsah mène, névi gběnpɪnɪ náh kéle.

2 Nte núkúnúkú, ké sɔkɔ de dékè me á kah tẽ, képah ye á me n gbí ké yĩnne.

3 Ayáh kɪ we de ké sɔkɔ, á wil tití náh tɔ n we n pi.

4 Wô nê pól-á á min kɪ n pɪ n pi sétáh mè yò sɔkɔ, á kɪ me gbĩnó sɔkɔ tókópékè sɔ á yò. Min tẽ-ńsah nê-á á tyí sétáh mè yò, kè náh me á kɪ ne á sɔ me ké tyí yíkí-ńsahle n yah n kɔ dé. Yíkí-ńkẽ min tẽ-ńsah nê-á Liyel kɪ á kɔ n pi yĩnyò, á me ké tyí ne képah pɔ yɪkɪ yɪkɪ tyí mè swɔ tɔkɔ.

5 Liyel ye sépi pól yah sah ápi yĩnne. Pèpɔrɪ nónó-á á kɪ n pɪ n pi á tyí, n Mirki ñgbò ye à tɛkɪ mɔ á kɔ sé sɔkɔ.

6 Képah ye, á sěnyĩnɔ me ké yò gbímegbí ne á min tẽ-à kɪ fyò tẽ á wil gběnsê mè tẽ sɔkɔ, á wró-á me dónóle Tẽ ñgběne.

7 N yò sěnó gbò yò ye á me n yuku yahle, n wénó gbò yò náh.

8 Á sěnyĩnɔ me ké yò, képah ye á me ké tyí ne á min yal wil gběnsê mè sɔkɔ, kè kyɪ n tẽ Tẽ ñgbě tnô.

9 Nte kàh kɪ se we wil ò; kàh kɪ se we wil-ńkẽne ò; áyáh pɪ sɔ té á tyí n nɔ n pi Tẽ ñgbě tyí, képah ye á me n yah n kɔ.

10 Yé náh we di, á pól yĩne Krista á tuke. Képah sɔkɔ, nê-à kɪ me pèpey pɪ kèkòyò mè sɔkɔ, à kɪ à dyah kéle. Nê-à kɪ mó me pèkè pɪ, à kɪ à dyah kéle.

Ápi wró kwɔ mɔ Liyelle Krista gbò yò

11 Kwáh nê-á Tẽ ñgbě yah tíkí pínóle, ápi kéle n pne. Képah ye, á me n yah n kɔ ne á névyè sɔnɔ vi mɔ pè n yah tíkíle n pɪ. Ápi fí yó nítẽ náh me Liyel pu. Té nmo sɔnɔ sɔkɔ, yépi tɔ api pĩ yí.

12 Á gblɔy dùkù náh tɔ á n yo yéle n syah, nte syò-ńsah ye á yéle n kɔ yè fẽ yé gblɔyne n gbilki ápi yĩnne. Képah sɔkɔ, wényo-ńsah kɪ we yé tyí yí yah pípú tyí.

13 Ápi yògbèl-à kɪ sɔ me yuku, Liyel yĩn ye. Nte á yah-à kɪ se mó me gbréy, yépi yĩn ye.

14 Krista tyínɔnɔ ye yah syi ápi tyí, ápi nónó-á pĩ ne nénúkú-á ku no pól swɔ sɔkɔ. Kãh pɪ sě, kè me á kɪ ne no pól tɔ sɔ ku.

15 Á ku no pól yĩnne sɔnko nónó-á me min sɔkɔ, pè káh pé minne n pɪ pé gblɔy yĩnne, nê-á ku té n lékó yilki mɔ, pè kéle n pɪ nmo yĩnne.

16 Kãh pɪ sě, núkúnúkú tẽne á náh tɔ ñnî yó nítẽ yah n pi à yĩne névi yòtàhsyi yáhnóle. Áyáh sɔ sɔ me Kristale n yah sě, núkúnúkú á náh tɔ me ñne n yah sě.

17 Névi nê wró-à me kwrónmōnōle Kristale, tē ni n vi n mō. Á n̄ pi dùkù kedyâh fīn n mō, n̄ té pi dùkù kēsān tōko.

18 Liyel tō vyāh ye sépi pólle, n̄mō nê-á ápi wró kwro mō n̄ne Krista gbō yō, té me wró kwrónmōnō tō dahbi ápi gbō.

19 Yé náh we di, Liyel náh kèkōyó névye tyípêl mō kō, à syō Krista tyí à pé wró kwro mō n̄ne, té me wró kwrónmōnō tyí yónó dahbi ápi gbō ne, á névye wróle n kwro n mō péwōle.

20 Krista yīn yō ye ápi me n wēki. Kè me á ki ne Liyel sō n yo n mō névye tyí ápi gbō yō. Képah ye á kéle n yah n kō yé tyí Krista yīn yō ne, yé yé wró kwro n mō Liyelle.

21 Krista nê-á à náh tyípékè pi yah, Liyel n̄mō twah mō ápi tyípèlle, sōnko n̄mō gbō yō, ápi to pi yályál Liyel yah soko.

6

1 Ápi-á pi Liyel tō pi m̄ne sē, képah ye á kéle n yah n kō yé tyí ne wāh yōbēnōri nê pi yé tyí, yé káh ye kè pi yō kēne.

2 Yé náh we di, Liyel ne nkē:
«Tyah-á sō me palle gbí nēne, mé á níri tē.
Pwáhnmōnō sōle, mé n̄ yohni mō.
Tyah pèpey gbí mē ye núkúnúkú yō.
Yah, pwáhnmōnō yōh ye kweyne.»*

3 Á náh me ké tyí ne á n̄n̄i yó ntē yō yiki, n̄n̄i kō à pō wényo-nsah we á tō tyí soko.

4 Nte tyi tyi pól soko, ápi me á gblōyne n wēki Liyel tōnpi bi kègblōle. Á me gbah tē yèvyāhri, ànê yèkwōri, ànê tíki kèpékèle n sro nahnáh.

5 Á ko syi, té wòkōnpèkè pi. Pè névye mō á yō, té á mō tãn pèl pínó soko. Á náh me n we n dō, yōke to náh me n we n yō.

6 Á me tōle n pi Liyel tyí fōkole píkínóle ànê á lékām pólle. Á me tyile n sro me pèpōrile n pi Liyel Mirki gbō yō. Tyínōnō yèsyìkì me á soko,

7 ànê gbì welo ye á me n yo Liyel tãhkì gbō yō. Gbì wēkì kóló ye ápi pi á méfwó yīle à á sèpébíle n fwo, té á gblōy yōle n syiki.

8 Névye á doko n mō, képah náh pi pè á kō fē. Pè á yīgbíle n yo, képah náh pi pè á yīpolle n yo. Pè ále n pi m̄nyobele, té gblō yópú ye mó tō ále.

9 Pè ále n pi pé kósyi á pī, té pè mó tō ále n pne kyó. Pè ále n pi lékyi sō ále té vye ye mó tō ále. Pè fōhnóle n sah á yō, té pè náh ále n ko n mō.

10 Pè yèkwōri tyile n pi á tyí, té gbímegbì à n ne me n̄v̄n̄i soko. Pè ále n tōko n pi yām tãnne, té á mó tō me névye nahnáhle n pi tahbile. Pè ále n pi kwāh kēpúle, té yíyìn pól mó tō me á tyí.

11 Korēnti tãn, gbì ye ápi n yo yé tyí. Á á fōko dal mō yéle.

12 Ápi náh á fōko kwīnki yéle. Yépi ye yé fōko kwīnki ápile.

13 Sú-á nkēne tyile n yo n̄ wēnpi tyí sō, sē ye mé me n yo tyile yé tyí. Yé yīne yè kè pī á tyí, yépi to mó yé fōko dal n mō yīi ále.

Kyòó ànê fēntū náh fē n kwro n mō

14 Yé káh ne n pi n soh Yesu yō sē-nkēpúle tir yó ntē soko. Gbì wēkì kóló ànê tyítúkùnì pínó náh me wēkì núkú yō. Kyòó ànê fēntū náh fē n kwro n mō.

15 Krista ànê sétan yōtē wró náh fē n kwro n mō. Yesu yō sē-ò ànê Yesu yō sē-nkē névi wró náh fē n kwro n mō.

* 6:2 6.2 Yah n te Yesayi 49.8.

16 Fal fal tãn nãh fẽ n kwɔɔ n mɔ Liyel ní-ńsah gbô sɔkɔ. Yé nãh we di, ápile, Liyel ní-ńsah gbô ye ále à yĩne Liyel-á kè yo sɔ ne ńkẽ:

«Mé kɪ tẽ péle té kɪ me péle pé kó-ńtãn sɔkɔ.

Mé kɪ pɪ pé Liyelle, té pè kɪ mó pɪ ní nolɛ.»

17 Képah ye Tẽ ñgbẽ Liyel ne: «Yé wil kéné névyé wró, yè gbe n tẽ yé tyíle. Yé káh n tũ kwáh yó ńtẽ tyí nê nãh me yályál ńmɔ yah, képah sɔkɔ ńmɔ kɪ mó yé tẽ ple.

18 Mé kɪ pɪ yé Súle, té yé kɪ mó pɪ ní dñpì ànê ní syónpile.» Sẽ ye Tẽ ñgbẽ yo, ńmɔ nê-á tãhkì nètẽne.»

7

1 N nénónó, Liyel vyãh kɔ́nó nópíle, ápi to vyãh me sé sɔkɔ. Képah ye, tyi nónó pól-á silki sah á wil ànê á minne, á ye sè wu n to á gblɔy sɔkɔ, à mó ne n me yályál Liyel yah ñ yah tíkí pínó sɔkɔ.

Nìvìnì nê-á we Pole sɔkɔ Korēnti tãn-á pé gblɔy tiki mɔ

2 Yé ye á tyí nɔ yé tyí. Ápi nãh pɪ de ñnî yó ńtẽ tyí. Á nãh ñnî yó ńtẽ gbô tyɛ. Á nãh syíkɪ ñnî yó ńtẽ yõ.

3 Yé káh we ne máh me sépile n yo à lékàhle yéle n kɔ́ dé. Mé kè yo sah te yé tyí ne á min pól sɔkɔ, yé tyí-á me nónóle á tyí kũ ńtẽ fyé nãh fẽ á wró yíkɪ.

4 N sěnyĩnɔ me yé yõ, ní nɪ me vínóle yéle. Yé tyí pɪ yĩ nɪ dénole ní tyí. Yèkwɔɔ duke pól sénsõ me ále n we, ñte képah fyé yõ, nìvìnì me kah mɔ ní sɔkɔ.

5 Áyáh fyò pɔ de Masedonɪ mara sɔkɔ, yèvyãhrɪ duke pól núkú syíkɪ á yõ, á nãh we mɪ yah kwéy ńtẽne. Mál ye yey yey pólle, tíkí we á sɔkɔ.

6 Nte Liyel nê-á tɛnkwlɔpu nɪ dé-òle, à Tite tekɪ mɔ ápi kɔ́ á nɪ kɔ́ kè de.

7 Kè nãh me ne Tite pónó ó sɔ́ ápi nɪ kɔ́ kè de, yáh sǒré nê mɔ ñ sɔkɔ képah to ye. Tite pɔ yo á syah ní we dékè-á me yé kah tẽ sɔ́, ànê yèkwɔɔ nê-á me yé sɔkɔ, ànê yáh me yuku yĩn sɔ́ à ní vyãhle n syi. Képah wãn gbah mɔ ní nìvìnì yõ.

8 Máh sébéy nê tekɪ mɔ yé tyí, mé pĩ ne kãh yèkwɔɔ mɔ yé sɔkɔ. Nte ké tékínmɔnɔ nãh pɪ nãhnɔ́ne ńmɔ tyí. Té máh pɔ kè kyɔmɪ we ne kãh yèkwɔɔ mɔ yé sɔkɔ wró kwéy ó sɔkɔ, kè pɪ nãhnɔ́ne ní tyí.

9 Nte núkúnúkú, kè me nìvìnìne ní tyí. Kãh yèkwɔɔ mɔ yé sɔkɔ képah yĩn nãh dé, yèkwɔɔ mè-á vìnɔnɔ nê dahɔ́ yé pɪ dùkú sɔkɔ, képah yĩn ye. Yé yèkwɔɔ mè sɔ́ me yínénóle Liyel tyí. Kãh mó pɪ sɛ, á nãh pèkè yó ńtẽ pɪ yé tyí.

10 Yé nãh we di, yèkwɔɔ nê-á me yínénóle Liyel tyí, képah névi pɪ dùkùle n vi n mɔ à ñne n mɔ pwáhnɔnɔ wɛ̀kì yõ, kè nãh n pɪ nãhnɔ́ne tẽ tyí. Nte kèkõyõ tyi sɔnɔ-á yèkwɔɔ nêne n mɔ névi sɔkɔ, képah ye n pɔ n pɔ kũne.

11 Yèkwɔɔ nê-á me yínénóle Liyel tyí, kãh vìnɔnɔ nê dahɔ́ yé sɔkɔ yé kè we yò:

Yé me yé gblɔy kɔ́ yĩ.

Yé me gblɔy yele n yah n kɔ́.

Yé fɔkɔ me vyãh yĩ yé gblɔyne yĩ mè sɔkɔ.

Tíkí me yé tẽ pèkè pínóle.

N we dékè me yé tẽ.

Yé me gbah tẽ yĩ Liyel wɛ̀kì kóló sɔkɔ.

Yé me ké tyí ne fõhnó sah lékàh névi yõ.

Yé kè wěki dal mo ne yé vyãh náh me yĩ mè soko pólle.

¹² Nmò náh sébéy mè wãrki tekı mo tyítúkù pí-ò yĩnne, képah náh pi tyítúkù-á pi névi nê soko tẽ wò yĩnne dé, mé kè tekı mo ne yé kè pĩ Liyel yah soko ne ápi tyí-á me tah yĩ yé tyí.

¹³ Yáh nê pi, képah ápi nno de kègbıle, té kè náh yĩn képah ó tyí dé, yáh Tite ni sũ ñ ni kõ kè vi sõ, kè wãn mo ápi nìvìnì yõ.

¹⁴ Mé lésõ n gblõy yõ sah kwéy Tite tyí yé tyí sõwãh. Nte yé náh mó senné n tẽ. Áyáh dar té gbıle n yo sõ yé tyí, sã ye á yo yé yĩngbıle Tite tyí, té à mó ñtyĩno kyı kè we sã.

¹⁵ Yáh à tõ sah tẽ té yõyen sah ñ yõ sõ, ñ dyo me n kwne kéle, képah ye yé tyí gbah no yĩ ñ tyí.

¹⁶ Kè me nìvìnìne n tyí, à tẽ we n gbõ sah yé yõ tyi tyi pól soko.

8

Masedonı Yesu yõ sãpú tĩnkı-á pò mórı nê mo

¹ N yũnpyé, Liyel-á yõbènoı nê pi Masedonı Yesu yõ sãpú tĩnkıno tyí, á me ké tyí ne á kè yo yé syah.

² Yèkwõrı duke náhnáh sò pè yĩni tẽ, ñte képah fyé yõ, nìvìnì sò me kah mo pé soko. Yãm sò me kah peke pé yõ, ñte képah fyé yõ, pè pi yĩnkõpu kègblõle.

³ Nmò ye pé tàrfyòle ne pãh kè pi à syı pé gbõ yĩn tyí, fóó à kah mo pé gbõ yĩn ñtẽ yõ à yĩne pé dyo dyo tẽne.

⁴ Té me kè gbah yah kõ ápi tyí ne á ye pé gbõ dahbı á tyí yòhnìnmono mè tékínmono soko Nsyude mara Yesu yõ sãpú tyí.

⁵ Ápi-á sò me nêne n yah n kõ, pè kè pi kah mo képah yõ ñtẽne. Pè pé gblõyne Liyel ñgbò kõ, képah náh, té pé gblõy dahbı ápi to gbõ soko à yĩne Liye dyo yĩ tẽne.

⁶ Képah ye, á me Titi ni ne wãh pò mórı syıno tò nê tyah yé tĩnne, à kè pi n dal n mo.

⁷ Sõ-á yéle yahle tyi pól soko yò: Liyel yõ sãnole yé soko, yé n wěki n pne, yĩpıle yé soko, sórèle yé soko yĩn kẽne, à tahlı névye tyınono nê-á á dahmo yé soko, képah yĩnne á me ké tyí ne yé ne n me yahle pò mórı mónó mè to soko.

⁸ Kyĩnmono náh mé n kyĩ n mo yéle máh képahle n yo dé. Nte máh no téló gbáhntẽno tyıle n yo yé tyí, mé me ké tyí ne yépi to kè wěki ne tyınono kègbı-á me yé soko.

⁹ Tẽ ñgbẽ Yesu Krista-á pèpõrı nê pi, yé kéle n pne. Yé náh we di, ñmo nê-á kwãh nètẽne, à fẽ syi ñ gblõy pi yãm neyne sõnko yépi pi kwãh nátãmne.

¹⁰ Nmò sõno-á nêne, yĩ mè tyí tĩnne, képah ye mé n yo yé tyí. Képah me yĩnénóle yépi tyí yépi nónó-á pi gbrole yán dukùle à pò mórı mè mo, té kè náh yĩn képah ó tyí dé, ké pınó yãhntokono wil yépi tyí.

¹¹ Kãh pi sã, núkúnúkú yé tò mè pi n dal n mo. Yáh kè yah toko sõno pèpeyne sõ, yé kè pi n dal n mo sã à yĩne yé gbõ yĩnne.

¹² Yé náh we di, wãh yĩ kõ á gbõ yĩnne à yĩne wãh kè yah toko sõ, képah tyí no Liyel tyí. Kwãh nê náh me á tyí, à náh képah níyne n tẽ.

¹³ Mé nãh yo ne yé yé gblǒy mɔ yãm sɔkɔ no téló tyí pekɩ yĩnne dé. Nte mé me ké tyí ne yé kè pɩ yé pól ne n me núkúle.

¹⁴ Kwey mɛ sɔkɔ, kwãh me yépi gbò. Képah ye, kwãh nãh me nónó tyí, yé péle n yohnɩ n mɔ. Kwãh-à mó sò nêne me pépi tyí té kɩ n kne yépi tyí, pè kɩ yé yohnɩ mɔ. Kàh pɩ sɛ, yé pól kɩ me núkúle,

¹⁵ sɔ-á kéle wárkínsàhnóle Liyel wey sébéy sɔkɔ ne: «Nê-á sò kwel dò, wãn nãh wũ ò tyí. Nê-á sò kwel kwéy, ò tyí nãh tekɩ.»*

Titi ànê ò kómûne

¹⁶ Liyel yĩn ne n gbilki, òmɔ nê-á yé yòhnɩnmɔnɔ dékè dahbɩ Titi nɩ sɔkɔ, sɔ-á sò à kè dahbɩ ápi nno sɔkɔ.

¹⁷ Ayáh nê yah kò ò tyí, à kè fɛ syi. Té yé yòhnɩnmɔnɔ dékè-á sò me ò nɩ sɔkɔ sɛ, à núkú kè yah tɔkɔ ò gblǒy òtɛne ne, páh kɩ yuku yé fɩnne.

¹⁸ A me á yúnpɩ yó tɔle n tekɩ n mɔ òne wɛ tyí, nê-á Yesu yò sɛpú fɩnkɩnó pól me ò yíngbúle n yo Nìvɩnì tir yónó tyí sɔkɔ.

¹⁹ Té à wil képah sɔkɔ, òmɔ ye tɔ Yesu yò sɛpú fɩnkɩnó yah wilki ne à ápi tekɩ mɔ á kyɩ pèpɔrɩ tò mè pɩ. Tɛ òngbɛ yĩn gbilki yĩn ye ápi n pɩ tò mène à kéle n wɛkɩ tɔle ne tò mè pínó tyí-á me nɔ á tyí.

²⁰ A me tyi pólle n pɩ tɔle ne, pò òngbɛ nê tyí-á dahbɩ á gbò, á ké tyi tɔ sah pɩ pɔ tyé á káh yínyíkì we ké tyí sɔkɔ.

²¹ A me ké tyí ne á ne n tɔ n sah n pɩ Tɛ òngbɛ yah sɔkɔ, té kè nãh yĩn képah ó tyí dé, á me ké tyí ne á ne n tɔ n sah n pɩ névyé tɔ yah sɔkɔ.

²² A ye á yúnpɩ yó tɔle n tekɩ mɔ péle wɛ tyí. A à we mɔ yah gbáhyí náhnáhle, té sé pól sɔkɔ á kè we ne gbáhntɛ-ò-á òne. Nte à tɔ me gbah tɛ kal núkúnúkú, wãh sɔnpúle me sɛ yí yépi yò sɔkɔ.

²³ Titi tɛ wɔle, òmɔ kó-ò ye òne, à me tɔle n pɩ ànê òmɔle wɛ tyí yépi yĩnne. Nte á yúnpyé téló wɔle, Yesu yò sɛpú fɩnkɩnó ye tekɩ mɔ péle, Krista yĩn gbilki yĩnne.

²⁴ Képah ye, yé kéle pè wɛkɩ ne pé tyí-á me nɔ yí yé tyí, sɔnko Yesu yò sɛpú fɩnkɩnó kè we, pè mó pɩ ne gbɩ-á me á tyí á yéle n sò.

9

Yesu yò sɛpú fɩnkɩ yòhnɩnmɔnɔle Yude mara sɔkɔ

¹ Yòhnɩmɔnɔ nê-á kɩ n tekɩ n mɔ n pɩ Yude mara Yesu yò sɛpú tyí, yò nãh me ké tyí mè sébéy tɔ yé tyí képah tyí sɔkɔ.

² Mé pɩ ne yáh me ké tyí ne yé kè pɩ. Mé me yéle n sò òtɛne Masedonɩ mara Yesu yò sɛpú tyí, me n yo pé tyí ne, Akayi mara Yesu yò sɛpú-á me pé gblǒy vi te yòhnɩnmɔnɔ pɩ yĩnne fɔ́ yán dùkúle. Káh pɩ sɛ, yépi nónó-á me kéne mara sɔkɔ, yépi gbáhntɛnɔ mè sɔré mɔ névyé kan sɔkɔ.

³ Mé á yúnpyéle n tekɩ n mɔ yé tyí, sɔnko máh me yéle n sò sònonò nêne yí mè tyí sɔkɔ, kè káh pɔ pɩ yò kéne. Nte yè ne n me yé gblǒy vi sah kègbɩ yò sɔ-á mé yo kéle.

⁴ Kàh kɩ pɩ dùkú yóle, té Masedonɩ mara tãn-à kɩ pónó yí òmɔle, té pɔ ne yah yé nãh me yé gblǒy vi sah, kè kɩ pɩ sen òngbɛne ápi tyí ayáh sɔnpúle káh sɛ yé yò. Té yépi òtɛ wɔ tyí ye kè kɩ pɩ sennɛ. Nte mé nãh me ké tyí ne mé képah yo.

* 8:15 8.15 Yah n te Yálnó 16.18.

⁵ Képah ye, mé kè sô ne máh yĩne mé á yũnpyé nópi ni pè mo ímo yahle, pè po pó mórí mè tyí yahle n wah yáh yé vyãh kô nê tyí soko; sônko máh kɪ pópó n pi, ké tyí yah ne n me wãhtenole, nê-á kɪ kè wêkɪ ne yáh kè pi yé dyo dyo tēne, kyĩnmɔno náh pè kyĩ mo yéle.

⁶ Yé se kè pĩ ne, névi nê-à duku mo kwéy, tē n po sèmuko kwéy tɔko; té nê-à duku mo dò, tē n po sèmuko dò tɔko té.

⁷ Yé nénúkù núkú pól yĩne yé kô à yĩne yáh kè yah tɔko sô yé nno soko. Ney káh kô à mó tō ké nãhnpĩne n gbo, képah náh pi, pè sô tē kyĩ mo. Yé náh we di, nê-á n yĩ n kô nìvìnì soko, ñmo tyí no Liyel tyí.

⁸ Tēnweno me Liyel tyí kɪ fē pèpɔri duke pól pi yĩ yé tyí, sônko yĩ nónó pól yétô-á me yé tyí, sè ne n me yé tyí gbímegbí ànê dòhnò tɔle, yé kô yé fē pèpɔri duke pólle n pi,

⁹ sô-á kéle wárkínsàhnóle Liyel wey sébéy soko ne:

«À n nɪle n dal n mo n yĩ n kô,

à n yĩ yãm tãnne n kô n yĩ.

ñ fòkòpènrɪ tyí yĩn náh me.»

¹⁰ Liyel nê-á kwáhdúkúle sètòle n kô, té n yô yô yòkele ñne n kô, ñmo ye kɪ kwáhdúkúle yépi kô n pi, té kɪ kè kô kè kɪ kwel, kɪ wãn mo yé fòkòpènrɪ pínó yô.

¹¹ A kɪ yé pi kwáh nátãmne gbímegbí, sônko yé fē fòkòpènrɪle n pi tyé-ríkēne. Képah soko, yáh yĩ nónóne ále n kô á névyele n kô n po, pé náhnáh kɪ wekɪ Liyel tyí sépi yĩnne.

¹² Yé náh we di, yé pó mórí mè kɪ Yesu yô sēpú yohnɪ mo. Té kè náh n yĩn n pi képah ó tyí dé, kè kɪ névyé náhnáh kô pè kɪ pèpɔri pínó weyne Liyelle n kô.

¹³ Yôre tō nê-á yé pi, pàh kɪ kè we pè kɪ Liyel yĩn gbilki yáh sônpiɪle pi négbólle à fē syi tō pi Krista Nìvìnì tir yónó soko. Pè kɪ tō Liyel yĩn gbilki yáh sônpiɪle yé gbãn yíle pépi ànê no téló pól tɔ yohnɪ mo.

¹⁴ Pè kɪ nírí pi yé tyí, kɪ pé tyínɔnole yé wêkɪ yòbènrɪ ñgbē mè yĩnne, Liyel-á nê pi yé tyí.

¹⁵ Gbílkinó ne n sah Liyel yô ñ pèpɔri ñgbē pínó yĩnne, nê-á ké kénkô náh me.

10

Pole me lékàhle ñ tyí yónyíkɪpule n kô

¹ Ñmo Polele, pè ne máh me yé tnô mè n ne n wekɪ dáb dáb, té máh gbe mo yéle mè n ne n wekɪ fyòrì fyòrì. Yesu Krista nēpír pínó ànê ñ nìgbèkì yĩn yô,

² ñmo Pole kéle n yah n kô yé tyí ne, yé yé gblöy ye, máh kɪ po po yé tnô, yé káh n kô mè po ne n wekɪ fyòrì fyòrì yépi tɔ tyí, sô mé me kè sô sah pi pi tēne névyé tyí nónó-á me n sô ne névi yòtàhsyi pi dùkù-á api soko.

³ Gbɪ ye névyé tē wo ye ále ó, ñte áyáh mékì nê soko yò, névi yòtàhsyi tãhkì náh á n fwo kéle.

⁴ Api-á mékìle n pi méfwóyì nónóne, névi gbēnpuno náh séle, sè n wil Liyel tyí. Tãhkì me sé soko kɪ fē Liyel sépébi tyí yikɪ ànê sɔno tókúnĩne.

⁵ Kéne méfwóyî gbò yõ, ápi me gblõy gbilkipú tãhkìle n yíkí pépi nónó-á sò me káh-ñsah tũ névye tyí ne pé káh Liyel pĩ. Á me névye yõle n vi n mo pé kò pé n sah Krista tyí yõ.

⁶ Yáh kú pò n sah palle Krista tyí yõ gbí nêne, ápi náh tõ nõhni-ñkê tir sah kè n sòko n pi fòhnó kēne ké tyí sówãh.

⁷ Yé yí-á me tyí nónó yõ, yě tyile n yah n toko à yĩne sépi óle. Nte nê-à me sê ké yõ ne páh me Krista tyí yõ, tẽ yĩne à kè pĩ yíi tole ne sò-á péle Krista tyí yõ, sê ó-á ápi tole ñ tyí yõ.

⁸ Tẽ ñgbê tēnwenole á kò ne á yé yohnu mo yé yuku yahle. Á náh kéle á kò yé tyí yíkí yĩnne. Té ñmo-à kú sò me ní gblõy yõ sah kah mo kwéy képah tyí sówãh, kè náh me senné ñmo tyí.

⁹ Kè náh me á kú ne sébéy nópi sò mé n wãrkú n tekú n mo yé tyí à tikile n mo yé sòko dé.

¹⁰ Yé náh we di, tókú ne mäh me fíí yéle té sébéyne n tekú n mo yé tyí mè n ne n no n wekú fyòrì fyòrì ké sòko, té mäh pò yé tnò mè n pi tēnkwo-òle, wēnfi ó-á mè n ne n wekú.

¹¹ Névi nê-á n yo képahle, tẽ yĩne à kè pĩ ne sò-á ápi wekú tekú mo á sébéynó sòko, áyãh pò yé tĩnne sê-á á kú n wekú.

¹² Névye nónó-á me pé gblõy yígbíle n yo, ápi náh á nle n syãh à á gblõyne n sãh pépile. Lékám kē névye ye péle, nónó-á pé gblõy toko pi sãh sãh dúle à wēne n sãh kéle.

¹³ Yín-ñsah nê-á me ápi tyí, ápi tẽ wo náh á gblõy gbilki n kah n mo n pi képah yõ. Tò nê-á Liyel dahbi á gbò, nê gbò yõ-á á yĩni tẽ yé tĩnne, ápi kú á gblõyne n gbilki à yĩne képahle.

¹⁴ Á náh n kah n mo n pi képah yõ, á kú ne á kósyì pò yé tĩnne. Ápi ñgbò ye pò yé tĩnne à pò Yesu Krista Nìvìnì tir yo yé tyí.

¹⁵ Á náh n kah n mo n pi képah yõ, kú pò á gblõyne gbilki no téló tò pínó yĩnne. Nte á me ké tyí ne yé yuku yahle Yesu yõ sēnó sòko, sōnko wãn mo á tò yõ yé tĩnne à yĩne yín-ñsáh nê-á á kò.

¹⁶ Képah náh, á kú fē Nìvìnì tirlé n yo n kò tãntãn téló sòko nónó-á sé gblõy yépi tĩnne. Á náh ñnî yó nítē tò pínó toko á gblõy gbilki n pi.

¹⁷ Kè me wãrkínsàhnóle Liyel wey sébéy sòko ne: «Névi nê-à me ké tyí ne pé pé gblõy gbilki, Tẽ ñgbê-á tyí nónó pi ápi tyí, tẽ ñ gblõy gbilki sépi yĩnne.»*

¹⁸ Névi nê-à ñ gblõyne n sò, kè náh pi á kú ne ñmo sò négbíle dé, Tẽ ñgbê-à névi nêne n sò, ñmo ye négbíle.

11

Pole ànê névye nónó-á pé gblõyne n pi Yesu tēntò névyele

¹ Yé náh we di, mé me ké tyí ne yé ní vî tyí sómnó pi yah sê kwéy. Úú, yé ní sómnó pi.

² Mé me yé gbí mo sah pe núkú ó tyí, nê-á pi Kristale, kú pò yéle à kò n pi dí tyí pí-ñkê sénpir sò nê-á me yályál Liyel yah. Képah ye, yé tyí me ní nle n yorú sò-á kè Liyel nle n yorú.

* **10:17 10.17** Yah n te Nsyeremi 9.23 ; 1 Korēnti tãn 1.31.

³ Nte tíkí me ní tẽ ne yé sōnɔ káh pɔ vi mɔ, kè pɔ yé wró kwrónmɔnɔ pèpɛy mè gbekɪ ànê Kristale, sɔ-á wahy Awa vi tẽ lékámkãm sɔkɔ.

⁴ Yé náh we di, névi yó-à pɔ Yesu káhkí yó tyíle n yo yé tyí, nê-á me ñ gblɔy áyáh nê tyí yo yé tyí, yě kè fẽ n syi. Névi yó-à pɔ mírkí káhkí yó tyíle n yo yé tyí, nê-á ké gblɔy Liyel Mirkile yáh nê tyí noh ápi tyí, yě kè fẽ n syi. Névi yó-à pɔ ñìvìnì tir káhkí yó tyíle n yo yé tyí, nê-á ké gblɔy Ñìvìnì tírle yáh nê tyí noh ápi tyí, yě kè fẽ n syi.

⁵ Nte nónó-á Yesu tẽntò névye ñgbnɔle yé tyí yé yo, ní mɔ náh mó tɔ me fí yó we, nýãh-á pè fónfó ní mɔ yò.

⁶ Máh kɪ sɔ me wey yah wé-ńkẽne, pnèno tẽ wɔ me ní tyí à yuku Liyel tyí òinne. A ye képah dùkùle yé wẽkɪ dal mɔ tyi tyi pól sɔkɔ.

⁷ Máh Liyel Ñìvìnì tir yo yé tyí nònóle, té ní gblɔy tiki mɔ yé yò yò yinne, tyípékè se pyé mé pɪ képahle?

⁸ Yesu yò sěpú òinkìnó yísyó ye yin ní mɔ yínnóle ní kɔ mé tẽ we pɔ tò pɪ yépi wró à yé yohnɪ mɔ.

⁹ Máh lésò me yé òinne gbí nêne, yi túkù yétò lésò me ní tẽ, ñte mé náh sè syi ñnì yó nítè tyí. A yúnpyé nónó-á wil Masedonɪ mara sɔkɔ, pépi sò me ní yétò yi pólle ñne n kɔ képah ye. Tyi pól sɔkɔ, mé náh sò me ké tyí ne mé pɪ yótókóbíle ñnì yó nítè tyí, té mé kɪ tɔ gbah n tẽ n pi sɛ.

¹⁰ Gbɪ yó-ò ye ñne Krista gbò yò: ñnì yó nítè náh fẽ yò yónó mè wénó yah kɔ n pi ní tyí Akayi mara pól sɔkɔ.

¹¹ Kwáh nê pɪ té mé képahle n yo? Yé tyí náh me nɔ ní tyí képah se? Liyel nítè pɪ ne yé tyí-á nɔ ní tyí dò.

¹² Máh me nêne n pɪ yò, mé kɪ yò n sɔkɔ n pi ké pínóle, kɪ névye kurn kah nónó-á me syò-ñsahle n yah n kɔ kɪ pé gblɔy gbilki, ne páh pɪ núkúle ápile.

¹³ Kéne névye nópíle, nósýó ye nónó-á me pé gblɔyne n pɪ Yesu tẽntò névyele. Pè n ne n vi n syɪkɪ névye yò, ñ té pé gblɔyne n pɪ Yesu Krista tẽntò névyele.

¹⁴ Nte képah náh me gbèndùnìne dò. Yé náh we di, sétàn yòtè nítè tɔ ñ gblɔyne n viri n pɪ yinyò tònpile, nê-á me kyòò dò.

¹⁵ Képah ye ñ tònpiɪ tɔ-à pé gblɔyne n pɪ gbɪ Liyel tònpiɪbɪle, kè náh me gbèndùnìne. Pè kɪ pé tò pínó lédyáhní we n pi ké tyé-ñsah sɔkɔ à yine pé tyípínìne.

Pole-á yèvyãhrɪ nónó pɪ Liyel tò sɔkɔ

¹⁶ Mé kɪ n syɪ kè tɔ yo yé tyí ne, ñnì yó nítè káh ní mɔle n yah vɪnpɪle. Nte yáh kɪ se me n sɔ sɛ, yé ní tẽ vɪnpɪ tyí kɔle, ní tɔ mó ní gblɔy we n gbilki kwéy kè.

¹⁷ Nte máh kɪ nê yo n pi, mé náh me kéle n yo Tẽ ñgbè-á me ké tyí sɔ dé, mé me kéle n yo vɪnpɪ tyí kɔle sɔnko mè ní gblɔy we n gbilki.

¹⁸ Névye náhnáh-á fyò me pé gblɔyne n gbilki kèkôyó dékè tyi yinne, ní mɔ tɔ kɪ ní gblɔy gbilki.

¹⁹ Yépi nónó-á lékám névyele, kè yé dyɔ yé fẽ syi à vɪnpɪɪ sòmnole n pɪ.

²⁰ Yè n fẽ n syi pè kɔ pè yéle n pɪ yòbɪ tyí kɔle, ñ té ne n syɪkɪ yé yò, ñ té yéle n yí, ñ té yéle n yilo, ñ té yé létáhlóle n kɔh.

²¹ Máh nêne n yo yò, kè me sennɛ yé tyí. Kè ye á tẽnkwlɔnɔ wẽkɪ.

Nte képah fyé yõ, ñnî-à kɪ fɛ syi ñ gblõy gbilki n pi tir yó tyí sɔkɔ, ñmɔ tɔ kɪ fɛ sɛntɛ pi, máh kɪ sɔ me n wɛkɪ vɪnpɪ tyí kɔ̃lɛ.

²² Pépi-à kɪ se me Yebrenine, Yebreke ye ñmɔ tɔlɛ. Pàh kɪ se me Yisrayel nolɛ, Yisrayel ney ye ñmɔ tɔlɛ. Pàh kɪ se me Abrahamɪ nàh tãnne, ñ nàh ney ye ñmɔ tɔlɛ.

²³ Pàh kɪ se me Krista tɔ̀npɪbɪlɛ ò, mé kɪ tɔ̀ kè yo á kɪ ne vɪnpɪ sɔ̀ ñne. Ñmɔ tɔ̀ pi kal pé pólle, té yèvyãhrɪ pi kal pé pólle, té de wòkònpèkè sɔkɔ à kal pé pólle, té ko syi kal pé pólle, té kũ dlo gbal gbáhyí nàhnáhlɛ à kal pé pólle.

²⁴ Nsyifunɔ̀ ní ko yèfòh yí yõgbãm pó kwãryãhlɛ, fóó gbáhyí kwɔ̀.

²⁵ Wrome tãn n ko yèfòhlɛ gbáhyí tɔ̀nó.

Névyɛ ní minki dyèhlɛ ke núkúle.

Krótókè tiki de yah ñne yo sɔkɔ ke tɔ̀nó,

ànê yo ní yõ farkɪ yah gbɪ̀yìkì núkú ànê lékãh núkú wró sɔkɔ.

²⁶ Ñ kóló nàhnáh sɔkɔ,

mé dlo gbal yrey yúkúnó kàh-̀ntàn sɔkɔ,

té de wil névyɛ yõ vɪnsyɪkɪpu dlonɔ̀ sɔkɔ.

Mé sò me dlo sɔkɔ ní yìkì névyɛ Nsyifunɔ̀ wró sɔkɔ,

té me dlo sɔkɔ nékáhbí wró.

Mé sò me dlo sɔkɔ kwil nɪyó,

té me dlo sɔkɔ gbɛ̀nnɪ sɔkɔ.

Mé sò me dlo sɔkɔ pne yo sɔkɔ,

té me dlo sɔkɔ ní yúnpyé m̀nyobe wró.

²⁷ Mé tãnkýèh nàhnáh pi à yèvyãhrɪ pi sɔkɔ. Mé yah sò lékãhlo nàhnáhlɛ, té kwɛkɪ ànê níkì sòmno pi. Yòke yah kwɔ̀ yah ní tyí gbáhyí nàhnáhlɛ, mé tɛ kwɛkɪ sɔkɔ. Mé tɛ yah vɪrɪ sɔkɔ, té tɛ yah flo kéne ní tyí.

²⁸ Nte nê ntɛ tyí-á me tah yíí ní tyí, ní vyãh nàh syɪ képah tyí dé: Képah nê-á pi fókósõnɔ̀ nê-á me ní sɔkɔ à yuku Yesu yõ sɛpú t̀nkìnó tyí t̀nne.

²⁹ Ñnî-à me t̀nkwlɔ̀nɔ̀ sɔkɔ, ñmɔ tɔ̀ n pi tɛ tyí kɔ̃lɛ t̀nkwlɔ̀-òlɛ. Ñnî-à tyípékè pi, ké ñmɔlɛ n yo.

³⁰ Máh kɪ sɔ̀ me yĩne mè ní gblõy gbilki, mé kɪ ní gblõyne n gbilki ní t̀nkwlɔ̀nɔ̀ tyí sɔkɔ.

³¹ Liyel nê-á Tɛ̀ ñgbɛ̀ Yesu Súle, ñmɔ pĩ ne m̀nì nàh mé n yo. Sãm ne me mónóle ñ sɔkɔ gbíme gbí.

³² Máh sò me Damasi kwil sɔkɔ gbí nêne, yòtɛ̀ dí Aretasi-á kwiltɛ̀ nê wilki sah nénpó, ñmɔ sò me pè kɔ̀ pè kwil dé-̀ntãnne n syɪkɪ ñmɔ tɛ̀ yĩnne.

³³ Nte pè me ní dah mɔ gbétó yó sɔkɔ à wilki mɔ sétír pwãhlɛ à tiki mɔ kwil kɛ̀nkahnne ní kɔ̀ mé we pwah ñ gbò.

12

¹ Ñmɔ se yĩne mè ní gblõyne n gbilki? Yò ké ye képahle. Nte képah fyé yõ, máh wɛkínó nê we, té pnèno nê we wil Tɛ̀ ñgbɛ̀ tyí, mé kɪ sépi tyí yo.

² Mé Krista yõ sɛ̀-ò yóle n pne, ké ye gbõnyáh ye yò, — à yõ dɔkɔ sɔkɔ yĩnyõ léyy tɛ̀-̀nsah sɔkɔ. Ténkàh à yõ dɔkɔ sɔkɔ ñ wil gbɛ̀nsé tɔle nɪ? Ténkàh wɛkínó ye à we nɪ? Ñmɔ tɛ̀ wɔ̀ nàh pĩ. Liyel ó ye n pne kéle. —

³⁻⁴ Gbɪ ye, mé pĩ ne dí mè-á yõ dɔkɔ yuku fóó yĩnyõ pal tɛ̀-̀nsah. Ténkàh à yõ dɔkɔ sɔkɔ ñ wil gbɛ̀nsé tɔle nɪ? Ténkàh wɛkínó ye à we nɪ? Ñmɔ tɛ̀ wɔ̀

náh pĩ. Liyel ó ye n pne kéle. Té à me welo yísyó noh nóno-á sè náh fẽ n yo, ké wěkì náh me névi tyí kɪ fẽ ñ syi sé yõ.

⁵ Nmo kɪ fẽ ñ gblõy gbilki sɛnkõ névi tyí soko. Nte mé náh ñ gblõy gbilki n pi ñ tir yó ntẽ yinne né ñ tɛnkwlɔ-ntãn ó yin náh.

⁶ Mâh sõ sò me ne mé ñ gblõy gbilki, mé náh n mo n kô n pi vɪnpule. Yé náh we di, gbɪ ye mé náhkɪ n yo. Nte mé me ñ gblõyne n tẽ képah pínóle, sɔnko yáh nê we té nê noh ñ tyí, ñnî yó ntẽ káh pɔ ñ sô kah mo sépi yõ,

⁷ ànê mé káh n pɔ ñ gblõyne n gbilki wěkínó mè wénó yinne nê-á pɪ gbille. Fóhnó yó me sah nmo wil gbɛnsê yõ, á kɪ ne sétãn yõtẽ sô tekɪ mo ñ yinyõ tɔnpɪ yóle ne à pɔ ñ yah kô mé káh n pɔ ñ gblõyne n gbilki.

⁸ Mé Tẽ ñgbẽ ni ke tɔnó ne, à fóhnó mè wró gbe mo ñne.

⁹ Nte à me yo ñ tyí ne: «Nmo-á pɛpɔɪ nê pɪ á tyí, képah kɪ yĩne ále. Á tɛnkwlɔnɔ soko ye nmo n wěkɪ n yĩ ñ tãhkìle.» Képah ye, nmo me ké tyí ne mé ñ gblõyne n gbilki ñ tɛnkwlɔnɔ wɔ soko, sɔnko Krista tãhkì ne n me ñ soko.

¹⁰ Képah ye, Krista yinne mâh me tɛnkwlɔnɔ soko, képah náh pɪ pàh ñne n gbyɔ, képah náh pɪ mâh me kwlónó soko, képah náh pɪ pàh ñne n fõh, képah náh pɪ tíkì kápékè-à me ñ soko, mè n ne n me nìvìnì soko. Ñ tɛnkwlɔnɔ gbí ye tãhkì n we ñ soko.

Pole yáh-nsah me tyé Korēnti tãn Yesu yõ sɛpú tyíle

¹¹ Mé we pɪ lékãm kɛ névi sô ñne. Té képah wil yépi tyí. Yépi ye sò yĩne nmo yíngbí yónóle. Yé náh we di, máh kɪ sô me tir yóle n pékì-ńkɛne, nóno-á yé n ye Yesu tɛntò névyé ñgbnɔle, pè náh fónfó nmo yõ.

¹² Gbɪ yõ, mé sómnó pɪ yé tĩne à gbɛndùnì tyi pɪ, ànê gbɪl tyi duke náhnáhle, ànê tyítãhnìne, nóno-á n wěkɪ ne Yesu tɛntò névi-á ñne.

¹³ Mé se Yesu yõ sɛpú tĩnkínó téló tɔko fónfó pɪ yéle tir yó soko? Máh yahle ne yé káh yin ñ yínnóle képah ó náh di? Yé képah yõ mo ñ kô, mé náh pɪ ple yé tyí. Yesu yõ sɛpú tĩnkínó téló fónfó yé yõ tir nê soko?

¹⁴ Yé yah, nmo me ñ gblõy vi te gbáhyí tɔ-ò pónó yinne yé tĩne, té yé náh n yin n pi ñ yínnóle. Yé náh we di, yépi ye mé n yah n kô, yé gbãn yĩ náh. Wɛnpì náh yĩne pè gbãn yĩle n yah n sah pé dúbípu tyí. Dúbípu ye yĩne pè ne n yah n sah pé wɛnpì tyí.

¹⁵ Nmo kɪ fẽ syi kɪ ñ gbãn yĩ ànê ñ min tɔ kô yépi yinne. Yé tyí-á sɔnpule kah nɔ ñ tyí, képah se kɪ kwáh wilki nmo tyínɔnɔ soko yé tyí?

¹⁶ Gbɪ ye ñnî yó ntẽ náh yin ñ yínnóle. Nte yé tókù me n yo ne lékãmkãm névi-á ñne, máh yéle n yõ yínvì soko.

¹⁷ Máh nóno tɔ tekɪ mo yé tyí, mé se syõ pépi tyí à yé yõ?

¹⁸ Mé Tite gbah tẽ ne à kyɪ yé tĩne. Mé á yúnpi yó tɔ tekɪ mo ñne nê tyí-á lésò mé yo yé tyí. Tite se me pɔ yéle n yõ? Nmo sɔnɔ ànê nmo tyí náh pɪ núkúle di? Á kɔ dükù tɔ náh pɪ núkúle di?

¹⁹ Yé me n sô di mónóle ne ápi-á me gbule á gblõyne n kô yépi yah soko. Nte sɛ náh dé, tyi nóno-á á n yo, Liyel yah soko ye á n yo séle á wró kwrónmɔnɔ gbò yõ Kristale. Ñ nénónó, ápi me sé pólle n yo yépi Liyel yõ sɛnó yah yuku yinne.

²⁰ Tíkì me ñ tẽ ne máh kɪ pɔ yé tĩne mé káh n pɔ yé we máh me n sò sô, yépi tɔ káh nmo we yáh me n sò sô. Tíkì tɔ me ñ tẽ ne mé káh n pɔ mál

we yé wró, ànê yúnwõrí pínóle, ànê fòkònvãhni pínóle, ànê wě fwónóle, ànê wě tyí yónkònóle, ànê yín yìkì pínóle, ànê gblõy gbílkínóle ànê tyífě pínóle.

²¹ Tíkí tõ me ní tẽ ne máh kú pò yé tĩnne, ní Liyel káh n pò ní yilo yé wró sòkò, ànê mé káh n pò n gbo névye yĩnne, nónó-á lésõ tyípékè pì ñgbòle, té pè náh me yal mò pòpò pínóle, ànê pròprò pínóle, ànê sèn pí-ńkê tyi pínóle.

13

Pole-á vìnmonò téy ànê wey nêne Korēnti tãn kõ

¹ N gbáhyí tǒ-ò ye n pi yé tĩnne. Tyi pól kú n wah à yĩne tàrfyò népí ní mí, képah náh pì tǒmí vyãh weyne.

² N pónyahno ke ní-ò sòkò, mé lésõ gbáhdyãh di névye tyí nónó-á sò tyípèl pì sòkò ñgbòle ànê no téló tò tyí. Té kweyne mé náh me yé wró, ñte mé tõ ké gbáhdyãhle n tõ n di yé tyí ne, máh ní syi pò, mé náh tõ ñnì yó ñtẽ yãm yah n pi.

³ Yé me ké tyí ne yé kè pĩ Krista-à kú me n syõ ñmò tyí à n yo n mò yé tyí. Těnkwlò-ò náh ñne yé tyí. A kú ñ tẽnwenò wěkú yé wró sòkò.

⁴ Gbú tẽ wò ye, ñ tẽnklwòno sòkò ye à syi dahni yõ. Nte à me min sòkò Liyel tẽnwenò gbò yõ. Api wró kwrónmonò gbò yõ ñne, á tò me tẽnklwòno sòkò. Nte Liyel tẽnwenò gbò yõ, á me min sòkò ñne.

⁵ Yé yé gblõy sohli n yah yè pĩ yáh kú me yé minne n pì Liyel yõ sěno sòkò. Yé kú kè we pĩ ne Krista-á me yéle. Gbú náh di? Káh mó pí-ńkêne sě, gblõy sóhlinyahno mè náh sòkò ké wěkú yõ yé tyí.

⁶ Nte ñmò sěno me ké yõ ne, yáh kú kè we pĩ ne Liyel yõ sěno-á me á sòkò.

⁷ Á me Liyelle n ni yé tyí sònko yè káh tyípékèle n pì. Á náh me ké tyí ne á kéle n wěkú ne tẽnwenò-á me á tyí, ñte á me ké tyí ne yé tyípèplo óle n pì, ápi-á sǒ me tẽ klwò.

⁸ Yé náh we di, gbú fwo fwo tãhkì náh me á sòkò. Gbú tyí ye á me n so n mò.

⁹ Api-à me tẽ kwlo gbí nêne, té yépi me tẽ we, ké ne me ñvìnìne ápi tyí. Ayáh me nêne n ni Liyel tyí képah ye ne, yé Liyel yõ sěno ne n yuku yahle.

¹⁰ Képah ye n kǒ mé sébéy mène n tekú n mò yé tyí té ní sah fíí yéle, sònko máh kú pò pò yé tĩnne, Tě ñgbě tẽnwenò nêne ní kǒ, mé káh n pò képah tòkò n peke yé yõ. Yé náh we di, à kéle ní kǒ ne mé yé yohni mò yé Liyel yõ sěno kǒ kè ne n yuku yahle. Á náh kéle ní kǒ yé tyí yìkú yĩnne.

¹¹ Ké tyé-ńsah sòkò ní yúnpyé, yé tẽ ñvìnì sòkò, yè mó gbah n tẽ n pì wényo-ńsah kěne ye tyí. Yé sórèle n mò wě sòkò, yè mó ne n sah wě tyí yõ. Yé yé minne n pì yèvinì sòkò, képah sòkò tyínòno ànê yèvinì Liyel kú me yéle.

¹² Yé wěkú wě tyí tyínòno wey pèpeyne. Yesu yõ sěpú pól n wěkú yé tyí.

¹³ Mé kéle n yah n kǒ Tě ñgbě Yesu Krista tyí ne, à yòbènorì pì yé tyí, Liyel mó tyínòno dahbì yé sòkò, ñ Mirki mó yé wró kwrò n mò.

Pole sébéy tékínm̀oǹole Kalatu tãn tyí

Kalatu tãn wìl-̀nsah kwil yĩn ye sò Kolele ñgbòle. Kéne kwil ye pè n ye Frãnsile kwey mè sòko. Pãh yal nénpó, pè kyí tẽ Asi mineri sòko, képah nê-á pè ye Tirki yamanale kwey mè sòko. Pole-á kyí kéne kwlo ko kò gbí nêne à Nìv̀ìnì tir yo pé tyí, névye náhnáh fẽ syi sã Yesu yõ. Képah náh, nòsyó kyí pè vi tẽ. Pè sò me kyí n yo pé tyí ne pãh yĩne pè Nsyifunò tyi kònsàhnó wàlle n ko, ànê pãh yĩne pè pé dínpile n kò à yĩne sã-á Moyisi tyi kònsàhnó yo kéle.

Pole-á kéne welo noh sã, à sébéy wãrku tẽki mo pé tyí à yo pé tyí ne, pè náh tã yĩne pè ye névye pè kyí mo pè kò pè Nsyifunò tyi kònsàhnó wàlle n ko káhkáh. Nkẽ kéne tyi kònsàhnó gbò yõ náh pè pì négbólòle Liyel yah sòko dé, Yesu yõ sãno gbò yõ-á pè pì négbólòle Liyel yah.

Pole sébéy tyàh-̀nsah sòko, à kè yo wẽki dùkù nê-á Yesu à ye pì ñ tẽntò névile, ànê wãh ñ Nìv̀ìnì tirlè à wẽki dùkù nêne. Á tã kè yo tole ne péwo ànê Yesu tẽntò névye téló tó-á pò wẽ we. Pé wẽ wénó sòko, pãh kè yo pé tyí ne kwónó nê-á pé me n pì Nìv̀ìnì tir yõ, kãh me n pì ké yah yõ. Yah n te Kalatu 1-2.

Pole syõ Vyãh kónó kedyãh wey tyí, à kè wẽki ne névi nê-à sã Yesu yõ, tẽ-á kì pwáhnmonò we. Yesu Krista kúnóle dahnì yõ, képah gbò yõ-á pépi me pé gblõy yõ, pé náh tã me tyi kònsàhnó yõri sòko. Yah n te Kalatu 3-4.

Pole sébéy tyé-̀nsah sòko, à ne pépi min pì dùkù-á yĩne kè kè wẽki ne, pãh me pé gblõy yõ, yõri sòko náh péle. Pé ye ye Liyel Mirki pé yahle n tẽ, pé káh tã tyípèlle n pì. Pé pé minne n pì Yesu tyí kòle, pé tyí mó no wẽ tyí.

Pole me kéle n wẽki ne Yesu tẽntò névi-á péle

¹ Nmo Pole nê-á Yesu tẽntò névile, mé náh pì Yesu tẽntò névile névye gbò yõ, képah náh pì ñnì yó yòhǹnmonò gbò yõ dé. Nte Yesu Krista ànê Sú Liyel gbò yõ ye mé pì kéle, ñmo nê-á Yesu lékó yilki mo wilki lékyî sòko.

² Nmo ànê ñ yúnpýé nóno pól-á me ásò, ápi ye n tẽki n mo sébéy m̀ene Kalatu mara Yesu yõ sãpú tĩnkìnó tyí.

³ Á kéle n yah n kò Sú Liyel ànê Tẽ ñgbẽ Yesu Krista tyí ne pè yòbènrì pì yé tyí, pè mó yèvinune yé kò.

⁴ Krista ye ñ gblõy kò pè à ko mo ápi tyípèl yĩnne, ne pé á wilki kèkõyó mè pèkè sòko à yĩne Liyel-á me ké tyí sã, ñmo nê-á á Súle.

⁵ Gbílkinó ne n sah ñmo yõ gbímegbí. Amiina!

Kalatu tãn náh v̀inóle Nìv̀ìnì tir kò

⁶ Liyel nê-á ye yéle Yesu Krista pèporì gbò yõ, yáh yé náh vi ñmo kò súú té tir káhkí yó sò tẽ, nê-á m̀inyobe ne képah-á Nìv̀ìnì tirlè, képah pì gbèndùnìne ñmo tyí.

⁷ Té kè náh me á kì ne Nìv̀ìnì tir káhkí yó sã me dé, òò, ñte nòsyó ó ye me, nóno-á me f̀èk̀inóle n dahbì yé wró sòko, me n yah n kò ne pé Krista Nìv̀ìnì tir vi mo.

8 Nte ònî yó, képah náh pi ápi òtẽ, képah náh pi yinyõ tònpi yó fyé-à pò Nivini tir káhkí yó yo yé tyí, nê-á kè náh me núkúle ápi-á nê yo yé tyí, tẽ tyí ki yiki.

9 A kè yo soko te, té mé ki tã ní syi kè tã yo núkúnúkú ne, ònî yó-à Nivini tir káhkí yó yo yé tyí, nê-á kè náh me núkúle yáh nê fẽ syi soko te, tẽ tyí ki yiki.

10 Nte núkúnúkú, òmò náh me n yah n kã ne névye òne n sò dé, mé me ké tyí ne Liyel òne n sò. Névyè dyo yí tẽ náh òmò n yah n kã pí-nsahle. Képah-à nê sò mé n yah n kã, mé náh náhki n me n pi Krista tònpi.

Pole-á pi Yesu tẽntõ névile òkù nêne

11 N yúnpyé, mé kéle n yo n dal n mò yé tyí ne, Nivini tir nê-á mé yo yé tyí, kè náh wil névye tyí dé.

12 Névi náh yo ní syah kéle, ònî yó òtẽ náh mó tã kwò òne kéle. Nte Yesu Krista ye ní wẽki kéle.

13 Nmò-á sò me Nsyifunò Liyel níno wẽkile n kò gbí nêne, máh sò me n pi òkù nêne, yé ké tyí yónó noh. Mé sò me Yesu yò sèpú ònkile n kah n fõh, fòó me n yah n kã pé duku tó-nsahle.

14 Mé sò me á kã Nsyifunò nahnáh yah òinne ápi Nsyifunò Liyel níno wẽkì kóló soko. Mé sò me gbah tẽ kal péle kéne wẽkì kóló soko, képah nê-á á súbí wẽdyàhle.

15 Nte Liyel ye òmò yah tókò ní dúbí-òkẽ gbí òkùle, té ní ye ò tò pi yinne ò pèpòri gbò yò.

16 Té wáh pò kè yah tókò à ò Pídine ní wẽki, té ne mé ò tyíle n yo n kã névye tyí nónó náh pi Nsyifunòle, káh pi sè, mé náh kyi vònmòno yah kã ònî yó òtẽ tyí.

17 Mé náh mó tã dókò yuku Yerusalemì soko à kyi wil Yesu tẽntõ névye tyí nónó-á tò tyah òmò yah dé. Mé yò soko Arabi yamana ògbò soko. Képah náh, mé ní syi pò Damasi kwil soko.

18 Té ye tónó sókònteno náh, mé kyi Yerusalemì soko, á kyi wẽ we pí ànê Pyerile, té tẽ òne wẽ tyí à sèpìn gbònkwló pi.

19 Nte à wil òmò ànê Tẽ ògbè gbèndí Nsyaki tyí soko, mé náh tò Yesu tẽntõ névi yó òtẽ we.

20 Tyi nónó pól-á mé n wárki n tekì n mò yé tyí yò, Liyel ye òmò tàrfyòle ne mìnì náh mé n yo.

21 Képah náh, mé me soko Siri yamana ànê Silisi mara soko.

22 Nte Nsyude mara Yesu yò sèpú ònkìnó náh sò me òne n pne yí yah.

23 Pè sò noh óle ne, névi nê-á sò n fõh péle ògbòle, wáh me ò syi Krista yò sèno tyíle n yo, képah nê tyí-á lésò à n yah n kã yíkí-nsahle.

24 Képah soko, pé sò me Liyelle n gbilki òmò tyí soko.

2

Yesu tẽntõ névye wẽ wénóle Yerusalemì kwil soko

1 Képah náh, ye gbònyáh sókònteno soko, mé tò yuku Yerusalemì kwil soko ànê Barnabasile. Mé Tite tò tẽ dohnì ní gblóy yò à soko.

2 Liyel ye wẽki òne tir yóle ní kã mé dókò yuku Yerusalemì soko. Té máh tò nê pi soko te, ànê máh me nê pínó soko, mé náh sò me ké tyí ne sè pi

yòkãnnε. Képah yĩnnε, máh yĩni tẽ, mé kyĩ wil Yesu yõ sěpú yah tãm tyí pé yahle, té máh Nìvìnì tir yo òkù nênnε névye tyí nónó náh pɪ Nsyifunɔle, mé ké yah yo pépi tyí.

³ Nte nímɔ kó-ò Tite nê ntẽ-á Nsyifu náh nne, pè náh à kyĩ mɔ à kɔ à kòkè kɔ.

⁴ A yúnpyé nétúkùnì yísyó sò me ké tyí ne Tite kòkè kɔ. Pépi ye sò pɔ de fěki á wró sokɔ, Yesu Krista-á pɔ á we wilki tyi kònsàhnó yõri nê sokɔ, képah ségblo ye pè pɔ yáh-ńsah té me ké tyí ne pé á tɔ dahbi kéne yõri sokɔ.

⁵ Nte ápi sò me ké tyí ne Nìvìnì tir nê-á gbile, kè tẽ ké òkùle yépi yĩnnε. Képah ye, á náh kè fě syi pé tyí. A náh sah pé tyí yõ kwéy ntẽne.

⁶ Nte nónó-á no me n yah yah tãnnε, yín-ńsah nê-á sò me pé tyí, képah náh me tir yóle nímɔ tyí. Liyel náh nni yó ntẽne n tɔkɔ fónfónε n pɪ n ní-òle dò. Kéne névye nópi ntẽ tɔ náh mó tir yó we yo dohnɪ ní Nìvìnì tir yónó yõ.

⁷ Nte pè pyé kè we pĩ ntẽne ne, Liyel-á kè dahbi nímɔ gbò ne mé Nìvìnì tirlε n yo névye tyí nónó náh pɪ Nsyifunɔle, sɔ-á à kè dahbi Pyerɪ gbò ne à kéle n yo Nsyifunɔ tyí.

⁸ Yé náh we di, Liyel nê-á pɪ Pyerɪle tẽntò névile Nsyifunɔ tyí, nímɔ ó ye pɪ nímɔ tole tẽntò névile névye tyí nónó náh pɪ Nsyifunɔle.

⁹ Képah sokɔ, Nsyaki ànê Pyerɪ ànê Nsyõpi nónó-á yah tãnnε Yesu yõ sěpú tĩnkɪ sokɔ, pépi me kè pĩ ne Liyel-á pɪ ní tyí yòbènrɪle à ní dah mɔ tò mè pínó sokɔ. Káh pɪ sě, pè me yuku pɔ gbàn dahbi wεki nímɔ ànê Barnabasɪ tyí, à kè wěki ne á pól-á pɪ tò núkú pípúle péle. Képah tẽne, á me yo sah núkú yõ péle ne, ápi-á kɪ á yah mɔ névye tĩnnε nónó náh pɪ Nsyifunɔle, té pépi kɪ mó pé yah mɔ Nsyifunɔ tĩnnε.

¹⁰ Té pè kè yah kɔ á tyí wɔle ne, á á dyɔ sah ne n kwne pépi Yesu yõ sěpú tĩnkɪ yãm tãn tyíle Yerusalemɪ sokɔ. Páh kè yo sɔ, képah ye mé me n pɪ ní nɪ pólle.

Pole me lékàhle Pyerɪle n kɔ Antyɔsyɪ kwil sokɔ

¹¹ Képah náh, Pyerɪ-á pɔ pɔ Antyɔsyɪ kwil sokɔ gbí nênnε, à pí-ńkě tyi pɪ. Káh pɪ sě, mé lékàhle à kɔ no pól yí yah.

¹² Yé náh we di, gbí nê-á lésò Nsyaki tẽntò névye náh tɔnì me pɔ Antyɔsyɪ sokɔ, Pyerɪ sò me n yõ wě tyí ànê á yúnpyé Yesu yõ sěpúle, nónó náh pɪ Nsyifunɔle. Té no nópi-á fyò pɔ yĩni tẽ, à núkú n gbe á yúnpyé Yesu yõ sěpú nópile, nónó náh pɪ Nsyifunɔle. A náh tɔ me n yõ péle wě tyí Nsyifunɔ yah tíkí tẽ tyí.*

¹³ Nsyifunɔ téló tɔ mó kɔ n náh pí-ńkě tyi nópi pínó sokɔ, fóó pè Barnabasɪ ntẽ tɔ yõ yɪkɪ mɔ ké sokɔ.

¹⁴ Nte Nìvìnì tir nê-á gbile, máh fyò pɔ kè we ne pè náh me n kɔ képah wěkɪ yõ, mé núkú yo Pyerɪ tyí no pól yí yah sokɔ ne ńkě: «Áwɔ nê-á Nsyifule, wáh pɔ ásò sokɔ, á á náh vi Nsyifunɔ tyi kònsàhnó wàl kɔ, té n kɔ á yúnpyé Yesu yõ sěpú tyí kòle nónó náh pɪ Nsyifunɔle. Té yõ nê yõ me,

* **2:12** 2.12 - Nsyifunɔ yah tíkí pínó nê tyí-á n yo ásò yò, Nsyifunɔ pól náh pè n ye dé. Pé nónó-á sě Yesu yõ, té mó tɔ me ké tyí ne Nsyifunɔ tyi kònsàhnó wàl ne n kɔ káhkáh, pépi ye pè n ye.

á kɪ pɔ pépi wɔɛ n kyĩ n mɔ n mɔ Nsyifunɔ tyi kònsàhnó wǎl kóló sɔkɔ núkúnúkú wé?»

¹⁵ Gbɪ tẽ wɔ ye Nsyifunɔ ye ápile á wǎl-̀nsah sɔkɔ, nékáhbí náh áɛ pépi nónó-á pè n nɛ n ye Moyisi tyi kònsàhnó dèl pípúɛ.

¹⁶ Nte á pól pĩ nɛ Moyisi tyi kònsàhnó wǎl kóló náh fẽ névi yó nítẽ pɪ négbíɛ Liyel yah sɔkɔ, fókó névi nê ó-à sã Yesu Krista yõ. Ápi tɔ mɛ ké tyí nɛ á pɪ négbíɛ Liyel yah sɔkɔ Yesu Krista yõ sɛnó gbõ yõ, té kè káh pɪ nɛ Moyisi tyi kònsàhnó wǎl kóló pèpɛy gbõ yõ sã. Nnĩ yó nítẽ náh se fẽ n pɪ n pi négbíɛ Liyel yah sɔkɔ, kèpah gbõ yõ té. Nte á pól pĩ nɛ Moyisi tyi kònsàhnó wǎl kóló náh fẽ névi yó nítẽ pɪ tómm Liyel yah sɔkɔ, fókó névi nê ó-à sã Yesu Krista yõ. Ápi tɔ mɛ ké tyí nɛ á pɪ tómm Liyel yah sɔkɔ Yesu Krista yõ sɛnó gbõ yõ, té kè káh pɪ nɛ Moyisi tyi kònsàhnó wǎl kóló pèpɛy gbõ yõ sã. Nnĩ yó nítẽ náh se fẽ n pɪ n pi tómm Liyel yah sɔkɔ, kèpah gbõ yõ té.

¹⁷ Nte áyáh n yah n kɔ pí-̀nsahɛ tómm Liyel yah sɔkɔ á wró kwrónmɔnɔ gbõ yõ Kristalɛ, té kè kè wɛkɪ nɛ Moyisi tyi kònsàhnó dèl pípú-á ápi tɔɛ, kèpah se yó n wɛkɪ nɛ Krista-á á mɔ tyípékè pínó sɔkɔ? Pólɛ!

¹⁸ Nmɔ-à ntyínɔ n náh vi Moyisi tyi kònsàhnó wǎl kɔ, té tɔ pɔ n sɪ pɔ séɛ n kɔ à, mé náh n gblɔy wɛkɪ sé dèl pí-̀ɔɛ di?

¹⁹ Moyisi tyi kònsàhnó wǎl kóló tyí tinnɛ, n̄mɔ mɛ nɛ kókè sã n̄nɛ. Moyisi tyi kònsàhnó nítẽ ye pɪ kèpahɛ n kɔ mé n̄ minnɛ n wɛ n pɪ Liyel tyí yõ. Nmɔ ànê Kristalɛ, á tɔ́ ye sɪ dahnɪ yõ wẽ tyí.

²⁰ Mé sɛnsõ mɛ min sɔkɔ ó, n̄te n̄mɔ náh n tẽ n̄ gblɔy yahɛ dé, Krista ye n tẽ n̄ yahɛ. Máh min sɔkɔ wil gbɛnsɛɛ n̄ tyí núkúnúkú yò, mé mɛ n̄ min pólɛ n pɪ Liyel Pídí Krista yõ sɛnó sɔkɔ, n̄ tyí-á nɔ n̄mɔ nê tyí, fókó à fẽ sɪ pè à kɔ mɔ n̄mɔ ȳinnɛ.

²¹ Yé náh wɛ di, káh sò mɛ pɪ nɛ névi-á kɪ fẽ pɪ négbíɛ Liyel yah Moyisi tyi kònsàhnó wǎl kóló gbõ yõ, yõ se náhkɪ sò mɛ Krista kúnó tyí? Nmɔ náh Liyel pèpɔɪ yahɛ n pɪ dé!

3

Pole-á Kalati mara tãn yah yo dùkù nêne

¹ Kalati mara tãn, yé lékám tɛkɪ kah mɔ; nê yɪkɪ yé yõɛ? Té Yesu Krista dahnɪ yõ kúnó tyí mó tɔ́ yo wah yé wɛkɪ palle.

² Nê ó-á mé mɛ ké tyí nɛ mé piki yah yé tyí kèpah ye yò. Tyi kònsàhnó wǎl kóló gbõ yõ se yé wɛ Liyel Mirkilɛ? Óó dé, N̄v̄n̄n̄ tir yõ sɛnó gbõ yõ ye yé wɛ kéɛ.

³ Yé lékám tɛkínó se ȳini tẽ n̄npó tyí? Yáh nê tyah Liyel Mirki tǎhkìɛ, yé se mɛ n̄ sò nɛ yáh kɪ fẽ kè sɪ yé yɛngbɛ tǎhkìɛ?

⁴ Nte à, tyi nónó pól sɔkɔ-á yé de wil sɔkɔ, sè se pɪ yõ kɛnɛ? Sè náh fẽ n pɪ n pi yõ kɛnɛ dé.

⁵ Liyel nê-á yé kɔ n̄ Mirkilɛ, té mɛ gb̄il tyilɛ n pɪ yé wró sɔkɔ, yé tyi kònsàhnó wǎl kóló ȳin se à n pɪ kéɛ? Óó dé, N̄v̄n̄n̄ tir yõ sɛnó ȳin ye.

⁶ Kè mɛ yónóɛ Liyel wɛy sɛbéy sɔkɔ nɛ n̄kɛ: «Abrahmɪ tẽ wɔ sã Liyel yõ, kèpah ȳinnɛ à pɪ négbíɛ Liyel yah sɔkɔ.»*

* 3:6 3.6 - Yah n tɛ Yɛnɛsɪ 15.6.

7 Yé yĩne yè kè pĩ ne nkẽ, Yesu yõ sěpú-á Abrahmı náh tãnne.

8 Liyel kè yo Abrahmı tyí ne: «Mé kı syõ áwɔ tyí kı sãm mɔ yĩkĩnĩ pól sɔkɔ.»† Képah ye, kè lésõ me wárkínsàhnóle Liyel wey sébéy sɔkɔ ne, névye nónó náh pı Nsyifunɔle, Liyel-á kı pè pı tómm Liyel yõ sěno gbò yõ.

9 Sõ-á Abrahmı sě Liyel yõ té à me sãm mɔ ñ sɔkɔ, sě ye névi nê tɔ-à sě Yesu yõ, Liyel kı sãm mɔ tẽ sɔkɔ ñmɔ tyí kòle.

10 Kè me wárkínsàhnóle Liyel wey sébéy sɔkɔ ne, névi nê-á tyi kònsàhnó tyiyónó pól wàlle n kó-ńkẽne, pèkè-á me tẽ yõ.‡ Képah ye, nónó pól gbò sàhnó-á me tyi kònsàhnó wàl kóló ó yõ, pèkè me pé yõ.

11 Kè me wárkínsàhnóle Liyel wey sébéy sɔkɔ ne nkẽ: «Liyel yõ sěno gbò yõ ye tómm kı min yèsyìkì we.»§ Képah ye, kè me píkínóle ne ñnî yó nítè náh fẽ n pı n pi tómm Liyel yah sɔkɔ tyi kònsàhnó gbò yõ.

12 Nte tyi kònsàhnó wàl kóló náh me núkúle Yesu yõ sěnole dò. Kè me wárkínsàhnóle Liyel wey sébéy sɔkɔ ne, névi nê-à tyi kònsàhnó wàlle n kɔ, sépi gbò yõ-á tẽ kı me min sɔkɔ.*

13 Krista ye ápi yõ dwe wilki tyi kònsàhnó pèkè gbò, wáh sǎnpí fẽ syi pèkè twah ñ yõ ápi yĩnne. Kè me wárkínsàhnóle Liyel wey sébéy sɔkɔ ne, pàh névi nê gbel séswo tyí, pèkè-á me tẽ yõ.†

14 Sě ye kè pı té sãm nê-á mɔ Abrahmı sɔkɔ, Yesu Krista gbò yõ, kè yĩni tẽ névye tyí nónó náh pı Nsyifunɔle. Té Krista yõ sěno sɔkɔ ye ápi Liyel Mirki we, Liyel-á ñ vyãh kǔ nê tyí sɔkɔ.

Moyisi tyi kònsàhnó náh fẽ n pɔ Liyel vyãh kǔnó vi n mɔ n pi

15 N yúnpyé, mé kı wey mè yo kı yĩne névye pı dükúle. Sõ-á névi-à ñ fɔkɔ wekı ñ kú-ńkẽ sɔkɔ, tyi nónó-á nkẽne tẽ n yo, ñnî yó nítè náh sé dükúle n ko n pne, képah náh pı kı fẽ kwáh dohnı sé yõ.

16 Ǿhǔ, sě ye Liyel vyãh kǔnó tɔle Abrahmı ànê ñ náh ney tyí. Kè náh yo ne Liyel-á ñ vyãhle Abrahmı ànê ñ náh tãn kǔ, á kı ne ñ náh tãn sǔ me dò dé. Kè yo ne, ñ náh ney-á. Képah n wěkı ne nénúkú tyí-á n yo, nê-á pı Kristale.

17 Yé yah, nê-á sǔ mé me ké tyí ne mé yo kè we yò. Liyel-á sǔ ñ vyãh kǔ sah tir nê tyí sɔkɔ, ye kyeyéh yõgbãm sókónteno náh, Moyisi tyi kònsàhnó náh fẽ n pɔ képah ko kè kǔ kè n pı n pi yõ kẽne dò.

18 Yé náh we di, Liyel-á ñ vyãh kǔ pèpɔrı nê tyí sɔkɔ, képah-à me n we n pne Moyisi tyi kònsàhnó wàl kóló gbò yõ, vyãh kǔnó gbò yõ náh mó tǔ kè n we dò. Nte Liyel vyãh kǔnó gbò yõ ye à pèpɔrı pı Abrahmı tyí.

19 Nte tir nê yĩn me Liyel tyi kònsàhnóle á kǔ? A sǔ képahle á kǔ dohnı, nê-á kı sǔ ñ dèl tyile ále n wěkı, pópó kı pɔ nɔ Abrahmı náh ney dúbínó tyí, Liyel-á lésõ ñ vyãh kǔ nê tyí sɔkɔ. Yĩnyõ tǔnpıbı ye sǔ syõ wey syĩnyo-ò‡ tyí, à tyi kònsàhnó mène névye kǔ.

20 Té kàh nénúkú óle, á se kı fẽ ne ney pɔ de yo ñ wró sɔkɔ? Nte Liyelle, núkú ó ye ñne dò.

† 3:8 3.8 - Yah n te Yenesı 12.3. ‡ 3:10 3.10 - Yah n te Tǔnyono 27.26. § 3:11 3.11 - Yah n te Yabakuki 2.4. * 3:12 3.12 - Yah n te Levitiki 18.5. † 3:13 3.13 - Yah n te Tǔnyono 21.23. ‡ 3:19 3.19 - Wey syĩnyo-ò nê tyí-á n yo ásô sɔkɔ yò, Moyisi ye.

21 Képah se n wěki ne Moyisi tyi kònsàhnó-á me Liyel vyãh kònlé n fwo? Pólle! Kàh sò me pi ne tir kònsàhnó yó sɔ névye kɔ, nê-á ki sò fě pé min pwah mɔ, névye náhki sò fě pi tómm Liyel yah sɔko kéne tir kònsàhnó gbò yò sɔko dò.

22 Nte Liyel wey ne nkě, kèkòyó névye pól-á me tyípekè mɔ sɔko. Kãh pi sě, Liyel-á n vyãh kɔ tir nê tyí sɔko, à ki kéle Yesu yò sěpú kɔ pé sěno gbò yò Yesu Krista yò.

23 Krista yò sěno gbí-á pópó n se, á lésò me Moyisi tyi kònsàhnó n gbò gbò sò sɔko à légbíne n syki.

24 Kãh pi sě, Moyisi tyi kònsàhnó ye lésò n wěki ále wěki pèpèyne, pópó à pɔ yĩni tẽ Krista pónó tyí, á kɔ á we pi tómm Liyel yah Krista yò sěno gbò yò.

25 Nte Krista yò sěno gbí-á fyò se te, tyi kònsàhnó vyãh de á yah tẽnó tyí sɔko.

26 Núkúnúkú, Yesu Krista yò sěno gbò yò, yépi pól pi Liyel wěnpile.

27 Yépi nónó pól-á wel wilki ni sɔko, yé pi nukúle Kristale. Krista pi dukù ye yé sɔko tótó.

28 Képah ye, kè se Nsyifu ò, kè se névi nê náh pi Nsyifule ò, kè se yò ò, kè se névi nê náh pi yòle ò, kè se dí ò, kè se sê ò, nukú ye yé pólle yé wrò kwrónmɔno gbò yò Kristale.

29 Té yáh fyò pi Krista tyíle, Abrahami náh tãn ye yéle nónó-á ki pèpɔri we n pi, à yĩne Liyel-á n vyãhle Abrahami kɔ sɔ.

4

1 Máh me nêne n sò, kè we yò: Gběnyò-à me wěnpirle gbí nêne, à n ne me nukúle yòle n tãri nétẽ fyé yah yò.

2 Kàh pi sě, n tẽnsàhpu ànê n tyi yah wàhpu n ne n yah n dah n mɔ n tyí sɔko, pópó n pɔ n nɔ n yah syíkínó gbí tyí, n sú-á nê yah tɔko sah.

3 Sě ye, gbí nê-á ápi tɔ lésò me wěnpì sɔ, á lésò me kɔ kèkòyó tyi náh, té me pi tẽ yòbule sé tyí.

4 Nte gbí nê-á sò Liyel syki tẽ, légbí-á pɔ nɔ, à n Pídí tekɔ mɔ kèkòyó. Pídí mè pɔ dubi sê yó tyí, té sò me Nsyifunɔ tyi kònsàhnó wàlle n kɔ,

5 névye yò we n dwe n wilki yĩnne Nsyifunɔ tyi kònsàhnó wàl kóló yòri sɔko, ànê á pól we n pi yĩnne Liyel wěnpile.

6 Nte n wěnpì ye ntyĩno yéle kè. Yé náh we à n Pídí Mirki dah mɔ á pól nno sɔko, nê-á nkěne á kɔ à n ne n yo yĩnpò n gběne ne: <Bò, nmo Sú!>*

7 Kãh pi sě, yòbi náh tɔ ále; Liyel pye ye ále. Té áyáh pi n pyele sě, képah ye ápi tɔ ki pèpɔri we nmo tyí.

Pole yáh-nsah tyénóle Kalatu tãn tyíle

8 Ngbòle, gbí nê-á yé náh lésò me Liyelle n pne, yé lésò me yòrle n pi yí yísó tyí sé gbílkinó sɔko, té Liyel náh se mó tɔ séle sé wíl-nsah.

9 Nte nukúnúkú, yé Liyel pĩ. Té mé ki tɔ fě yo ne Liyel-á n pne yépile nkě. Yé se tɔ yĩne yé yé syi n tɔ n de kéne yòri sɔko, yé kéne yò kě yíle n gbilki sépi nónó-á sohki kéne?

* 4:6 4.6 - Bò, nmo Sú nê-á Liyel Mirki á kɔ á n yo ásò sɔko yò, á dyo ye kè n to n kò ne Liyel-á á Súle.

10 Yé me sèpìn, ànê ñwǒlóló, ànê tyi túkù pi gbí, ànê ye wɔ túkùle n mɔ n kǒ.

11 É! Yé tyí me ñmɔ yáh-ńsah tye dé. Máh yèvyãhrɪ tǒ nê pi yépi yĩnne, kè náh n pi n nònóle lé?

12 Ñmɔ ní gblǒy pi yépi tyí kǒle. Képah ye ní yúnpyé, mé yéle n ni ne, yépi tɔ yé gblǒy pi ñmɔ tyí kǒle. Yé náh pi de yah ní tyí dò.

13 Yépi ñtǐ pí ne, Nìvìnì tir yónó gbenne yé tyí, yam gbò yǒ-á mé we yo kéle yé tyí.

14 Té ní wil gběnsê yam mē yáhnó náh sǒ me nɔ. Té képah fyé yǒ, yé náh fǐ syi ní yilo, yé náh ní sohlɪ. Nte yé pyé ní tǒ sah tǐ Liyel yĩnyǒ tǒnpi yó sǒ ñne; á kɪ ne Yesu Krista ñtǐ sǒ ñne.

15 Nìvìnì lésǒ me yǐí yé sɔkɔ légbíne. Té ñyãh me yé mɔ kéne nìvìnìne núkúnúkú wé? Mé kéle n yo kègbɪ yǒ ne, kàh sǒ me fǐ n pi n pi, yáh nàhkɪ sǒ me yé yí gbahɪ wilki ní kǒ.

16 Nte núkúnúkú, ní gbɪ yónó yĩnne yé tyí, mé kɪ pi yé sèpele lé?

17 Nósyó me gbah tǐ ne páh me yé sǒ tǐ, ñte yé tyí sǒnɔ pèplo náh me pé sɔkɔ dé. Pè me ké tyí ne pé ñmɔ ànê yépi wró gbekɪ, yépi mó gbah tǐ pépi sǒ tǐ.

18 Yáh gbah tǐ tyípéplo sǒ tǐ gbíme gbí, tyípépɛy ye kéle. Té kè náh yĩne kè ne n pi yáh ñmɔ we gbí nê óle dé.

19 Ñ wěnpì, mé tǒ me n kwɔlɔ yé tyí sɔkɔ kúrntěsè sǒ, pópó kɪ pɔ nɔ gbí nê-á yé pi dùkù kɪ vi mɔ pi Krista tyí kǒle.

20 Nte ní yáh-ńsah me tye yé tyíle. Képah ye, mé sǒ nàhkɪ ñ gblǒy we yé wró sɔkɔ núkúnúkú ñtǐne, mē tyi nópi we n yo yé tyí dùkù yóle.

Gblǒy yǒ ménó se fǒnfǒ, tǐ, yǒrɪ se fǒnfǒ?

21 Yépi nónó-á me n yah n kǒ tǒnkǒ-ńsahle Moyisi tyi kǒnsàhnó náh, yé se kɪ fǐ yo ñmɔ tyí ne kàh tyi nónó yo, yé náh sè we noh?

22 Kè me wárkínsàhnóle Liyel wey sébéy sɔkɔ ne, wěnpì népì ní mí-á lésǒ me Abrahamɪ tyí. Núkúle, yǒ pi Akar pídí-á, ní-ò me Sara pídíne, nê-á yǒ náh ñne.†

23 Piri nê-á pɔ dubi yǒ pi Akar tyí, ñmɔ dubi à yĩne névi yǒtàhsyi yáhtɔkɔnɔle. Nte piri nê-á pɔ dubi Sara wɔ tyí, ñmɔ dubi à yĩne Liyel-á sǒ ñ vyãh kǒ sǒ.

24 Tyi nópile yò kè; tir yó ye sè ále n wěkɪ. Syó nópi tyi me yégbékè kwrónmɔnɔ duke nínóle ále n wěkɪ. Akar ye yégbékè kwrónmɔnɔ gbenne, nê-á we Syinayi yǒh yǒ. Yǒbɪ ye ñmɔ me n dubi n mɔ.

25 Ñmɔ ye Syinayi yǒhlɛ, nê-á me Arabi yamana sɔkɔ. Á kɪ fǐ à tɔkɔ sãh Yerusalemɪ kwille kwey mē sɔkɔ. Yé náh we di, Yerusalemɪ kwil tɔ me yǒrɪ sɔkɔ ànê ké névyele.

26 Nte Yerusalemɪ nê-á me yĩnyǒ, képah náh me yǒrɪ sɔkɔ. Képah ye ápi yúne.

27 Yé yah, kè me wárkínsàhnóle Liyel wey sébéy sɔkɔ ne ñkǐ:

<Ne n me nìvìnì sɔkɔ píkǎnsè, áwɔ nê-á á náh sǒ me pile n we.

Ne n syɔ n wilki n mɔ nìvìnì tǐ tyí, áwɔ nê-á á náh pí dúbínó yónó pí.

Yé náh we di, sè yáhlensàhnó pye kɪ dò kal

† 4:22 4.22 - Yah n tɛ Yenesɪ 16 ; 17 ; 21.

pètě tyíle.>‡

28 Nte yépi wɔle, ní yúnpyé, yé dubi à yĩne Liyel vyāh kǒnóle, sǒ-á Yisakile.

29 Piri nê-á lésǒ dubi à yĩne névi yòtàhsyi yáhntokɔnɔle, ñmɔ lésǒ me ñ ní-òle n fǒh, nê-á dubi Liyel Mirki gbò yò. Té sě ó ye kéle kwey mè to soko.

30 Nte sǒ me Liyel wey sébéy yo wé? Kè ne níké: <Yò pi pídí náh yĩne gběki yónóle wě tyí pídí yóle, nê yú náh me yòle. Képah ye, yò pi yĩni ànê ñ pídí tɔle.>§

31 Kǎh pi sě, ní yúnpyé, yò pi pye náh ápíle dé. Sê nê pye-á ápíle, yò náh ñne.

5

Yé se ki yé syi de yǒri soko ntǒ?

1 Krista me ké tyí ne á ne n me á gblǒy yò soko, képah ye à kǒ à á wilki yǒri soko. Té yé yé tah n sah, yé káh n tǒ yé syi n de yǒri soko.

2 Ñmɔ Polele, yé noh ní tyí yò: Yáh ki kòkè kǒ, Krista náh tir yó pekí n pi yé tyí.*

3 Mé kéle n yo yé tyí ntǒ ne, névi nê tǔ-à ki fyò kòkè kǒ, wǎh ki Moyisi tyi kònsàhnó pól wǎlle n kɔ káhkáh.

4 Yépi nónó-á me n yah n kǒ ne yé pi néglóle Liyel yah Moyisi tyi kònsàhnó wǎl kóló gbò yò, yé gblǒy ye yé gbɛ Krista náh. Yé vyāh náh tǒ me Liyel pèpɔri tyí soko.

5 Ápi tǔ wɔle, á me ké tyí ne á pi néglóle Liyel yah soko ñ yò sǔnó gbò yò. Képah sǔnɔ ye Liyel Mirki dahbi ápi soko, té á me kéle n deki náhnáh.

6 Yé náh we di, névi nê wró tǔ-à fyò me kwrónmɔnɔle Kristale, tǔ kòkè kǒ ò, tǔ náh kòkè kǒ ò, tir yó náh képahle. Nê-á ké yòle, Liyel yò sǔnó yĩne kè ne n wěki tyi pi dùkù soko, tyínɔnɔ soko.

7 Yé lésǒ me n yuku yahle palle. Nte nê tǔ ó pɔ kǒ yé yahle yé kǒ yé gbí wěkí fín mɔ wé?

8 Liyel nê-á yé ye pi ñ tyíle, ñmɔ tǔ wɔ náh se yíki yé yòle té.

9 Pè náh ne kókónó kwéy ó-á n dɔkɔ mífáhkí pólle di?

10 Té sépinɔ pól soko, ñmɔ gbò sàhnó me yé yò Tǔ ñgbě gbò yò ne, yé náh n fě n syi káhkí vi n pi. Nte névi nê-á n yíki yé yòle, tǔ-à ké se me nédúkú nêne, fǒhnó ki n sah n pi tǔ yò.

11 Ñmɔ tǔ wɔle ní yúnpyé, káh sò me pi ne kòkè kònó tyí sǒ tǒ mé me gbah tǔ n yo ne kè ne n pi, yò se náhki me ké tyí pè ñne ne n fǒh ntǒ? Kègbí yò, képah tyí-à tǒ sǒ ne mé me gbah tǔ sě, Krista dahni yò syínó se náhki me yò yíkínóle ñnî yó ntě tyí ntǒ?

12 Nónó-á n dahbi fěkínóle yé wró, pè káh yĩn kòkè kònó ó tyí dé, pè pé tyínó kǒli n to pnépné ntěne kè.

13 N yúnpyé, gblǒy yò we n tǔ yĩn ye Liyel ye yéle. Nte yé káh núkú sah képah yò, yé mó yé dyɔ dyɔ tyile n pi dé. Yé wěne ne n yohni n mɔ tyínɔnɔ soko.

‡ 4:27 4.27 - Yah n te Yesayi 54.1. § 4:30 4.30 - Yah n te Yenesi 21.10. * 5:2 5.2 - Kòkè kònó nê tyí-á Pole n yo ásò soko yò, kè náh me á ki ne à sǒ ne kòkè káh ne n kǒ dé. A ne névi nê-á ñ sǔnɔ sah kòkè kònó yò ne képah-á ki pé pi négbile Liyel yah, Krista náh tir yó pekí n pi tǔ tyí.

14 Yé náh we di, Moyisi tyi kònsàhnó tyi pól ye tir kònsàhnó núkú mè tuke mo yo ke núkúle ne ríkè: «Á ní-ò tyí yĩne kè no á tyí á gblöy tyí kòle.»†

15 Nte yáh wěne n nwāhki, té wěne n ko sě à; yáh ki yé gblöy tē-ríkēne, yé ki po wě tyí yiki.

16 Yé noh ní tyí yò: Yé ye Liyel Mirki yé yahle n tē. Képah soko, yé náh tō yé gblöy dyo yíi tyi pi n pi.

17 Yé náh we di, névi gblöy dyo yíi tyile, Liyel Mirki dël tyi ye sépile. Liyel Mirki tō dyo yíi tyi-á mó tyi nónóne, névi dyo yíi tyi náh sépile. Té sépi tē-á pi wě sépébíle sě, képah ye yé kō yé náh yé gblöy dyo yíi tyile n pi n pne.

18 Nte Liyel Mirki-à ki fyò yé yahle n tē, tyi kònsàhnó vyāh ki de yé tyí soko.

19 Nte á gblöy dyo yíi tyi-á tyi nónóne, á pól séle n pne. Sè we yò: fòfiki pínóle, pǒpǒ pínóle, ànê pròprò pínóle,

20 ànê sāh fálnóle, ànê kló pínóle, ànê népékè pínóle, ànê mékì pínóle, ànê yúnwōrí pínóle, ànê foko vyāhnóle, ànê wě fwónóle, ànê gbékínóle, ànê gbékínóle tĩntĩne,

21 ànê yíwilkìle, ànê sètēnì pínóle, ànê yèwò pínóle, ànê sé sēnkno dukele. Mé ké gbāhdyāhle n di yé tyí, máh sò kè di sah soko yé tyí ngbò dùkùle sō ne, névyé nónó pól-á n pi sētēne, pé soko yó ntē náh n de n pi Liyel tōrí soko.

22 Nte tyi nónó-á n pi Liyel Mirki yah tēno soko, sè we yò: Tyínonole, ànê nìvìnine, ànê yèvinune, ànê sòmnole, ànê pèpōri pínóle, ànê yām yāhnóle, ànê gbi wěkì kólóle,

23 ànê gblöy yele, ànê gblöy tēnole. Sépi pólle, tyi kònsàhnó náh me séle n fwo.

24 Névyé nónó-á me Krista tyí yō, pépi ye pé gblöy dyo yíi tyi, ànê pé dékè tyi, ànê pé yíwilkì tyi pól syi dahnì yō, à sè ko.

25 Liyel Mirki nê-á minne á kō, á ye ye képah kō kè á yahle n tē kè.

26 Á ye káh pi gblöy gbílkípúle, à ne n pi n de wě tyí, képah náh pi, à wě dyole n yo.

6

1 N yúnpyé, yáh sō nnì yó we tē à me tyítúkù yóle n pi, Liyel Mirki-á me yépi nónó yahle n tē, yépi tē tē mámmám yé po ñne wěkì pèpey yō. Yé nénúkù núkù pól mó yé gblöyne n kyomì, yé tō káh po de tyítúkùnì pínó soko.

2 Yé wě yótókóbíle n twah. Yáh képahle n pi, yé me Krista tyi kònsàhnó wālle n ko.

3 Névi yó-à ñ gblöyne n dokò n sah, té kwāh yó náh mó tō ñne, tē me ñ gblöyne n tō n mo.

4 Nénúkù núkù pól yĩne pé pé tyípínì kyomì n yah palle. Nê nì-à me fě n vi n pi ñ gblöyne, ñ nì vi ñ gblöyne, à káh ñ gblöyne n tōko n sāh ñ ní-òle.

5 Yé náh we di, nénúkù núkù pól-á tyi nónó pi, pé ki yĩn sé yótyíle.

6 Névi nê-à ále n kwò Liyel weyne, á yĩne ñ tēne n yohnì n mo tyi tyi pól soko.

7 Yé káh yé gblöyne n tō n mo ló, pé náh kóle Liyelle n ko. Névi-à sèmuco nê duku mo, képah ye à ki tōko.

† 5:14 5.14 - Yah n te Levitiki 19.18, ànê Marki 12.31, ànê Likyi 10.27.

⁸ Névi nê-à ò gblɔy dyɔ yíi tyile n pi, gblɔy dyɔ yíi tyi yõre ye tẽ ki we, képah nê-á tyí yíkinóle. Nte nê-à Liyel Mirki dyɔ yíi tyile n pi, Liyel Mirki dyɔ yíi tyi yõre ye tẽ ki we, képah nê-á tyé-ńkẽ minne.

⁹ Á ye káh yal mɔ tyi pèplo pínóle. Yé náh we di, áyâh tyi pèplo pínó yálnmɔ-ńkẽne, á ki pɔ ké yõre we ké gbí pèpey sɔkɔ.

¹⁰ Képah ye, áyâh tyípépɛy pí-ńsah we, á ye kéle n pi no pól tyí. Té á ye kéle n pi n kal á yúnpyé Yesu yõ sɛpú wɔ tyí.

Pole wey tyé-ńsahle

¹¹ Yáh wárkinó mè we kéle yěhyěh yò, ímɔ ye n wārki kéle ní gbòle.

¹² Gblɔy wěkinó tyí-á nɔ nónó tyí, pépi náh me ké tyí ne pé fóhnó we Krista dahni yõ kúnó tyí yónó yinne. Képah ye pè yépile n kyí n mɔ n mɔ kòkè kòkò sɔkɔ.

¹³ Kéne névye nónó ńtẽ-á me kòkòle, pè náh me Moyisi tyi kònsàhnó wàlle n kɔ ò. Pè me ké tyí óle ne yé kòkè kò, pé kò pé pé gblɔyne n we n gbilki képah yinne.

¹⁴ Nte ímɔ tẽ wɔle, mé náh ní gblɔy gbilki n pi tir yó ńtẽ yinne à wil Tẽ ñgbě Yesu Krista dahni yõ kúnó tyí sɔkɔ. Nmɔ dahni yõ kúnó yin ye ímɔ kò mé kèkòyó tyile n yah yõ kě tyile, té kèkòyó névye tɔ mó me ímɔle n yah sɛntẽne.

¹⁵ Névi kòkò ànê ò kò-ńkẽne, yõ náh me sépi tyí. Yõ-á me nê tyí, képah ye pi vinnmɔnɔ nê-á Liyel dahni tẽ ni sɔkɔ.

¹⁶ Nónó pól-á me n kɔ képah wěkí yõ, pépi ànê Liyel no pólle, pépi nónó-á Yisrayel nolé, mé kéle n yah n kò Liyel tyí ne à yèvinune pè kò à mó pé yãm yah.

¹⁷ Á tɔkɔ núkúnúkú tyí, ònî yó ńtẽ káh tɔ ímɔle n kwɔ. Nítbó nónó-á ímɔ wil sɔkɔ, sépi n wěki ne máh pi Krista tyíle.

¹⁸ N yúnpyé, mé kéle n yah n kò Tẽ ñgbě Yesu Krista tyí ne à yòbènɔri pi yé tyí. Amiina!

Pole sébéy tékínmɔnɔle Yefesú tãn tyí

Pole wékínóle Yefesú tãn tyí

¹ Nɔmɔ Pole nê-á pi Yesu Krista tẽntò névile à yĩne Liyel nìvìnìne, nɔmɔ ye n tekɩ n mɔ sébéy mènne névye tyí nónó-á pi Liyel nolɛ Yefesú kwil sɔkɔ, té me n kɔ palle pé wró kwrónmɔnɔ gbò yò Yesu Kristale.

² Mé kéle n yah n kɔ á Sú Liyel ànê Tẽ ñgbẽ Yesu Krista tyí ne, pè yòbènrɩ pi yé tyí pè mó yèvinine yé kɔ.

Liyel-á pèpɔrɩ nónónɛ n pi ápi tyí Krista yò sɛnó gbò yò

³ Gbílkinó ne n sah Liyel yò, nɔmɔ nê-á á Tẽ ñgbẽ Yesu Krista Súle. A ye sãm mɔ á sɔkɔ Krista yò sɛnó gbò yò, à pèpɔrɩ duke duke pól pi á tyí nónó-á wil yĩnyò sɔkɔ.

⁴ Kèkõyó mó-ńkẽ gbí dukùle, Liyel sò ápi yah tɔkɔ pi n tyíle Krista gbò yò sɔkɔ, ne á pi yályál wényo-ńsah kẽne á tyí péwɔ yah sɔkɔ. Tyínɔnɔ sɔkɔ,

⁵ Liyel sò kwãh tẽ kè yah tɔkɔ ne páh kɩ ápi pi pé wẽnpìle Yesu Krista gbò yò. Yé náh we di, képah ye sò à pi à yĩne n dyɔ yíi tẽne.

⁶ Á ye ñne n gbilki n pèpɔrɩ yĩnne, wãh nê pi á tyí n nìdè Pídí gbò yò.

⁷ Nɔmɔ tó kwénó gbò yò ye á we wil pèkè sɔkɔ, té á tyípèl me yò mɔ á tyí. Sẽ ye Liyel pi yòbènrɩ ñgbẽne á tyí,

⁸ képah nê-á à pi á tyí náhnáh à yípi ànê lékámne á kɔ yíi.

⁹ Sètìn sò tir nê tyí-á nɔ n tyí, à sò képah yah tɔkɔ sah ñgbò dukùle. Núkúnúkú, à kéle á wẽkɩ. Krista gbò yò ye sò à yah tɔkɔ tyípépɛy mènne.

¹⁰ Ké pi gbí-à pɔ nɔ, à kɩ yíyìn pól tuke mɔ nónó-á me yĩnyò ànê sétáh yò, nénúkú kɔ à kɩ pi sé yòtẽne, nɔmɔ nê-á Kristale.

¹¹ Á wró kwrónmɔnɔ gbò yò Kristale, nê-á sò á we we tẽne, Liyel ye kéle á kɔ. A sò kwãh tẽ á yah tɔkɔ sah n tyíle. Nɔmɔ nê-á Liyelle, n dyɔ yíi tir ye à n ne n pi à yĩne wãh kè yah tɔkɔ sɔ.

¹² Képah ye, ápi nónó ñgbò-á á gbò sah Krista yò, á ye gbílkinóle n sah Liyel yò.

¹³ Yépi tɔle, yé wró kwrónmɔnɔ gbò yò Kristale, yé gbɩ wey we noh, képah nê-á Nìvìnì tìrle, nê-á yéle n pwah n mɔ. Nɔmɔ yò sɛnó gbò yò ye tɔ, Liyel-á n vyãhle yé kɔ n Mirki nê tyí sɔkɔ, à kéle yé kɔ à yé pɔkɔ mɔ.

¹⁴ Liyel Mirki nê-á à á kɔ, képah ále n wẽkɩ ne wãh n vyãhle n no kɔ yí nónó tyí sɔkɔ, áyáh kɩ sè we n pi. Képah á nle n sũ ne áyáh kɩ sè we n pi, áyáh sò nêne pwáhnɔnɔ we pnépné. Képah sɔkɔ, gbílkinó-á kɩ n sah Liyel yò.

Pole niri pínóle Yefesú tãn tyí

¹⁵ Képah ye, nɔmɔ tɔ-á fyò noh ne yáh me sã Tẽ ñgbẽ Yesu yò, ànê n yò sèpú tyí-á me nɔ yé tyí,

¹⁶ gbímegbí, mèn n ne n wẽkɩ Liyel tyí yé tyí sɔkɔ, n té ñne n ye n gbo yé tyí.

17 Mé kéle n yah n kǒ á Tě ñgbě Yesu Krista Liyel tyí, ñmǒ ñê-á tǒrí nětěne, ne à lékám Mirkile yé kǒ ñê-á kǐ Liyel òkùle yé wěkǐ té kǐ yé kǒ yé kǐ à pǐ yíí.

18 A mó yé lékám yǐkǐ mǒ, sǒnko wǎh yé ye ne yé yé gbò sah kwâh ñê yǒ sǒko yé fě ké òkù pǐ; ànê wǎh me yípéplǒ nónó yah sah ñ no kǒ, yé sé tǒ pǐ.

19 Yè mó pǐ gbǐl tǎnweno ñê-á à me yah sah á kǒ ápi nónó-á Yesu yǒ sǎpúle. Kéne tǎnweno mè ye Liyel tǒ pǐ tǎhkùle,

20 wǎh Krista lékó yilki mǒ gbí ñêne té à kǒ à kǒ tǎ ñ gbòyò sòle yǐnyò sǒko.

21 A me tǎnóle tǒrí, ànê tǎhkǐ, ànê tǎnweno, ànê yǒtǒríno pól yǒ sǒko. Nónó yni-á me wil kweyne, ànê nónó yni-á kǐ n wil n pi ñsône, ñmǒ me pépi pól yah sǒko.

22 Liyel yíyǐn pól pǐ Krista gbáhkǐ súnsàh-ñsahle, té à pǐ ñ yǒ sǎpú tǐnkǐ pól yǒtǎ ñgběne,

23 pépi nónó-á ñ wil gběnsêle. Krista me tǎnóle pépi sǒko ñ tǒó, ñmǒ ñê-á Liyel tǒ me tǎnóle ñ sǒko ñ tǒó.

2

Tyé-ñkě min ñê-á n we ñnóle Krista yǒ sǎnó sǒko

1 Ñgbòle, yé lésǒ me lékyí tyí kǒle yé tyítúkúnǐ ànê yé tyípél pínó yǐnne.

2 Kéne tyípél sǒko ye sǒ yé me n pǐ yé minne ñgbòle, gbí ñê-á yé me kékoyó mè tǎhkǐ yǒtǎ sǒ tǎ. Kéne yǒtǎ me tǒle n pǐ tyah kènkāh sǒko. Nmo ye me Liyel tyí yáhlepu yahle n tǎ kwey mè sǒko yò.

3 Ápi tǒ pól sǒ me pépi tyí kǒle, me á dyo yíí tyi óle n pǐ. Tir ñê-á sǒ no á wil gběnsê tyí ànê áyáh ñê sǒ we ne kǎh me ple, képah ye à n ne n pǐ. Áyáh sǒ pǐ sǎ, képah ye Liyel pèkè kǐ sǒ á no n pi no tǎlǒ tyí kǒle.

4 Nte Liyel ñgbèkǐ tno. Á tyí kah no ñ tyí,

5 képah ye, áyáh lésǒ me lékyí tyí kǒle á tyítúkúnǐ pínó sǒko gbí ñêne, à minne á kǒ wě tyí ànê Kristale. — Yòbènoṛǐ ye Liyel pǐ yé tyí à yé pwah mǒ. —

6 Á wró kwrónmǎno gbò yǒ Kristale, Liyel ye á wilki kǔ sǒko ñmǒle wě tyí, té á sah yǐnyò tǒrí sǒko ñne wě tyí.

7 Pèpǎṛǐ ñê-á Liyel pǐ ápi tyí á wró kwrónmǎno gbò yǒ Yesu Kristale, à kè pǐ ñ yòbènoṛǐ ñgbě wěkǐ yǐnne gbímegbí no pól tyí.

8 Yé náh we di, yáh sǎ Liyel yǒ, à me yòbènoṛǐ pǐ yé tyí à yé pwah mǒ. Pwáhnmǎno mè náh wil yépi tyí dé, Liyel yǐnkǒno ye kéle

9 Yépi tǎhkǐ pínweno náh kéle dé. Kǎh pǐ sǎ, ñnǐ yó ñtǎ náh fě ñ gblǒy gbilki n pi.

10 Yé náh we di, Liyel mónó ye ále. A ye á mǒ á wró kwrónmǎno gbò yǒ Yesu Kristale tyípéplǒ pǐ yǐnne Liyel-á nónó yah sah ñgbò òkùle ne á po séle n pǐ.

No pól pǐ núkúle Yesu Krista yǒ sǎnó gbò yǒ

11 Yépi nónó-á lésǒ Nsyifuno n ye kǒ-ñkě névyele, té me pé gblǒyne n ye kènkòbele ké nítbó yǐnne nónó-á me pé wil sǒko, yáh lésǒ me òkù ñêne légbíne, yé yé dyo sah ne n kwne képahle.

12 Légbíne yé lésò me fíí Kristale. Yé lésò me népânne, yé náh me kwrónm̀onole Liyel no soko. Liyel-á ò vyǎhle n no kò ne páh yí nónóne pé kò pé Yégbékè kwrónm̀onò gbò yò péle, yé vyǎh lésò de sé tyí soko. Yé lésò me kèkòyó soko gbò sàh-̀nsah kène yé tyí. Liyel náh lésò me yé tyí.

13 Nte nùkúnúkú, yé wró kwrónm̀onò gbò yò Yesu Kristale, yépi nónó-á sò me fíí, yé no de Liyelle Krista tó kwénó gbò yò.

14 Nm̀o ye ápi yèvinne. Nm̀o ye Nsyifunò ànê nónó náh pi Nsyifunole pé kwrò m̀o pi yìkì nùkú névyele. Dyóyókì nê-á sò me kèkì tyí kòle, me Nsyifunò ànê nónó náh pi Nsyifunole pé wró gbekì sah, à ye pò kène kèkì so to ò kúnó gbò yò.

15 A ye Moyisi tyi kònsàhnó ànê sé wǎl kò dúkúnó pól yín m̀o. Nm̀o gbò yò, à Nsyifunò ànê nónó náh pi Nsyifunole, pé kwrò m̀o pi yìkì nùkú névyele, yèvinì kò kè we pé wró.

16 A Nsyifunò ànê nónó náh pi Nsyifunole pé pól kwrò m̀o pi wil gběnsé nùkúle ò kúnó gbò yò dahnì yò, té pé wró kwrò m̀o pi nùkúle Liyelle. A dyóyókì tó tyí tyí yìkì ò syínó gbò yò dahnì yò.

17 A pò yèvinì welo yo yé tyí yépi nónó-á sò me fíí, ànê nónó-á sò me yúkey.

18 Yé náh we di, Krista gbò yò ye Nsyifunò ànê nónó náh pi Nsyifunole, á pól kì tẽ we yíni tẽ Sú Liyel tnò ò Mirki nùkúnì mè gbò yò soko.

19 Kǎh pi sè, yépi nónó náh pi Nsyifunole, népân náh tó yéle, wò yah tǎn náh yéle. Yé pi kwil nùkú tǎnne ànê Liyel yò sèpúle. Té pi Liyel nole.

20 Yé me á kì ne wòkò yó sò pé m̀o nê sètyah-á pi Yesu tǎntò névye ànê Liyel tǎntò syínyopule, té Yesu me pi ké dáhg̀búle ò wahle.

21 Nm̀o Yesu gbò yò soko ye wòkò kì yín gbáhngbáh, té kì kyǎh kì pi Liyel ní-̀nsah gbòle, nê-á me Tẽ ngbè tyí yò.

22 Yé wró-á kwrò m̀o òmole, yépi tó ye pi gbò mè fí yóle, kì we kwrò m̀o no téló soko kì pi tẽ-̀nsah yóle, nýǎh soko-á Liyel kì me tǎnóle Mirki soko.

3

Pole-á kì tò nê pi n pi névye yínne nónó náh pi Nsyifunole

1 Képah ye, òm̀o Pole nê-á me wòkònpèkè soko Yesu Krista tò yínne, ànê yépi yínne, yépi nónó náh pi Nsyifunole...

2 Liyel-á ò pèpòri pínó soko tò nê dahbì ní gbò yépi tyí pekì yínne, mé sè ké yò ne yáh képah tẽ wò noh ó.

3 Liyel ye syò wèkínó yó tyí à ò sètìn sò tirlè ní wèkì, sò-á mé yo soko kéle yé tyí kwéy sébéy mè yòtah soko yò.

4 Yáh kì kéle n kar, yé kì pĩ ne sètìn sò tir nê-á me Krista tyí soko, ké sèndyàh náh ríne.

5 Liyel náh sò kène sètìn sò tirlè ògbò tǎn wèkì, sò-á à kéle Yesu tǎntò névye ànê Liyel tǎntò syínyopu négló wèkì nùkúnúkú ò Mirki gbò yò.

6 Sètìn sò tir mè we yò, ne Nìvìnì tir gbò yò, nónó náh pi Nsyifunole, pé pól-á kwrò m̀o Nsyifunò soko kì gbèkì nùkú yò n pi péle, té kì n pi n pi gběnsé nùkúle péle. Té Liyel-á ò vyǎh kò tir nê tyí soko Yesu Krista gbò yò, pé tó vyǎh-á kì n we n pi ké tyí soko.

7 Liyel-á n tǎnprèné gbò yò yòbènrɔri nê pɪ n̄mɔ tyí, képah gbò yò sɔkɔ ye n̄ne Nìvìnì tir yónó tò sɔkɔ.

8 Nmɔ nê-á Yesu yò sǎpú pól nétéyne, n̄mɔ ye we yòbènrɔri mène kɪ Yesu pèpɔri tyíle n yo névyé tyí nónó náh pɪ Nsyifunɔle. Kéne pèpɔri mène, ȳn náh me ké tyí.

9 Liyel-á kɪ sèt̄n sò tir mè pɪ n pi dùkù n̄ne, mé ȳne mè kéle névyé wěkɪ n ȳí palle. Nmɔ nê-á ȳȳn pól mót̄le, à ye képah wòbɪ sah n̄gbò dùkùle tyé-n̄k̄ne,

10 s̄nko à tokɔ núkúnúkú tyí, ȳp̄ nê-á n wil Liyel tyí, yòt̄m pól ànê kèkòyó t̄rì nónó-á me t̄le n pɪ ȳnyò sɔkɔ, pé pól t̄e we kè p̄i Yesu yò sǎpú t̄nk̄i gbò yò sɔkɔ.

11 Sépi pól pɪ à ȳne Liyel-á sò nê yah tokɔ sah tyé-n̄k̄e, té pɔ kè pɪ á T̄e n̄gb̄e Yesu Krista gbò yò.

12 Áyáh á wró kwrɔ mɔ Kristale té s̄e n̄ yò, képah gbò yò, wěkɪ me yíkínm̄onɔle á tyí kɪ f̄e nɔ de Liyel tn̄ò n̄s̄áh sɔkɔ.

13 Káh pɪ s̄e, n̄mɔ-á me yèvyāhrɪ n̄ne n pɪ yé ȳinne, yé káh ye képah yé wil ku. Képah ye kɪ yò ȳnóle yé k̄o.

Tyínɔnɔ nê-á me Krista sɔkɔ

14 Képah ye, mé kɪ gbètukunɔ di Sú Liyel yah sɔkɔ,

15 n̄mɔ nê gbò yò-á kètlo pól me sètáh yò ànê ȳnyò.

16 N̄ t̄rì me gblò. Képah ye, mé kéle n yah k̄o n̄ tyí ne à t̄h̄k̄ile yé k̄o n̄ Mirki gbò yò, s̄nko t̄h̄k̄i ne n me ȳí yé sɔkɔ.

17 Krista ne n me t̄nóle yé n̄nɔ sɔkɔ n̄ yò s̄nó gbò yò, tyínɔnɔ mó ne me ȳh̄n̄i mɔ ȳí yé sɔkɔ.

18 Képah sɔkɔ, tyínɔnɔ nê-á me Krista sɔkɔ, yépi ànê n̄ yò sǎpú t̄lò pól kɪ ké yòtukuri, ànê ké yòs̄k̄i, ànê ké kyāhlɔ, ànê ké súkúlínó dùkù p̄i.

19 Yé kɪ tyínɔnɔ mè dùkù p̄i, képah nê-á kal pn̄nó duke pólle. Képah sɔkɔ, Liyel kɪ me n̄ t̄ó yé sɔkɔ.

20 Áyáh ȳi nónóne n yah n k̄o ànê áyáh me nónó tyíle n s̄o, Liyel ye kɪ f̄e séle ále n k̄o gb̄imegb̄i, f̄ó kɪ kah mɔ n̄t̄ene, n̄ tǎnprèné gbò yò nê-á me t̄le n pɪ ápi sɔkɔ.

21 Yesu Krista gbò yò, gb̄ilkínó ne n sah Liyel yò à wil Yesu yò sǎpú t̄nk̄i tyí, knɔ knɔ pól sɔkɔ tyé tyéní k̄ne. Amiina.

4

Yesu yò sǎpú yégbékè pínóle núkúle

1 Nmɔ nê-á me wòkònpèkè sɔkɔ T̄e n̄gb̄e tò ȳinne, mé yéle n ni yépi nónó-á Liyel ye, ne yé yé minne n pɪ à ȳne n̄ yénó mène.

2 Yé pɪ gbl̄oy t̄ikínm̄opule, ànê n̄pír névyele, ànê s̄óm̄nó p̄ípúle. Yé w̄ene n n t̄e tyínɔnɔ sɔkɔ.

3 Yáh me yèvìnì nê sɔkɔ w̄e tyí, képah gbò yò, yé gbah n t̄e yé wró kwrónm̄onɔ t̄e n sah Liyel Mirki-á n̄ne yé k̄o.

4 Yé pól pɪ wil gb̄ens̄e núkú Krista gbò yò, ànê Liyel Mirki núkú ye me. Liyel yé ye t̄le kwāh núkú ȳinne ne yé yé gbò sah ké yò.

⁵ Tě ñgbě núkú ye me, ànê Liyel yõ sě́nó núkúle, ànê ni sɔkɔ wèlnwìkìnó núkúle.

⁶ Liyel núkú ye me. No pól Sú ye ñne. N tǒrí me no pól yõ. A me tòle n pɪ no pól sɔkɔ. A me tǔnóle no pól sɔkɔ.

⁷ Nte á nénúkù núkú pól ye Liyel yòbè̀nɔrɪ we à yĩne Krista-á me ké tyí ne pé kéle á kǒ sǒ.

⁸ Kè me wǎrkínsàhnóle Liyel wey sébéy sɔkɔ ne:

«Wǎh dɔkɔ yuku yĩnyõ sě́,
à sɔkɔ wòkònpèkè sɔkɔ névyele.
A tǔnɔnénó yĩ névye kǒ.»

⁹ Nte kwáh nê me pé n ye yĩnyõ dókónyukunɔle wé? Képah ye n wěki ne wǎh sò tiki yuku sétáh sōwǎh tɔ sɔkɔ.

¹⁰ Nê-á tiki pɔ, ñmɔ ó ye tǔ dɔkɔ yuku yĩnyõ léyy tǔ-ñsah sɔkɔ, kɪ kèkǒyó pól yuku.

¹¹ Nmɔ Krista ye kǒ névyele tǔnɔnénó duke dukele. A tókù pɪ ñ tǔntò névyele, té tókù pɪ Liyel tǔntò syínyopule, té tókù pɪ Nìvìnì tir yónkǒpule, té tókù pɪ kwópule.

¹² Sě́ ye à vi mɔ Liyel nole pé kǒ pé kɪ ñ tǔ pɪ dal mɔ, wǎn kǒ kè kɪ n mɔ Krista yõ sǔpú yõ.

¹³ Kǎh pɪ sě́, Liyel yõ sě́nó kɪ á pól wró kwɔ mɔ pɪ núkúle, té á kɪ Liyel Pídí pĩ té kɪ yuku yahle Liyel wěkì kóló sɔkɔ fók kɪ pɔ pɪ Krista tyí kǒle.

¹⁴ Képah sɔkɔ, á náh tǔ n pɪ n tǔ n pɪ wǔnpìle nónó-á kwónó kètúkúni pípú ànê pé névye vintǔnɔ kɪ ále n tɔkɔ n fi n kǒ yǎhkí tyí kǒle, kɪ á mɔ pílkinó wěkì yõ.

¹⁵ Nte áyáh kɪ gbile n yo tyínɔnɔ sɔkɔ, á kɪ yah yúkúnó we tyi pól sɔkɔ kɪ n nɔ n de Kristale ñmɔ nê-á yǒle.

¹⁶ Nmɔ gbò yõ ye wil gběnsé tǎntǎn pólle núkúle. Gbèl tél-ńtǎn gbò yõ ye wil gběnsé tǎntǎn pól wě tǔ yĩn sah. Kǎh pɪ sě́, wil tǎntǎn pól-à tòle n pɪ kǎh yĩne sǒ, wǎn kɪ n mɔ wil gběnsé yõ, kè kɪ n yuku yahle tyínɔnɔ sɔkɔ.

Min pɪ òkù késǎnne Krista yõ sě́nó sɔkɔ

¹⁷ Nê-á mé n gbah n yo yé tyí Tě ñgbě wěkì sɔkɔ, kè we yò: Yé káh tǔ yé minne n pɪ Liyel pĩ-ńkě névye tyí kǒle, pépi nónó-á pé lékám pé yahle n tǔ n mɔ yòre kě tyi sɔkɔ.

¹⁸ Pé lékám me fókóntúnɔle. Liyel-á min nêne n kǒ, kè náh me pé tyí. Képah ye pé pɪ yah wé-ńkǔpú ànê kùkùtǎhkì névyele.

¹⁹ Pé pɪ sen pĩ-ńkǔpule, pé náh n fyǎh. Té pé pɪ prònpɪbule à tyítúkúni duke pólle n pɪ yĩn kěne.

²⁰ Nte yépi tǔ wɔle, sǔntǔ náh yé pĩ Kristale dé.

²¹ Mé sě́ ké yõ ne ñ tyí òkù pól-á yo yé tyí. Té gbɪ nê-á me ñ tyí sɔkɔ, yé kwónó we ké tɔ yõ.

²² Yáh sò me òkù nêne ñgbòle, yé yĩne yé képah milki. Yé yé náh vi yé pɪ òkù kedyáh kǒ, képah nê-á sǔnɔ tókúnine n mɔ yé sɔkɔ, nónó-á yé tyíle n yɪkɪ.

²³ Liyel Mirki-á lékám nêne yé kǒ, yé ye kè yé vi mɔ.

²⁴ Yé vi mɔ ne n pɪ pɪ òkù késǎnne à yĩne Liyel-á me ké tyí sǒ, yé mó ne n me tómm ànê yályál liyel yah gbɪ wěkì kóló gbò yõ.

25 Képah yĩnne, yé mìnì yónó yal n mɔ, yè mó gbɩle n yo wě tyí. Yé náh we di, wil gběnsê núkú tãntãn ye á pólle.

26 Yé fɔkɔ-à vyãh yé káh tyípékè pɩ. Gbíyí náh yĩne kè pɔ de yè mó ne n me fòkòvyãhnì sɔkɔ sě.

27 Yé káh yé mɔ n tẽ tẽ wěkì yó ntẽ yɩkɩ mɔ sètãn yòtẽ kɔ.

28 Névi nê-à sò me yĩbele n yĩ, tẽ kè yal mɔ, à mó ñ gblɔy kɔ tòle n pɩ ñ gbãnne yĩnvĩ kěne, à fě kwãh we à névi yó tɔ yohnɩ n mɔ nê-á me yãm neyne.

29 Wèntùkù yó ntẽ náh yĩne kè ne n wil yé vyãh sɔkɔ. Yé wènpèplo óle n wɛkɩ nónó-á kɩ fě névyè yohnɩ mɔ, ànê nónó-á kɩ fě pèpɔrɩ pɩ sé nóhpú tyí.

30 Liyel Mirki me yé sɔkɔ kètònpókó sɔ yé wil tyí, yé káh yèkwɔrɩle n mɔ ké sɔkɔ. Yé náh we di, képah gbò yò sɔkɔ ye yé sě yĩ ké yò ne sò yó-á me n pɩ, Liyel-á kɩ yé pwah mɔ n pɩ pnépné.

31 Yé káh yrɔle n tẽ n sah yé fɔkɔnɩ sɔkɔ. Yé fòkòvyãhnì, ànê mál, ànê wey sòhsòh, ànê gbyɔ yal n mɔ, à tahlɩ népékè pínó duke pól tyí.

32 Yé pɩ néglólé, yé tyí mó ne n me nónóle wě tyí. Yé ne n yò n mɔ wěne n kɔ, sɔ-á Liyel yò mɔ yé kɔ Krista gbò yò.

5

Kyòo sɔkɔ kólóle

1 Yáh pɩ Liyel wènpɩle nónó tyí-á nɔ ñ tyí sě, képah ye yé ñmɔle n yah n pɩ.

2 Yé ye yé tyí nɔ wě tyí, sɔ-á á pól tyí nɔ Krista tyí, té à me ñ gblɔyne Liyel kɔ ápi yĩnne à pɩ sárkále, nê-á me n pò sírr té ké tyí me nɔ Liyel tyí.

3 Yé pɩ Liyel nolé, képah ye fòfikì, ànê pròprò pínó duke pól, à tahlɩ yísesúkú tyí, sépi sɔkɔ yó ntẽ pínó tyí náh yĩne kè ne n nohnɩ yé wró sɔkɔ.

4 Sen pí-ńkě welɔ, ànê wèntùkùnì, ànê nêwãn welɔ tɔ náh yĩne sè ne n wil yé vyey sɔkɔ. Nte pèpɔrɩ pínó wey ye yé yĩne yè Liyelle n kɔ.

5 Yé yĩne yè kè pĩ yĩ ne prònpɩbɩ, ànê nónó-á me sílkínóle Liyel yah, ànê yísesúkú névyèle, pé sɔkɔ yó ntẽ náh n de n pɩ Krista tɔrí ànê Liyel tɔrí sɔkɔ. Yísesúkú pínóle, sãh fálnó dùkù yó ye kéle.

6 Yé káh ye ñnî yó ntẽ kɔ à pɔ yé pilki ñ sòno prènène. Sépi dùkù pínó ye ñkěne n pɔ Liyel kɔ à fòhnó sah ñ tyí yáhlepu yò.

7 Képah ye, yé káh ne pɩ n soh péle pólle.

8 Yé lésò me fěntù sɔkɔ ñgbòle. Nte núkúnúkú yé me kyòo sɔkɔ yé wró kwrónmɔnɔ gbò yò Tě ñgběne. Kyòo sɔkɔ névyè-á n pɩ sɔ, yé tɔ ne n pɩ sě.

9 Yé náh we di, kyòo sɔkɔ kóló ye n pɔ n pɔ pèpɔrɩ pínóle, ànê gbi wěkì kólóle, ànê gbi yónóle.

10 Nê tyí-á nɔ Tě ñgbě tyí, yé gbah tẽ kéle n pne.

11 Yé káh fěntù sɔkɔ tyile n pɩ. Yòre náh me sé tyí. Nte yé sé gbĩne n wɔ.

12 Tyi nónó-á kéne névyè me n wɔbɩ n pɩ, sé tyí yáhnó ntẽ me senné.

13 Nte tyi nónó gbĩ-à wɔ, sépi n ne n me kyòo.

14 Yé náh we di, tyi nónó gbĩ-à wɔ, sé dùkù n ne n pne. Képah ye, kè me yónóle ne:

«Áwɔ nê-á me n dɔ, dɔ n yuku.

Yuku n wil lékyî wró,

Krista kɪ kyòo mɔ á tyí.»

¹⁵ Yé yé pɪ òkùlɛ n kyomɪ palle. Yé káh nɛ n pɪ yĩ pĩ-ńkẽ névyɛ tyí kǒlɛ, yé nɛ n pɪ yĩ pĩpú tyí kǒlɛ,

¹⁶ nónó-á tir nê pínó yòbènɔrɪ-à fyò wɛ pé tyí, pẽ kè pɪ. Yé náh wɛ di, gbĩ nê sɔkɔ-á álɛ, kè náh mɛ palle.

¹⁷ Képah ye, yé káh pɪ lékám kě névyɛlɛ, nte Tě nǵbẽ dyo yĩ tẽ-á nêne, yé gbah n tẽ képahle n pne.

¹⁸ Yé káh tǔ wɔ kè yé tẽ, képah névi tyíle n yɪkɪ. Yé ye Liyel Mirki yé tɔkɔ.

¹⁹ Yé sǒréle n mɔ wẽ sɔkɔ yìgbìnì sɔkɔ yè Tě nǵbẽ n gbilki, yé mó yìlɛ n gbɪ n tyí n Mirki-á nónó dahbɪ yé sɔkɔ. Yé yìlɛ n gbɪ yè Tě nǵbẽne n gbilki yé nno póllɛ.

²⁰ Gbímegbí ànê tyi tyi pól sɔkɔ, yé nɛ n wɛkɪ Sú Liyel tyí á Tě nǵbẽ Yesu Krista yĩn yǔ.

Pɛbɪ ànê pé syó-á yĩne pè tẽ sǔ wẽ tyí

²¹ Yépi nónó-á pɪ Krista yah tíkí pípúle, yé nɛ n sah wẽ tyí yǔ sɔkɔ.

²² Syó, yé nɛ n sah yé pɛbɪ tyí yǔ, sǔ-á yé n sah Tě nǵbẽ tyí yǔ.

²³ Yé náh wɛ di, dí ye sê yòtẽne sǔ-á Kristale n yǔ sǔpú tĩnkì yòtẽne, pépi nónó-á n wil gběnsêle té à mɛ pɪ pé pwáhnmo-òlɛ.

²⁴ Syó yĩne pè nɛ n sah pé pɛbɪ tyí yǔ tyi tyi pól sɔkɔ, sǔ-á Krista yǔ sǔpú tĩnkì n sah n tyí yǔ.

²⁵ Pɛbɪ, yé ye yé syó tyí nɔ yé tyí, Krista yǔ sǔpú tĩnkì tyí-á nɔ sǔ n tyí, fǒó à n min kǔ pé yĩnne.

²⁶ Sě ye sǔ à mɛ ké tyí nɛ pé pé yǔ sǔpú tĩnkì pɪ yályál Liyel yah, ni sɔkɔ wèlnwìlkínó sɔkɔ ànê Liyel wɛy gbò yǔ.

²⁷ A sǔ mɛ ké tyí nɛ pè pɔ pé yah sɔkɔ yályál syii kěne, ànê tĩkìlì-ńsah kěne, ànê yíkí-ńsah kěne, ànê wényo-ńsah kěne pé tyí.

²⁸ Sě ye pɛbɪ tɔ yĩne pé syó tyí nɔ pé tyí pé gblǒy wil gběnsê tyí-á nɔ sǔ pé tyí. Névi nê kyɪ tyí-à nɔ n tyí, n gblǒy tyí ye nɔ n tyí.

²⁹ Yé náh wɛ di, nni yó nte wil gběnsê kǒ náh nne n tẽ dò, tẽ n pyě kéle n pu ńkẽ; n té kè tǔ n sah n tẽ sǔ-á Krista tǔ sah tẽ n yǔ sǔpú tĩnkile,

³⁰ képah nê-á ápile.

³¹ Képah ye, dí kɪ yal n sú ànê n yú tnò, té kɪ kwɔ mɔ n kyile, pé ními kɪ pɪ wil gběnsê núkúle.*

³² Sètĩn sǔ tir nǵbẽ ye kéle. Té nimo kéle n yo nɛ káh mɛ ké yah mɔ Krista ànê n yǔ sǔpú tĩnkì tyí.

³³ Nte kè mɛ ké yah mɔ yépi tɔ tyí. Yé nénúkù núkú pól syó tyí yĩne kè nɔ yé tyí yé gblǒy sǔ, syó nénúkù núkú pól mó yòyénne n sah pé pɛbɪ yǔ.

6

Wěnpì ànê pé dúbípú wẽ tẽ òkùlɛ

¹ Wěnpì, yé nɛ n sah yé dúbípú tyí yǔ Tě nǵbẽ wěkì kóló sɔkɔ. Képah ye plɛ.

² Yòyénne n sah á sú ànê á yú yǔ. Képah ye tir kǒnsàhnó gbenne, vyãh kǒnóle tàhlínóle ké tyí nɛ:

* **5:31 5.31** Yah n tɛ Yenesú 2.24.

³ Wáh képah pí, wáh kí me ñivìni sòkò té kí min sěkì we sétáh yò sòkò.*

⁴ Dúbípú, yépi tò káh yèkwòrile n mò yé wěnpì sòkò. A yĩne Tě ñgbě wěkìle, yé péle n pí, yè mó kwónó pèpeyne péle n kǒ, yè mó péle n vi n mò palle.

Yǒbì ànê pé nátām wě tě òkùlè

⁵ Yǒbì, yé nátām nónó-á sétáh mè yò sòkò, yé ne n sah pé tyí yò tíkì ànê wilsyahrile ké sòkò. Yé kéle n pí yáryár dáhbí-ńkēne ké sòkò Krista tyí sǒ yé n pí kéle.

⁶ Kè káh pí á kí ne pǎh yéle n kyomí képah yĩn sǒ yé n pí kéle, á kí ne névi dyo yǐ tě sǒ yé n yah kǒ pí-ńsahle dé. Yé kéle n pí Krista yǒbì sǒ yéle, yè Liyel dyo yǐ tēne n pí yé nno pólle.

⁷ Yé tǒle n pí pé tyí yé nno pólle, á kí ne Tě ñgbě tyí sǒ yé n pí kéle, kè káh ne n me névi tyí sǒ yé n pí kéle.

⁸ Yé yé dyo sah ne n kwne ne yé nénúkù núkú pólle, nê-à kí sǒ me yǒle ò, nê náh me yǒle ò, tě-á kí ñ tǒ pínó lédyáhní we n pí Tě ñgbě tyí.

⁹ Yépi nónó-á yǒbì nátāmne, yépi tò sěntēne n pí pé tyí. Yé káh dírilè n kǒ pé yò sòkò. Yé pí ne yépi ò, pépi ò, yé pól tyí yǒtě yó-á me yĩnyò sòkò, nê-á à náh ñnì yó ńtēne n tǒkò n pí fónfó ñ ní-òle.

Liyel yò sě-ò méfwóyile

¹⁰ Ké tyé-ńsah, yé ye yé tǎhkì ne n wil Tě ñgbě tēpnēnò ñgbě tyí.

¹¹ Yé Liyel méfwó yí tǒkò, sǒnko yè tě we sétó yĩnví tyi yah kǒ.

¹² Yé náh we di, ápi mékì náh me ké yah mò névye tyí dé. Nte kǎh me ké yah mò nónó tyí pépi ye pí, yǒtāmne, ànê tǎhkìńóle, ànê névye fnèpu nónó-á me tǒle n pí kèkǒyó fěntú mè sòkò, ànê pèkè pí pí mréy nónó-á me tǒle n pí yĩnyò.

¹³ Képah ye, yé Liyel méfwóyí tǒkò, sǒnko yòhnpèkè sǒ-à pò, yè tě n we sépe fwo. Képah-à pí yé kí yĩn gbáhkì núkú yò.

¹⁴ Yé ne n me yé gblǒy vi n sah. Yé ye gbì yónó pí syí kǒle yé tyí, gbì wěkì kóló mó pí vyorì fwòmōnne yé tyí.

¹⁵ Ñivìni tir nê-á yèvinne n kǒ, ké yónó dékè ne me yé sòkò yé gbyèh sòkò lékyèh tyí kǒle.

¹⁶ Yé Liyel yò sěno tě n yĩn mèmèkì swàhkì sǒ yé gbǎn sòkò gbímegbí, yè fě pèkè pí-ò pnépél pól swah kéle.

¹⁷ Yé pwáhnmoñ fě n syi á kí ne vyorì gbétú sǒ yé kwĩnki, yè mó Liyel wey fě n syi kèkírki sǒ Liyel Mirki-á nê kǒ.

¹⁸ Yé ye yé Liyel nínó ànê yé Liyel fàlnó duke pól ne n pí Liyel Mirki yah těno sòkò gbímegbí. Yé gbah tě ne n yuku yahle képah sòkò. Yé Liyelle n ni Yesu yò sěpú tĩnkì pól tyí.

¹⁹ Yé nírilè n pí nmo tǒ tyí, sǒnko Liyel welo pèplo dahbí ní vyǎh sòkò mǎh n wekì gbí nēne, mè n tě n we nìsǎh we mè tyípille n yo n wah nónó-á me Ñivìni tir sòkò.

²⁰ Kéne Ñivìni tir yah yuku yĩn ye kárnne mónóle ní gbǎn tyí wòkònpèkè sòkò yò. Yé nírilè n pí ní tyí ní kǒ mè tě n we kéle n yo nìsǎhle kǎh yĩne sǒ.

Wey téyne

* **6:3 6.3** Yah n te Yálnó 20.12.

²¹ Mé me ké tyí ne yépi tɔ pĩ ní tyí-á me dùkù nêne, ànê tir nê-á mé me n pi. Á yúnpi Tisyiki nê-á ní nénóníne, té me tǒle n pi palle Tě ñgbě tyí, ñmɔ ki pɔ ní tyí kèdùkù pól yo yé tyí.

²² Ñmɔ ye we te n tekɪ n mɔ ñne yé tyí ne à kyɪ á tyí kèdùkù yo yé syah à mó yé nɪ sũ.

²³ Mé kéle n yah n kɔ á Sú Liyel ànê Tě ñgbě Yesu Krista tyí ne pè yèvnɪ, ànê tyínɔnɔ, ànê Liyel yǒ sǎnóle á yúnpyé pól kɔ.

²⁴ Á Tě ñgbě Yesu Krista tyí-á me nónóle nónó pól tyí tyétyéní kěne, mé kéle n yah n kɔ Liyel tyí ne à yǒbènɔri pi pé tyí.

Pole sébéy tékínmɔnɔle Filipi tãn tyí

Tyàh-nsah wey

¹ Nmo Pole ànê Timotele, ápi nónó-á Yesu Krista tònpiɔle, ápi ye n teki n mo sébéyɛ Yesu Krista yõ sěpú pól tyí Filipi kwil sɔkɔ, pépi nónó sɔkɔ yísyó-á yah těpú ànê yòhnìnɔpule, nónó-á yáhntɔkɔnsàhnóle.

² Á kéle n yah n kɔ Sú Liyel ànê Tě ñgbě Yesu Krista tyí ne, pè yòbènɔri ànê yèvinɛ yé kɔ.

Pole-á nírí nêne n pi Filipi kwil Yesu yõ sěpú tyí

³ Gbímegbí mäh sɔ yé tyí sɔkɔ, mè n weki Liyel tyí.

⁴ Gbímegbí mě nírile n pi yé pól tyí ñivìnì sɔkɔ,

⁵ yáh sɔnpíle pi nmo yòhnìnɔpule Ñivìnì tir yónó sɔkɔ, à tɔkɔ ké tyah sɔ duku tyí, pópó à pɔ syi núkúnúkú tyí.

⁶ N sěnyĩnɔ me ké yõ sɔkɔ ne, Liyel nê-á tyah tò pèpey mène yé nno sɔkɔ, wãh ki yõ sɔkɔ ki kéle n tɔ n sah n pi, pópó ki pɔ syi ké pínɛnɔ tyí Yesu Krista syi n pɔ sɔle.

⁷ Yé tyí nɔ yĩ ní tyí. Képah ye, ké yah ye yé pól tyí sɔnɔle ní sɔkɔ sěntěne. Yépi tɔ vyãh me yòbènɔri mè tyí sɔkɔ, Liyel-á nêne n pi ní tyí wòkònpèkè sɔkɔ, ànê mäh sɔ me Ñivìnì tirlɛ n yo n wah gbí nêne, à kéle n wěki ne gbí-á kéle.

⁸ Liyel ye nmo tàrfyòle ne, Yesu Krista tyínɔnɔ nê-á me nmo sɔkɔ, képah-á ní nɔ kɔ kè n yɔri yé tyíle.

⁹ Mäh me Liyelle n ni yé tyí tir nê tyí sɔkɔ, képah ye yò ne: Tyínɔnɔ nê-á me yé sɔkɔ, kè ne n yuku yahle, yé kɔ yé pi lékám névyelɛ, ànê yĩ pípúle.

¹⁰ Képah sɔkɔ, tyi nónó-á yĩne kal, yé ki sɛpile n yah n tɔkɔ n pne. Képah-á pi, yé ki me yályál wényo-nsah kéne yé tyí Krista syi n pɔ sɔle.

¹¹ Képah sɔkɔ, yé ki tyi pólle n pi gbí wěkì yõ Yesu Krista gbò yõ, Liyel yĩn kɔ kè ki pi gblò, té ki n gbilki.

Ñivìnì tir yónó yah yúkúnóle

¹² N yúnpyé, mé me ké tyí ne yé pĩ ne, tir nê-á nmo yĩni tě, kãh yòhnìnɔnɔ pi Ñivìnì tir yónó yah yúkúnó sɔkɔ.

¹³ Yé nãh we di, yòtě dí tɔrí kéte nê sɔkɔ-á ñne wòkònpèkè sɔkɔ, nɛnpó tãn pól ànê no téló pól pĩ ne, Krista tò yĩn-á ñne wòkònpèkè sɔkɔ.

¹⁴ N yúnpyé-á nmo we wòkònpèkè sɔkɔ sě, wãh mo pé kan Tě ñgbě yõ sěno yõ. Kãh pi sě, pé nɔ tɔ gbah syãh, pè Liyel weyɛ n yo tíkí kéne.

¹⁵ Gbí tě wɔ ye, túkù me nmo dyɔ yɔ yĩnne Krista tyíle n yo à pé gblɔyɛ n tɔkɔ n pi fónfó nmo. Nte túkù tě wɔ me kéle n yo sɔnɔ pèplɔle pé sɔkɔ.

¹⁶ Tyínɔnɔ sɔkɔ ye pépi n pi képahle. Pè pĩ ne Ñivìnì tir gbí yo n wah yĩn-á ñne ásô.

¹⁷ Nte nónó tě wɔ-á Krista tyíle n yo à nmo n fwo, pépi sɔnɔ nãh me ple. Pè me n sɔ ne pãh ki wãh mo n pi nmo wòkònpèkè sɔkɔ dénó yèvyãhri yõ.

¹⁸⁻¹⁹ Nte képah nãh me tir yóle nmo tyí. Kè sɔ pi sɔnɔ túkù sɔkɔ ò, kè sɔ pi sɔnɔ pèpey sɔkɔ ò, Krista tyí tě wɔ me n yo. Képah ye, kè me ñivìnine nmo tyí.

Té ñmɔ pĩ ne yépi nírí ànê Yesu Krista Mirki yòhnìnmonɔ gbò yõ, yĩ mè-á me n pi ñmɔ pwáhnmonɔ wěkì yõ. Képah ye, ní nɪ kɪ tɔ̃ n vɪ n yuku n pi yahle.

²⁰ Máh me nê sykɪ tẽ kègbɪle, té ní gbò sàhnó me ké yõ, képah ye ne, sen káh ní tẽ ní tyípíní yó rítẽ sɔkɔ pólle. Nmɔ sěnyĩnɔ me ké yõ sɔkɔ núkúnúkú ànê gbímegbí ne, máh se wũ min sɔkɔ ò, máh se ku ò, képah-á kɪ Kristale n gbilki.

²¹ Yé náh we di, ñmɔ ménó yõle min sɔkɔ, Krista gbilki yĩn ye. Té kúnóle, yõre wénó ye kéle ñmɔ tyí.

²² Nte min sɔkɔ tẽnó-à kɪ ñmɔ kɔ mé fẽ tò we n pi n pi yõre-á me nê tyí, mé yĩne mè nê tẽ yah n tokɔ wé?

²³ Nmɔ me tòtò sɔnɔ sɔkɔ. Mé me ké tyí ne mé yal kèkõyó mè sɔkɔ mé n kyɪ n tẽ Kristale, képah tyí me kal ní tyí.

²⁴ Nte ní tẽnóle min sɔkɔ, yõ me képah tyí kal yépi yĩnne.

²⁵ N sě́nó me ké yõ, ànê mé pĩ ne máh kɪ wũ, kɪ n tẽ n pi yé pólle, yé yah yuku yĩn ànê yé nìvìnì we yĩnne Liyel yõ sě́nó sɔkɔ.

²⁶ Képah sɔkɔ, ñmɔ syínponole yé tñò, kè kɪ yé kɔ yé kɪ Yesu Kristale n gbah n gbilki.

²⁷ Nê tẽ-á tah kal, yé yé minne n pi à yĩne Krista Nìvìnì tir yónóle. Képah sɔkɔ, máh kɪ sɔ̃ pɔ wil yé tyí ò, máh kɪ sɔ̃ pɔ n wíl-ñkẽne yé tyí ò, mé kɪ me yé tyíle n nohnɪ ne yáh me su yĩn gbáhkì núkú yõ sɔnɔ núkúle yé sɔkɔ, té me so wẽ tyí à gbah tẽ Nìvìnì tir yõ sě́nó yah yúkúnó tyí sɔkɔ.

²⁸ Yé káh ye yé sépé́bí kɔ pè yé wore tir yó rítẽ sɔkɔ. Képah sɔkɔ ye pè kɪ pĩ ne pé tyí yɪkɪ yɪkɪ wěkì yõ-á péle, té yépi-á me pwáhnmonɔ wěkì yõ. Liyel ye n pi sépi pólle.

²⁹ Yé náh we di, Liyel ye yòbènrɪ pi yé tyí yé kɔ yé pi Krista yõ sě́púle. Té kè náh yĩn n̄ yõ sě́nó ó tyí dé, yé kɪ tɔ̃ yèvyāhrɪ tɔ we n pi n pi ñmɔ yĩnne.

³⁰ Yépi ye me mékìle n fwo Nìvìnì tir yah yúkúnó tyí sɔkɔ ñmɔ tyí kɔle, sɔ̃-á lésò yé ní we mé me ké mékìle n fwo. Té ñmɔ me yõ sɔkɔ sě́ kéle. Yépi rítẽ pínó me ké sɔkɔ ó.

2

Krista gblõy tíkínmonole ànê n̄ né-ñgbě̀ dùkùle

¹ Yé wró kwrónmonole Kristale, kè me sórèle n mɔ yé sɔkɔ. N tyínɔnɔ nê-á yé sɔkɔ, kè me yé nnole n sũ. Yé wró me kwrónmonole Liyel Mirkile. Yé me wẽ yāmne n yah, té me pèpɔrɪle n pi wẽ tyí.

² Káh pi sě́, núkúnúkú tẽne, yé ne n sah núkú yõ. Tyínɔnɔ dùkù núkú yĩne kè ne n me yé sɔkɔ, yè mó yé fɔkɔ táh ànê yé sɔnɔ pi núkúle. Yáh képah pi, nìvìnì ye yé kɪ mɔ yíí ñmɔ sɔkɔ.

³ Yé káh tir yó rítẽne n pi wẽ fwónó sɔkɔ. Yé káh yé gblõyne n wěkɪ. Yé yé gblõyne n tiki n mɔ, yè mó no télóle n tokɔ n pi fónfó yé gblõyne.

⁴ Yé sɔkɔ yó rítẽ káh ne n yah n̄ yěngbě́ tyi ó tyí dé, yé ne n sɔ̃ n kal no téló tyí sɔkɔ.

⁵ Sɔnɔ nê dùkù-á sò me Yesu Krista sɔkɔ, yé ye kéne sɔnɔ dùkù nê me yépi tɔ sɔkɔ.

⁶ Nmɔ me núkúle Liyelle,

té nê-á yĩne ñne, à náh sò me kéle n yah n kɔ káhkáh.

7 Nte à sépi pól we ye
té n̄ gblǒy pi yǒle,
à n̄ gblǒy pi névile.

No pól sǒ ñne n pne névile.

8 A n̄ gblǒy tiki mo
à n sah Liyel tyí yǒ,
à syi po dahni yǒ kũ ku.

9 Képah ye, Liyel me ñmo dokó sah kal no pólle,
té yín-ńsah ñgbēne à kǒ kal no téló pólle.

10 Képah sokó, yí nónó pól-á me yínyǒ sokó,
ànê sétáh yǒ, ànê lékókwíl,
sé pól ki sé gbètukunó di Yesu yah sokó,*

11 té ki n yo ne Yesu Krista-á TĚ NGBĚNE,
Sú Liyel yín kǒ kè ki n gbilki.

Yesu yǒ sǎpú-á yīne pè ne n pi sǒ

12 N̄ nénónó, máh sǒ me yé wró sokó té yé me n nohni sǒ ní tyí gbímegbí,
núkúnúkú mé náh me yé wró, ñte mé kéle n yah n kǒ yé tyí ne yé wǎn mo
sǎ yé nòhnínó yǒ. Yáh fyò pwah mo, yé tòle ne n pi tíkí ànê wílsyahri sokó
képah yīnne.

13 Yé náh we di, Liyel ye n dahbi yé sokó tò pínó dékèle à yīne ñmo-á me
ké tyí sǒ, n̄ té ké pínó tǎnwenole yé kǒ yé kéle n pi à yīne ñmo-á me ké tyí
sǒ.

14 Yé tyi pólle ne n pi wènkýǒ wékí-ńkēne, ànê yékâb kēne.

15 Képah sokó, yé ki pi pèkè kǎ névyele, pè náh wényo-ńsah we n pi yé
tyí. Yé ki pi Liyel wǎnpìle, lékàh kǎ névyele kèkǒyǒ névyele wró, pépi nónó-á
yínvī ànê népèl ó pé tǒó. Yépi yīne yè pi kyòole pé tyí, sǒ-á ńwǒ kèpyele
kyòo yínyǒ sokó.

16 Té wey nê-á minne névyele n kǒ, yé képah yo pé tyí. Képah-à pi, kè
ki pi yǒ yǒnóle ñmo tyí Krista syi n po sǒle. Té kè ki tǒ kè wǎki ne máh
yèvyǎhri ànê tǎn nónó pi sokó, sè náh pi yǒ kēne.

17 Yépi-á yèvyǎhri nê pi Liyel yǒ sǎnó yīnne, ñmo-à ki sǒ me yīne mè n
ko n pi sárkále à tahlí képah tyí ò, nìvìnì ye kéle ñmo tyí. Té mé me ké
nìvìnì sokó yé tole.

18 Yépi tole, yé ne n me nìvìnì sokó, yè ké nìvìnìne n pi ñmole wǎ tyí.

Timote ànê Yepafroditi tyípínine

19 Ñmo gbǒ sàhnó me TĚ ñgbē Yesu yǒ ne máh ki Timote tò yé tyí kè náh
tǒ n mo n pi. Képah sokó, wáh ki kyí yah yé tyí té n̄ syi, à ki po yé tyí
kèdùkù we yo ní syah ní n̄ kǒ kè ki de.

20 Yé náh we di, ñmo ó me ñmo tyí nê ni-á me n yori yé tyíle ñmo tyí
kǒle.

21 No téló pól tǎ wo me n yah pé yǎngbē tyi ó tyí, pé dyo náh me n kwne
Yesu Krista tò tyíle.

22 Nte Timotele, yépi n̄tē pī ne tyípínì sokó-á à kè wǎki ne, tǒnpi pèpèy-á
péle. A n̄ gblǒy kǒ Nìvìnì tir yónó tò sokó ñmole wǎ tyí, sǒ-á wǎnpir tòle n
pi n̄ sú tyí.

* 2:10 2.10 - Yah n te Yesayi 45.23.

²³ Képah ye, ní tyí-à kɪ fyò pɔ sah gbáhkì nùkú yǒ, òmɔ ye mé me n yah ne máh kɪ nùkú tǒ yé tyí.

²⁴ N sɛnyĩno me ké yǒ ne Tɛ ñgbɛ gbò yǒ, òmɔ ntɛ tɔ-á kɪ pɔ yé ònne kè náh n mo n pi.

²⁵ Nte mé kè we, mé yĩne mè ní yúnpɪ Yepafroditi kǒ à ò syɪ n yuku yé ònne. N kó-ò ye ònne, tǒ nùkú pípú ànɛ mékì nùkú fwópú tǒ ále. Yépi ye ní fyáhnó we, té à wilki tǒ ní tyí à pɔ ní yohnu mɔ.

²⁶ Yé pól we dékè me à tɛ yí, té yáh noh ò yónó tyí sɔkɔ, kè me yótókóbúle ò tyí.

²⁷ Kègbɪ yǒ, à sǒ me n yɔ. Fárko fárko à náhkɪ ku. Nte Liyel me ò yám yah. Tɛ kè náh pɪ ne òmɔ ó yám sǒ à yah dé, òmɔ tɔ yám ye à yah wán kǒ kè náh n mɔ n pi ní yèkwɔri yǒ.

²⁸ Képah ye, mé kɪ à kǒ à kɪ ò syɪ yuku súú yé ònne, yé kǒ yáh kɪ à we, kè pɪ ònne yé tyí ntǒ, kwáh mó wilki òmɔ tɔ yèkwɔri sɔkɔ.

²⁹ Képah ye, yé à tɛ ple ònne sɔkɔ Tɛ ñgbɛ yĩne, yé mó sɛnkno névyele ne n sǒ.

³⁰ Yé náh we di, Krista tǒ yĩn ye à ku farkɪ. Yépi-á ne yé òmɔ yohnu n mo yí nónóne, té yé náh fɛ n pɔ séle ní kǒ n pi yé gblǒy, òmɔ fɛ syɪ kǔ dlo gbal à sè syɪ pɔ ní kǒ.

3

Kóló pèpeyne Liyel yah sɔkɔ

¹ N yúnpyé, yé ne me ònne sɔkɔ yé wró kwrónmɔno yĩne Tɛ ñgbɛne. Máh tyi nónó yɔ sɔkɔ te yé tyí, kè náh me kwlónóle ní tyí kɪ tǒ ní syɪ sè wárkɪ tekɪ mɔ yé tyí. Képah ntɛ ye kɪ yépi yohnu mɔ yéki tɛ wɛkì pèpey yǒ.

² Yé yé gblǒyne n kyɔmɪ tǒntùkù pípúle, kéne pàhlóle, pépi nónó kǒkè kǒnó-á wil fí yó ó kǎmnóle.

³ Ké gbɪ tɛ yǒ, ápi wɔ ye kǒ kǒkè pèpeyne, képah nɛ-á Liyel yĩn gbílkínóle ò Mirki gbò yǒ. Kè me yǒ yǒnóle á tyí áyáh we kwɔ mɔ Yesu Kristale té á náh me á gbò sah á gblǒy yǒ.

⁴ Nnɪ yó tɛ-à fyò fɛ ò gbò sah n pi ò gblǒy yǒ, gbɪ kɪ sǒ fɛ we òmɔ tyí kal tɛne kɪ ní gbò sah ní gblǒy yǒ,

⁵ òmɔ nɛ-á kǒ ní dúbínó sèpɪn kwártǒ-ò sǒle, té mó tǒ pɪ Yisrayel neyne à wil Bɛnsyame yìkì sɔkɔ. Yebreke ye ònne, ní dúbípúle Yebreni ye péle. Nsyifunɔ tyi kǒnsáhnó wǎl kópú nónó-á pè n ye Farisi wɛkì kópúle, pépi sɔkɔ ney yó ye sǒ ònne.*

⁶ Té à yuku gbáhtɛno tyí ònne kéne wǎl kóló sɔkɔ, mé sǒ me Yesu yǒ sǛpú ònkile n fǒh. A tǒ yuku kéne wǎl kóló tyí ònne, ney náh sǒ fɛ lékàhle n kǒ n pi.

⁷ Nte kéne tyi nónó-á sǒ me yǒre tyile òmɔ tyí, nùkúnúkú mé me pɔ sè we syíkínó tyile Krista yĩne.

⁸⁻⁹ Gbɪ yǒ, Tɛ ñgbɛ Yesu Krista wénpĩno-á pɪ pèpɔri ñgbɛ nɛne òmɔ tyí, képah yĩne mé me tyi nópɪ pólle n yah syíkínó tyile. Mé me ké tyí ne mé pɪ Krista tyile, ànɛ ní wró mó kwɔ mɔ ònne. Képah ye ní kǒ mé fɛ syɪ ní

* 3:5 3.5 - Nsyifunɔ pólle, Yisrayel no ye péle. Yisrayel no pólle mó, Yebreni ye péle.

náh vi tyi pól kǒ, té sé pólle n yah tú yǒ yí tyí kǒle. Mé náh tǒ me n sǒ ne tyi kǒnsàhnó wǎl kóló-á pɪ níne tómm dé. Krista yǒ sǎnó gbǒ yǒ ye mé pɪ tómm. Liyel ye n pɪ névile tómm Krista yǒ sǎnó gbǒ yǒ.

¹⁰ Nmo-á me nê tyí kɛpah ye yò ne, mé Krista pĩ ànê tǎhkì nê-á yilki mo ò lékóle, ànê ní vyǎh mó we ò yèvyǎhrɪ pínó sǒkɔ, mé mó n pɪ ò tyí kǒle ò ku òkù sǒkɔ.

¹¹ Kɛpah sǒkɔ, ní sǒnɔ kɪ me ké yǒ ne ní tǒ lékó-á kɪ pɔ n yilki n mo n pi.

¹² Kè náh me á kɪ ne nê-á mé n yah n kǒ mé sǒ kè we te, ànê ní tyí sǒ pɛkɪ syɪ ké yǐn tyí dé. Nte mé me yǒ sǒkɔ ní tólóle ne mé gbah n tǛ mé kè we, kɛpah nê yǐn-á Krista ní ye pɪ ònmo ó tyíle.

¹³ Óǒ dé ní yǔnpyé, kè náh me á kɪ ne nmo sǒ kè we te. Nte nê-á mé me n pɪ, kè we yò: Tyi nónó-á sǒkɔ te, mǛ ní dyɔ mo n fwɔ sépi tyíle, ò té yah tǐn tyíle n yǐkɪ.

¹⁴ Mé me n to ké yǐnne n yǐkɪ yǒre we yǐnne Liyel-á ále n ye ne á pɔ nê syi yǐnyǒ, Yesu Krista gbǒ yǒ.

¹⁵ Api nónó pól Yesu yǒ sǎnó-á de yǐn, sǛ ye á yǐne à ne n sǒ. Nte sǒnɔ kǎhkí-à kɪ se me yé sǒkɔ tir yó tyí sǒkɔ, Liyel kɪ tǒ kɛpah òkùle yé wǛkɪ.

¹⁶ Kàh kɪ sǒ n pɪ sǒ, áyáh me n kɔ wǛkì nê yǒ à pɔ syi núkúnúkú tyí, á ye yǒ sǒkɔ ne n yuku yahle kɛpah ó yǒ.

¹⁷ N yǔnpyé, yé nmole n yah n pɪ. Áyáh pɪ òkù nê wǛkɪ, nónó-á me kɛpah wǛkìle n kɔ, yé pépile n yah n pɪ.

¹⁸ Mé ye kè yo sǒkɔ te yé tyí gbáhyí náhnáhle, té tǒ me ní syi kéle n yo yé tyí gbní sǒkɔ núkúnúkú ne, Yesu Krista dahnɪ yǒ kúnó-á nêne n pɛkɪ, névye náhnáh pɪ òkù-á me kéle n wǛkɪ ne pǎh me kéle n fwɔ.

¹⁹ Pépi tyí-á kɪ pɔ n ykɪ n pi ké tyé-ńsah sǒkɔ. Pé kèkurn-á pɪ pé líyelle. Tir nê-á sennɛ pè tǛ n pi, pè n ne me pé gblǒyne n gbilki kɛpah sǒkɔ. Kèkǒyǒ yí ó tyí-á pépi n ne n sǒ.

²⁰ Api tǛ wɔ sú fǒ me yǐnyǒ sǒkɔ, níyǎh sǒkɔ-á á pwáhnmo-ò nê-á TǛ ògbǛ Yesu Kristale, à kɪ n wil n pɔ n pi, áyáh me ònmo nêne n òkɪ.

²¹ Api wil gbǛnsê nê-á sohki kǛne, à kɪ pɔ kè vi mo pɪ ònmo wil gbǛnsê tyí kǒle, nê-á gbílkínó me n sah ké yǒ. N tǛpnèné gbǒ yǒ ye à kɪ pɪ kɛpahle, nê-á yíyǐn pól kǒ sè n sah ò tyí yǒ.

4

¹ Kɛpah ye ní yǔnpyé pèplo, yé gbah n tǛ sǛntǛne yé yé sǒnɔ sah yǐ TǛ ògbǛ yǒ. N nénónó, yé we dékè me ní kah tǛ. Yépi ye nmo nìvìnì yǒle, ànê yépi ye yǒ nmo yǒle.

Pole-á vǐnmɔnɔ nê kǒ

² Mé kéle n yah n kǒ Yevodi ànê SǛtisyi tyí ne, pè pé wró kwɔ n mo TǛ ògbǛ wǛkì kóló sǒkɔ.

³ Té áwɔ nê-á tǒ núkú pí-ò pèpɛyne nmole, mé kéle n yah n kǒ á tyí ne á Yevodi ànê SǛtisyi yohnɪ n mo pé wró kǒ kè kwɔ n mo. Yah, syó yísyó ye péle, nónó-á so mo nmo tyí á gbah tǛ Nìvìnì tir yah yúkúnó tyí sǒkɔ. Klema tǒ sǒ me péle, ànê ní tǒ núkú pípú tǛlǒle, pépi nónó yni-á me wǎrkínsàhnóle tyé-ńkǛ min névye yni sébéy sǒkɔ.

⁴ Yé ne n me nìvìnì sǒkɔ yé wró kwɔnmo n yǐnne TǛ ògbǛne gbíme gbí. Mé kéle n tǒ n yo yé tyí, yé ne n me nìvìnì sǒkɔ.

⁵ Yé yah, Tě ñgbě pónó me yúkey. Yé ye no pól yéle n pne népépló tyí sòkò.

⁶ Yé káh n ye yé yáh-ńsah tye tir yó ńtēne. Té tyi tyi pól sòkò, kwáh nê yétô-à yé tē, yé kè ni Liyel tyí nírí pínó sòkò, yè mó wẹkɪ ñ tyí ñ pèpɔri pínó yĩnne.

⁷ Képah sòkò, ñ yèvinɪ nê-á kǎn pɪ névi sǒnɔle, képah kɪ yáh-ńsah tyénó yah kǒ déńóle yé nno ànê yé sǒnɔ sòkò, yé wró kwrónmɔnɔ gbò yǒ Yesu Kristale.

⁸ Nê-á mé kɪ yo yé tyí ké tyé-ńsah sòkò ní yǔnpyé, tyi nónó-á me gblɔle, té yĩne gbílkínóle, ànê tyi nónó-á me tómtóm té me yályál, ànê tyi nónó tyí-á kɪ fě nɔ névi tyí té à kɪ sè fě syi, ànê tyi nónó-á me tyípénalle té me n mo n kǒ, yé ye sépi ó ne me yé sǒnɔ sòkò.

⁹ Yáh tyi nónó sǎh ńmɔ tyí, té nónó we tɔkɔ ńmɔ tyí, ànê yáh tyi nónó noh ńmɔ tyí, té ní we mé me tyi nónóne n pɪ, yé ne n kɔ sépi wǎl yǒ. Képah sòkò, Liyel kɪ me yéle ñmɔ nê-á yèvinɪne n kǒ.

Pole wékínóle Filipi kwil tǎn tyí, pé pèpɔri pínó tyí sòkò

¹⁰ Mé ñivìnì ñgbě we Tě ñgbě wěkì kóló sòkò, yáh sǒnpíle tē we kè we wěkɪ ńtǔ ne ní tyí-á me tah yé tyí. N tyí sǒ me tah yé tyí, ñte yé náh sǒ me syǒ-ńsah we à fě kéle ní wěkɪ.

¹¹ Kè náh pɪ ne ní fyǎhnó sǒ ní kǒ mé képahle n yo dé. Máh nê sǎh képah ye yò ne, kè sǒ òkù nê óle, kè n ne n me yínénóle ńmɔ tyí.

¹² Mé ní minne n pɪ n pne yǎm sòkò, té mó tǔ kéle n pɪ n pne tahrɪ sòkò. Tyi pól sòkò ànê duke duke pól sòkò, ńmɔ n fě ní minne ne n pɪ. Káh se tēkɪ sòkò ò, káh se kwẹkɪ sòkò ò, mé ní gblǒy dar mɔ sépi pólle. Mé ní minne n pɪ n pne tahrɪ sòkò, té mó tǔ kéle n pɪ n pne fyǎhnó sòkò.

¹³ Mé kɪ fě tyi pól pɪ Yesu Krista gbò yǒ, ñmɔ nê-á tǎhkìle ńne n kǒ.

¹⁴ Nte képah fyé yǒ, yé pɪ ple gbò dáhbínóle ní tyí ní yèvyǎhrɪ gbí sòkò.

¹⁵ Filipi tǎn, yépi ńtē pínó me ké sòkò ne, Nìvìnì tir yónó tyah gbíne ye tĩnne, gbí nê-á sǒ mé yal Masedonɪ sòkò, à wil yépi tyí sòkò yépi nónó-á pɪ soh ńmɔle à kwáhle ní kǒ, té kwáh we syi ní tyí, Yesu yǒ sǐpú tĩnkɪ yó ńtē náh tǔ kwáhle ní kǒ.

¹⁶ Gbí nê ńtē fyé-á sǒ mé me Tesaloniki kwil sòkò, gbáhyí núkú ó náh yé tekɪ mɔ ní tyí yòhnɪnmɔnɔle.

¹⁷ Kè náh me á kɪ ne mé sǒ me ké tyí ne, yé yíle ne n yĩ ńne n kǒ dé, ñte mé me ké tyí ne wǎn mɔ yé pèpɔri pínó yǒre wénó yǒ.

¹⁸ Yáh yí nónó pól tekɪ mɔ ní tyí, mé sè we syi, kwáh yó ńtē náh tǔ me ní tekɪ. Yepafroditi-á fyò pɔ yòhnɪnmɔnɔle ní kǒ, nê-á yé à kǒ ne à pɔ ní kǒ, mé núkú pɪ kwáh ńtēne. Kéne yòhnɪnmɔnɔ mène, tyípépěy ye kéle Liyel yah sòkò, wǎh nê fě syi, té ké tyí nɔ ñ tyí.

¹⁹ Nmɔ Liyel nê-á tahrɪle ñ tyí tyétyéní kě, à kɪ syǒ Yesu Krista tyí, kɪ yé yétô yí pólle yé kǒ.

²⁰ Gbílkínó ne n sah ápi Sú Liyel yǒ gbíme gbí. Amiina!

²¹ Yesu Krista yĩn yǒ, yé weyne Yesu yǒ sǐpú nénúkú núkú pól kǒ ní tyí . N yǔnpyé Yesu yǒ sǐpú nónó-á me ńne ásò, pé tɔ n wẹkɪ yé tyí.

²² Yesu yǒ sǐpú pól n wẹkɪ yé tyí, ké dú dɔkɔ nónó-á me tǔle n pɪ yòtē dí Sesar tyí ásò sòkò.

²³ Tě ñgbě Yesu Krista yòbènɔrɪle ne n pɪ yé pól tyí.

² Mé me ké tyí ne nìsāh we pé soko, pé mó pi núkúle tyínnono soko, lékām mó ne me yíí pé soko. Képah soko, pé ki Liyel tir wōbìnsàhnó pí, nê-á pi Kristale.

³ Yōre nê-á yípi ànê pnèno soko, ké pól me wōbìnóle òmò soko.

⁴ Mé tir mènne n yo yé tyí sōnko ònî yó òtē káh n pò yé pilki vyáhsesyíri soko.

⁵ Gbì ye, òmò tē wò náh me yéle fí núkú soko ó, òte mé me yéle sōno soko. N ni me vínóle yéle, máh kè we yé me yé tah sah té me Krista yō sēno koh tē yīn gbāhngbāh.

Min pínóle Krista gbò yō

⁶ Yáh fyò kè fē syi ne yé Tē ngbē-á Yesu Kristale, yé yé minne n pi yé wró kwrónmōno soko òmòle.

⁷ Yesu yō sēno nê-á me yé soko, yé ye ké yāhnì ne n me dínyīnole ò soko, yè mó yé min pólle n pi òmò tyí yō. Yé ne me sūnyīnole Yesu yō sēno soko sō-á pé yé kwò kéle, yé mó pi Liyel pèpòri pípi ògbnole.

⁸ Yé yé gblōyne n kyomi sōnko ònî yó òtē káh n pò tyídì ànê kèkōyó tyi toko à yé pilki tē mìnì tyile, ò névi yōtāhsyi lékāmne. Sè náh me wēkì núkú yō Krista tyile.

⁹ Yé náh we di, Liyel me tēnóle Krista soko ò tōó.

¹⁰ Yíyìn pól me yépi tyí òmò gbò yō. Òmò ye yōtōrí ànê tēnwēnono pól yōtēne.

¹¹ Yé wró kwrónmōno gbò yō òmòle, yé kòkè kō. Kéne kòkèle, névi gbò pínó náh kéle, Krista pínó ye kéle sōnko kè á wilki á tyípekè soko.

¹² Yé náh we di, yáh wēlnwīlkínó we ni soko, kè me á ki ne yé lékyí sō yí òne wē tyí, té me yilki mò òne wē tyí, yáh sōnpíle sē Liyel tāhkì yō, nê-á yilki mò Krista lékóle.

¹³ Ngbòle, yé lésò me lékyí sō yé tyípèl ànê kò-òkē yīnne. Nte núkúnúkú, Liyel ye minne yé kō ànê Kristale wē tyí. Á tyípèl pól yō mò á kō.

¹⁴ Ayáh Moyisi tyi kōnsàhnó dèl pi té lékàh nê ki sò pò á kō n pi, Liyel ye képah niri to á tyí, té ké tyí yiki Krista syínó gbò yō dahnì yō.

¹⁵ Yōtām ànê tēnwepu nónó-á me yīnyō, Liyel ye pé tāhkì tyí yiki kwèyy. À pé pi yèdīmòle no pól tyí à n yori n kō wòkònpèkè soko névyé tyí kōle Krista kúnó gbò yō dahnì yō.

¹⁶ Káh pi sē, yé káh n ye ònî yó òtē yé tuke yōke képah náh pi wò wò kwāh yīnne. Yé káh n ye tē yé tuke syáh yó, képah náh pi òwō sán yó wīlnó, képah náh pi mi mi yòh tyí soko.

¹⁷ Sépi pólle, yípeplo nónó-á me n pi, sépi kètò ye. Nte ké kègbì tēne, Krista ye.

¹⁸ Névyé nónó-á n pi á ki ne pé sō me pé gblōyne n tiki n mò yīnyō tōnpibi yah, té me gbílkinóle n sah pé yō, té me pé tah sah pé dléy tyile n mò n kō, yé káh ye pé soko yó òtē yé yah kō yah yúkúnóle. Pé gblōy ye pé n gbilki pé foko táh tyi sōnole.

¹⁹ Krista nê-á yōle, pé yahle òmò sō tēnóle. Té òmò gbò yō ye gbèl tél-òtān ànê yāhlo wil gbēnsē tātān pól tel sah wē tyí, wil gbēnsē kō kè fē n kyāh à yīne Liyel-á me ké tyí sō.

20 Yé ku Kristale wě tyí, té pwah mo wilki kèkõyó sètãn tyi tãhkì gbò. Nte kwâh nê pi té yé tã yé minne n pi á ki ne yé sã me kéne tyi gbò sò soko, à fě syi pè kò pè yéle n kyí n mo n mo sɛnkno tyi soko ntõ wé? Pè n ne:

21 «Káh kwâh mē tókò, káh kwâh mē yõ, káh n tũ kwâh mē tyí.»

22 Kéne yí pólle, á ki fě á gblõy tyí pekú séle ke nukú óle, té sè ki pi yõ ké yíle. Névyé yah yíi tyi kònsàhnó ye séle à tahlí pãh kwónó nónóne n kò.

23 Gbì ye gbílkínó sàhnóle yínyõ tònpi bi yõ ànê gblõy tíkínmòpule sé yah soko, ànê wil gběnsê fòhnóle. Sè me á ki ne yípi tyi sã séle. Nte yõre nãh me sé soko yó ntě tyí. Névi dyo yíi tyi ó ye séle.

3

Min pínó késãnne Liyel wěkì kóló soko

1 Yépi to lékyí-á fyò yilki mo ànê Kristale wě tyí, yé Liyel fò yíle n yah n kò, nýãh soko-á Kristale tẽnóle Liyel gbòyò sòle.

2 Yé ne n sò Liyel fò yí tyí soko, yé káh ne n sò sètáh yõ yí tyí soko.

3 Yé nãh we di, yé ku té yé min me wòbìnsàhnóle Krista soko Liyel tyí.

4 Nte Krista nê-á yépi minne, ñmo-á sò nêne wil mo, yépi to ki wil mo ñne wě tyí ñ tórí soko.

Pi dùkù kedyâh ànê pi dùkù késãnne

5 Tyi nónó-á pi kèkõyó mē tyile, yé sépi yal n mo, sépi nónó-á pi: Pròprò pínóle, pòpò pínóle, dékè tyi pínóle, dékè túkúnine, à tahlí yísesúkú pínó tyí, kèpah nê-á sãh fálnó dùkù yóle.

6 Kéne tyi dùkù ye n yori n mo Liyel fòkòvyãhnine ñ yóré yãhnlepu yõ.

7 Ngbòle sò, yé min-á lésò me tyípekè yõri soko, sɛntě ye yé me n pi.

8 Nte nukúnúkú, tyi nónó-á yé yíne yè milki, sè we yò: Fòkòvyãhnine, ànê mál pínóle, ànê népekè pínóle. Gbyo ànê wènpèkè yó ntě káh ne n wil yé vyěy soko.

9 Yé káh minine n yo wě tyí. Yé nãh we di, yé yé nãh vi yé min pi dùkù kedyâh kò te, à ké tyípinì pól milki,

10 té me pi dùkù késãnne n pi, kèpah nê-á Liyel me n vi n mo gbímegbí, sònko yè pi ñmo tyí kòle, yè mó ñne n pi yuku yahle ñmo nê-á mo yéle.

11 Kèpah soko, wãhkì nãh tã n we n pi yikini téló ànê Nsyifunò wró soko, kènkòbe ànê kò-ñkèpú wró. Kè nãh tã me á ki ne yãhnkò wo-á yí pi, té nyo me nãh yí pi. Kè nãh tã me á ki ne nyo yõ-á té nyo me gblõy yõ névile. Nê-á me n mo n kò, Krista ye. Nmo ye yiyini pólle té me no pól min soko.

12 Liyel-á fyò yépi yah wilki pi ñ nole, à yé pi yályál ñ yah soko, té yé tyí me no ñ tyí. Kèpah ye, yé pi névyé yãh yáhpú, ànê pèpòri pípúle, ànê gblõy tíkínmòpule, ànê népir névyéle, ànê nónó-á tyile n sro.

13 Yé wě sómnóle n pi. Nni yó-á sã pi de ñ ní-ò tyí, yé yõ mo wě kò. Tě ñgbě-á yõ mo yé kò sã, yépi to ne n yõ n mo wěne n kò sɛ.

14 Nte nê-á kal sépi pólle, yé tyí no wě tyí. Tyínòno gbò yõ ye yé wró ki me kwrónmòpule palle.

15 Krista yèvinu nê me yé soko. Liyel ye yé ye kéne yèvinu we yinne, sònko yè pi wil gběnsê nukúle. Yé pi pèpòri pípúle.

16 Yé ye Krista wey tò pi yíi yé soko. Yé wěne n kwò, yè mó wěne n vi n mo yípi soko. Yé pi pèpòri pípúle Liyel tyí yé nno pólle, yè mó ñne n

gbal, yè n̄ yīn gbilki gbilki yìle n gbi, à tahlı Liyel Mirki-á yè nónó dahbi yé sɔkɔ.

¹⁷ Yâh tyi nónóné n yo té tyi nónóné n pi, yé séle n pi Tě ñgbě Yesu yīn yō, yé weyne Sú Liyelle n kō ñmɔ gb̄ yō.

Yesu yō sěpú wě tě òkùle kóhkí sɔkɔ

¹⁸ Syó, yé ne n sah yé pɛbi tyí yō káh yīne sō Tě ñgbě wěkì kóló sɔkɔ.

¹⁹ Pɛbi, yé ye yé syó tyí nɔ yé tyí, yé káh peke tě pé yō.

²⁰ Wěnpì, yé ne n sah yé dúbipú tyí yō tyi tyi pól sɔkɔ. Képah ye Tě ñgbě n yah n kō yé tyí.

²¹ Dúbipú, yé káh fòkònyàhn̄ne n mɔ yé wěnpì sɔkɔ kè kō kè pɔ pi wilkún̄ne pé tyí.

²² Yōbi, tyi tyi pól sɔkɔ, yé ne n sah yé yõtām tyí yō nónó-á me sétáh mè yō. Yé káh tôle n pi pé tyí pàh yéle n kyɔmı gbí nê óle, á kɪ ne névyé dyɔ yī tě sō yé n yah n kō pí-ńsahle dé. Nte yé yé gbl̄y tiki mɔ kéle n pi fɔkɔ pépérle yáh sɔnp̄le me Tě ñgbě yah tíkile n pi.

²³ Yâh sō tō nê òkùle n pi, yé kéle n pi yé nno pólle Tě ñgbě tyí sō yé n pi kéle, kè káh ne n me ne névi tyí sō yé n pi.

²⁴ Yé p̄ ne nkě Tě ñgbě-á kɪ pɔ yépi tɔ dyah n pi yípépl̄le, wáh sépi nónó yah sah n̄ no yīnne. Yé náh we di, ñmɔ Krista ye yõtě kègb̄le nê tyí-á yé n pi tôle.

²⁵ Nte névi nê-à n̄ gbl̄y pi nétúkùle, n̄ nétúkùn̄i tyi lédyáhn̄i ye à kɪ we. Yé náh we di, Liyel náh wáhk̄le n pi.

4

¹ Yõtām, yé yé yōb̄le n tě n ple gbi wěkì yō sɔkɔ, yé mó yé dyɔ sah ne n kwne ne yõtě yó-á me yépi tɔ tyí yīnyō sɔkɔ.

Pole-á v̄inm̄ɔɔ nónó kō

² Yé gbah n tě níri p̄nó sɔkɔ. Yé nírīle n pi yé pép̄ɔri p̄nó weyne Liyelle n kō.

³ Yé Liyelle n ni ápi tɔ tyí sɔnko à wěkì yɪkɪ mɔ á kō à fě n̄ weyne n yo, ànê mè fě sèt̄n̄ sò tir tyíle n yo nê-á Liyel wōbi sah Krista sɔkɔ. Képah nê yīn-á r̄ne wòkònpèkè sɔkɔ.

⁴ Yé Liyelle n ni n̄ tyí sɔnko à n̄ yah tě n̄ kō mè fě sèt̄n̄ sò tir m̄ene n yo n wah, máh yīne mè kè yo sō.

⁵ Yé yé minne n pi lékámne Yesu yō sě-ńkěpú wró. Syō-ńsah-à fyò we yé tyí pép̄ɔri pi pi t̄ene pé tyí, yé kè pi pé tyí.

⁶ Yé ye yé welɔ nóhnó nɔ névyé tyí, ànê yōre mó ne n me sé tyí. Névi nê-á p̄ikinyahn̄ɔ pi, yé ké yah tō n sah n yo tě tyí.

Wey k̄nóle

⁷ Á yū̄npi Tisyiki nê-á n̄ nénónine ànê n̄ kó-òle té me tôle n pi palle Tě ñgbě tyí, ñmɔ kɪ pɔ n̄ tyí kèdùkù pól yo yé tyí.

⁸ Ñmɔ ye we te n tekɪ n mɔ ñne yé tyí ne à kyɪ á tyí kèdùkù yo yé syah à mó yé n̄ sū.

⁹ Wonesimi tɔ me ñne, ñmɔ nê-á á yū̄np̄le nê-á me tómm, té pi á nénónine. Yépi sɔkɔ yó ye ñne. Tyi nónó pól-á me n pi ásô, pè kɪ pɔ sè yāh yé syah.

¹⁰ Arisitarkɪ nê-á me wòkònpèkè sòkò ànê ñmòlɛ, à n wɛkɪ yé tyí. Markɪ tɔ n wɛkɪ yé tyí ñmò nê-á Barnabasɪ tyí névilɛ. Markɪ tyí kèdùkù yo sòkò yé tyí nɛ wàh kɪ pɔ yé t̃innɛ, yé à t̃ɛ plɛ.

¹¹ Yesu nê-á pè n ye Nsyusitusilɛ, à n wɛkɪ yé tyí tɔlɛ. Nsyufunɔ Yesu yõ s̃ɛpú sòkò, pépi ó ye me t̃òlɛ n pɪ ànê ñmòlɛ à Liyel t̃òrí tyílɛ n yo. Pè ní nɪ de ỹí kègbilɛ.

¹² Yepafrastɪ nê-á yépi sòkò yólɛ, à n wɛkɪ yé tyí. Yesu t̃onpɪ ye ñnɛ, nê-á me nírilɛ n pɪ yé tyí gb̃ímegb̃í s̃onko yè nɛ n me s̃únyĩnɔlɛ Liyel yõ s̃ɛnó sòkò, Liyel d̃yɔ ỹí tyi pól pɪ pɪ t̃ɛnɛ.

¹³ A yèvyãhrɪ kah pɪ yépi ànê Lawodise t̃ãn, ànê Yerapolisi t̃ãn ỹinnɛ. Ñmò ñt̃ɛ kɪ f̃ɛ pɪ kèpah t̃àrfyòlɛ.

¹⁴ Dòkt̃òr dí Likyɪ nê-á ápi kódíɛ, à n wɛkɪ yé tyí ànê Damasílɛ.

¹⁵ A yúnpyé nónó-á me Lawodise, yé wɛkɪ pé tyí à tahlɪ Nɛfa tyí ànê Yesu yõ s̃ɛpú t̃ink̃i nê-á n tuke n mɔ n pɔ ñ gbô.

¹⁶ Yáh kɪ sébéy m̃è wɛ kar, yé gbah n t̃ɛ Lawodise Yesu yõ s̃ɛpú t̃ink̃i tɔ k̃õ pè kè wɛ n kar. Nê tɔ-à kɪ se mó me tɛkɪ mɔ pépi tyí, pàh kɪ kélɛ yé k̃õ, yé kè kar.

¹⁷ Yè mó n yo Arsyipi tyí nɛ, T̃ɛ ñgb̃ɛ-á t̃ò nê dahbɪ ñ gbò, à gbah n t̃ɛ kè pɪ pallɛ.

¹⁸ Ñmò Pole ye n wɛkɪ yé tyí, té kélɛ n wãrkɪ ní gbòlɛ. Yé káh n ye yé d̃yɔ f̃wɔ nɛ máh me wòkònpèkè sòkò. Mé kélɛ n yah n k̃õ Liyel tyí nɛ, à yòbènɔrɪ pɪ yé pól tyí.

Pole sébéy tékínmonole Tesaloniki tãn tyí Tyàh-nsah weyne

Pole wékínóle Tesaloniki tãn tyí

¹ Nmo Pole, ànê Silasi, ànê Timote ye n wãrki n tekı n mo sébéy mène yépi Tesaloniki kwil Yesu yõ sěpú tĩnkı tyí, yépi nóno-á me Sú Liyel ànê Tě ñgbě Yesu Krista tyí yõ. Mé kéle n yah n kõ ne Liyel yòbènorı pi yé tyí, à mó yèvinune yé kõ.

Pole wékínóle Liyel tyí Tesaloniki tãn Liyel wey fěnsyinole tyí sokõ

² Á me n weki Liyel tyí yé pól tyí sokõ gbímegbí, té me ñne n ye n gbo yé tyí.

³ Yáh me gbah tẽ Liyel yõ sěno tyípinı sokõ, té me tôle n pi tyınonõ sokõ, à yé gbõ sah yĩ Tě ñgbě Yesu Krista yõ sõ, Sú Liyel ye ápi tãrfyðle ne, gbímegbí á dyõ-á me n kwne séle.

⁴ Á yúnpyé, yépi nóno tyí-á no Liyel tyí, á pĩ ne wãh yé yah wilki pi ñ tyíle.

⁵ Yé náh we di, áyáh Nìvìnı tir nê yo yé tĩnne, kè náh sò pi vyãh wey gboy óle dé. Á sò me kéle n yo tẽnwenõ sokõ Liyel Mirki tãhkı gbõ yõ, té á sěnyĩnõ me ké yõ ne gbi-á kéle. Áyáh á gblõy tẽ dukù nêne yé wró sokõ yé tyí pekı yĩnne, ké sendı náh yéle dò.

⁶ Ápi ànê Tě ñgbě pi dukù ye yé me n yah n pi. Yèvyãhrı náhnáh fyé sokõ, yé Liyel wey fě syi nìvìnı sokõ, ñ Mirki-á nìvìnı nê mo yé sokõ.

⁷ Kãh pi sě, yépi ye Masedonı mara ànê Akayi mara Yesu yõ sěpú pól ki n yah n pi.

⁸ Yé náh we di, à tokõ yépi tĩnne, Tě ñgbě wey me tõ mo Masedonı mara ànê Akayi mara pól sokõ. Té kè náh yĩn képah ó tyí dé, yé Liyel yõ sěno tyí to me n yãh ywõ ywõ pól sokõ, fóó kè náh tõ me ápi tõ képah tyíle n yo nĩtẽne.

⁹ Áyáh kyı yé tĩnne té yé á tõ sah tẽ palle dukù nêne, névye pól me képahle n yãh; ànê yáh yé náh vi fal fal tãn kõ té yé yah mo Liyel tĩnne à tôle n pi ñ tyí dukù nêne, ñmo nê-á gbi Liyelle té me min sokõ, névye pól me képah tole n yãh.

¹⁰ Yé me ñ Pídı Yesu syıki tẽ ñmo nê-á ki wil yĩnyõ ki n po n pi. Nmo nê-á Liyel ñ lékó yilki mo, ñmo ye ki ápi yõ wilki n pi Liyel tukey sokõ nê-á me n pi.

2

Pole tõ pínóle Tesaloniki kwil sokõ

¹ Á yúnpyé, yépi nĩtẽ kè pĩ yĩ ne á pónó náh pi nònóle yé tĩnne.

² Yé kè pĩ tole ne áyáh yèvyãhrı we sokõ Filipi kwil sokõ, nyãh sokõ-á pè fóhnó sah á yõ té Liyel me nısãh mo á sokõ á kõ á me fě po ñ Nìvìnı tırlı n yo yépi to tyí, gbı nê-á névye sò me ále n fwo.

³ Tyi nóno-á á n yo névye tyí, á náh me pılkinó sokõ, yĩnvı welo náh séle, vıntẽno to náh à n vi n tẽ péle.

⁴ Liyel ye kè we ne ápi-á kɪ fě Nìvìnì tir yo, té me ké tyí dahbɪ ápi gbò á kɔ́ á kéle n yo ké yah yõ. Névyé dyo yíí tẽ náh ápi n yah n kɔ́ pí-ńsahle dé, Liyel dyo yíí tẽ ye ñmɔ nê-á ápi sônɔle n pne.

⁵ Yépi n̄tẽ p̄nó me ké sɔkɔ ne welɔ nónó-á á yo yé tyí, yé vi n tẽ tẽ welɔ náh séle. Liyel ye á t̄arfyòle ne á náh me n yah n kɔ́ yé yó-ńsahle.

⁶ Ápi náh me n yah n kɔ́ ne ñn̄i yó n̄tẽ ále n gbilki. Kàh s̄o yépile ò, kàh s̄o no télɔle ò, á náh me n yah n kɔ́ ne ñn̄i yó n̄tẽ ále n gbilki.

⁷ Té ápi kɪ mó t̄o s̄o fě á t̄órí sah yé yõ áyáh s̄onp̄ile pɪ Yesu Krista t̄entò névyele. Nte á yé tẽ mármár pídúbisè-á ñ pyele n t̄o n sah n tẽ s̄o.

⁸ Yé tyí s̄o no yíí ápi tyí, képah ye á me Nìvìnì tir yo yé tyí nê-á n wil Liyel tyí. Té kè náh yīn képah ó tyí dé, á á min n̄tẽ mɔ kũ kɔ́ yépi yīnne yé tyí táhnó tẽ yīnne á tyí.

⁹ Á yúnpyé, áyáh yèvyāhrɪ ànê kwlónó nónó pɪ, yé dyo me n kwne séle kyó. Áyáh lésõ me yé t̄inne à Nìvìnì tirlɔ n yo n kɔ́ yé tyí, á lésõ me t̄o tɔle n pɪ lékàh ké gb̄int̄o à yīn á gbl̄oy yīnnóle, s̄onko à káh n pɪ n tẽ yótókóbúle yé sɔkɔ yó n̄tẽ tyí.

¹⁰ Yépi n̄tẽ ye ápi t̄arfyòle ne, áyáh tyi nónó pól pɪ yépi Yesu yõ s̄epú tyí, sé pól-á me ple, té me gbɪ w̄èk̄i yõ wényo-ńsah k̄ene; Liyel tɔ ye á t̄arfyòle.

¹¹ Yé p̄i tɔle ne áyáh yé tẽ ple, s̄o-á súbí pé w̄enp̄ile n tẽ ple.

¹² Á v̄inm̄onɔle yé kɔ́, té s̄óré mɔ yé sɔkɔ, té kè gbah yo yé tyí ne yé ye yé kɔ dukù ne n me Liyel dyo yíí, ñmɔ nê-á ye yéle ñ t̄órí sɔkɔ de yīnne kɪ ké nɔlɪ we yõ.

¹³ Yáh Liyel wey nê noh ápi tyí, yé náh kè pɪ névi vyāh weyne. Yé kè pɪ Liyel weyne. Té s̄e n̄tẽ ye kéle kyó. Káh pɪ s̄e, kè me t̄òle n pɪ yé sɔkɔ, yépi nónó-á Yesu yõ s̄epúle. Képah ye, á n wɛkɪ Liyel tyí gb̄imegbí n̄tẽ.

¹⁴ N̄ yúnpyé, Yesu yõ s̄epú t̄ink̄nó nónó-á me Liyel tyí yõ Nsyude mara sɔkɔ, tir nê-á no péle, s̄enk̄o ye no yépi tɔle. Yé náh we di, yé sú f̄o névyé-á yé kwlɔ s̄o, s̄e ye Nsyifunɔ kwlɔ pépi tɔle.

¹⁵ Nsyifunɔ ye ko mɔ T̄e n̄gb̄e Yesu ànê Liyel t̄entò syínyopule*. Pè f̄óhnó sah ápi tɔ yõ. Pé tyí náh no Liyel tyí. No pól sépébi ye péle.

¹⁶ Pè me ké tyí ne pé ápi yah kɔ́ á káh Nìvìnì tir yo ȳk̄in̄i téló névyé tyí pé tɔ kɔ́ pè we n pwah. Káh pɪ s̄e, dòhn̄inó ó ye pè me n pɪ n yuku pé tyíp̄el yõ. Nte ké syi-ńsah, Liyel f̄óhnó sah pé yõ.

Kyɪ n yah dékè me Pole t̄e Tesaloniki tân tyí

¹⁷ N̄ yúnpyé, á yal yé tn̄o wró kwéy m̄e sɔkɔ, á yí tẽ wo náh me t̄enóle yé yõ ó, ñte á me yé tyíle n s̄o gb̄imegbí. Yé we dékè me á kah tẽ, képah ye á me gbah tẽ ne á yé we.

¹⁸ Á lésõ me ké tyí ne á á syɪ n pɔ́ yé t̄inne, té gbáhyí náhnáh n̄tẽ ye n̄mo Pole yah kɔ́ kéle té sét̄an̄ yòt̄e á yah kɔ́.

¹⁹ Ápi T̄e n̄gb̄e Yesu syɪ n pɔ́ s̄òle, nónó gbò yõ me á yáh-ńsah náh n tye n pɪ, ànê á nɪ kɪ vɪ, ànê á yõ kɪ yõ? Yépi ye.

²⁰ Kègbɪ yõ, yépi yīn ye gb̄ilkínó kɪ sah ápi yõ, té nìvìnì kɪ me á sɔkɔ.

* **2:15 2.15** Liyel t̄entò syínyopu kònm̄onɔ nê tyí-á n yo ás̄o, pé pól náh pè ko mɔ. Pé t̄ukù ye pè ko mɔ.

3

¹ Képah sɔkɔ, áyáh pópó pɔ tẽ kwɔlɔ yé wé-ńkẽne, á kè yah tɔkɔ ne ápi-á kɪ wũ á gblɔy Ateni kwil sɔkɔ,

² té me á yũnpi Timote tekɪ mɔ yé kɔ, ñmɔ nê-á me Liyel tɔle n pɪ ápile wẽ tyí Nìvìnì tir yónkɔnɔ sɔkɔ Krista tyí sɔkɔ. Á ne à pɔ yé yohnɪ mɔ yé tãhkì we Liyel yõ sɛnó sɔkɔ, à mó sɔré mɔ yé sɔkɔ,

³ sɔnko kwey gbĩ yèvyãhrɪ káh pɔ yé kɔ kwɔ. Yé pũnó se me ké sɔkɔ ne yèvyãhrɪ mènɛ n sɔkɔ té á sah n pi té.

⁴ Yé náh we di, áyáh lésɔ me yé fɪnne gbí nêne, á lésɔ kè yo sah yé tyí ne áyáh kɪ pɔ yèvyãhrɪ pɪ n pi. Képah ye pɪ yò, ké sèndì náh yéle dò.

⁵ Képah ye, máh pɔ tẽ sómno pɪ kwɔlɔ, mé Timote tekɪ mɔ ne à kyɪ yé Liyel yõ sɛnó dùkù yah n pɔ n yo ní syah. Tíkí sò me ní tẽ ne sétàn yòtẽ tɔnmɔnɔ káh ne me tẽ n we yé tyí, ápi kwɔlónó kɔ kè pɪ yõ kɛne.

⁶ Nte núkúnúkú, Timote ye wil yé fɪnne à pɔ. A me pɔ yé yíngbúle n yo ne Liyel yõ sɛnó-á me yé sɔkɔ, ànê tyínɔnɔle. Nkẽ yáh me n sò ápi tyí sɔkɔ gbímegbí. Á we dékè-á me yé tẽ, sɔ-á yépi tɔ we dékè me ápi tẽ.

⁷ Káh pɪ sɛ á yũnpyé, áyáh sò me yèkwɔrɪ ànê yèvyãhrɪ nónó pól sɔkɔ, yé Liyel yõ sɛnó tyí nóhnó pɪ nɪ déno ñgbɛne á tyí.

⁸ Nte yáh fyò me sɛnyĩnɔle Tẽ ñgbɛ yõ, á mìnì ye pyè tiki de á fɔkɔ sɔkɔ núkúnúkú yò.

⁹ Wey dùkù nê tẽ me ápi kɪ fɛ Liyel kɔ n pi yé tyí sɔkɔ yò, wáh nìvìnì ñgbɛ nêne á kɔ yépi yĩnne?

¹⁰ Ké lékâh ké gbìntɔ, á me kéle n gbah n ni Liyel tyí ne à wɛkì yɪkɪ mɔ á kɔ á fɛ pɔ yah yé tyí. Té fɪ nê-à kɪ me yé tekɪ Liyel yõ sɛnó sɔkɔ, á mó yé yohnɪ n mɔ ké tyí sɔkɔ.

¹¹ Á kéle n yah n kɔ á Sú Liyel n̄tẽ tyí ànê á Tẽ ñgbɛ Yesu Krista tyí ne, pè wɛkì yɪkɪ mɔ á kɔ á pɔ yé fɪnne.

¹² Wẽ tyínɔnɔ ànê no pól tyínɔnɔ nê-á me yé sɔkɔ, á kéle n yah n kɔ Tẽ ñgbɛ tyí ne, à wãnne n mɔ ké yõ á kɪ ne yé tyí-á nɔ sɔ ápi tyí.

¹³ A mó nìsãhle yé kɔ yĩ Liyel yõ sɛnó sɔkɔ, yé kɔ yè pɪ wényo-ńsah kɛne yé tyí. Yè mó ne n me yályál á Sú Liyel yah sɔkɔ á Tẽ ñgbɛ Yesu Krista-à sò nêne n syɪ pɔ n yõ n yĩnyõ tɔnpɪbɪ pólle.

4

Min pɪ dùkù nê tyí-á nɔ Liyel tyí

¹ Á yũnpyé, yáh yĩne yè ne n kɔ dùkù nêne kè mó nɔ Liyel tyí, á kéle yé wɛkì tɛ. Sɛntẽ n̄tẽ ye yé me kɔ ó, nte á tɔ kéle n yah n kɔ yé tyí Tẽ ñgbɛ Yesu yĩn yõ ne, yé gbah n tẽ wãn mɔ ké yõ.

² Áyáh vɪnmɔnɔ nónónɛ yé kɔ à wil Tẽ ñgbɛ Yesu tyí, yé séle n pne.

³ Liyel-á me nê tyí, kè we yò: A me ké tyí ne yé ne n me yályál péwɔ yah, yé káh pròpròle n pɪ,

⁴ yé nénúkù núkù pól mó yé gblɔyne n tẽ fòfíkì pínóle.

⁵ Yé káh ye lédórí tẽ n we yé tyí sɔ-á kè Liyel pí-ńkɛpúle n fne.

⁶ Nn̄i yó n̄tẽ káh n pɪ n de n ní-ò tyí à yuku képah tẽ tyí fɪnne. Liyel náh n ye képah tẽ wɔ dénole dé. Á lésɔ kè yo yé tyí, té ké gbáhdyáh tɔ di sah tɛ yé tyí dò.

⁷ Liyel náh á ye pòpò pɪ yĩnne dé, à á ye ne á ne me yályál péwɔ yah.

⁸ Kǎh pɪ sě, névi nê-à v̄nm̄oɔ n̄opi yahle, névi náh tě yahle dé, Liyel ye tě yahle, ñm̄o nê-á ñ Mirki dah m̄o yé s̄oko.

⁹ Liyel tyí ye yé we kwónóle à yuku wě tyín̄oɔ tyí t̄inne. Képah ye, yõ náh me ké tyí mè n t̄o tir yó wǎrki n tekɪ n m̄o yé tyí képah tyí s̄oko.

¹⁰ Masedonɪ mara Yesu yõ sěpú pól tyí me n̄o yé tyí. Képah kéle n wěki ne yáh me tyín̄oɔ mè wěkile n ko. Nte á yúnpyé, á t̄o kéle n yah n k̄o yé tyí ne, yé t̄o wǎn m̄o ké yõ.

¹¹ Yé yèvinɪ yáhnk̄oɔ pɪ yé t̄ole. Yé káh yé pɪ pɪ tyi sah yé mó ne n yoko n de névye tyi s̄oko. Yé yé gbl̄oy k̄o t̄o s̄oko áyáh kè yo sah s̄o yé tyí.

¹² Képah s̄oko, yé ko dùkù kɪ kèk̄oyó névye k̄o pè kɪ yòyenne n sah yé yõ, ànê yé náh n pɪ n t̄e n pi yótókóbile ñn̄i yó ñt̄e tyí.

Lékyî ànê vye tyí-á ne pɔ n pɪ n pi s̄o Tě ñgbě Yesu syín̄oɔ s̄oko

¹³ Á yúnpyé, yé no nónó-á pè náh t̄o me min s̄oko, pé tyí-á ne pɔ n pɪ n pi s̄o, ápi náh me ké tyí ne yé t̄e ké yít̄uri s̄oko kè pɔ n pɪ yèkw̄orile yé tyí névye tyí k̄ole, nónó yáh-ńsah-á me tyénóle.

¹⁴ Ayáh fyò sě ké yõ ne Yesu-á ku té ñ lékó me yilki m̄o, á s̄enó me ké yõ tole ne nónó-á s̄e ñ yõ te pɔ yah kw̄lo, Liyel-á kɪ pépi t̄o lékyî yilki m̄o pè k̄o pè kɪ me wě tyí Yesule.

¹⁵ Á kɪ tir yó yo yé syah, à ȳine Tě ñgbě wey yóle. A ne ńkě pé syɪ n pɔ s̄ole, ápi nónó-à kɪ me min s̄oko, névye nónó lékyî-á yilki m̄o, á náh pépi dyah t̄e n pi.

¹⁶ Yé náh we di, Tě ñgbě-à kɪ fyò pɔ wěkì k̄o, ȳinyõ t̄onpɪbɪ yòt̄e kɪ gbo m̄o ȳinp̄õ ñgb̄ene, té Liyel kèp̄õ kɪ f̄ibɪ. Képah s̄oko, Tě ñgbě kɪ wil ȳinyõ kɪ tiki pɔ. Képah t̄ene, nónó-á s̄o s̄e Yesu yõ té pɔ yah kw̄lo, pépi ñgbò lékyî kɪ yilki m̄o.

¹⁷ Képah náh, ápi nónó-à kɪ me min s̄oko légb̄ine, á t̄o kɪ kw̄o m̄o yõ d̄oko péle wě tyí nȳirn s̄oko kɪ kyɪ Tě ñgbě Yesu yohnɪ ȳinyõ, té kɪ t̄e ñne kúmm yõ.

¹⁸ Kǎh pɪ sě, yé wě nn̄ole n de welo n̄opile.

5

Tě ñgbě syín̄oɔle

¹ Á yúnpyé, tyi n̄opi-á kɪ pɔ n pɪ n pi gbí n̄ene, yõ náh me ké tyí mè n t̄o tir yó wǎrki n tekɪ n m̄o yé tyí sépi tyí s̄oko.

² Yépi ñt̄e p̄ínó me ké s̄oko ne Tě ñgbě syɪ n pɔ s̄o-á kɪ névye kw̄okɪ n t̄e n pi ȳenwó pónó tyí k̄ole lék̄ahne.

³ Gbí nê-á névye kɪ me n yo ne, yèvinɪ-á me, dlo náh t̄o me, légb̄i ye tyí yíkínó kɪ núkú pè kw̄okɪ t̄e s̄e kúrki t̄enó tyí k̄ole, té pè náh t̄e we n wil n pi ké s̄oko pólle.

⁴ Nte yépi w̄ole á yúnpyé, yépi t̄o se yó me f̄ent̄ú s̄oko kéne gb̄iȳik̄i k̄o kè kɪ pɔ yé kw̄okɪ n t̄e n pi ȳenwó tyí k̄ole?

⁵ Yé náh we di, yépi pólle, yé fok̄o me dálnóle. Yé me tyile n pɪ kyòo s̄oko. Ápi tyípínì náh me f̄ent̄ú s̄oko.

⁶ Képah ye, á yé káh ne n do no téló tyí k̄ole. Á ye ne me n yah, à mó á gbl̄oyne n kyomɪ sèt̄enì pínóle.

7 Yé nâh wε di, lékâh yé dɔy dɔpú n ne n dɔ, ànê lékâh ye sèwɔbɩ to sètɛ̀n̄n̄ne n pɩ.

8 Nte ápi nóno-á pɩ tyah kyòo sɔko névyele, á ye kâh sètɛ̀n̄n̄ne n pɩ. Á ye ye Liyel yò sɛ̀n̄ó ànê tyínɔnɔ ne n me á sɔko á kɩ ne vyɔɩ fwòmɔnɩ sɔ́ á mɔ. Á gbò sàhnó mó ne me pwáhnɔnɔ yò á kɩ ne vyɔɩ gbétú sɔ́ á kwĩnki.

9 Yé nâh wε di, Liyel nâh ápi mɔ ne pé pɔ á fõh dé. Nte à me ké tyí ne á pwáhnɔnɔ wε á Tɛ̀ ñgbɛ́ Yesu Krista gbò yò.

10 Nmɔ ku ápi yĩnne, sɔnko áyâh sɔ́ me min sɔko ò, áyâh sɔ́ ku ò, à ne n me ñmɔle wɛ́ tyí.

11 Képah ye, yé sòréle n mɔ wɛ́ sɔko, yè wãnne n mɔ wɛ́ tãhkì yò Liyel yò sɛ̀n̄ó sɔko, sɔ́-á yé me kéle n pɩ yò.

Pole-á v̄inmɔnɔ téy ànê wey n̄ene Tesaloniki tân kɔ́

12 Á yũnpyé, á kéle n yah n kɔ́ yé tyí ne nóno-á me gbah tɛ́ yé yahle n tɛ́, té me yéle n vi mɔ Tɛ̀ ñgbɛ́ wɛ̀kì kóló sɔko, yé yòyenne n sah pé yò.

13 Yé yòyenne n sah n yĩ́ pé yò tyínɔnɔ sɔko pé tò yĩnne. Yé ne n me tno sɔko wɛ́ tyí yèvɩnɩ sɔko.

14 Á yũnpyé, á kéle n yah n kɔ́ yé tyí ne, yé ne n wekɩ gbãndal pípú yò, yé n̄sãhle n mɔ tíkì pípú sɔko, yé mó tɛ̀nkwlɔpule n yohnɩ n mɔ. Yé no pól sòmnóle n pɩ.

15 Yé yé gblɔyne n kyɔmɩ, ñn̄î yó n̄tɛ́ kâh pèkè wóle n de pèkèle. Nte yé pèpey ó pí-ńsahle n yah n kɔ́ wɛ́ tyí, ànê no pól tyí gbímegbí.

16 Yé ne n me n̄v̄in̄n̄ sɔko gbímegbí.

17 Yé Liyelle n ni kúmm.

18 Tyi tyi pól sɔko yé ne n wekɩ Liyel tyí. Képah ye Liyel n yah n kɔ́ yé tyí ne yé ne n pɩ Yesu Krista yò sɛ̀n̄ó sɔko.

19 Yé kâh Liyel Mirki yah kɔ́ tò pínóle,

20 yé kâh Liyel tɛ̀ntò syínyopu welo tyíle n yo n ko.

21 Yé tyi pólle n sohlɩ n yah, té nóno-á me palle, yè mó sépi fɛ́ n syi.

22 Yé yé gblɔyne n tɛ́ tyípêl duke pól pínóle.

23 Liyel nê-á yèvɩnɩ n̄tɛ̀ne, mé kéle n yah n kɔ́ ñ tyí ne à sãm mɔ yé min pɩ òkù pól sɔko. Á mó yé sɔnɔ, ànê yé min, ànê yé wil gbɛ̀nsê pɩ wényo-ńsah k̄ene sé tyí á Tɛ̀ ñgbɛ́ Yesu Krista syɩ n pɔ sòle.

24 Nmɔ nê-á n ye yéle, à n kɔ́ ñ tyíyónó sò. Nmɔ ye kɩ pɩ séle.

25 Á yũnpyé, yé nírí tole n pɩ ápi tyí.

26 Yé wekɩ á yũnpyé pól tyí tyínɔnɔ wey pèpeyne.

27 Mé yéle n gbah n ni Tɛ̀ ñgbɛ́ yĩn yò, ne yé sébéy m̄e kar á yũnpyé pól noh.

28 Mé kéle n yah n kɔ́ á Tɛ̀ ñgbɛ́ Yesu Krista tyí ne à yòbènɔɩ pɩ yé tyí.

⁴ Nmɔ ye kɪ pɔ yuku Liyel ànê gbilki gbilki yî pólle n fwo, té kɪ kyɪ de kɔ tẽ ntẽne Liyel ní-nsah gbô sɔkɔ, té kɪ ne Liyel-á péwɔle.

⁵ Yé dyɔ se fwo ne máh lésɔ kè yāh sɔkɔ yé tyí ní me gbíne yé ònne?

⁶ Nte núkúnúkú, kwāh nê-á kɔ sah n yahle à kɔ à nāh fẽ wil n mɔ n pi ké gbí nó-ńkẽ sɔkɔ, yé kéle n pne dò.

⁷ A me n tǎhkìle tò tyah té sètàn sò sɔkɔ. Té n tẽnsàh-ò-à sò nêne n kne,

⁸ légbíne à kɪ n yô wilki mɔ, té Tẽ ñgbẽ Yesu kɪ n tyí yɪkɪ n vyāh yāhfānne, té Yesu pínó tǎhkì kɪ à pyāhrɪ pnépne.

⁹ Népékè mè kɪ n pɔ n pi sètàn yòtẽ tǎhkìle n sɔkɔ. A kɪ gbil ànê gbẽndùnì tyi duke pólle n pi nóno-á névile n pilki.

¹⁰ A kɪ tyíknèni duke pólle n pi névye we n pilki yinne nóno-á me tyíyíkinó wèkì yô. Pé tyí kɪ n yɪkɪ n pi pāh sɔnpíle gbɪ wèkì kóló yahle, képah nê-á kɪ sò fẽ pè pwah n mɔ n pi.

¹¹ Képah ye, Liyel ye sétó tǎhkì kɔ kè pɔ pè mɔ pílkinó sɔkɔ, pè kɔ pè kɪ n sè mìnì tyi yô.

¹² Képah sɔkɔ, nóno pól-á yahle sɛnóle gbɪ yô, té tyíknèni tyí nɔ pé tyí, fóhnó kɪ sah pé yô.

Tesaloniki tân gbáhntẽnɔle Yesu yô sɛnó sɔkɔ

¹³ A yúnpyé, yépi nóno tyí-á nɔ Liyel tyí, ké yah ye á yĩne à ne n wekɪ Liyel tyí gbímegbí yépi tyí sɔkɔ. Yé nāh we di, nmɔ ye yah wilki yéle tyah gbí dùkùle ne pé yé pwah mɔ n Mirki gbò yô, képah gbò yô-á yé kɪ yé minne n pi yályál Liyel yah, ànê gbɪ yô sɛnó tɔ gbò yô.

¹⁴ Képah yĩn ye à ye yéle Nìvìnì tir nóhnó gbò yô áyāh nê yo yé tyí, nê-á kɪ yépi tɔ kɔ yé kɪ we de á Tẽ ñgbẽ Yesu Krista tǔrí sɔkɔ.

¹⁵ Kǎh pi sè á yúnpyé, á kéle n yah n kɔ yé tyí ne yé sè yí Tẽ ñgbẽ yô. Áyāh kwónó nóno ne yé kɔ vyāh wey sɔkɔ, képah nāh pi sébey tóntekɪnmɔ sɔkɔ, yé sè koh n tẽ n yĩn.

¹⁶ Ápi tyí nɔ á Tẽ ñgbẽ Yesu Krista ànê á Sú Liyel tyí. Pépi ye á nnɔle n de tyé-ńkẽne pé pèpɔrɪ gbò yô, té á kɔ á tẽ we á gbò sah yí pè yô.

¹⁷ Á kéle n yah n kɔ pé tyí ne pè yé nno de, pè mó tǎhkìle yé kɔ yé fẽ ne n tɔ n sah n pi, tyípinì ànê vyāh wey sɔkɔ.

3

Nírí pínó yáhnkɔnɔle

¹ Á yúnpyé, ké syĩ-nsah mé kéle n yah n kɔ yé tyí ne yé nírile n pi ápi tyí, sɔnko Tẽ ñgbẽ wey tɔ mɔ súú, névye mó kéle n mɔ n kɔ yépi tyí kɔle.

² Yé Tẽ ñgbẽ ni á tyí tɔle à kɔ à á pwah n mɔ nétúkùnì ànê népèl gbò. Yé nāh we di, nɔ pól nāh sè Nìvìnì tir yô.

³ Nte Tẽ ñgbẽ me tómm. A kɪ tǎhkìle yé kɔ, té kɪ yé yòle n syɪkɪ ne sètàn yòtẽ káh tẽ we yé tyí.

⁴ Tẽ ñgbẽ gbò yô, ápi sɛnyínó me ké yô ne áyāh nê kɔ sah yé kɔ, yāh me kéle n pi, té kɪ tɔ n yô n sɔkɔ n pi sè.

⁵ Á kéle n yah n kɔ Tẽ ñgbẽ Krista tyí ne, à yé yohnɪ n mɔ yé fẽ pĩ yé tyí-á nɔ sɔ Liyel tyí, ànê yé fẽ sómnóle n pi nmɔ Krista tyí kɔle.

Gbáhdýāh ònsàhnóle gbāndal pínó tyí sɔkɔ

⁶ N yúnpyé, ápi-á yé kwɔ tyi nónónɛ, yé yúnpyé nónó-á sépi kɛki sah té pé minne n pi gbãndal pínó sɔkɔ, mé kéle n yah n kɔ yé tyí Tě ñgbě Yesu Krista yĩn yõ ne, yé káh péle n tĩnki.

⁷ Yáh yĩne yè ápile n yah n pi dùkù nêne, yé kéle n pne kyó. Ápi náh á min pi yé wró gbãndal pínó sɔkɔ.

⁸ Ayáh lésõ me yé tĩnne, á náh kè yah kɔ ñnĩ yó nítě tyí ne à ápi vyãhle n yah. Á tò pi, á yah vyãh, à kwɔ lékãh ké gbĩntõ à yĩn á gblõy yĩnnóle, sõnko à káh n pi n tẽ yótókóbúle yé sɔkɔ yó nítě tyí.

⁹ Ké yah ye lésõ yè á vyãhle n yah. Nte ápi képah pi ne kè pi kwónóle yé tyí, yé to kɔ yé sɛnkõle n pi.

¹⁰ Ayáh lésõ me yé tĩnne, á ké gbãhdyãh di sah yé tyí ne, névi nê-à yahle tò pínóle, tẽ náh yĩne yónó tole.

¹¹ Nte á me n nohni ne, yé tókù-á me gbandal ó yah wũ à yahle tò pínóle, té me n yɔkɔ n de névyé tyi sɔkɔ.

¹² Kéne névyé nópi tẽne, á kéle n yah n kɔ pé tyí té sórèle n mo pé sɔkɔ Tě ñgbě Yesu Krista yĩn yõ ne, pè pé yah di tòle n pi, pè pé yõ yõ tẽne n we pé yěngbě myèh nínkwenɔ sɔkɔ.

¹³ Yépi tẽ wɔle á yúnpyé, yé káh n yal n mo tyípéplɔ pínóle.

¹⁴ Tyi nónó-á ápi yo sébéy mè sɔkɔ yò, névi nê tẽ-à ki fyò yahle sàhnóle sé yõ, yé tẽne n kyomi, yé káh ne n pi n soh tẽne. Képah sɔkɔ, kè ki pi senné tẽ tyí.

¹⁵ Té yé káh tẽ pi yé sépe tẽ wɔle dé, yé vĩnmonole tẽne n kɔ sɔ-á yé kéle yé yúnpyéle n kɔ.

Wékínóle névyé tyí ànê sãm mónóle pé sɔkɔ

¹⁶ Mé kéle n yah n kɔ yèvinu Tě ñgbě nítě tyí ne, à yèvinune yéle n kɔ gbĩmegbí káh sɔ kɔ dùkù nê óle. Mé kéle n yah n kɔ ñ tyí ne, à ne n me yé pólle.

¹⁷ Wey nê-á mé yé kɔ yò, nímo Pole ye wãrkɔ kéle ní gbõle. Sě ye mè n ne n mo ní gbõ níyne ní sébéy wãrkíntekumononɔ yõ. Nmo wãrkínó ye kéle tótó.

¹⁸ Mé kéle n yah n kɔ ápi Tě ñgbě Yesu Krista tyí ne, à yòbènɔri pi yé pól tyí.

Pole sébéy tékínmɔnɔle Timote tyí

Pole wékínóle Timote tyí

¹ Nɔmɔ Pole nê-á pɪ Yesu Krista tɛntò névile à yĩne Sú Liyel-á kè yah tɔkɔ sɔ, òmɔ nê-á á pwáhnɔ-òle, ànê à yĩne Yesu Krista tɔ-á kè yah tɔkɔ sɔ, á gbò sàhnó-á me òmɔ nê yò sɔkɔ.

² Timote, áwɔ tyí ye mé n tekɪ n mɔ sébéy mène, áwɔ nê-á ní pídí kègbɔle Liyel yò sɛnó sɔkɔ. Mé kéle n yah n kɔ Sú Liyel ànê á Tɛ ògbɛ Yesu Krista tyí ne pè yòbènrɪ pɪ á tyí, pè á yám yah pè mó yèvinine n kɔ.

Gblɔy tɛnóle kwónó kètúkúnì pípúle

³ Tɛ Yefesɪ kwil sɔkɔ sɔ-á sò mé yo kéle á tyí máh n sɔkɔ Masedonɪ mara sɔkɔ. Névyè tókù me kwónó kètúkúnìne n pɪ nɛnpó, á yĩne n pè yini n mɔ ké pínóle.

⁴ Yo pé tyí ne, pè káh tɛ sèmirn yáhnó ànê náh tãn yini tyí níy tɛnó ó sɔkɔ tyé-ńkɛne. Yékáb ó ye sépi n pɔ n pɔ. Sè náh névyèle n yohnɪ n mɔ Liyel yò sɛnó sɔkɔ, à yĩne Liyel-á me ké tyí sɔ.

⁵ Gbáhdýáh dínsàhnó mè yò ye ne kè tyínɔnɔ dahbɪ pé sɔkɔ, tyínɔnɔ nê-á n wil nɪ pèpɛy sɔkɔ, sɔnɔ pèpɛy sɔkɔ, ànê Liyel yò sɛnó kègbɪ sɔkɔ.

⁶ Nte névyè tókù ye képah yahle, té mɔ pu à yékáb tókúnì pínó ó yah wũ.

⁷ Pè pé gblɔy pɪ Liyel tyi kònsàhnó kwópúle. Té tyi nónó ńtɛ-á pè me n yo, ànê tyi nónó-á pè me névyèle n gbah n kwɔ, pè náh me sé dükùle n pɛ.

⁸ Ápɪ pĩ ne ńkɛ Moyisi tyi kònsàhnó-á ple, wáh me sé tyile n pɪ sáh yĩne sɔ.

⁹ Yé náh we di, Moyisi tyi kònsàhnó náh sah négblo yinne dé. Nónó yin-á sè sah, pépi ye pɪ tyítúkúnì pípúle, ànê kèlékɛ pípúle, ànê népékè pípúle, ànê tyípèl pípúle, ànê Liyel mónkò-ńkɛpúle, ànê Liyel tyi mónkò-ńkɛpúle, ànê súbí kònmɔpule, ànê yúbí kònmɔpule, ànê nékókè mópúle,

¹⁰ ànê prònrɪbɪle, ànê díbí wɛ tókópúle, ànê syó wɛ tókópúle, ànê yòbɪ yámpule, ànê mìnýobele, ànê nónó-á péle n wo mìnì tyi sɔkɔ, à tahlɪ nónó pól-á me Liyel tyi kwónóle n fwo.

¹¹ Kéne kwónó mè wil Nìvìnì tir sɔkɔ, tɔrí Liyel-á nê dahbɪ òmɔ gbò, òmɔ nê-á pèpɔrɪ Liyelle.

Krista kɔnóle pèpɔrɪ pínó weyne

¹² Nɔmɔ n wekɪ á Tɛ ògbɛ Yesu Krista tyí, òmɔ nê-á táhkìle ní kɔ. Mé n wekɪ n tyí, wáh sònrɪle kè yah ne máh yĩne pé tò pínóle, té ní tɔkɔ n tò sɔkɔ.

¹³ Té òmɔ ye mó tɔ lésò n yo n ko n tyíle, té òne n fòh, té pɪ népékèle. Nte mé lésò me sépi pólle n pɪ òpì-ńkɛ ànê Liyel yò sɛ-ńkɛ sɔkɔ, képah ye Liyel me pɔ ní yám yah.

¹⁴ Ápɪ Tɛ ògbɛ ye pèpɔrɪ pɪ òmɔ tyí náhnáh, à Liyel yò sɛnó ànê tyínɔnɔle ní kɔ nê-á n we á wró kwónmɔnɔ gbò yò Yesu Kristale.

15 Gbɪ ye wey mènɛ nê-á no pól yĩne pè kè fě syi, kèpah nê-á yo ne Yesu Krista-á pɔ kèkɔyó sɔkɔ tyípèl pípú pwah n mɔ yĩnne. Pépi sɔkɔ ney yó ye nímɔlɛ, té nímɔ tyí peke kal.

16 Nte nímɔ nê tyípèl-á kal, Liyel nímɔ yãm yah. A me ké tyí ne Yesu Krista n̄ gblɔy pèpɔri pínó wěki, nê-á kɪ pɪ kwónóle névyɛ tyí nónó-á kɪ pɔ n sɛ n pi n̄ yō, kɪ tyé-ńkē min wɛ.

17 Tyé-ńkē Yòtē dī nê-á à náh n wɛ, à náh n ku, nímɔ nê-á Liyel núkúnine, mé me ké tyí ne yō yǎnó ànê gbílkinó pɪ nímɔ tyíle gbímegbí. Amiina.

Pole me nìsāhle n mɔ Timote sɔkɔ

18 Nímɔ pídí Timote, Liyel tǎntǎ wɛlɔ nónó-á yo sah á tyí sɔkɔ, mé kéle n yah n kǔ ne sépi n̄ yohni n mɔ á gbah tē tǔ pèpɛyne n pɪ.

19 Kéle n pɪ Liyel yō sǎnó sɔkɔ ànê sǎnɔ pèpɛyne. Túkù ye yahle sǎntē pínóle. Kǎh pɪ sɛ, pé Liyel yō sǎnó tē syi pé tyí.

20 Pépi túkù ye Yimene ànê Alekisǎdrele. Mé pépi gbah de mɔ sétǎn yòtē kǔ, nê-á kɪ pɪ kwónóle pé tyí pè kǔ pè náh tǔ n yo n de n pi Liyel tyí.

2

Kwónó nê-á kǔ n̄ri pínó tyí yō

1 Máh me nê n̄gbòle n yah n kǔ, kèpah ye ne á yáhnkǔnɔle n pɪ Liyel tyí, á ñne n ni, á ñne n fal, á mó weyne ñne n kǔ no pól yĩnne.

2 Á ye n̄irile n pɪ yòtām tyí, ànê névyɛ pól tyí tǔrí-á me nónó gbò, sǎnko à á minne n wɛ n pɪ syísyí yèvinɪ sɔkɔ, á kɔ òkù mó ne n me palle, à mó Liyel yah tíkile n pɪ.

3 Kèpah ye ple, ànê ké tyí nɔ á pwáhnɔ-ò Liyel tyí,

4 nímɔ nê-á me ké tyí ne no pól pwáhnɔnɔ wɛ, pè mó tē wɛ gbile n pne.

5 Yé náh wɛ di, Liyel núkú ó ye me. Liyel ànê névyɛ wró tǔ-ò núkú tɔ ó me. Névi ye ñne. Nímɔ ye Yesu Kristale,

6 nímɔ nê-á n̄ gblɔy kǔ à névyɛ pól yō dwe. Gbí nê-á sò yáhn̄tɔkǔnsǎhnóle, kè pɪ kèpah sɔkɔ.

7 Yesu Krista gblɔy kǔnó mē yĩn ye Liyel nímɔ yah tɔkɔ pɪ n̄ wey yó-òle, ànê Krista tǎntǎ névile, ne névyɛ nónó náh pɪ Nsyifunɔle mé péle n kwɔ Liyel yō sǎnó ànê gbɪ wěkile. Gbɪ ye mé n yo, m̄nyo náh r̄ne.

Díbí ànê syó pɪ òkùle tówú sɔkɔ

8 Mé me ké tyí ne tǎntǎn pól sɔkɔ, díbí pé gbǎn yō òkɔ yĩnyō pé Liyelle n ni n̄nɔle yályál, fòkòvyǎh̄n̄ ànê mékì kēne pé wró.

9 Mé me ké tyí ne syó tɔ flɔle n tǔ n sah n mɔ kǎh yĩne sǔ. Pè flɔle n mɔ nónó-á kɪ fě pé sen yĩ óle yáryár dáhbí-ńkēne ké sɔkɔ. Pè káh yō kǎhn̄tǔnsǎhnó kèpékè, ànê sǎn yèsò yĩ, ànê yĩ kètǎrnɔ, ànê fwòtǎhn̄ne n yah n kǔ.

10 Nte pé gblɔy tǔnsǎhnó yĩne kè pɪ tyípeplo pínóle, sǔ-á syó kéle n pɪ nónó-á me Liyel yah tíkile n pɪ.

11 Sê yĩne à n̄ gblɔy tiki mɔ tē syísyí pàh ñne n kwɔ gbí n̄ne Yesu yō sǎpú t̄nk̄i wró.

12 Mé náh ké wěkile sê kǔ ne à névyɛle n kwɔ, kèpah náh pɪ à pɪ dí yòtēne. Á yĩne à tē syísyí.

13 Yé náh wɛ di, Adama n̄gbò ye Liyel mɔ, té pyē Awɔ mɔ dò.

14 Adama náh sétõ pilki; Awɔ ye à pilki à kɔ à Liyel yóré yahle.

15 Nte képah fyé yõ sê kɪ pwáhnɔnɔ we n pínó yinne yúne, wàh sê Liyel yõ, té tyínɔnɔ me n sɔkɔ, té me n kɔ yályál Liyel yah yáryár dáhbí-ńkêne sépi pól sɔkɔ.

3

Yesu yõ sêpú ònkì yah tẽpú-á yĩne pè ne n pi sɔ

1 Yé yah, kègbɪ wey yó ye mé n tyah yónóle yé tyí yò. Névi nê-à me ké tyí ne pé pi Yesu yõ sêpú ònkì yah tẽ-òle, tò pèpey ye tẽ n yah n kɔ pí-ńsahle.

2 Yesu yõ sêpú ònkì yah tẽ-ò yĩne à pi wényo-ńsah kène n tyí. A yĩne à pi sê núkú nétẽne, gblɔy tẽnpnè-òle, nê-á me n tyile n pi n yĩne palle, me népãne n tẽ ple, té kɪ fẽ névyé kwɔ n pi.

3 A náh yĩne à pi sèwɔle, képah náh pi népékèle. Nte à yĩne à pi névile, nê-á n gblɔyne n ye n pne. A náh yĩne à pi mál kòlì-òle, képah náh pi pò náh púkúbínmɔ-òle.

4 A yĩne à ne n me n kéte yahle n tẽ n pne palle, à mó n wẽnpì kwɔ pè ne n sah n tyí yõ káh yĩne sɔ.

5 Yé náh we di, névi-à tẽ we n kéte yahle n tẽnpnè-ńkêne, à kɪ pi sɔ té kɪ fẽ Yesu yõ sêpú ònkì tẽnó ple, pépi nónó-á Liyel nɔle?

6 Tẽ náh yĩne à ne n me nésãne Liyel wẽkì kóló sɔkɔ, sɔnko gblɔy gbilkínó káh pɔ de tẽ sɔkɔ, n tyí kɔ kè pɔ n ykɪ sétàn yòtẽ tyí kòle.

7 A wil képah sɔkɔ, Yesu yõ sê-ńkẽpú tɔ yĩne pè ne me tẽ yíngbíle n yo, sɔnko yílónó káh pɔ à yini tẽ, à kɔ à pɔ tẽ sétàn yòtẽ vyóy sɔkɔ.

Yesu yõ sêpú ònkì yah tẽpú yòhnɔnɔpule

8 Sê ó ye, Yesu yõ sêpú ònkì yah tẽpú yòhnɔnɔpɔ tɔ yĩne pè pi négblóle ànê wékínyipule. Pè náh yĩne pè pi sèwɔbile ànê kwáh yáhnkõpule yínvì sɔkɔ.

9 Gbɪ nê-á pè we pĩ Liyel yõ sèno gbò yõ, pè yĩne pè kè tẽ n sah pé sɔno sɔkɔ palle.

10 Ké gbenne, pè yĩne mónyahɔle. Pílkì-ńsah-à wé-ńkêne pé tyí, pè kɪ pyè fẽ wilki sah Yesu yõ sêpú ònkì yah tẽpú yòhnɔnɔpule.

11 Syó nónó tɔ-á Yesu yõ sêpú ònkì yah tẽpú yòhnɔnɔpule, pé yĩne pè pi névyele nónó-á yòyén me n sah pé yõ. Pè náh yĩne pè pi névyé tyí yónkòpule. Pè yĩne pè pi gblɔy tẽnpnèpule, pè mó ne n me tómm tyi tyi pól sɔkɔ.

12 Yesu yõ sêpú ònkì yah tẽpú yòhnɔnɔ-ò yĩne à ne n me sê núkú nétẽne, à mó ne me tẽ we n wẽnpì ànê n kéte yah tẽnó tyí.

13 Nónó-à pé tòle n pi palle, pè kɪ yín-ńsah ngebẽ we ké sɔkɔ, té gbò sàh-ńsah tɔ kɪ we pé tyí pé wró kwrónmɔnɔ gbò yõ Yesu Kristale.

Sètìn sò tir ngebẽne

14 Mé ye sébéy mène n tekɪ n mɔ á tyí, nte ní sɔno sɔkɔ mé kɪ pɔ n yah n pi á tyí dõ kwéy.

15 Nte máh kɪ se mo pónyah-ńsah á tyí, tyi nónó-á mé wãrkɪ tekɪ mɔ á tyí, sépi kɪ n yohnɪ n mɔ á kɪ á gblɔy tẽ ònkú pĩ min nétẽ Liyel no wró sɔkɔ, pépi nónó-á Yesu yõ sêpú ònkile, nónó-á gbɪ tẽnsàhpule dàhpè sɔ.

16 Liyel-á nê yo á tyí Yesu Krista tyí sɔkɔ, tyi ngebẽ ye kéle.

Liyel n̄ gblɔy pi névile à pɔ sɛtáh yõ, nê-á Kristale.
 Liyel Mirki kè wɛkɪ ne négbí-á n̄ne,
 ȳinyõ tɔ̄npɪbɪ à we,
 n̄ tyí yo névye tyí nónó náh pi Nsyifunɔle,
 névye náhnáh s̄ẽ n̄ yõ kèkõyó,
 té ȳinyõ sɔkɔ, Liyel me gbílkinó sah n̄ yõ.

4

Kwónó kɛtúkúni pípúle

¹ Liyel Mirki kè yo dal mɔ pnéyy ne kèkõyó-à pópó n tye, névye tókù-á kɪ Krista yõ s̄ẽnó yahle, té kɪ s̄ẽ m̄inyobe welo yõ, ànê kwónó nónó-á n wil sɛt̄àn tyí.

² Névye nónó-á ȳinv̄npɪbɪle ànê m̄inyobelɛ, pépi nónó-á pè náh sennɛ n pne pólle, pè kɪ pé gblɔy sah pépi kɔ̄ pè kɪ vi t̄ẽ.

³ Pépi ye n kwɔ névyele ne pe dékè náh me s̄ẽ tókì náh me, ànê yõ yõ yí yísyó-á me sè náh ȳine yónóle. Té Liyel mó t̄õ kéne yõ yõ yí mɔ ne péwo yõ s̄ẽpú nónó-á gbɪle n pne, pè séle n yõ pè mó pèpɔri p̄ínó weyne péle n kɔ̄.

⁴ Liyel-á yí nónó pól mɔ, sè ple. Milki milki kwâh náh me sé sɔkɔ, áyâh me sè f̄ẽ syi té me pèpɔri p̄ínó weyne n̄ne n kɔ̄.

⁵ Yé náh we di, Liyel wey ànê níri ye n pi yíȳin̄i pólle yályál Liyel yah sɔkɔ.

Yesu Krista t̄ɔ̄npɪ pèpeyne

⁶ Wáh kɪ tyi nópilɛ á ȳúnpyéle n kwɔ, á kɪ pi Yesu Krista t̄ɔ̄npɪ pèpeyne. Á kɪ kè wɛkɪ kɛpah sɔkɔ ne p̄áh Liyel yõ s̄ẽnó welo ànê kwónó kègbɪ n̄ne n̄ kwɔ sɔkɔ, sah de ȳíí á sɔkɔ.

⁷ Á náh vi s̄em̄irn w̄àn ànê w̄enw̄àn kɔ̄, sépi nónó náh tir yóle n pekɪ Krista yõ s̄ẽnó sɔkɔ. Gbah n t̄ẽ n̄ ne n me Liyel yah tíkile n pi.

⁸ Wil gb̄ens̄ɛ d̄arnm̄onɔle t̄òle, yõre me ké tyí. Nte Liyel yah tíkí pínó yõre wɔ kal tyi tyi pól sɔkɔ. Yé náh we di, kɛpah gb̄ò yõ sɔkɔ ye á kɪ min we kwey gb̄i m̄è sɔkɔ, ànê n̄s̄ò t̄ole.

⁹ Wey m̄enɛ gbɪ wey ye kéle, nê-á no pól ȳine pè kè f̄ẽ n syi.

¹⁰ Yé náh we di, ápi-à me t̄òle n pi yèvyâhrɪle, té me gbah t̄ẽ s̄ẽ, kɛpah n wɛkɪ ne á gb̄ò s̄ahnó-á me min n̄t̄ẽ Liyel yõ, nê-á no pól pwáhn̄mɔ-òle. Té w̄áh kɪ nónó pwah n mɔ n pi kal, pépi yé pi Krista yõ s̄ẽpúle.

¹¹ Kɛpah ye á ȳine n̄ gbah n yo névye tyí n̄te pè kwɔ kéle.

¹² Nn̄i yó n̄t̄ẽ náh ȳine à ále n yilo wáh s̄ɔ̄np̄ilɛ pi w̄ɛnp̄irle. Ye Yesu yõ s̄ẽpú t̄ẽ we ále n yah n pi á vyâh wey sɔkɔ, ànê á pi d̄úkù sɔkɔ, ànê tyín̄on̄o nê-á me á sɔkɔ, ànê á Liyel yõ s̄ẽnó sɔkɔ, ànê á pínó sɔkɔ yályál Liyel yah.

¹³ Máh kɪ pópó n pi, gbah n t̄ẽ Liyel weyne n kar tówû sɔkɔ, n̄ té névyele n vi mɔ, n̄ té kwónóle n pi.

¹⁴ Liyel t̄áhkì nê-á me á tyí, káh kè t̄ẽ gb̄onwòkòle dé; kɛpah nê-á á we Liyel t̄ɛnt̄ò syínyopu welo gb̄ò yõ, ànê Yesu yõ s̄ẽpú yah t̄ɛpú-á pé gb̄àn sah á yõ à níri pi á tyí gb̄i n̄ne.

¹⁵ Liyel t̄áhkì m̄è t̄ẽ gb̄ɛn̄in̄ne, gbah n t̄ẽ ké sɔkɔ. Kɛpah sɔkɔ, no pól kɪ kè we ne wáh me n yuku yahle.

¹⁶ A gblǒy tǎnó ple, wáh kwónó nêne n kǒ n té ké to tǎnó ple. Gbah n tǎne n yuku yahle ké soko. Wáh n pi sǎ, képah soko ye á kǐ á gblǒy pwah mǎ, té kǐ á wey nóhpú to pwah mǎ.

5

Timote-á yǐne à Yesu yǒ sǎpú tǎ dǔkù nêne

¹ Wáh yèwàhle n vi mǎ, káh ne n wekǐ n tyí dírí soko, ne n wekǐ n tyí á sú sǒ nne. Kètǎnpǐle n vi mǎ á yǔnpyé sǒ péle.

² Syódǐle n vi mǎ á yǔbí sǒ péle, n té syónpǐle n vi mǎ ké yah pèpey yǒ á dósýó sǒ péle.

³ Pékúsyǎ nónó-á yòhnǎnmǎpu náh me pé tyí, pé tǎnó ple.

⁴ Nte pékúsyǎ nónó tyí wǎnpǐ-à me, képah náh pi pétóbéle, kéne wǎnpǐ ye yǐne pé pé Liyel yah tíkǐ pínó wǎkǐ à yuku pé gbô tǎn tǐnne. Pǎh yǐne pé nê pi pé dúbípú tyí, pé képahle n pi pé tyí. Yé náh we di, képah tyí ye nǎ Liyel tyí.

⁵ Nte sé nê-à me pékúsèle kègbǐ yǒ soko, nê-á névi náh me n tyí kǐ à yohnǐ mǎ, nǎmǎ ye nkǎne n gbǒ sah n yǐ Liyel yǒ soko. Á Liyelle n ye n gbo nírí soko lékǎh ké gbǐntǒ.

⁶ Nte pékúsè nê tǎ wǎ-à me wil gbǎnsé dékè tyi óle n sǒ, nǎmǎ me kúnóle tǎ à sah vile.

⁷ Wáh yǐne n nê to yo pé tyí sǎnko lékǎh káh pǎ we pé tyí, kè we yò.

⁸ Névi nê-à n yáhndahnǎmǎ-nkǎne n tyí névyé tyí soko, ànê n kéte névyé tǎ tyí soko, tǎ Krista yǒ sǎnó wǎkǐ milki. Krista yǒ sǎ-nkǎ névi nǎtǎ fǒnfǒ nǎmǎ yǒ.

⁹ Pékúsè nê yǐn-à pópó n wǎrkǐ, à nne n mǎ n kǒ pékúsyǎ wró à yǐne à ne n me ye tikitǎnǐ tǎ wǎ we, à mó ne me de yah pé núkú ó tyí.

¹⁰ N tyí yǐne kè ne me pǎnóle n tyípéplǎ pínó tyí soko. Á ne n me n wǎnpǐ tǎnó ple, à ne n me ye népǎn ne n twah n tyí, à ne n me Yesu yǒ sǎpú gbyêhne n wu, à ne n me névyé nnǎle n de nónó-á me yèkwǎri soko, à mó ne n me tyípéplǎ duke pólle n pi.

¹¹ Nte syópám nónó tǎ wǎ-á pékúsyǎle, káh pépi yni wǎrkǐ pékúsyǎ soko. Á náh we di, lédórǐ-à pǎ pé wró gbe mǎ Kristale, pé n ne n me ké tyí ne pé pé syǐ de pǎbi tyí.

¹² Káh pi sǎ, lékǎh n we pé tyí, pǎh sǎnpǐle pé vyǎhle Krista kǒ té pǎ pé syǐ n náh.

¹³ Pǎh se tǒ pi tǒ kǎ névyéle sǎ, pé n wǎ n tǎ gbéngbèn kǎnkǎnǎ ó soko. Pépi ye tǒ náh me pé tyí yò, té pé n tǒ n pi wǎnkǎnki wékípúle vyǎhle dálnóle, n ne n wekǐ n min n dah n mǎ sǎ.

¹⁴ Képah ye, mé me ké tyí ne pékúsyǎ nónó-á me syópámne, pé de pǎbi tyí. Pé fǎ wǎnpǐ we, pé mó ne n yah n dah mǎ pé gbén tyí soko. Sǎnko pé káh pǎ wǎkǐ yǐkǐ mǎ á sépébi kǒ pé á yǐnpole n yo.

¹⁵ Yé náh we di, pékúsyǎ tǔkǔ ye me wǎkǐ milki te, té me sétǎn yòtǎ sǒ tǎ.

¹⁶ Nte pékúsyǎ-à me Yesu yǒ sǎ-ò sé nê wòkò tǎn soko, tǎ yǐne à ne n yah n dah mǎ pé tyí soko, sǎnko képah káh pi Yesu yǒ sǎpú tǎnkǐ yótókóbǐle. Képah soko, Yesu yǒ sǎpú tǎnkǐ to kǐ mó n yah n dah mǎ pékúsyǎ tyí soko nónó-á nékǎn tǎnne.

Yesu yõ sěpú tĩnkĩ yah těpúle

17 Yah těpú nónó-à me Yesu yõ sěpú tĩnkĩ yahle n tě palle, yõyén yĩne kè ne n sah n yĩí pé yõ. Ké dú dɔkɔ pé nónó-á Liyel wey yónó ànê névyé kwónó tò me dahbi pé gbò.

18 Yé náh we di, kè me wárkínsàhnóle Liyel wey sébéy sɔkɔ ne, nyeh-à me swāh tónó sɔkɔ á tyí gbí nêne, á káh sé vyěy pukubi ne sè káh á sè mukòle n yõ. Té tõ me wárkínóle ne, tònpi-á yĩne n tò pínó sār wénóle.

19 Káh n fě n syi lékàhle n syi yah tě-òle n kō ne kéne tir náh wil tàrfyò népí ní mí képah náh pi tǒmí vyěy sɔkɔ.

20 Névi nê-à tyítúkù pi, kè yo gbàb tówù pól yí yah sɔkɔ, sǒnko kè tíkí mɔ téló sɔkɔ.

21 Mé kéle n gbah n yo á tyí Liyel yah, ànê Yesu Krista yah, ànê yĩnyõ tònpi bi wĩkínsàhnó yah sɔkɔ ne, á tyi nópi pólle n pi tómm, á káh wáh kùle n pi.

22 Káh ne n sal á gbòle n sah névi yõ n ní ríle n pi tě tyí, ànê káh á vyähle n dah n mɔ á ní-òle n tyípél pínó sɔkɔ. Ne n me yályál Liyel yah sɔkɔ.

23 Wáh me n yo gbáhyí náhnàhle sě, káh ni ó kókóle n wɔ, ðivě tole n wɔ kwéykwey á fɔkɔ markí yĩnne.

24 Névyé túkù tyípél me sè n wilki n mɔ kwèyy pé tükè-ńkě sɔkɔ. Nte túkù tyí me, náh ó sè n pɔ n pĩ.

25 Sě ye tyípéplɔ tɔle, sépi tɔ n we kwèyy yĩne, ànê nónó n tě fyé-á sè náh me n yah, sè náh n wũ n pi wĩkĩnmɔ-ńkěne.

6

Yõbi ànê pé yõtāmne

1 Nónó pól-á me yõrile n pi, pé yĩne pé pé yõtāmne n mɔ n kō ne pāh yĩne yõyén sàhnóle pé yõ, sǒnko áyáh kwónó nêne n kō, ñnĩ yó n tě káh pɔ képah ànê Liyel tyíle n yo n ko.

2 Nónó yõtām-à me Yesu yõ sěpúle, pé náh yĩne pé yo ne pé yúnpyé-á péle, pé mó yahle yõyén sàhnóle pé yõ sɔkɔ dé. Pépi nónó-á pé yúnpyé pèplɔle, pépi-á sǒnpíle n we pé tò pínó yòrele, pé ye pyě yĩne pé tǔle n pi n yĩí pépi tyí ńkě.

Mĩnì kwónó ànê tahrĩ tyínɔnɔle

Yah, kéne tyi ye á yĩne n nole n kwɔ, n té sè kō n sah pé kō.

3 Nnĩ yó-à pɔ nole n kwɔ tyíkàhkíle, té kè náh me núkúle gbĩ weyne nê-á wil ápi Tě ñgbě Yesu Krista tyí, ànê kwónó nê-á á we Liyel yah tíkí pínó tyí yõ,

4 képah n wěki ne gblɔy gbĩlkinó-á tě yí wɔ. Npĩ-ńkě ney ye těne, nê-á yékāb pínó, ànê wěnkýõ wékínó me n yògbèkè yki sah, sépi nónó-á n pɔ n pɔ mékíle. Sépi ye n pɔ n pɔ yúnwǒrí, ànê méwéy, ànê yrówān yónó, ànê gbyòle.

5 Té tõ n pɔ n pɔ yékāb kwĩnkile lékām ké névyé wró, nónó-á pé náh gbile n pne pólle. Pépi tǎn n ne n sō ne Liyel yah tíkí pínóle, kwāh wénó-á me ké sɔkɔ.

6 Gbĩ tě wɔ ye, Liyel yah tíkí pínóle tahrĩ ñgbě ye kéle névyé tyí, nónó-á pé wénó pé yĩne n yuku.

⁷ Yé náh we di, ápi náh pɔ kwâh yó ntěne kèkõyó mè sɔkɔ, á náh mó á syi n sɔkɔ n pi kwâh yó ntěne.

⁸ Nte yõke ànê flo tẽ-à fyò me á tyí, sè yĩne sè á yí yuku.

⁹ Nte nónó-à me ké tyí ne pé pi tahbile, pépi ye n de mónyahno sɔkɔ. Tyíwân ànê yõ ké tyi sônɔ n pɔ pè mɔ n tẽ, sépi nónó-á névyele n mɔ tyí yíkínó ànê mónpuno wěkì yõ.

¹⁰ Yé náh we di, tyípêl duke pól tyàh-nsah n wil pó tyínɔnɔ sɔkɔ. Pó yáhnkõnɔ kèpékè tẽ tyí, túkù Liyel yõ sěno yal mɔ, té kwlónó náhnáh yori mɔ pé gblõy yõ.

Pole-á vinnɔnɔ nēne Timote kō ñ gblõy tẽ òkù tyí sɔkɔ

¹¹ Nte áwɔ tẽ wɔ-á Liyel tyí névile, ne n to kéne tyi yah sɔkɔ. Ne n yah n kō ne á pi négbile Liyel yah, á ne n me Liyel yah tíkile n pi, á ne n me sěnole Liyel yõ, tyínɔnɔ ne n me á sɔkɔ, á ne n me sōnmóle n pi, á mó ne n me á gblõyne n tiki n mɔ.

¹² Mékì pèpey fwo à yuku Liyel yõ sěno tyí tĩne. Á pwáhnɔnɔ tẽ n yĩn pálle, kèpah nê yĩn-á Liyel ye ále, té á me fẽ syi névyé náhnáh yí yah ne wáh pi Yesu yõ sě-òle.

¹³ Liyel nê-á minne yiyĩn pólle n kō, ànê Yesu Krista nê-á yĩn Põse Pilati yah sɔkɔ à Liyel yõ sěno welo tō sah wèkì, pépi yí yah sɔkɔ ye mé kéle n yo á tyí ne,

¹⁴ tyi nónó-á kō sah ñ kō, á sé wãlle n kɔ. Á ne n me pílkí-nsah kéne ànê wényo-nsah kéne á tyí fókù kɔ pɔ nɔ ápi Tẽ ñgbě Yesu Krista syínɔnɔ tyí.

¹⁵ Liyel núkúní nê-á tyi pól tyí tẽnpnè-òle, pèpɔri-á n wil ñmɔ nê tyí, ñmɔ nê-á yõtãmnó Yõtěne, ànê tãmnɔ TÈ NGBÈNE ñmɔ ye kɔ Krista kō à kɔ ñ syi pɔ à yĩne ké gbí yáhtɔkonsàhnóle.

¹⁶ Ñmɔ ó ye à náh ku n yah n pi. Á me déntěnole kyòo yó sɔkɔ nê-á ney náh fẽ n nɔ n de n pi kéle. Ney yí náh tẽ yah ké yõ, ànê ney yí náh n tẽ n yah n pi ñ yõ sɔkɔ. Gbílkinno ànê tãhkì ne n sah ñ mɔ yõ gbímegbí. Amiina!

Vinnɔnɔ nê-á yĩne tahbi kōnóle

¹⁷ Kè yo kèkõyó mè tahbi tyí ne pé káh pé gblõyne n gbilki, pé káh pé gbò sah tahrɔ yõ nê-á kɔ n tye n pi. Nte pé pé gbò sah Liyel yõ, ñmɔ nê-á yiyĩn pólle ápile n kō náhnáh nê-á kɔ á kō á kɔ me ñvìnì sɔkɔ.

¹⁸ Yo pé tyí ne pé tyípéplɔle n pi, pé ye pé tahrɔ pi tyípéplɔ pínóle. Pé pi fòkòpènrɔ névyele nónó-á kɔ fẽ syi n yĩ n kō.

¹⁹ Kèpah sɔkɔ, pé kɔ tahrɔ pèpey yah sah pé gblõy tyí nsò yĩnne nê-á kè náh n yikì. Sõnko pé pɔ min kègbɔ we.

Vinnɔnɔ téyne

²⁰ N dí Timote, tyi nónó-á áwɔ gbò dahbi, sé těno ple. Káh ne n de yékâb wân pínó sɔkɔ nónó náh me n yuku Liyel yõ sěno wěkì yõ, ànê káh névyé welo nĩne n tẽ nónó-á pé gblõy pi tyi kàhnɔnɔpule.

²¹ Névyé tókù ye pé gblõy pi kéne yípì mè òkù névyele, té Liyel yõ sěno wěkì milki.

Mé kéle n yah n kō ne, Liyel ñ pèpɔri pi yé tyí.

Pole sébéy ní-ò tékínmṛṛṛle Timote tyí

Pole wékínóle Timote tyí

¹ Nmṛṛṛ Polele, Yesu Krista tǝntǝ névi ye nne à yǝne Liyel dyo yǝ tǝne. Liyel-á n vyǝhle á kǝ tyé-nké min nǝ tyí sṛkṛ, té kǝ n we Yesu Krista gbǝ yǝ, à ní tǝkṛ mṛ képah tyí yo yǝnne névye tyí.

² N pídí Timote, áwṛ nǝ tyí-á nṛ yǝ ní tyí, áwṛ tyí ye mé n tǝkṛ n mṛ sébéy mǝne. Mé kéle n yah n kǝ Sú Liyel ànǝ ápi Tǝ nǝgbǝ Yesu Krista tyí ne, pǝ yǝbǝnṛṛṛ pṛ á tyí, pǝ mó á yǝm yah, ànǝ pǝ yǝvṛṛṛṛ n kǝ.

Pole me n wekṛ Liyel tyí

³ Gbǝmǝgbǝ máh n sǝ á tyí sṛkṛ, mǝ weyne Liyelle n kǝ náhnáh nṛṛṛ nǝ tyí-á mé me ní fṛkṛ dal mṛ tǝle n pṛ palle ní sṛtóbé tyí kǝle. Lékǝh ké gbǝntǝ, máh nírilǝ n pṛ, mǝ n pṛ á tǝ tyí.

⁴ N dyo-à to kǝ á yǝtǝ kwénó tyǝle, mǝ n ne n me yǝ kǝ tyí ne mé n we ní nṛ kǝ kǝ vṛ yǝ.

⁵ N dyo náh fwṛ á Liyel yǝ sǝnó kǝgbṛ tyǝle. Liyel yǝ sǝnó kǝgbṛ nǝ-á lésǝ me á yǝntó Loyisi ànǝ á yǝ Yenusi sṛkṛ, ní sǝnyǝnṛṛ me ké yǝ ne, képah núkú-á me á tǝ sṛkṛ.

⁶ Képah ye, mé á dyoṛle n to n kǝ ne, máh ní gbǝn sah á yǝ á nírí pṛ á tyí, té Liyel me n Mirki tǝhkṛ nǝne n kǝ, á kǝ koh n tǝ yǝn.

⁷ Nǝgbǝ Mirki nǝ-á Liyel á kǝ, tíkṛ Mirki náh kéle dé; tǝhkṛ ànǝ tyǝnṛṛṛ, ànǝ gblǝy tǝnó Mirki ye.

⁸ Káh n ye ápi Tǝ nǝgbǝ tyí yónó pṛ senne á tyí. Nmṛṛṛ mǝnóle wǝkǝnǝpǝkǝ sṛkṛ nṛṛṛ tyí sǝwǝh, káh n ye kǝ ne me senne á tyí. Nte Nṛvṛnṛ tir yónó yǝvyǝhrṛ fǝ n syi nṛmṛle wǝ tyí, á gbǝ sǝhnó mó ne me Liyel tǝhkṛ yǝ,

⁹ képah nǝ-á pwah mṛ ápile, té à me á ye pṛ n nolǝ. Á tyǝpǝplo pínó yǝn náh à képah pṛ á tyí dé, kǝ ye n dyo ànǝ pǝpṛṛṛ ye à pṛ á tyí kéle. Yesu gbǝ yǝ, à kéne pǝpṛṛṛ mǝ pṛ sah ápi kǝ kǝkǝyǝ mó-nké gbǝ dùkùle.

¹⁰ Kéne kǝpṛṛṛ ye á we núkúnúkú á pwáhnṛṛ-ò Yesu Krista pónó sṛkṛ. Nmṛṛṛ ye pṛ kǝ tyí yṛkṛ té Nṛvṛnṛ tir yo á tyí, nǝ-á á mṛ tyé-nké min wǝkṛ yǝ.

¹¹ Nṛvṛnṛ tir mǝ yǝn ye Liyel nṛṛṛ ye tǝ, té n pṛ Yesu tǝntǝ syǝnyo-òle, ànǝ tyi kǝnsǝhnó kwó-òle.

¹² Képah kwlónó ye ní yǝ sṛkṛ, nte kǝ náh me senne ní tyí. Máh ní gbǝ sah névi nǝ yǝ, mé nne n pne dǝ. N sǝnyǝnṛṛ me ké yǝ tǝle ne wǝh nǝ dahṛ ní gbǝ, tǝhkṛ-á me n sṛkṛ kṛ fǝ ké tǝnó ple, pópó kṛ pṛ nṛ gbǝnyǝkṛ tǝy sǝ tyí.

¹³ Timote, máh welṛ gblṛ nónó yo á tyí, sǝ koh n tǝ n yǝn Liyel yǝ sǝnó ànǝ tyǝnṛṛṛ sṛkṛ, sépi nónó-á á we á wró kwǝrónmṛṛṛṛ gbǝ yǝ Yesu Kristale.

¹⁴ Liyel Mirki nǝ-á me ápi sṛkṛ, képah gbǝ yǝ wáh kwónó pǝpey nǝ we, kǝ koh n tǝ yǝn palle.

¹⁵ Áwṛ nǝtǝ pínó me ké sṛkṛ ne, Asi mara tǝn pól-á pé náh vi ní kǝ, Fisyelh ànǝ Yeremosyṛṛ nǝtǝ tǝ pé náh vi ní kǝ.

¹⁶ Mé kéle n yah n kǝ Liyel tyí ne, à Nsyonesifṛṛṛ ànǝ n no nule n gbǝ. Yǝ náh we di, máh wǝkǝnǝpǝkǝ sṛkṛ kǝrnnǝ mónóle ní tyí, ké sen náh nṛṛṛ tǝ wo yah kǝ ní nṛ dénpṛṛṛṛle gbáhyí náhnáhle.

¹⁷ N yǝnǝntǝnṛ nṛṛṛ Wrome kwil sṛkṛ, à ní gbah soh kǝ sṛú à kyṛ we.

18 Mé kéle n yah n kō Tě ñgbě tyí ne à ñ yām yah tukey tuke sōle. Wǎh yòhnìnmonò nónó pɪ ní tyí Yefesɪ kwil soko, ney nǎh sè pĩ no áwɔ Timotele.

2

Pole ne Timote ñ tah sah

1 Áwɔ tẽ wɔle ní pídí Timote, yòbènrɪ nê-á ápi we á wró kwrónmonò gbô yô Yesu Kristale, képah yĩnne, á tah n sah yĩ.

2 Wáh ní kwónó nê noh névye nǎhnáh yí yah, kyɪ négblo kwɔ kéle, nónó to-á kɪ t̄õ fẽ tókù kwɔ kéle.

3 Kwónó nê-á yĩne ále, kè fẽ n syi Yesu Krista sràsyi yèsyìkì tyí kōle.

4 Névi-à fyò de sràsyiyá soko té me ké tyí ne pé pé yõtẽ ñivìnne n pɪ, ǎ ñ vyǎh de kèkōyõ tyi téló soko.

5 Wẽ kálnó tóló to-ò to nǎh t̄órí yókúríle n we n pne né à nǎh to ké wẽkì yõ.

6 Sètõ nê-á t̄õ swǎhle à kwlo, ñmò ñgbò ye yĩne ké sèmuco wénóle

7 Sõ n yah ní welo yõ, Tě ñgbě kɪ sé pól syíkí-ńsahle ñ wẽkɪ.

8 Káh á dyɔ fwɔ Yesu Krista tyíle,
ñmò nê lékó-á yiki mɔ.
Davidi nǎh ney ye ñne.

Sẽ ye kéle yónóle ñivìn tir soko, képah nê-á mé me n yo n kō.

9 Kéne ñivìn tir yĩn ye kwónóle ní yõ soko, ànê kárnne mónóle ní tyí á kɪ ne pèkè pí-ò s̄õ ñne. Nte kárn nǎh se yó me mɔ Liyel wey tẽ wɔ tyí té.

10 Képah ye, mé me tyi pólle n sro névye yĩnne Liyel-á nónó yah toco, s̄õnko pé to pwáhnmonò we Yesu Krista gbô yõ, pé mó gbílkínó we nê-á kè nǎh n tyɛ.

11 Gbɪ wey yó we yò:

Áyáh kɪ me ku Yesu Kristale wẽ tyí, á kɪ me min to soko ñne wẽ tyí.

12 Áyáh kɪ á tah sah wẽ tyí ñne,
á kɪ t̄órí pɪ ñne wẽ tyí.

Áyáh kɪ à yahle,
ñ to kɪ á yahle.

13 Áyáh kɪ s̄õ pí-ńkẽne négblole,
ñmò tẽ wɔ kɪ tẽ négbíle,
à nǎh fẽ ñ syi n kur n pi.

Kwónó kétúkù fwónóle

14 Névye dyɔ to n kō n mɔ kéne tyile, ñ té ké gbáhdýáh di pé tyí Liyel yah soko ne, pè káh yékāb wǎnne n pɪ. Sè nǎh tir yóle n pekɪ. Nónó-á me séle n nohnɪ, sè n pyé pépi mɔ n pu.

15 Á tah n sah Liyel yí kō kè yuku ále. Pɪ t̄õnpɪle, nê-á gbɪ welole n yo ké yah yõ, té sen nǎh n pɪ ñ tyí à yuku ñ t̄õ tyí t̄inne.

16 káh yáhwǎnne n yǎh nónó-á sè nǎh me yuku Liyel yõ s̄énó tyí t̄inne. Nónó-à kéle n pɪ, pé wró n ne n gbah n gbe Liyelle.

17 Pé yáhwǎn yíkínóle n pɪ á kɪ ne nówũ-á ńkẽne wille n yõ s̄õ. Yimene ànê Filetɪ to me kéne s̄ɛnkno névye soko.

18 Pépi gbɪ wẽkì fɪn mɔ té me n yo n ne lékyî-á yilki mɔ soko te. Sẽ ye pè pɪ té névye nǎhnáh Liyel yõ s̄énó yɪkɪ.

19 Nte sépino pól soko, Liyel-á sètyah nê wilki, képah tẽ wɔ me. Welo nónó-á me wǎrkínóle ké tyí yõ, sè we yò:

«Nónó-á me Tě ñgbě tyí yō, à péle n pne.»

Ànê tō: «Nónó pól-á Tě ñgběne n ye n gbo, pè yīne pè tyítúkùnì we n ye.»

²⁰ Wòkò ñgbě sòkò, sǎn vyó ànê wárn vyó ó kókó náh me dé; sésár tyíno me, puri tyíno tò me. Túkù me yí tǎhnì mọ yīnne, túkù mó me ñyǎn yí mọ yīnne.

²¹ Tyi nónó tyí-á mé yo, Névi nê-à sè we ye té pi yályál Liyel yah, tě ki me wìkìnsàhnòle tyítǎhnì pi yīnne. Ñ yétō ki me yōtě dí tyí tyípéplọ pi yīnne.

²² Kètēnpìkìni dékè tyi we n ye. Tyi nónó-á á yīne n yah n kō, sè we yò: Gbì wěkì kólóle, Liyel yō sěno, tyínonole, ànê yèvinune. Yé sépi pólle n pi ànê névyele nónó-á me Tě ñgběne n ye n gbo fòkò pépérle.

²³ Yékāb wǎn pínó we n ye. Á pī ne sépi-á n pọ n pọ mǎlle dò.

²⁴ Ngbǒ Tě ñgbě tǎnpi náh yīne mékì pínóle dé. À pyě yīne à ne n me népír névile no pól tyí, à mó ne n me névyele kwónó yah we, té pǎh ñ tyíle n yo, à tě we kè sómnó.

²⁵ À yīne à ñ wey kǎlpule n tě mármár à vinnonole péle n kō. Nê pī, ténkǎh Liyel ki ye pè kō pè ki pé sǎno we vi mọ ki gbì we pī tē.

²⁶ Képah-à pi, pé yah ki pi kyòo pè ki we de sétǎn yōtě vyóy sòkò, nê sòkò-á sǒ à pè mọ tē sah pè kō pè ñ dyo yīne n pi.

3

Kèkōyō tyénó tyile

¹ Timote, á yīne ñ kè pī ne kèkōyō tye gbīne, tyah tǎhnóno-á ki n we.

² Névyele ki pi gblǒy yō yíkípule, pọ kódíbile, wèngbìl wékípule, gblǒy gbìkípule, Liyel tyí yóndepule, dúbípú tyí yáhlepule, pèpọri pí-ńkē névyele, Liyel tyi mónkò-ńkēpule,

³ kùkùtǎhkì névyele, népíkòbule, névyele yīn yíkípule, gblǒy tē-ńkē névyele, nékókè mópule, pèpey fwópule,

⁴ wě náh vípule, fòkònyǎhnì névyele, gblǒy yǎnsàhpule. Pé dyo yī tyi tyí ki no kal pé tyí Liyelle.

⁵ Pè ki pi yí yah Liyel yah tíkí pípule, ñte kègbì yō, pè náh Liyel yah tíkí pínó tǎhkì fě n syi n pi. Káh ne n pi n soh sěnkno névyele.

⁶ Pé túkù n ne n de n kō gbèn sòkò ñ syó túkùle n vi n tē, nónó lékām-á tuke. Kéne syó me tyípél ó pé tōó. Tyi duke pól dékè n ne n me pé sòkò.

⁷ Pè me sǎhnó sòkò kǔmm, ñte pè náh me fě gbule n pne pólle.

⁸ Nsyānesi ànê Nsyābresì-á Moyisi kǎli sǒ, sě ye pépi tò me n kǎli gbule. Pé sǎno náh me palle. Liyel yō sěno náh yuku yahle.

⁹ Ñte pè náh n yuku n pi yahle. Yé náh we di, no pól ki pé nēwǒré we kwèyy sǒ-á Nsyānesi ànê Nsyābresì tyí pi.

¹⁰ Ñte áwọ Timote tē wọ ye ñmọ sèfiki mọ tyi tyi pól sòkò: Máh kwónó nê pi á kè fě syi, té me ní pi dükùle n yah n pi. Á ní sǎnole n pne, ànê ní Liyel yō sěno dükùle, ànê ní tyi srónó dükùle, ànê tyínono nê-á me ní sòkò, à tǎhlì máh me gbah tē dükù nēne.

¹¹ Pǎh ní fǒh dükù nēne á kéle n pne, à tǎhlì máh yèvyǎhrì nónó pi Antyosyi, ànê Yikonyumi, ànê Lisitir sòkò. Fóhnó nê dükù tē me mé náh kè we yah? Ñte Tě ñgbě ní pwah mọ sépi pól sòkò.

12 Gbɪ yõ, nónó pól-á sě Yesu yõ, té me ké tyí ne pé pé minne n pi Liyel yah tíkí pínó soko, pé kɪ fõhnó we.

13 Nte népêl ànê névye pílkipú tẽ wɔ kɪ yõ soko pèkè pínóle kɪ névye tókù pilki, té kɪ pé gblõy n̄tẽ tɔ pilki.

14 Nte áwɔ tẽ wɔ-á kwónó nê we té kè fẽ syi ne gbɪ-á kéle, kè tẽ yĩn palle. Wáh kwónó mè we nê tyí, á ñne n pne ó.

15 Á wẽnpir gbí òkùle á Liyel weyne n pne. Kè kɪ fẽ á lékám yɪkɪ mɔ ñ kɔ á kɪ pwáhnmonɔ we Yesu Krista yõ s̄nó gbõ yõ.

16 Liyel wey pól wārki Liyel tãhkì gbõ yõ. Kè wārki névye kwɔ yĩnne, ànê m̀nì gbel kye yĩnne, ànê pílki-nt̄an t̄õ yĩnne, ànê névi mɔ yĩnne gbɪ wẽkì kóló soko,

17 s̄nko, Liyel tyí névi pi négbíle t̄an pèplo pól fẽ n pi yĩnne.

4

1 Yesu Krista nê-á kɪ pɔ vye ànê kyí tuke n pi, mé kéle n gbah n yah n k̄ó á tyí Liyel ànê ñmɔ yí yah, à tahl̄ ñ syĩnpɔnɔ ànê ñ t̄õrí yĩn yõ ne,

2 á Liyel weyne ne n yo. Kàh s̄õ yèvyãhrɪ gbí soko ò; kàh s̄õ yèvɪnɪ gbí soko ò; kéle ne n gbah n yo. Névi nê-à pu pi, wɛkɪ tẽ yõ, vɪnmɔnɔle tẽ k̄ó, tẽ tɔkɔ yárr ñ kwónóle à k̄ó.

3 Gbí yó me n pi, tókù náh t̄õ kwónó yèsyìkì fẽ n syi n pi. Tyi nónó dékè-á n ko péle, pé kɪ kwópú kwĩnki yísyó yah nónó-á kɪ pɔ sépi tyíle n we n yo pé tyí nónó nóhnó-á me nɔ.

4 Pé kɪ pé ní tah tũ yahle gbɪ nóhnóle, té kɪ sèmirn wɔle n nohnɪ.

5 Nte áwɔ tẽ wɔ á gblõy tẽ palle tyi tyi pól soko. Kwónó sro, ñ té á gblõy k̄ó yĩ Ñìv̀nì tir yónó soko. Pi Liyel t̄õnpi pèpeyne.

6 Ñmɔ tẽ wɔ pi gbí nɔ te sárkále. Kèkõyõ fin mɔ gbí nɔ ní tyí.

7 Mé mékì pèpey fwo à yuku Liyel yõ s̄nó tyí t̄inne. Tóló nê soko-á s̄õ ñne, kè tye. Mé náh Liyel yõ s̄nó yal mɔ.

8 Nte núkúnúkú, t̄ɛnwɛnɔ yõre wénó ye mé me syɪkɪ tẽ, nê-á négló yõt̄órí yõkúrile. Tẽ ñgbẽ nê-á tukey tükè-ò pèpeyne, ñmɔ ye kɪ ní k̄ó n pi kéle. Té à náh n yĩn n pi ñmɔ ó tyí dé, nónó tɔ-á me ñ pónó syɪkɪ tẽ ñìv̀nì soko, à kɪ pépi tɔ pól k̄ó kéle.

Pole me vɪnmɔnɔ téyne Timotele n k̄ó

9 Gbah n tẽ n pɔ ní t̄inne súú.

10 Yé náh we ò, kwey gbí tyi me yah syi Demast tyí à k̄ó à me ñ náh vi ní k̄ó. À me soko Tesaloniki kwil soko. Kresã mó soko Kalasi mara soko, té Tite wɔ me soko Dalmati mara soko.

11 Likyì ó ye me ní t̄n̄. Markɪ tẽ yè pɔ wẽ tyí ñne. Ñ yétõ me gblò ní tyí t̄õ mè soko.

12 Mé Tisyiki tekɪ mɔ Yefest kwil soko.

13 Wáh kɪ n pi, ní fwòmò-ñgbẽ tɔkɔ n pɔ ní k̄ó nê-á mé sah Karpusi tyí Turast kwil soko. Ñ sébéynó tɔ tɔkɔ n pɔ n k̄ó, ñ té n pɔ sé s̄el tyínɔ tɔle, sépi nónó tyí-á tah kal ní tyí.

14 Kètõndí Alekisãdre népékè kah pi ñne. Tẽ ñgbẽ kɪ à dyah n pi ñ tyípinne.

15 Á ápi wɛlɔ k̄ólɪ kah mɔ. Kèpah ye, á tɔ á gblõyne n tẽ ñne.

16 Pãh ní tuke s̄õ n̄ne gbenne, no pól pé náh vi ní k̄ó. Nn̄i yó r̄tẽ náh yo tẽ mɔ ñne. Mé kéle n yah n k̄ó Liyel tyí ne à káh kè pi t̄irle pé tyí.

17 Nte Tẽ ñgbẽ wɔ so mɔ ní tyí. Á tãhkile n k̄ó mé fẽ ñ wey yo yĩ, té nónó náh pi Nsyifunɔle, pé pól kè we noh. À ní pwah mɔ kyëkingbẽkɪ tyí.

¹⁸ Tě ñgbě kɪ tɔ́ ñ yõ wilki n pi pèl duke duke pól sɔkɔ. Té kɪ ñ pwah mɔ ñ kɔ́ mé kɪ we de ñ tɔ́rí sɔkɔ. Gbílkínó ne n sah ñmɔ yõ gbímeḡbí. Amiina!

Wey tyé-ńsahle

¹⁹ Wɛkɪ Prisili ànê Akilasɪ tyí ñ kɔ́, ànê Wonesifɔrɪ nolɛ.

²⁰ Yerasɪtɪ wũ Korēnti kwil sɔkɔ. Mé Torofimi wɔ sah Miletɪ kwil sɔkɔ. À sɔ́ me n yɔ́ képah ye.

²¹ Gbah n tɛ́ n pɔ́ kwòvɪrɪ gbí nó-ńkɛ́ sɔkɔ. Yebulusi, ànê Puděsɪ, ànê Linusi, ànê Klodya, ànê á yũnpyé tɛ́lɔ́ pól n wɛkɪ á tyí.

²² Mé kéle n yah n kɔ́ Tě ñgbě tyí ne à ne n me áwɔle, à mó yòbènrɔle ne n pɪ yé pól tyí.

Pole sébéy tékínmɔ̀ɔ̀lɛ Titi tyí

Wey kɔ̀nó̀lɛ

¹ Nɔ̀ ɔ̀ Pole nê-á Liyel tɔ̀npɪ ànê Yesu Krista tɛ̀ntò névile, Liyel n̄ tɔ̀ ne mé péwɔ̀ névye yáhn̄tɔ̀kɔ̀nɔ̀ yohn̄ɪ mɔ̀ pè kɔ̀ pè sɛ̀ Yesu yɔ̀. A n̄ yah tɔ̀kɔ̀ ne mé gbɪ wɛ̀kìlɛ pè wɛ̀kɪ pè kɔ̀ pè pé minne n pɪ Liyel yɔ̀ sɛ̀nó wɛ̀kì yɔ̀,

² pé gbò sàhnyĩnɔ̀ mó ne me tyé-ńkɛ̀ min wénó tyí yɔ̀. Liyel nê-á à náh mìn̄ne n yo, n̄mɔ̀ n̄ vyá̄hle pè kɔ̀ kéne tyé-ńkɛ̀ min tyí sɔ̀kɔ̀ kèkɔ̀yó̀ mó-ńkɛ̀ gbí̀ d̀ukùlɛ.

³ Té wá̄h n̄ vyá̄h kɔ̀ nê tyí sɔ̀kɔ̀, ké wɛ̀kɪ gbí-á pɔ̀ nɔ̀, à kè wɛ̀kɪ n̄ wey gbò yɔ̀, té n̄ kɔ̀ mé kéle n yo, n̄mɔ̀ nê-á á pwáhn̄mɔ̀-òlɛ.

⁴ Titi, áwɔ̀ nê-á n̄mɔ̀ pídí kègb̄lɛ ápi Liyel yɔ̀ sɛ̀nó sɔ̀kɔ̀, áwɔ̀ tyí ye mé n tɛkɪ n mɔ̀ sébéy m̀ènɛ. Mé kéle n yah n kɔ̀ ápi Sú Liyel ànê ápi pwáhn̄mɔ̀-ò Yesu Krista tyí ne, pè yò̀bè̀n̄ɔ̀rɪ ànê yè̀vɪ̀n̄ne n̄ kɔ̀.

Tò nê-á dahbɪ Titi gbò

⁵ Mé ye n̄ sah Kretɪ mara sɔ̀kɔ̀ ne, tyi téló nónó-á wũ á sè pɪ n dal n mɔ̀, á mó yah tɛ̀pú yísyó yah n sah n sah n kɔ̀ kwlo kwlo pól Yesu yɔ̀ sɛ̀pú t̄ĩnk̄in̄ɔ̀ yɔ̀ sɔ̀kɔ̀ à yĩne máh sò kè yo sɔ̀ á tyí.

⁶ Kéne yah tɛ̀pú pól yĩne pè ne n me wényo-ńsah kɛ̀ne pé tyí, ànê pé ne n me sè núkú núkú nát̄am̄ne. Pé wɛ̀np̄i mó ne n me Yesu yɔ̀ sɛ̀púle, pè káh pí-ńkɛ̀ tyile n pɪ, pè káh pɪ nòhn̄i-ńkɛ̀púle.

⁷ Yé náh we di, Yesu yɔ̀ sɛ̀pú t̄ĩnk̄i kyò̀m̄i-ò yĩne à ne me wényo-ńsah kɛ̀ne n̄ tyí, wá̄h sɔ̀npúle pɪ Yesu yɔ̀ sɛ̀pú t̄ĩnk̄i tahrɪ kyò̀m̄i-òlɛ. A náh yĩne à pɪ wèngb̄il wékí-òlɛ, ànê fòkò̀nvá̄hn̄i névile, ànê sèwɔ̀lɛ, ànê mál kò̀lì-òlɛ. Tɛ̀ káh ne yah n kɔ̀ pí-ńsahle kwá̄h nèt̄ɛ̀ne ȳĩnv̄i sɔ̀kɔ̀.

⁸ A yĩne à nép̄anne n tɛ̀ ple, pèpey pínó tyí mó nɔ̀ n̄ tyí. A yĩne à pɪ yĩ p̄í-òlɛ, ànê négb̄ile, à mó ne me yályál Liyel yah, ànê gbl̄ɔ̀y tɛ̀np̄nè-òlɛ.

⁹ Wele nónó-á yĩne sɛ̀nóle sé yɔ̀, à yĩne à sè koh n tɛ̀ n ȳĩn à yĩne kwónó nê-á à we. Képah sɔ̀kɔ̀, à kɪ tɛ̀ we Liyel weyne névyele n vi n mɔ̀, té kɪ wényo-ńsah tyɛ n̄ kò̀l̄ipɪ tyí.

Liyel ȳĩn yɔ̀ m̀inyobele

¹⁰ Yé náh we di, névye náhn̄áh me pɪ gbl̄ɔ̀y t̄ik̄in̄mɔ̀-ńkɛ̀púle, ànê wènf̄i wékí-úle, ànê névye pílkí-úle. Té pé kan n̄t̄ɛ̀ n we Nsyifunɔ̀ Yesu yɔ̀ sɛ̀pú sɔ̀kɔ̀.

¹¹ Pè me f̄ɛ̀k̄inó̀le n dahbɪ kètlo náhn̄áh sɔ̀kɔ̀ pé kwónó túkún̄ine kwá̄h we ȳĩnne ȳĩnv̄i sɔ̀kɔ̀. Képah ye, pé vȳy ȳĩne túnóle.

¹² Pé lékám névi yó lésò ne ńkɛ̀, m̀inyobe, ànê gb̄ɛ̀nképèl, ànê gb̄ãndal névye, ànê yè̀wò̀np̄ɪbɪ-á Kretɪ t̄ãnnɛ.

¹³ Gbɪ ye à yo. Képah ye, wɛkɪ n ȳĩí pé yɔ̀, pè kɔ̀ pè Liyel yɔ̀ sɛ̀nó pèpey we.

¹⁴ Pè káh pukubi mɔ̀ Nsyifunɔ̀ sè̀m̄irn̄ ànê névye tyi kò̀nsàhn̄ó náh, nónó-á sè náh me gbɪ wɛ̀kì yɔ̀.

¹⁵ Tyi pól me yályál névyé tyí, nónó-á me yályál Liyel yah. Nte névyé nónó-á me sikkínóle Liyel yah, té yahle sēnóle ñ yõ, tyi pól me sikkínóle pépi tyí. Yé náh we di, pé sōno ànê pé lékám náh me palle.

¹⁶ Pè pé gblõyne n pi Liyel pípúle. Nte pé tyípínì kéle n wēki ne pé náh ñne pne. Pè pi nētúkúnì ànê nikisekókó pípúle, pé náh tō fē tyípépēy pi.

2

Kwónó nê-á yīne Yesu yõ sēpú tīnkì kōnóle

¹ Nte áwo tē wole, ápi sēnó-á me nê yõ, képahle névyele n kwō.

² Yo yèwahnì tyí ne pé pé gblõyne n tē n pne, pé ye yōyén ne n sah pé yõ, pé pi yēsrey névyele, pé ne me sū yī Liyel yõ sēnó soko, tyínono mó ne n me pé soko, pé mó ne me sōmnó névyele.

³ Yo syódýì tō tyí ne pé ye pé kō dùkù ne me palle Liyel yah, pé káh névyé yīnne n yiki, pé káh pi sèwobule, pé névyele n vi n mo palle.

⁴ Syó nónó náh wah mo, pāh yīne pé pépile n yohni n mo pé pebi ànê pé wēnpì tyí kō kè no pé tyí.

⁵ Pāh yīne pé pi yēsrey névyele nónó-á me tómm, té me n yah n dah mo pé kētlo tyí soko. Pāh yīne pé ne n me syógbólóle nónó-á me n sah pé pebi tyí yõ, sōnko Liyel wey tyí káh yo ko.

⁶ Sóré mo kētēnpì tō soko pé pi yēsrey névyele

⁷ tyi pól soko. Áwo tē wo mó pi dùkù pèpeyne péle n wēki á tyípéplo pínó soko, ñ té á foko dal mo péle n kwō yèsyìkìle.

⁸ Ye á welo ne n me gblo ó sé tōó, wényo-nsah kēne. Képah soko, á sèpébi náh wényo-nsah we n pi ápi tyí. Kè ki pi senne pé pól tyí.

⁹ Yo yōbi tyí ne pé ne n sah pé yōtām tyí yõ tyi tyi pól soko, pé pi négbólóle pé tyí, pé káh pé yōtāmne n kōli,

¹⁰ pé káh kwāh yó ñtē yī n tōko pé tyí. Pè pé Liyel yõ sēnó pèpeyne n wēki gbímegbí, sōnko á pwáhnmo-ò Liyel-á kwónó nēne n kō, gbílkínó ne n sah ké yõ.

¹¹ Yé náh we di, Liyel ye ñ yōbènoṛi wēki képah nê gbò yõ-á névyé pól pwáhnmonole n we.

¹² Kè ále n kwō ne á Liyel yah tíkile n pi, ànê á káh á yīne n wil kèkōyó yī tyí. Káh pi sē, kwey gbī mè soko á ki tē we á minne n pi gblõy tēnó soko, ànê gbi wēkì yõ, ànê Liyel yah tíkì pínó soko.

¹³ Sē ye á yīne à nìvìnì wénó mè syiki tē, á gbò sàhnó-á me nê yõ, à tahlì gbìyìkì tyí, sō ye ápi Tē ñgbē Liyel nê-á pwáhnmo-ò Yesu Kristale, ñ tōrí ki n wilki n mo n pi.

¹⁴ A ñ gblõy kō ápi yīnne à á yõ we dwe wilki tyípél pól soko. A me ké tyí ne pé á pi yályál pé yah, á mó ne me pé tyí yõ, á mó gbah tē tyípéplo pínó soko.

¹⁵ Sē ye á yīne ñ ne n weki yōtōrí soko, ñ sórèle n mo pé soko, ñ té ne n weki pé yõ. Káh n ye ñnì yó ñtē ále n yilo.

3

Ko dùkù pépeyne Liyel wēkì yõ

¹ Névyé pól dyo to n kō ne pǎh yĩne pè pé gblǒyne n tiki n mo kwil yah tǎm ànê yǒtǎm yah soko. Pǎh yĩne pè ne n sah pé tyí yō, pè mó pé gblǒy vi sah tyípéplɔ duke pól pi pi tēne.

² Pè káh wèntùkùnĩne n weki nnĩ yó n̄tē tyí, pè káh mǎlle n kōli. Pè pi négbólle, pè mó névyé pólle ne n tē mármár.

³ Yé náh we di, ñgbòle, lékám kē ànê kèlékē névyé ye lésō ápi tole. Á sǒ me mónpunole, me á dyo dyo tyi ànê á nìvìnì tyi yōri soko. Á sǒ me á minne n pi pèkè pínó ànê dékè tyi pínó soko. Á sǒ me á dékè wilki névyé soko, té me wē dyole n yo.

⁴ Nte gbí nê-á á pwáhnmo-ò Liyel ñ pèpori ànê ñ tyínɔnole névyé wēki,
⁵ à á pwah mo. Té kè náh pi ne á tyípéplɔ pínó yĩn sǒ dé, á yǎm ye á yah. A ye á pwah mo, té min sǎnne á kō à á nno wu pi yályál Liyel Mirki gbò yō.

⁶ Á syō á pwáhnmo-ò Yesu Krista tyí à Mirki mè tiki mo á yō náhnáh,
⁷ sǒnko á pínɔnó náh négbólle ñ pèpori gbò yō, à tyé-ńkē min we képah nê-á á me n deki.

⁸ Wey mènne, gbi ye kéle. Mé me ké tyí ne á kè gbah yo pé tyí, sǒnko nónó-á sē Liyel yō, pè gbah tē tyípéplɔle n pi. Sépi ye ple, té sé yōre mó tō me no pól tyí.

⁹ Nte káh yō kē yékâble n pi, ànê káh yékâble n pi névyé duku wìl-ñsah tyí soko. Káh mǎlle n pi, ànê káh yékâble n pi névyéle Moyisi tyi kònsàhnó tyí yō. Yōre kē ànê yékâbkwè ye séle.

¹⁰ Névi nê-à névyéle n gbeki, ké gbáhdyāh di tē tyí kè no ke nínóle, wáh ké nòh-ńkēne, à gbe n milki.

¹¹ Á pĩ ne kéne névi dùkù-á wēkì pèpey fin mo, wáh me tyípèlle n pi à pèkèle n yori n mo ñ gblǒy yō.

Pole-á vìnmoɔ téy ànê wey nēne Titi kō

¹² Máh ki fyò Artemasi, képah náh pi Tisyiki tekɔ mo á tyí, gbah n tē n po n wil ní tyí Nikopolisi kwil soko. Mé kè yah toko ne máh ki kwòviri gbí pi nénpó.

¹³ Nsyenasɔ nê-á Liyel ñgbò wēkì kwó-òle, yah n dah n mo ñmo ànê Apolosi kóló tyí soko. Káh n ye kwâh yó n̄tē pè tekɔ.

¹⁴ Ápi no to yĩne pè pé gblǒy kō n yĩ tyípéplɔ pínó soko, sǒnko tyi nónó tyí-á me tah, pè tē n we sépi yahle n wah. Pè káh pi tē yōre kē névyéle.

¹⁵ Névyé nónó pól-á me ànê ñmole, pè n weki á tyí. Nónó-á ápi kódíbile Yesu yō sēnó soko, weki pé tyí.

Mé kéle n yah n kō Liyel tyí ne à yòbènɔrɔle n pi yé pól tyí.

Pole Sébéy tékínmòwle Filemo tyí

Wey kǎnóle

¹ Nmo Pole nê-á wòkònpèkè sòkò Yesu Krista tò yinne, nmo ànê á yúnpí Timote ye n tekí n mo sébéy mène áwò Filemo tyí, nê-á ápi nénóníne ànê á tò pí mûne.

² Á kéle n tekí n mo tole ápi dósê Apiya tyí, à tahlí Arsyipi tyí nmo nê-á á mékì fwo mûne, ànê Liyel yò sǎpú finkí tyí pépi nónó-á wène n tuke n mo n pò áwò Filemo wòkò sòkò.

³ Mé kéle n yah n kǎ ápi Sú Liyel ànê Tě ñgbě Yesu Krista tyí ne, pè yòbènrí ànê yèviníne yé kǎ.

Liyel yò sǎnó ànê tyínwò nê-á me Filemo sòkò

⁴ Gbímegbí máh Liyelle n ni, mè n wèkí Liyel tyí á tyí sòkò,

⁵ máh sǎnpíle me n nohní ne Tě ñgbě Yesu yò sǎnó-á me á sòkò, ànê ñ yò sǎpú tyí-á me nónóle á tyí.

⁶ Mé kéle n ni Liyel tyí ne nmo yò sǎnó nê-á ápi kwò mo pí núkúle, kè ne n yuku yahle. Tyípeplo pól nónó-á á kí fě pí Krista yinne, séle névye wěkí.

⁷ N yúnpí, tyínwò nê-á me á sòkò ñ kǎ á Yesu yò sǎpú nnòle n de, kè me nìvìníne nmo tyí, té me sǎréle n mo ní sòkò.

Pole me kéle n yah n kǎ Filemo tyí ne à Wonesimi yǎrì tye

⁸ Gbì ye sǎnsǎ, Krista yò sǎnó gbò yò mé kí sǎ fě á pí pí tir kǎ sah ñ kǎ,

⁹ ñte tyínwò yinne mé ále n ni, nmo Pole nê-á pí yèwàhle, té me rítene wòkònpèkè sòkò Yesu Krista tò yinne.

¹⁰ Mé ále n ni Wonesimi tyí sòkò, nmo nê-á pí ní pídíne Yesu yò sǎnó gbò yò wòkònpèkè sòkò.

¹¹ Ñgbòle, à náh sǎ me tirlé n pekí áwò tyí. Nte núkúnúkú, à me tirlé n pekí áwò ànê nmo tyí.

¹² Mé kí ní syí à tekí mo ñ kǎ, nmo nê-á nmo wil fí yóle.

¹³ Nmo-á me wòkònpèkè sòkò sǎ Nìvìnì tir yinne, mé sǎ me ké tyí ne à tǎ ní tnò à tòle n pí ní tyí áwò swò.

¹⁴ Nte mé náh me ké tyí ne mé tir yó pí né á náh ké wěkì kǎ. Mé náh me ké tyí ne mé ñ kyí mo á tyípepy pí. Mé me ké tyí ne kè pí áwò dyò dyò tǎne.

¹⁵ Gbòkénpi Wonesimi kí me gbe mo ále wró kwéy yó ó sòkò, sǎnko ñ pò à we kúmm yò sòkò.

¹⁶ Yé náh we di, yǎ ó náh ñne núkúnúkú dé, à fónfó yǎ yǎ. Á pól yúnpí ye ñne, nê tyí-á no yíí á tyí. N tyí no yíí nmo tyí, ñte ñ tyí ké no kal áwò tyí, wáh sǎnpíle pí áwò yǎle té tǎ pí Yesu yò sǎ-òle.

¹⁷ Képah ye, wáh kí me pí ne á yúnpí-á ñne, à tǎ ple nmo sǎ á tǎ.

¹⁸ Wáh kí me tyítúkú yó pí, képah náh pí á kǎl-à kí me ñ yò, mé kí yín sé yinnóle.

¹⁹ Nmo Pole ye n wǎrkí welò nópíle ní gbòle ne máh kí kǎl mè dyah. Té á dyò náh mé n to n kǎ ne wáh yíne á á minne ní dyah.

²⁰ Képah ye ní yǔnpi, mé kéle n yah n kǒ á tyí ne á tir mè pi ní tyí Tě ñgbě yǐn yǒ. N̄ n̄ de á wró kwrónm̄on̄o gbò yǒ Kristale.

²¹ N̄ s̄énó me ké yǒ ne négbí-á ále. Képah ye, máh tyi nónón̄e n wārki n tek̄i n m̄o á tyí yò, mé p̄i ne wáh ki sè pi ní yóré yǒ, ki kah m̄o ñt̄ēne.

²² Mé kè p̄i t̄ole ne yé níri gbò yǒ p̄ah ki ñne yé kǒ. Képah ye, mé kéle n yah n kǒ á tyí ne á s̄é-ńsah yah n sah n kǒ ñt̄ēne.

Wey tyé-ńsahle

²³ Yepafraṣi n weki á tyí, ñm̄o nê-á me ñne wòkònpèkè soko Yesu Krista yǐnne.

²⁴ Marki ànê Arisitarki, ànê Demasi, ànê Likyi n weki á tyí, pépi nónó-á ñm̄o tò pi m̄une.

²⁵ Mé kéle n yah n kǒ Tě ñgbě Yesu Krista tyí ne, à yòbèn̄or̄ile ne n pi yé tyí.

Nsyaki-á sébéy nê wārki tekı mo Liyel nípú tyí

N yúnpyé, yépi nónó-á sébéy mē kàrpule.

Nsyaki lésō sébéy mē wārki tekı mo Liyel nípú tyí nónó-á sō me kwlo náhnáh soko. Pè sō me sē Liyel yō, nte, kwlónó sō me péle n yini n tē, ànê sētō sō me péle n fwo. Képah ye Nsyaki sébéy mē tekı mo pé tyí, à sóré mo pé soko ne, pè gbah n tē Liyel yō sēnó soko. A sō me péle n vi n mo tyi náhnáh soko, ne pè tyípeplole n pi. Liyel nípú tókù sō me n yo ne páh sē Liyel yō, té pé tyípínì náh mó tō me ple. Képah ye Nsyaki kō à kè gbah yo pé tyí ne nkē, névi nê-à ne páh sē Liyel yō, té n tyípínì náh me ple, yō kē-á tē Liyel yō sēnóle.

Liyel yé yah tē ké kàrnó soko!

Wey kōnóle

¹ Nmo Nsyaki nê-á Liyel, ànê Tē ñgbē Yesu Krista tōnpule, mé sébéy mēne n tekı n mo, à n wēki Liyel nípú pól tyí, nónó-á me kárkínkōnole kēkōyó soko.

Mónyahno dòhnínóle n pi Liyel yō sēnó yō

² N yúnpyé, mónyahno-à sō pi yèvyāhrı dükù nê düküle yé tyí, yé ye kè pi nivì ñgbēne yé tyí.

³ Yé pī ne, yé Liyel yō sēnó-á tē we mónyahno tyí, képah soko-á yé ki pi tēnpnēpule.

⁴ Nte, yé ye yé tēnpnēnó mē ké tò pi kyı syı ké yin tyí, yé kō yé gbèkè yī, pèkè káh tō we yé soko, ànê kwāh yó nte káh yé tekı.

⁵ Nte, yípi-à yé soko ney yó tekı, tē kè ni Liyel tyí, à ki kè yī tē kō. Nmo ye n yī no pólle n kō fòkòpènrı soko, pé yah yó-ñkēne. Képah ye, tē kè ni ñmo tyí.

⁶ Té tē yīne à kè ni Liyel yō sēnó soko tòtò kēne. Yah, névi nê-à tòtòle n pi, tē me á ki ne yónkwıl sō, yáhkı n toko n mo n kō yey yey pólle.

⁷ Sēnkō névi káh ne n sō ne, páh ki kwāh yó nte we n pi Tē ñgbē Liyel tyí.

⁸ Névi dükù yó ye tēne, nê lékám náh me tēnóle fí nukú, ànê à me tòtò soko n tyípínó pól soko.

Yām ànê tahrıle

⁹ N yúnpyé nónó-á me yām soko, Liyel ki pō pè doko n mo n pi: Képah ye, pè ké nivıle ne n pi.

¹⁰ Té tahbi ki tye n soko n pi filfi tyí kōle. Képah ye, pè to pé tíkínmōno nivıle ne n pi.

¹¹ Sō-á gbı-à gbo, té vyāh filfi tē, sè n koko, n du n kwe. Plé-nsah náh tō n we sé tyí. Sē ó ye, tahbi to ki yah n kwlo n pi pé tyípínó nyó.

Mónyahno ànê tōnmōnole

¹² Yèvinu me névi tyí, nê-á ònne n tah n sah mónyahnɔ sɔkɔ. Mónyahnɔ sókóntenɔ náh, tẽ kɪ tɛnwɛnɔ tɔrí yókúrí wɛ, nê-á tyé-ńkẽ minne. Kéne tyé-ńkẽ min tyí ye Liyel ò vyãhle névye kɔ sah, ò tyí-á nɔ nóno tyí.

¹³ Yé pĩ, ney náh fẽ Liyel tɔ mɔ à tyípékè pɪ n pi, ànê òmɔ tɔ náh mó tɔ ònî yó òtẽne n tɔ n mɔ n dah n mɔ tyípékè sɔkɔ. Képah ye, tɔnmɔnɔ-à nê yĩni tẽ, tẽ káh ne, Liyel-á n tɔ n mɔ péle.

¹⁴ Nte, nê-á ńkẽne nénúkù núkú pólle n yɔri n dah n mɔ tyípékè sɔkɔ, pé sɔnɔ túkúni dékè tyi ye.

¹⁵ Wáh ye sɔnɔ túkúni nópi kɔ sè tẽ wɛ á tyí, sè n pɔ tyípékèle. Tyípékè-à mó gbèkè yĩ, kè n pɔ kũne.

¹⁶ N yúnpyé, yé tyí nɔ ń tyí. Yé káh yé gblɔy pilki dé!

¹⁷ Ngbõ, yínkõnɔ yĩ táhnì pèplɔ pól n wil yĩnyõ. Liyel ye n kɔ ále séle, òmɔ nê-á mɔ yĩnyõ kyòole. N dùkù náh n vi n mɔ, fɛntú tyah náh me ò sɔkɔ.

¹⁸ Nte, Liyel sò me ké tyí ne, pé á sah ò yĩ mónónɔ pól yah tinnɛ. Képah ye, à min sánne á kɔ ò wey gbɪ gbõ yõ.

Liyel wey nóhnò ànê ké wěkì kólóle

¹⁹⁻²⁰ N yúnpyé, yé tyí nɔ ń tyí. Yé pĩ ne ńkẽ, névi fɔkɔ-à vyãh, ò tyípínì náh Liyel nule n vi. Képah ye, yé nénúkù núkú pól yĩne yè yé níne n kwo nohnɪ súú, té yé káh ne n sal n wɛkɪ sónyah-ńkẽne, ànê yé fɔkɔ káh ne n kwãh n vyãh.

²¹ Kàh pɪ sɛ, yé tyítúkúni ànê népékè pínó duke duke pól yal n mɔ pnépné. Yé mó Liyel wey fẽ n syi gblɔy tíkínmɔnɔ sɔkɔ, wãh nê dah mɔ yé nno sɔkɔ. Képah ye kɪ fẽ yé pwah mɔ.

²² Yé káh yé gblɔy tɔ mɔ n pɪ Liyel wey nóhpú óle, ònne, yé ne n kɔ ké wěkì yõ.

²³ Yah, nê-à kéle n nohnɪ óle, té à náh me n kɔ ké wěkì yõ, tẽ me á kɪ ne ònî yó sɔ, nê-á me ò yèpɔle n yah dwòlí sɔkɔ sɔ-á kéle.

²⁴ Wáh fyò ò gblɔy yah te, té yal ké tnô, nénpó swɔ, ò dyɔ n fwɔ ò yèpɔ dùkùle.

²⁵ Nte, Liyel tyi kònsàhnɔ me túnóle, sè kɪ fẽ névye sah pé gblɔy yõ. Névi nê-à sépi tẽ palle, sé sɔkɔ tyi nóhnmilki-ńkẽne, té ò tyile n pɪ sãh yo sɔ, tẽ wɔ kɪ yèvinu wɛ ò tyípínó pól sɔkɔ.

²⁶ Nkẽ, nê-à me n sò ne, Liyel wěkì kó-ò-á péle, té à náh me n kyɔmɪ n wɛkɪ, tẽ me ò gblɔyne n pilki. N Liyel wěkì kɔ dùkù me ònóle.

²⁷ Nte, Liyel wěkì kóló nê-á syii òtẽ kéne ké sɔkɔ sú Liyel n mɔ n kɔ, kè wɛ yò: Á yĩne ò ńgbye ànê pékúsyɔle n tẽ ple pé yèvyãhrɪ sɔkɔ, ànê káh n ye kèkõyó tyi pɔ ò silki Liyel yah.

2

Wãhki pínó náh ple

¹ N yúnpyé, yáh sɛ tɔrí Tẽ òngbẽ Yesu Krista yõ, yé náh yĩne yè neyne n wah.

² Sɔ-á dí yó kɪ fẽ pɔ de yé tówú nuyó sɔkɔ, té kɪ me sán kèngbɔ táhnì dyɪ, té kɪ me fwòtãhnì mɔ; té yãm ney yó tɔ kɪ fẽ pɔ de yé nuyó fwòyalle ò wil:

³ Yáh fwòpèplɔ mó-ò dí wɔ tɛnó ple, té yo ò tyí ne, à pɔ kɔ tẽ tẽ-nsah pèpɛy mè sɔkɔ, té yo yãm ney mè wɔ tyí ne, à yuku yĩn tẽ, képah náh pɪ, à kɔ tẽ ásò sétáh sɔkɔ;

⁴ yâh pɪ sɛ̃, wăhkì nâh yé n pɪ wɛ̃ wró di? Yé nâh ònî yó tɔkɔ fónfó pɪ ò ní-òlè yé fókósòno tókúni gbò yò di?

⁵ N yúnpyé, yé tyí no í tyí. Yé yé níki kwɔ noh. Névyé nónó-á yâm tânne kèkôyó névyé tɛ̃ tyí, pépi ye Liyel yah wilki, à pɪ tahbule Yesu yò sɛ̃nó sɔkɔ. Anê pépi ye tɔ̃ à kɪ kɔ̃ pè kɪ n de n pi ò tɔ̃rí sɔkɔ, képah nê tyí-á à ò vyâhle névyé kɔ̃, ò tyí-á no nónó tyí.

⁶ Nte, yépi-à yâm tânne n yilo, té tahbi wɔle n gbilki-à; kéne tahbi tɛ̃ wo nâh n fôh yéle, té yéle n tɛ̃ n tuke n pɔ tukey tükè-ntân sɔkɔ di?

⁷ Té Krista yin pèpèy-á yé yò sɔkɔ, pépi ye tɔ̃ képah tyí yónkòpule.

⁸ Nte, Liyel tyi kònsàhnò yó me wárkínsàhnóle nê-á gblo kal sé no télóle. Képah n yo ne níkɛ̃: «Ye á ní-ò tyí no á tyí á gblòy tyí kòle»*. Képah wɛ̃kì-à kɪ nê yé n kɔ, yé me n pɪ ple.

⁹ Nte, wăhkì tɛ̃-à kɪ nê yé n pɪ, tyípekè ye kéle. Yé me pílkínóle Liyel tyi kònsàhnó sɔkɔ, yâh sɔnpí yahle kólóle ké wɛ̃kì yò.

¹⁰⁻¹¹ Yah, Liyel nê-á yo ne: «Káh fòfíkì pɪ», òmɔ ó ye tɔ̃ yo ne: «Káh nékókè mɔ.»† Wâh sɔ̃ fòfíkì pí-ńkɛ̃ne, té nékókè mɔ, á ye Liyel tyi kònsàhnó yahle. Képah ye, névi-à sɔ̃ Liyel tyi kònsàhnó pól pɪ, té sé sɔkɔ tyíyóné núkú fyé yahle, tɛ̃ me pílkínóle sé pól sɔkɔ.

¹² Liyel tyi kònsàhnó ye sah yéle yé gblòy yò, té Liyel kɪ yé tuke n yĩne n pi sépile. Képah ye, yé ye yé wey, ànê yé pídukù ne me yínénóle Liyel tyi kònsàhnó nópilè.

¹³ Nkɛ̃, névi nê-à névyé yâmnè n yâh-ńkɛ̃ne, Liyel tɔ nâh tɛ̃ yâm yah n pi tukey tuke sóle. Nte, névi nê-à névyé yâmnè n yah, tɛ̃ yò kɪ yò tukey tuke sóle.

Tyípeplo pí-ńkɛ̃ Liyel yò sɛ̃nóle, yò se me ké tyí?

¹⁴ N yúnpyé, ònî yó-à ítyínò ne, páh sɛ̃ Liyel yò, té ò tyípinì nâh me kéle n wɛ̃kɪ, yò se kɪ we ké tyí? Kéne Liyel yò sɛ̃nó dukù mè se kɪ fɛ̃ à pwah mɔ?

¹⁵ Sɔ̃-á, á yúnpi yó tyí flo kɪ fɛ̃ n kne, ànê à nâh me n we n yò swɔ̃swɔ̃ pól sɔkɔ:

¹⁶ Yò se me ké tyí, wâh tɛ̃ syah ne, à de lènɔle, à mó flole n mɔ virule n tũ, ànê à ne n yò n tɔ̃; té á nâh se mó tɔ̃ à kɔ̃ ò yétò yí nópilè?

¹⁷ Sɛ̃ ó ye, névi nê-à ne, páh sɛ̃ Liyel yò, tir yó ntɛ̃ pí-ńkɛ̃ne nê-á ò Liyel yò sɛ̃nóle n wɛ̃kɪ, tɛ̃ Liyel yò sɛ̃nó me kúntɛ̃nóle.

¹⁸ Gbòkénpi ònî yó kɪ fɛ̃ ne, tókù-á me sɛ̃ Liyel yò, tókù mó me tyípeplòle n pɪ. Kâh pɪ sɛ̃, tɛ̃ í wɛ̃kɪ ò Liyel yò sɛ̃nóle, tyípinì kéne wé. Nmɔ wo kɪ à wɛ̃kɪ í Liyel yò sɛ̃nóle í tyípinì sɔkɔ.

¹⁹ Wâh me sɛ̃ ké yò ne Liyelle, núkú-á òne, kè ple. Té pĩ ne, sétân tɔ sɛ̃nó-á me képah tɛ̃ wo yò dé. Anê, ò yah tíkì pínó tɛ̃ tyí, sé wil n ne n syah.

²⁰ Lékám se me ò tekɪ? Wâh me ké tyí, mé kɪ fɛ̃ ò wɛ̃kɪ ne, tyípeplo pí-ńkɛ̃ Liyel yò sɛ̃nóle, yò nâh me ké tyí:

* **2:8** 2.8 - «Ye á ní-ò tyí no á tyí á gblòy tyí kòle»: Yé kɪ fɛ̃ kè we Likyi sɛ́béy 10.27, ànê Marki sɛ́béy 12.31, ànê Levitiki sɛ́béy 19.18. † **2:10-11** 2.11 - Kònmɔno ànê fòfíkile, sépi tɔ me Liyel tyi kònsàhnó gbâm sɔkɔ, Moyisi-á nónó wárkɪ sah Yálnó sɛ́béy 20 sɔkɔ.

21 *Api náh ney Abrahami-á tyípi kù nê pi, képah nê-á pi n pídí Yisaki dókónmonole sárká súkénkõ-nsah yõ, ne pé à ko Liyel kõ, sõ-á Liyel yo kéle n tyí.‡ Képah soko náh Liyel à pi négbíle di?*

22 *Á náh we di, Abrahami Liyel yõ sěno ànê n tyípinì sò me n ko wě tyí. Té, n tyípinì gbõ yõ, n Liyel yõ sěno pi palle.*

23 *Képah soko ye Liyel wey mē pi tũ nê-á yo ne íkě: «Abrahami sē yĩ n Tě ngbě Liyel yõ, Liyel mó à pi négbíle», té ñne n ye n kóđine.*

24 *Yé kē we kē, névi Liyel yõ sěno ó náh dé! N tyípinì to gbõ yõ ye Liyel à pi négbíle.*

25 *Sě ó ye tõ, fòfínpi pi nê-á lésõ pē n ye Wrahbule: A lésõ fē syi Yisrayel tēntõ névye kō pē wõbi n tyí. Té pē yohni mo, à pē mo wěkì yó yõ, pē kō pē to pwah.§ Kéne tyípepěy gbõ yõ ye Liyel n to pi négbíle.*

26 *Sõ-á névi min-à wil n soko, à n ne me kúnóle, sē ó ye tyípinì to-à n kne, névi Liyel yõ sěno n ne me kúnóle.*

3

Gblõy kyòmínóle wékínó soko

1 *N yúnpyé, yé pínó me ké soko ne, ápi nóno-á pi névye kwópúle, áyáh ki n tuke n pi képekèyô, ki kal no télóle kē. Képah ye, yé náhnáh káh ne n yah n kō ne, yé pi kwópúle.*

2 *Yé pĩ ne, á nénúkù núkú pól-á n pilki náhnáh. Nte, névi nê-à n pilkí-í kēne n vyáh wey soko, ñmo népépěy syi ké yĩn tyí. A ki fē tē n wil gběnsē pól to tyí.*

3 *Sõ-á áyáh kàrfyê dyi sēsèn vyěy tyí ne, sē ne n nohnì á tyí, sé wil pól to yah ye íkēne à n ne n tē kéle.*

4 *Képah náh pi, yé krótókè ngbě tole n yah yo soko kē: Káh sō me gblò sō, té yáhkí sō me kéle n tu n mo sō, sésár pí r yó ó ye ké to-ò n ne n tē ké yahle. Wáh me ké tyí ne, kē syõ nýáh soko, kē n syõ nēnpóle.*

5 *Sě ó ye nēnpórí tole, wil tyah yó ye tyĩ ñsõ, té kē ké gblõyne n gbilki n kah.*

Yé náh nyáh to we di? Káh sō me tyĩ sō, káh soh òkù ngbě soko, kē n fē ké pól yõ.

6 *Nte, nēnpórí to me kéne nyáh tyí kōle. Tyípél náhnáh n wil képah soko. Kē me déntēnóle wil soko, té wil téy pólle n yõ. Tyípél nóno-á n wil ké soko, ní-íkē nyáhnpekè soko ye sē n wil. Képah ye, kē yíkínóle n pi á min pól soko, fóó kē po no á kúnó tyí.**

7 *Yah, gběnkya duke duke pól n kwõ n pne. Kèpye, ànê vyeh, à tahlì yo soko yĩ tyí, névi tē we sépi pól kwõ.*

8 *Nte, nēnpórí tē wole, ñnì yó n tē náh tē we képah kwõ n pi. Kwáhpékè nê-á kē náh n tē syísyí, képah ye nēnpóríle. Kē me névi ko ko sohrì óle ké tóó.*

‡ **2:21** 2.21 - Abrahami sē Liyel yõ, képah ye à Liyel yóré fē syi. Káh pi sē, Liyel mó à dyah ké pèporule. Képah n we Yenesi sébéy 15 ànê ki 22 soko. § **2:25** 2.25 - Wrahbule, fòfínpi pi ye sò ñne. Té wáh po sē Liyel yõ, képah ye à kō à Yisrayel névye yísyó yohni mo, pē kō pē wõbi n tyí. N tyí me yónóle Nsyosye sébéy 2 soko. * **3:6** 3.6 - Ní-íkē nyáhnpekèle, fí yó ye, nýáh soko-á pē n fõh tyípél pípule pé kúntenó náh. Sétõ tē-nsah ye kéle; ñmo nê-á me ké tyí ne, pé Liyel tyípinóle n yiki. Anê ñmo ye n mo névye nēnpóríle pèkè pinó soko.

⁹ Kéne nénporí núkú me ye ápi Tě ñgbě, á sú Liyelle n gbilki, ñ té n tǒ képah óle pèkèle n ye n mo névye yǒ, ñte Liyel ye mó tǒ mo péle ñ kètòle.

¹⁰ Gbílkinó welo ànê pèkè yénmòno welo ki n wil vyāh núkú soko ni? N yúnpyé, yé káh ne n pi sě.

¹¹ Nípénèkì ànê ni páhpáh se ki fě n wil kwlèy núkú soko?

¹² N yúnpyé, dah se ki fě we gbe sènsóké séswô soko? Tǐ sènsóké séswô pye se ki fě we gbe kèpǒnpǒ séswô soko? Sě ó ye pne ni, ànê nípénèkì náh fě n wil n pi kwlèy núkú soko.

Yípi nê-á n wil Liyel tyí

¹³ Té yépi soko, nê tě me yípi névile té lékám me ñ soko? Tě yǐne à ne n ko palle gblǒy tíkínmònole ñ tyípinì soko, képah nê-á n wěki ne, wāh yǐ pi.

¹⁴ Nte, dyóyókì kèpèkè, ànê wě fwónó sòno-à kéne yé nno soko, yé káh yé gblǒyne gbilki ne, yáh me yǐ pi. Yé káh gbile n kǒli.

¹⁵ Kéne yípi mè dùkù náh n wil Liyel tyí dé! Kèkǒyó mè tyí ye kéle. Névi yípi ye kéle, kè n wil sétò tyí.

¹⁶ Yah, dyóyókì ànê wě fwónó sòno-à me nyāh soko, tyífě ànê tyítúkúni duke duke pól n ne n pi nénpo soko.

¹⁷ Nte, yípi nê-á n wil Liyel tyí, képah-à me névi nê soko, ké gbenne, tě ni n ne n me yályál, ànê yèvinu tyí n no ñ tyí, té à n pi nérépèyne. N tǒ náh n tah, ànê à névi yāmne n yah, té tyípeplo ó ye à n ne n pi. A náh yèwāhki ànê fòkǒpille n pi.

¹⁸ Yèvinu-á me nóno tyí, té pè me ké tǒle n pi, pè ké yǒre we, nê-á péle n pi négblóle Liyel yah.

4

Wāh á yǐ wil kèkǒyó tyí, Liyel dèl ye á pi

¹ Kwāh nê n po n po yékâb ànê málle yé wró soko? Fókósòno túkúni dékè tyi náh n fwo yéle di?

² Yé yǐ me n wil yǐ náhnáh tyí, té yé náh me séle n we. Káh pi sě, nékókè mo dékè yé tě. Yáh nêne n yah n kǒ, yé náh kéle n we. Káh pi sě, yékâb ànê mál n pyé ne n de yé wró soko. Nte, yé náh me n ni Liyel tyí, képah ye, yé náh me kwāh yóle n we.

³ Yāh se sǒ n ni Liyel tyí, sòno pèplo náh nkěne ne me yé soko. Yě n ne n ni yé tyítúkúni dékè tyi pi yǐn óle. Képah ye, yé náh kwāhle n we.

⁴ Kwāh nê fǒfínpi bi pi dùkù me yé n pi sě? Yé náh pi ne, wāh á yǐ wil kèkǒyó tyi tyí, Liyel sépe-á ále di? Nê-à kèkǒyó tyi tě kódiñe, tě ki pi Liyel sépele.

⁵ Yé se we ne, yǒ kě-á Liyel wey mène, nê-á yo ne nkě: «Liyel-á min nê mo ápi soko, ké tyí no yǐ ñ tyí. Képah ye, à me ké tyí ne á ne n me péwo ó tyí yǒ.»

⁶ Nte sépi pól soko, à tǒ pèporu ñgbène n pi ápi tyí, sǒ-á ñ wey kè yo ne nkě: «Liyel peke gblǒy gbílkipú yǒ, té pèporle n pi gblǒy tíkínmòpu tyí.»

⁷ Képah ye, yé ne n sah Liyel yóré yǒ, yé mó sétò tyí yahle, képah soko, sétò ki to gbe mo yéle.*

* 4:7 4.7 - Sétòle, Liyel sépe ye ñne. A me ké tyí ne, pé ále n tǒ mo n dah n mo pèkè pínó soko.

⁸ Yé nɔ n de Liyelle, képah sɔkɔ, ò tɔ kɪ nɔ de yéle. Tyípèl píjú, yé yé gbàñ wilki tyípèl pínó sɔkɔ. Tòtò névyé, yé yé nɔ tɔ n sah.

⁹ Yé yĩne yè pĩ ne, yáh me pèkè sɔkɔ, yé ké nàhnpĩ gbo. Yé ye yé yìsyòni pɪ gbnìle, yé nìvì mó pɪ yèkwɔrile.

¹⁰ Yé yé gblɔy tiki mɔ Tě ògbě yah, à kɪ yé yõ yõ.

¹¹ N yúnpyé, yé káh wě tyíle n yo n yɪkɪ. Nê-à ò yúnpi tyí yo yɪkɪ, képah náh pɪ, à lékàh syi à kɔ, Liyel tyi kònsàhnó tyí ye tẽ yo yɪkɪ, té lékàhle kè kɔ. Wáh képah pɪ, á se me n kɔ Liyel tyi kònsàhnó wèkì yõ? Lékhàh náh á kéle n kɔ dí?

¹² Nte, Liyel ó ye sah tyi kònsàhnóle, ànê òmɔ ó ye kɪ fẽ lékàhle névi kɔ. Nmɔ ó ye kɪ tɔ fẽ névi pwah mɔ, képah náh pɪ, kɪ ò tyí yɪkɪ. Nê me áwɔ tẽne, té á lékàhle n syi á yúnpile n kɔ?

Yé káh pɪ gblɔy gbilkípúle

¹³ Núkúnúkú, yé noh ní tyí yò, yépi nónó-á me n yo ne kweyne, képah náh pɪ, òsòne yáh kɪ kyɪ kwíl-ògbě mè sɔkɔ, kɪ kyɪ yi núkú pɪ gbò yínó sɔkɔ nénpó kɪ pɔ we.

¹⁴ Nte, yé se pĩ yé min-á kɪ n me n pi sɔ òsòne? Yé me á kɪ ne kénfáhkí tɔtɔtɔ yó sɔ, nê-á òkène n mɔ nénpó swɔ, ò té n karkɪ.

¹⁵ Yé pyè tɔ sò yĩne yè yo ne, Tě ògbě-à kɪ fẽ syi, yáh kɪ tẽ min sɔkɔ, té kɪ tir mè pɪ, képah náh pɪ tir mè pɪ.

¹⁶ Nte, yé n pyè yé gblɔyne n gbilki yé vyāh wey sɔkɔ. Kéne gblɔy gbilkínó òkù yó òtẽ náh ple.

¹⁷ Sépi pól sɔkɔ, névi nê-à pèpɔrɪ pínó yah we, té tẽ náh me kéle n pɪ, tyípékè ye tẽ n pɪ.

5

Tahbi-á yĩne pè nê pĩ

¹ Núkúnúkú, yépi nónó-á me tahbile, yé noh ní tyí yò: Yèvyāhnpèl nónó-á kɪ pɔ yé yĩni n tẽ n pi, yé ne n kah n gbo sépi yĩnne.

² Yé tahrɪ me n pyāh, té sóhrí me yé flòle n yõ.

³ Yé sán ànê yé pónɔ me n pɪ syímíne. Kéne syímí ye kɪ pɔ wilki mɔ yé gbònkòkòle, té kɪ yé wil gběnsê yõ, nyāh tyí kòle. Kèkòyó tyé gbí mè fyé nònteno sɔkɔ, yépi me tahrile n yah n tuke n mɔ n sah yé gblɔy tyí kè!

⁴ Té, tònpiɪ nónó òtẽ-á tòle n pɪ yé swěy sɔkɔ, yé n yahle pé pòle pé kòhnóle. Pépi Liyel yéngbonɔ yínpɔ ye n de Liyel níkí sɔkɔ, òmɔ nê-á kèkòyó Tě ògběne.

⁵ Yépi me yòtòrí yéle n yõ kèkòyó mè sɔkɔ, à yé dyɔ yĩ tyile n pɪ, me gbilki tẽ, á kɪ ne kɔ kɔ nyeh sɔ.

⁶ Yé lékàhle névyé kɔ, nónó-á pè náh tyítúkù pɪ. Pè mó pé gblɔy fin mɔ yé kɔ, yé pè kɔ mɔ.

Syíkintěno pɪ, Tě ògbě Yesu syínponɔ me yúkey

⁷ N yúnpyé, yé syíkintěnole n pɪ, fók kè pɔ nɔ Tě ògbě syínponɔ tyí. Yé yah sètòle kè, à òkène sèmuco pèpey wéntokono syɪkɪ n tẽ, à tɔkɔ púgbro pínó tyí, pópó ò pɔ n syɪ pútéló pínó tyí.

⁸ Tě ògbě syínponɔ me yúkey; képah ye, yépi tɔ sóré mɔ yĩ yé gblɔy sɔkɔ, yé syíkintěno pɪ.

⁹ N yúnpyé, yé káh ne n tɔkɔ wěne n kɔ̃; képah sɔkɔ, Liyel náh yé tuke n pi. Yé yah, Tě ñgbě nê-á kɪ pɔ á tuke n pi, à me yúkey.

¹⁰ N yúnpyé, Liyel tɛntò syínyopu-á lésò ñ weyne n yo n kɔ̃ yèvyährɪ ànê syíkíntěno sɔkɔ sɔ̃, yé yĩne yè ne n pi pépi tyí kɔ̃le.

¹¹ Yé yah, nónó-á gbah tɛ à kyɪ syɪ ké yĩn tyí, ă pépile n sɔ̃. Yé Nsyɔbɪ gbáhntěno tyí noh ñ yèvyährɪ gbí sɔkɔ kè. Té tɔ̃ kè we, Tě ñgbě-á tyí-ñgbno nónó pi ñ tyí ké tyé-ńsah sɔkɔ.* Yé náh we, Tě ñgbě tɛ wo névi yám yáhnó ànê ñ pèpɔrɪ me gblò kègbɪ tɛne.

¹² Nte, ní yúnpyé, sépi pól sɔkɔ, yé káh yéle n wo Liyelle, képah náh pi sétáhle. Anê yé káh yéle n wo kwáh yó ntɛne. Yé ye yé àwe ne me ké gbɪ yɔ̃, yé ɔ̃ɔ mó ne me ké gbɪ yɔ̃. Képah sɔkɔ, Liyel náh lékàhle yé kɔ̃ n pi.

Nírí pínóle yámpú tyí

¹³ Té yèvyährɪ-à me yépi sɔkɔ ney nê yɔ̃, tɛ Liyel ni. Nìvìnì-à se mó me nê yɔ̃, tɛ Liyel yĩn gbilki yìgbìnì sɔkɔ.

¹⁴ Yé sɔkɔ ney nê-à me n yɔ̃, tɛ Liyel nípú yah tɛpú ye, pépi kɪ pɔ nɪrɪ tuke ñ tyí Tě ñgbě Yesu yĩn yɔ̃, té kɪ Liyel ni ñ tyí.

¹⁵ Té nírí mè-à pi Liyel yɔ̃ sɛnó sɔkɔ, yónwó mè kɪ pwáhnmonɔ we, ànê Tě ñgbě Liyel kɪ à de mɔ. Té wáh se me tyípél pi, à kɪ sè yɔ̃ mɔ à kɔ̃.

¹⁶ Képah ye, yáh me dénmonɔ tyí, yé yé tyípél wil n syi, yè mó Liyelle n ni wěne n kɔ̃. Táhki me yíi négbí nírí sɔkɔ dé.

¹⁷ Yé náh Yeli we-à: Névi ye lésò ñne ápi tyí kɔ̃le. Nte, à me nírí gbah pi ne, pù káh tɔ̃ pi. Pù náh mó rityĩno pi sétáh yɔ̃, fɔ́ó à pɔ no ye tɔ̃no ànê tóní tyí.

¹⁸ Képah náh, à tɔ̃ ñ syɪ Liyel ni ne, pù pi. Pù me pi, sèmuɔkɔ pekɪ.†

Mónpú-ò tɛnpɔnɔle

¹⁹ N yúnpyé, yé sɔkɔ ney yó-à mɔ pu gbɪ wěkùle, té nê me à tɛ pɔ ké yɔ̃, tɛ pi ple.

²⁰ Yé pĩ ne, névi nê-à tyípél pí-ò vi mɔ pèpey pínó sɔkɔ, tɛ ñ min pwah mɔ ñ kúntenɔ náh yèvyährɪ yah. Anê ñ tyípél náhnáh nópi kɪ se tɔ̃ yɔ̃ mɔ à kɔ̃.

* **5:11** 5.11 - Nsyobule, négbí ye sò ñne: Té sétó pɔ à kwlo náhnáh. Nte, à n tah sah. Ké tyé-ńsah sɔkɔ, Liyel pɔ à yohnɪ mɔ ñ yɔ̃ yɔ̃. N tyí me yónóle Liyel wey sébéy yó sɔkɔ, nê-á pè n ye Nsyɔbɪ sébéyne. † **5:18** 5.17-18 Yeli sò pi Liyel tɛntò syínyo-ò ñgběne. N tyí me yónóle Yótám sébéy gben 17 ànê 18 sɔkɔ.

Nsyõ-á sébéy gben nê wārki tekı mɔ

Yesu Krista ye min nétēne nê-á Weyne

¹ Min nétē nê-á Weyne, ñmɔ tyí ye á n yo yé tyí. Nmɔ nê-á sò me tyi pól tyah gbí òkùle, ápi ñ wékínó noh, té à we yíne, té à yah díkídíkí, té tũ ñ tyí.

² Nmɔ nê-á min nétēne, à ye ñ gblöyne á wēki. Á à we, té me ñ tyíle n yo n wah. Nmɔ nê-á tyé-ńkē minne n kō, ñmɔ tyí ye á n yo yé tyí. Nmɔ sò me Sú Liyel tnô, té pɔ ñ gblöyne á wēki.

³ Áyáh ñmɔ nê we té ñ wékínó noh, ñmɔ tyí ye á n yo yépi tɔ tyí á wró kwrónmɔno yinne yéle. Képah sɔkɔ, wró kwrónmɔno nê-á me ápi wró ànê Sú Liyel ànê ñ Pídí Yesu Kristale, yépi tɔ kɔ de ké sɔkɔ.

⁴ Á ye tyi nópile n wārki n tekı n mɔ yé tyí, nê-á kɔ ápi ànê yépi ñvìni kō kè kɔ syi ké yìn tyí.

Kyòo sɔkɔ kólóle

⁵ Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyòo ye ñne. Fěntũ náh me ñ sɔkɔ pólle.

⁶ Áyáh n yo ne á wró-á me kwrónmɔnole Liyelle, té mó tō me n kɔ fěntũ sɔkɔ, mìnyoobe ye ále, á náh me gbi wēkùle n kɔ.

⁷ Nte áyáh kɔ n kɔ kyòo sɔkɔ sɔ-á ñmɔle kyòo sɔkɔ, á nénúkù núkú pól wró kɔ me kwrónmɔnole wēne. Té Liyel Pídí Yesu Krista tó kɔ á tyípêl pól wu to á tyí.

⁸ Áyáh ne tyípékè náh me á sɔkɔ, á gblöy ye á n pilki, gbi náh me á sɔkɔ.

⁹ Nte áyáh á tyípêl wil syi, ñmɔ nê-á Liyel tómmne té n kɔ ñ tyíyónó sò, à kɔ á tyípêl yò mɔ á kō, té kɔ á wu wilki á tyíkněni pól sɔkɔ.

¹⁰ Áyáh ne á náh tyípékè pi, ñmɔ ye á n pi mìnyoole, ñ wey náh me tēnóle á sɔkɔ.

2

¹ N wēnpì, mé sébéy mène n tekı n mɔ yé tyí, nê-á kɔ yé kō yè káh tyípékèle n pi. Nte káh se pɔ pi ñnî yó tyípékè pi, wró tō-ò me á tyí Sú Liyel yah sɔkɔ, nê-á Yesu Kristale, ñmɔ nê-á me tómm.

² Nmɔ ye ñ gblöy kō sárkále nê-á kɔ Liyel kō à kɔ ápi tyípêl yò mɔ. Té à náh ñ gblöy kō ápi ó tyípêl yōnmɔno yinne dé, kèkōyó névye pól tɔ tyípêl yōnmɔno yìn ye à ñ gblöy kō.

Kólóle à yíne Liyel tyi kònsàhnóle

³ Áyáh Liyel tyi kònsàhnó wàlle n kɔ, képah sɔkɔ ye á kɔ pĩ ne áyáh ñne n pne.

⁴ Névi nê-à ne páh ñne n pne, té tē náh me n kɔ ñ tyi kònsàhnó wàl yò, mìnyo ye tēne. Gbi náh me tē sɔkɔ.

⁵ Nte nê wɔ-à n kɔ ñ yóré yò, ñ tyí me nɔ tē wɔ tyí kègbi tē yò. Képah sɔkɔ ye á kéle n pne ne áyáh me ñ tyí yò.

⁶ Névi nê-à ne páh me ñ tyí yò, Yesu-á kɔ òkù nēne, tē tɔ yíne à ne n kɔ sēntēne.

7 N nénéónó, tir kònsàhnó késán náh kéle mé n wārki n teki n mo yé tyí dé, tir kònsàhnó kedyâh ye kéle, nê-á yo soko yé tyí tyah gbí òkùle. Yáh wey nê noh soko te, képah ye tir kònsàhnó kedyâh mène.

8 Nte fí yó ònne, tir kònsàhnó késán ye mó tó kéle mé n wārki n teki n mo yé tyí. Yesu ànê yépi pi òkù me képah gbile n wēki. Yé náh we di, fěntú me n soko, kyòo yèsyìkì mó me po te.

9 Névi nê-à ne páh me kyòo soko, té mó tó me n yúnpi yó dyole n yo, tē me sē fěntú soko.

10 Névi nê yúnpi tyí-à no n tyí, tē wo me kyòo soko. Nnî yó ntē náh n de n pi tyípekè soko òmo gbò yò.

11 Nte nê-à n yúnpi dyole n yo, tē me fěntú soko. Té wáh me n ko fěntú soko sē, fěntú tē tyí, n yí ki wo, à náh n yúkú-nsah pī n pi.

Kèkōyó ànê Krista sépébi swah òkùle

12 N wēnpì, Yesu yin gbò yò soko ye yé tyípèl yò mo yé kō. Képah ye mé sébéy mène n wārki n teki n mo yé tyí.

13 Súbí, nê-á sò me tyi pól tyah gbí òkùle, yé òne n pne. Képah ye mé sébéy mène n wārki n teki n mo yé tyí. Kètēnpì, yé tē we pèkè pí-ò tyí, nê-á sétàn yòtēne. Képah ye mé sébéy mène n wārki n teki n mo yé tyí.

14 Yépi nóno-á wēnpìle, nê-á Sú Liyelle, yé òne n pne. Képah ye mé sébéy mène n wārki n teki n mo yé tyí. Yépi nóno-á súbíle, nê-á sò me tyi pól tyah gbí òkùle, yé òne n pne. Képah ye mé sébéy mène n wārki n teki n mo yé tyí. Kètēnpì, tǎhkì me yé soko, ànê Liyel wey me n tē yé nno soko, té yé tē we pèkè pí-ò tyí, nê-á sétàn yòtēne. Képah ye mé sébéy mène n wārki n teki n mo yé tyí.

15 Yé káh yé yí wil kèkōyó tyí, képah náh pi ké soko kwáh yó ntē tyí. Névi nê-à n yí wil kèkōyó tyí, Sú Liyel tyí náh fē n no n pi tē tyí.

16 Yé yah, tyi nóno-á me kèkōyó soko, sǎ-á gblǒy dyo yíi tyi pínó dékèle, ànê yíwilkìle, ànê gblǒy wēkínóle à yuku tahrì tyí ònne, sépi soko yó ntē náh n wil Sú Liyel tyí. Kèkōyó soko ye sè n wil.

17 Té kèkōyó ànê ké yíwilkì ki po n tye n pi. Nte névi nê-à Liyel dyo yíi tyile n pi, tē wo ki tē tyé-ńkēne.

18 N wēnpì, kèkōyó tye gbí ye me no n te. Yé kè noh soko te ne Krista sépe-á ki n po n pi. Núkúnúkú, Krista sépébi yísyó me wil mo pí. Képah n wēki ne kèkōyó tye gbí soko-á ále.

19 Api ònkì soko ye sépébi nópi wil. Nte kègbì yò, pè náh sò me núkúle ápile. Páh sò me núkúle ále, pè náh nǎhkì n gbè n wil n pi ápi soko. Nte kè ye sò yíne kè pi sē, nê-á ki kè wēki ne pé soko ney yó ntē náh sò me núkúle ápile kègbì yò.

20 Nte yépi wole, Liyel Mirki me yé soko Krista-á òne yé kō. Képah ye yé pól kō yé tyile n pne.

21 Kè náh me á ki ne yé kósyì gbile n pne n kō mé sébéy mène n wārki n teki n mo yé tyí dé, yáh kéle n pne, té pī ne mìnì yó ntē náh n wil ké soko, képah ye n kō mé sébéy mène n wārki n teki n mo yé tyí.

22 Névi nê-à ne Yesu náh Kristale, nê-á Liyel ney yáhntokonole, mìnyo yó nítě náh kah mo tě yõ. Krista sépe ye těne. Sú Liyel ànê n Pídí Krista ye tě yahle.

23 Yé yah, névi nê-à Liyel Pídí yahle, Sú Liyel náh me těne. Té nê-à Liyel Pídí fě syi, Sú Liyel me tě wole.

24 Yépi tě wole, yáh wey nê noh tyah gbí dukùle, yé yĩne yè kè koh n sah yé nno soko. Yáh wey nê noh tyah gbí dukùle, yáh fě kè koh sah yé nno soko, yépi to wró ki me kwrónmonole Pídíne, ànê Súle.

25 Té Pídí-á n vyāh kō nê tyí soko, tyé-ńkē min ye.

26 Nónó-á n yah n kō yé yõ yíkí-ńsahle, pépi tyí soko ye mé sébéy mène n wārki n teki n mo yé tyí.

27 Yépi tě wole, Yesu-á Liyel Mirki nêne yé kō, kè me těnole yé soko. Képah ye, kwó-ò yétô náh tō me yé tyí. Liyel Mirki me yéle n kwó tyi pólle. Té n kwónóno pólle mó tō, gbló ye séle, mìnì náh me sé soko. Képah ye, yé ne me kwrónmonole Kristale, sō-á Liyel Mirki yé kwó kéle.

Liyel wěnpì pi dukùle

28 Núkúnúkú nítěne ní wěnpì, yé ye yé wró ne me kwrónmontěnole Kristale. Képah soko, wāh sō nêne po tíki náh á tě n pi, ànê sen náh á koko n sah n pi n yah soko lésōle.

29 Yé se pĩ te ne wāh me tómm té. Té yé yĩne yè kè pĩ tole ne, névi nê-à n ko tómm, Liyel pi-á těne.

3

1 Yé náh we à, á tyí kah no Sú Liyel tyí, fóó à ále n ye n wěnpìle. Té Liyel wěnpì tě wo ye ntyínó ále ó. Té kèkōyó névye-á pi Liyel pí-ńkēpúle sě, képah ye pè náh fě ápi to pĩ.

2 N nénónó, Liyel wěnpì ye ále núkúnúkú, nte áyáh ki po n pi n pi kwāh nêne ńsōne, képah náh tōnì me wilki mo te. Nte á pĩ ne Krista-à po wil mo gbí nêne, áyáh ki à we wāh me dukù nêne. Képah ye, á ki me ñmo tyí kōle.

3 Névi nê gbò sàhnó-à me képah yõ soko Krista tyí, tě n gblōy tō n sah yályál Liyel yah soko, sō-á Kristale yályál.

4 Névi nê-à tyípekèle n pi, tě me Liyel tyi kōnsàhnó dèlle n pi. Tyípekè pínóle, Liyel tyi kōnsàhnó dèl pínó ye kéle.

5 Nte yé pĩ ne Krista pónó yō-á pi tyípèl těnyònole névye yõ. Tyípekè náh me ñmo soko pólle.

6 Névi nê-à me Krista tyí yõ, tě náh tyípekèle n pi. Nte nê-à tyípekèle n pi, tě náh à we yah, à náh ñne n pne.

7 N wěnpì, yé káh ye ñnì yó nítě yé pilki. Névi nê-à n ko tómm, négbí ye těne Krista tyí kōle.

8 Té névi nê-à tyípekèle n pi, sétàn yòtě tyí névi ye těne. Yé náh we di, sétàn yòtěne, tyípekè pí-ò ye ñne tyi pól tyah gbí dukùle. Liyel Pídí-á po tir nê yĩne, sétàn yòtě tyípínì yíki yĩn ye.

9 Névi nê-à pi Liyel pile, Liyel pi dukù n ne n me tě soko. Képah ye tě náh tyípekèle n pi. Wāh pi Liyel pile sě, à náh fě tyípekè pi n pi.

¹⁰ Liyel wẽnpĩ ànê sétàn yõtẽ tyí-á n wah n pne wẽ soko dùkù nêne, kè we yò: Névi nê-à n kó-ńkẽne tómm, Liyel tyí névi náh tẽne. Névi nê to yúnpi tyí-à nó-ńkẽne ò tyí, Liyel tyí névi náh tẽne.

Wẽ wró tyínɔnɔle

¹¹ Yé náh we di, yáh nê noh tyah gbí dùkùle képah ye yò ne ńkẽ, áyáh yĩne á ye á tyí nɔ wẽ tyí.

¹² Á ye káh pɪ Kayin tyí kǒle. Sétàn yõtẽ tyí névi ye sò ònne. A ò gbẽndí ko mɔ. Nte tir nê yĩn me à ko mɔ ònne? Nmɔ tyípínó-á sò me kètúkùyô Liyel yah soko té ò gbẽndí tyíle palle, képah yò ye.

¹³ N yúnpyé, kèkǒyó névye-à yé dyole n yɔ, yé káh n ye kè pɪ gbẽndùnne yé tyí.

¹⁴ Ápi tẽ wole, á yúnpyé tyí-á nɔ á tyí sɛ, á pĩ ne áyáh tẽ syi te kũ gbò soko, té min we. Nte tyínɔnɔ-à n kne névi nê soko, òmɔ me kũ gbò soko.

¹⁵ Névi nê tẽ-à fyò ò yúnpi dyole n yɔ, nékókè mó-ò ye tẽne. Té yé se mó tǒ pĩ ne tyé-ńkẽ min náh me nékókè mó-ò yó ńtẽ tyí té.

¹⁶ Yé yah, Krista-á ò min kǒ ápi yĩnne, képah soko ye ápi me tyínɔnɔ dùkù pĩ. Ápi to yĩne à á min kǒ á yúnpyé yĩnne.

¹⁷ Nte kèkǒyó tahrɪ-à me ònɪ yó tyí, té à ò yúnpi yó we yám soko té yahle ò yám yáhnóle, Liyel tyínɔnɔ náh me tẽ soko.

¹⁸ N wẽnpĩ, ápi tyínɔnɔ káh n pɪ wey ànê vyáhsesyírí ó soko dé. Á tyípínó yĩne kè kéle n wèkɪ kègbɪ tẽ yò.

¹⁹ Képah soko ye á kɪ pĩ ne áyáh me gbɪ wèkɪ yò, ànê á nno kɪ me yínnóle Liyel yah soko.

²⁰ Ápi nno-à sɔ me lékàhle ále n kǒ sɔ, Liyel nê-á gblò kal, òmɔ tyi pólle n pne n kal ápi nnole.

²¹ N nénónó, á nno-à kɪ lékàhle ále n kǒ-ńkẽne, tíkí náh á tẽ n pi Liyel yah soko.

²² Té áyáh me ò tyi kònsàhnó wàlle n kɔ, té ò dyo yí tyile n pɪ, képah ye áyáh kwáhdúkú nê yah kǒ ò tyí, à kɪ kéle á kǒ.

²³ Wáh nê kǒ sah á kǒ képah ye yò ne ńkẽ, á sɛ pé Pídí Yesu Krista yĩn yò, á mó ye á tyí nɔ wẽ tyí sɔ-á à kǒ sah kéle á kǒ.

²⁴ Névi nê-à Liyel tyi kònsàhnó wàlle n kɔ, tẽ kɪ me Liyel tyí yò, ànê Liyel kɪ me tẽne. Sɔ-á á kɪ pɪ té kɪ pĩ ne Liyel-á me ále, ò Mirki gbò yò ye, wáh képah nêne á kǒ.

4

Liyel tyi wàhnpĩnɔle sépe tyí soko

¹ N nénónó, névye nónó-á ne Liyel Mirki gbò yò-á pé n yo tyile, yé káh n sɛ pé pól yò dé. Yé pé sohlɪ n yah, yé ké gbɪ pĩ Liyel Mirki gbò yò-à kɪ nê ńtyínɔ pé n yo tyile. Yé náh we di, Liyel yĩn yò m̀nyobe me tǒ mɔ pĩ kèkǒyó.

² Liyel Mirki-á n tẽ nónó yahle, yáh ne pé pĩ n pi dùkù nêne, kè we yò: Yáh névi nê we à me n yo ne Yesu Krista-á pɪ névile, Liyel Mirki ye n tẽ tẽ yahle.

³ Nte nê-à ne sě náh, Liyel Mirki náh n tẽ tẽ wo yahle. Krista sépe mirkí ye n tẽ tẽ yahle. Yé kè noh sah te ne, Krista sépe-á kɪ n pɔ n pi. Té núkúnúkú, à me te kèkõyó n̄tẽne.

⁴ Yépi wɔle ní wẽnpì, Liyel tyí névye ye yéle. N Mirki nê-á n tẽ yé yahle, képah tãhkì kal sétàn yõtẽ mirkí tyíle, képah nê-á kèkõyó névye yahle n tẽ. Képah ye, yé tẽnwenɔ we Liyel yĩn yõ m̀nyobe yõ.

⁵ Pépile, kèkõyó tyí ye péle. Képah ye, pẽ pé tyíle n yo à yĩne kèkõyó névye tyi yo dùkùle, té kèkõyó névye n mó pé níne n kwɔ pé tyí.

⁶ Nte ápi me Liyel tyí yõ. Névi nê-à Liyelle n pne, tẽ n níkíle n kwɔ ápi tyí. Té névi nê-à mé-ńkẽne Liyel tyí yõ, tẽ náh n níkíle n kwɔ ápi tyí. Sěntẽ sɔkɔ ye Liyel Mirki nê-á névyele n mɔ gbɪ wẽkì yõ, à n tẽ n we ñne n wah sétàn yõtẽ tyí sɔkɔ, ñmɔ nê tyí-á névyele n pilki.

Tyínɔnɔ nê-á me Liyel sɔkɔ

⁷ Tyínɔnɔ n wil Liyel tyí. Tyínɔnɔ-à me névi nê sɔkɔ, Liyel pi ye tẽne, ànê tẽ Liyelle n pne. Képah ye ní nénónó, á ye ye á tyí nɔ wẽ tyí.

⁸ Liyelle, tyínɔnɔ Liyel ye ñne. Képah ye, á náh fẽ n yo n pi ne wáh ñne n pne tyínɔnɔ kẽne á sɔkɔ.

⁹ Yé yah, Liyel-á kè wẽkɪ dùkù n̄ne ne á tyí-á nɔ pé tyí, kè we yò: Pi núkúní nê-á me n tyí, à à tekɪ mɔ kèkõyó, ápi kɔ á kɪ min we ñmɔ gbõ yõ.

¹⁰ Tyínɔnɔ-á n̄ne, kè we yò: Liyel tyí-á nɔ ápi tyí dùkù n̄ne, képah náh tyínɔnɔ kègbɪle dé. Ápi tyí-á nɔ Liyel tyí nɔ dùkù n̄ne, képah ye tyínɔnɔ kègbɪle. Yé náh we à n Pídí tekɪ mɔ à pɔ pɪ sárkále ápi tyípél yõ n mɔ yĩne dí?

¹¹ N nénónó, ápi tyí-á nɔ Liyel tyí sě à, ápi tɔ yĩne á tyí nɔ wẽ tyí mó kè.

¹² Nn̄t̄ yó n̄tẽ yí náh tẽ yah Liyel yõ. Nte ápi tyí-à me nɔ wẽ tyí, á me n tyí yõ, ànê n tyínɔnɔ me ápi sɔkɔ yèsyìkì tẽne.

¹³ Liyel-á n Mirkile á kɔ, képah ye á kɔ á pĩ ne áyáh me n tyí yõ, ànê wáh me ále.

¹⁴ Sú Liyel ye n Pídí tekɪ mɔ kèkõyó névye pwah n mɔ yĩne. Ápi yí ye kè we, képah ye á kɔ á kéle n yo n wah.

¹⁵ Névi nê tẽ-à fyò yo ne ńkẽ Yesu-á Liyel Pídíne, Liyel me tẽne, ànê tẽ me Liyel tyí yõ.

¹⁶ Ápi tyí-á nɔ Liyel tyí dùkù n̄ne, ápi tẽ wo ye kéle n pne, ànê á sě ké yõ. Liyelle, tyínɔnɔ Liyel ye ñne. Tyínɔnɔ-à me névi nê sɔkɔ, tẽ wo me Liyel tyí yõ, ànê Liyel me tẽne.

¹⁷ Tyínɔnɔ-à me yíí ápi sɔkɔ, á me á minne n pɪ kèkõyó Yesu Krista tyí kɔle. Képah sɔkɔ, tíkí náh á tẽ n pi Liyel tukey tuke sɔle.

¹⁸ Yé náh we dí, Liyel tyínɔnɔ-à me névi nê sɔkɔ, tíkí náh tẽne n tẽ. Té wáh me n sɔ ne á tyípél wɔ-á kɪ pɔ n de n pi á sɔkɔ, képah ye n pɔ n pɔ tíkíle. Nte tyínɔnɔ kègbɪ wɔ tíkí yahle n kɔ. Tíkí tẽ-à fyò me névi n̄ne n tẽ, tyínɔnɔ náh me yíí tẽ sɔkɔ.

¹⁹ Liyel ñgbò ye ápi tyí nɔ n gblõy tyí, képah ye tyínɔnɔle ápi tɔ sɔkɔ.

²⁰ Névi nê-à ne Liyel tyí-á nɔ pé tyí, té mó tɔ me n yúnpi yó dyɔle n yo, m̀nyo ye tẽne. Tẽ yí-á me n yúnpi nê yõ, ñmɔ tyí-à nó-ńkẽne n tyí, sɔ me Liyel tyí kɪ pɔ n nɔ n tyí, ñmɔ nê-á à náh à we yah?

²¹ Té Krista-á nê kɔ sah á kɔ, kè we yò ne ńkẽ, Liyel tyí-à me nɔ névi nê tyí, tẽ yúnpi tɔ tyí-á yĩne kè nɔ n tyí.

5

Yõre nê-á n we Liyel Pídí yõ sě́nó gbò yõ

¹ Névi nê-à sě́ ké yõ ne Yesu-á Kristale, nê-á Liyel ney yáhntakonole, Liyel pi ye tẽne. Té Sú Liyel tyí-à nɔ névi nê tyí, Liyel wěnpì tɔ tyí n nɔ tẽ tyí.

² Liyel tyí-à nɔ ápi tyí, té á me n tyi kònsàhnó wàlle n kɔ, képah sɔko ye á kɪ pĩ ne Liyel wěnpì tɔ tyí-á me nɔ á tyí.

³ Á náh we di, Liyel tyi kònsàhnó wàl kóló ye n wěkɪ kéle ne n tyí-á nɔ á tyí. Té n tyi kònsàhnó náh me táhnóle,

⁴ á pól-á sɔnpíle pi Liyel wěnpíle té n tẽ n pne kèkòyó tyí. Té tir nê-á á kɔ́ á n tẽ n pne kèkòyó tyí, á Yesu yõ sě́nó ye.

⁵ Nte nê n tẽ n pne kèkòyó tyí wé? Névi nê-á sě́ ké yõ ne Liyel Pídí-á Yesule, ñmɔ ye.

Yesu Krista tyí yónwàhnóle ne Liyel Pídí-á ñne

⁶ Yesu Krista ye pɔ wel wilki ni sɔko. Képah náh, à ko mɔ n tó kwe. Té à náh pɔ wel wilki ni ó sɔko dé, à ye pɔ wel wilki ni sɔko, té ko mɔ n tó kwe. Kéne tyinɔ nínó ànê Liyel Mirki ye n yo n wah kéle. Yé náh we di, Liyel Mirki ye n wěkɪ gbule gbímeḡbí.

⁷⁻⁸ Liyel Mirki-á nê yo, ànê ni-á nê wěkɪ, ànê tó-á nê wěkɪ, sépi tǔnó ye n yo n wah kéle. Té sé tǔnó pól me sah núkú ó yõ.

⁹ Névyé-á tyi nónó we té séle n yo n wah, áyâh me sépile n fě n syi à, ñte Liyel tyi yónwàhnó náh fónfó névyé tyí yõ di? Té Liyel ye mó tǔ yo wah n Pídí tyíle.

¹⁰ Névi nê-à sě́ Liyel Pídí yõ, n tyí yónó mè ye tẽ tẽ sah n nɪ sɔko. Nte nê-à sě́-ńkěne Liyel yõ, tẽ me Liyelle n pi m̀nyole, wáh sɔnpíle yahle sě́nóle Liyel tyíyóné mè yõ, wáh nê yo n Pídí tyí sɔko.

¹¹ Tyíyóné mè we yò ne, Liyel-á tyé-ńkě minne á kɔ́, nê-á n we n Pídí gbò yõ sɔko.

¹² Névi nê-à me Pídí tyí yõ, kéne min me tẽ wɔ tyí. Nte nê-à mé-ńkěne n tyí yõ, min mè náh me tẽ tyí.

Tyé-ńkě min tyíle

¹³ Yépi nónó-á sě́ Liyel Pídí yõ, mé ye tyi nópíle n wārki n tekɪ n mɔ ye tyí, nê-á kɪ yé kɔ́ yé kɪ pĩ ne yáh tyé-ńkě min we.

¹⁴ Ápi sě́nyĩnɔ-á me Liyel yõ nê tyí sɔko képah ye yò ne ńkě, áyâh kwâh nêne n ni n tyí té kè me n dyɔ yĩne, ǎ nóhnó pi á tyí.

¹⁵ Té áyâh fyò kè pĩ ne wáh me nóhnóle n pi á tyí, á pĩ yĩ tole ne, áyâh kwâh nê ni n tyí, ǎ kè we.

¹⁶ Nnĩ yó-à n yũnpi yó we à me tyípékèle n pi, nê-á kè náh névi min tyíle n yɪkɪ Liyel yah sɔko, tẽ níri pi n tyí, Liyel kɪ tyé-ńkě minne tyípékè pí-ò mè kɔ́, káh me ne tyípékè nê-á à pi, kè náh névi min tyíle n yɪkɪ Liyel yah sɔko. Té tyípékè yó me nê-á névi min tyíle n yɪkɪ Liyel yah sɔko, képah òkù tyí náh mé n yo ne yé níri le n pi ké tyí sɔko dé.

¹⁷ Tyi nónó pól tẽ-à fyò me tyíkně̀nne, tyípèl ye séle. Nte tyípèl pól náh névi min tyíle n yɪkɪ Liyel yah sɔko.

¹⁸ Ápi pĩ ne névi nê-à pi Liyel pile, tẽ náh tõ tyípékèle n pi. Liyel Pídí nkẽne ne me tẽ yõle n syiki, képah ye pèkè pí-ò nê-á sétàn yõtẽne, à náh fẽ tir yó pi n pi tẽ soko.

¹⁹ Ápi pĩ ne ápi-á me Liyel tyí yõ, té kèkõyó pól tẽ wole, pèkè pí-ò mè me képahle n fne.

²⁰ Ápi tõ pĩ ne Liyel Pídí-á po, ànê wãh lékámne á kã á tẽ we Liyel yèsyìkìle n pne. Nmo Liyel nê-á yèsyìkìle, ápi wró me kwrónmɔnɔle ñmɔle ñ Pídí Yesu Krista gbò yõ. Nmo ye Liyel yèsyìkìle, ànê tyé-nkẽ minne.

²¹ N wẽnpì, yé yé gblõyne n tẽ sãh fálnó tyile.

Nsyõ-á sébéy ní-ò nê wārki tekı mo

Sébéy-á tekı mo nê tyí à weyne à kō

¹ Nmo nê-á nédyâhle, nmo ye n tō sébéy mène pi tyí, nê-á Liyel yah tōko ànê ñ wēnpìle;* pépi nónó tyí-á nō yíí n tyí. Nte pé tyí náh nō nmo ó tyí dé. Nónó pól-á gbıle n pne, pé tyí nō pépi tō tyí

² kéne gbı gbō yō, képah nê-á me tēnóle ápi soko, té ki n tē n pi á soko tyé-ńkēne.

³ Sú Liyel ànê ñ Pídí Yesu Krista ki yòbènrı pi á tyí, té ki á yām yah, té ki yèvinıne á kō, nê-á ki á kō á ki tē gbı wēkì yō ànê tyínono soko.

Kólóle gbı ànê tyínono wēkì yō

⁴ Kè pi nìvìnì ñgbēne nmo tyí, máh kè kyomı we ne áwo wēnpì tókù-á me n kō gbı wēkì yō, à yıne Sú Liyel-á kè kō sah ápi tyí sō.

⁵ Pi, máh me nēne n kō n sah á tyí núkúnúkú, képah ye yò: Yé ye á tyí nō wē tyí. Tir kōnsàhnó kēsán náh kéle mé n wārki n tekı n mo á tyí dé. Nê-á me ápi tyí tyah gbí òkùle képah ye.

⁶ Tyínonole, Liyel tyi kōnsàhnó wāl kóló ye kéle. Tir kōnsàhnó mè tyí ye yo yé tyí tyah gbí òkùle ne, yé yé minne n pi tyínono soko.

⁷ Névyé náhnáh me wil kwe kèkōyó pól soko, nónó-á me névyéle n mo pílkinó wāl yō soko. Pépi náh me kè fē syi ne Yesu Krista-á pi névile kègbı yō soko. Té yah, sēntē névile, névyé pílki-ò ànê Krista sépe ye tēne.

⁸ Káh pi sē, yé yé gblōyne n kyomı, yé káh pō tekı yé tō pínó† yōre soko. Yé yıne yé ké yōre we n yíí.

⁹ Krista-á kwónó nê kō, névi nê-à n kó-ńkēne képah wēkì yō, té kè fin mo, tē wró me gbékínóle Liyelle. Nte névi nê-à n kō Krista kwónó mè wēkì yō, tē wró me télnóle Sú Liyel ànê ñ Pídíne.

¹⁰ Nnî yó-à pō yé tınne, té ñ kwónó me ké tyíle, yé káh fē syi tē twah yé tyí. Yé káh wēki ñ tyí pólle.

¹¹ Névi nê-à wēki tē tyí, tē tō vyāh me ñ tyítúkùnì nōpi pínó soko.

¹² Tyi náhnáh me n tyí yo yo tēne yé tyí, ñte mé náh me ké tyí ne mé sè wārki n tekı n mo yé tyí sébéy soko. Mé me n yah n kō ne mé pō n wil yé tyí, mé mó sè yo yé tyí vyāhle. Képah soko, ápi nìvìnì ki syi ké yın tyí.

¹³ Pi nê-á Liyel yah tōko ásô, ñ wēnpì n wēki á tyí.

* **1:1 1.1** - Nédyâh nê tyí-á n yo ásô soko yò, Nsyõ ye. Té pi nê wo tyí-á n yo ásô, Yesu yō sēpú tınkì ye. † **1:8 1.8** - «Yé tō pínó» nê tyí-á n yo yò, tókù ne: «Á tō pínó-á».

Nsyõ-á sébéy tǒ-ò nê wārki tekı mo

Sébéy-á tekı mo nê tyí à weyne à kǒ

¹ Nmo nê-á nédyâhle, nmo ye n tekı n mo sébéyne ní nénóní Kayusi tyí, nmo nê tyí-á no ní tyí kègbı yǒ.

² N nénóní, mé me ké tyí ne á tyi pól ne n pekı, á mó ne n me lèno soko palle, sǒ-á á min pi òkùle palle Liyel yah soko.

³ N yúnpyé yısyó po yo ní tyí ne, áwo-á me gbı koh tē yīn, té me n ko képah wèkì yǒ. Képah ní ni vi kègbıle.

⁴ Mâh n nohni ne ní wēnpi-á me n ko gbı wèkì yǒ, tir yó ntē nâh ní nule n vi n no képahle.

Kayusi ânê Nivini tir yónkõpu tyí yónóle

⁵ N nénóní, á me ápi yúnpyé Yesu yǒ sǎpúle n tē ple, wâh nónóne n pne ânê á nâh nónó ntēne n pne. Á me n pi ple.

⁶ Tyínono nê-á me á soko, pè ye ké òkù yo Yesu yǒ sǎpú tǐnkì yí yah. Mé kéle n yah n kǒ á tyí ne, á yòhninmõno pi pé tyí pé kóló yīnne à yīne kâh yīne kè ne n pi sǒ Liyel wèkì soko.

⁷ Á nâh we di, Yesu Krista yīn ye pè n ko kóló mène, té pè nâh fē syi Yesu yǒ sē-ńkēpú yòhninmõno yó ntē syi.

⁸ Kâh pi sē, ápi ye yīne à so mo sēnkno névyé tyí tǒ mè soko, á tǒo pi tǒ núkú pípúle péle, à gbı wèkìle névyele n wèkì.

Dyotrefi ânê Demetriyusi tyípínine

⁹ Mé vyâh wey kwéy yó to wārki tekı mo Yesu yǒ sǎpú tǐnkì tyí. Nte Dyotrefi nâh me n sah ní tyí yǒ, nmo nê-á me n yah n kǒ pí-ńsahle tyi yah tē-òle kirkir.

¹⁰ Képah ye, mâh po po yé tǐnne, wâh me nêne n pi ápi tyí á tyí yónyıkino soko, mé ki sé pól yo wah yé syah. Té à nâh me yīn képah ó tyí dé, à nâh me n fē n syi á yúnpyé Yesu yǒ sǎpú wèkõbi me n twah n tyí. Té nónó-à se tǒ ne pé péle n swah n syi, á pé yah kǒ ké pínóle, n té pè yīni n wilki Yesu yǒ sǎpú tǐnkì soko.

¹¹ N nénóní Kayusi, kâh pèkè pínóle n yah n pi, nte pèpey wo pínóle n yah n pi. Nê-à pèpeyne n pi, Liyel tyí névi ye tēne. Té nê-à pèkèle n pi, tē nâh Liyelle n pne.

¹² Demetriyusi tē wole, no pól me nmo yígbıle n yo. Gbı wèkì nê to-á à n ko, yīn pèpey ye ké tole n tyí. Ápi to me n yígbıle n yo, té áwo pī ne nê-á ápi n yo, gbı-á kéle.

Wey tyé-ńsahle

¹³ Tyi nâhnâh me ní tyí yo yo tēne á tyí, té mé nâh me ké tyí ne mé se wārki n tekı n mo á tyí sébéy soko.

¹⁴ Mé me n yah n kǒ ne mé n we kè kâh tǒ n mo. Áyâh po wē we, á ki yâh sé tyí yǒ vyâhle.

¹⁵ Mé kéle n yah n kǒ Liyel tyí ne à yèvinune n kǒ.

Á kódíbı n wekı á tyí. Wekı ápi to kódíbı tyí á kǒ pé nénúkú núkú pólle.